

中華律藏

中華律藏

第十二卷

歷代大藏經律部文獻·中國撰述〔一〕

國家圖書館出版社



蓬折直辨 彼既曲辨 故當直辨

今題疑下

淳祐初余於滄洲方丈忽得終南家業一見名題不勝欣仰豈謂宗中有此寧馨及至展卷臨文披讀首章元是壞家之子破題便謂吾祖弘律以觀妙爲本蓋准律中觀念對治常爾一心念除諸蓋等但猶屬小觀故引唯識妙觀而融導之爲弘律本未審吾祖爲弘律耶爲弘觀耶若謂弘律律何無本若謂弘觀何云弘律我謂雙弘在人據行無可既言弘律正是約教教有司在何庸借本料彼爲心欲題吾宗非事相之學謂能深究超拔古賢豈知翻爲不識心境且文中所論衣食四儀諸戒對治用心之處日用時須曲盡規猷正明戒行彼謂妙觀乃是迷名若其然者不知令於何處持戒而論心境即事而真深位方能至此地位亦何忌戒祖教專弘所被之人本爲新學深明慧解的不境緣是約圓宗而成受體善惡事法止作奉持識對五塵不容微蹤要令博地發趣知歸大小雖殊律儀不異會同三聚圓契一乘所以疏鈔

兩文開大乘解緣法界境發上品心納善種體起菩薩行趣涅槃果盡用圓實大教受聲聞小戒不分而分即權取實始終一貫令成究竟業疏圓宗戒隨章敘述次第無不明題故云智知境緣本是心作不妄緣境但唯一識隨緣轉變有彼有此文此是先示境緣令開大解又云欲了妄情須知妄業故作法受還重妄心文此是依解緣境發心受戒又云於本藏識成善種子此戒體也文此是正示圓宗所發戒體已上疏文同鈔我今發心受戒一句更同文同未受以前思偏法界今欲還受翻前惡教並起善心故戒發所因還偏法界又云猶有本種熏心故力有常乃至下文成化身佛等文此明隨行持犯囑令常思遠期大乘因果同鈔爲成三聚戒故超三解脫求泥洹果等又以此法引導衆生等兩文相照如合符節但於三聚有後受前思之異自非齊緣問答誰識圓宗遠致即同教有此之二部所明大乘因果皆是三誓而納具戒所發無作業體中具今依修行今文決題故濟緣云今此直以大乘圓義以決前體故羯磨經引



本明經中

七法一作所

薩婆多論爲正教量論云凡欲受戒先與說法開導令於一切境上起慈悲心便得增上戒業疏云此之戒法出家本務素非懷大定難容納深由矣文律本家業其實在此若便外求去道轉遠濟緣因釋教源公云教卽律藏律由戒生故律爲戒本文三種理觀隨律之經祖教觀宜用之有處戒觀兩門須分心境戒以防禁爲心罪惡爲境觀以契會爲心寂理爲境雖有觀事生滅之句此是事境如智論因緣所生法也非謂諸境若約兩重能所對於諸觀乃屬所破諦觀相冥如器諸淳朴方名妙觀又復須知修觀之法的指一境不容異念如記主觀經新疏通將三法從寬至狹約心約佛的揀所觀尅日成功豈宜通漫便是十六觀門雖本一經亦非交在觀觀之後皆結邪正天台大師約四三昧判攝一代經教所證明從行觀三大部中止觀屬行其餘二部皆是開解雖亦用觀乃託事所法也及止觀中前之六章猶屬妙解於正明境的指事中心念爲所觀境專以三千而作指南依經建立方便正修立定日限破妄顯真猶慮

○在一作重

○由下一有

境觀鑽研所發疑誤須明十境以別邪正修觀大約鄭重如此又復三藏分宗經證定學專明三昧律證戒學唯論持犯論證慧學開二智明不無交在皆明隨說戒學到家究竟三乘定學到家究竟唯識今約皆能至果同成佛慧戒無慧解但是利便觀無慧解乃屬事禪戒是能防禦是所防觀是能修定屬所修由智度故若成業若觀若禪無有一法不至果位今部文中戒明解慧及示理境成就圓宗受隨妙戒是以疏鈔戒約聖位淺深戒約根性利鈍三乘三學相決總屬開解爲出家本務期成聖道出家之言須約人約行始終論之非約位約戒局初心卽行放受篇及沙彌篇言聖道行無始未曾今是人道初步須知趨向要令進學若儼篇中列三種理觀令任智觀緣化制雙行爲除業文復滅乃已成罪當須融導成無生懷不同戒行屬未起非恒須防禁不可忘情戒觀兩分當如此知吾祖設教令開大乘解慧專依小乘受隨無不盡善四儀動用嚴切護持明知於唯識理上縱妄成業欲返妄源作法受具所破既深嚴禁愈

切是戒勝行何言妙觀故案疏云成善種子此戒體也以凡夫妄念執著妄境若非戒解無由得脫故律序云縛著由此解圓妙理觀佛地未忘今令初心爲本持戒如何操趣了妄全真不可不知也無始未曾誠哉是言若使鐵翁曾於戒觀留心誠探終不有此無稽妄誕下文至多臨時指示會元列門諸文觀法題下注字急宜去之恐恒新學以致忌戒正文誦習甚益初機私立標科及諸子註多拘已見未可全依余年老灰懶無心納續加我數年可爲糾正推功觀行埋沒律宗祖道全速直是志本吾祖著撰自有準繩然歸教儀淨心觀等解慧通被行業圓修化制雙弘真俗並運雖許凡學通攝觀機比屬化門無混制教別部流布祖意可知摘彼過蓋何可勝言一則律學無本二乃化制不分三三學失次四便後昆越學五攝機不盡六不識所宗七玷辱祖師八全迷戒相九暗託觀門十矯異常途略提此十其失更多因此忤心餘十不忍看歲晚赴壇忽聞祖教特癡善戒受大之說既乖所學甚不入耳下壇歸寺偶得受戒重

闕讀至揭倒四重樓閣豁開五義圓門之句不勝傷嘆毀滅大乘謗言祖教若謂今依法華開顯白四願大善戒漸次故爲揭倒既開五義圓門何獨不至四重樓閣不知開顯正爲於此敢問法華開顯唯開聲聞菩薩否聲聞多種開何種聲聞而得作佛開顯當機如何破顯開顯之旨功在於何吾祖命家如何建立開顯之後有聲聞法可修學否如上諸事彼皆冥然邪風一鼓滿座生疑善戒正無人敢道滅法謗祖盲瞽來蒙是可忍也孰不可忍便當力破以救祖乘妨彼調蒙聊作一書具體設問答率略照彼所爲故不介意後每相見略無驢節自謂開義能徒宗中之幸復聞有折達之作廣予流行偶得一本初讀之甚令人疑次讀之不令人笑再讀之極令人憂據彼折說何足爲破竊慮傳布後昆致成重害未免饒舌聊述所知示將來欲明此意先當定本須知今是依四分律受具足戒但能深用圓實教旨遠取如來本懷緣境契唯識宗乘發心起大慈勝行開明心境融通教門要誓無遺期向遠大所發無作義具三聚所



成業體同大乘體故鈔云我今發心受戒爲成三業戒故題三解脫門正求泥洹果業疏云是故行人常思此行卽是三業良以解心既妙教限莫拘願行相扶城心有處論其名位是聲聞人有大乘聲聞氣分亦可謂新發意菩薩正如普明菩薩經云如利利王經與賤通所懷者實卽名王子無上教法縱與衆生賤夫人合生菩提心名眞佛子經文衆生之言必談九界所謂人天小善邪見惡王惡逆調達等咸開作佛今是無上教法與聲聞賤夫人令所發業種成佛有分由圓理合容包攝無外卽此小戒當處究竟乃至果成名體不轉若轉此體爲菩薩體返見聲聞無此圓體所以記主正恐迷此於諸文中節節發問此與菩薩戒體爲同爲異如有同異當自尋之或謂體同緣異但言其同已是二體況云緣異古德有云所言體同乃據體性若約體相亦所不同圓理具法法法全同法法無蓋若混爲一何謂具法經云七寶大車其數無量又問既得此體還用受菩薩戒否若不須受約大判持犯耶若云須受無作業重發否若

如蓬說既得此體後不須受何不約大準梵網等經依行相奉持却自甘心而犯諸戒蓬云昔釋還看經否若據蓬折妄解祖文無可不可無作量否正愚汝迷警爾起心決墮無間具緣受大豈無無作既本圓極約義已具爲稟大先容其義在此如投水海中若風中鼓葉雖有大聖智亦不能分別至納大時無別三業自非記主具擇法眼深窮化制誰能曉此折蓬愚執正如經有田舍子見貴人以鹽著食中問云何以故爾貴人答云此鹽能令食美彼卽自謂尙美他物自味必多遂滿口食爲鹹所苦返責貴人貴人曰衆人調和可也如何純食彼亦如是一味貧圓樂勝不知所以圓勝吾祖聖智若依當分小業而受隨者猶在半途未爲究竟或令初步直造大方依大乘經受菩薩戒時長行遠力量未充大行難行終成退墮所以深鑑機宜用大乘心受聲聞戒非令數寶實便成功進大有由不致中輟漸漸修學成佛有期若非究我祖乘須信投心無地窮理盡性唯在世尊始自鹿野苑中歷於方等般若大機既發開顯是時斷送

聲聞入大乘境界却云即此便是更不須受然則既發大心期向深遠既納小戒戒行易成大小相資終成佛道非獨終南聖師亦出法正部主權實二智本起佛心巧設教門曲被我等不窮佛祖妄鑿愍情如此狂迷何稱善解折違破題乃至一非文意依律立法之意二失同旨既斷斯二言何所蓋又云古今傳習之妄謂善戒而受輒以四樓巧資唇舌甚乖本趣且善戒四熏樓閣乃屬經藏自出佛心通明受戒進趣等級誰謂祖師依彼立法而受具戒誰謂進趣不由斯道下文節云他依經立法受具吾祖所宗自是分準律立法受具足戒何涉彼經云非文意縱傳說者能引彼文證今所受四戒次第有何不可今所受四戒次第一家所行先五次十方堪進具與彼何別若謂今依法華開顯白四願大何須依文先受三戒豈非次第或言始從五戒終至白四無非圓受第四進大圓受何妨豈非佛意何失圓旨善戒四重伏自往古諸佛至今釋迦世尊唯除華嚴通願既且鹿苑施小而來終至法華皆漸受次則四戒皆次圓則四戒皆圓

◆亦顯示

通爲一乘而作弄引若圓若次皆不可逃四重進趣又復須知圓不礙次次不礙圓若據佛意始終在圓但以機緣未了故以三戒迭爲方便令歸大乘所以今家建立最初便令發大慈心其意在此故疏云向不緣慈如何容大慈在後也此是佛意經亦如之通經當然豈容別議法華開顯正緣定性聲聞及退大者保任既重卒難入大如來方便調停到此有可開義故說三周開權顯實總使三乘同入一乘豈唯法華是今所依善戒爲今所據記主自云善戒四重即法華部從漸受也又通謂今家善戒者廢在何文若據濟緣梵網斥二乘爲邪見善戒指小法爲方便等句自是引據今家立圖宗之意故將二部對校顯漸善戒漸機受之皆次圓機受之皆圓但不同法華涅槃純圓獨妙大小圓融故引二經爲今圖宗用大受小而爲所據豈廢彼邪正不出只一乘妙戒濟緣乃云是知如來唯有一乘圓極妙戒華嚴直與鹿苑曲亦三世十方莫不爾若據法華開顯正是開顯正是開此漸機諸大聲聞從鹿苑來非漸而何但由法

華以前未曾顯說聲聞作佛有乖圓宗點小卽大之義故揀善戒非今所據豈是特廢台宗自謂法華非漸非頓亦不曾云不用受大便爲菩薩經中雖汝等所行是菩薩道乃點化保證引進之意經云舍利弗汝於未來世過無量無邊不思議劫奉持正法具足菩薩所行之道當得作佛記家前明法體云於菩薩戒中摘取小分以爲五八十具後既開顯盡用付之付之言爲在何時又云殺盜已制不復重明重明之說爲指何處後結文其意自見若如達說唯是白四得受大戒今梵網亦不可用無稽妄說如何可依梵網斥二乘爲邪見亦是令入大之意達云五六百年教門抑塞乃至又缺溫尋何能釋然且大智律師中興教觀正是問生誰不克伏一出圓宗五義教旨坦然明白代不乏賢至今無味如竹溪拙庵諸宗匠說妙談玄異宗稱美達何輕誚謂缺溫尋達云未審曾看羯磨經否彼經依律建立受法爲成何事首引多論起慈發心爲成何法疏釋此文乃云此之戒法指何戒耶定難容納何時納耶此之

四端皆爲受具誰不知之料彼曲見卽此小受使爲納大自謂得意強設難疑所以下文白四受大無稽橫議混亂教門勝鬘經中三乘初業不惑於法非彼所知平生好學及至而今不究教門不分化制不明受隨不識因果不知圓是理體大是教門却云白四納大大小小混亂記釋鈔中發心受戒謂卽今所受此丘戒也又釋記中常思此行謂白四所受聲聞戒也深體教門何曾言大圓實理體化制難分不識義具便爲三聚濟緣記中自釋微縱警制業分之則無有蓋實持又問今此所受卽爲三聚爲非三聚若云卽者後須更受菩薩戒否又復大小混亂如何分別若云非者戒從心發既發此心那非此戒大見錯解便自求之彼不自求故致錯解何不詳究若云卽者以下諸句却執若云非者下之句而成迷誤受是願體隨卽行用大乘因果自行化他要誓深遠業體圓具當於隨行常思修顯遠期進受大乘三聚趣三解脫自行化他同歸究竟受隨交混直成妄執大乘因者諸法實相大乘果者諸法實相受大行大方

是真因是以法華授聲聞記令於無量無數不思議劫行菩薩行當得作佛白四言下三聚究竟彼說因果輕易若此因不識此四種之法是故始終顛倒無歸出家本務聚果修因自行化城心有處要在初步因發心一時圓具業成無作為善種子如是立誓猶屬妄念故事鈔如此發心尙是邪見想引智論云始學凡夫邪心中諸解心既妙能契實理理包容無法不具濟緣得意故會三誓三戒三行三脫三佛三德在乎一念隨舉一法即具一切言有前後理無各別如是心受即發圓體如是心持即成圓行圓頓之義豈過於此華嚴無上菩提本淨名能如是者是名奉持涅槃欲見佛性等皆此意也下文又云故正受持偏緣法界勇發三誓翻昔三障由心業力結成種子自爲戒體濟緣恐執此圓義不分大小故乃問云教有分齊何須此示答云爲成本宗分通義故乃至扶通深之部意爲廣大之先容鈔叙發心爲成三聚此明隨行次對三身願行相扶彼此交映彼即期心後受此乃即行前修方見圓宗深有來致蓬云引余

◆ 第八回 ◆

已決之文而生詰難未審此蓬爲如何決又云爲見講學蓬心曲見埋沒祖乘蓬心埋沒正在於汝何推講學蓬之所說都是曲巧妄生穿鑿記云即行前修蓬謂白四納大既已納大如何論即說曰意在後也若非後受望誰爲前是則無聚可成無身可對若謂望果又且無因或云點小即大復自無小可點無小無大如何論即然如此即正是聚即但閉即名不識即義常思此行乃是小行此即有小即是三聚乃是大行此即有大在小思大妙行圓融與大相應然後大正是祖意豈容妄說記云即行前修期言在此下文云當知即是發菩提心修大慈行求無上果此名實道此即大乘此字學竟掛鐘量法門種種施設莫不由此又問三世如來十方諸佛示生唱滅頓開云三聚三身爲同爲別答語異義一三身即是三聚三誓心佛無差因果不二能如是者始名圓戒是波羅蜜即究竟本又是知行人若發此心若獲此體即是三佛之種如上記文若因若果自行化他皆是願體具上諸

● 附錄

● 區區下

法如地具桃李雖未出土枝葉婆娑分善種子者即是此義期乃直顯心業圓具之相如何將爲已成三聚若便即是究竟三聚亦須即是究竟三佛無量法門皆悉現前是則天然彌勒自然釋迦何故祖師下文修題名法身佛豈以所發戒體爲已成因果是以疏家恐忘此體約具明即囑令常思記主云此行即白四所發聲聞戒也由契圓理立誓稟受故此願體能具諸法前發戒緣中云此之戒法出家本務素非懷大定難容納深有由矣又云向不緣慈如何容大意在後也結指云今識前緣終歸大乘誠心於處故知祖師一部疏文始終在此約受約隨建立圓宗成就此行正爲受大先容欲成三聚妙戒全不能體佛法大意區區只欲白四受大壞善戒四重

蓬云白四竟時思願滿足暢遂所期三聚究竟豈非上品受大成就之處敢問正白四時用緣慈否若不用緣無作業體從何而發若用緣者祖師疏中何言爲向若在此時正爲納大祖師何云意在後也今論受戒所立之誓不獨斷惡所發之戒不但律儀所行

● 爲一已

之行不專爲也所成之果不住無學成此圓機故堪受大鈔云爲成三聚其意在此豈不須受即便是耶如昔光師全以四分爲大乘故資持破云四分是大將何爲小即應梵網體行全同菩薩聲聞二戒無別定知不爾是以祖師語意從容義當分通深扶教旨又同上品心者爲全是大爲分通耶答扶成本宗分通義也今蓬乃云上品受大雖本分通終爲教局立圓決教成於分通上品受具何云受大上品教心正是圓義何云雖本分通更立圓決須知上品圓受正是要顯本宗分通是則圓宗上品即是分通若大乘三聚本來自圓亦何須立只緣此大在小故曰分通若便決得成大則亦不用別立故濟緣云既顯分通何須別立答義雖通大教終局小不可蓋通故須別立今詳蓬說有三不可一別上品圓受受小非大二乃上品即圓不可分三三正決義通何云決教記云教終局小不可不明乎故知上品圓受舒之則包大小捲之則唯四分鈔云我今受戒爲戒三聚戒故三聚戒者是何法相出環珞經云菩薩三聚攝行期盡攝

律儀者律儀斷惡結業煩惱究竟斷故攝善法者世出世間大小修證究竟修故攝衆生者一切含識究竟度故若但因暫發心不曾依經稟納但是虛發解誓不成大戒持犯經令千里求師豈容率易今是凡夫果證未有戒行亦虧雖在一心要須歷進古人所謂解容圓發行局漸修

問既須漸修恐妨圓義答終日漸修終日圓進若不分者初住圓人尙有四十一品無明未破還須漸斷豈非圓耶佛祖正教坦然明白邪人說之翻爲邪法如上記又正意雖顯彼用蓬心曲巧穿鑿恐或後昆未糾正更引疏鈔重加釋顯翻經中首引多論凡欲受戒於一切境上起慈悲心得增上戒

問所引多論乃屬有宗起慈納戒卽分通義答記云諸部時有此意但不如四分五義灼然今與助顯此是佛意非教意也吾佛世尊不覺漏洩

問今既約圓發上品心須具三誓爲成三戒但云起慈上是度生答濟緣云然雖三戒彼此互具至於修奉恒用攝生則能任運含攝一切豈止餘察耶論云

●弟子願解

凡欲受戒既云凡欲必不揀大小非止四分一爲三乘初業二乃出家本務疏家得意在下釋文又云此之戒法出家本務業非懷大定難容納深有由矣業非懷大定難容納深有由者釋上之戒法依論起慈乃三乘初業不愚於法又云向不緣慈始何容大意在後也釋上出家本務期向遠大得意在此如折蓬將方便教通不得已而釋此法反責余曰得意何淺疏云如善戒經菩薩戒本卽七衆所受者向不緣慈如何容大意在後也

蓬云疏家卽是引證之語何待蓬說但非引證妄說已記主自云準此經意凡爲比丘必受菩薩大戒今受小戒向前緣慈爲受大戒故云意在後也蓬凡見引便爲人他依經立法受具足戒妄云起慈納大有所承據起慈納小何爲納大正緣起慈納小爲後納大先容是故疏記妄曲釋顯全不曾若經中無一本字亦可如蓬穿鑿穿若七衆戒卽菩薩戒何用立本只消便云菩薩戒七衆所受者是今欲但受七衆戒不受菩薩戒者但有受能之本而無所受之法

蓬云七衆既許受菩薩戒比丘受具納大具納大何
 疑除蓬一人誰曾不許七衆受菩薩戒比丘受具納
 大出自何文此善由不識大是教門圓乃理體理慧
 既圓所發小體同大乘體記中每云此體此之一字
 爲指於何鈔云我今發心受戒爲成三衆戒故題三
 解脫門正求泥洹果又以此法引導衆生令至涅槃
 令法久住發心受戒即發大心爲成三衆題三解脫
 即行大行求泥洹果即成大果又以此法引導衆生
 即起大教令至涅槃即歸大處與天白五此皆是三
 誓中遠期因果其如惡人作教全不曾看實持記中
 節文解釋自作三行分之云發心受者即今正受比
 丘戒也爲成三衆題三解脫門遠期大乘三學即因
 行也求大涅槃即圓果也以上皆爲自行又以下化他行令
 法下護法行

蓬云除此三句引證之文餘無一言關涉善戒想不
 曾看疏中前明頓漸通局云如善戒經欲求菩薩戒
 者先當淨心受七衆戒趣菩薩道欲知大戒唯是漸
 受文且不曾言白四願大也又濟緣云如前云如前

善戒受五習十等餘無一言豈非欺誑圓宗撥大文
 在何處若執不得受大之句而云撥大圓宗者是不
 曉下文委示

敢問上伸受緣猶涉權小者若言所依之教所立之
 法正是權小何云猶涉若據能發之緣能領之心自
 屬圓大何謂權小經及疏鈔兩處立緣並引多論起
 慈爲正教量聖師發明盡約大乘圓義記主顯釋更
 有何圓在此之外蓬不曾看却道是我上品之言論
 中更推說但論心之濃薄不明其相祖師契圓實理
 教約義而立作圓宗本何云出論蓬說圓宗只知出
 體之文不了始終一貫文出業疏義說諸文資持約
 體分教通判一代能證故云且依業疏說三宗以示
 一家處判乃未所出文業疏若爲然者空有兩宗亦
 唯出此故濟緣引疏鈔兩文對明受隨三衆三身豈
 是圓宗唯出業疏

蓬又云前是依宗出法後即立圓決通依宗出法正
 爲受豈有受已始論次通而前後是何言歟不知前
 圓約受後得示圓余所謂吾祖得意者得用圓受小

是三乘初業出家本務期向遠大之意蓬尙不曉我言出能了此祖意重關亂道掩耳惡聞來此提撕可見無恥須知三聚大義鈔在發心處說疏於隨行中期明畢竟二部受隨相貫要識大意不可遂文蓬又引祖文大小兩乘理無分隔鹿苑雙林大小至益不審蓬意知是何教唱小教大顯大成小豈於大小規矩之外別有教耶緣不識此是大機合從小入小機合從大入此乃果佛三密起機台宗據此立不定秘密兩教唯佛能說如何將此說法悟道證今約緣發戒此文可破蓬之妄執定須修觀方能破惑顯理余所謂圓教章中決前受者自謂前既約圓納體故後說爲善種子至此明示故云決顯下疊難意破余所決決大決小決體決儀今家既非依經行受盡是野決非實議論吾祖所立圓宗正爲扶成本宗分通義故爲成三聚何但上決空有決空有者顯圓融之用濟緣所云捨此二經餘無此義者正示圓宗所據乃明用大受小非謂用小受大大小圓融唯出二經法華開聲聞作佛涅槃扶小律談常蓋由戒禁業非業

起心毒四方雖禁未窮其本故準二經圓融之意別立一宗開廣戒學窮理盡性進受三聚究竟到家非是依經受戒白四頓大也圓宗分通義如前說緣蓬不識妄分兩意由不識故堅執爲大言圓不局於大言大未必皆圓是故記主正恐迷此特伸問答蓬更曲消轉增欺誑記中自云白四所受聲聞戒也何倫兩字迷惑於人點小即大蓬不識即故將此小即彼大戒不知此小由理圓故全體同大方是即義記云若獲此體此之一字乃對破大戒蓬因不識反執爲據若便白四受得大戒正合文意何須問決上品受具正是圓義所言決者顯說上品圓受之義蓬云未圓待決方圓若依發心納體已竟至後隨行方爲圓戒何有此理若謂後圓決前立法故成圓受祖師排布次第有儀儀境發心依心受戒然後示體始終一貫說有前後理無隔絕豈是至後明體章中方立圓決是何議論況答意中所引善戒三爲方便假宗通深自能不住立圓扶成爲大先容不識文理妄折記文最爲可惡自初至後故前三戒並名方便

先叙善戒次受之相假宗知權之下四句之文顯今
 圓受正答問意故文曰假宗知權不住方便符通深
 之部意爲乘大之先容達云假宗知權即於小法便
 成究竟文中何不直云不用方便而言不住不住正
 謂在小乘大豈非先容記中四句文理相貫答釋甚
 明又云乘大先容者立圓爲乘具納三聚也據達立
 義立圓在後決前所受受居圓前先容何在況今答
 意正在隨行取圓受圓隨爲乘大先容豈爲乘具先
 容耶又云有何一句爲後大先容者濟緣明謂鈔叙
 發心爲成三聚此明隨行次對三身乃受隨相應無
 非爲大若如達說何故資持釋爲成三聚爲遠期大
 乘戒學遠期豈在今受大乘三學何非後大又云期
 心後受謂在受具迷倒尤甚此亦是答前用圓之意
 進釋鈔文爲成三聚所以用圓若指受具豈是於後
 又云前修乃望果爲前大智律師太欺我哉誰便不
 知修行在前證果在後特勞指示如此釋義直如兒
 戲即行前修者已於具戒能立三誓所發無作義具
 三聚前修乃由漸之行汝於大乘不知等分一味輕

●書一
 卷一
 目録

視諸祖大小雙弘如來權實二智無非化導令從小
 進大至於此義未曾輕懷又云受緣大乘且據分通
 後立圓宗乃論圓受者是以書中所謂初約圓受受
 後圓者正難此妄却云我醉立緣何爲若便與後圓
 宗不同受在何時達見疏中立圓宗處在後明體章
 中前所立緣爲受戒否若用受戒又且未圓若不用
 受却成虛設所謂大乘正是言今圓宗受隨大乘多
 種誰便不知達所據者殊非通論凡言大乘有不同
 義但在能詮乃有隔歷圓融之異所詮何別故云一
 切大乘莫不皆以妙理爲體此體之外復有何理爲
 大乘耶達引祖文所用不同皆屬前事大乘何則今
 立圓宗正取一實豈於圓受而分兩樣欲彰深究反
 成穿鑿疏中作法受者正是述前圓受之相若乃至
 此方是圓宗所謂受戒謂此圓受與前不同
 敢問疏中依論起慈鈔叙上品發心無非皆是用大
 受小大小相卽正是圓義但達文相不思大意齊緣
 云雖三聚至具至於修奉恒用攝生任用含攝一切
 豈三聚含攝一切是圓義否起慈納戒非攝生耶疏

鈔兩文一宗論受雖包權實祖意在圓若分兩意却見兩部次第排布皆非了義又云疏中提起小法以圓決顯之處與鈔疏不常引用之文大別此又見蓬曲心穿鑿而無遠致此是祖師用圓之處圓何管別提與不提但觀文中大小無間即是用圓緣境起慈皆爲受具善戒七衆爲菩薩本鈔中受小爲成三聚法華開顯涅槃重扶無非此意蓬因不見提起決顯便謂天別

遂破余曰不見排布受儀便謂圓無受文蓬若不解何出此言料蓬曲見將圓宗出體之文方明圓受不知前論發心唯取上品今明戒體意在圓宗始終相應受隨一貫故至此文究竟敘述前將二部次第融通如合符節其理昭然則知蓬欲顯已能指圓宗受文故假外問謗謔古人設有此問亦何須答外學何知蓬欲顯異又是不曉一宗大意故此穿鑿何不自嗟先輩歷陳著撰賺人處多屬令我者欲辨是非付之來哲余云分通屬機教者蓬何能識如來照照有此機設此教由其在小不住於小慕大未歸於大是

故設教小中露大大中容小部主知此故立一宗道證無學即是小理終歸實道即是大理記云深有最淺之能教蘊分通之義豈非此意蓬引事鈔發三種心收三種教詮三種理三種心非機耶三種教非教耶性相二空俱是推折達相不同皆屬機也眞空何異只一權理縱是大乘十八空十空等皆從境立空亦無別受具習大佛祖明文却敢斥何言歟若謂破我不曉何不破蓬妄執余云受與不受自屬機者言時人也今或有人雖知大爲究竟自識分量不可棄小且守已納未欲進大豈不由他何推妙觀折蓬始末皆是不解文義所以曲巧妄破不思梗短翻恨汲深

蓬謂清緣所問菩薩戒同異等文不得詳而自顯爭奈折蓬尙不能何由自顯記主明云必有同異蓬何得言思疑有異佛祖記主皆令後受蓬何斥爲不了之師驗蓬出言全無準則余云太圓欠圓是則未是皆是破蓬蓬都不曉却推教法白四受大豈非太也但能圓小不能圓大豈非欠也將圓爲大是則未是

◆四一 作四

本謂良馬故不註脚今如此釋駕駱亦曉法華開顯
祖師立圓記主三義雖云未是有何欠剩余書云只
緣將此大戒推與他家乃至只一待字雖消故特將
爲廢大正爲點蓬愚迷却將莊做佛祖蓬凡見書中
說他短經處推祖教祖師自謂我今發心受戒爲成
三聚戒故何曾不受推與他家若云卽此便是成今
納大資持何云遠期大乘三學遠期之言豈卽此耶
蓬若不肯受大豈得因蓬不受三聚絕滅他家盛行
豈非推與彼

蓬破余曰必謂不乘三聚窮磨爲推與他淺局之見
也余曰深也非淺局矣只緣蓬素不識事理圓是理
體受是事用聖人有悟中之事理凡夫有迷中之事
理迷悟雖殊事理不二理則法法圓融事則一一不
謬理不離事事非理外事理一如方稱圓融極白宗
乃明事理二造性具緣生究竟爲一

蓬云白四言下尙發三聚是誰亂道引來況釋若使
大中跌事則令小內虧圓由蓬殘毀祖乘故斥包羅
不盡記云前並小教此是大乘以大決小不待受卽

◆弘一 作五

圓頓義也此之一字乃指圓體以大決小卽小是大
故三決也由理圓故故不待受正彰頓義若容不受
合言不用受大預先具大故云不待受大後若無待
圓頓何成不識字義妄妄云分曉莫汚祖文庶免苦
報廢大甚明言無畏忌特與謗妄可謂無事造罪
蓬引書云立圓既極大小雙弘乃至可令人笑此一
段文半是迷半是欺圓法華開權顯實涅槃扶律談
常終窮至極純圓獨妙吾祖依此建立圓宗是圓極
否用此圓乘是弘大否專權戒律非弘小耶善戒七
衆所受爲菩薩本事鈔我今受戒爲成三聚此等雙
弘何爲隔歷經云但念空無相無作於菩薩法心不
喜樂初圓佛法遇便信受思惟取證是辨得小十方
佛土中唯有一乘法無二亦無三是辨得大般若我
待說所因成就阿耨菩提必以大乘而得度脫汝等
所行是菩薩道請開顯也雖是戲汝甚有義焉不肯
依經受菩薩戒是不辨大直以白四便發三聚是不
辨小中間橫議皆是綺語何堪推究
折蓬云吾祖弘律以妙觀爲本事相之學聞斯必驚

不足惟也。非獨余聞而生驚。惟記主見說事無驚乎。若吾祖得知豈不惟也。諸大祖師一切世尊亦必惟。蓬言無公當聖師。自云煩惑難消。要由方便致設三學。用爲治元律。云爲關三毒。令盡故制增戒。學是知三學爲佛法中公器。豈得併爲一路。獨推觀功經中亦云戒爲無上菩提本部主。乃云三世諸如來皆共尊敬戒律。序云如是諸佛子。修行禁戒。本終不同。邪流沒溺。生死海戒疏云。舉宗以明持犯爲正記。主云三藏分宗所詮。乃異據行。雖通廢在教各有司在。如上所引皆不見以觀爲律。本便是諸文對破戒論。但有勝劣。非全無與戒毗尼者。乃其義也。蓬云十方諸佛成目證果。本豈越斯。且佛以五分爲身。何獨本於一觀。又云三乘賢聖上求下化。功惟在此。且三乘聖行曾受戒否。能施戒乎。道非觀而不則。淺深且論。中何云道品樓觀。以戒爲柱行之事。理昭然可知。何假觀分福慧乘戒。化制大小。盡是通途法。相何總歸觀止。觀雙游真俗。並運吾祖觀學妙盡於此。雙弘可也。何爲律本。又云今宗教觀並準開會皆

一乘者且教既一乘。何須本觀終南妙觀本。卽一乘何待開會。方稱爲妙。便是戒學亦卽如來本有一乘。圓極妙戒法華。但是開顯而已。戒體章中記主深達實異。常途拆蓬建意。雖欲反常不能。合道凡爲修觀有法。有體有行。有相。豈將妙觀以爲律本也。途云弘律以戒爲本。以持犯爲正。蓬云彼以乳兒通知之語。以戒聖賢使其易信。余曰雖是乳兒通知之語。爭奈鑽翁不知祖文。自云律宗其唯持犯持犯之相。實深非夫積學洞徹窮幽盡理者。則斯義難見也。蓬謂易知故多妄解。妙觀之義。誰不知要用不得。處翻成誑妄。折蓬云吾每見吾宗學者。以祖師諸文示觀各有別意。乃至五例解中曾辨此一段文。正所謂全迷戒相。暗託觀門。欲明此意。先須定境是約圓宗。而論受隨須以法界爲量。仍知事理不同。不分而分。修觀據理受戒緣事不出。只是十界依正。雖事理相卽而用與不同。不可一槩等故事鈔云未受以前惡偏法界。今欲進受翻前惡境。並起善心。故戒發所因。還偏法界。

又復須知圓宗戒限通禁十業意地管起盡屬所防
 總歸制限未涉觀門此是通論大教限量若約戒觀
 的示用心所依無過衣食四儀語默動靜然而此境
 自不能成善惡業行但由戒觀依此而行戒學言之
 森然萬境何事非持日用時頃不出在此是故祖文
 備立群篇廣引三藏欲令謹守無犯所以深切著明
 決同大小律儀遠期三聚妙戒推窮過本起自三毒
 欲絕妄源更深防護故約化制兩門所明觀念對治
 淫觀不淨殺起慈悲盜懷知足妄思眞實上根利智
 衣則著者則口口房則步常以五觀在心無使臨機
 異念故律云常爾一心念除諸蓋中下根器通作一
 觀望上而學漸資後習雖犯成持更有業重障深妄
 情難遣須作假想姪作地口火聚食作糞屎蟲窠鉢
 作血塗穢皮熱鐵葉等飲作膿血等想無非爲遣妄
 者著圓成清淨戒行是故疏中囑令常思使城心有
 處一宗戒學功歸在此所謂假想者大師云卽雖未
 爾想力若成佛怖畏心起能大助道開發正慧豈非
 持奉之助戒行也末學者皆知唯達不聞若彼連引

諸文細推盡歸戒學所収妄謂祖師將爲妙觀豈得
 持戒全不用心臥地止持何成持犯又引判教屬憶
 念輪正當戒學何歸觀行又云常爾一心念除諸蓋
 是用觀破惡蓋由不識三毒諸蓋通於業惑說戒成
 觀今既結犯正屬戒宗業疏恒憶恒持乃無作功用
 一切戒行皆無作所重此諸恒字要人當持微縱結
 犯未審制誰所謂觀境者亦是戒學所防之處此爲
 事境文云觀事生滅者是然於此境若不用觀何成
 聖行不論大小須明諸觀所以文云知是無我人善
 惡性相觀事是心知之一字能觀觀智無之一字所
 觀諸境唯識觀中觀是能觀心是所觀皆以理觀契
 於理境方成妙觀故資持云前二性相以空爲理後
 一以心爲理我人善惡等事皆屬諸觀所破之法四
 明法師云須分兩重能所如器諸淳朴若使不以理
 爲境者能觀之觀契合於何我人善惡豈能忘泯但
 逐事境何曾會理須知祖文明觀之處莫不皆具兩
 重能所但逐名言不能推究所以論云說智及智處
 皆名爲般若以如如智契如如理又復事理兩觀創

心修之皆觀事中一念若觀此心卽事之理各爲理觀卽理之事名爲事觀故荆溪云隨緣不變謂之性不變隨緣謂之心生佛依正等境皆可如是論之今宗唯識若總若別亦當依此之二義而論略分戒觀大約如此折蓬矯異不落規繩戒不成戒觀不成觀迷屬於蓬破他何在鐵翁宗師生平自任輕視同途特撰家業爲名自欲發揚已見意謂盡理期廣流傳不知罔冒太深竊昏祖教余以長盡公心諫諭似是知非猶負抑鬱何以知之書中所說一依祖教於理昭然若不知非何用改他語言埋沒正義廣揚著撰構架折蓬文飾邪非重爲禪器故於祖文曲巧讀研奈何正理難移轉增私忿邪見大慢一時併發於此文分明可見故彼文云若不用觀行屬有爲戒成凡福遂引祖文若執戒爲眞道道則戒結所取乃至道在邇求諸遠宜反思之彼文吾祖教觀何所不說之體正是意唯歸四分良由部主博考三機殷鑒兩曲包絡權實統取名理結集茲藏通被時負記曰深有兼淺之能故傍取有部教有分通之義故終會圓

乘聖師得意準法華涅槃建立圓宗扶通之部意爲廣大之先容依此受隨咸歸實道所以制作敷之則包羅法界卷之則唯在一律如星拱北似水朝東若也依蓬奪其弘律本歸乎妙觀之宗正如容似主人國人難辨却使一家教典所弘三藏大小戒觀化制兩門觀念對治及諸祖誠言發明解慧皆無所歸咸失主伴至如三種理觀隨律之經既僭爲本隨律何在料得鐵翁但濫遂妙觀虎名曾不留心實學彼所弘戒既虧解慧全缺莊嚴豈非任戒集業執則障道耶自佛法東漸諸宗諸祖隨所闡揚建立門庭各在其本何曾交互如此顯異欲自主張妄謂深究祖懷實是埋沒聖教來學易瞞慮成違害又引四句義凡論四句欲取雙美蓬既劣於戒尊於觀豈兩得乎余云戒行觀行皆能發於定慧者因戒生定因定發慧三藏諸祖莫不常談蓬因能知但由不了戒有勝劣行有靈妙一槩相得定須本觀若欲推於觀生定慧究竟知見但遂文言曾不思修何能解曉須知創心修觀皆以第六云王數爲發觀之始豈得便是定慧

智論云始學凡夫邪心中語受戒發心亦屬妄想故
事鈔云如是發心尙是邪想戒行成功業非不起方
發定慧初心修觀定慧未覺梵語三昧調直須以
三昧調停進行散則止之昏則照之觀漸熟定慧旋
明止觀二法卽定慧者此約法體修成言之便是觀
成進入後位亦須因觀重發定慧次第進入所謂禪
定乃有多途諸天所修世間味禪佛弟子修世間淨
禪不出皆是四禪四空諸天修者用六行觀厭下苦
羶障樂上勝妙出地居修之發未到定生夜摩等能
居於空至於他化發得初禪脫於欲籠得生色界次
第進修至非非想皆是六行觀中修發名世間味禪
若佛弟子用無漏心修八勝行名世間淨禪若出世
間及世間上上十種大禪皆用無漏觀智次第修發
故攝論云唯識通四位修所謂慧者歸敬儀云無分
別智念念利鈍五十餘階豈非用觀次第修發觀行
能發禪定智慧是信不謬矣

折蓬謂余所弘祖師圓宗一節至於若據諸文戒但
止業此文叙戒而云返妄彼之不曉便謂成佛功唯

在戒我若不說祖乘何顯今略叙之莫謂顯異當知
圓宗言戒卽一佛乘一乘妙戒全體融染全體澄凝
全體照用三一互融體絕思議乃至考彼前後之文
妄意若此彼余竊觀彼一節之文猶如醉醒又若顛
狂祖師記主皆約圓宗一乘妙戒始終詮辨蓬乃每
云若不用觀行屬有爲戒成凡屬忽於此中言圓宗
戒有許多云妙若非醉醒畢竟是何誰妄自稱我若
不說祖乘唯在戒但爲見蓬但爲不有律宗獨推觀
行凡見祖乘所立法門盡用修觀方成道業不知入
道通於餘行故曰修觀以戒爲緣善提以戒爲本見
佛性證涅槃深心持戒如來之身以受戒爲本勝覺
智論卽大學皆是祖師引證圓戒謂我不識唯蓬知
之但執成佛善提唯在修觀更無餘法此實見取反
謗於我謂唯在戒若能識彼無入心之論欲莊人之
失此七自墮任運無歸

蓬破余曰吾祖三觀用之有處所以只緣蓬迷不識
解行盡將解慧而爲觀行故謂不局通乎諸文鈔受
戒篇三品發心記對三觀蓋是祖乘所論戒觀文義

●於字更細

主對解行相當各有三種豈是令修三觀爲三品發心記云初祖談命不令得脫卽二乘心據小乘中品所修以法開解自他兩利度非究竟卽小菩薩難期佛果行處中間上品導令至涅槃同歸佛道卽大菩薩上釋受戒下乃準顯準沙彌篇三位配之恰然符何顯此詐驚張非狂何耶敢問鐵爲此圓宗妙戒爲是吾祖所弘爲非吾祖所弘若謂吾祖所弘吾祖弘律自以妙觀爲本若不用觀行屬有爲戒成凡福正屬諸文上業之戒豈是返妄圖宗一乘若也非是吾祖所於今此圖宗是誰建立令誰弘闡若云卽此便是律本妙觀文中自云於本藏藏成善種子此戒體也何曾言觀或謂當體卽是觀者旣言當體也體具澄凝照用之德何推妙觀若言唯在業疏明體章中有此妙戒却見疏鈔餘文祖師記主說圓融處盡屬閑話皆是長語是蓬深迷却云說顯所言諸文皆上業戒何故圖宗文中亦云欲了妄情須知妄業餘文止業圖宗返妄又見吾祖戒分兩樣當今行受令受何耶任戒集業執則成障但在機情若據佛祖無

非爲道誰言成佛獨推戒功誰言戒德非成佛本誰便不知如來出世所設化用三學齊功余何嘗言成佛菩提功合學者至此宜須明辨行果分齊學者至此宜須明乃屬發心受戒期向行果淺深要知遠大豈令修觀安居篇中令修觀者九旬之內通明所行無過事理記因釋鈔靜慮思微故曰微之一字兼含事理事則憶本受體卽戒學也理則達妄冥眞卽定慧也卽沙彌篇三觀二空卽空爲理唯識卽識爲理此釋思微一夏用心無宜偏局思微是道既兼事理戒亦見有分乃是安居修觀豈是用觀安居稻梁餘味才士常談取喻祖乘何求所出但恐牧童不曉何疑學子未聞所謂通霄路者資持因釋上品納戒云攬無邊戒法歸無盡藏藏成善種子作聖道基翻無始惡緣但爲戒善變有漏苦報卽成佛身我等云何不自珍敬佛恩深重粉骨難酬苦海導師朽宅慈父得出火宅得離苦海何止通霄可喻其路圖宗言戒旣制心毒此貪瞋癡在惑卽是見思無明在業則有前七後三故云譬如伐樹始必利枝豈唯種果無依

● 觀戒法

柳便根株漸朽戒禁業非三毒既輕進侵惡業須知
 圓教三惑一體皆貪瞋癡而爲其本惡業分位煩惱
 重輕只忘由智親疎故便或落前後今圓宗戒會同
 律儀爲稟大先容故綴絡經云律儀禁惡結業煩惱
 究竟斷故況復三乘任運互具成佛有餘稱美之謂
 蓮之局執凡見祖文稍涉理慧便作觀解封彼信關
 正是折蓮且淨心戒觀序云諸部則以教開斯文乃
 以觀示終若蓮偏見必言諸部是開解斯文只是示
 修佛祖教門當求大意片言隻字豈宜妄執觀之不
 已爲觀行之不已爲行觀行二字豈易承當記主知
 難故有斯讓余云沙彌篇大小此決蓋蓮不知沙彌
 建位入道初心出家學本始終期向律觀各立佛祖
 正宗律觀相須蓮不知處待至下文更與納辨余云
 懺篇所用亦有意焉乃引祖文顯相須之意
 蓮云乳兒之見意焉乃引祖文謂高了若其然者聖
 師記主皆乳兒耶實持有人問曰題云懺六聚法那
 出無理懺乎是故答云不曉化行二教罪懺相須若
 唯依化懺則制不志若專據制則業道全在故當

化行齊用則業制俱除故鈔云五乘犯罪事理兩緣
 事則顯教無違唯識理則違妄外塵本無又云諸聚
 依教自滅業道任自靜思此明五乘犯懺不可事理
 偏用以事懺制以理懺化但緣折蓮不曉無違唯識
 一句便將此爲理觀非獨論懺凡見部文纔涉理慧
 便自差排以觀受戒及一切法門須用修觀妄源在
 此事則顯教無違唯識鈔中既判事即是依教自滅
 正屬行懺專據制科下云理則違妄外塵本無即屬
 業道靜思乃是犯懺唯識妙觀若也事懺便用妙觀
 下立理懺又復何爲豈名化行相須不成事理雙用
 今之懺法既云化行相須其實事理無混方見聖師
 觀不蓋下引攝論證上事理論云唯識義不失不無
 能取所取上句證上化理下句證下制事所以記主
 廣斥愚迷彼則妄看邪空以致機因獲果蓮乃顯執
 玄妙翻成無別無分須知理則法法圓融事須一一
 分齊既殊趨向豈合同途是蓮貪深非余學淺既知
 觀是即事之理何不曉戒爲即理之事在戒則戒正
 觀傍在觀則戒傍觀正隨經之律隨律之經斯之謂

●無難作元

也須知今宗論戒定慧齊肩各自當家不曾借本祖師記主句句從容鐵翁問生言局執想因書論忽醒驚張仍是太圓不分戒觀信知玄妙不易可談余云凡論修觀須其境乘有十境又云所引之文皆是理境及以解慧未見疏記而作觀消鏡翁太笑余則悲嗟只此斥文連改三字一書之內改轍甚多境乘改作境觀理境改作理觀疏記改作餘記然大丈夫凡有破斥須論實事豈應改他字義且欲成我笑端若便知而故改即是小兒知見不知誤寫無有長書在蓬几案既將開版何不細看以義定之如此草卒知蓬所問亦可見也余云今家所立三觀齊用祖文自云任智疆弱隨事淺深非齊用耶佛祖設化理當如此唯在一乘推佛本懷祖師弘闡故須盡善三種意語遂但學言不知正是佛祖所用若據吾祖深鑒當機正在隨他意語故淨心戒觀云於汝見行諸部過患教修對治四十二地空宗真理唯可知聞影像隨相力所未及今唯便汝淨除業障客塵等推此文意急於戒學專權律範聖意可知余云三諦三

●唯難作原

●無難作原

觀非祖所立豈妄將傳持鐵翁意言妄自差排諸祖立觀各有所宗豈將一字半句便爲今所準承凡蓬立法輕狂若此吾祖三觀諸篇取用真俗並觀即以自行而爲化他蓬問唯識空假中耶余即答云唯識觀也乃是隨問依名而答豈是傍若無人蓬將修觀能所始終返難問者真傍若無人也余所書中列蓬所立蓬謂理爲戒體乃出祖文蓋爲不識法界有事理故謂余戒觀各有四意戒中四意是蓬謗言或爲迷文觀中四意其理當然諸諸學者子細辨明須知祖乘有旨趣有關節所謂旨趣者能詮只是聲聞律儀所詮無非比丘戒行敷之則包含一佛大化取之則唯歸四分假宗所以疏鈔兩文皆引多論凡欲受戒必先請師開導緣慈爲正教量是故疏釋發心趣向心趣向云此之戒法出家本務業非懷大定難容納如善戒經菩薩戒本七衆所受者是向不緣慈如何容大意在後也中間示體文云時知境緣本是心作欲了妄情須知妄業故作法受邊爲妄心於本藏識成善種子此

戒體也。後明隨行云：常思此行，卽是三聚大小俱心。律儀不異事，鈔明受云：我今發心受戒，爲成三聚。乃至至涅槃前論戒體云：以此要期之心，與彼妙法相應於彼法上，有緣起義，領納在心，名爲戒體。後示行相云：知自身心，懷佩聖法，下爲六道福田，上則三乘因緣。緣約六種三法：一、互具明白圓體圓體行，引華嚴涅槃勝鬘智論證成圓戒資持問分通之義，出自何人答如來立教，彼此機緣，部主深知，還符佛意，別立成宗，是以前後律序法正所安，多伸此意，豈不明乎？又以三種理觀總一切經教所證三品發心攝三乘行果分齊三宗戒體，便兩部受隨持犯此等皆是祖乘旨趣，折蓬雖不知大途宗旨，亦能提起小法以圓決顯之處，與平常引用天別所謂關節者，亦不離於旨趣。以三體三品三觀文義主對解行相，當決判大小化制受隨因果戒觀解行持犯重輕等，相合無差，互非不昭然故。濟緣云：前明實宗無一心字，次述假宗無一種字，始見聖師深體權實自餘凡愚未足擬議，此明三宗戒體不益資持云學者至此。

宜須明辨三心所期行果分齊，但由儀翁乃以旨趣混於關節，故有白四納大小不曉教門觀爲律本，不分化制善種卽三聚不明受隨義具爲究竟，不識因果上品非圓受分通卽大乘立緣異作法上業非返妄圓宗決教妙觀無別於此文，中一一隨破更有於微細討重緣吉羅制業皆大乘所犯盡屬此失，宜自細思。

余景迫桑榆，唯恨師友凋喪及見後昆爲學易盈，實自灰心，豈期涉世但以造物顛倒不容自閑，鑽看弘闡誰解抑揚爲見大義有妨良難緘默，雖欲糾正非本所懷，念息復與經乎數載，今二三同志頻促吾成，所謂不直則不見，引正義始且直之以塞其命，實祐甲寅元宵後十日於芝苑絕筆云爾。

蓬折直辨終

蓬折箴

傳曰實行昭光高而不名寡德適時名而不高吾宗有鐵翁者自謂實學好揚名於後世高則不高名品非名鳥獸之喻可也羊齒右吾之後聞律亦未我先性好攻異評薄前人爲先師所惡每謂彼輕狂出言無度有束篋之詣余雖知彼天性且爾品可住其勤使學而知之惜乎曾未經遠勃興慢習初無正傳唯自師心妄生穿鑿賊祖教傍若無人規攝愚徒斐然著撰甚多紕繆略不缺疑若較之於祖道未嘗染指叨名叨位者彼亦粗有取焉余紹定間退自三山叨蓋湖心座司一日忽來相訪袖出所撰文集一卷口謂求證意在程伎素知彼不識分量妄作可憐說妙談玄既無尺寸如遠方村民誇於上國醜婦說少時容貞略無羞澀余正若醒人陪於醉漢只不苦較其是非置於案上經手輒後作一書略示幾件太叨蓋處而送還之未知此文今亦流傳否淳祐初於滄洲方丈忽得終南家業一見名題不勝忻仰豈謂

●原字原刪

●附錄的

●餘原下

●附錄

宗中有此事譬及至展卷臨之披讀首章元來恰是懷家之子破題便謂吾祖弘律以妙觀爲本蓋唯律中觀念對治常爾一心念除諸蓋等但猶屬小觀故引唯識妙觀而導之爲弘律本未審吾祖爲弘律耶爲弘觀耶若謂弘律律何無本若謂弘觀何云弘律謂雙弘在人操行無不可既言弘律正是約教教有耳在何庸借本斷彼爲心欲顯吾宗非事相之學謂能除究超拔苦賢豈知翻爲不識心境弄巧成拙文中所論衣食四儀諸戒對治用心之處在日用時須故曲盡規猷正明戒行彼謂妙觀乃是迷名不知於何處持戒而論心境即事而真除位方能至此地位亦何忘戒祖教專弘所被之人本爲新學除明觀慧酌示境緣是約圓宗而成受體善惡事法正作奉持識對五塵不容微縱要令博地發趣知歸大小雖殊律儀不異會同三乘圓契一乘爲道受隨非同世善所以疏鈔兩文開大乘解緣法界境發上品心納善種體起菩薩行趣涅槃果盡用圓實大乘教受聲聞小戒不分兩分即權取實始終一貫令成究竟業



疏圓宗戒體章中敘述次第無不明顯故文云智知
境緣本是心作不妄緣境但唯一識隨緣轉變有彼
有此文先示境緣令開大解又云欲了妄情須知妄
業故作法受還妄心文依解緣境發心受戒又云
於本藏議成善種子此戒體也文正示圓宗所發戒
體已上同鈔我今發心受戒一句又用以已要期之
心與彼妙法相應於彼法上有緣起之義領納在心
名為戒體又用未受戒前惡遍法界今欲進受翻前
惡境並起善心故戒發所因還遍法界文又云猶有
本種量心故力有常乃至下云成化身佛等文明隨
行持犯囑令常思遠期大乘因果同鈔為成三聚戒
故趣三解脫求泥洹果又以此法引導眾生等兩文
相照如合符節於但三聚有後受前思之異自非濟
緣同答雖識圓宗遠致此之二部所明大乘因果皆
是三誓而納具戒所發無作業體中具令依修行今
文決顯故濟緣云今此直以大乘圓義以決前體故
羯磨經引薩婆多論為正量教論云凡欲受戒先為
說法開導令於一切境起慈悲心便得增上戒業疏

●五經其

●給與於

●於四攝法

●受戒後

●新發心

●受戒後

云此之戒法出家本務素非懷大定難容納除有由
矣文律本家素著實在此若使外求去道轉遠濟緣
因釋教源云教即律藏律由戒生故戒為律本文三
種理觀隨律之經祖教觀宜用之有處戒觀兩門須
分心境戒以防禁為心罪惡為境觀以契會為心寂
理為境雖有觀事生滅之句此是事境如智論因緣
所生法也非謂諸境若約兩重能所對捨諸觀乃屬
所破諦觀相宜如器諸淳朴方名妙觀又復須知修
觀之法的指一境不容異念如記主觀經新疏通將
三法從寬至狹約心約佛的據所觀所觀赴四成功
豈宜通變使見十六觀門雖本一經亦非文至觀觀
之後皆結部正天台大約四三昧判攝一代經教所
詮明從行觀三大部中心觀屬行其餘二部皆是開
解雖只用觀托事附法也及心觀中前之六章猶屬
妙解於正明境的指事中一念為所觀境專以三千
而作指南依經建立方便正修立定日限破妄顯真
慮境觀續境觀續研所發疑悞須明十境以別邪正
修觀大約鄭重如此又復三藏分宗經詮定學專明

●持入論字

●相比二字

●持入論字

三昧律證戒學唯論持犯論證慧學開二智明不無交至皆名隨說戒學到家究竟三聚定學到家究竟唯識且約皆能至果同成佛慧戒無慧解但是利使觀無慧解乃屬事福戒是能防業是所防觀是能修定屬所修靈智度故若戒若業若觀若禪無有一法不至果位今部文中或明解慧及示理觀成就圓宗受隨妙戒是以疏鈔或約聖位淺深或約根性利鈍二乘三學相比相此相決想屬開解爲出家本務期成聖道出家之言須約人約行始修論之非約戒約位局初心即斷故受戒籍及沙彌篇言聖道行元始未曾今是入道初步須知趨向要令進學若機篇中列三種理觀令任智觀緣化制雙行爲除業本又復所滅乃至成罪當須融導成無生機不同戒行遮未起非恒須防禁不可妄情戒觀兩分當如此知吾祖設教令開大乘解慧專依小乘受隨無不盡善四儀動用嚴切護持明知於唯識理上縱妄成業欲返妄源作法受具所破既除嚴禁愈切是戒勝行何言妙觀故業疏云成善種子此戒體也以凡夫妄念執着

●持入論字

●持入論字

●持入論字

妄境若非戒解無由得脫故律序云縛着由此解圓妙理觀佛地未妄今令初心爲本持戒如何操應了妄全真不可不知也元始未曾誠哉是言若使鑽研骨於戒觀留心試探終不有此元庸妄說不識分量誇憚狂言下文至教臨時指示會源列門諸門觀法題下註字急宜去之恐誤新學以致妄戒正文誦習甚益初機弘立標科及諸子註多顧已見未可全依余年老灰懶無心細讀加我數年可爲糾正推功觀行埋沒律宗祖道全真妄本吾祖著撰自有準繩然歸敬儀淨心觀等解慧通被行業圓宗化制雙弘真俗並運雖許凡學通融觀機此屬化門無混制教部流布祖意可知孟浪故來不稱正量摘其過謬何可勝言一則律學無本二乃化制不分三三學失次四使後昆題學五攝機不盡六不識所宗七玷辱祖師八全迷戒相九暗托觀門十矯異常途略提此十其失尙多因此忤心餘不忍看歲晚赴壇忽聞祖教持癯善戒受大之說既乖所學甚不入耳下壇歸寺偶得重圓道讀主揭倒四重樓閣豁開其義圓門之

同
◆諸經下

句不勝傷嘆毀滅大乘勝諸祖教泥梨苦報略無畏
忌若謂法花開顯白四須大善戒漸次故爲揭倒既
開五義圓門何獨不至四重樓閣不知開顯正爲於
此

敢問法花開顯唯開聲聞開菩薩否聲聞多種開何
聲聞而得作佛開顯當機如何破顯開顯之旨切在
於何吾祖今家如何建立開顯之後有聲聞法可修
學否如上諸事彼皆冥然誑譎闊巧弄唇舌部風
一鼓滿座生疑善戒正經無人敢道滅法謗祖盲瞽
來蒙是可忍也孰不可忍便力破以救祖乘緣彼新
學多所艷慕有訪訓蒙但作一書具禮設諫問答享
略彼所爲故不介意後每相見略無聲節自謂開義
能徒宗中之善後聞有折違之作欲見無由近因所
見引之盲修習爲徒殊非靜子自無見解任拘牽行
廣印流通偶得一家本初讀之甚令人疑次讀之可
令人笑再讀之極令人憂據彼折說何足爲破明眼
人前自爲笑具但慮末代新學生知者少因此懸迷
不極究源流沒成部種若不指斥漸竊祖乘傳布後

同
◆諸經下

毘忍成重害未免饒舌聊述所知以示將來非余所
好

欲明此意先定本須知今是依四分律受具足戒但
能除用圓實教旨還取如來本懷緣境契唯識宗乘
發心起大慈勝行開明心境融導發門要誓無違期
向遠大所發無作義具三聚所成業體同大乘體故
鈔云我令發心受戒爲成三聚戒故起三解脫門正
求泥洹果業疏云是故行人常思此行卽是三聚良
以解心既妙發限冥物願行相扶域心有處論其名
位是聲聞人有大聲聞氣分只可謂新發意菩薩正
如普明菩薩經云如刹利王維與賤通所懷者貴卽
名王子無上發法維與衆生賤之人合生菩提心名
佛其子經衆生之言說九界所謂人天小善部見嚴
王婆迦闍達等咸開作佛今是無上發法與賊聲聞
夫人合所發業種成佛有分由圓理含容包攝無外
卽此小戒富處究竟乃至佛果成名體不轉若將此
體爲菩薩體返見聲聞無此圓體所以說主忍迷此
於諸文中節節發問此與菩薩戒體爲同爲異必有

異同學者尋之或云體同緣異但言其同已是二體
況云緣異古德云所言體同乃據體性若約體相亦
所不同圓理具法法高法無蓋若混爲一何爲具法
經云七寶大車其數無量人間既得此體還用受菩
薩戒否若不須受約大判持犯耶答云須受無作業
重發否若如汝說既得此體後不須受何不約大准
梵網等經依行相奉持却自甘心而犯諸戒汝云曾
釋還看經否若據汝所妄解祖文無可不可無作重
否正汝愚迷警爾起心殃墜無間具緣受大豈無無
作既本圖極約義已具只一三聚無二三聚爲廣大
先容其義在此如投水海中若風中鼓囊雖有大聖
智只不能分別至納大時無別三聚自非記主具擇
法眼深窮化制誰能曉此折蓬愚執正知經中有田
舍子見貴人以鹽著食中問云何以故爾貴人答云
此鹽能美彼仰自謂尚美初自未必多遂滿口食爲
鹹所苦返責貴人貴人曰癡人調和可也如何純食
彼亦如是一味貪圓樂勝不知所以圓勝吾祖聖智
若依當分小乘而受隨者猶在半途未爲究竟或令

初步直造大方依大乘經受菩薩戒時長行遠力量
未充大行難行終成退墮所以深鑒機宜用大乘心
受聲聞戒非令數寶實使成功進大有由不致中輟
漸漸修學成佛有期若非究竟我祖乘願信投無地
窮理盡性唯在世尊始自鹿野苑中歷於方等般若
大機既發開顯是時斷還聲聞入大人境界却云卽
此便是更不須受既發大心期向深遠既納小戒戒
行易成大小相資終成佛道非獨終南聖師亦出法
正部主權實二智本起佛心巧說發門曲被我等不
窮佛祖妄鑒感情如此狂迷何解善解折蓬破顯乃
至一非文意依律立二共圓旨既虧斯二言何所憑
觀此文意欲自作崖岸令人信重不知返彰醜拙起
他輕訕
蓬云議論非一日矣檢文非不明矣思慮非不細如
是留心技止此耳若使議論之不文檢文之不明思
慮之不細又復何如彼云古今傳習之妄謂依善戒
而受輒以四樓巧資唇舌甚乖本趣且善戒四重樓
閣乃屬經藏自出佛心通明受戒進趣等般誰謂祖

●共讀其

師依彼立法而受具戒。誰謂進趣不由期道莊人之共談已之短下文節節云他依經立法受具吾祖所宗自是四分準建立法受具足戒何涉彼經云非文意縱使說者能引彼文證今而受四戒次第有何不可。今家所行先五次十方堪進具與彼何別。若謂今依法美開顯白四預大何須依文先受亦戒重非次第或言始從五戒終吾白四無非圓受第四進大圓受何始豈非佛意何失。圓旨善戒四重伏自往古諸佛至今釋迦世尊唯除美嚴通漸頓泊乎鹿苑小而來終至法花皆是倒受次則四戒皆次圓則四戒皆圓通爲一乘而作弄引若圓若次皆不可逃四重進趣又復須知圓不礙次次不礙圓若據佛意始終在圓但以機緣未了故以三戒迭爲方便令歸大乘只以今家建立家初便令發大慈心其在此故疏云向不緣慈如何容大意在後也此是佛意經亦如之進趣當然豈容別儀法花開顯正緣定性聲聞及退大者保任既重乖難難入大如來方便調停到此有可開義故說三周開權顯實總使三乘同入一乘豈

唯法華是今所依善戒爲今所廢說主自云善戒四重即法花部從漸受也文汝謂今家廢善戒者廢在何文若據濟緣梵網斥二乘爲絕見善戒指小法爲方便等句自是引據今家立圓宗之意故將二部對校須漸善戒漸機受之皆次圓機受之皆圓但不同法花涅槃能圓獨妙大小圓融故引二經爲今圓宗用大受小而爲亦據豈廢彼耶不分只是一乘妙戒濟緣乃云是知如來唯有一乘圓極妙戒華嚴直與鹿苑曲三世十方莫不皆爾若據法華開顯正是開此漸機諸大聲聞從鹿苑來非漸是何但由法花已前未盡顯說聲聞作佛有乖則宗點小即大之義故據善戒非今亦據何是持廢台宗自謂法花非漸非頓亦不盡云不用受大便爲菩薩經中雖云汝等所行是菩薩道乃點化保證引進之意經云舍利弗汝於未來世遇無量無邊不可思議劫奉持正法具足菩薩所行之道當得作佛記家前明法體云於菩薩戒中摘取小分以爲五八十具後既開顯盡用付之付之盡在何時又云殺盜已制不復重明重明之言

爲指何處觀後結文其意自見若如汝說唯是白四得受大戒今梵網經亦不可用無稽妄說如何可依

梵網付爲邪見亦是妄令人入大之意

蓬云五六百年發門抑塞乃至又缺混尋何能釋然且大智律師中興發觀正是問生誰不尅伏彰汝之勝抑彼之長欲使愚徒稽首加嘆子路賢於仲尼欺罔不小若非此意何出此言說主一出圖宗發旨湛然明白代不立賢主今無味只如竹溪先祖拙菴宗匠較汝淺陋天地懸殊說妙談玄異稱美汝何輕消謂缺混尋証妄來蒙敢此逾分只知開口不覺舌頭長

蓬云余於他文說之頗詳由是知彼說謬傳誣惑人久矣豈止今日又云未審曾看彼經否彼經依經建立受法爲戒何事首引多論起慈心爲成何法疏釋此文乃云此之戒法者於何戒耶定難容納何時納耶此之四端皆爲受具誰不知之料彼曲見卽此小受便爲納大自謂得意強設難疑所以下文白四受大無稽橫議混亂發門勝經中三乘初業不愚於

法非彼所知平年始學及至而今不曉發門不分化制不明受隨不識因果因是理體大屬發門白四納大大小混亂記釋鈔中發心受戒謂卽今所受比丘戒也又釋疏中當思此行謂白四所受聲聞戒也除體發門何曾言大圖實理體化制難分不難義具便爲三聚記中因釋微縱管以制業分之則無有蓋資持又問今此所受爲卽三聚爲非三聚若云卽者後須更受菩薩戒否又復大小混亂如何分別若云非者戒從心發既發此心那非此戒大見錯解使自求之彼不自求故致錯解何不詳究云卽者以下諸句却若云非下之言而成迷悞受是願體卽行用大乘因果自行化他要審深遠業體圓具當於隨行當思修頭遠期進受大乘三聚趣三解脫自行化他同歸究竟受隨交混直成妄執大乘因者諸法實相大乘果者諸法實相受大方是真因是以法花受聲聞記令無量無數不思議劫行菩薩行當得成佛白四言下三聚究竟彼說因果輕易若此因不識此四種之法是故始終顛倒無歸出家本務慕果修圓自行化

他城心有處要在初步因發心一時圓具業作無作爲善種子如是立誓願屬妄念故事鈔中如此發心尙是部堪引智論云始學凡夫部心中悟解心既妙能契實理實理色容無法不具濟緣得意故會三誓三戒三行三脫三佛三惠在乎一念隨舉一法即具一切言有前後理無各別如是心受即發圓體如是心持即成圓行圓願之義豈過於此華嚴無上菩提本淨各能如是者是名奉律涅槃欲見佛性證大涅槃必須深心修持淨戒皆此意也下文又云欲正受時遍緣法界留力發三誓願業三障由心業力結成種子自爲戒體濟緣正恐執此圓義不分大小故乃問云發有分齊何須此示答云爲成本宗分通義故乃至扶通深之部意爲廣大之先容鈔叙發心爲成三聚此明隨行次對三身願行相扶彼此交映彼則期心後受此乃即行前修方見圓宗深有來致彼云引余已決之文而生詰難未審此遂爲如何決又云爲見講學遂心曲見埋沒祖乘遂心埋沒正是等汝何推講學汝之所說都是曲巧妄生穿鑿全非正

義記云即行前修汝謂白四納大既已納大如何論即疏曰意在後也若非後受望誰爲前是則無聚可成無身可對若謂望果又且無因或云點小即大復自無小可點無小無大如何論即然如之即正是鼠即但聞即名不識即義常思此行即是小行此即有小即是三聚即是大行此則有大在小思大妙行圓融與大相應然後納大正是祖意豈容妄說記云即行前修斯言在此下文之云當知即是發菩提修大慈行求無上果此名實道此即大乘當知即是此即舉覺三世如來十方諸佛示生唱滅須開漸誘百千方便無量法門種種施爲莫不由此又問云三聚三身爲同爲別語異義一三身即是三聚三誓心佛無差因果不二能如此者始名圓戒是波羅蜜即究竟木叉是知行人若發此心若獲此體即是三世佛種如上記文若因果自行化他皆是願體具上諸法如地具桃李雖未出土枝葉婆娑何分修性善種子者即是此義斯乃直顯心業圓具之相如何將爲已成三聚若使即是究竟三聚亦須即

是究竟三佛無量法門皆悉現前是則天然彌勒自然釋迦何故祖師下云修顯名法身佛豈以所發戒體爲已成因果是以疏家恣妄此體約具明即囑令常思記主云此行卽白四所發聲聞戒也由契圓理立誓願受故此願體能具諸法前發戒緣中云此之戒法出家本務素非懷大定難容納深有由矣又又向不緣慈如何容大意在後也後結指云今誠前緣修歸大乘城心於處故知祖師一部文始終在此約受約隨建立圓宗成就此行正爲受大先容欲成三聚妙戒全不能體佛法大意過過只欲白四受大癩善戒四重彼云白四竟時思願滿足暢遂所期三聚究竟豈非上品受大成就之處

問正白四時用緣慈否答不用緣無作業體從何而發若用緣者祖師疏中何言爲向若在此時正爲納大祖師何云意在後也今論受戒所立之誓不獨新惡所發之戒不但律儀所行之行不專爲已所成之果不住無學成此圓機堪受大鈔云爲成三聚其意在豈不須受卽便是耶如昔先師全以四分爲大乘

故實持破云四分是大時何爲小卽應梵網體行全同菩薩聲聞二戒無別定知不爾是以祖師語意從容義當分通深扶發旨

又問上品心者爲全是大爲分通耶答扶成本宗分通義耳今彼乃云上品受大雖本分通終爲發局立圓決發成於分通上品受小何云受大上品發心是圓義何云雖本分通更立圓決須知上品圓受正是要顯本宗分通是則圓宗上品卽是分通三無差別若大乘三聚本來自圓亦何須立只緣此大在小故由分通若使決得成大則亦不用別立故濟緣云既分通何須別立答義雖通大發終局小不可蓋通故須別立今詳彼說有三不可一則上品圓受爲小非大二乃上品卽圓不可分三三正決義通何云決發記云發中局小可不明乎故知上品圓受舒之則包大小捲之則唯四分鈔云我今受戒爲成三聚戒故三聚戒者是何法相於瓔珞經云菩薩三聚攝行斯盡攝律儀者律儀禁惡結業煩惱究竟斷故攝善法者世出世間大小修證究竟修故攝衆生者一切含識

究竟度故若但因誓發心不曾依經細但是虛發
解誓不成大戒持犯經令千里求師豈容變易今是
凡夫果證未有戒行亦虧雖一心要須力進古人所
謂解容圓發行爲漸修

問既須漸修恐妨圓義答終日漸修終日圓進若不
爾者初住圓人尙有四十品無明未破還須漸斷豈
非圓耶佛祖正發坦坦明白邪人說之成邪法如上
祖文正意雖顯彼用蓬心曲巧穿鑿恐惑後昆未說
斜正更引疏鈔重加釋顯經中首引多論凡欲
受戒於一切境上起慈悲心得增上戒

問所引多論乃屬有宗起慈納戒即分通義答說云
諸部時有此意但不如四分五義的然今與助顯此
見佛祖意非發意也吾佛世尊不覺陋池

問今既約圓發上品須具三誓爲戒三戒但云起慈
止是度生答濟緣云然雖三戒彼此五具至於修奉
恒用攝生則能任用含攝一切豈止餘乘耶論云凡
欲受戒既云凡欲必不揀大小非止四分一爲三乘
初業二乃出家本務疏家得意在下釋文云此之

戒法出家本務業非懷大定難容納深有由者釋上
此之戒法依論起慈乃乘初業不愚於法又云向不
緣慈如何容大意在後也釋上出家本務期向遠大
得在此莫如折還將方便發向不得已而釋此法返
責余四得意何淺淺在老兄何推於我疏云如善戒
經菩薩戒本卽七衆所受者是也向不緣慈如何容
大意在後也

蓬云疏家卽是引證之語引證之語何待汝說祖非
引證汝妄說也記主自云准此經意凡爲比丘必受
菩薩大戒今受小戒向前緣慈爲受大戒故意在後
也汝凡見引便謂他人依經立法受具足戒妄云起
慈納大有所承據起慈納小何爲納大正緣記慈納
小爲後納大容是故疏記妄曲釋顯全不曾若經
中無一本字亦可如汝穿鑿妄解若七受戒卽菩薩
戒何用立本只消便云菩薩七衆所受者今受七衆
戒不受菩薩戒者但有能受之本而無所受之法
蓬云七衆既許受菩薩戒比丘受具納大何疑除汝
一人誰曾不許七衆受菩薩戒比丘受具納大於白

何文如瘋病人隼執未退故多亂話傍觀畢竟是誰
蓋由不識大是發門圓乃理慧既圓所發小體同大
乘體記中每云此之體此之一字爲拘於何鈔云我
今發心受戒爲成三聚戒故趣三解脫門正求涅槃
果又以此法引導衆生今至涅槃令法久住發心受
戒卽發大心爲成三聚趣三解脫門正求泥洹果又
以此法引導衆生今至涅槃令法久住發心受戒卽
發大心爲成三聚趣三解脫卽行大行求泥洹果卽
感大果又以此法引導衆生卽起大發令至涅槃卽
歸大處與天台五略同此是三番中遠期因果真知衆人非我心三番註
釋余曾看資持中節文解釋自作三行分之云發心
受者卽今正受比丘戒也爲成三聚趣三解脫門遠
期大乘三學卽因行也求大涅槃卽圓果也已上皆爲自行
又以下化他行法下法下汝云除此三句引證之文
除無一言關涉善戒想不曾看疏中前明須漸通局
中云如善戒經欲受菩薩戒者先當淨心受七衆戒
趣菩薩道欲知大戒唯是漸受文且不曾言白四須
大也又濟緣云如前善戒受五習十等余無一言豈

非欺誑圓宗。獲大文在何處。此誘截舌。猶不可暫若云。不待受大之句。是汝不曉下文。委示敢問上。伸受緣。猶涉權小者。若言所依之發所立之法。正是權小爲今所本。何云猶涉若據能發之緣。能傾之心。自屬圓大。何謂權小。經及疏鈔兩處立緣。並引多論立緣。起慈爲正發重聖行發明盡約大乘圓義。記主顯釋更有何圓在此之外。汝不曾看却。道是我上品之言論中。雖說但論心中濃薄。不明其相祖師契圓實理發約義而立作圓宗。本何云出論汝說圓宗。只知出體之文。不了始終一貫文出業疏義該諸文實持約體分發通判。一代能證。故云且依業三宗以一家處判。乃示臨出文在業疏。若爲然者。空有兩宗亦唯出此。故濟緣引疏鈔兩文對明受隨三聚三身之後。結云方見圓宗。深有來致。豈是闕宗。唯出業疏。彼又云前依宗出法後。卽立圓決通依宗出法。正爲依受。豈有受已始論決通而分前後是言何言欲不知前約圓宗受後得示圓余所謂我祖得意者得用圓受小是。三乘初業出家本務期尙遠大之意。

汝尙不曉我言豈能了此祖意重關亂道掩耳惡關
來此提撕可見無耻須知三乘大義鈔在發心處說
疏於隨行中明畢竟二部受隨相實要識大意不可
逐文彼又引祖文大小兩乘理無分隔鹿苑雙林大
小互益不審彼意知是何發唱小發大顯大成小豈
於大小規矩之外別有發耶緣不識此是大機令從
小入小機合從大入此乃果佛三密赴機台宗據此
立不定秘密兩發唯佛能說如何將此說法悟道證
今約緣發戒此文可破汝之妄執定須修觀方能破
惑顯理余所謂圓發章中決顯前受者自謂前既約
圓約體後故得說爲善種子也至此明示故云決顯
下幾難意破余所決大決小決體決儀今家既非依
經受盡是野決非實儀論吾祖師立圓宗正爲扶成
本宗分重義故爲成三聚何是上決空有決空有者
顯圓融之用濟緣所云捨此二經餘無此義者正示
圓宗師據乃明用大受小非謂用小受大大小圓融
唯出二經法花開聲聞作佛涅槃扶小律談常蓋由
戒禁業非起心毒四分難禁本窮其本故准二經圓

融之意則立一宗開廣戒學窮理盡性通受三乘究竟到家非是依經受戒白四須大也圓宗分通義如前說緣汝不識妄分兩意由不識故堅執爲大言圓不局大言大未必皆圓是故記主正恐迷此特伸問答汝更曲消轉增欺誑記中自云白四聲聞戒也何倫兩字迷惑於人點小即大汝不識即故將此小即彼大戒不知此小由理圓故全體同大方是即義記云若獲此體此之一字對彼大戒汝因不識返執爲據若使白四受得大戒正合文意何須同決上品受具正是圓義所言決者顯說上品圓受之義汝云未圓待決方圓若依發心納體已竟至後隨行方爲圓戒何有此理若謂後圓決前立法故成圓受祖行排布次第有儀緣境發心依心受戒然後示體始終一貫說有前後理據絕豈是至後明體章中方立圓決是何議論況答意中所引善戒三爲方便佩宗通除自能不住立圓扶成爲大先容不識文理妄折記文最爲可惡自初至後故前三戒並名方便先叙善戒次受之相假宗知權之下四句之文顯今圓受正答

問意故文四假宗知權不住方便符通除之部意爲
 粟大之先容汝云假宗知權卽於小法便成究竟文
 中何不直云不用方便而言不住不住正謂在小乘
 大豈非先容記中四句文理相貫答釋甚明是何學
 人爲汝胡酒汝謂我迷汝非是迷直是欺誑又云粟
 大先容者立圖爲粟具納三聚也據汝立義立圖在
 後決前師受受居圖前先容何在況今答意正在隨
 行取圓受圖隨爲粟大先容豈爲恩先容耶又云
 有何一句爲後大先容當面隨過濟緣明謂鈔叙發
 心爲成三聚此明隨行次對三身受隨相應無非爲
 大若如汝妄說何故資持釋爲成三聚爲遠期大乘
 戒學遠期豈在今受大乘三學何非後大又云期心
 後受謂在受具此又迷倒猶甚此亦答前用圖之意
 追釋鈔文爲成三聚所以用圖若指受具豈是於後
 又云前修乃望果爲前大智律師太欺我哉誰便不
 知修行在前證果在後特勞指示如此釋義直如兒
 戲卽行前修者已於具戒能立三番所發無作義具
 三聚前修乃由漸之行汝於大乘不知等分一味輕

視諸祖大小雙弘如來推實二智無非化導令從小
 進大至於此義曾未經懷又云受緣大乘且據分通
 後立圓宗乃論圓受是何說話穿鑿祖乘書中所謂
 約圓受受後圓者正難此妄却云我辭立緣何爲若
 使與後圓宗不問受在何時汝見疏中立圓宗處在
 後明體章中前所立緣爲受戒否若用受戒又且未
 圓若不用受却成虛設所謂大乘正是言今圓宗受
 隨奢多種雖便不知汝所揀者殊非通論凡言大乘
 有不同義但在能證乃有隔歷圓融之異所證何別
 故云一切大乘莫不皆以妙理爲體此體之外復有
 何理爲大乘耶汝引祖文所用不全皆屬前事大乘
 何則今立圓宗正取一實豈於圓受而分兩樣欲彰
 深究返成穿鑿疏中作法受者正是迷前緣受之相
 若乃至此方是圓宗所論受戒謂此圓受與前不同
 敢問疏中依論起麤鈔叙上而發心無非皆是用大
 受小大小相卽正是圓義但逐文相不思大意濟緣云
 雖三戒互具至於修奉恒用攝生任運含攝一切豈
 止三聚含攝一切是圓義否起慈納戒非攝生耶疏

鈔兩文一宗論受雖包攬實祖意在圓若分兩意却見二部次第排布皆非了義又云疏中提起小法以圓決顯之處與疏鈔乎常引用之文天則此又見汝留心穿鑿而無遠致此是祖師用圓之處圓何嘗別提與不提但觀文中大小無間即是用圓緣境起慈皆爲受具善戒七衆爲菩薩本鈔中受小爲戒三聚法花開顯涅槃重扶無非此意汝因不見提起決顯便謂天別朝四暮三小兒見解逐語之徒何見儀道彼破余曰不見排布受儀便語圓無受文彼若不醉何出此言料彼曲見將圓宗於體之文方明圓受不知前論發心唯取上品今明戒體意在圓宗始終相應受隨一貫故致此文究竟敘述前將二部次第融通如合符節其理昭然則知彼欲也能指圓宗受文故假外問訪諸古人設有此問亦何須答外學何知欲顯異又是不曉一宗大意故此穿鑿何不自差先輩歷陳著撰顯人處多囑令我等欲辨是非付之來哲余云分通屬機發者汝何能識如來洞照有此機設此發由其在小不住於小慕大未歸於大是故設

發小中露大大中容小部主知此故立一宗道證無學即是小理終歸實道即是大理記云深有象淺之能發蘊分通之義豈非此意彼引事鈔發三種心收三種發論三種理三種心非機耶教非發耶性相二空但是推折遂相不同皆局機也眞空何異只一權理縱是大乘十八空二十空等皆從境立空亦無別受具習大佛祖明文却敢斥云是何言教若謂破我不曉何不破妄說余云受與不受自屬機者言時人也今或有人雖知大爲究竟自識分量不可奇小且守已納未欲進大豈不由他何權較覺折遂始末皆是不解文義所以曲巧妄破不思便矩翻怒汲深汝謂濟緣所問菩薩戒同異等文不待詳而自顯爭奈折遂不能詳何由自顯記主明云必有同異汝何得言恐疑有異佛祖記主皆令後受汝何斥爲不了之師驗汝出言全無準則余云太圓具圓是則未是皆破汝汝都不曉却推教法白四受大豈非太也但能圓小不能圓大豈欠也將圓爲大是則未是本謂良馬故不註脚今如此釋驚駭亦曉法花開顯祖師立

● 入字

● 入字

圖記主三義詳云末是有何欠剩余嘗云只緣將此大戒推與他家乃至只一待字雖消故持將爲癩大正爲點汝愚迷却將莊嚴佛祖汝凡見書中說汝短處便祖發祖師謂我今發心受戒爲成三聚戒故何曾不受推與他家若云卽此便是成今納大資持何云遠期大乘三學遠期之言豈卽耶汝若不肯受大豈得因汝不受三聚絕滅他家盛行豈非推與彼遂破余曰必謂不聚三聚竭磨爲推與他淺局之見也余曰除也非淺局矣汝模不著謂淺局耳只緣汝素不識事理圖是理體受是事用聖人有悟中之事理凡夫有迷中之事理迷悟雖殊事理不二理則法法圓融事乃一一不謬理不誑事事非理外事理一如方稱圓極台宗乃明事理二造性具緣生究竟爲一汝云白四言下尙發三聚是誰亂道引來況釋若使大中缺事則令小內虧圓由汝殘毀祖乘故斥包羅不盡記云前並小教此是大乘以大決小不待受大卽圓頓義此之一字乃指圓體以大決卽小是大故云決也由理圖故故不待受正彰頓義若容不受

合言不用妙盡於此雙弘可也何無律本文云今宗教唯開會皆一乘者教既一乘何須本觀終南妙觀本卽一乘何待開會方稱爲妙便是戒學亦卽如來本有一乘圓極妙戒法華但是開顯而已戒體章中記主深達實異常途折蓬達意雖欲返常不能合道凡爲修觀有法有體有行有相不知今律以何爲本吾佛受戒鹿苑最初一乎善來斷惑一輪道證初果不知幾時修觀而亦證聖諸經結登卽座證眞未嘗修觀便得悟道鹿苑雙林大小互蓋想此卽是錯修觀道故使大小得益不同十方世界六根六塵皆能入道若不修觀只是世善見取結使封及信讀好自招收無宜推托破余書中以太圓破一乘盡地破立觀學之不到一恣意言試問識看此是話誰皮裏無血豈是活漢余云弘律以戒爲本以持犯爲正蓬云彼以乳兒通知之語以惑嬰盲使其易信余曰雖是乳兒通知之語爭奈鐵翁不知祖文自云律宗其唯持犯之相實深非夫積學洞鑒窮幽盡理者則斯義難見汝謂易知故多妄解妙觀之義誰不知要

用不得處翻成誑妄

折蓬云余每見吾宗學者以祖師諸文示觀各有別意乃至五例解中曾辨此一段文所謂全迷戒相暗托觀門欲明此意先須定境是約圓宗而論受隨須以法界爲量仍知事理不同不分而分修觀據理受戒緣事不出只是十界依正雖事理相即與不同不可一槩故事鈔云未受已前惡遍法界今欲進受翻前惡境並起善心故戒發所因還遍法界又復須知圓宗戒限通禁十惡意地警起盡屬所防總歸制限未涉觀門此是通論大教限量若約戒觀的示用心所依無過衣食四儀語默動靜然而此境自不能戒善惡業行但由戒觀依此而行戒學言之森然萬境何事非持日用時須不出在此是故祖文備立群篇廣引三藏欲令謹守無犯所以深切著明決同大小律儀遠受大須先具大故云不待受大後若無待圓須何成不識字義妄云分曉莫汚祖文庶免苦報撥大甚明言無畏忌持與謗妄可謂無事造罪也彼引書云立圓既總大小雙弘乃至可令人笑此一

段欠半是愚迷半是欺圖法花開權顯實涅槃扶律談常終窮至極純圓獨妙吾祖依此建立圓宗是圓極否用此圓乘是弘大否專權戒律非專弘小那善戒七衆所受爲菩薩本事鈔我今受戒爲成三聚此等及弘何爲隔歷經云但念空無相無作於菩薩法心不善樂初聞佛法遇便信受思惟取證是辨得小十方佛土中唯有一乘法無二無三是辨得大若我待說所因成就阿耨菩提必以大乘而得度脫汝等所行是菩薩道諸開顯也雖是戲汝甚有義焉不肯依經受菩薩戒是不辨大直以白四便發三聚是不辨小中開橫儀皆是綺語何堪推究却欲笑我何不笑

折蓬云吾祖弘律以妙觀爲事相之等聞斯心驚不足怪也非獨余聞而生驚怪記主見說事無驚乎吾祖得知豈不怪也諸大祖師一切世尊亦必怪汝言無公當聖師自云煩惱難消要由方便致設三學用爲治元律云爲調三毒令盡故制增戒學是知三學皆佛法中公器豈得併爲一疏獨推觀功經中亦云

戒爲無上菩提本部主乃云三世諸如來皆共尊敬戒律序云如是諸佛子修行禁戒本終不問耶疏沒溺生死海戒疏云舉宗以明持犯爲正記主云三藏分宗所詮乃異據行雖通兼濟在教各有司在如上所引皆不見以觀爲律本便是諸文對破惑論但有勝劣非全無煩惑毗尼者乃其義也

彼云十方諸佛成因證果本豈越斯佛以五分爲身何獨本於一觀又云三乘賢聖上求下化功唯在此三乘聖行曾受戒否能施戒守道非觀而不別淺深論中何云道品樓觀以戒爲柱行之事理昭然可知何假觀分福慧乘戒化制小大盡是通途法相何總歸觀止觀雙遊真俗並運吾祖觀學期三乘妙戒推窮過本起自三毒欲絕妄源更深防護故約化制兩門所明觀念對治娼觀不淨熱起慈悲盜懷知足妄思眞實上根利智衣則著著食則口口房則出入常以五觀在心無使臨機異念故律云常備一心念除諸蓋中下根器通作一觀望上而學漸資後習離犯成持更有業重障深妄情難遣須作假想姪作地口

三三三

大聚食作糞屎虫鼻鉢作血塗觸體衣作血塗穢皮熱鐵棄等飲作膿血等想無非爲遣妄著圓成清淨戒行是故疏中囑令常思使域心有處一宗戒學功歸在此所謂假想者大師云即雖未爾想力若成怖畏心起能大助道開發正慧豈非持奉之助戒行乎末學者皆知唯汝不聞若彼連引諸文細推盡歸戒學所取妄謂祖師將爲妙觀豈得持戒全不用心臥地止持何成持犯又引判教屬憶念輪正當戒學何歸觀行又云常爾一心念除諸蓋是用觀破惑蓋由不識三毒諸蓋通於業惑該乎戒觀今既結犯正歸戒宗業疏恒憶恒持乃無作功用一切戒行皆無作所薰此三恒字要人常持微縱結犯未審制誰所謂觀境者亦是戒學所防之處此爲事境又云觀事生滅者是然於此境若不因觀何成聖行不論大小須明諦觀所以文云知無我人善惡性相觀事是心知之

一字能觀觀智無之一字所觀諸境唯識觀中觀是能觀心是所觀皆以理觀契理境方成妙觀故資持云前二性相以空爲理後一以心爲理我人善惡等

事皆屬諦觀所破之法。四明法師云：須分兩重能。所如器諸淳朴，若使不以理為境者，能觀之觀，契合於何人善惡，豈能亡泯？但逐事境，何能會理？須知祖文明觀之處，莫不皆具兩重能。所逐名言，不能推究。所以論云：說智及智處，皆名為般若。以如智契如，如理又復事理兩觀，創心修之，皆觀事中一念若觀此心，即事之理名為理觀，即理之事名為事觀。故荊溪云：隨緣不變，謂之性不變；隨緣謂之心生佛依正等境，皆可如是論之。今宗唯識若總若別，亦當依此二義而論。略分戒觀大約如此。折蓬燭異不落觀，絕戒不成，戒觀不成，觀自迷在汝破他，何堪鉄翁宗師生平自任輕視，同徒持誓家業，為由自欲發揚已見，意謂盡理期廣流傳，不知罔冒太深，竊昏祖教，余以長書公心諫諭，似是知非，猶負抑鬱，何以知之？書中所說一依祖教於理昭然，若不知非，何用改他語言？理況正義廣揚，若誓構架折蓬，飾邪非重為程器，故於祖文曲巧鑽研，全何正理難移，轉增私分心邪見，大慢一時併發於此文，中分明可見，故彼文云：若不

用觀行，雖有為戒成，凡移遂引祖文，若執戒為真道，道則戒結所收，乃至道在遷而求諸遠，宜返思之。文發然吾祖教觀何所不該？又體正意唯歸四分，良由部主博老三機，殷鑒兩曲，包括權實，統收各理，結茲藏通。被時賓記曰：深有兼淺之能，故傍取有却教蘊分通之義。故終會圓乘，聖師得意，准法花涅槃，建立圓宗，扶通深之部意，為稟大之先容，依此受隨，咸歸實道。所以制作教之則，包羅法界，捲之則唯在一律，如星拱北，似水朝東。若也依汝奪其弘律之本，歸手妙觀之宗，正如曾若之宗，呼出性澤之門，客似主人，閤人難辨，却使一家發曲，所引三藏大小戒觀，化制兩門。觀念對治及諸祖戒言，發明解慧，皆無所歸，咸失主伴，便是三種理觀，隨律之經，既偕為本，隨律何在？料得鐵翁但濫逐妙觀虛名，不曾留心實學，彼所弘戒，既虧解慧，全缺莊嚴，豈非任戒集業，執則障道，自合招受無宜，相贈自佛法東漸，諸宗諸祖隨所闡揚，建立門庭，各在其本，可管交互如此，顯異欲自主張，妄謂深究祖懷，實是埋沒聖教，來學易瞞，慮成違害，又

引四四句義凡論四句欲取雙美汝既劣於戒尊於觀豈兩得乎余云戒行觀行皆能發於定慧等者因戒生定因定發慧三藏諸祖莫不常談汝固能知但猶不了戒有勝劣行有靈妙一槩相待定須本觀若欲推於觀生定慧觀裏知見但逐文言曾不思修何能曉解須知創心修觀皆以第六王數爲發觀之始豈得便是定慧智論云始學凡夫邪心中語受戒發心亦屬妄想故事鈔云如是發心尙是邪想戒行成功業非不起方發定慧初心修觀定慧未曾梵語三昧翻調直定須以三昧調停進行散則止之昏則照之止觀漸熟定慧旋明止觀二法卽定慧者此約法體修成言之便是觀成進入後位亦須因觀重發定慧次第進入所謂禪定乃有多途諸天所修世間味禪佛弟子修世間淨禪不出皆是四禪四空諸天修者用六行觀厭下苦癩障攀上勝妙出地修居之發未到定生夜摩等能屈於空至於他化發得初禪脫於欲籠得生色界次第修進至非非想皆是六行觀中修發名世間味禪若佛子用無漏心修八勝行名

世間淨禪若出世間及出世間上上十種禪皆用無漏智次第修發故攝論云唯藏通四位修所謂慧者歸敬儀云無分別智念念利鈍五十余豈非用觀次第修發觀行能發禪定智慧信不謬矣折蓮謂余彼引祖師圓宗一節至於若據諸文戒但止業此文叙戒而云返妄彼之不曉便謂成佛功唯在戒我若不說祖乘何顯今異叙之莫爲顯異當知圓宗言戒卽一佛乘一乘妙戒全體融染全體證凝全體照用三一互融體絕思議乃至考彼前後之文妄意若此彼余切觀彼一節之文猶如醉醒又若顛狂全無尺寸一味胡來祖師記主皆約圓宗一乘妙戒始終詮辨汝乃每云若不用觀行屬有爲戒成凡屬忽於此中言圓宗戒有許多玄妙若醉醒畢竟見何誑妄自稱我若不說祖乘何顯此誰驚張非狂何耶問鐵翁此圓宗妙戒爲是吾祖所以爲非吾祖所弘若謂吾祖所弘吾祖弘律以妙觀爲本若不用觀行屬有爲戒成凡屬正偏諸文止業之戒豈是返妄圓

宗一乘若也非是吾祖所弘今此圓宗是誰建立令誰弘闡若云卽此便是律本妙觀文中自云於本藏議成善種子此戒體也何嘗言觀惑謂當體卽是觀者既言當體卽戒體也能具澄凝照用之德何推妙觀若言唯在繫疏明體章中有此妙戒却見疏鈔餘文祖師記主說圓融處盡屬閑語皆是長語是汝深迷却云說顯胡憐矯詐誰能信受所言諸文皆心業戒何故圓宗文中亦云欲了妄情須知妄業餘文心業圓宗返妄又見吾祖戒分兩樣當今行受令受何耶任戒集業執則成障但在機情若據佛祖無非爲道誰言成佛獨推戒功誰言戒德非成佛本全不曾究聖師建立一乘戒觀部文用與始終歸趣只欲顯已有過人處返將祖乘矯異穿鑿迷沒正意却言我若不說祖乘何顯顛倒若此實見汝心說玄說妙無規無矩取謂傍觀同受斯耻凡爲學者議論發乘無非爲開自他迷昧令成正見且如祖師於部文中破古之處皆以慈悲之心真實之言詮辨邪正開示後學豈全折蓬以強勝心陳自制撰題豈無知莊彼之失

掩已之非蘊慘毒之懷出不遜之語恣我好高之氣緘他不忍之辭便不知如來所化用三學齊功余何嘗言成佛菩提功唯在戒但爲見汝不有律宗獨推觀行凡見祖乘所立法門盡用修觀方成道業不知入道通於餘行故曰修觀以戒爲緣菩提以戒爲本見佛性證涅槃深心持戒如來之身以受戒爲本勝鬘智論卽大乘學皆是祖師引證戒謂我不識唯汝知之但執成佛菩提唯在修觀更無餘法此實見衆返誘於我謂唯在戒若能識彼無公心之論欲莊人失此七自隨任運無得達余曰吾祖三觀用之有處取以只緣如迷不識解行盡將解慧而爲觀行故爲不局通乎諸文鈔受戒蕭三品發心記對三觀盡是祖乘所論戒觀文義主對解行相當各有三種豈是令修三觀爲三品發心記云初祖護今不令得脫卽二乘心正據小果中品所修以法開解自他兩利度非究竟卽小菩薩雖期佛果行處中間上品引導令至涅槃同歸佛道卽大菩薩上釋受戒下乃准顯准沙彌蕭三位配之恰然符合學者至此宜明辨行果

分齊學者至乃顯發心受戒期向行果淺深要知遠
大豈令修觀安居篇中令修觀者九旬之內通明所
行無過事理記因經鈔靜慮思微故曰微之一字兼
合事理則憶本受體即戒學也理則達妄冥真即定
慧也即沙彌篇三觀二空即空爲理唯識即識爲理
此釋思微一夏用心無宜偏局思微是道既兼事理
戒亦有分乃是安居修觀豈是用觀安居福報餘味
才士常談取除祖乘何求所出恐牧童不曉何疑學
子未聞所謂通宵路者資持因釋上品納戒云攬無
邊戒法歸無盡藏成種子作聖道基翻無始惡緣
俱爲成善變有漏苦報即成佛身我等云何不目珍
敬佛恩深重粉骨難酬苦海導師朽宅慈父得出火
宅得誰苦海何止通宵可喻其疏圓宗言戒既制心
毒此貪瞋癡在惑即是見思無明在業則有前七後
三故文云譬夫伐樹始必利拔豈唯種果無依亦使根
株漸朽戒禁業非三毒既輕進侵惡果須知圓發三
惑一體皆貪瞋而爲其本惑業分位煩惱重輕只由
妄智誰疎故使惑落前後今宗圓戒會同律儀爲票

十住論

大先容故瓔珞經云律儀禁繫結業煩惱究竟斷故
況復三聚任運互具成佛有餘稱美之謂汝之局執
凡見祖文稍涉理慧使作觀解封後信詰正是老兄
且淨心戒觀序云諸部則以發開解斯文乃以觀示
修若汝偏見必言諸部只是開解斯文只是示修佛
祖發門當求大意片言隻字豈宜妄執觀之不已爲
觀行之不已爲行觀行二字豈易承當記主如難故
有斯議余云沙彌篇大小比決蓋汝不知沙彌建立
入道初心出家學本始終期向律觀各立佛祖正宗
律觀相須汝不知處待至下文更與細辨余云懺篇
所用亦有爲焉乃引祖文顯相須之意
彼云乳兒之見意謂高了若其然者聖師記主皆乳
兒耶資持有人問曰題云懺六聚法耶出事理懺乎
是故答云不曉化行二發罪懺相須唯依化懺則制
罪不壬若專據制科則業道全在故當化行齊用則
業制俱深故鈔云五衆犯罪事理而緣則順教無違
唯識理則達妄外塵本無又云篇聚依教自滅業道
任自靜思此明五衆犯懺不可事理偏明以事懺制

以理懺化但緣折蓬不曉無違唯識一句便將此爲理觀非獨論懺凡見邵文才涉理慧便自差排以觀受戒及一切法門須用修觀妄源在此事則顯教無違唯識鈔中既判爲事卽是依發自滅正顯行懺專據制科下云理則達妄外塵本無卽屬業道靜思方是化懺唯識妙觀若也事懺便用妙觀下立理懺又復何爲豈名化行相須不成事理又用今之懺法既云化行相須其實事理無混方見聖師戒觀不蓋下引攝論證上事理論云唯識義不告不無能取所取上句證上化理下句下制事所以記主廣斥過迷彼則妄著邪空以致機因撥果汝乃強執玄妙翻成無別無分須知理則法法圓融事須一分齊既殊趣向豈合用途是汝貪深非全學淺既知觀是卽事之理何不曉戒爲卽理之事在戒則戒正觀傍在觀則戒傍觀正隨經之律隨律之經斯之謂也須知今宗論戒定慧齊肩各自當家不曾借本祖師記主句句從容鐵樹間生言言局執想因書論忽醒張仍是太圓不分戒觀信之玄妙不易可談

●論道非作

●論道非作

余云凡論修觀須具境乘有十條又云所引之旨是理境又解慧未見疏記而作觀誦鉄着大矣余則慧差只此斥文連改三字一書之內改轍甚多境乘改作境觀理境改作理觀疏記改作餘記然丈夫凡有破斥須論實事豈應改他字義且欲成我笑端若使使知而故改卽是小兒知見不知悞寫元有長書在汝几案既將開版何不細看以義定之如此草草知汝所聞亦可見也余云今家所立三觀齊用祖文自云任智強弱隨事淺深非齊用耶佛祖設化理當如此唯在一乘推佛本懷祖師弘闡故須盡善三種意語汝但學言不知正佛祖所用若據吾祖深鑒當機合用隨他意語故淨心誠觀云於汝見行諸部過患發修對治四十二地空宗眞理唯可知開影像廬相力所未及今唯使汝淨除業障客塵等推此文意急於戒學專權律範聖意可知余云三諦三觀非祖師所立豈妄傳持鐵樹意言妄自差排諸祖立觀各有所宗豈將一字半句便爲今取準承凡汝立法輕狂若此吾祖三觀諸篇取用眞俗並觀卽以自行而

爲化他

蓬問唯識空假中耶余卽答云唯識觀也乃隨問依名而答豈是傍若無人汝將修觀能所始終返難問者傍若無人也余前書中列汝所立汝謂理爲戒體乃出祖文蓋爲不識法界有事理故謂余戒觀各有四意戒中四意是汝傍言悉爲迷文觀中四意其理當然請諸學者子細辨明須知祖乘有旨趣有關節所謂旨趣者能證只是色聞律儀所詮無非比丘戒敷之則包含一佛大化取之則唯歸四分假宗所以疏鈔兩文皆列多論凡欲受戒必先請師開導緣慈爲正發量是故疏釋發心趣向云此之戒法出家本務業非懷大定難容納如善戒經菩薩戒本七衆所受者是向不緣慈如何容大意在後也中間示體文云智知境緣本是心作欲了妄情須知妄業故作法受還薰妄心於本藏識成善種子此戒體也後明隨行云常思此行卽是三聚大小俱心律儀不異事鈔明受戒云我今發心受戒爲成三聚戒故乃至令至涅槃前論戒體云以此要期之與彼妙法相應於彼

法上有緣起義領納在心名爲戒體後示行相云知自身心懷佩聖法下爲六道福田上則三乘因種濟緣約六種三法一一互具明圓體圓行引華嚴涅槃勝鬘智論成圓戒資持問分通之義出何人答如來立發彼此機緣部主深知還符佛意別立成宗是以前後律序法正所安多伸此意豈不明乎又以三種理觀總一切經發所詮三品發心攝三乘行果分齊三宗戒體決兩部受隨持犯此等皆是祖乘旨趣折蓬雖不知大途宗旨亦能云提起小法以圓決顯之處與平常引用天刑所謂關節者亦不離於旨趣以三體三品三觀文義主對解行相當決判大小化制受因果戒觀解行持犯重輕等相各無差互非不昭然故濟緣云清觀前明實宗無一心字次述假宗無一種字始見聖師深體推實自餘凡惑未足擬議此明三宗戒體不濫資持云學者至此宜須明辨三心所期行果分齊但由鉄翁乃以旨趣混於關節故有白四納大不曉教門觀以律本不分化制善種卽三種聚不明受隨義具爲究竟不識因果上品非圖受分

通卽大乘立緣非作法止業非返妄圓宗決教妙觀
無別達折箴中一一隨破更有於微細討重緣吉羅
制業皆大乘所犯盡攝此失宜自細思

余晚景唯恨師友凋喪及見後昆爲學易盈實自
灰心豈期涉世但以造物顛倒不容自閑曠翁弘
闡離解抑揚但見大義有妨不容緘默雖欲糾正
非本所懷念息復興經乎數載今以二三全志頻
欲催成聊述所知以塞其實今寶祐甲寅元宵後
十日於靈芝絕筆云耳

所謂中國失法求之於四垂者斯言有以本是五
天竺國爲中東漸至白木條外皆邊方也或此土
言中者乃軒輊局談耳佛法漢朝明帝時來九
代傳持獨吾祖南山聖師返光前烈蓋能用大弘
小得法正之原本如來權實之用所以土一圓宗
闡於四分稱達化妙盡於此後得記主大智律師
發揚斯旨人到于今咸受其賜近或有逞我能強
生穿鑿僭蓋無歸全失其本雖謂深究誰能曲從
噫一百二十州之大訓兩浙僅在其名可謂中間

笑法笑法矣妙蓮下壇時日本仍法師來略得議
面惜乎不曾與言後見其所出問答知彼解行可
歸嘉定至於淳祐果有學律者來唯恐敬二法師
相聚連年與之義論頗得稠密一別再化各處天
一涯不知其回國之道況何如今有範法師到來
疊衣過我曾出疑難有可答者忽問南山宗旨將
達折箴與看不數日能述一本將來對證已自詳
其略有悞處卽與改之嘉其明敏略叙所由書之
於後也乙卯十月旦滄洲祖關上翁妙蓮云爾

達折箴終

律苑事規要語序

翰林侍講學士奉政大夫知

制誥同修國史袁 桷 撰

●能成廢字
●字不別

余居隣開元寺其戒壇精嚴肅靜過者莫不悚息間
過度僧必一往問之見其結跏藉草持帚畏想口誦
加護不絕天神炳靈至有登壇仆絕不能終事者繇
是錮擲夫志子率罔敢廢懈噫使管持是心安有所
謂地獄也耶悟心源律師定上壇結界等儀式願廣
施諸方使人人如初受具足戒時清淨法海與大雄
氏告衆無異不然破律犯戒罪可勝道哉
泰定元年中元日 清容居士袁桷書

杭州路明慶大興國寺

律藏事規備用要語皆宗門之柱石垣藩也四明
悟公心源宗師篤於前明慶虎巖宗主一爨苦心
二十年圓成二書釐爲十卷凡十餘萬言繼志述
事固有其人奈工木之費頗夥必藉諸大賢明在
家出家菩薩喜開施鑰同成勝事

◆要語知款

佛三寶有僧有法有僧禮樂制度皆是良心律一宗作業
作規故行住坐臥無非大道奈慈苑之廣莫致芳深
之芒洋百丈撥拾頤而之它二祖鈔疏有不能用今
則罕爾要領會其旨歸既閑花野草各自春風動搖
俾殫雨癡雲不礙山色清淨十萬餘字多多益辨千
二百衆井井有條運象長者才肯點頭彫龍工夫方
敢下手法既周徧福不唐捐
泰定二年三月 日疏

幹練 智觀 文郁

勸緣 明慶住持宗主

都勸緣 南山澄祖師菩薩

百丈大智禪師採取律制以爲禪林清規舉世盛行
而吾家律學者及不及焉然

南山靈芝二祖撰鈔疏記文積有年矣至宋咸淳間
前明慶寂堂思律師奏準入藏徧行天下實有大功於
吾宗也惜乎行事儀式曾未著述每承前住大明慶
虎巖宗主累書諄諄囑令徧集近至武林散般若關

◆本經夫

法會新住明慶具湖宗師大耆舊子永文郁智觀又
請器筆其志甚專是皆律苑龍象也於是再披鈔疏
及諮詢律海奇造并參禪林軌式編成律苑事規并
備用要語計十萬餘字今併入梓庶可以爲後人法
則但省悟學識淺陋尙慮缺遺倘木高見宿學改而
正之及補諸未足此省悟之所深望也

秦定乙丑中元前五日 四明演忠住山省悟書

律苑事規目錄

卷之一

天 結界儀

卷之二

地 落髮儀

黃 受五戒儀

字 受十戒儀

市 上壇儀

附加衣說淨

卷之三

洪 布薩儀

卷之四

荒 安居儀

日 自恣儀 附鉢位圖

卷之五

月 聖節啓建滿散

并牌式

盈 聖節宣講開講

辰 千秋節開講

辰 聖節祝香

宿 聖節放生

列 日月蝕祝香伏願

張 請雨祈晴祝香伏願

寒 大殿藏殿日望祝聖

來 朝廷祈禱

暑 如來降誕

往 如來涅槃成道

秋 孟蘭盆供

收 南山靈芝祖忌

冬 開山祖忌

藏 諸祖忌

閏 嗣法師忌

餘 九祖頌

成 送法衣

卷之六

歲 專使請住持

律 西堂頭首住持

呂 頭首受嗣法

調 煎點住持當代

陽 煎點西堂頭首新命

雲 山門官待新命當代專使

◆請願書
◆持疑告

西堂頭首受命官待

致辭衆上座茶湯 雨見職頭首辭衆

露入院古法 結入院新法

爲庫司諸新住持齋 霜開堂祝聖

金新命巡察 生僧堂持爲茶湯

魔檀越諷經 水官待專使

玉留請兩班 出參訪出入

崑交割什物 崗方丈小座湯

卷之七

劍煎點住持 號兩班寢堂煎點

巨諸山寢堂煎點 關尊宿相訪

殊諸山相訪 稱官員相訪

夜施主齋僧 光請名德都講

果兩班進退 珍挂鉢請知事

李侍者進退

柰方丈特爲新舊兩班湯

菜官待新舊兩班 重住持垂訪點茶

芥方丈特爲新首座茶

臺諸莊監收

海頭首寮交割什物

卷之八

鹹住持

河前堂

淡後堂

麟都監寺

潛機首

羽維那

翔知客

龍知浴

師知殿

火侍者 燒香書狀 請客衣鉢直日

帝列項職員

劇寺典座直歲莊主化主水 頭炭頭廚頭頭頭頭頭

鳥百端大規繩

官日用清規

人十威儀頌

卷之九

皇當代住持涅槃

始遺囑遺書

制肅入

文主喪

字請佛事

乃移靈

服挂眞舉哀致祭奠茶湯

衣祭次 裳對靈策發奠茶湯

推出喪挂眞奠茶湯 位秉炬挂眞

通入塔 國全身入塔



有唱衣	虞官待	登諸法名勝挂塔	體法眷辦事挂塔
陶孝服	唐兩班悼住持	舉新來挂塔 門狀式	
吊上祭資次		賓方丈回禮	歸謝挂塔茶
民念誦諸式	<small>宿夜起 龜化體公身入塔法嗣小師入塔誦經</small>	王參堂迂齋狀式	鳴請益禮師
伐遺囑式	罪佛事資次	鳳開講	在參講
周估唱衣單等式	發下遺書	樹晨朝禮	白施主
商嗣法師遺書至并遺書式		駒普迴向	食四節土地堂迴向
湯住持後事	坐病僧圓寂	場楞嚴普迴向	化日用偈章
朝浴亡	問諷經	被歲日元宵祈禱	草青苗祈禱
道分剽	垂請佛事抄割	木秉白梵音聲圖	賴行堂諸儀
拱銀龜諷經致寮	平出喪	及警衆法器 什月分須知	
章茶毗	愛唱衣		
育入塔	黎亡僧後事		
首念誦式	<small>保病病重初夜起龜不眠唱衣</small>		
臣口詞	仗衣單式		
戎儀經錢榜式	差三等板帳		
卷之十			
退相看	西堂首座挂塔		

◆知等六字
一爲細註

律苑事規卷第一

四明演忠律寺住持嗣祖比丘省悟編述
杭州大明慶寺住持嗣祖比丘嗣良參訂

天 結界儀并序

結界一事僧衆大綱像季佛法藉以匡持衆同羯磨
託爲根本蓋因秉御者鮮以致諳練者稀宋咸淳間
四明沙門鉅翁文英律師集結界履歷今取其式外
撰普說白席祝香結坐語共二十章如需用要語中
擬爲後學規則不敢以呈達者幸毋謂焉
結界唱相人卒難曉今以寺外土牆門關石標內
外稜正四隅方向以寺前左角爲始唱之故爲二
圖



●一切一作十方

聞此妙響音 盡當雲集此

次第衆集法堂依位立定大展三拜跪誦入外偈曰

持戒清淨如滿月 身口皎潔無瑕穢

大衆和合無違諍 爾乃可得同結界

衆各收具而坐行事三人起散花水誦偈云

散花莊嚴淨光明 莊嚴寶花以爲帳

散衆寶花遍十方 供養一切諸如來

維那作梵行事一人袖香合持坐具出衆至大香爐

前設禮跪爐傳三捻香就拜待梵音絕却擡身胡跪

誦偈曰

戒香定香解脫香 光明雲臺遍法界

供翬一切無量佛 見聞普薰證寂滅

○羯結大界主法師白如契了云今請某人唱大

界相其人答所成法某謹白

大德僧听結大界不許傳欲云問集 問和 遣

未具 主法云某甲 比丘起爲僧唱四方大界相

次唱相師出衆行禮立定唱云

大德僧听我比丘爲僧唱四方大界相云如契了云

唱了唱師復坐主法云僧今和合何所作爲答云結大界羯磨云結大界羯磨仰憑尊衆合掌同心證明成否

大德僧听云云白及羯磨結問並在羯磨經了云作法既成結界圓滿白及羯磨經結問皆問答成否下皆例之

次羯結攝衣界師白如契了云今請某人

答所成法某謹白

大德僧听問集 問和 遣未具 索欲 問云僧

今和合何所作爲答曰結攝衣界羯磨大衆同心證明作法

大德僧聽云云白及羯磨結問並在羯磨經了

後羯結攝食界師白如契了云今請某人唱淨地相

人答所成法某謹白

大德僧听 問集 問和 遣未具 索欲 師云

某甲比丘爲僧唱淨地相 唱相師出衆具禮唱云

大德僧听我比丘爲僧唱淨地處所云云如契了云

唱訖唱相師復坐師云僧今和合何所作爲答云結

淨地羯磨云結淨地羯磨仰憑大衆合掌同心證明

淨地羯磨云結淨地羯磨仰憑大衆合掌同心證明

明作法

大德僧听此住處云

白及羯磨結同
如羯磨經中

已上羯磨結僧衣食三種大界竟維那舉處世界梵訖

衆念自慶偈云

諸佛出世第一快

聞法奉行安穩快

大衆和合寂滅快

衆生離苦安樂快

衆僧起立淨地師執手爐云

上來恭依律範行結

界法事所萃洪因端爲祝延

皇帝聖壽萬安皇太后皇齊年皇太子春筭千秋文

武官僚同增祿筭國泰民安時和歲稔不盡良因祝

獻護法諸天報答四恩三有伽藍眞宰護教安僧法

界衆生同成種智爲是緣念

清淨法身毗盧遮那佛
十億變加南山大智二

祖師護至訖衆僧大展三拜行事人打椎唱三歸依

如說戒儀中改丁衆收具復回僧堂前和南而散

○第二日解三界羯磨 初夜解三界次第

黃昏打起集衆於僧堂前誦入堂偈如取具就坐行

事三人起散花水誦偈如維那作梵行事一人出衆

禮三拜執爐梵訖傳三捨香衆誦偈如次解淨地及

衣僧二界白席羯磨次第而作也

初解淨地師白席了云今請某人答所成法某謹白

問和衆欲等并如但答云解淨地羯磨同云

大德僧听此住處共住共布薩

白及羯磨結同
如羯磨經中

次解衣界師白席了云今請某人答所成法某謹

白 問和衆欲等并如但答云解不失衣界羯磨同云

大德僧听此住處同一住處同一說戒

白及羯磨結同
如羯磨經中

中

後解大界師白席了云今請某人答所成法某謹白

問和衆欲等并同答云解大界羯磨同云

大德僧听此住處比丘云

白及羯磨結同
如羯磨經中

作處世界梵訖衆誦自慶偈

如起立解界師執手爐
云云

上來恭依律範行解界法事所萃洪因端爲

祝延 聖壽萬安云云

如爲是緣念十佛號加二舉
如說戒儀中

衆展三拜行事人打椎唱三歸依訖收具仍回僧堂

前和南而散

○正結三界儀 中夜正結衣食三界

打起集衆於僧堂前誦聞鐘偈如入法堂設禮誦偈

坐定散花水梵音傳香誦偈並如前結中

初正結大界師白席了云今請某人唱大界相某人

答所成法某謹白問和索欲差唱相人並如前三遍唱訖

問何爲答云結大界羯磨結界羯磨法式

次正結攝衣界師白席了云今請某人答所成法某

謹白問和索欲差唱相人羯磨問答并如前結中

結三界俱了主法人略叙謝結座云如要了維那

作處世界梵訖衆念自慶偈起立主法執爐祝

聖念佛號並如前經中然後白佛乞聖加被俾界域堅牢

等語合衆大展三拜行事人打鼗唱三歸依仍回僧

堂前和南而散

○第三日廣誦戒本法式備於布薩儀中今多行此法故附此

○廣誦一人秉白一人作梵一人行事四人

已上結界次第若作法者多可以各分結解白席如

只一主法者能餘皆未諳不免從簡於是述白席四

章如要以擬後用各章羯磨歷別作之所有淨地唱

相前隨舊出今例攝衣不唱相故此略之其法式次

第今亦列之于后

初結攝衣攝食二界總白席了云今請某人答所成

法某謹白問和索欲如總答云結攝衣界羯磨

攝食界羯磨先秉結衣界羯磨次秉結攝食界

羯磨

共解攝食攝衣二界總白席了云今請某人答所成

法某謹白問和索欲如但總答云解攝食界羯磨

解攝衣界羯磨先秉解攝食界羯磨次秉解

攝衣界羯磨

正結攝衣攝食二界總白席了云今請某人答所成

法某謹白問和索欲如總答云結攝衣界羯磨

結攝食界羯磨先秉結攝衣界羯磨次秉結攝

食界羯磨

共解食衣僧二界總白席了云今請某人答所成法

某謹白問和索欲如總答云解淨地羯磨解攝

衣界羯磨解大界羯磨先秉解淨地羯磨次

秉解攝衣界羯磨後秉解大界羯磨

○結解戒場儀

初結戒場白席了云今請某人唱戒場相某人答所



成法某謹白 問和索欲唱相師出衆行禮與衆大界同唱

相獨應詞語如要語中

次解戒場白席了云今請某人答所成法某謹白

問和索欲如但答云解戒場獨磨

正結戒場白席了云今請某人唱戒場相某人答所

成法某謹白 索欲問和唱相師出衆並如但答

云結戒場獨磨獨磨詞並如

○結界資次榜式

結大界所且以五人僧資次排定如人多寡隨宜區處

第一日

午前集衆行道祈禱 某寺律師回向 齋

午後集衆遶寺行道祈禱 某寺師回向 點心

初夜甲寺律師祝香普說

中夜乙寺律師勸結大界

丁寺律師唱相 丙寺律師答法

丙寺律師勸結衣界 戊寺律師答法

丁寺律師勸結淨地

戊寺律師唱相 乙寺律師答法 點

●師應仰

心

第二日

初夜戊寺律師解淨地 乙寺律師答法 兼食

乙寺律師解攝衣界 丁寺律師答法

丙寺律師唱大界 戊寺律師答法 點心

中夜甲寺律師正結大界

丙寺律師唱相 乙寺律師答法

丁寺律師正結衣界 丙寺律師答法

戊寺律師正結食界

乙寺律師唱相 丁寺律師答法 兼食

右伏以毗尼藏是佛法延壽命之教經論力微獨

磨地之蕊菑衆衆法之區自然休弱眷此精藍難

美其何勝法未加欲免宿養離別之德結攝僧衣

食之界天人戴師神龍護持端肅身心宜唱三篇

之祕語專懃呪願堅牢萬載之封疆全始全終毋

忘毋忽闕 南山宗旨祝

北闕春齡

今 月 日 榜

律苑事規卷第二

四明演忠律寺住持嗣祖比丘省悟編述

地落髮儀

欲出家者律中作單白和僧使大衆知和合者善不爾者循房房語令知作已應與剃髮先請和尚次請阿闍梨應具儀至和尚所三拜互跪合掌請之侍者先念夫願云

一無以字

夫以儒敦事父唯重於成身釋制依師務存於學道故使四儀軌範藉此以琢磨五分法身因茲而成立理須竭誠事奉故當克志陳詞恐汝未能我今教汝

諸詞云

大德一心念我某甲今請大德爲落髮和尚願大德爲我落髮和尚我依大德故得剃髮出家慈惠故三

和尚答云汝既陳請我當爲汝作剃髮和尚次引手開梨所禮拜互跪侍者云

大猷處凡流忻參寶位將欲剪除於俗態理宜警策於蒙心矧在當仁必出名匠今爲汝請某人爲落髮

阿闍梨而況此師誨人無倦接物有方故須專秉一心恭陳三請詞云

大德一心念我某甲今請大德爲落髮阿闍梨願大德爲我作落髮阿闍梨我依大德故得剃髮出家慈惠故三請

阿闍梨答云汝既陳請我當爲汝作落髮阿闍梨

南山聖祖云應以諸部會明立出家儀式在於露地香水洒之周巾七尺四角懸幡中安一座擬出家者復設二勝座擬二師座欲出家者著本俗服拜辭父母尊者訖說偈云

流轉三界中 恩愛不能脫 棄恩入無爲

真實報恩者

乃脫俗服出清信士度人經善見云以香湯洗浴除白衣氣仍著出家衣今經來至和尚前互跪應爲剃髮毛爪齒皮何此故有人曾觀此五今爲落髮即發先業便得悟道如羅睺羅落髮未竟便得羅漢如熱惱待刺蓮華待日爲說法已而向阿闍梨前坐出善見論以湯灌頂讚云

善哉大丈夫 能了世無常 捨俗趣泥洹
希有難思議

敬禮十方佛已行者說偈云

歸依大世尊 能度三有苦 亦願諸衆生

普入無爲樂

阿闍梨乃爲剃髮旁人爲誦出家唄云

毀形守志節 割愛無所親 棄家弘聖道

願度一切人

出度人經

與剃髮時當頂留三五周羅髮周羅者小髮也來至

和尚前互跪和尚問云

今爲汝去頂髮可爾或有作文白之方與

準知落髮本是和尚恐其煩久故令開梨爲除餘者

但留少許和尚親落今時先自剃作小髮非本教意

除已和尚授與袈裟便頂戴受已還與和尚如是

三反和尚爲著之見善說偈曰

大哉解脫服 無相福田衣 披奉如戒行

廣度諸衆生

禮佛訖行還三匝說自慶偈

過哉值佛者 何人誰不喜 福願與時會
我今獲法利

禮大乘及二師已在下座受六親拜賀出家離欲心
懷遠大父母等皆爲禮作悅其道意也中前剃髮出
人毗尼母云剃髮著袈裟已然後授三歸五戒
受 具戒策發儀

初淨人打鼓於法堂集沙彌兩人侍者到策發師安

下處問訊一執手爐一鳴引磬策發師至法堂燒香

座畢沙彌行道燒香通衆沙彌同禮三拜侍者教

沙彌坐鳴鐘一下梵音師作梵訖大衆同聲誦傳香

偈如佛界偈了惟一下侍者念請師夫頭云

夫刻彫完眾相皆憑良匠之功教育成全材須假明

師之力若不虔請安能允從今爲汝等一心恭請某

人爲策發阿闍梨而況此師誨人無倦接物有方故

須專秉一心恭陳三請

鳴尺一下高聲唱戒子隨念云

大德一心念我某甲今大德爲策發阿闍梨願大德

爲我作策發阿闍梨我依大德故得受具足戒慈慈故

三請各尺一下侍者 汝既陳請我當爲汝作策發阿

闍梨所有教示汝須諦听

策發師說法如要說法竟尺一下起立云

上來恭依律範行策發法事所萃洪因端爲祝延

皇帝聖躬萬歲云云下座作處世界梵訖而散

黃 受五戒儀

一作梵 二請師 三請聖 四啓白 五策尋

六遮難 七懺罪 八秉法 九說相 十發願

○第一作梵 初淨人打鼓於法堂集沙彌已兩人

侍者到十師堂問訊一執手爐一鳴引磬迎五戒師

前至法堂燒香登座沙彌行道燒香匝侍者鳴引衆

沙彌同禮三拜侍者教沙彌坐鳴槌一下梵音師作

梵訖大衆同聲念傳香偈云云如結偈了槌一下侍者

鳴尺一下念請師夫頭云

○第二請師 夫元受三歸爲翻往昔之邪境即授

五戒先登初級之重樓不得明師難傳勝法今爲汝

等一心恭請某甲堂上某人和尙爲五戒阿闍梨而

況此師誨人無倦接物有方故須專秉一心恭陳三

唱請尺一下

大德一心念我某甲今請大德爲五戒阿闍梨願大

德爲我作五戒阿闍梨我依大德故得受優婆塞戒

慈愍故三請各尺一下女受云汝既陳請我當爲汝

作五戒阿闍梨所有教示汝須諦听侍者下座

○第三請聖 戒師云凡欲傳授戒法先須迎請常

住三寶護法諸天降臨道場證明加被三寶威重不

可坐邀須當起立隨我言詞至誠處請尺一下齊聲

和云

我某甲稽首歸命一心恭請十方方法界常住三寶清

淨法身毗盧遮那佛圓滿報身盧舍那佛千百億化

身釋迦牟尼佛當來下生彌勒尊佛極樂世界無量

壽佛十方三世一切諸佛大小兩乘毗尼戒藏一切

法寶文殊師利菩薩普賢菩薩觀世音菩薩大勢至

菩薩十方三世諸大菩薩南山聖師菩薩大智律師

菩薩西天此土傳法祖師聲聞緣覺得道眞僧惟願

三寶聞今奉請同降道場證明受戒尺一下念

南無十方常住佛法僧同各三聲各尺一下



我某甲一心虔請護持正教列席諸天三界萬靈十方聖衆今年歲分賢罰神祇大元土境諸善神府城香火州縣聰明現前衆等本命星天此一住處護伽藍神惟願聞今奉請光降道場證明受戒尺一下南無護法諸天菩薩三聲各尺一下畢坐

○第四啓白 上來恭請三寶必賜降臨願展祥光俯垂鑒念現前一衆今欲進受五戒爲出家入道之基本切慮人根淺薄魔障忽生故先歸命佛天願求加被庶使現前一衆正當傳授之時一心不亂萬境條然能所相冥授受無味仰冀威靈決彰感應念南無十方常住佛法僧各三聲

南無護法諸天菩薩三聲各尺一下畢坐

○第五策導 戒師說緣境發心如要語中

○第六遮難 上來爲汝說緣境發心已更須身器清淨若有遮難障戒不發我今問汝汝當實答先問重難

一邊罪 二汚尼 三賊住 四外道 五黃門
六殺父 七殺母 八殺阿羅漢 九破僧

十佛血 十一非人 十二龍畜 十三三形

更問輕遮不問年歲衣鉢止十三遮耳

問云 汝今名誰 五戒和尚名誰 父母听許不負人債 非下使人 名祿官人 汝是丈夫丈夫五病

○第七懺罪 上來問汝遮難既無更須罪根清淨方堪傳受隨我言詞行懺悔法

我某甲至心懺悔往昔所造諸惡業云云如別帶三說各尺一下

○第八秉法 罪根既淨戒體可發欲發此體必假

三歸是故歸依理體三寶幸勿異緣尺一下戒子一我某甲歸依佛法僧以下並加羯磨經中三授各尺一下

又三結尺一下云我某甲歸依佛竟法僧三結各尺一下

○第九說相 善男子既已納戒今當示汝戒相受已依相奉持善男子盡形壽不殺生云云不盜 不邪淫 不妄語 不飲酒

第十發願 行相既明大願主汝當至誠同聲發願

我某甲至心發願云云如要語中 尺一下

回向云如結界至波羅蜜下坐梵音師作處世界梵

訖而散

字 受十戒儀

一作梵 二請師 三請聖 四啓白 五策導

六遮難 七秉法 八說相 九德數 十迴向

○第一作梵 初淨人打鼓集沙彌已兩人侍者到

●下●有
引字

十師堂問訊一執手爐一鳴引磬十戒和尚闍梨二

師前至法堂齊燒香闍梨登高座和尚於座下坐已

沙彌行道燒香通侍者鳴引衆沙彌同禮三拜侍者

教沙彌坐鳴槌一下梵音師作梵訖大衆同聲誦傳

香偈如結 偏了又推一下

頭云

○第二請師 侍者二人上首鳴尺一下念誦總夫

夫煉金鑄物而像生元因範正爲人行已而有禮皆

爲師嚴若不令起慙重心安能感發增上戒必須用

匠以決愚情今爲汝等一心恭請某寺某人爲十戒

和尚某寺某人爲十戒阿闍梨然此二師解行兼濟

宗說俱通故須同秉一心各陳三請尺一下高聲唱

戒子隨念云

大德一心念我某甲今請大德爲十戒和尚願大德

爲我作十戒和尚我依大德故得受沙彌戒慈愍故

三請各

尺一下

和尙答云汝既陳請我當爲汝作十戒和尚下首侍者尺一

云下

大德一心念我某甲今請大德爲十戒阿闍梨願大

德爲我作十戒阿闍梨我依大德故得受沙彌戒慈

愍故三請各尺一下

闍梨答云汝既陳請我當爲汝作十戒阿闍梨所有

教示汝須諦听侍者下座

○第三請聖 闍梨云凡欲傳授戒法先須迎請常

住三寶護法諸天臨降道場證明加被三寶威重不

可坐邀須當起立隨我言詞至誠虔請尺一下沙彌

齊聲和云

我某甲稽首歸命一心虔請十方世界常住三寶

如五

○第四啓白 上來恭請三寶必賜降臨願展祥光

俯垂鑒念現前一衆今欲進受沙彌十戒爲出家人

道之基本切慮人根淺薄障忽生故先歸命佛天願求加被庶使現前一衆正當傳授之時一心不亂萬境條然能所相冥授受無味仰冀威靈決彰威應念

南無十方常住佛法僧護法諸天菩薩各三摩尺

○第五策導 云云如要語中

○第六問難 然此戒法必須身器清淨方堪進受切恐汝等身帶遮難以為戒障我今逐一問汝汝須如實而答第一問

問善男子汝不犯邊罪否答無此十三難及下十

二汙尼 三賊住 四外道 五黃門 六殺父

七殺母 八殺羅漢 九破僧 十佛血

十一非人 十二龍畜 十三二形

重難既無更問輕遮還須實答不問年歲衣鉢三

善男子汝今名誰答某甲十戒和尚名誰答某甲聞

黎爲和尚 父母所 負人債 奴婢 官人 丈

夫五病

上來問汝前無重難後無輕遮戒可得受

○第七乘法 戒師說最要心

當隨我言歸依三寶尺一下一拜隨聲念云

我某甲歸依佛云云如要語中 三說各尺一下

○第八說相 如要語中

一不殺 二不偷盜 三不淫 四不妄語

五不飲酒 六不著香油塗身 七不歌舞作倡

伎樂 八不得坐高廣大床 九不得非時食

十不得捉生像金銀錢寶

此是沙彌十戒盡形壽不得犯何故止列十戒者爲

喜犯故然此十戒無作之體是爲無漏解脫功德汝

當護持無得毀犯

○第九五德十數 如要語中 五德者一發心出家懷佩道

故 二毀其形好應法服故 三委棄身命遵崇道

故 四承謝親愛無適莫故 五志大棄爲度人故

此之五德出家大要也

十數者一者一切衆生皆依仰食 二者名色 三

者痛痒想 四者四諦 五者五陰 六者六入

七者七覺支 八者八正道 九者九衆生故 十

者十一切入 已上十數一一對破外道要令汝等
專心思擇辨別邪正故也 此之十數各有名義廣在
律文茲不繁引 尺一下

立起

○第十回向 上來恭依律範行十戒法事所萃洪

因端為祝延 聖壽萬安 迴向等文

如結界中

下座維那作處世界梵訖而散是夜請壇師擊引標
如上壇儀之中明之

宙 受具戒上壇儀加次說淨附

先於頭夜受十戒已十師并備員俱集十師當淨人
鳴鼓集沙彌次侍者二人到堂問訊一執手爐一鳴
引磬并挑灯迎諸師至法堂座下一行列坐諸沙彌
行道燒香畢同禮三拜互跪次侍者分摩沙彌引標
與十師了鳴引二下念夫頭云

夫明鏡當臺遇形則鑑洪鐘在架有扣則鳴圓成三
寶須假於三師檢舉七非全憑於七證而況諸師解
行兼濟宗說俱通故須專秉一心各陳三請 先請釋
戒師次
授師後尋證師令諸沙彌各偏袒右肩右膝著地教
如是誦云

大德一心念我某甲今請大德為得戒和尚願大德
為我作得戒和尚我依大德故得受具足戒慈愍故

三

大德一心念我某甲今請大德為羯磨師使阿闍梨
願大德為我作羯磨師 阿闍梨我依大德故得受
具足戒慈愍故

各三請已十師應語發彼喜心齊聲答云

可爾教授汝清淨莫放逸沙彌答云頂戴持

侍者復引十師歸十師堂至沉日空心就食堂中隨
宜課佛了衆僧爾罷應先請一僧作加衣師次集沙
彌持衣鉢就某處加衣侍者教沙彌禮三拜坐听師
說法

加衣師說法云云 如要語 令沙彌互跪執衣教如是

言

加五條 正有三品制裁據業也下有
機衣從有二十一品隨用改之

大德一心念我某甲此安陀會五條衣受一長一短

割截持三

加七條 正有二品制裁據業也下至
機衣從有二十二品隨改

卷一 無投字

大德一心念我某甲此鉢多羅僧七條衣受兩長一短割截衣持三

加大衣

正有十八品割截衣各九也下至提衣從有大品隨改

大德一心念我某甲此僧伽梨若干條衣受若干長

一短割截衣持三

加鉢

梵語鉢多羅此云應器

大德一心念我某甲此鉢多羅應量受常用故三

加坐具

梵語尼師壇此云應器

大德一心念我某甲此尼師壇應量作今受持三

戒壇且作南向已上加衣法若無對首並許心念作

之次鉢加畢淨人鳴鼓侍者二人至堂仍前鳴引執

爐挑灯迎引十師自堂而出畢南無本師釋迦牟尼

佛行至壇所從東繞壇至西階上第二級投東朝壇

一行立禮三拜壇長啓白祝

聖畢收具復念本師號又東繞第二級壇至西階上

壇上禮三拜次禮建壇四聖三拜並燒香念本師號

從西向北入佛後出南依位立定侍者鳴引一下齊

同訊俱坐壇下鳴槌一下有聲音者作梵訖衆誦傳

◆全一節終

香偈散花偈如結界壇長鳴尺一下白壇今時多是

白壇不梵會不

壇長白壇云云如要訖次壇長拈沙彌引標著其名

字端正念後差羯磨師教授師壇長云

第一引沙彌某甲某甲某甲將陞寶壇從僧求受具

戒今請某寺和尚爲羯磨師即第某寺和尚爲教授

師即第某寺和尚爲教授差了次羯磨作白

差教授師應先問云有將此問在誰能與彼沙彌作

教授師教授師答云某甲能告云長老既能听作

法差

問大德僧听僧集不答僧已集問和合不答和合問

僧今和合何所作爲答受戒羯磨此是通答已後不

云差別教授師出衆問難單白羯磨須再和僧差別答

已上一節每日初上壇並依此式壇長不白壇直舉

差也羯磨師云差教授師出衆問難單白羯磨

大德僧听云如羯磨問成不了羯磨師云作法既

成教授師出衆問難某教授師即從座起整衣持

具從此入佛後向西出至佛前復朝東向僧問訊轉

身從南面西階而下階下侍者鳴引引至教授所敷具而坐侍者鳴引教沙彌禮三拜了互跪侍者次第度衣鉢祇與師師與沙彌三人各擊之先安慰言善男子我受壇上衆僧作法差我下來問汝等遮難汝莫恐懼須臾持汝著高勝處汝等三人將陞寶壇求受戒法然恐汝等身帶遮難障戒不發問難之前先當示汝衣鉢名義各有名體色量四種也

教授師說示衣相遮難等今略提云

善男子汝祇中所有三衣一鉢名體色量乃恒沙諸佛之標幟賢聖沙門之軌儀比丘受戒之正緣爲僧終身之道具祖師道若不已有定不得戒此衣此鉢是汝三人已有不答云已有衣鉢雖是已有要須身器清淨方堪進受若有遮難定不得戒我今問汝汝須實答遮難釋相如

問邊罪 汚尼 賊住 外道 黃門 殺父母 殺阿羅漢 破僧 出佛血 非人 龍畜 二形 更問輕遮 汝各 和尚名 年滿 衣鉢 父母負人債 下使人 官人 丈夫 五病

汝三人既前無重難後無輕遮可納戒法大略如此中少刻壇上亦當如是答之汝等今於壇下立我往僧中作法和尙問衆僧衆僧默可我舉手召汝汝可卽來

其教授師令戒子起立爲正著七條著履操具衣鉢祇置手中語今於壇下立我當召汝教授師卽從座起入壇南面東階上第二級面西行回身從西階上至壇上朝東向僧舒手相及處敷具正立合掌白云

召沙彌入衆單白羯磨

大德僧听云云如上教授師只一拜取具問訊仍前西入復位坐之 其第二引和尚卽上第一引拈標差僧云

彼第二引沙彌某甲某甲某甲將陞寶壇從僧乞戒受具戒今請某寺開梨爲羯磨師只第一引某寺開梨爲教授師只第一引某寺開梨答所成法只第五引

師也下皆例

第二引羯磨師差教授師單白詞語前後問答並同前 其第二引教授師如前出衆從壇上東階而下

卷一 律部

侍者引去教授師。其第一引教授師亦從座起於佛後出壇西階上立舉手喚前已教授沙彌云某甲某甲來戒子上壇佛前一行立爲接衣鉢狀次第安佛前小几案上爲戒子燒香并四聖處香了令問訊禮三拜却引戒子從右邊北入過佛後轉至和尚前爲所衣鉢狀安羯磨師前小几案上令敷具禮三拜已皆互跪合掌告云

汝當懇惻至誠仰憑清衆求哀乞戒恐汝未能我今教汝

大德僧听我某甲從和尚某甲求受具足戒我某甲今從僧乞受具足戒某甲爲和尚願僧慈愍故拔濟我三乞了令戒子復座教授師歸位坐定次羯磨師對衆問難即白云

對衆問難單白羯磨

大德僧听如羯磨問成否了羯磨師說文鉢名義遠戒人多不羯磨師作單白已再問衣鉢有無及十三重難十六輕遮並同前教授師出衆問之一般然後說緣境發心備如要說了

求受具足戒白四羯磨如羯磨經中三番無差得戒圓滿作法既了令戒子三人朝外座待第二引教授師上壇作白召羯磨了又待教授師入衆生訖听第三引羯磨師差教授師了方令戒子起三拜侍者在壇下鳴引引下壇往望壇處燒香問訊仍引至祖師堂燒香三拜了引入護壇侍者付小六念與之

次說隨相及授四依法

先說四波羅夷法 次說四依法其文備如羯磨經中

次請師作衣藥鉢展轉淨主

是夜淨人打鼓集新僧於壇上侍者至說淨師所問訊鳴引引說淨師至壇上坐訖參頭燒香畢衆禮三拜令坐侍者鳴引一下念請師夫頭云

夫因畜長財致使袈裟而離體能行說淨免教鐵業以纏身不得明師安知深旨今爲汝等一心恭請衆人爲衣藥鉢展轉淨施主而況此師誨人無倦接物有方故須專崇一心恭陳三請引一下衆請云

大德一心念我某甲今請大德爲衣藥鉢展轉淨施主願大德爲我作衣藥鉢展轉淨施主慈愍故三請各引


律苑事規卷第二

戒壇圖形

新築

殿壇

單



北

一下淨汝既陳請我當爲汝作衣藥鉢屢轉淨施主
主答曰
所有教示汝須諦听
淨施主說法如要說淨師說法了侍者一人先去請
誦經師鳴引從壇東端而上說淨師從西端而下誦

經師就座跌坐訖戒子參頭炷香一片同衆三拜皆
坐次誦經師誦遺教經訖下壇而去衆戒子繞壇念
楞嚴咒參頭回向此乃一壇受事辨若來日又受戒
更如前行

律苑事規卷第三

四明演忠律寺住持嗣祖比丘省悟編述

洪 布薩儀

若新受戒人廣誦者須預請住持作羯磨并答法人
又須和會行事等七人及證戒本一人若夏中常說
者維那須於每月初八二日出差說戒人牌挂僧堂
右類此差不問已來歷職事須肩次輪流如有私假
公出病緣及不能秉說之人並須自行和會人代之
毋得臨時失事本律說戒健度初明先廣後略次第
八段於相易曉後明先略後廣三五說戒皆爲八難
餘緣來有緩急致有要心五增不同前四增略第五
增廣說者不可云略然而同是難緣某來猶遠要心
廣說故廣說之不同無難而廣說也今時說戒前後
中間廣略不定一夏足經一卷雖鈔主義立寒熱二
緣略說而非一席之間有中廣三十前略十三後略
九十等例此略不出律制其弊久矣久則難變且依
舊出說戒乘白上差下 梵音亦上差下 行事四
人下差上 今時多是和會

白月說戒 開寫 某甲律師

梵音 某甲律師 秉白 某甲律師

今 月 日 堂司比丘 某甲 咨稟

一四 黑月廣四重餘略

一五 白月廣十三二不定餘略

三五 黑月廣三十餘略

四六 白月廣九十提舍餘略

五六 黑月廣衆學餘略

六七 白月不說戒

閏白月廣四重至三十餘略

閏黑月廣九十至衆學餘略

說戒行事 開寫 某甲律師 某甲律師

某甲律師 某甲律師

今 月 日 堂司比丘 某甲 咨稟

住持亦須預和會首座或老成人答法至說戒前一

日晚維那令堂司行者誦說戒七人獻湯如常戒至

參前維那令直殿人洒掃法堂仍令行僕兩邊挑燈

暑月不宜飲酒及排住持位於佛左置礎於佛右參

罷維那令堂司行者於大香爐前排手爐花桿詩匣水盂湯盂手巾并架如常鋪設仍置一蒲團於香爐前中間先一日晚鳴頭火後維那令堂司行者遶廬陳陳打引報云 習行事 法堂點燭衆集坐定堂司行者筆湯茶桿桿中點燭燒香行儀行湯湯罷却習行事加行事人或音聲未諳進止有乖維那與老成人須再三依式教之莫待臨時有失觀瞻先習者爲此也習了維那囑堂司行者收拾物件至來日早粥直日人僧堂鳴鐘一下白云

大德僧所令白月日日衆僧和合辰時就講堂說戒次如常粥了少歇維那親到法堂點視香花壽水等件件鋪設如儀又令堂司行者往說戒人處取香爐花瓶燭臺及燭排法座上又令門子挂說戒牌於山門外東首法堂上又令直殿人上諸殿堂香燈却令堂司行者覆頭首住持打起通廊打小板次打大鐘陳陳打之大衆遶諸殿堂燒香集僧堂前依戒次一問訊叉手而立威儀整肅毋得語笑頭首亦依戒次而立秉白人及行事四人在沙彌下肩立唯直日

人面對首座叉手而立候住持至殺鐘即打數聲絕直日人打引二下維那舉衆僧聞鐘偈云如前大衆皆合掌誦之直日人打引略問訊於住持前行衆打引僧衆前行至講堂香爐前住持問訊大衆次第各問訊此初入堂表所數也住持歸位立大衆一一就位東西兩行而立待齊打引衆齊問訊展具三拜禮衆各互跪直日人未可拜維那舉入堂偈云如前衆結界爲衆誦偈了打引齊收具而立引二衆齊問訊攝衣置具而坐直日人方展具三拜問訊坐定秉白人及行事四人便起身整肅威儀齊問訊秉白人先行行事四人亦序而行至香爐前秉白人在中間立行事第一人在秉白右立第二人左立第三人又右立第四人又左立如是相間作一行問訊叉手而立秉白自問訊回身東繞至水盂前立略問訊互跪誦水偈云

八功德水淨諸塵

塵掌去垢心無染

執持禁戒無缺犯

一切衆生亦如是

下皆例此 偈了起身問訊向西行 至湯盂前行事

第一人亦同問訊回身至水盂前二人俱隨一同略問訊互跪秉白誦湯偈云

香湯潔沐澡諸垢 法身具足五分充

般若圓照解脫滿 群生同會法界融

置拭手巾偈了第一人誦水偈上

偈了一齊起身第二人亦同問訊秉白歸元立處第

一人亦隨行至湯盂前第二人亦過至水盂前三人

一齊問訊如是次第相顧問訊說偈疊掌各要齊整

至第四人繞歸位便一齊問訊三步進前略問訊互

跪取鉢及執湯水盂手巾角秉白人畢浴籌偈於左

右以湯水浴籌云

羅漢聖僧來 凡夫衆和合 香湯浴淨籌

布薩度衆生

大衆皆合掌誦之偈了五人各執籌木湯巾一齊起身略手朝三步倒退立定亦齊手朝執湯人先回身行至鉢所揭鉢浴罷執巾人亦隨至以巾拂拭二人還繞回至元立處秉白人即往鉢所立擊水人亦先回身至住持前半跪以水洒手住持誦水偈如前

執巾人亦往半跪授巾拭手擊湯人與執巾人至體亦如上住持誦湯偈如前其擊水擊湯并二執巾人次第至第一座前洒手授巾循行而去衆各誦水湯二偈疊手拭巾既了四人仍回香爐前立定手朝三步進前略手朝半跪置巾於元處令其整齊二盂亦置元處一齊起身略問訊三步退問訊第四人先其次第各歸元位問訊而坐秉白人鳴鐘一下云大德僧所衆中誰小小者收護 行事第四人問白誰小小者便起身問訊至秉白人後問訊離四五尺許叉手而立秉白人再鳴鐘一下云大德僧所外清淨大沙門入 若有客比丘皆集此處再鳴鐘大德僧听此衆小者已收護外清淨大沙門已入內外寂靜無諸難事堪可行籌廣作布薩我某甲比丘爲僧行籌作布薩事 僧當一心念作布薩願上中下座各次第如法受籌 白了便離鉢所向南行舉云 并受囑授人籌 收護人而徐徐行秉白人至住持前五跪授籌一條與住持住持雙手受之誦受籌偈云

十一 雜律

命剛無礙解脫籌

難得難遇如今果

我今頂戴歡喜受

一切衆生亦如是

收護人亦至住持前胡跪雙手接籌住持誦還籌

偈云

具足清淨受此籌

具足清淨還此籌

堅固喜捨無缺犯

一切衆生亦如是

秉白人先至第一座前次第循行分籌而去若受欲

人須受二籌大眾各各受籌誦受籌偈如收籌人亦

至第一座前次第第一收籌衆各一一還籌及誦還

籌偈如秉白人最後分直日人籌了至西南角向西

立收籌人亦收了對秉白人向東立齊手朝互跪秉

白人以右手舉籌一條誦受籌偈如又誦還籌偈如

還籌與收籌人秉白人又授一籌與之收籌人亦手

擎籌并誦受還二偈起身手朝秉白人回至槌所收

籌人亦同回元立處便急數籌數而點記之初收籌時亦當

先記數庶得無差若沙彌收籌而後亦再如上行之

沙彌籌 白了便徐行云

沙彌籌 若有沙彌亦次第分籌還 收籌人便行過

秉白人前至住持前互跪白云 大僧幾人

若有沙彌

則云 沙彌幾人

無沙彌

大僧幾人沙彌無籌

與住持了起身略問訊便達法座歸位而坐秉白人

至住持前互跪住持告云 此一住處一布薩大僧

幾人 有沙彌 沙彌幾人 無沙彌 大僧幾人

沙彌無 住持付籌與了起身問訊回身至香爐前

立略手朝三步進前手朝互跪安籌於匣內起身略

問訊三步退後問訊回至槌所鳴椎一下合掌白云

大德僧所此一住處一布薩大僧幾人

若有沙彌

沙彌幾人都合幾人 無沙彌 各於佛法中清淨

出家和合布薩上順佛教中報四恩下爲含識 白

了至元坐處取坐具置臂上徐行舉云

各誦律中清淨妙偈 衆皆合掌誦云

清淨如滿月 清淨得布薩 身口業清淨

爾乃應布薩

秉白人從容至住持前問訊展具偈恰了互跪合掌

白云

大德慈悲爲衆說戒住持答云 此說戒事任當某甲



但以年老昏昧論文不通恐惱於僧衆中有某甲律師能誦往彼告云僧差說戒便收具問訊從座後至說戒人前須如說問訊又手告云

僧差說戒說戒人亦合掌坐而受之秉白人還至椎所鳴槌一下白云

大德僧听僧差某甲說戒律師爲眾說戒梵音某甲

梵音律師陞高座說戒人問僧差二字卽起身持

坐具袖香合問訊至香爐前燒三捻香略問訊轉身又問訊展具三拜須候秉白緩急白聲纔絕起身互跪云

跪云

小比丘某甲稽首和南敬白衆僧僧差說戒恐有錯

誤願同誦者指授起身一拜收具問訊至住持前

問訊次至法座前略問訊登座於座上爐前問訊燒

香三捻放香合又問訊置坐具於坐處轉身問訊踰

跌而坐行事第二第三第四人同起身問訊第二人

至爐前中立第三至右立第四至左立一齊問訊三

步進前略問訊互跪第二人取花杵左右二人執湯

盂水盂起身略手朝三步退後叉手朝且以寺門向

南爲例衆水人便先東行二人皆隨行洒水散花洒湯秉白人舉云

散花說偈云如結界中大衆皆合掌誦之秉白人鳴椎一下衆

皆合掌梵音云

稽首禮諸佛及法比丘僧今演毗尼法

令正法久住優婆離爲首及餘身證者

令說戒要義諸賢咸共听

散花三人遶法座滿堂散之如自恣回至東南角三

人旋繞昇立互跪散花人須向南擎湯人略傾湯

於水盂中擎水人置水盂於花杵上一齊起身散花

人便乃却行洒水散花填於中間擎湯水二人同至

香爐前一齊問訊三步進前略問訊互跪置湯盂於

元處起身略問訊三步退後問訊第四人先行共歸

位問訊而坐填花人至東南角轉身以花杵向北朝

之回至香爐前手朝三步進前略朝互跪置花杵水

盂於元處起身略問訊三步退後問訊歸位而坐行

事第一人候梵音作諸賢二字便起身持坐具袖香

合問訊至香爐前又問訊不用大展具三拜須候

梵音恰了方舉身互跪執手爐坐上說戒人秉白舉亦執手爐云

傳香說偈如輪界儀中大眾皆合掌誦之然香人於頭句

偈燒三捻香執手爐拜下偈了放手爐起身一拜收

具問訊歸位而坐秉白打槌一下亦歸位問訊而坐

說戒人執手爐誦云

四分戒本序了放手爐住持叉手揖衆衆皆叉手受

揖住持問云大德僧听僧集否問和道未具

索欲如有受欲人即展具互跪合掌白云

大德僧听某甲比丘我受彼欲清淨彼如法僧事與

欲清淨一說收具歸位問教誡問何爲答云說戒羯磨

請證明作單白羯磨並如四分成本中

問成否了云作法既成高座說戒說戒人合掌平聲說戒

或有歌聲誦者此是五分廢教誦至七佛略戒大眾

齊合掌鳴僧堂前鐘二下召沙彌誦戒人執手爐至

後序了起身收具袖香合問訊下座作梵人表云

神僊五通神造設於呪術爲彼慚愧者攝諸不慚愧

如來立禁戒半月半月說已說戒利益稽首禮諸佛

處世界如虛空如蓮花不著水心清淨超於彼諸首

禮無上尊說戒人至香爐前秉白與直日人亦起

身三人一齊問訊展具三拜秉白先收具至跪所立

直日人亦收具於元位立唯說戒人候梵音緩急梵

續了起身互跪白云

小比丘某甲致敬衆僧足下敬謝衆僧僧差說戒三

衆不動多有忘失願僧慈悲施以歡喜起身一拜

袖香合收坐具問訊歸元位直日人下引二大眾皆起

身袖香合臂坐具立得齊下引衆皆問訊展具而立

秉白人舉自慶偈云如結界儀中衆合掌誦偈了

秉白鳴槌一下合掌舉云

一切恭敬自歸依佛打引衆拜當願衆生

體解大道發無上心引一下衆起立鐘一下云

自歸依法打引衆拜當願衆生深入經藏

智惠如海打引衆立鐘一下云自歸依佛打引衆拜

當願衆生統理大眾上來布薩無限勝因

散沾法界和南聖衆引二下

衆皆收具立引二下衆皆問訊信直日人疎疎打引

○維那又出方丈臨講文牌掛備堂前左邊 須預

至方丈請開所講節文卷目書於牌上

維那又於安居前量度僧數預排戒牒資次圖掛堂

可

禮懺圖掛懺殿右柱或分作兩減日圖掛懺殿

鉢位圖今相承寫皆於十五日晚掛之 更須審量

九十日內直日者一夏幾人一人幾日先定的數到

方丈稟過仍令堂司庫子依數請合直日人獻湯湯

罷維那又手揖衆稟白資次輪流之意及或當次之

人有緣告假須各自和會人代之毋得他詞致有喧

爭凡爲悅衆必須委曲悅可十五日晚堂司備湯令

行者請作梵等獻湯先須和會定及起初直日人

陽恐未知規矩當教之至十六日早鐘鳴時至懺殿

將卓子一隻於中安禮懺圖圖上以燭照之其禮懺

蒲團亦有十五日對圖排定不可臨時失事粥罷維

那令直殿人并堂司行僕一同掃洒大殿於佛前鋪

設蒲團行數多少悉令橫安以右爲長又用小机案

一隻置住持蒲團前備花杆安机机案上拂子拂尺

手爐方丈恭願付至置靜於佛右邊設南山大智

二師位於佛前兩傍柱前各香花爐燭供養或法堂內亦可

候兩廡敷設已備至齊罷維那令直殿人上諸殿堂

香燭令堂司行者先覆首座次覆方丈云覆和尚打

起凡係小板次第打之次鳴僧堂前鐘衆僧各歸坐

具香合披衣庠序齊集大殿如誦誦式排立次打大

鐘鐘絕鳴大鼓候轉通住持登殿上大香爐燒香退

依位而立鼓絕打引二下維那舉消災經念呪通佛

東出直日人先至殿外下邊立候住持行至門首佛

前轉身問訊引二下又轉身出殿門限直日間訊在

住持下肩前行疎疎打引或有以侍者次第繞廊右

轉至諸殿堂諸房前燒香最後至土地堂燒香行道

一二通大衆立定維那聲了經了念摩訶般若

聲維那至土地前燒香回向合有四六之句白一衆

安居依願之意或有律判先作詞句次鳴鐘行迴觀祝

大衆和佛如常維那入位舉南無本師釋迦牟尼佛

引二下大衆同聲念之直日打引引至大殿其頭首

於殿外偏立各依戒次入殿從中至大香爐及天前

燒香右邊而轉住持從第一行蒲團入至西頭第一位立衆皆立定直日引二下衆問訊展坐具息佛望禮三拜堂司行者隨拜打磬一時跌坐直日至罷所向立之候衆坐定打罷一下衆合掌作梵人舉稽首禮諸佛云如布梵絕住持執手爐三捻香舉傳香偈如結界儀中放手爐執花杵舉散花偈如結界儀中偈罷打罷一下直日歸位坐住持鳴尺二下取拂子叉手揖衆白席或四六或散文任人作之宜住山某甲謹白衆皆轉身兩兩相對更互作安居對首法各說各問各答皆上首人先作之唯住持對首人並不問答衆作法了轉身起立整肅直日至罷所立如結界儀中住持執手爐回向云上來恭依律範行安居法事所萃洪因端爲祝延

今上皇帝聖壽萬安如結界儀中至波羅蜜再打罷一下梵音人作處世界唄如布薩儀中若說悉二法作唄後用三歸依唯唯安居一法不維那舉南無本師釋迦牟尼佛住持收具上大香爐問訊燒三捻香退就住展具維那舉容顏甚奇妙云云三拜立次舉南無南山祖師号及代有覺人偈

同前

云云又次舉大智号及端嚴具足偈云云已上偈如禮文中各上香各三拜如上又舉諸大祖師菩薩衆皆三拜不離香堂同行者隨拜打磬衆取坐具候齊整打引三下衆齊問訊住持先行衆隨後右繞至佛前逐一問訊而出直日仍先在殿外如上打引引至法堂右繞團轉而立住持當有數語白九旬同衆之意就此大展三拜白訖衆皆一展三拜了打引二下問訊而散

住持升輦堂司行者高聲喝云請兩班耆舊大衆各贊香即刻詣方丈人事維那領班二衆先安衆方丈香爐所座司亦然衆皆候集於方丈前維那令堂司行者入覆侍者侍者引至住持前云覆和尙兩班大衆禮拜住持出降塔接首座知事頭首進前諸班大衆禮拜住持辭各住香通寒暄訖送下塔西堂進香舊進後如上大衆不候接衆須陞塔上座爲參頭身上無人近前請云請和尙跌坐容某等禮拜維那立右爲首令衆三人爲引出衆燒香三拜自東西排立次第皆然併有告誡之語或住持諒光不受此禮則退衆燒香謝誦

◎正作話

而止住持送下塔大眾詣諸司人事知事頭首互爲參頭各備香燭若是老成西堂爲首座則可受香若以次人入此位亦不可受若雖光一受也然後大眾私行人事或諸益師或平交遊衆歸房歇息候堂頭巡察若職事人自有寮舍可接仍須讓主位若兩廊須拉三五房相近就一處一住持先進行者至首座知事頭首寮位擬接見盛禮舍報云 方丈和尚回禮 若兩廊諸房就設位處報之推臘長者爲參頭請云請跌坐住持辭云已見盛禮次第叙寒暄之語知事頭首亦須準作一次報諸寮之禮堂司行者報云兩班巡察拜謝若職事人私受禮數亦用別報之叢林盛禮不可簡傲也十七日粥堂打槌一下云

白大眾安居既過一日餘有八十九日在當勤精進謹慎莫放逸如是逐日前增後減凡過小盡則應添在已過日數內白之至七月十五日方訖七月十六日唯白自悉無日可減矣

侍者須於十六日晚稟住持云明日和尚特爲首座大眾茶湯住持曰唯侍者具威儀詣首座寮問訊云方丈和尚明日粥罷特爲首座煎茶伏望慈悲俯賜光降首座答云何勤謙德特爲龍招謹當

赴明日粥時方丈請客行者至粥堂巡堂請兩班大眾云方丈和尚請就法堂獻茶至下堂鐘絕便鳴茶板以三下爲節住持先到主位立侍者在東南角面西立候首座大眾至法堂侍者近前問訊引至塔次住持降階接上與首座通寒暄訖次與大眾問訊住持揖首座歸分手位大眾依次立一齊問訊而坐侍者從東南角面北立候衆坐定離位過香爐前問訊又至住持前問訊以表請香也須預安香合案上次過首座前問訊之便轉身出爐前略問訊上香一捻仍從東上堂至首座前問訊之轉身仍出爐前退身問訊叉手而立中間亦有再燒香一柱此非禮也備二行者各擎茶於住持首座邊側立伺候住持舉手揖衆便鳴茶板二下過茶與之次行大眾茶侍偏侍者却來中間略問訊復從東進首座前問訊之復歸中間問訊燒香一柱名光鳴板一下敗蓋再板二下禪規且望茶先鳴板長板至侍者下敗蓋再板二下通前共板五下住持時鳴板一下退座時鳴板一下通前共板五下若特爲茶先鳴板一通退座時鳴板三下住持送首座至香爐前大眾皆隨西於首座後立首

座間訊以叙謝茶之意住持問訊相送侍者近前
又問訊相送而散至齋罷侍者仍去首座寮請
湯仍令請客行者請大眾湯湯一問如此事皆須侍
者提督方丈行僕備辦湯瓶盞托茶兜條杆齊整
或報諸寮備辦就法堂排設座席香爐花瓶燭臺
使有可觀十八日首座都寺茶湯各當一次或
是常住三十九日堂賓二司亦各當一次並須侵
早本魚未動時或隔夜諸親詣方丈候侍者伺候
住持請云某甲明日粥罷特爲和尚煎茶伏望慈
悲俯垂光降住持云過沐盛禮見招當謹趨赴亦
令堂司行者巡堂請大眾行禮同上但首座西上
至住持前問訊又從西出爲吳耳若都寺以下茶
湯各須親到住持首座處請之蓋首座乃大眾之
師席故特尊之行禮皆如前凡兩班受戒事
茶湯並同此法更須
安居之初三日祈禱誦禮懺祈九旬進道無魔
具一文疏第三日晚宣懺二十日啓講筵策勸
來學維那當晚請應科日座首獻湯先備紙一張
具列三科一覆述科二引讀科三策文科湯了維

●白一作目

那白預科之意却令行者將桌子一隻置筆硯墨
子於其上各隨所學三科之中僉與名字只此以
爲習讀之張本既畢維那將自子呈方丈僉押庶
免進退習讀之舉却須維那預取方丈慈旨行與
不行叢林法席悉在住持之責也其習讀之文須
是方丈講文若用以次人所講者非獨滅絕住持
抑亦招人輕議所拈闡子須在公界俾預科日者
不致墮慢每日晚講了或誦呪了打僧堂前鐘三
下方丈或元則當暫歇維那不可輒行不識規矩
者多有妄作致有喧諍以敗叢林之清望也禮
塔人事今時多於安居後行之有違禁足之制理
宜先行可也若禪規結制後有三日特爲茶第一
日方丈特爲首座大眾茶第二日庫司特爲首座
大眾茶第三日首座特爲後堂大眾茶並就僧堂
行禮皆有茶榜貼僧堂前
安居白席 萬象森羅一真境界夜夜青天明月朝
朝綠樹啼鶯全彰圓覺伽藍揭示清淨戒體九旬禁
足深防世俗之譏三月安居常護衆生之命不可心

思口議寧容色見聲求若性若遮不持不犯圓陀陀
光燦燦耀古騰今淨羣羣赤洒洒撐天拄地說甚隣
鷄護雷從他驗蠟人水 這裏總用不著今則仰遵
聖制式寧幾章共安居各陳對首住山某謹白
結制土地堂回向 三月安居式稟如來之嚴制一

方住止全憑神聖之洪休仰冀靈聰俯垂明鑑茲哀
衆侶旋繞梵居誦誦消災感德呪經稱念摩訶佛母
聖號集茲功德迴向當山土地列位合堂眞宰逆寺
聖賢專冀諸魔殄息一衆平安六根三業永清七聚
五篇雪淨行住坐臥願四事以無虧火盜公私冀一
毫而不擾如斯所禱悉望感彰

日 自恣儀

七月初八日維那出自恣詞句牌掛僧堂前上頰出
差行事人牌掛下頰與說戒一同但改說戒二字作自恣

○自恣詞句

大德一心念衆僧今日自恣我比丘某甲亦自恣若
見聞疑罪大德長老哀愍故語我我若見罪當如法
懺悔

今月 日 堂司 比丘 某甲 咨稟

住持於二三日和會上首知法者三人一人答法
二人爲五德或有營待隨宜舉行十五日晚維那請
行事六人獻湯至暮亦習行事 十六日粥堂無日
可減鳴鐘一下白云

大德僧听今黑月一日衆僧和合辰時就某處自恣
粥罷維那令堂司行者人僕到自恣處洒掃令淨按
僧數排蒲團如說戒坐位仍具兩蒲團安衆僧前中間擬
二五德作法處仍具香花壽水香爐燭瓶等如說戒式預
備青白草梅束約二三十莖長二尺許隨僧數多少
辨之用二箱袱置小卓子上安中間兩柱前又置小
机案於住持蒲團側安手爐拂子靜尺或有云又安一蒲團在住持上層無礙僧位鈔中無文不可立也已上並須維那檢點悉令齊肅
時至令直殿人上諸殿堂香灯及令覆首座住持打
起鳴鐘過鼓衆集僧堂前誦聞鐘偈三拜跌坐五人
起行事及秉白詞句並同布薩儀中但秉唱時改說戒二字爲自恣耳秉白
至唱籌數竟下爲合識聲絕時便云
各誦律中清淨妙偈如布衆念了秉白人且立聽所

行事三人亦起散花如上滿堂散之

散花供養三寶

況偈中云供養一切諸如來既爲供養事須右邊中間
左邊恐準入堂行事須之文或有律判三人右邊滿
堂散之於衆白人舉散花偈如結界偈了衆白隨一
理蓋當

下梵人作梵如上畢更不用舉傳香訖偈但只住持
執手爐三捻香云戒香定香云如結界儀中偈了秉

白槌一下歸位而坐住持鳴尺二下執拂子叉手揖衆白席云如后宣告自恣之意至說差人中如云西堂某甲

律師爲第一五德座元某甲 律師爲第二一五德某甲

律師答所成法住山某。諱由鳴尺。一下掛答法人。其
答法人及衆亦當相應交揖。然後問和衆欲其欲法
云

大德僧听比丘某甲受彼欲自恣彼如法僧事與欲自恣

准鈔記不須問尼止有通答別答之異若通答者但云自恣羯磨後二五德正來自恣單白不須問和便作法若別答者乃云差受自恣人白二羯磨後二五

德再續問和也住持云差受自恣人白二羯磨大家
同心證明作法詞誦如病
歷經中白竟問云作白成不答云

成羈磨已問云羈磨成不答云成結詞了問云結詞

成否答云結詞成住持云作法既成二五德出衆行
事二五德便收具香合問訊離位庠序而出到中

間二蒲團所立定一齊問訊分兩邊行上香爐前各

三捻香放香合於机案上退身兩傍出蒲團位問訊
展具三拜起對坐少定二人叉手揖之前若通答而

第一人云自恣單白羯磨大衆同心證明作法

歷經中作法成否答云作法成
問云

少翹維那點指行事四人出衆前排立一齊問訊每邊二人分東西而上各至草所一人繫縉一人分草

住持前當跪授之次者低身授之不可平身拋擲但各手受卽舒開置坐具前地上擬一身所跪之闊

德者其草隣位先與數之庶免臨時
忽遽二箱行事而頭行來中間結紼

行草既了放箱元處出香爐前一齊問訊歸位出行入
使有可觀二五德却轉身面佛互跪合掌第二人唱云

一切僧就草座偏袒右肩胡跪合掌

座非成道
坐草也
一二五德起身收具兩傍而出第一五德至

住持前展具互跪合掌住持邁前至草上互跪三拜

此等十
三字本
經有

詞句如圖 第二人徐徐至住持下肩對二人略問訊敷具互跪唱云 從是以下再說自恣 一二人再說訖第一人至次位敷具對二人互跪合掌云 從是以下一說自恣 此二法相傳唱告不出部文所以略者律爲難事轉近開再說一說若天熱處狹僧多施開略說無此略則不成二五德更互作對首亦對三人展具各陳詞句二五德亦入元位展具跪草互爲對首大眾自恣竟二五德仍至中間蒲團位問訊如前燒香和香合而退歸位展具齊禮一拜互跪第一人唱云 僧一心自恣竟 收具問訊復本位展具了大眾起立表白至隨所住持執手爐回向云

上來恭依律範行自恣法事緣說延趣向等文並波羅蜜梵人作處世界梵了乘白人舉自慶偈如結界云一切恭敬亦須隨拜打鐘打引三歸了若處狹僧多衆收具右邊至佛前排立問訊展具立定舉釋迦佛號若自恣時一面已立了不須收具維那徑舉釋迦佛號住持上大香爐燒香維那舉讀及禮拜并祖

一節法字

師二位並如安 收具直日人打引維那舉楞嚴呪住持右邊而出至土地堂點香燭香呪罷念摩訶訖百聲維那近前回向亦有四六句斷安訖引至法堂團拜而散人事茶湯之禮並如安

○自恣白席 九旬修道要當精練身心三月護生實在銷磨罪垢人迷不自見過惡著安可師非乞衆垂慈恣他舉罪內彰無私陰外顯有瑕疵五德昭明持毀之情易親三根顯露治舉之法難容欲祈二犯水清徒使五篇雪淨各應離座如次陳詞

○土地堂回向 安居三月遵佛祖之獎章制滿一期藉神祇之庇庇恭哀大眾肅詣靈祠聖事伸奉祝當山土地對合堂眞宰謝已往之洪恩錫將來之吉福山門寧靜僧侶平安惡去善存禱除苗長公私火盜時時永乞蠲除黍稷稻粱歲歲常期盈積

免拜則問訊直陳其事

一禪規觸禮之法有汚身衣盡除去之

一大展九拜詞語先叙事次寒喧並同禪規

一交代職事更立爲主律院不曾行故去之

一特爲茶湯而揖坐揖香揖湯鳴板鳴數並同禪規

新受職人送歸鉢位等禮並去之

啓建屆期禮加嚴肅僧員給假不許容情堂司預書

黃榜輪僧簿及上殿經目預辦啓建大牌及啓建疏

須用黃帛貼簽如法楷書嚴肅齊規先五日維那委

丈却隔宿備拌紙爐燭香合維那具威儀帶堂司行

者人僕拈拌詣方丈金疏堂司行者通覆住持出即

燒香稟云來白啓建某節拜請和尚金疏呈疏愈了

問訊而退此禮甚重大殿嚴設香花燈燭湯茶供儀

手爐錢銀畢備來日早懺前鳴大鐘衆列殿點茶湯

侍者下畢鳴行香銀住持上香侍者捧香合齊規又

出上香東西兩班對齊香東西兩班對香畢大眾同展三拜此拜佛爲告

祝天辭也住持不收具就跪爐非法也維那白佛

宣疏至右伏以住持再燒香展拜跪爐知客跪進手

爐侍者跪進香合宣疏畢知客跪接爐住持收具或

住持受州縣關請不在而前堂首座偏位跪爐堂司

行者跪進手爐復跪接爐座司茶頭跪進香合維那

舉榜殿回向啓建堂司行者隔日將輪僧簿請住

持頭首衆僧僉書上下字名具寫差單輪排經目于

上揭挂殿內至日住持同衆上殿看經各務嚴肅鳴

大鐘上殿各炷香三拜歸位看經維那當詣殿燒香

一炷大展三拜知客躬當點茶湯庫司嚴設香燭點

心湯茶堂司行者供送恐有缺典維那時常照拂至

晚鳴大鐘下殿每日僧員依戒輪定堂司庫子直殿

行者時時守坊官員到來拈香鳴鐘集衆諷經方丈

庫子迎送凡遇聖節啓散暫到客司給由隨身照證

今時住持領衆看經知事營供表願務在虔誠當報

水土之恩也滿散節目並同堂司製疏具列經文例

留交制辦備刷具凡住持公出歸日不問近遠鳴鐘

集衆門迎詣方丈人事衆散住持更不用巡察報禮

也

自佛偈

王老騰舞 金色剛曜 具大人相
號正偏知 嚧之仰之 羅滿沙界

○助・作動字

又偈

大國滿覺 應防西乾
心包大廣 應周沙界

同向

剛無其意 佛仁王菩薩云云 至波羅蜜

伏願

皇風永扇 帝道遐昌
佛日增輝 法輪常轉

跪由

聖到一僧某甲上座今月已日恭遇天
節已於本寺啓散訖憑此爲證者

年月日 某甲步知客 某甲押 給

右語

伏以紅日升時四海賴照臨之慶紫雲深處

常年念伸祝頌之誠以不可思議之功勳倍無有算

數之壽量

皇帝陛下恭願淵猷殊山獻玉令夷夏之歸仁車同

軌書同文盡山川之一統但臣僧某甲下情無任瞻

天望聖激切屏營之至 謹疏

敬伏以天開閭闔慶流虹遠雷於斯辰人効華封悉

望日瞻雲於此際爰舉三旬之華藏聿嚴萬歲之山

呼恭願歷數在躬文明至治九五福日富日壽無疆

惟休八千歲爲春爲秋自今而始

右語前叙意與後啓建牌恭

惟前叙意一同今不重筆也

○啓建牌式純用黃紙楷書

大元國某道某路某寺

月 日恭遇

天壽聖節本寺預於今月

日恭就

大佛寶殿啓建

金剛無量壽道場一月日要日輪僧上殿接

閱

經文宣持

密號所率

洪因端爲祝延

今上皇帝聖壽萬安者

右 恭 惟

佛日洞明

天龍昭格

年月 日都監寺僧 某甲 謹言
代持 某甲

盈 聖節官請開禱

今時多於鄉下差請而來先用參官禮見上等以順

世情合用禮儀于后 輦番四人 排灯二人 行

者打鼓儀儀侍者一人 涼輦并席 油燭 法

持一作住

被 香合 拂子 大香一片 宜懸壁中

鼓轉通設宜官員一人執手爐至侍者問訊住持坐

轉香花鼓銀迎至法堂前則首出轎衆官前問訊衆

住持却轉身至中間手朝東西普同和南登座侍

者隨往上座以合盞盛大香鼓絕捧住持祝香云

此香不假栽培之力天生自然密爲熏染之祥神化

莫測價重三千之界鼻資八百之功今月 日恭

遇

天壽聖節奉爲某道某路合屬文武官班熱向爐中

端爲祝延

今上皇帝聖躬萬歲萬歲萬萬歲陛下恭願

閣浮提統是封疆宛仰沙俱爲壽量 侍者接香以

左手插爐中右手拈從香一炷盞合插香宜子細不

可墜下住持上脚踏問訊欽衣跌坐中間有著靴而

也 侍者下座問訊畢至東首側立次諸山出班問

訊及手出班住持宜起身受禮不起亦得而無彼此

相敬之儀畢侍者掛衆官坐却登座開合左手上香

一炷盞合轉身提坐具問訊住持謂之請法也側立

持一作住

過拂子與住持住持舉提綱云

今觀釋迦如來昔爲護明菩薩未離都華已誕王宮

未轉法輪已度諸有豈在無憂樹下出乎大術胎中

九水共沐一身八方各行七步指天指地三界稱尊

食麥食麻六載成道四十九年三百餘會經通五人

共說律爲金口親宣所以道戒德難思冠超衆衆爲

五乘之軌導寔三寶之舟航依教建修定慧之功莫

等住持佛法群籍於茲息唱更能揭開戒網撈透玄

關明持犯離持犯相萬籟吟風窮真妄源千江印月

超凡入聖豈假他求見性明心還須自覓水朝東海

浩浩乎蕩蕩乎民無能名焉星拱北辰昭昭然歷歷

然吾無隱乎爾說禪講律共趨佛乘華土普天咸歸

王化 長久云

九天閣閣開宮殿萬國衣冠拜冕旒 了却以拂子

安床東以便後殿住持合掌問向云 某道某路總

官府或州或縣或司 月 日恭遇

天壽聖節須於 月 日恭就某寺大佛寶殿啓

建金剛無量壽道場一月日逐日輪官上殿拜首拈

香僧眾披閱經文檢揚佛號此時命某寺住持巨僧
某甲陞于此座講演毗尼妙儀一席所萃洪因端爲
祝延

聖壽萬安者 次叙謝以手揖衆云 某甲擲標不

才濫叨律利今月 日恭遇 既曰祝賀不應叙謝
時出之 可於過向後便結座

天壽聖節伏某州某司帖請某甲於今月 日開

請祝讚不敢固辭今對人天衆前甚愧疎陋開講之

次伏承某道宣慰司都元帥府諸位相公某道路合

屬文武官班諸位相公或行省官或朝廷差來官當先入之教禪律三

宗諸山師德江湖名勝高人俯臨座席爲法作證祇

對之間不勝戰汗祝

聖人壽不敢一一叙德裝讓即容下座請前申謝伏

惟慈察侍者於座東取拂子與住持了結座云

記得律中道境既無量戒亦非一略則八萬四千廣

則無量無邊且道界境戒量與

當今皇帝聖明壽量是同是別良久云天上有星皆

拱北人間無水不朝東 下座云久立衆慈伏惟珍

拱北人間無水不朝東 下座云久立衆慈伏惟珍

重座下即謝衆官及諸山師德爲法作證也

吳 千秋節開講

祝香提綱結座儀式並與祝香云此香產靈於清淨

覺地育秀於光明寶林一統俱沐其恩連城豈關其

價恭願 配德乾坤合明日月紹赫赫炎炎之祚成

巍巍蕩蕩之功克享天心永作人主 提綱

文殊師利是法王子輔釋迦如來吉祥觀音稱安樂

人佐無量壽佛及慈成緣二掌浪鳴觀我如來淨法

界身本無出沒大悲願力示有去來暫離兜率陀天

下降迦毗羅國住胎出胎示入相而成道密說顯說

以五時而度人經律論三藏鼎分教禪律三宗派別

機緣不等提誘多方軌導聖塔戒德獨超於衆衆住

持佛法毗尼實冠於群宗立教雖有萬門到家初無

二道法華開聲聞而佛月落不離天涅槃扶小律以

談常水流元在海超出四重樓閣決開五義分通羣

竹黃華盡是真如般若溪聲山色無非長舌淨身將

此最上乘以永無疆祚似玉藏右虹氣隱于山川如

雲升天龍澤沛乎宇宙慈風伏皇風而扇令旨體聖

冒而行歲祝千秋日享五福然雖如是未審祝
壽底句如何事似其久云日壽日富而多男願効華
封之祝宜民宜人而受祿再廣周雅之章結座
古人有言大德必得其位必得其祿必得其名必得
其壽因成四句

瑞光貫月赤光高

仙侶排空奏玉簫

梵壽如來添祿筭

九天王母進幡桃

聖節祝香

待衆官立班喝拜了畢云僧祝讚時却懷香出來對
牌座前立定執香云

威音王如來前栽倍種子三都田地獨露先春長生

天氣力裏茂長根苗萬國封疆普大薩某道某路

月日恭遇

天壽聖節預於月

日恭就某寺大佛寶殿啓

建金剛無量壽道場一月日

若啓建直云此時無爲若習儀却云今當滿散此時

若儀行禮無事若滿散却云此時恭就某處滿散

奉爲本局合屬文武官班將此寶香薰向爐中燭爲
祝延今上皇帝聖躬云云皇帝陛下恭願

一人有慶遠瞻北關之尊萬壽無疆願効南山之祝
了歸元位立之

宿聖節放生

衆官拜了僧道祝讚畢不用懷香至放生處但朝北

念放生文云

聖誕今朝瑞氣多

歡呼萬歲滿山河

大恩大德充天地

萬自翔雲魚躍波

念訖而散

列日月飽祝香伏願

此香根盤一統業履大千孕日月之華精鍾天地之

秀氣某年某月某日有食之某路某洲某司官與合

屬官班僧道士等雖有無恭就某處用伸救護此時

將此寶香熱向爐中專用祝延

今上皇帝聖壽萬安次伸奉獻日官天子以助威神

所冀妖魔退舍陽德還光究兩目於上天照群生

於下土念訖爾祝禮向

張祈雨請晴祝香伏願并祈

此香天地孕靈古今挺秀析檀林更非別本兜樓波

獨羨住名香

雲一縷縷香澤十分大勝

○佛天願雨

佛慈有感聖德無私動下九天即解龜嶽之折霖爲三日足沾魚夢之祥

○親音願雨

救苦導師親音慈父將寶瓶之淨水

徧洒楊枝沾大地之焦枯頓甦禾稼一雨三日惠澤滂沱萬廩千倉歡聲浹洽

○諸龍願雨

上祈天造攸扣龍君早興慈意之雲

大有

○祈晴

釋迦世尊觀音慈父施無畏力用大悲心

感彰

感彰

○祈雪

一冬得雪則年可格於歷豐三白呈祥則

天妙施於大巧冥集遐遐俗堂道昭告上下神祇天

道雖遙人心可感釋迦調御觀音導師以父母心副

衆生願薄三輪功用煎四大海水點點成華現十力

神通遍一統封疆瞻瞻玉

寒 大殿藏殿祝聖

凡旦望之日早儀之前衆誦大悲呪一遍住持燒香

呪訖維那舉南無無量壽佛號衆念三聲維那回白

云 白佛喝起前某路某州某寺住持臣僧某甲玆

值月且今辰謹集僧衆恭讀寶殿藏誦秘章掄揚佛

號所萃洪因端祝延

今上皇帝聖壽萬安皇太后皇后青年皇太子叔算

千秋遙望 昭躬祝陪天筭金剛無量壽佛延壽王

菩薩摩訶般若波羅蜜了不誦小經便乃禮懺懺畢

過堂早粥粥了鳴僧堂前鐘集衆鳴鼓轉藏行者打

錢鼓鼓無所免之維那舉消災經過藏行道三連以

表法輪三經期帝道遐昌也立定結經維那舉南無

無量壽佛題向云

大圓照中有華藏海功超造化道絕名言三光電卷

而實相閑六合雷奔而湛然寂不思議法難盡讚揚

諷誦消災威德呪經運轉天官法寶輪藏稱揚佛號

所集洪因端爲祝延云云如前

又云三轉法輪於大千其輪本然常清淨天人得道

斯爲證三寶從茲現世間 今時初八二十三齋日亦
行轉應諷說

來 朝廷祈禱

凡遇焚修祈禱須虔誠齋沐如法鋪陳花果新鮮香
燭殊勝殿宇時時洒掃僧衆整肅威儀官員拈香加
禮迎送往持知事無涉他緣著舊齋舍常切嚴淨期
必致効功有攸歸山門祈禱庫司先覆住持意旨預
呈維那堂司行者報察挂牌二時集衆諷誦啓散嚴
設供養克期功効各冀專誠

暑 如來降誕

將屆誕期堂司行者率衆財具數送庫司營供養此
古法也在住持講行維那命作者製右語既有發後
法師誦文
不製金碗並與聖節同庫司預令行者嚴設毗盧園
內安太子銅像照香湯安二小杓於盆內大佛前敷
陳供養至日辰時大衆各具威儀同詣大殿如誦誦
而立住持燒香歸位立定維那舉浴佛偈文如后
有處多是
首座舉經畢
佛可隨方也
右旋浴佛宜備銅錢各歸蒲團位衆展具住持上香

復位同衆三拜不收具進前獻湯進食侍者下竟復
位衆三拜上香下關點茶衆三拜下關特爲設
下關特爲設衆跪
住持執爐維那舉香華二偈如前
下關特爲設了住持舉禮文
總白頭至三請已衆起身住持舉白佛偈天上天
下無如
佛如了維那進前宣疏了舉變食呪歸位衆三拜
做禮如禮文中以下 做禮畢衆收具舉遺教經或安
樂行品了 禮畢向後只念願誠三後結云十方三世
無量阿僧祇劫過去無量阿僧祇劫亦得云云云云至波
羅右旋而散回向云上來諷經功德回向眞如實際
莊嚴無上佛果菩提四恩普報三有齊資法界衆生
同圓種智十方三世一切諸佛諸尊菩薩摩訶薩摩
訶般若波羅蜜云云

○白佛偈

一月在天影顯衆水 一佛出世各坐一花
白毫舒而三界明 甘露洒而四生潤

○浴佛偈

我今灌沐諸如來 淨智莊嚴功德聚
五濁衆生令離垢 同證如來淨法身
右語 某道某路某縣某寺某 如來遺教住持

比丘某甲與衆比丘等今月初八日伏值 本師
釋迦如來大和尚慶誕之辰聊營庶羞以伸供養
者

右伏以兜率天宮不起于座而常說是法毗藍園內
乘大願力而示現受生願上下與四維稱獨尊於三
界芳流像教屬此日之誕彌彌滿龍淵効當年之灌
沐本師釋迦如來大和尚伏願運甚深之智海回既
倒之狂瀾盛世光明上延 聖主無疆壽徵慶合議
同證如來淨法身 謹疏

往 如來涅槃成道

佛忌禮文雪溪法師出之成道之禮亦不可缺而禪
林有古語錄之于后預日製疏率衆財營供養集衆
上香三拜獻湯進食三拜上香下關進茶三拜
三下關 衆隨舉香華二偈如結界 住持執爐舉體文
總頭白佛宣疏變食做禮供法 勝舉衆收具畢遣
教經回向右旋而散並與衆
同禮

○白佛偈

淨法界身本無出沒 大悲願力示有去來

○又成道

正覺山前觀明星而悟道大千界內駕慧日以流

輝

右語 涅槃經大智度論出之如之
疏節叙情與佛誕同但收慶誕爲涅槃爲異耳

成雪覆千山大地春回寒谷星明午夜覺天竺散長
空示六年苦行之因證歷劫進修之果某甲等叨承
末運忝嗣宗猷深懷麻夢之冷茲焉有愧處奉觀紫
之供理亦難忘 本師釋迦如來大和尚伏願光照
臨開發蒙昧大千國土永延
聖主國壽康寧一切衆生咸證如來智慧德相

秋 關盆獻供

七月十五日關盆供堂司行者預率衆財具數送庫
司營供養以報父母恩德也染疏食疏具至日於
大佛前敷陳供養大衆各具儀到殿與南山 住持上
香衆三拜不收具進前獻湯進食侍者下竟復位衆
三拜上香下關點茶衆三拜跪不收具
三下關 衆隨舉香華二偈如結界 住持執爐舉體文
總頭白佛宣疏變食做禮供法 勝舉衆收具畢遣
教經回向右旋而散並與衆
同禮

禮文總白頭至請佛已衆起立歎三寶願了維那
宣疏變食歸位衆三拜做禮如禮文畢衆收具舉蘭
盆經了衆回向云 以此修行修善根報答父母幼
勞德存者福樂壽無窮亡者願苦生安養四恩三有
諸含識三惡八難苦衆生俱蒙晦過洗滌脫盡出輪
回生淨土十方三世云云右旋而散

右語如禮文畢衆第十三卷中

南山藏芝祖忌

南山禮文南山出省漢藏芝禮文安律將屆忌辰堂
司預命染疏與聖節同右語住持專誠山門執事
備排東浙律苑維那做南山忌知客做靈芝忌一切
齋供所需皆出當忌者職事費錢以爲出世根脚若
此執肯留心於祖文者哉悲夫當忌者先委請執事
人借辨器皿分頭管之時提點法堂敷陳玩具盡參
頭差行者排辦守直法堂掛眞嚴設祭筵爐瓶香几
一一如儀上間即設禪椅拂子衣架挂法衣下間設
椅子經案爐瓶香燭部文而已設床榻者非也堂司
行者覆方丈諸寮皆晚誦經并覆來日半齋各具威

儀散忌誦經參前鳴僧堂前鐘集衆鳴鼓獻特爲湯
住持上香三拜不收具進前上湯侍者下竟復位三
拜進前拈湯問訊三拜收具直日人鳴引子維那舉
遺教經回向畢衆散 昏鐘鳴集衆誦經住持上香
維那舉經畢回向 次行堂參頭領衆排前鳴參禮
拜誦經 作寮排列聲略參拜誦經 次日早粥罷
住持如常上香上湯維那舉經回向 半齋鳴僧堂
前鐘集衆如常誦誦排立俟住持燒香歸位立定維
那舉南無南山祖師菩薩右旋從眞前各歸蒲團位
展具三拜不收具點湯進食侍者下竟復位衆三拜
燒香下臘點茶衆三拜不收具鳴鼓三下講特爲茶
禮衆跪住持執爐維那舉然香偈散華偈了住持舉
禮文總白頭至三請已衆起身住持白眞云代有衆
人云云
足云云
衆三拜做禮如禮文中以下 禮畢衆收具舉遺教經
了云願滅三障偈了十方三世云云了大衆右旋而
散山門設供無厭有品食
初夜回向 悲願深重道大難名忝借潤於餘波致

有光於末裔仰冀真慈俯垂照鑑今月初一日伏值
南山大師示寂之辰營備香齋預伸供養諷誦經文
稱揚聖號所集殊勛上酬慈蔭伏願群機有賴報揚
太一之家風妙智無窮成就圓宗之根器十方三世
云云 又回向云 上來諷經功德奉為南山大師
莊嚴無上佛果菩提十方三世云云 如前願三
右語南山真慈就語大智律師出靈芝
疏希願法師出並在此圖集中

冬 開山祖忌

當遵舊典不忘厥祖可力行之若檀越建寺就請開
山例當修忌或立事功於山門者勿拘也須當於法
堂中間鋪設集衆諷經展拜與南山忌同 回向云
寶明空海湛生死漩渦之波大寂定門融今古去來
之相仰冀真慈俯垂照鑑今月 日伏值開山某
人和尙示寂之辰常住營備齋蓋以伸供養比丘衆
諷誦經文稱揚聖號所集殊勛奉為真慈增崇品位
伏願聖華出現重開覺苑之春慈日長明永燭昏衢
之夜十方三世云云

藏 諸祖忌

道行崇重功宰山門隔日法堂鋪設不可越例若例
祖忌如常粥罷諷經當請牌座法堂敷設供養依法
上香住持兩班展拜侍者班尾拜或大衆拜有處只
就祖堂下食一分諷經甚非禮也 回向 仰冀真
慈俯垂照鑑今月 日山門伏值前住當山第已
代某人和尙示寂之辰營備香齋以伸供養諷誦經
文稱揚聖號所集殊勛奉為真慈增崇品位十方三
世云云

閏 嗣法師忌

先德唯以弘闡宗乘發明自己已誦示方來知有授受
以報德也禪宗近代大川做漸翁和尚忌橫川做天
目和尚忌方丈設位置食一分燒香一炷大展九拜
不許諷經二大老深有意焉然尊師重道禮不可虧
忌辰須設供衣閣中預計錢物歸常住置祭設供法
堂鋪陳法座挂真與南山忌同但不做禮須請時爲
湯請名德西堂光伴到坐其右無則已之住持行禮
鳴鼓三下退座堂司行者覆參前諷經挂牌報諸寮
并報來日半齋各具威儀散忌諷經昏鐘鳴集衆諷

◆通一作真

◆一無故字

經侍者令方丈客頭預請兩班耆舊伴真湯果於法堂上開設位行者計位鋪排如法眷屬尊長同門兄弟皆當請之小師師孫不可同食僧衆經散侍者揖請兩班耆舊住持引入座坐定住持離位進前上香上湯復位侍者燒香下湯行湯果次早粥罷上香上湯住持展拜僧衆誦經回向鄉人法眷隨即舉經半齊鳴僧堂前鐘集衆與南山忌同住持上香展具三拜不取具上湯進食侍者下竟三拜燒香下顯點茶大眾同展三拜蓋在座下皆曰參學故也鳴磬三下講特爲禮退座取具舉經回向而散凡誦經時住持即在真左有法眷同列齋時入堂住持燒香一柱大展三拜入位侍者行顯多見法堂誦經候觀甚非所宜

餘 九祖頌

法正爲初二法時 三聽四覆五光隨

六雲洪七八智首 九祖南山皆聖師

九祖聖師豈可稱其單諱爲此頌者乃便於後人記持耳非慢也今列之于后

初祖法正尊者 二法時律師 三法聰律師
四道覆律師 五慧光律師 六道雲律師
七道洪律師 八智首律師 九南山律師

成 送法衣

專使首到客司人事知客同專使上侍司煩通報方丈或卽相接或在來早侍者令客頭報請兩班專使掃香先通客禮起爐前謝茶畢再掃香三拜免則止之粹猗托呈法衣信物入座光伴獻茶罷轉特爲位獻湯兩班同送安下處侍者引巡察別日致祭拈衣有佛事禮與下遺書同

律苑事規卷第五

律苑事規卷第六

四明演忠律寺住持嗣祖比丘省悟編述

歲 專使請住持

凡住持補處公帖已定文命下寺庫司會兩班耆舊茶卜日通先書命製山門疏茶湯榜擇才德人用絹

次點一作香
次同

案製榜脩廣如法庫司送紙諸寮作書差能事行者
老郎通書 請人充專使或上首知事者舊後堂維
那等和會已定若舊頭首充專使知事一人同去
掌財議事具寫本寺該管田產什物須知迎接從儀
一切畢備管待專使一行人至超程日詣諸寮人事
帶行僕從聲喏大眾門送山門講茶湯禮上首知事
去下首知事行禮頭首去上首知事行禮揖坐了燒
香揖香了歸位點茶再起燒香揖香點湯收盞了便
上轎行山門下釘挂面裏設位請兩班舊舊光伴專
使到彼寺先見知客同到庫司接送安下備門狀見
頭首草寮無門狀詣侍司詳稟來歷侍者令客頭寢
堂鋪設卓款安疏帖侍者入方丈呈門狀住持出專
使問訊請跌坐住持廟立專使插香大片展具三拜
進前云 某寮山門使令某寮嚴得奉願下情不
勝感激之至又三拜詞云 即日孟夏歲時恭惟新命
堂頭大和尚令候起居多福 復三拜取具住持低身
祇受前規各答一拜今不詞云 叨蒙命有站宗風
祇受行者爲願禮妙衣也 且展進來不勝多感
專使呈疏帖住持領已侍者揖坐喫茶了送客位堂

◆書一作香

司行者鳴鐘首座領衆詣方丈申賀庫司送香首座
知事各插香一片詞云 即日孟夏歲時恭惟某處堂
上大和尚尊候起居多福法門多幸伏喜某寮遷動
林下情不勝感激之至住持答云 自撰願願願此
遷禮意過勤不勝多感衆散知客領專使巡寮畢次
第呈納本寺須知從儀什物如住持未允所請再三
勸請允命行禮同前當晚特爲湯罷藥石夜湯果皆
請兩班舊舊光伴庫司排辦受請已次第煎點專使
點對簿書交割什物卜日起程 專使受請了次日昇
專使也 應安處上下提解學

律 西堂頭首住持

專使到寺先見知客同到侍者引見方丈插香展拜
相看禮同喫茶送客位次詣諸寮人事了稟侍香同
詣方丈咨稟某寺今謂某住持稟託侍者同詣受
請人寮中相見插香行禮同前如不允即詣方丈咨
扣同伸勸請受請了方丈請新命及兩班舊舊茶新
命送客位次第受賀巡寮人事當晚方丈請新命專
使特爲湯藥石湯果兩班光伴 專使受請了專使齊
請方丈和尚奉日爲

新命和尚引座蓋在動
諸舉攝合法久住故也

頭首受請法嗣

若頭首是嗣法弟子先請侍司通眾住持請求法衣
至日詣寢堂伺住持出問訊付法衣有法語新人受
衣亦有語抽衣了却披法衣住持跌坐大展三拜已
詞云 一生取辦仰愧先賢來請既勤難逃上會下情
無任惶懼之至 又三拜詞云 即日 謹時恭惟堂
上本師大和尚尊候起居多福 又三拜取具進前問
訊住持云 寶鑑已歸花雨難逃幸是管人伏惟懷慶
次拈疏帖各有語若例禪規住持引座座左設前住
持位右排列疏帖下座了新命出住持前問訊付法
衣有語受衣亦有語拈疏帖舉話有無不拘然亦在
人行之

調 煎點住持當代

專使先當與住持議定齋暇輕重合禮兩班著舊鄉
人法眷辦事貽觀齋料費用專使親送納庫司置齋
至日專使詣方丈插香三拜請初展詞云 今辰午刻
就齋堂特爲伏望慈悲降重下情不勝感激之至 二展

三發令大兩班單察方丈客頭同專使行者一一詣
齋堂請掛牌僧堂鋪設主席知客板頭排專使位至
齋時專使僧堂前伺住持入堂問訊接送歸位揖坐
歸中間訊揖衆坐中爐上下間外堂燒香了往往持
前問訊次堂內先上間次下間外堂先下間次上間
問訊了中央問訊食偏燒香一炷下觀了出外堂歸
位齋了折水出鳴鼓專使入堂燒香中爐上下間堂
外已往往住持前問訊上下間外堂了行茶偏如前問
訊了取住持齋專使行禮三拜云 即日云云了此日
水鉢伏望和尚降重下情不勝感激之至 送住持出
再歸堂燒香一炷大展三拜巡堂一通并堂外歸中
間訊取盞鳴鼓三下退座專使詣庫司謝辦齋次請
住持至晚藥石夜湯果皆當請兩班著舊光序

陽 煎點西堂頭首新命

專使詣新命前議定方丈暇施堂暇貼暇至日粥罷
專使詣方丈插香稟請云 今辰午刻就齋堂備水飯
特爲新命和尚伏望慈悲降重下情 答云 謹遵
新命前稟請同前禮方丈客頭同專使行者請諸寮

齊時覆新命赴堂前候住持同入堂問訊隨入先
揖住持歸位次揖新命歸住持分手位燒香行禮並
同前下食行臘茶畢先取新命茶專使至前行禮並
同前即口云云了此日水飯特蒙和尚慈悲降下情
不勝感激之至禮規二送新命出後門專使入住持
前行禮如上展具三拜送住持出前門歸堂炷香展
三拜巡堂一市并外堂中間問訊收香鳴鼓三下退
座晚湯果藥石光伴同前

雲 山門管待新命當代專使

衆知事會議管待暇禮食品如儀上首知事隔日詣
新命前插香拜請次詣客位稟請專使令庫司客頭
請兩班耆舊光伴同詣行禮並特爲同釘挂廳堂鋪
設住持廟位專使住持上首兩班住持左右耆舊對
面侍者接知事下位遠接僕從麤餅當支犒勞
懸 西堂頭首受命管待
亦就寢堂敷設住持主位新命對面位專使新命分
手位兩班耆舊光伴左右位同詣行禮並同前
致 辭衆上座茶湯

● 兼一作空

當代住持起離日上座有退院致謝兩班耆舊大衆
下座鳴鼓三下面法座立普與大衆問訊禮規三鳴
樓鐘等法器送出僧衆門送兩班由近及遠行僕外
排立候送山門首預當釘挂設座位面裏坐西堂大
耆舊分手光伴首座居主東西兩班兩邊朝坐首座行
禮揖坐揖香歸位點茶取盞再起燒香揖香點湯湯
罷便上轎兩班耆舊備轎遠送住持當力免之專使
一行人先詣諸寮辭別鳴樓鐘俟住持轎隔遠方可
止之

雨 見職首座辭衆

須令專使詣方丈稟備法座上堂有法辭衆座不敷
設下座先辭住持次面座立普辭大衆問訊禮規三
拜山門首設位講特爲茶湯兩班耆舊光伴上首知
事行禮鳴樓鐘送山門若西堂次頭首辭衆臨行先
同專使上方丈插香稟辭禮規三次巡方寮辭則山
門首講茶湯兩班光伴行禮鳴大鐘送並同前禮
露 入院古法
挑包頂笠而至如遇迎接下笠問訊或值官貴放包

● 兼一作空

祇揖到山門首下包笠炷香有法至僧堂前歇包後架濯足回僧堂前取衣披搭入堂有參隨人同進聖僧前大展三拜巡堂一連參隨人先出維那送歸鉢位問訊禪師禮挂搭已到佛殿有語禮拜次土地堂祖堂有語知事請入方丈據室次開堂祝壽禪宗近代大川和尚赴淨慈笑翁和尚入育王後無所聞也結 入院新法

新命到來當看安泊處近遠近則衆往祇迎遠則兩班香舊而已專使預當計票批免勞衆兩班香舊炷香人事罷光伴陽果至日入院庫司當一一排辦堂司行者隔宿挂牌至時鳴大鐘等器大衆門迎行僕列外新命到門炷香舉語至佛殿燒香法語大展三拜歛鐘歸僧堂挂搭衆入堂已新命入堂炷香大展三拜參隨人同展三拜維那引巡堂一連參隨先出送歸鉢位挂搭禪師禮或有兩班送歸鉢位次土地堂祖堂炷香皆有法語入方丈據室侍者燒香一炷問訊了垂語知事先具狀備卓袱間訊行者呈寺記印新命看封付知事開封親篆訖就狀先食押書日

• 作一作

子打印過付衣鉢侍者取知事全班列前上首知事插香三拜云 即日云云茲慶和尚光臨法筵下情不勝感戴之至答云叨蒙名重下情愧悚禪規二諸山各插香草賀却當首座領衆插香展賀者舊各插香鄉人道舊法眷隨賀于后客頭揖請諸山兩班香舊就座獻湯次請官客諸山外座前點心若前代別還未赴或退作東堂據室之前講交代禮受賀了鳴僧堂前鐘新命躬送前代歸寮炷香人事次首座領大衆人事行僕衆皆三拜

呈寺記狀式

當寺庫司比丘某甲寺印一顆

右謹申納 新命堂頭大和尚伏候 慈旨

年 月 日 當寺庫司比丘 某甲 狀

爲 庫司請新住持齋

據室人事了知事預具狀備拈拈爐燭詣方丈插香請齋三拜云 即日云云午刻就齋堂備水併齋供望尊慈特降重下情不勝感戴之至禪規二呈狀方丈客頭收庫司客頭鋪設僧堂住持位 管待禮同

狀式

當寺庫司比丘 某甲

右某甲啓取今辰午刻就雲堂聊備水飣祇迎伏

望 尊慈特垂 降軍 謹狀

年 月 日 當寺庫司比丘 某等 狀

伏請 新命堂頭和尚大宗主 某座前

具位 某等 謹封

霜 開堂祝聖

古者釐下列刹朝廷差官馳命敦請就某寺開堂官給錢料設齋近來開堂座下設位至時侍者分付客頭鋪設法座報寮掛牌覆障了巡寮具寫官員諸山名位預呈方丈專使分付座左鋪卓袱排疏帖和會宣讀人先送看過公文例係維那宣山門疏首座宣餘疏次頭首宣庫司備香送上方丈預請諸山白龍座前對面排官員位次焚香長燭覆侍者次覆方丈鳴鐘集衆禮與常法同侍者同專使人請住持行者鳴鈸花幡挑燈從引至法堂位前如受請時未拈衣當舉語披法衣次專使插香行禮二拜云即日云

云此日伏蒙和尚光臨法筵下情不勝歡喜之至

二展 先呈公文有法語付維那宣白行者拈疏次山門諸山江湖疏一一呈拈畢話宣讀若見任官疏請

開堂官員須先親自呈疏次山門疏住持指座有陪

座拈香祝聖次拈府縣官寮香若建寺捨田大檀

越當拈香侍者還惟法嗣香懷中拈出拈了自插爐

中據坐侍者燒香下座兩班出班問訊畢侍者登座

燒香問訊禮與常同座右白龍云法施龍衆衆當觀

第一義提綱叙謝官員諸山云開堂祝一人壽不致

續後專使兩班著舊大眾略提過謝之結座白龍云

靜觀法王法法王法如是下座諸山及官客略送一

兩步知事接送客位管伴客頭行者即進爐燭一字

排前知事使人事堂司行者喝云諸山人事次西堂

人事當免知事一班人事三拜三拜次首座著舊

諸寮大眾各插香人事三拜次莊庫庵塔法眷鄉人

暫到先同衆行禮通用詞云伏蒙和尚光臨法筵下

情不勝歡喜之至三拜三拜答云勿嫌名重不勝愧悚

進望窻椅子據坐侍者插香大展九拜小師插香大

展九拜皆無詞語次諸山行者方丈行者親隨人六局次參頭領衆插香禮三拜轎番直斤莊甲作頭諸寮供過老郎寮主領頭參拜住持卽往客位致謝官員諸山以盡禮也

金 新命巡察

諸寮舍敷陳香几位次爐燭香各具威儀次第候巡察方丈客頭先行通覆住持至諸寮頭首先於門前下手立迎入請跌坐插香住持答香略叙寒溫致謝送出听叫収香次第巡察畢歸方丈照拂官客諸山生 僧堂特爲茶湯

住持若宴省事預批免茶湯榜庫司寫請狀備拌袱爐燭詣方丈插香行禮禮規二請云齋退就茶點茶特爲伏筵恭迎降重請已呈狀令客頭請兩班者舊光伴挂牌報寮僧堂鋪設住持位齋吃聞長板鳴炷香展拜巡堂請茶齋退鳴鼓集衆上首知事揖住持入堂歸位揖坐燒香一炷住持前揖香中間訊立行茶畢瓶出往往住持前揖茶退身龜右出炷香展三拜出堂引全班至住持前行禮謝茶詞語卽日云送

出復歸堂炷香上下間問訊収蓋退座若有榜當先安下處呈新命入院日挂僧堂前上下間茶湯只炷香稟請繼覆云請和尚湯罷就座藥石此僧堂特爲香餅行於理蓋當行在入否則亦當知其禮也

狀式

當寺庫司比丘 某甲

右某甲啓取今辰齋退就雲堂點茶用伸陳賀之儀伏望 尊慈特垂 降重 謹狀

年 月 日 當寺庫司比丘 某甲 狀

湯狀只改湯字餘並同

可端狀拜請 新命堂頭大和尚尊座前

當寺庫司比丘 某甲 謹封

麗 檀越諷經

建寺捨田大檀越庫司差人嚴設祠堂備供養粥了集衆詣僧堂知事先到燒香點茶湯上供養住持至炷香歸位維那舉經回向

水 管待專使

知事預稟住持專使厚禮宜疏帖人臘衣鉢閣備貼

廳重輕合節。至日寢堂釘掛鋪設位次。請兩班耆舊光伴中設專使。特爲位。請客侍者躬請專使。餘人則方丈客頭。稟請禮與特爲同。

五 留請兩班

兩班俟管待專使畢。午後俱詣方丈客頭告退。首座西序都寺報集東序方丈垂情委曲。送出侍者。令客頭備梓枳爐燭湯具。住持同侍者一一詣寮點湯。勉留客頭先報寮出門外右邊迎住。持入門居主位。分坐侍者燒香行湯。收盞住持詳盡勸勉。已送出門。諸寮庫司同若職滿。俟久亦當詣諸寮點湯。勉留盡主禮也。候住持齋後閑時。再上稟辭次第進退。

出 參放出入

入院之先。未參府縣官屬。卽當具門狀參見。次謁檀越寄居官貴諸山。亦用門狀合訪及處。在知事逐一稟覆。住持出門。令行者傳語首座。維那諸頭首知事當詣方丈候送。庫司當探計住持歸期。令堂司掛牌報衆候入。山鳴僧堂前鐘集衆。門迎住持出轎問訊。云勿勞。去衆卽往佛殿土地堂燒香。首座領衆至方

丈接已衆退客頭。揖請兩班耆舊獻湯。略叙話而退。方丈行者插香禮拜。次參頭領衆禮拜。住持須巡察報禮城郭近便。朝暮出入無吃。不必講行。凡公出還歸首座。領衆迎接。住持傳語免詣方丈。或密歸鉢位。伴衆食挂鉢了。方丈客頭喝云。方丈和尚巡堂人事。衆下地住持燒香一炷。巡堂一運出堂。喝云。堂頭和尚傳語不舉點及。繼上方丈或密回方丈兩班耆舊皆當詣方丈問起居。當炷香獻茶。歎曲叙話而散。

崑 交割什物

方丈請兩班大耆舊茶詳說家務。次至謝庫司茶。眼同檢視御書寶器。碯基物件。先是方丈次呈頭首耆舊逐一點對交割計算財穀簿書。分明見管若干具呈。方丈參照須知諸莊佃戶契契住持備榜諸莊曉示諸方多於住持交換之際。執事作弊。苛取錢物。後患非輕。可不審諸庫司此日備點心。

尚 方丈小座湯


律院亦此行之不無少異。禪規云。前輩四節行禮。惟結夏一次。兄弟恃強位爭高下。因而止之。叢林茂聞

字一
作二
出三
出四
出五
出六
出七
出八
出九
出十

良可嘆也。按式有三座。第一座分二出。東堂西堂首座。光伴第二座。四出兩班。著舊頭首一出。頭首二出。知事三出。西班著舊四出。東班著舊三座。分六出。本山辦事諸方。辦事首座。光伴隨職高下。分座職同者。次之侍者。預備草圖。呈方丈議定。略有差池。各須容忍。至日。依名書。照牌午後。備卓袱作一三三座。陳列寢堂下間。東西堂前堂都寺。請客侍者各詣寮請。云。盤頭和尚。請今晚就寢。變特為。餘頭首諸寮。方丈客頭行者。請之寢堂。釘挂排位。秉燭裝香。竟客頭行者。覆侍者。次覆方丈。鳴鼓。第一座客集侍者迎揖住持。接叙寒溫。入位立定。侍者特為人前巡揖。坐間訊坐。已歸中燒香。一炷往特為人前揖香。問訊歸中立。鳴板二下行。湯復進。特為人前揖湯。問訊歸中。燒香伴香。鳴板一下。收盞。鳴鼓三下。退座。第二座客至。迎入位立。兩侍者上下相望。巡問訊掛坐。燒香。一炷分位。頭巡揖香。掛湯。燒光伴香。收盞。鳴鼓三下。退座。展具。謝湯。免則止之。第三座客集。迎接行禮。並同前此座位。多分座。頭巡問訊。須要倫序。庶雅。

律苑事規卷第六

藏法界規四月十五日結制
十四日參前請小座湯行禮



律苑事規卷第七

四明演忠律寺住持嗣祖比丘省悟編述

劬 煎點住持

若法嗣到寺前點令帶行知事到庫司會議造食計
筭錢物送納隔宿先到侍司咨稟命通覆住持具威
儀詣方丈插香展拜請云末辰就雲堂具事供伏
望慈容特垂降重下情不勝感戴之至 稟侍者令容
頭請兩班單寮掛牌報請大眾至日鋪設住持鉢位
卓袱分手煎點人位火板鳴大衆赴堂煎點人隨住
持入堂揖坐中燒香一炷住持前問訊轉龜後出住
持引手掛煎點人座堂司行者唱云請大眾下鉢食
偏煎點人燒香下臘問訊住持揖復位命人行臘食
畢猷鉢了退住持卓煎點人燒香一炷住持前問訊
龜後出爐前問訊鳴鐘行茶偏往住持前勸茶復龜
後出進住持前行禮三拜云即日云安此自薄禮房
復重降重下情不勝感戴之至 稟侍者令容
送出煎點人復歸堂燒香一炷上下問問訊以謝光
伴復中間訊鳴鐘收盞次詣方丈謝降重住持隨到

●持事一作
事持

客位致謝若諸山煎點齋辦同住持赴堂揖住持坐
當免行禮揖煎點人歸位坐定起燒香一炷到住持
前問訊下臘儀衆人臘燒光伴香一炷歸位行食茶
禮則不誦也茶罷同上方丈住持須先到客位致謝
號 兩班寢堂煎點

至日煎點首座知事者舊詣方丈插香拜請住持已
次請侍者小師住持廟位兩班番舊如常坐小師內
坐至時首座請住持出揖坐行禮若免禮從爐右出
燒香一炷進前問訊即下臘首座同前三人問訊歸
位坐食畢首座起身燒香免禮就座獻茶

巨 諸山寢堂煎點

分手設位如常式煎點人詣方丈插香請住持已次
令客頭請兩班番舊侍者小師光伴至時請出寢堂
爐前略叙寒溫住持免禮則不揖坐也入位了燒香
一炷下臘住持起身揖煎點人坐食畢獻茶了爐前
致謝降重住持送兩班幾步即詣安下致謝辦若事
法眷小師煎點隔日詣方丈拜請及兩班番舊辦事
法眷鄉人小師寢堂鋪設廟位餘人位次準常小師

內坐請坐茶禮並與僧堂煎點禮同若法眷長上煎點餘禮並免但燒香下腰而已

關 尊宿相訪

山門探知到寺預報維那挂牌迎接到時先通門狀至方丈即鳴大鐘大眾門迎若免接禮潛入寺方通門狀羅堂焚香秉燭若法眷尊長即飲僧堂前鐘隨至方丈人事插香住持免之大眾未至先請坐侍者禮拜燒香喫茶若衆已至首座知事插香人事了侍者方插香禮拜客頭揖請兩班著舊光伴喫茶茶罷帶行行者炷香禮拜次直斤轎從參拜方丈行者禮拜參頭領衆禮拜直斤轎番參拜了侍者燒香獻湯送客位主居右送入插香客辭免略叙寒溫而出兩班各插香人事參隨別送安下了客頭令備轎住持同引巡察侍者隨行客頭預報諸寮巡已住持同入方丈叙話如鄉人道舊人事歸安下相接請客侍者具狀請特爲湯詣客位插香拜請云方丈拜請和尚今晚就寢堂特爲飲湯伏望慈悲降重呈狀了客頭覆云請和尚湯罷就座藥石寢堂釘挂排照牌設特

爲光伴位催客行禮湯罷藥石送出並前特爲禮同客頭詣客位請云方丈請和尚今晚湯果請兩班光伴次早請湯侍者燒香行者問訊僕從聲喏請粥了茶半齋點心請客侍者具狀請特爲管待山門造食備羅衣鉢閣備貼臘燒香侍者行禮湯禮同兩班光伴若弟姪法孫泛常以下禮勿過勤貽笑作者

湯狀

當寺住持比丘 某甲

右某輒以今晚就寢堂點茶特爲伏望 尊慈特垂心降重 謹狀

年 月 日 當寺住持比丘 某甲 狀

管待狀 當寺住持比丘 某甲

右某輒以來日就寢堂聊備水餅伏望 尊慈俯垂降重 謹狀

年 月 同前

可狀請某處堂頭和尚大宗師

當寺住持比丘 某甲 謹封

珠 諸山相訪

若探知挂牌相接相見人事禮同前此近隣封見訪

止宿方講湯禮省事者徑到方丈免動衆迎接此古法也若法眷尊長垂訪請據廟位立定插香禮拜還法眷禮次講諸山相見禮方丈內坐當讓主位迎接如尊宿獻湯躬行禮力辭侍者行禮若嗣法辦事法姪相訪當躬至方丈住持即令鳴僧堂前鐘集衆人事先請住持廟坐行法眷禮次講諸山禮接僧堂前但特爲湯管待不具狀請客侍者姓香陳請又看年臘高低臨叱通變

稱 官員相訪

山門挂牌報衆探候迎接將及門鳴鐘衆接入大殿拈香方丈獻茶湯了送歸客位請點心罷陪從遊覽庫司備湯果祇待叙話中多談出塵之語山門稍有急切之事方便善巧言之別詣懇及或留宿或即別鳴僧堂前鐘大衆送山門

夜 施主齋僧

施主到門知客接見引上方丈獻茶湯送安下若官貴大施主當鳴鐘集衆接之同上方丈炷香稟請須與知事議定齋料用費維那實具僧行數目願資隨

十一 無字

心均依若逼抑令彼退心彼我無益矣僧堂內設施主位於住持分手齋畢住持知事同到客位致謝或寄錢齋僧住持須資付知事盡數辨供俟臘勿移別用當思因果歷然豈無憂懼背湖南雲蓋山智禪師夜坐方丈見一僧頂帶鐵枷身纏猛火倚門限告曰守願前住此山時因將施主齋僧錢移蓋僧堂受此苦報望和尚慈悲爲某甲齋僧填還庶免此罪遂從其請後果得釋揚岐祖師全身塔于茲山

光 請名德都講

禪宗請立僧首座其禮最重其次名德首座

大方西堂名德首座人天師範言行相應一衆投情某事嚴重委曲控陳如蒙允許方丈客頭先於安下處陳設香几住持兩班詣安下處住持揮香同衆板請詞云大衆傾心久思示導伏望慈憐特選開允答云既蒙堅請不敢固辭請已次日彌了於方丈會衆行茶禮大衆教誦畢鳴鼓一通方丈預令客頭備梓歡爐燭湯茶到寮大衆同送歸寮通寒暄訖就座住持居左侍者燒香獻湯再燒香獻茶兩班光伴如常法茶畢爐前謝湯茶了送住持出次大衆人事

中下二本
共有執行處

次即指方丈住至庫司諸寮人事方丈備草餅請特
為湯藥石至晚湯果兩班光伴至日早方丈請就法
堂特為茶請客侍者具茶榜式如詣寮插香拜請與
特為新首座茶同別日方丈管待兩班光伴
果 兩班進退

或解制或年夜為期隨處常式頭首人材當於夏中
審知所學量才鋪職知事戶門事務莊庫歲計並須
細審至臘滿日預上方丈稟選擇人既定欲來日進
退侍者密報兩班昏鐘鳴知事一班詣方丈插香普
同拜退拜規就中或再留者挑灯住持送歸庫司
侍者燒香點湯五更鐘鳴頭炷一班上方插香拜退
一拜拜規或再留者先一日晚住持詣寮侍者燒香點
湯勉留請選頭首從衆名勝老成

前兩班告退不可缺拜請某人充頭首等侍者呈目
子住持白請知事一班訖俱至爐前受請如未允請
衆著舊力當勉之拜規住持頭而頭首一班進前行
禮云即日云云某等自愧匪器過蒙寬錄下情不勝
惶悚拜規二於理亦當俱展三拜在人行之住持當低
展三拜

身立受還屬禮不宜也次知事一班行禮訖住持
復位分座喫湯新東西兩班住持對面普茶上下間
列坐侍者燒香下湯不宜掛坐掛香掛湯湯罷飲僧堂
前鐘大衆集堂司行者喝云大衆送新前堂首座歸
寮拜規送歸寮前堂在門外右邊立住持送入作賀
了送住持出次後堂領衆至接入問訊賀了送出次
知事一班致賀已喝云大衆送新知事歸庫司住持
送入賀了送出餘同前又喝云請首座大衆送舊首
座都寺歸房又喝云請兩班大衆送新後堂機首維
那知客歸寮又喝云請兩班大衆送舊頭首知事歸
房皆是住持送入賀了各送住持出了居士位接待
者作賀送出接兩班大衆賀了送出賀畢新舊兩班
即詣方丈拜謝新舊首座都寺各插香係庫司備送
新舊兩序同巡了半齋點心齋時單飯並就方丈西
堂著舊光伴莊庫職務不在覆贊先審詳已就便請
人浴主殿主等項雜職待請兩班了別日詣庫司告
退擇人人交替方丈問訊隨例點心管待

珍 挂鉢請知事

●頭一作令

若請知事先不和會者粥罷堂司行者喝云請大眾
小立維那舉僧前燒香一炷巡堂一通住持前問
訊側右立接日子當面問訊罷後轉繞邊白繞一下
云過奉堂頭和尚慈旨請某人充某職逐一白訖客
頭揖受諸人主住持前受職與前禮同次會頭首者
舊茶勸勉請訖相禮並同前

李 侍者進退

頭首退已侍者一班具威儀咨眾住持預當擇人請
兩班已侍者一班詣方丈插香同展三拜眾退住持
批下當司即令行者請受職人到堂司契茶人主揖
入炷香獻茶已再起身燒香一炷復位立白云過奉
堂頭和尚慈旨令某甲律師充某職逐一白請已受
請人進前問訊轉位獻湯維那行禮掛座掛香掛湯
請知客光伴湯罷同上方丈接已侍者一班列立定
燒香侍者插香同展三拜了維那送侍者歸寮作賀
送維那出方丈行者插香禮拜轉番直斤參拜若名
德之士住持初接免行禮躬送入寮維那人事而已
堂司行者引新舊侍者巡察當日批下堂司請舊侍

●東堂早下

者茶送歸齋維那上首問訊對轉問訊送維那出門
次與諸房人事

奈 方丈特為新舊兩班湯

請客侍者令客頭備杆祇爐燭詣新舊前堂首座前
炷香首座還香一拜規 廟 眾云堂頭和尚請眾前就

堂特為眾湯次新舊都寺前炷香同前次兩班新舊

職事人并舊舊光伴客頭請釘挂履堂鋪設位頭

西堂首座光伴新頭首一班一出新知事二出舊頭

首二出舊知事四出舊舊西班五出舊舊東班六出

人多分接坐之燒香侍者預行排定照牌至時鳴鼓

客集兩侍者行禮圖位與小座湯第三座六出禮同

至晚湯果來早僧堂請茶新舊隨所請之無光伴如

常式庫司請茶不及禮免之方丈茶罷同到庫司致

謝半齋點心次日庫司點心庫司送舊首座都寺粥

餅五味三日晚機動用什物客頭照例分送禮堂

新舊依者特為湯茶之禮又有庫司特為新舊兩班

湯藥石之禮並在草鞋罷各可行之律院少曾辨此

榮 管待新舊兩班

庫司預備方丈製造食品請客侍者令客頭行者備

※一作客

梓猷爐燭香合詣新舊首座都寺處炷香陳請云方丈和尚午刻請就莊堂管侍當還香次兩班新舊職人事并著舊光伴並各頭隨廳堂釘挂設位排照牌係燒香侍者提點茶齋先催客齊候住持接問訊次光伴接人各入座依照牌立定兩侍者行禮巡揖坐燒香須分出頭揖香了下湯分出頭揖湯進卓侍者一班列住持前問訊人位下針燒香侍者離位燒香一炷下嚙重輕照宮式食了鳴鼓講茶禮侍者燒香兩侍者分出頭揖香揖茶與特為湯禮同無揖坐一巡也茶罷爐前致謝住持送出次送光伴入

重 住持垂訪點茶

※當延客
※事十一有
※無二字
※工經天

賢可也

芥 方丈特為新首座茶

方丈管待了次早燒香侍者覆住持客頭備伴祇爐

燭香請客侍者寫茶榜詣首座寮炷香首座寮請云

方丈齋退就法堂特為點茶伏望降重客頭請寮挂

牌請知事光伴禪規就僧堂行禮住持對面中間設特為位

分手光伴位其餘位次如常式行禮並如前禪規又

座特為後堂大眾茶之禮無後堂次頭曾代之

茶榜式

當頭和尚今辰齋退就 法堂點茶一中特為新

命首座聊表陳 賀之禮仍請 諸知事光伴

今日 日 侍司 某甲 請客侍者名數白

暨 諸莊監收

監收之職衆人命脉實在擇人當請公心大小者舊

無任小師鄉人苟用非某人不識因果隱瞞常住奇

取佃甲無所不至非特歲計不足抑且累及山門凡

有國有家者未嘗不本此也諸莊成熟時至審細和

會廉能久歷大小者舊或十方兄弟定已至日請兩

班大善衲茶勸率寢堂一一請位已獻湯了送婦客位班領眾作賀次第巡寮草針特爲湯庫司特爲湯藥石再傳爲藥全 唯天童諸莊監取利無入位已如禮敦請特爲了至下莊日山門首釘挂講茶湯禮鳴樓鐘集衆門送上轎自古至今遺風在焉

海 頭香寮交割什物

庫司通置總簿一面具爲諸寮交割什物庫記印縫知事僉議是方丈僉諸寮各置小簿兩相對同凡頭首交替庫司令上下庫或客頭對號交什物動使損者須交元物失者決要本寮供過填陪鐵之物遇亡僧時打入當庫司措辦公界限對即抵號上簿或增添庶免漏失每見多處進退之際什物缺典具單需索庫司付之不采住持又不提點非任賢之意爲頭首者又當相體既居寮舍亦須整齊將更替時什物點對或者自留物件添號并留五味之屬使益後人此莊院之根本後人之模範如其掃蕩一空貼謂有識得不愧心者哉方丈庫司僧堂皆各有簿交割僧堂物件維那時當提督須以衆人究心以成叢林也

律苑事規卷第八

四明演忠律寺住持嗣祖比丘省悟編述

賊 住持

毗尼戒藏佛法壽命諸祖傳持延洪教觀軌範三界拯拔四生明出世事轉大法輪解行兼濟名實相當如說而行師承有據開發上根提誘中上成就勝緣權衡縱奪致若行道說法之暇勾稽錢穀簿書豐儉隨宜供衆修造雖曰世間餘事古今亦號難濟苟能兼濟斯謂全才不及此者竭力運謀修造盡心供衆安僧列財住賢庶毋曠役斯謂三等住持良非細事焚修祈禱實在專誠臨衆閑居無慢易叢林之設先病爲先照拂矜恤猶須介念方來高士加禮送迎率身以先無事不辨如禪宗密菴尙且披衣夜臥代先師持戒克振家聲此乃千故典刑佛法重任也

河 前堂

表舉叢林人天眼目分座說法開鑿後昆契粥針赴茶湯頭後瞻前訓兄弟行典刑中規合矩開講提誨悉有條章粥針精粗分付執事亡僧後事檢察主行

赴衆稍違傳語同室習讀有失委曲開示繩繩百世
覺細事哉任斯職者可不嚴謹也耶

淡 後堂

位居後板輔贊宗風講說軌儀晚生標格行叢林事
訓實弟兄嘉在前堂如闕前堂住持別日講後說及
却轉前板會衆茶禮送歸前堂察察既揖前堂開講訓
徒餘事一體或有律寺課佛經是首
座舉唱宜詳緩合節可也

鱗 都監寺今都
寺也

山門重責在得人幹辦公私實在都寺朝夕勤於香
火歲計攷於簿書參辭官員賀謝禮越出納收支準
備供衆齋粥常運勝心待物不可輕易行僕有犯量
過行移罪無重科誠告听恕莊嚴職務擇舉公心尊
賢容衆和氣肅然供衆缺乏竭力運謀修造事務盡
心成美同事才德推揚行止涉私密諭或有大過累
及山門密覆住持毋聞消衆方便處處萬不失一世
一時機忙赴堂他營語及大事公私纖衆分別種種
愛護常住異日遇緣即衆人天模範盛大光明未可
量也

潛 機首

鈔云結成罪種理須懺除則形清心淨應同僧法故
薩婆多云無有一法疾於心者不可以暫惡便承棄
之故須懺悔今欲定其綱位格其心境使是非鏡其
耳目得失明其能所者何患妄業不除妄心無託矣
須知事理二機通道合俗罪相難明機首之責其任
非輕若也務在馳名所職何事也耶

羽 維那

梵語維那唐言悅衆叢林典則一一舉行職列西班
講通小部送往迎來禮須勤重病僧將忌令得其宜
兄弟慈心委曲調護挂搭歸堂檢示度牒僧堂上座
打扇閉戶糊牕當計寒暖亡僧衣物務要公明習讀
拈鬘莫循私曲白佛舉經詳緩合節參假行事茶禮
莫缺請益說文當勉來學或有他緣戒牒傳假傳當
送過客司細大事務列諸條章凡衆僧關係之事一
一提點便衆爲懷可也

翔 知客

官責檢越尊宿諸山門子報及預當門迎次報方丈

庫司知客即同引見接禮經重臨時通變送安下已相引人事遊山披覽不得妄談鄙事接迎方來兄弟茶湯管顧如儀施主人山須預引接一宗祖又切須留意禮誦舉唱使有可觀宜須涉典莫悞來學維那假出而叢林事一體行之或自有他緣須白維那侍者事同一也僧堂前檢點行益客人粥鉢整齊遇亡僧同侍者把帳暫到死主其喪事夏間習讀茶湯之禮却與維那一同區處

龍 知浴

凡遇開浴齋前掛牌寒月五日一浴暑月每日淋汗粥了發火鋪設浴室掛手巾出面盆整把鞋鋪脚布參頭差行者直浴牛晚浴頭覆首座方丈維那鳴鐘三下浴聖桶內皆著湯次第巡廊鳴板三下鳴開浴一通僧衆二通頭首三通知事行者四通人力監作彈壓浴次刊揭門首古來住持例在三鼓入浴用屏風者遮行者也今來住持二鼓前後入浴室禮小牌白字一湯二水三滿看有設浴施主課經回向蓋妙觸宣明成佛子住前念是凡後念是聖則功不浪施

矣

師 知殿

嚴淨几案常滿灯油聖像時時拂塵供養隨宜修設施主香錢油錢無移互用實兩行僕勤奉香火或遇風起須滅爐火結起幡脚勿近琉璃朔望節假開設殿門十庶往來隨心瞻仰抄竟油錢令生厭心返招惡果也

火 侍者

燒香之職近侍左右听教朝昏期法道集大成舉賢能合輿論相看通覆委曲周旋尊宿諸山送迎合禮每事博問先知不致貼笑上下方丈如子侍父餘時不可預坐方丈行僕失事時時誠之住持事繁是事調抱維那知客他出回向舉事同一也亡僧輪把帳目諸山訪相在兩班後人事播香展拜官員到來拱听答對住持恐有失忘處當代言之白席因緣開講口議隨即呈錄祖文難處不住請益若慶喜之侍星曇其可忽諸

○書狀之職英機特立輔轍宗門官員書尺往返山

亦作示

門製疏作榜方丈命下具單稟呈乃輔贊住持也

○請客之職出類拔萃輔贊叢林官貴尊宿諸山相訪須當具禮款延節臘茶湯特爲管待先當具請狀書自己名燒香侍者他故回向舉唱把帳一同上位到門或住持未知首先迎接早晚咨參成道業異日領袖叢林自茲發軔矣

○衣鉢之職諸歷叢林老成之士適住厥責諸方通用晚輩德悞事非輕進納賢良忠謨過失應緣接物不可違時方丈一應禮節究心提點頭首寮舍缺典一一以時而照拂之兩序進退須預咨謀責在得人庶符輿論

○直日之職乃是衆中年膺少者維那輪差多是未諳規矩維那及請益師須委曲教示使有可觀受戒布薩安居自恣鳴引儀法已亦於前出堂入戶須於住持前下手鳴引常離六尺恐踏師影故也僧堂二時打槌候堂前鐘鳴離位入堂左手香一炷退兩步半問訊合掌而入槌邊立先看逐日回向神示鐘絕打槌一下合掌回向當日神明至念清淨法身

處左手作益勢側按槌擊右手打槌高不過五寸聲絕方下槌急緩合度行食時朝齋轉身退立板頭食遍進前打槌一下誦下畢合掌出堂至門限裏轉身面聖僧問訊合掌歸鉢位其餘軌儀皆當詳緩合節可也

帝 列頂職員

副寺之職職小任重衆人命脉所繫米麵當須細潔粥針貴得精豐醬黃豆豉合辨及時鹽醋姜油滿足供衆缺乏預謀上首剋落常慎下流無徇私情勿圖已計推情保惜如護眼睛先德分司列任本爲衆人今昧其源深加剋削繼飯薄粥臭醋淡齋任責者之無知實在住持之有過

○典座之職無真心供養者不宜徇情妄請當與前堂首座謀議從衆擢用萬不一失也當廣種菜蔬力除草穢四時合種雜物勤看老圃須知園丁當以私惠優其寒暑調和羹菜五味須全油醬姜料常住有限須出已盡及化施主以助堂供一人辨心諸天打供多見所在假名職圖監收却將園地半佔栽麻種



亭以爲園丁補洗遞代相承習以成弊厨中不許棄賤諸物執役選用苦行老成若設大齋品食須與上首知事商議過多減除皆不可也行者不律誨而至再不受罰者資之罰之同利均俵粥餅上桶焚香望僧堂設拜常把衆人頂在頭上自獲福利不汝欺也

○直歲之職日生事務無爽其時護惜山林以庇風水牧養火佃成儼常住掃洒廊廡疏決溝渠措辦柴薪巡警火盜灰記漏跡待晴整捉凡大修造各有司存勤苦向前以盡厥職古人一日不作一日不食思之

○莊主之職提督農務不可失時檢察田段牧養客佃頑暴者懲戒之貧病者優補之單丁者以時差役之旱澇災氛課誦禱保勿縱淫祀念害物命諸佃重過具申山門暫到經過溫存食宿若塗田守莊者時時提點塘陸修補堅牢搜尋漏洞不住築塞春則積水旱理秧苗秋防風潮黑夜尤急冬耕夏種無失其時不虞之具常備於莊其塘內有淡水開闢無容潮水闊入忽遇天旱若發鹹氣則稻死矣毋尙刻剝竭力

運謀使火佃有追思之心常住有美餘之益方爲善美矣

○街坊之職緣化施主添助常住隨彼施心毫釐無易緣事若多不可重扣初僧令生厭賤世尊乞食不越七家如阿難之歷街坊貧女寄破衲奉佛生難遭之想則可也

○水頭之職每朝燒湯衆人洗面手巾乾淨冬月焙烘常備燈燭牙藥更點米出鋪排面盆候洗面畢盆覆元處揭起手巾妨汚染也盆留一二集舊巾一條以待後來者預積柴薪善緣爲念

○炭頭之職暑月做造炭圓辨積白炭或化施主或出庫司預當究心備準足用冬月齋舍均而送之以道爲懷可也

○磨頭之職清衆喉嚨麥用淘洗乾溫令均羅廚細蜜麵分頭次春米潔白備竊糠碎依時出來或歸庫司或俵同利務在公明爲衆辦事外修持道業可也

○園頭之職勤苦學先灌漑地段栽布蔬苗存撫園丁朝夕無怠取種下子及節依時火種刀耕以古爲

念可也

○樹頭之職山門松徑陰接竹木護惜山林以備修造常切巡視栽補及時因果歷然功不浪施人少松枯再來良未晚也

○淨頭之職果自因生每朝掃地焚香及時剔燈點燭換簪洗脚出桶拖鞋手巾乾淨湯水寬容灰土常滿或時狼藉打併宜勤討柴洗滌俯值人力觸邊明淨道業圓淨豈小補哉

烏 百丈規繩

按百丈大智禪師以禪宗自少室至曹溪而來多居律寺雖曰別院然於說法住持未合軌度別立規繩五條禪宗盛行然此五條雖則非律明制示應知其法云

一堂中及寮內失去衣物等須供衣物色數時節處所聞白主事驗認有無虛實如情重者白堂司集衆搜堂及寮犯者公行妄者棄衆

○一聖衆內或有盜竊酒色及鬪諍汚衆喧亂不律等事皆集衆逐出院不從即聞公

一或有假號竊形混于清衆并別致喧擾之事堂司檢舉抽下挂搭擯令出院以安衆也

一或有重犯玷辱僧倫并院門即須集衆以杖杖之焚燒道具逐出偏門者示耻辱也

一堂內清衆如不充主首掌握山門但隨衆齋粥參請外當各自省已守分積德隆道用光嚴席不可已外于管院務擅自更張生事走扇是非有撓清衆無令安靜違者即遵院令

南山聖師有云一方行化立法須通處衆斷量必憑律教若法出恒情言無所據科罰同於鄙俗教網唯事重難施已是於非所被固多喧亂如是能令衆法速滅不值佛世生地獄如箭射如今叢林若有知法者須行律中七九治罰方符佛制

謂詞責 擯出 依止 遮不至白衣家 并不見舉 不懺舉 惡見不捨舉 及惡罵治 默

官 日用清規

夫律乃戒也禪乃定也非戒則不生定非律制則不

成禪規其實皆一也無量壽禪師宋嘉定間分座信之龜峰而筆日用清規多符律範余令取其相同者以備日用庶完吾宗行事中間或有新學得箇入處而三千威儀八萬細行自然然而矣

兄弟初來須知入衆之法睡不在人前起不在人後五更鐘未鳴輕身先起莫驚同房抖擻精神端坐於床思其日所誦文或製作未完或看讀未到祖師云靜處思微道之正軌次第轉身下床取手巾搭左手想念佛云 朝從寅旦直至暮 一切衆生令同護

若於足下候傷形 願汝即時生淨土 唯遮帝律儀

娑婆阿輕輕開門去後架不得拖鞋咳嗽作聲輕手取盆洗面湯不宜多嗽口須低頭吐水以手引下直

腰吐水忍濕隣椅不得洗頭有四件自他不利一若

試巾三枯不得鼻內作聲不得噴水撲面不得高驅

吐不得涕唾汚桶古云 五更洗面本爲修行 唯吐

拖盆喧聲聚衆燒香禮拜須披袈裟先合掌頂戴念

云善哉解脫服 無相福田衣 我今頂戴受 世世

常得披 唯悉陀那袈裟詞

●後殿

摺袈裟須齊整置衣架上問訊而去若先去殿堂禮拜不得佔中央持也不得出聲念佛不得行於禮人頭邊過次第板鳴衆人歸殿禮懺各至誠懺畢過當歸鉢位左肩順轉上床不得背人入堂門時從南頻入不得中央及北頻入持也歸鉢位低躬問訊上中下座若已先坐而上中下座來亦須合掌占云不

殿上中下座婆羅門聚會無殊登牀偈云登此天得解脫床 平等智慧清淨光 聞長板鳴下鉢擡身起須

正立然後轉身亦從合掌念偈云執持摩訶 寶生 成就法器 受入天供取鉢以左手托鉢右手解

鉤轉身令正蹲身放鉢免將腰背擡人不得順身坐

不得躡鼻上床不得以手左右搖曳取鉢安面前聞

槌聲合掌想念云 佛生迦毗羅 成道摩竭陀 設

法波羅奈 入滅俱絺羅 展鉢之法先合掌想偈云

如來應量器 我今得數展 願共諸衆生 等三輪

空寂然後解袈展淨巾覆膝上其袈擡轉三角莫令

垂下次展鉢單仰手取鉢安卓上以兩手指併定

取壇子從小次第展開不得敲磬作聲護第四五爲

獨指槽鉢拭橫身前匙筋放上橫袋放鉢拭下出則
先匙入則先筋把處爲淨頭不可向上肩鉢刷安第
三壩縫中出半寸許以盛生飯匙筋頭不可出生計
不過七粒太少爲慳食頭首舉唱大眾念佛合掌不
得參差須高低當胸得中不得以手托口邊古云參
差合掌不當胸 十指交加標鼻中 拖履指履無細行
囉聲澄氣送矣 兩手捧鉢受食想念佛云 若受
食時當願衆生 禪覺爲食 法喜充滿 若見滿鉢
念佛云若見滿鉢 當願衆生 具足飽滿 一切善
根若食與多起手止之念佛云 此食色香味云云如
后聞遍食隨看上下肩以面相朝掛食不得正面以
手搖兩邊也 作五顯法小食計食時
偶及出生偶並如后
喫食之法不得將口就食不得將食就口盛食不許
呼索取鉢放鉢拈匙放筋不得有聲不得咳嗽不得
畜鼻涕若發噴嚏當以衣袖掩之不得抓頭恐風屑
落隣鉢中不得挑牙不得嚼鉢啜羹作聲不得挑鉢
中央食不得大搏鉢食不得張口待鉢食不得遺落
鉢食不得手把散鉢食如有菜滓可安屏處若使扇

一作環

莫扇隣肩若自己怕風白維那堂外坐不得手肘枕
膝上隨量受食不得請折律云量腹而食也頭鉢不
許盛濕食不得將羹汁頭鉢內淘鉢食不得挑菜頭
鉢內和鉢食食時須看上下肩不得太緩不得太速
未再請不得先刷鉢不得吮鉢刷作聲食未至不得
生噴逼討古云飲飲四顧起食 食食吞津嗽喉
攝粥咽羹包滿口 開單展鉢響聲洗鉢之法頭
鉢盛水不許在內洗匙筋次第洗壩子不得濯漱不
得吐水鉢中不得先盛熱水洗鉢未折水不得先取
蓋膝巾不得將膝中拭汗不得灑水地上折水偈云
我此洗鉢水 如天甘露味 施汝諸鬼神 悉令得飽
滿 噫摩休羅細裝羹 收鉢以指按定次第而入
祇了合掌念 飯食已訖偈如后其飯食已
訖色力充偶乃教家所誦 食畢不許
先起鳴鐘了住持下地次第挂鉢不得腳踏床緣下
地出堂上殿誦誦了各歸房課經禮佛或誦文者至
請益師處上文或看讀或覆述各自著鞭不得輕負大
衆若赴茶湯不得垂衣坐不得聚頭語笑不得雙手
揖人若看經不得長展經紙不得垂下經帶不得把

● 毘尼

經行誦不得高聲不得背靠板頭古云出聲持誦
 少陳獨人背靠板頭輕大衆若後架時律制
 比丘須披五條令以手巾搭左手或無巾解條繫寬
 上摺衣與覆令整齊紆定仍各懸尺許以爲記認不
 得在外催逼不可共人語笑右手提水入廁換鞋不
 得參差安淨桶當前鳴指三下驚嚇冀鬼蹲身須正
 不得努氣作聲不可隔壁共人語古云戶處須合輕
 彈指人據那堪亂作聲入處用海分觸淨出時須
 水忌縱橫不得以水澆兩邊洗淨護大指二指不得
 多用籌子古云浴湯少使籌子休拈乾手將內衣入
 袴口出門左手提桶換鞋濕手不得擊門扇并門頻淨
 桶仍安舊處右手挑灰後挑土濕手不可擊灰土不
 得吐漑和泥洗手須用皂角洗至肘前出廁入廁須
 逐一念真言

入廁唸俱舍陀耶契詞洗淨唸賀婁蜜律帶契詞

淨手 庵主迦囉耶契詞

● 一 無支聚
二字

淨身庵室利曳契盤契詞

去穢庵拔枳羅羅迦吒契詞

● 門一作問

● 淨一作定

若小道亦用水洗手若著草履遊山不許經行佛殿
 古云 汝祖登閣 草履遊山 莫談法堂 因互者
 舊廊行須讓著宿徐步下肩亦肩脚不許著僧鞋不
 得把手行談世語是非古云 別了雙親棄本師 訪
 尋知識幾何爲 不曾脫著宗門事 白首無成過在
 誰不得殿前倚欄欄干不得猖狂急走古云 行須緩
 步習馬蹄之威儀 語要低聲學波羅之軌範 殿塔
 內不許閑行古云 無事不須登佛殿 等閑休向掃
 中行 不因換水添香火 縱有河沙國也傾 齋了
 洗衣不許殺祖不得傾用湯瓶竹竿使了仍歸元處
 新來兄弟規矩生疎善言誘諭勿起嫌心不得殺祖
 廊下行不得手弄數珠而向戲物放參後不許出山
 門不得入小寮如開浴以右手携浴具律制須披五
 條下門入浴門內問訊目視空處歸位須揖上下肩
 先上先搭中次搭五條展浴祇取浴具放一邊解上
 衣脫下裳以脚布圍身繫浴裙却將混袴摺襖內次
 挂直覆與五條一處繫淨衣裳入袈包內拖鞋入浴
 古云 三遍浴鼓入堂時 觸淨須分上下衣 笑語

◆高聲

◆高聲

高聲皆不可。裏將行臥威儀。不可亦脚入浴室。須下間空處待次而浴。上間讓頭首者宿也。勿令湯水灑人及已拭浴人身上。不得桶內泡脚及洗。僻處不得將脚關桶上。不得槽上揩脚。不得室內小。還不得語笑。不得屏水。不得撥桶澆身。須當遮護。身不得露。脚布不可離身。若有脚病。不可入桶。或洗灸瘡。或用疥藥。並宜在後入浴。不可多用湯水。不得將公界手巾拭面。出浴須指上下肩而坐。次第著上衣。先以直襖遮蓋其身。方著下裳。解去裙衫。而脚布安裙衫內。免濕。猷角不得將濕脚布搭手上。仍揖左右。出堂若有設浴施主。隨意課經。回向黃昏鐘。喝合掌。念偈云。聞鐘聲。煩惱輕。菩提長。智慧生。離地獄。出火坑。願成佛度衆生。尋常出處。直襖宜露。袴口袴裏不宜著。小袖夜睡。披五條眠。右脇爲尊。左肩衣也。仰爲屍臥。覆爲姪睡。故多惡夢。辨道兄弟。行住坐臥。不越規矩。晝三夜三。正好用工。禮儀疎怠。有動衆念。赴衆法律。各有條章。舉措看他上流。慎勿隨於庸鄙。叢林所貴。在手整肅。一日何止三省吾身。今編日

用則乃其大略耳。若欲免其頭頭敗缺。直須一一遵行。然後敢言依教建修。破惡顯理。超越生死。得至涅槃。上求佛道。下化群萌也。耶

十威儀頌

十威儀頌。乃禪宗笑翁和尚力行古道。而作也。中有洗面展鉢登廁入浴四偈。全用其言。餘之六章。脫胎換骨。述以足之云爾。

日亦然兮夜亦然

睡時宜後起。宜先

殿堂禮誦候開靜

動止回施。向左肩一

晨朝洗面。莫猖狂

盥漱低頭。少使湯

頭若痒時。須待浴

手巾乾淨。不相妨。二

寫字吟詩。遣睡魔

不須將此當。囉囉

南山教觀。多玄旨

好把工夫去。琢磨三

寂靜身心。展鉢時

出宜先。筋入先匙

食巾收摺。須臨後

左右和南。禮莫虧四

粥了和南。齋了茶

說文習讀。莫喧譁

出堂入戶。清規合

要見叢林。有作家五

說恣差。僧行事時

從規自合。具威儀



律苑事規卷第八

近來一輩無羞恥
誦文闡出不尋常
實物雖無猶自可
脫著衣衫貴整齊
密持呪語輕彈指
入浴披衫貴端恭
不應脚布安槽上
負笈尋師號學人
秋堂雨後涼生夜
直裰中間小袖兒六
莫教無聲靜法堂
僧前罰拜最難當七
掩門須緩放籌匠
淨讀常將右手提八
需湯盥板合從容
双脚如何著桶中九
案前名遂在手動
誰解明燈照祖父十

律苑事規卷第九

四明演忠律寺住持嗣祖比丘省悟編述

皇 當代住持涅槃

夫世尊示寂諸祖涅槃殯殮有經禮儀有序養生送死儒釋皆宗只如双林殯以金棺十弟子哭泣憂悔波羅奈釋梵天龍哀號蹙踊泪如膏軸迦葉還自外

國所恨不親真像世尊顯示双趺前後以大自在三昧致金棺於大虛邊拘尸羅城三匝却及闍維八國興兵爭分舍利各歸建塔豈非禮乎然而百丈繩制凡亡僧衣物盡行支破管喪具奏以聞敕入藏爲定式世尊住世時有古佛號烏波難陀示迹入滅世尊敕集衆將衣鉢對衆估唱使四衆觀察啓悟此身無常證二果者不勝數蓋對治他緣當修已行先輩迂化紙袋封留法衣一項備諸住持非他事也以表世尊付衣待彌勒應世說法後之來者審所自也

始 遺囑遺書

尊宿示疾迂化可期預請兩班耆舊封定行李僅留浴殮隨身衣服若衣鉢不多遺戒小師不許披麻慟哭請首座主喪一切佛事並免首座同衆舉無常偈衆念首云 圓寂堂頭某人和尚卽今舉齋將赴茶毗仰憑大衆念 諸行無常 是生滅法 生滅滅已 寂滅爲樂 三遍卽起齋茶毗了了明明以驗生平若衣鉢豐儲王臣贈葬須盡禮講行衣鉢只留方丈庫司差公心僕輩看守估唱了則已慎勿將無作有

空費常住外護檀越諸山道舊遺囑遺書皆先畢事制 入龕

凡示疾書偈入滅不拘早晚侍者即令客頭行者報兩班諸寮大眾云 堂頭和尚傳語大眾風火相逼不及而違堂司行者鳴僧堂前鐘衆集上方丈吊慰未可舉哀首座同兩班耆舊商量請人主喪須擇隣封先成或法眷尊長或只請首座如有遺命即當遵行孝子侍者親隨人安排洗浴著衣淨髮入龕遺偈貼龕左維那孝子就方丈炷香請首座做入龕佛事安排龕堂置龕爐燭几筵供養至時鳴僧堂前鐘集衆舉入龕佛事已維那舉彌陀經回向云切以美權普示分化迹於人天妙體獨存起玄機於佛祖悲愍堂頭和尚孤圓智月俄收萬水之波廣大悲心却應十方之威願無地披志有歸是衆耆舊誠願滿佛說阿彌陀經一卷稱念四聖洪號所集功德奉為堂頭和尚無生報地妙極莊嚴十方三世云云 再舉經回向云 上來誦經功德奉為堂頭和尚於本位十方三世云云當夜集衆誦經回向二時上粥飯三時上茶湯

大衆誦經見職維那回向

文 主喪

夫主喪者非老成宿德詎可當其請如主喪人至鳴大鐘大衆門迎至龕前炷香了兩班大衆人衆散兩班耆舊送客位兩班插香人事當辭免主喪主位首座分手首座起身燒香一炷伏位獻茶孝子即排前問訊插香大展三拜次方丈行者體拜次參頭領衆插香禮三拜次方丈僕從參拜了獻湯送兩班出半齋庫司備點心兩班光伴次第巡察

字 諸佛事

巡察已兩班耆舊孝子隨到客位呈衣鉢簿道墨等物主喪就衣茶議請佛事式列後及請喪司一行人先議孝服無布折量分儀如主喪路遠三日未至請次頭首移龕佛事主喪至須與首座私計衣鉢多少作三分一分儀衆人經錢齋錢謝喪司一行一分佛事孝服喪司日逐支遣一分做齋出喪誦經須與首座同主其事主喪者只可舉哀對靈二佛事帶行僧行不可干預執職并佛事若衣孟豐甚議請隣封

一作書

一作子

老成本寺舊西堂首座每日俸觀經奠茶湯不拘兩班大者舊各請一人掌財庶絕浮議接容喪儀亦請著喪司書記維那知客從衆議公請侍者把帳喪司公差庫司客頭茶頭行人管事仍請見職維那同議請佛事見職知客門接外客喪司合千人僕排單揭示移柩舉哀

乃移柩

入龕後三日揀龕庫司措辦事儀法堂上間顯色幃幕設設床榻架列受用衣物左右砂羅器具案上列筆硯部文爐瓶供養湯瓶火爐茶湯皿具執從行者看守中間廣設祭筵生絹幃幃鋪設法座掛眞以備上備上祭下間置龕床布幃幃座安位牌前列机案素花供養二時下湯茶粥餅餌香燭不絕排列挑灯鏡鍍花幡鳴鐘集衆做佛事已移柩下法堂

請齋佛事

服 挂眞舉哀致祭奠茶湯

移柩已卽法堂挂眞佛事了侍者捧遺書呈首座主喪大衆云衆頭和尚臨終遺言呈山首座大衆書主

一作請

喪接書呈首座首座以書爐上熏卽授維那讀畢喪司行者貼法堂中間上手幃上主喪白云 衆頭和尚歸政理合舉哀佛事已舉哀三聲大衆發哭孝子列幕下哀泣主喪炷香請奠茶佛事喪主致祭知客宣祭文已請奠茶佛事孝子列眞前禮拜已歸幕下主喪再炷香禮眞孝子皆答拜主喪入幕下吊慰孝子隨禮三拜次慰兩班大衆詞云 法門不幸堂頭和尚溘然化機散喪大衆玉成後事 首座詞云 僧牘和尚玉成後事兩班大衆慰孝子詞云 山門不幸和尚歸政節哀以盡大事

衣 祭次

挂眞已喪司具目子列排祭次貼法堂下間幕上式見后每日次或三次上祭誦經諸山檀越致祭不在此限也若法眷嗣子上祭備孝服到門內知客接已卽報喪司送孝服而後上祭助葬儀物用了餘者當歸常住蓋諸山輜從皆撥常住也喪司集兩班者舊抄劉衣鉢見數從公議留遺囑外喪司點計新舊短長價賈多少庶臨時成現

裳 宿夜對靈案焚奠茶湯神規名對靈少案念部

挂眞已維那同孝子詣客位拜請主喪迨夜迨夜者

法堂而眞設座對靈案因緣昏鐘鳴鳴鼓集衆

兩班出班如常式無親隨人和會侍者燒香說法了

孝子羅拜致祭首座即領衆前上香山門維那舉

陀經迴向式在兩班奠茶湯致祭別靈次孝子致祭

諷經數散參頭衆喝參禮拜諷經作下寮參拜聲

喏諷經方丈行者參頭大衆參隨人力守夜

推出掛眞奠茶湯

喪儀津送之禮應須合節計衣鉢之多寡審天氣之

炎涼十日半月取於事辨也知事喪司提調喪儀香

亭眞亭幢幡唄樂裝習十大弟子列跪哀哭前拿

椅書籠湯爐排灯拂子香合法衣孝子隨衆鳴樓鐘

木魚鼓板送喪至山門首經亭挂眞有佛事奠茶

湯有佛事兩班大衆門列候龕出已山門維那面裏

傘下合掌而立舉念往生呪或四聖號主喪領衆了

了排行送喪左右分雪柳紫枝毋得換肩交語各懷

悲感喪司維那都寺押喪知客侍者依行喪標頭

位 秉炬挂眞

喪至涅槃臺喪司維那俟都寺炷香了進前燒香請

秉炬佛事佛事已念誦喪司知客平舉楞嚴呪迴向

次鄉人舉經迴向大衆須同念了首座領衆歸

寺齋鄉人法眷孝子伴燒龍取骨齋了首集衆備從

儀迎骨回寢堂挂眞供養諷經二時上粥餅三時上

茶湯或十日半月衆到諷經骨入塔則止之

遜 入塔

至日霜從儀集衆請起骨佛事送骨至塔所入塔有

佛事諷經了迎眞回寢堂挂眞供養主喪燒香禮眞

次諸山兩班大衆孝子禮眞畢孝子插香大展三拜

謝主喪次兩班大衆謝主喪詞云山門不幸先堂顯

和尚示寂仰荷主顯後事主喪云仰荷匡扶得過喪

敗主喪同喪司一行人巡察致謝次孝子巡察拜謝

維那送見嚴守喪侍者歸房每日山門三時上茶湯

集衆諷經牌位祖堂則止之或待新住持方入祖堂

國 全身入塔

喪儀如前只分雪柳入塔念誦式見后呪塔諷經迴向

式具迎真回經堂供養
有分衣

衣鉢新舊價值高下點已估上單見數於法堂間敷設座位下外橫安長牀筆硯大磬鳴僧堂前鐘集衆主喪首座分手兩班垂手坐大衆次第分坐喪司維那知客面主喪位念誦式見先開籠出衣鉢依號排席上請提衣佛事語絕維那即白云大唱衣之法蓋稟常規高則不過七分八分低則不過一唱二唱且道不作貴不作賤有又作麼生商量提衣云一唱五伯若不請佛事即提衣云如來正法眼金彌伽梨展開也通變大千欲聚也絲毫隔蓋千尺之軀不長覆丈六之身不短離然藏足山中爭奈今日猶在這裏示寂衆人和尚化緣已畢撒手便行信手拈來對衆估唱提衣云一唱伍伯

若法衣多總留遺囑次第呈衣維那接唱喪司合千人責在公心主行維那眼親手辨定價打磬庫司曰示上下唱定名字上單侍者依單發調唱衣單結定鈔數主喪命單交鈔取衣不得順情退減主喪力主

其事近時諸法不行唱法止是關拈先定衣價以天地等號於現前衆各分一關而關兩邊書號剪開各將一半捻之成圓歸于總杆各留照證又一人提起一衣呈示衆知却令一小行者於總杆內混亂其關信手拈一句與一人唱云天字幾號而現前衆將所留一半邊天機號之關付出合之喪司即依其名發關關投水盆矣若三唱無人應者即將天機號之關亦投於水盆而再拈一關矣乃次第拈去並無私情也若亡僧衣鉢豐厚不假衣錢津送竟將衣鉢分俵與現前僧衆如前關法庶無私情正符律制

虞 管待

預在抄割時作三分料定下遺書入祖堂管待喪司一應執事人觀利均平息紛爭也次山門管待主喪一行人有觀兩班善舊光伴如常管待禮同

陶 孝服

侍者小師直布兩班頭首主喪并法眷親密尊長生親次法眷師孫辦事鄉人諸山生親檀越頭巾腰方丈行者直布方丈僕從服布衆行者頭巾甲幹

◆制類

火佃 麻巾作頭麻巾

唐 兩班悼住持

迹化皇唐福壽資於幽顯神迂內院悲哀動於林泉
雖法應無有去來在輔爾合伸薦悼伏願肩閭毫相
舒利利之光明舌上風雷說慶慶之記別
吊 上祭資次

知事 頭首 主喪 西堂 普賢 諸寮

舊侍者 鄉人 法眷 莊頭 庵塔 小師

師孫 方丈方者 六局 行堂 待詔

方丈直斤 方丈輻番 老郎 莊甲 火佃

修造 諸色作頭有祭

民 念誦諸式

宿夜迴向 奉為堂頭和尚入般涅槃茲莫大衆肅
詣密幃誦經文稱揚聖號所集功德迴向示寂堂
頭和尚增崇品位伏不忘願力再現曇花梓慈航於
生死逝波接群迷於菩提彼岸再勞大衆念十方三
世云云

○起施 金棺自舉還拘尸之大城幢旛搖空赴茶

◆第一作威

毗之盛禮 據提 仰憑大衆解念洪名用表繫遠上
資覺路念 清淨法身十佛了便起行

○化壇 堂頭和尚化緣已畢遽返真常靈棺遍過
於拘尸性火自焚於此日仰憑大衆資助覺靈南無
西方極樂世界大慈大悲衆和彌陀佛十聲了云
上來稱揚聖號恭贊化儀體格先宗機峻不容於佛
祖用開後學悲心仍攝於人天收幻化之百骸入火
光之三昧茶傾三真香蕙一爐奉送雲程和南聖衆
○全身入塔 切以足示輪相紹靈鷲之遺規塔放
戒光表芝園之垂化全機隱顯盛法始終仰憑大衆
資助覺靈南無西方極樂世界如前唯願惠鏡分輝
慈雲廣布四生界內開示不生不滅之因六趣道中
談說無我無人之法茶頌三真云云如前

○法嗣 切以恩逾鞠育義越遺金懇心未就於鳳
樓願速飛於鶴樹理畢竟於生滅孝當悼於莊嚴
薄具薦修聊伸板慕伏願定力盡地摩雲之尊其祚
增高法海滔天沃日之波其因愈廣再勞大衆念十
方三世云云

○小師 粉骨碎身略未關於攝受殞星微電忽奄入於死門追趨庭之訓何懸念封樹之嚴愈速仰瞻覺苑無任悲哀伏願悲心有感流智水以潤枯林窮子無歸期慧日而開迷路再勞大衆念十方三世云

○入塔諷經迴向 上來諷經功德加持寶塔有大功勛劫石可銷威嚴益振祥光普燭幽暗明盡令況滯之徒俱登菩提之岸十方三世云云

伐 遺囑式

某寺住持某年幾歲世緣報謝風燭不停所有隨身衣鉢信施利非常住物煩兩班抄割端請某人主行喪事除依衆僧者經行喪母致繁多侵用常住幸察此意伏希悉及

年 月 日 住山 某人 押 大意若此 不拘

罪 佛事資次

入庵 移庵 禪規有法堂挂眞 舉哀 奠茶湯 對靈策發 山門首經亭挂眞 奠茶 奠湯

秉炬 安骨 提衣 起骨 入塔 入祖堂

全身入塔 撒土 衣鉢置每日奠茶湯一次

問 估唱衣單等式

堂頭和尚歸寂謹具衣物估唱鈔實收支見于后

一天字一號 一天字二號 一天字三號

右具知前公支外見管若干齋七追崇看經依衆外餘無剩伏希衆悉

今 月 日 堂司庫子 某甲 具

○繳納度牒狀式

某寺知事僧某甲

右某甲本寺住持某宗師於今年某月某日因病順寂遂於幾日依法荼毗 或安 平日所得施利置到衣鉢對衆估唱津送後事所有本名度牒一道 謹具狀繳曰

某處官司伏乞照驗 謹狀

年 月 日 某寺知事僧 某甲 狀

○計狀式

某寺渡司比丘某甲

右某甲山門不幸堂頭和尚今月幾日遽爾歸真謹具訃告 聞該狀

年 月 日 喪司比丘 某甲 狀

○封皮

訃告

某處堂頭和尚大宗師某寺喪司比丘某甲謹封

發 下遺書

喪事畢主喪請侍者辦事人充專使分路馳送諸山同參檀越官貴唯尊宿書相見詞語擇能事人充專使諸方專使首到客司人事知客引上侍司事預備拌袱盛書物侍者詣方丈通覆住持常即相接令請兩班專使進前問訊云請和尚跌坐 插香且通客禮展具住持免之事人座喫茶起爐前謝茶了插大香一片三拜云 即日云云某此際獲奉尊顏下情不勝榮幸之至行禮畢云 某處和尚幾月幾日寂遺書遺物令某某納即呈書物住持云 法門衰落不勝哀感方丈行者接取之兩班集問訊首座分手就座專使住持對面退一位坐喫茶起身住持白云 法門不幸

某處和尚歸寂不勝哀感行者備書剪托書物呈住持侍者取書住持接書爐上熏付侍者送與維那行者過剪開緘宣讀已侍者攝專使上住持對面位點湯如常禮送專使歸安下處先住持人事次侍者兩班人事了知客引巡察先到庫司次頭首寮單寮蓋各致祭故也當晚侍者稟請特為湯湯了藥石至晚湯果大方遺書至兩班光伴次者兩班頭維那光伴侍者請能文者面議來歷作祭文方丈祭文多住持自述湖江法眷辦事皆當具祭備香侍者一一提點次早方丈請湯喫粥了請茶法堂下間釘掛排祭行者覆方丈打起衆集法堂住持詣祭前炷香點湯上祭點茶住持兩班展拜專使坐右還拜維那宣祭文住持復展拜專使答拜畢經迴向與諸祖忌同兩班江湖辦事鄉人皆致祭畢舉經迴向法眷小師辦事以下專使不答拜專出靈前展三拜謝住持次巡察致謝山門即管侍專使兩班光伴山門大小法眷高低禮須合節以次諸山江湖無祭

商 嗣法師遺書至



◆卷上
丁字一有

方丈開書兩班先常慰住持法堂中間設祭祭前拈香有語畢哀三聲誦經首座領衆行道迴向畢上祭三拜上湯三拜進食了鳴鼓講特爲茶三拜收具有品食三拜著兩班江湖鄉人法眷小師皆致祭畢首座領衆住持前吊慰禮並與前同

○遺書式 幾處住山無補宗教微疾弗起有負叢林偶風火以交煎望雲山而增慈而違弗及珍重是祈

○法眷 叨臨住山有媿同門之友因循老病將爲畢世之人敬奉手書聊伸面別親聞之嫡嗣當力荷於先師勿勿遂行伏惟珍重

○隣封 住山無補每依隣壁之有光夢境元空幸謝世緣之幻莫諸面別但切心馳祈佛日以增輝使宗風而益振勿勿不謹伏惟珍重

○尊宿 早忝遊從奈合離之有數中遭推挽遂勉於微緣電露俄空雲山益眇敢祈保護以壽斯文拜禱不備

○封皮 端書拜覆某寺堂頭大和尚某寺住持比

◆卷下
下同一作五

丘某甲謹封

湯 住持後事

補處住持兩班集大衆會議須擇學識兼備德邵年高行止潔白堪服衆望者衆狀保申須合諸山江湖公選方爲輿論知事者舊毋擅私情叢林得人令法久住若倚財勢營生結好冒名進銳斯道喪矣名位焉可輕任

坐 病僧圓寂

病勢困重同齊直病人率鄉社道舊於病處排列香燭佛像須扣佛天精加祈禱如病革卽白維那請封行李堂司庫司覆首座知事侍者同到病人前抄寫口詞直病人同公界人收拾衣籠什物成處封鎖留裝亡衣服或說不及維那首座亦須主行直覆衣數珠香合脚耕坐具鞋襪淨髮巾收骨軟綿子合用之物併作一包同齋食病人收掌無行李者亦盡叢林禮津送在住持首座力主之封行李畢鎖匙封食納首座處衣鉢諸寮人力撥歸堂司若單寮只留本房須差人守看亡僧無親書不可擅自遺棄衣物必爲

諍端矣

朝 浴亡

病僧氣絕同齋報維那令堂司行者報燒湯覆首座知客侍者庫司差人擡龕浴缸安排浴亡維那探湯冷熱浴畢拭浴衣被依浴亡人淨髮手巾付待詔維那提督者衣入龕置彌陀殿下間或本房中設椅卓位牌香燈供養隨現前僧衆諷經迴向夜點長明燈堂司行者造雪柳大利有龕局先已做下需者扛來中小寺院何暇及此直病者看其勢危預辦材木合之莫使臨時候事有失外觀也

位牌云 新圓寂某甲律師覺靈或云西前住某寺某西堂大和尚覺靈若辦事者隨號稱名

問 諷經

每日直靈行者上粥針知事三時上茶湯拈香早粥罷直日人鳴引磬首座領衆到龕前知事先上茶拈香住持拈香維那畢彌陀經迴向次鄉人舉經鄉長燒香一炷每日三時同至出喪三日諷經而止迴向云 上來諷經功德奉為新圓寂某甲律師莊嚴

報地十方三世云云除公界只稱一名字

道 分剎

置龕了維那知客侍者帶堂司侍者諸首座寮造剎印押見數封留首座處或早或午知客侍者就鉢位眼同俵剎衆僧暫到共若干覆維那首座知數餘剎毀之衣鉢豐俵剎風行喪

垂 請佛事抄剎

當司檢前單依次第請佛事備拌供爐燭香合維那帶行者詣方丈請求矩插香票云某甲律師圓寂幾日恭祝拜請和尚乘矩諸寮請禮同及報兩班就堂司抄剎大亡僧須請耆舊衆集呈籠封出衣物排席上堂司侍者逐件呈過公界人眼同計所直知客上單排天地玄黃字號侍者發貼衣上號半新曰舊半舊曰破密估價直冊問衆人書籍佛像經卷器具結緣閣拈動使什物公界寮舍缺用者打歸上簿交割直病人小師或人力有心力者當勞之有抄利點

拱 諷經致祭

●送一作早

來送出喪今晚堂司行者報方丈首座挂牌報諸寮
預報庫司造祭食庫司差人釘挂祭筵鄉人法眷到
庫司納錢同祭作祭文各備小香一片若西堂大香
舊方丈兩班致祭係維那宣祭文至晚鳴僧堂前鐘
集衆龜前誦經知事先上食茶湯了住持燒香了
維那班燒香一住請鎮靜人出班位燒香一住鎮靜
問訊班住持前問訊次知事退至班末次西班至班末
與大眾普問訊從西班不入龜右立堂司行者持花
銀子做佛事已行者鎮靜即歸元位若見疑只自班位
入做佛事維那住持立知事上首上祭人右出炷香
舉經回向了

平 出喪

預令監作辦柴化亡并行喪柴枝差人力扛龜執旛
幢香案鼓樂喪儀齊備預夜覆方丈兩班挂牌報諸
寮送亡請送亡除令寮外皆齊起離白早粥罷喪
儀整備堂司行者覆打起鳴僧堂前鐘集衆到龜前
維那念誦式見請起龜佛事已鳴鐘擡龜出山門首
若奠湯茶點龜面裏歇首座領衆兩行排立維那面

●對一作禮

裏傘下立合掌舉往生呪或西方四聖號首座領衆
念呪隨龜行者排立合掌低頭待揖僧衆行盡隨後
送亡都寺侍者掃喪維那隨龜

章 茶毗

喪至涅槃臺住持上香知事上湯茶維那上香請住
持秉炬住持燒香和南大眾進前立人力把傘直歲
問訊度火把秉炬畢維那做山頭佛事上首知事上
茶上香知客舉榜嚴呪迴向鄉人舉經道舊鄉人伴
化亡維那往來檢視堂司行者送化亡人針取骨迎
回本齋供養誦經三日

愛 唱衣

叢林古法骨歸寺次日方唱衣近來即日唱衣化亡
收骨其誰目之宜審之可也如齋退唱衣堂司行者
粥罷覆方丈兩班侍者挂唱衣牌報諸寮鋪排僧堂
前卓發繩床住持首座分手兩班對坐門裏橫安長
牀列筆硯筭子席鋪地上差諸寮人力扛衣籠列席
上堂司行者覆方丈兩班維那侍者鳴僧堂前鐘集
衆維那知客侍者衆後同入堂問訊入位坐行者一

中一無司字

字列間訊扛籠兩班前巡呈封看過出鎖匙開籠堂
司行者取衣物出依號排席上空籠開倒地維那鳴
鑪念誦式見了白云夫唱衣之法蓋常規新舊短
長自宜照順錢須通用無以昏損相疑聲斷後不許
觀悔諸白拈度牒云亡僧度牒一道對衆剪破繳納
歸官於書名處橫剪三刀以指穿破處呈衆一遺鳴
鑪一下云剪破訖次第依號呈衣唱維那提衣云天
字一號鉢盂一副唱五倍文堂司行者隨接唱云五
倍至貫唱貫至十貫爲則次第唱價到打磬行者唱
定名字報知客上單侍者對單發衣剝該寫鈔數貼
堂庫司子送剝與唱衣人衣入籠交鈔取衣不許退
減唱畢迴向衆散結唱衣帳首座僉過維那收鈔付
衣侍者收衣剝限三日取足不到者申舉催取足造
帳俵衆經錢依後三等板帳爲定式若舊舊田土金
穀悉歸常住遠年債負量情句銷新債徵本常住抽
分百貫抽十貫百貫不滿無抽兩班諸寮具單俵送
經錢暫到半分不送亡者不係做版帳衆人經錢二
百文佛事錢一貫方丈佛事錢對倍堂司行者抽分

錢只於衆僧經錢貫數三分爲准不許妄立修造等
項名色打錢引惹紛爭首座住持力主其事

育入塔

造版帳畢堂司行者呈方丈兩班僉了或粥罷齋了
鋪單帳僧堂前備筆硯筆子令衆看過差誤者改正
之單定堂司行者覆方丈兩班掛牌報衆送灰備香
燈從儀鳴僧堂前鐘衆集安骨處知事燒香住持炷
香維那請起骨佛事與出喪同預報塔所裝香掃洒
骨至塔知事上香茶住持燒香維那請入塔佛事舉
經迴向鄉人舉經迴向學尼無在

黎亡僧後事

夫有身天地間誰能免乎死衣鉢豐儉津送合規佛
事一應舉行儉者結緣成美版帳三等永爲定規凡
亡僧口詞衣單並留堂司交割修七或五七預出諸
寮經單製疏或設位或就館頭宣徽用嚴亡者陰報
感驗非輕公界不宜懷裂神宗百丈建立叢林爲老
病者眇視之當如何哉

首念誦式

○保病 佛身充滿於法界四句偈讚嘆三寶恭請

證明今辰則有在病比丘某甲欲釋多生之冤對懺

除累劫之愆尤特運丹情冥清衆或修懺集茲功德

祝獻神明伏願衆人一心清淨四大輕安壽命與慧

命延長色身與法身堅固再勞大衆念十方三世云

○病重 伏願諸緣未盡早遂輕安大命難逃徑生

安養再勞大德念十方三世云

○初夜 切以生死交謝寒暑迭遷其來也電激長

空其去也波澄大海是日則有新圓寂衆人律師生

緣已盡大命俄遷了諸行之無常及寂滅而爲樂恭

哀大衆肅詣龍幢誦諸聖之洪名薦清羶於淨土仰

憑大衆念清淨法身十佛號了畢經了云上來念誦

誦經功德奉爲新圓寂某甲律師伏願神超淨域衆

謝慶勞蓮開上品之花佛授一生之記再勞大衆念

十方云

○起齋 欲舉靈龜赴茶毗之盛禮仰憑尊衆誦諸

聖之洪名用表攀連上資覺路念清淨法身十號便

起行

○茶毗

是日則有新圓寂某甲律師既隨緣而順寂乃依

法以茶毗焚百年弘道之身入一路涅槃之徑仰

憑尊衆資助覺靈 南無極樂西方世界大慈大

悲衆和 阿彌陀佛念十遍了上來稱揚聖號贊助

往生惟願慧鏡分輝眞風散綵菩提園裡開敷覺

意之花法性海中蕩滌塵心之垢茶頌三真香爇

一爐奉送雲程和南聖衆了畢經了云上念誦誦

經功德奉爲新圓寂某甲律師茶毗之次莊嚴報

地十方云

○唱衣 浮雲散而影不留殘燭盡而光自滅今茲

做唱用表無常仰憑大衆念清淨法身十聖號了唱

衣了念 上來唱衣念誦功德奉爲某甲律師莊嚴

報地十方云

臣 口詞

某寺抱病僧 某甲

右某甲本貫某州人氏族姓某年幾歲於某年到

某處度牒爲僧何時到寺挂搭今來忽然某疾作
楚恐風燭不期所有隨身行李合行對衆抄割身
死後依叢林法津送後事

年月日 抱病僧 某甲 押口詞

伏 衣單式

口詞連粘在前 天字一號 天字二號
右具如前

年月日 喪司行者 某甲 具

侍者 某甲 押

知客 某甲 押

維那 某甲 押

主喪 某甲 押

○做唱衣鉢錢收支單式

今具做唱某甲律師隨身衣鉢鈔實收支于后
一收鈔若干 一支鈔若干 除支外見管若干
俟衆誦經 右具如前伏事 衆悉

年月日 喪司行者 某甲 具
把帳 侍者 某甲 押

知客 某甲 押
維那 某甲 押
知事列名食 頭首列名食 住持 押

戒 依經錢榜式

亡僧某甲律師做唱衣物鈔實共計若干除版帳常
住照例抽分誦經外僧衆每人各依經費若干
通計若干伏幸 衆悉

年月日 堂司 某甲 敬白

○奠狀式

某寺住持比丘某甲謹以 香燭湯茶祭食一字排高

右謹專致奠于 新示寂某處堂頭大和尚伏惟

覺靈俯垂 歆納謹狀

年月日 具位 某甲 狀

○典喪 比丘某甲奠儀如目

右伏蒙 尊慈爲堂頭和尚歸寂特沐 遣奠謹

祇領對 靈焚白外存沒俱感謹修狀上謝 謹狀

年月日 具位 某甲 狀

羌 三等板帳

大版帳千貫二千貫爲式舊舊田土金穀歸常住唱
衣錢不抽分依式做版帳外均俵僧衆經錢佛事錢
俵職誦經頭首正關二十貫爲則 若三千五千貫
已上量增議助齋局典座設供其餘不可妄用抽分
百貫抽十貫貼佛事錢二貫貼一貫 中版帳四百
貫五百貫抽分俵衆佛事並準前式 小版帳二百
貫一百貫乃至二十貫者除回龍扛齋雜支外一
切結緣住持首座力主之庫司備辦之大衆懇念之
須盡禮津送其誰無死

○大版帳

○中版帳 ○小板帳

二十兩	回龍	一十兩	五兩
一十兩	納度牒	一十兩	
二十兩	泉矩	五兩	
二十兩	西堂首座	一十兩	
五十兩	起齋起骨安骨	二十五兩	
三十兩	入骨禪規銀齋	一十五兩	
一十五兩	侍者知客	五兩	三兩
三兩	抄割點心	一兩五匁	五匁
	主喪		

三兩	押喪	一兩五匁	五匁
三兩	山頭佛事	一兩五匁	五匁
二兩	事經	一兩	三匁
一兩	燈油	五匁	二匁
五兩	回祭	二兩	一兩
五兩	設粥	二兩	一兩
一十兩	方丈貼佛事		
四十兩	八人貼佛事		
一十兩	貼奠茶湯佛事		
一兩	打銀		
五兩	行堂誦經	二兩	一兩
四兩	作寮誦經	一兩五匁	一兩
五匁	庫司客頭	三匁	一匁
五匁	堂司庫子唱衣	三匁	一匁
五匁	庫司貼茶	二匁	一匁
五匁	上茶湯	二匁	一匁
五匁	通唱衣榜頭	二匁	一匁
五匁	貼堂司提衣	三匁	一匁
五匁	貼供頭呈衣	三匁	一匁

二兩	侍者収衣	一兩	五匁
一兩	浴亡	五匁	三匁
五匁	燒湯浴亡	二匁	一匁
一兩	設浴	五匁	二匁
一兩	淨髮	五匁	三匁
二兩	首坐廳首推源知 客侍者五處茶湯	一兩	五匁
一兩	堂門庫子 報堂與經	五匁	三匁
五匁	堂司人力親廊板	三匁	一匁
一十兩	昇龕	五兩	三兩
一兩	直歲度火把	五匁	三匁
一兩	化亡	五匁	三匁
五匁	參頭差撥	二匁	一匁
五匁	出給造祭	二匁	一匁
三兩	香亭 施行	二兩	一兩
二兩	方丈稱番直斤	一兩	五匁
五匁	听叫捧香合	二匁	一匁
一兩	諸察人力 扛發唱衣	五匁	一匁
二兩	真雪拂帶 盤前掃掃	一兩	五匁

律苑事規卷第九

二兩	催亡僧	一匁
五兩	人力儀柴枝雪柳	三匁
一兩	釘挂祭筵	五匁
五匁	直靈上粥針	三匁
一兩	管計出腕標	五匁
五兩	買進單儀別 頭掃筆墨	三兩
三兩	主磬唱衣	一兩五匁
五匁	監作叫衣	三匁
一兩	擅亡下洗浴	五匁
五十兩	儀衆調經行 喪人若干	三匁
陸百兩	儀衆僧經	二佰兩

右具如前承爲定式不許花支巧破若日助齋局
設堂供須通衆公議衆曰可方丈舉行雖是隨方
毗尼富準此爲通例

律苑事規卷第十

四明演忠律寺住持嗣祖比丘省悟編述

遮 相看

名勝相看方丈富粥罷參前預到侍司侍者接入分坐獻茶湯略叙來歷而起爐前謝茶即裏云某等時來禮拜和尚願高侍通覆者云少坐詳詢來歷曾與方丈道舊或法眷鄉人辨事者款坐少時即覆住持或官客或迫冗稍緩即須相接侍者令裝香秉燭辨茶報新到住持出寢堂侍者引接住持進爐前新到云請和尚跌坐免則插香展具又免則通寒溫云云入座坐侍者燒香點茶叙話起爐前謝茶即送客位還香回禮蓋全賓主之禮也亦須展具俾通相恭敬規示後學即到侍司到謝云通覆用特此拜謝者云通問禮合何履降重即回安下客頭請半齋點心參前持爲湯湯罷藥石來展粥了請獻茶別日置管待古法受香禮管待不可違近來諸方辨事兄弟經行遊覽隨處歇泊住持亦當俯臨報盡主禮也

西堂首座挂搭

大方西堂名德首座欲作住計語大露意住持當勉留次日請茶了裏云某教觀未明特來依儀和尚伏望慈悲收錄住持答云如蒙不棄得獲同守別日或即會兩班茶住持躬起燒香一炷即復元位立白云某處西堂首座不棄來此同守家鄉俱兩班相送歸房受送人即進前云某甲特來依儀重荷收錄住持兩班送歸齋舍住持居士位詞云即日恭惟堂觀和尚起居多福宿生慶幸仰荷收錄住持詞云山門多幸同守寂寥送住持出受送人居主揖侍者入作賀送出揖兩班入作賀送出即懷香詣方丈謝床位堂司庫子引詣庫司諸頭首耆舊寮人事且望茶並同孝舊例

壹 諸方名勝挂搭

相看人事欲求挂搭赴茶罷裏云某寺心第久應理觀未明特來依儀和尚伏望收錄住持云特荷不棄同收寂寥即謂首座都寺維那與茶住持躬起燒香一炷叙白送意如前受送人進云某等重慶和尚收錄即當隨衆以所警策答云山門禮當延送即送歸

齋舍住持居士講禮送出門接待者作賀送出兩班人事了受送人即懷香詣方丈謝床位堂司行者引至庫司諸寮舍人事而已

法眷辦事挂搭

到不抱時先訪侍者詳說來歷令覆住持相看插香行禮若弟姪已下法眷辦事執侍者皆當受禮揖香獻茶送客位回禮或送齋舍禮與前同

新來挂搭

律院少有且過新來兄弟首到客司推熱叢林者爲參頭領衆具威儀列門右白云到相看知客即接入詞云即日恭惟知客尊長律師尊候起居多福久敘道香獲幸瞻仰下情不勝感激之至答云山門多幸特荷遠來掛坐燒香喫茶詢來歷即起謝茶如無安下處即就客司圍爐等處安歇知客就送回禮參頭接入普問訊知客云移刻恭惟諸位鄉長律師尊候起居多福通承降覆特此拜謝下情不勝感激之至答云離合拜看何動降覆參頭自送出門次詣侍司相看行禮如前立稟云某等特來禮拜和尚敬煩侍

者通覆侍者詢來歷覆住持如允報相看或即時或隔了寢堂相接參頭進前請跌坐轉身在手插香退身同衆行禮三拜就座侍者燒香喫茶謝茶與前相看禮全詞少異住持送出參頭云和尚尊重隨至侍司致謝云有勞神用特此拜謝歸安下處門外下手排立候住持回禮同問訊接入詞云移刻恭惟堂頭和尚尊候起居多福通承禮拜不勝感降下情不勝感激之至住持云安下不便幸望寬懷衆送出參頭轉上手揖侍者入同衆問訊云移刻恭惟高侍律師起居多福禮合詣來拜看返降下情多感者云山門多幸特荷遠來報謝在邇不勝多愧半齋點心當晚特爲湯了就座藥石行者燒藥石香一炷或頭首光伴食了住持送出次日粥了請茶喫茶謝茶等禮並如常茶罷新來詣侍司屈侍者稟住持言新來欲歸堂之意如允許了侍者發榜頭下堂司隨即請茶維那接人燒香喫茶了稟云某等衆和尚令依左右伏望垂慈答云山門多幸同衆敬覆取度牒付維那上戒牒簿了維那付度牒還參頭各收訖維那同到新

今一節再同
於各四字

來安下處問訊客云：茲來多幸，重辱溫存，下情不勝感激之至。答云：房舍不便，幸乞寬處。參頭送維那出問訊，而散次堂司行者寫榜頭、舉香、錢付侍者、回香侍者、回大香或一片或各片與行者付參頭、次裏挂搭日子、名書門狀。次日寢堂嚴設香几、爐燭，參頭領衆列立三人一引，每引一人爲小參頭，詳記詞語，進退儀節，須一處習儀，庶臨時成現。至時侍者同參頭入請住持出廟位立參頭，歸位衆同問訊。後進前云：請和尚跌坐。從爐裡轉復位，同衆問訊。再進爐前，於懷取香，左手插香，復位本引三人一同問訊。展具三拜了參頭進前云：即日云云。某等宿生慶幸，獲奉依樓下，情不勝榮幸之至。一齊問訊過右邊，直待班尾三三、趨上禮語全前，俟各行禮畢，普同問訊而退。次到侍司首座庫司諸寮巡廊人，事畢歸齊候回禮。

○榜頭式：奉方丈慈旨挂搭二僧某甲侍者某甲律師今月已口侍司某甲報。

○舉香小榜：挂搭首座名率錢○百文買香堂司行者某甲取覆。

○方丈門狀式

某路某州某寺小比丘某甲
右某甲謹詣
函丈衽候
禮拜
某寺堂上和尙大宗主伏候
慈旨

年月日 某路某寺某小比丘某甲狀

賓 方丈回禮

至日挂搭了方丈回禮，新挂搭人參頭領衆就一處房外下手排立候接住持入齋間。訊云：移刻恭候。登頭和尚尊候起居多福。理合禮拜及沐降，重下情不勝感激之至。衆送住持出，隨入齋轉上手立參頭接侍者入。詞云：某等獲依左右，茲沐降重下情不勝感激之至。答云：拜謝不辜下情不勝感激之至。參頭送出接兩班入詞語，同前舉衆挂搭人轉下手副參爲首謝參頭問訊而散。歸 謝挂搭茶。

侍者照戒臘具挂搭者雙字名某甲律師令方丈客頭詣各訪請云今辰齋過方丈和尚請就齋堂特爲點茶如西堂首座亦依戒次寫入次令客頭排立請首座光伴如名德西堂首座與住持對面位參頭次須當相遜無至喧聒失禮齋了鳴鼓集衆燒香侍者掛入住持接叙寒喧次接光伴人問訊詞語尋常茶同各依照牌入位照牌預稟住持看定二侍者行禮與結制小座湯禮同神規寫茶狀若例禪規次日庫司點挂搭茶於庫司設位首座光伴齊了鳴庫堂前板上首知事與同班行禮同前又次日堂司點挂搭茶上首知事光伴鳴察前板一班行禮或四人六人列位頭問訊若知客行檢揖香了座同茶三日講行此古法也方丈茶鳴鼓知事頭首茶鳴板互爲主伴方丈茶衆起謝知事頭首茶只參頭離位謝此禮亦當行之

王 參堂

新挂搭欲參堂先一日晚詣堂司屈維那至方丈寮請住持云新挂搭兄弟來早欲參堂伏冀和尚慈悲

尋降請訖歸堂兄弟在來日早粥皆於外堂展鉢少盛粥留於禪床預推一人爲參頭俟內堂粥備行者出堂參頭領衆前門入堂先舉左足聖僧前排立參頭燒香歸位同衆大展三拜收具問訊參頭先至住持前列一行立普同問訊低首合掌巡堂一匝自上堂至下堂出外堂先下間次上間再入堂內中間列立問訊出堂歸鉢位喫而已

○汗齋狀

講下小比丘某甲

右某甲今欲汗齋在下脫著未敢自便謹狀上呈本講依止和尚大宗主伏乞慈判付某照證謹狀

年月日 講下小比丘 某甲 狀

堂司比丘某甲備用 方丈題初三日 押方丈押

如來有聲名却云欲汗齋舍在下脫著未敢自便

鳴 請益禮師

投情請益先詣侍司詳稟侍者咨覆住持云某甲律師來早欲詣方丈請益如允所請早粥了詣侍司候

●次一作以

候某侍者隨住持坐處令某燭鑪香引入問訊插香一片大展九拜收具進前問訊云某甲心第久盡義路未圓伏望和尚慈悲方便提示肅躬側立下手諦听法誨誨問來歷從霄冥答了進前問訊而退次詣侍司致謝或就廊下頭首西堂請益行禮一全

鳳 開講

開講訓徒以成叢林當然之事講者訓誨無倦听者專心至志何患事業不成耶遇開講日堂司行者於僧堂早粥再講了覆住持開講云今日和尚打請却於下堂鐘絕後略歇打靜鐘三下首座開講在僧堂後打靜鐘同上繼於法堂東柱挂開講牌維那合堂司行者整齊講筵至半齋前覆方丈打起如方丈有他緣打放講鐘二下或迎送或皆講如開講先巡廊打小板次打僧堂前鐘衆集法堂燒香爐前隨意設拜不拘次第堂鐘絕打法鼓先播三通上座轉通之時直日人鳴引二下維那舉七佛略教經至應當學再鳴引二下直日起資坐具至東廊法堂頭候開講人來鳴引二下問訊眾人聞引鳴皆提具起立疎疎鳴引至法堂爐

●論子一在不下

前西首立講人燒香三拜未拜前直日鳴引二下歸位講人掛衆衆皆應掛拜起收具問訊東首升座座上燒香鳴引二下講人與衆齊揖放具而坐講人鳴尺三下舉稽首禮諸佛云至莊嚴種智乞聖冥加畢開講人舉南無本師釋迦牟尼佛南山大智各各三聲尺一下開卷講說延促隨意講了掩卷講人鳴尺一下云上來說听功德祝獻護法諸天報答四恩三有伽藍眞宰護教安僧法界衆生同圓種智十方三世云佛菩薩號中衆起立講人下座至爐前直日鳴引二下講人與衆不同問訊而散住持行東道首座行西道在 參講

住持開講座下未聞者理當參之或諸山來亦行參禮若首座講住持亦參之重法故也凡外來參講者待鐘鳴至法堂座邊不次而坐待衆念大智律師號時起身至爐前立定參頭燒香退步同問訊展具三拜若四人以上則不應同拜蓋衆不禮別也若言師禮拜則不拘若論謙光俱不受拜如參講人位尊先於座下西首設位開講人當起立令侍者傳語免禮

◆下一作昇

請坐講人於捲後作詞叙謝或四六或散講人下座至爐前略謝參講次詣下處贊香致謝其茶湯藥石煎點之禮如前已明

樹 晨朝禮

每晨寺衆長版繞鳴出諸殿堂燒香至殿內隨意禮拜如人至多則不可拜住持待木魚響出諸殿堂燒香頭首當在殿外同住持燒香將偏頭首入殿淨人打過堂板住持上殿鳴大磬三下維那舉經住持燒香還殿而轉歸中間蒲團位堂司行者預將舉禮牌置於營做禮人前經畢舉禮人念一切恭敬云晨如禮中三歸依了收具住持舉彌陀讚念佛百聲菩薩各三聲餘如至十方三世云云了維那舉消災呪住持領衆赴堂

白 施主

南無十方佛法僧三神呪加持淨飲食普施河沙衆鬼神願皆飽滿捨慳心即脫幽冥生善道歸依三寶學菩提究竟得成無上覺功德無邊盡未來一切衆生同法食 呪

曼讓薩緯但多章路縛路枳帝唵三跋羅三跋羅呬

念七遍以淨水洒食次念甘露水真言

南無素嚕嚩耶但他揭多耶但你佗唵素嚕素嚕鉢

囉素嚕鉢囉素嚕莎訶三遍次念四如來號

南無多寶如來南無妙色身如來南無廣博身如來

南無離怖畏如來三稱次念受食願文

此食色香味上供十方佛中奉諸賢聖下及六道品

等施無差別隨感皆飽滿令諸施主得無量波羅蜜

次生偈

汝等鬼神衆 我今施汝供 此食遍十方 一切

鬼神共 願以此功德云云至十方三世云云

願 普回向

經持功德祝獻護法諸天報答四恩三有伽藍眞宰護教安僧法界衆生同圓種智十方三世云云

○衆回向 以此願經念佛功德祝獻護法諸天報

答四恩三有利樂法界衆生我等比丘懺悔罪根莊

嚴淨土願此身報盡臨捨壽時承此善根決定得生

極樂世界見佛聞法速證菩提廣度群生大作佛事

食 四節土地堂回向

結解冬歲宜於土地堂嚴設供養諷經回向云

○結夏 切以薰風扇野炎帝司力當法王禁足之

辰是釋子護生之日乞所加護以遂安居恭哀大衆

詣靈祠持誦消災滅禍成經稱念摩訶佛母聖號集

茲功德煉馬財專伸奉貢當地山土地合堂真

宰所冀神光叶贊發輝有利之勳律苑起隆永錫無

私之度十方三世云

○解夏 切以金風扇野白帝司力當覺皇解制之

辰是法歲周圓之日九旬無難一衆咸安是用秘章

以酬洪德

○至節 切以時臨亞歲節屆書雲當一陽來復之

辰乃萬葉發生之始

○除夕 切以化功密運歲歷云周咸祈四序之安

將啓三陽之慶

場 楞嚴普回向

乃禪宗真歇和尚自製古法放參後打起衆集大殿

誦誦偈云

上來現前比丘衆 誦誦楞嚴秘密呪

回向護法衆龍天 土地伽藍諸聖造

三塗八難俱離苦 四恩三有盡霽恩

國界安寧兵革消 風調雨順民康樂

一衆熏修希精進 十地頓超無難事

山門鎮靜絕非虞 檀信歸依增福慧

又回向云

妙湛總持不動尊 首楞嚴王世希有

銷我億劫顛倒想 不歷僧祇獲法身

仰冀洪慈俯垂昭鑑 叙情願向神位了云

先願皇風永扇帝道遐昌佛日增輝法輪常轉

次冀山門鎮靜中外咸安火盜公私諸緣吉慶現前

僧衆修行有序進道無魔般若智以現前菩提心而

不退四恩普報三有齊資法界有情同圓種智十方

三世云 已上題向乃禪宗楞嚴會行之人誦者多故附於此

化 日用偈章

凡日出家心形異俗鷄鳴而起謀利圖名顯行既無

密功奚有然而十二時中所爲之事佛經俱有遺誡

可不依而行之隨錄于后

○睡時

若就睡時 當願衆生 一切安穩 得大自在

○起時

睡眠始寤 當願衆生 一切智覺 周順十方

○登廁

大小便利 當願衆生 棄食噉癡 掃除罪垢

○洗手

事訖就水 當願衆生 出世法中 速疾而往

○洗面

以水洗面 當願衆生 得淨法門 永無垢染

○登殿

若見佛時 當願衆生 得無礙眼 見十方佛

○登閣

上昇樓閣 當願衆生 昇正法樓 徹見一切

○瞻塔

見佛塔時 當願衆生 尊重如塔 受人天供

○禮塔

頂禮於塔 當願衆生 一切天人 無能見頂

○濯足

若濯足時 當願衆生 具足神力 諸行無礙

○洗浴

洗浴身體 當願衆生 身心無垢 內外光潔

○受食

若受食時 當願衆生 具足成滿 一切菩提

○食齋粥

若食時 當願衆生 禪悅爲食 法喜充滿

○食訖

小食已訖 當願衆生 所作皆辦 具諸佛法

○受味

若受味時 當願衆生 得佛上味 甘露滿足

○施粥

粥有十利 饒益行人 果報無邊 究竟常樂

○又偈

持戒清淨人所奉 恭敬隨時以粥施
十利饒益於行者 色力壽樂詞清辨

宿食風除饑渴消

是名為藥佛所說

欲得人天長壽樂

應當以粥施衆僧

○施粥

三德六味 施佛及僧

法界有情 普同供養

三德者一輕暖二淨潔三如法六味者一甘二苦三辛四酸五鹹六澆

○又食訖偈

飯食已訖色力充

威振十方三世雄

回因轉果不在念

一切衆生獲神通

○五觀

一計功多少量彼來處

二付已德行全缺應供

三防心離過貪等爲宗

四正事良藥爲療形枯

五爲成道業故應受此食

○禮佛

能禮所禮性空寂

感應道交難思議

我此道場如帝珠

諸佛菩薩影現中

我身影現諸佛前

頭面接足歸命禮

○禮釋迦讚

容顏甚奇妙 光明照十方

我昔曾供養

今復還親覲

聖主天中王

迦陵頻伽聲

哀愍衆生者

我等今讚嘆

○讚彌陀

阿彌陀佛眞金色

相好端嚴無等倫

白毫宛轉五須彌

紺目澄清四大海

光中化佛無數億

化菩薩衆億無邊

四十八願度衆生

九品咸令登彼岸

○又偈

稽首阿彌陀

救世大慈父 甚深眞法藏

三乘寶聖僧

我以誠實心 求生佛淨土

願諸本弘誓

普運無緣慈 應念赴機緣

猶如水中月

○又彌陀讚

大智律師作

八萬四千之妙相得非本性彌陀十方億刹之

遠方的是唯心淨土淨穢雖隔豈越自心生佛

乃殊寧乖已性心體虛曠不礙往來性本包容

何妨取捨是以舉念即登於寶界還歸地產之

家鄉彈指仰對於慈容實會天真之父子幾生

負德枉受沈淪今日投誠必蒙拯濟三心圓發
一志西馳盡來際以依承應劫而稱贊

○讀菩薩偈

菩薩清涼月 游於畢竟空 衆生心水淨
菩提影現中

○讀觀音

紫金化身千百億 白衣妙相三十二
稱首圓通自在尊 沙界咸稱大悲智

○開經偈

無上甚深微妙法 百千萬劫難遭遇
我今見聞得受持 願解如來真實義

○還經偈

環國歸寶所 了義實難思 願共諸衆生
同入薩婆海

○訖經

三塗永息長時苦 六趣休隨汨沒因
無邊含識悟真如 一切有情登彼岸

○三歸依

我某甲從於今身直至佛身於其中間歸依十
方常住佛法

○化教六念

念佛救世大慈父 念法出離解脫門
念僧諸有良福田 念戒無上菩提本
念施具足波羅蜜 念天護法離群生

○四弘願

衆生無邊誓願度 煩惱無數誓願斷
法門無量誓願學 佛道無上誓願成

○懺悔偈

我昔所造諸惡業 皆由無始貪瞋癡
從身語意之所生 一切我今皆懺悔

○往生偈

願我臨欲命終時 盡除一切諸障礙
面見彼佛阿彌陀 即得往生安樂刹

○又偈

我既往生彼國已 現前成就此大願
一切圓滿盡無餘 利樂一切衆生界

● 四一 作經

彼佛衆會咸清淨

我時於勝蓮華生

親觀如來無量光

現前授我菩提記

蒙彼如來授記已

化身無數百俱胝

智力廣大遍十方

普利一切衆生界

乃至虛空世界盡

衆生及業煩惱盡

如是一切無盡時

我願究竟恒無盡

○ 普曜經偈

是日已過 命則隨滅

如小水魚 斯亦何樂

當勤精進 如救頭然

但念無常 慎莫放逸

板 歲旦元宵

正月元宵各寺祈禱規式不同或修光明觀音等懺
或誦經文或祇課呪無非懺洗已往之過祈集將來
之福也隨方毗尼難爲定式

草 青苗祈禱

萬年常住全藉田租秋穀不熟何以安僧理當精加
祈禱以求陰助各處規式不一或只就寺營供佛天
看經呪呪或別莊所遺田行道並宜隨方上年已行
不可越例爲住持知事者可不究心也耶

● 注 作量

伏願 五樂欲茂須求雨澤應時萬法告成全藉神

明陰佑謹仍舊貫預設良緣就寺集僧遵田行道誦

誦經呪化煉馬財奉獻云云專冀飲飲豐登田田秀

實願腰囊賊永無耗損之憂黍稷稻粱大有盈餘之

慶

木 秉白梵音聲圖

大德僧聽衆中誰小少者

收護

大德僧聽外有清淨太沙

門入

大德僧聽此衆小者已收

護外清淨大沙門已入內

外寂靜無諸難事堪可行
 籌廣作布薩某甲比丘
 爲僧行籌作布薩事僧當
 心念作布薩願上中下
 座各次第如法受籌
 次行沙彌籌
 大德僧聽此往處一布
 薩大僧幾人沙彌幾人都
 合幾人各於佛法中清淨

出家和合布薩上順佛教
 中報四恩下爲含識
 大德僧聽僧差某甲律師
 爲衆說戒梵音某甲律師
 昇高座
 誓首禮諸佛及法比丘僧
 今演毘尼法令正法久住
 優波璃爲首及餘身證者
 今說戒要義諸賢咸共咸
 咸聽

神仙五通神造設於咒術
為彼慚愧者攝諸不慚愧
如來立禁戒半月半月說
已說戒利益誓首禮諸佛
處世界如虛空如蓮花不
着水心清淨超於彼誓首
禮無上尊

行堂諸儀

○行堂點茶 結解節臘來僧茶罷方丈侍者同客
頭至行堂點茶客頭須報參頭掛牌報衆燒湯出盞
請典座光伴方丈預送茶侍者至庫司典座接人參

頭堂主領衆門迎侍者居主位代住持也典座右位
侍者出爐前燒香一炷復位以手揖衆坐行茶舉典
座送出參頭堂主門送即詣方丈謝茶

○方丈點茶罷知事詣行堂點茶知事居主位典座
光伴與方丈茶禮全送出門喝云參頭大衆詣庫司
辭茶報云知事傳信免謝茶

○頭首點行堂茶令堂司行者報參頭掛牌報衆燒
湯出盞請典座光伴頭首居右爲禮與前同喝謝茶
復喝免

○訓童行 初一月半當訓童行 若禪規五參上堂
觀當訓童行

參頭行者令歇食行者報各局務行者行堂前掛牌
報衆昏鐘鳴行堂前喝板三下集衆行者上寢堂立
定參頭入方丈請住持出就座參頭進前插香歇參
同問訊九拜進前屏息拱听規誨已又同衆三拜珍
重而退預令寢堂裝香秉燭係侍者提調

○行堂普說 參頭預詣侍司插香禮拜稟侍者咨
覆住持若尤所請參頭即喝板集衆排立寢堂參頭

● 隨侍者

隨侍者入請住持出據座參頭同衆問訊進前播香
歇食行者喝云不辭同衆禮大拜問訊參頭進云某
等久思和尚示誨伏望慈悲開示因緣退身問訊而
散次日行堂挂普說牌報衆面裏設座香几燭臺參
頭報請兩班立班副參頭衆門迎兩序入堂參頭堂
主詣侍司同請住持下行同堂衆接迎入堂據座侍
者一班問訊側立兩班如常出班問訊畢侍者燒香
一炷問訊住持請法亦如常參頭領衆列插香喝
參三拜退分東西班後屬立諦听法誨開示已參頭
領衆如前排立三拜即出門外右立揖送住持兩班
隨至寢堂插大香一片九拜而退次詣侍司插香三
拜參頭副參同往兩班人前一拜謝當免香禮
及 警衆法器附月分頌知

夫鐘魚鼓板乃集僧號頌之法器也增一阿含云阿
難昇講堂擊鐘雅者此是如來信鼓也鼓者謂擊動
中多名鐘聲論謂鐘巨鈔云僧者以和爲義若不
表反雅音地此名鐘聲齊集相有乖離御法則無成決之功被事必據入非
之位四分文云當敷座打鍵雅盡共集一處五分云

諸比丘布薩時不時集妨行道佛言當唱時至若打
鍵雅若打鼓吹螺使舊住沙彌淨人打不得多應打
三通吹螺亦爾除漆毒樹餘木銅鐵凡鳴者听作若
無沙彌比丘亦得打鈔又云約僧多少就事緩急量
時用之然打鐘法鈔記中引三千威儀經并軌度圖
經經師及諸經論言三通者即是三下圖經云集三
乘也聲數不等若衆法講說宜準四十下爲式頗得
其中圖經云執杵定心處指十下尼鈔云不得大打
驚動衆心漸稀漸大乃至聲盡方打三下名爲三通
其長打之法初四十下如前增兩四十共百二十
第二四十下作兩節前十八下生起同前中間十九
至二十二共四下聲盡方打此救四惡趣苦獸鳥畜
修二十三已去後十八下漸漸密小矣第三四十下
生起亦同前至後有少異從三十六去打三下名三
通末後二下名息絕圖經云念三寶存五衆衆各八
輩四果故以四十爲差三通乘之乘也則百二十爲
節若比今時所作三下則同三通則異矣鈔又云若
有惡趣受苦衆生令得停息故付法藏傳云爾賦吒

◆向一作白

王以大殺害故死入千頭魚中劍輪繞身而轉隨所隨生若聞鐘聲劍輪在空中如是因緣遣身向令長打使我苦息即增一阿含云若打鐘時一切惡道諸苦並得停止今列式于后

◆學經安

○若結說安悉諸羯磨事及上殿下殿送官員尊宿諸山檀越到寺昏曉齋粥各鳴樓鐘聲數多少量時緩急如上已明其曉鐘者破長夜警睡眠昏鐘者學昏衝蘇昧六道三塗停酸息苦也○僧堂前鐘者不以時限維那主之堂司行者覆維那鳴之若開講打靜三下放講二下齋粥應鼓八下若三千威儀經後七法中縣官大火大水賊盜此四隨時會沙彌三下會優婆塞二下呼私兒一下○若鼓之號令各有其所法堂鼓結說安悉諸羯磨事開講說法鼓播三通上座再轉三通小座湯特爲茶各長擊一通退座三下若借座借鼓鳴法堂下間鼓齋粥二時鳴鼓三槌九擂上座復三槌九擂若轉藏鳴鼓若開浴有浴鼓茶湯茶鼓發更更鼓務令知時也○衆法講說集衆及開小靜

先鳴廊下板三通開浴三下○大普請及齋粥打大木魚厨司普請小木魚○開大靜及齋粥鳴大板三通大板者長板也若請茶湯須緩擊照應行禮請茶三下方丈請茶湯鳴寢堂板庫司茶湯鳴庫堂前板報衆鳴諸寮前廊下板○大殿有大磬住持上香及禮懺課佛時鳴之○殿堂行香各處有鐘不許亂倫乖違法令茲筆其略乖於無窮所謂鐘鳴鼎食三代禮樂者於斯可見也

○月分須知

正月日 上元節諸寺殿堂多修懺法或供佛天宜各專誠祈一年之福也官員檀越致賀門狀式兩序進退山門禮節輕重合宜不可違例隨方毗尼毋易毋局

二月望 佛涅槃當修例堂司行者舉衆錢送庫司營供養住持首座宜開春講訓誨弟兄不暖不寒正是著鞭時節豈可虛望喪光陰整理莊田提督農務

三月分 寒食節祖堂祠堂鋪陳供養照例風經掃

洒祖堂祭茶筍蔭積山林

四月分 如來誕庫司嚴設毗藍園浴佛營供養誦經方丈叫喚江湖點心維那差說戒安居行事人牌及出禮誦等圖 十五日晚請小座湯禪規有十四日十六日結夏或有律院安居前三日先呪沙水留大殿於安居日撤洒制後三日茶湯看經祈禱了住持啓講

五月分 建青苗會或出經單或集衆看經或營供養或到田所行道並宜隨方首座開晚講至暮習讀策勸來學諸庵塔中有老成者亦當溫存

六月分 酷熱做中夏麪講筵開歇在人行之九旬修道尅期取證住持首座宜加勸策此非細事宜合習做醋麵豆豉事計等物

七月分 修父母懺誦梵經設蘭盆供而解夏等禮具如自恣儀中請監收須擇人

八月分 兄弟出入參訪知識裝寒觀省勿失規矩灯火可親自宜勉之

九月初一日 做律師忌或問秋講或說文字提調

諸莊翻耕田土

十月初三日 做南山祖忌宜整塘砌堰修造役工做蔬菜年計等物

十一月分 冬至節做供養可隨方火爐頭邊正好校量祖典

十二月分 佛成道營供養住持計算錢穀簿書搬量米麥五味之屬或兩序進退每事修例可也掃洒殿宇習修歲儀預辦賀年儀物

律苑事規卷第十終

習讀儀

古人云業精于勤荒于嬉今之人少有自動非策而勤之則不能精于業也古來學肆春秋長講令止於夏中以了故事制後三日祈禱畢四日齋前住持啓講又三日首座宜啓晚講五月初去便乃習讀掛習講牌於法堂每至參前上殿後住持令行者打靜鐘三下至昏黃時學子提灯至法堂而

與科日者各宜努力西堂著舊亦當與席作成叢林也直日侍者遂引子與維那唱二火後住持至法堂就座維那鳴引二下使衆寂然無聲有處堂賓二司每夜輪行湯茶喝三後維那鳴引二下直日侍者至維那前問訊取覆講盛閣合子安住持机上住持問訊了開閣合住持信手混括一閣付與直日展開呈住持了高聲喝云某甲侍者覆講即將拈出之閣以示覆人了仍入閣合中還置維那前有處併引科策文二閣一而堂司行者將二條置覆講人前卓上覆人却覆本日住持所講之文不可覆以次人講預宜研精覃思說驚人語使衆悚听而荒怠者寧不知愧覆畢維那鳴引二下直日再至維那前取引科閣合至住持前拈了喝云某甲侍者引科言文還閣合置明灯如上引科畢取合再拈策文人閣或一人或二三人命出住持行禮如上維那鳴引二下策文人將所讀冊子置維那前指其起誦處却於中間大香爐前叉手朝裏立以誦所讀之文須言詞了了詳緩

合節起止可觀如誦多文長維那鳴引二下策文人住聲止誦再進維那前問訊取所誦冊子回元坐處其次拈出策文人亦如上誦之俱位畢住持首座比校策文人善誦者賞之以紙筆墨屬等不善誦者亦當罰之以警諸怠習讀畢住持回方式維那鳴引二下策文人出聲誦文引子回與直日頭首各回司三科之人各宜進業夜夜如斯若住持他出前堂首座攝行其事中夏後觀時涼執一或講或歌在住持行之然而欲成人才令在策勵尺璧非寶豈可虛喪光陰也耶

新來兄弟曾先熟讀律宗會元及諸序文請益師處說通義路方可引科引科者乃引住持來日所講之文學思俱到左右逢原方與覆述之科若也文師口講在紙中安能見於斯義也

叙

夫欲求無上菩提必也精持禁戒律既精定慧自然現前故欲精戒律不離日用平常日行不忘戒律自然精瑩故自須行住坐臥喫飯穿衣乃至於屙屎放尿之間慎勿有暫時偏廢者可也故華嚴淨行品云若諸菩薩善用其心則獲一切勝妙功德於諸佛法心無所礙又云菩薩如是用心一切世間諸天魔梵沙門婆羅門乾闥婆阿修羅等及以一切聲聞緣覺所不能動緣是觀之精脩戒品妙行兼持諒非小乘之所比寧敢忽而不學者哉所以持戒比丘當依淨行品中一行持庶幾不負出家之志耳然而初心蒙劣不能盡行者衆故不得已而廣中取略復以古集密部呪語而贅之以便其初學目爲毗尼日用俾之二六時中卽行相以明自心無上菩提因茲而有入焉欲廣流傳謹以爲引 力果道人 性祇述

毗尼日用錄

毗尼日用者舊有戒相流傳其文雖足失於次序受持者似乎未得其倫今之所錄者與宣城主師所集苦海浮囊大約相同然而其中增補稍有差別學者貴乎持誦爲美慎毋彼此疑議焉

行者凡睡眠醒時卽當輕輕默誦云

睡眠始寤 當願衆生 一切智覺 周顧十方

唵地利日哩莎訶七遍

凡聞一應鐘聲或自擊皆誦云

願此鐘聲超法界 鐵圍幽闇患皆聞

聞塵清淨證圓通 一切有情成正覺

聞鐘聲 煩惱輕 智慧長 菩提生

離地獄 出火坑 願成佛 度衆生

破地獄呪云

唵伽羅帝耶莎婆訶七遍

又行者或睡眠時一聞鐘聲卽當起坐慎勿

懈怠懶墮自招殃禍

古德云

聞鐘臥不起 護揚善神賦 現世無福惹
死後墮蛇身 有病者當坐 病重者不論故

行者侵晨臨下單時善衣偈云

若著上衣 當願衆生 獲勝善根 至法彼岸

著下裙時 當願衆生 服諸善根 具足慚愧

整衣束帶 當願衆生 檢束善根 不令散失

正下單偈云凡下單時當

下足住時 當願衆生 心得解脫 安住不動

從朝寅旦直至暮 一切衆生自迴護

若於足下喪身形 願汝即時生淨土

庵逸地律尼莎訶七遍

行步不傷蟲偈云

若舉於足 當願衆生 出生死海 具衆善法

庵地利日利婆娑訶七遍

登廁儀軌

緇門警訓云登廁之法律制委明蓋欲潔嚴身器親

近聖賢洗淨洗手各有軌度備未盡諸則反汚其手

禮爾燒香合掌執提動輒得各可不慎歟今將古規

稍加增削然其細行固難備舉大抵種種動用之際

皆有方便護人意根處自當觸類而長之書不云乎

不矜細行終累大德況出家者流幸冀高明勸諸後

進經云若登廁不洗淨者不得入大僧類不得坐禪

牀不得登寶殿等初入廁時先須彈指三下使內人

知不得迫促內人使出已上復當三彈指以警在穢

之鬼默念呪云

庵狠魯陀耶婆娑訶七遍

亦不可痰吐入廁中以傷在穢之鬼此二項陰德具

載藏經茲不繁引初蹲身時先須傾少水在槽中一

則解舊糞臭氣二則新糞易下不積槽中復念云

大小便時 當願衆生 棄貪瞋痴 斷除罪法

庵室利曳婆娑訶七遍

亦不得努氣作聲不得低頭視下不得唾壁共人說

話等具如律中亦不繁引便畢洗淨偈云

事訖就水 當願衆生 出世法中 速疾而往

又云

洗滌形穢 當願衆生 清淨調柔 畢竟無垢

唵賀莫密栗帝莎訶七遍

已上三呪各有安置不同但隨一法而受持皆得勝益

淨手偈呪

以水盥掌 當願衆生 得清淨手 受持佛法

唵主迦囉耶莎訶七遍乃至二遍更妙

洗手當用灰泥皂丸或皂角三物次第各洗七度手背亦然至滅必用泥皂二物不可缺也如或不然終成不淨故經門警訓云元祐中有蜀僧智超法師常誦華嚴經已二十年偶見一童子風貌清爽舉手高揖超曰何來曰五臺來超曰何遠至此曰有少事故相導故超曰願聞曰吾師誦經固可嘉矣但失在登廁洗淨時觸水淋其手背而未嘗用灰泥洗之所用灰泥律制七度今但二三緣此觸尚存禮佛誦經悉皆得罪言訖不見超慙而改過識者或曰此必文殊

化現有警於超也故知洗手必須依法因果經云觸手請經當獲罪中蟲報更有多種事儀詳明警訓并律部中不可不知也經中入廁洗淨後持此呪者經用七恒河水洗之不淨身器清潔何以故種子不淨也

洗面偈呪

以水洗面 當願衆生 得淨法門 永無垢染

唵囉二十莎訶

飲水偈呪

佛觀一鉢水 八萬四千蟲 若不誦此呪 如食衆生肉

唵嚩悉波羅摩尼莎訶七遍如先禮佛後而飲水更妙

搭衣展具偈呪

著袈裟衣 當願衆生 心無所染 具大仙道

五衣云

善哉解脫服 無相福田衣 我今頂戴受 世世不捨離

唵悉陀耶莎訶七遍

七衣云

善哉解脫服 無相福田衣 我今頂戴受

世世常得披

唵度波度波莎訶七遍

大衣云

善哉解脫服 當願衆生 入第一位 得不動法

善哉解脫服 無相福田衣 我今頂戴受

廣度諸羣迷

唵摩訶迦波陀悉帝莎訶七遍

或到佛前或登道場未展具先念偈呪云

若得見佛 當願衆生 得無礙眼 見一切佛

唵阿蜜栗帝吽愛吒七遍

展具云

臥具尼師揅 長養心苗性 展開登聖地

奉行如來命

唵檀波檀波莎訶七遍

或念讚佛偈云

法王無上尊 三界無倫匹 天人之導師

四生之慈父 我今大歸依 速滅三祇業

稱揚若讚歎 億劫莫能盡

文殊菩薩禮佛作觀偈呪云

能禮所禮性空寂 感應道交難思議

我此道場如帝珠

或菩薩羅漢等隨改

改意

唵彌寶囉日

七遍日音密有云彌日囉勿勿亦音密有云伐日囉勿勿音密夏不同隨持一

得法即

真空法性如虛空

我身影現法寶前

此即讚法偈具或三自歸禮拜當隨時便雙對偈宮同上七遍

若禮塔繞塔偈云

頂禮於塔 當願衆生 一切天人 無能見頂

繞塔三匝 當願衆生 勤求佛道 心無懈歇

南無三滿多沒馱喃唵度波度波莎訶七遍

禮拜讚歎已然後持誦一一發願回向西方決

生上上品比丘不得通肩著袈裟禮佛塔廟等

死墮鐵甲地獄故除坐禪受食通肩不犯者通肩

披兩又比丘不得披袈衣禮佛乃至尊宿以及
佛塔廟前經行死墮龜蟹蠃之類故慎之慎
之

持錫偈云

執持錫杖 當願衆生 設大施會 示如實道

唵那嚩嚩那嚩嚩那嚩吒鉢底那嚩帝娜夜鉢寧呼
變吒七遍

乞食偈云

入里乞食 當願衆生 入深法界 心無障礙

唵折隸主隸隸提婆婆訶七遍

食時展鉢偈云

如來應量器 我今得敷展 願供一切衆

等三輪空寂

唵斯麻摩尼莎訶七遍

空鉢滿鉢偈云

若見空鉢 當願衆生 其心清淨 空無煩惱

若見滿鉢 當願衆生 具足成滿 一切善法

唵部嚩七遍

正受食時或踞坐或隨宜坐展巾單於膝
上左手捧鉢右手扶緣念供養準常法可知
念畢依供佛利生儀應念囉字真言二十一
遍更念變食真言二十一遍然後念出生偈
呪云

法力不思議 大悲無障礙 七粒遍十方

普施周沙界

唵度利益莎訶七遍此早齋出生用

大鵬金翅鳥 曠野鬼神衆 羅刹鬼子母

甘露悉充滿

唵穆帝莎訶七遍此午齋出生用然而二時所說似有差別亦可統一偈云

法力不思議 慈悲無障礙 七粒遍十方

普施周沙界 鬼子母 曠野神

金翅鳥王 悉令皆飽滿真言同上度利益等侍者送食偈呪云

汝等鬼神衆 我今施汝供 此食遍十方

一切鬼神共

唵穆力陵莎訶七遍如無侍者自送亦爾出生之後印過頭念囉字真言二十一遍仍念囉字日曜解七遍更妙如上諸呪行者果能如是是一行持承新神呪加

持之力同以河沙七寶百味飲食供養十方諸佛但沙
苦薩及諸羅漢聖僧普能開通其功其德實不可思議
者也今之學人自既不能依教奉行見入所行反輕
笑之何其昧之甚矣真可惜哉然後捧鉢囉呪云

執持應器 當願衆生 成就法器 受人天供

唵枳哩枳哩囉日囉吽發吒七遍正受食時
當存五觀三點

一計工多少 量彼來處 一鉢之飯 作夫汗流

二付已德行 全缺應供 缺則不宜 全可乃受

三防心離過 貪等爲宗 離此三過 貪瞋癡也

四正事良藥 爲療形枯 饑渴病故 須食爲藥

五爲成道故 應受此食 不食成病 道業何從

一願斷一切惡盡 二願脩一切善滿 三誓度一

切衆生

有云三所脩善果回施衆生謂皆共成佛亦可行者

時受食必須作此五觀之想更作於煩惱不淨等想

然後舉三匙之願而食之古云五觀無違三匙有節如

或先舉三匙後作五觀亦得佛制比丘食存五
觀散心談話付施難消問斯語已舉不復舉結齋先念
後偶云

所謂布施者 必獲其義利 若爲樂故施

後必得安樂

飯食已訖 當願衆生 所作皆辦 具諸佛法

受齋偈云

財法二施 等無差別 檀波羅蜜 具足圓滿

洗鉢偈呪云

以此洗鉢水 如天甘露味 施與諸鬼神

悉令獲飽滿

唵摩休囉悉莎訶

七遍先將淨水高過此水或過淨
地或生薑或淨河流水等處皆得
利益切莫棄於穢處後以淨水內
外洗之方用巾拭拭之令燥即得

嚼楊枝偈呪云

手執楊枝 當願衆生 皆得妙法 究竟清淨

嚼楊枝時 當願衆生 其心調淨 噉諸煩惱

唵囉唵囉二十莎訶囉音
即呪

又呪曰

唵阿耨伽彌摩隸爾嚩嚩囉嚩囉僧輸跋囉鉢頭摩俱麼

囉爾嚩囉僧輸陀耶陀囉囉囉素彌摩囉婆縛訶七遍
或得

無但念前囉囉眞言亦得嚼楊枝有五利益二口不苦
二口不臭三除風四除熱五除痰癰不礙得五遍二口
氣臭二不別味三不消四不引食五眼不閉嚼時須
在屏處不得對佛塔并諸往來淨淨等處若藥齒木先
化若無主者應與樹神問訊而化教人亦耳又不得壓
中枝傍枝則可如不
依教而行得越法界



七曰不歌舞作倡伎樂及故往觀聽

八不坐高廣大牀 九不非時食

十不捉生像金銀錢寶等物

比丘二百五十戒總相

四波羅夷法 十三僧伽婆尸沙法

二不定法 三十尼薩耆波逸提法

九十波逸提法 四波羅提舍尼法

一百應當學法 七滅諍法

比丘尼三百四十八戒總相

八波羅夷法 十七僧伽婆尸沙法

三十尼薩耆波逸提法 一百七十八波逸提法

八波羅提舍尼法 一百應當學法

七滅諍法

菩薩十重四十八輕戒相先十重

第一殺戒 第二盜戒

第三姪戒 第四妄語戒

第五酤酒戒 第六說四衆過戒

第七自讚毀他戒 第八慳惜加毀戒

第九瞋心不受悔戒

第十謗三寶戒

次四十八輕

第一不敬師友戒

第二飲酒戒

第三食肉戒

第四食五辛戒

第五不教悔罪戒

第六不供給請法戒

第七懈怠不聽法戒

第八背大向小戒

第九不看病戒

第十畜殺具戒

第十一國使戒

第十二販賣戒

第十三謗毀戒

第十四放火焚燒戒

第十五僻教戒

第十六爲利倒說戒

第十七恃勢乞求戒

策十八無解作師戒

第十九兩舌戒

第二十不行放教戒

二十一瞋打報仇戒

二十二憍慢不請法戒

二十三憍慢僻說戒

二十四不習學佛戒

二十五不善知衆戒

二十六獨受利養戒

二十七受別請戒

二十八別請僧戒

二十九邪命自活戒

三十不敬好時戒

三十一不行救贖戒

三十二損害衆生戒

三十三邪業覺觀戒	三十四暫念小乘戒
三十五不發願戒	三十六不發誓戒
三十七難遊行戒	三十八乖尊卑次序戒
三十九不修福慧戒	四十揀擇受戒戒
四十一爲利作師戒	四十二爲惡人說戒戒
四十三無慙受施戒	四十四不供養經典戒
四十五不化衆生戒	四十六說法不如法戒
四十七非法制限戒	四十八破法戒
律中三聚淨戒	
一攝律儀戒無惡不斷起正道行是斷德因修成法	
二攝善法戒無善不積起助道行是智德因修成報	
三攝衆生戒無生不度起不住道是恩德因修成化	

已上戒相本經自具今欲初心易記故錄書於此行者凡遇解望二日如有作法羯磨之處四十里內當往羯磨處如無處所自應於三寶聖像之前記其所犯戒相自稱已名登錄於求哀懺悔一切罪業自然消滅也更能每日二六時中恒常護身心檢察已所犯微細過惡隨犯隨懺

不敢更作惡爲甚妙如或不然解意懶墮乃至慢談戲笑縱恣心惰散放逸遊至舞樂日增轉輕爲重日就日茂日厚日深內不能清於信施況能成無上善哉之聖道乎如上苦口叮嚀有裨於茲者慎毋以此置之於度外

三衣瓶鉢錫杖等名義

梵語安陀會或云安怛羅婆娑此云中宿衣即五亦云下著衣亦云雜作衣一長一短凡寺中執勞服役路途出入往還當著此衣

梵語鬱多羅僧此云上著衣即七亦云入衆衣兩長一短凡禮佛修儀誦經坐禪赴齋聽講布薩自恣當著此衣

梵語僧伽黎此云合衣即大亦云重亦云襪碎衣四長一短凡入王宮升座說法聚落乞食當著此衣復有三品下品九條十一條十三條中品十五條十七條十九條上品二十一條二十三條二十五條

短中三品三長一短上三品四長一短次者梵語毘藍此翻衣服上曰衣次曰袈也下曰義四也謂形目也

阿含云脩四無量者並剃除鬚髮服三衣僧祇云三衣者賢聖沙門之標幟也四分云三世如來並著如

是衣智論云佛弟子住於中道故著三衣薩婆多論云欲現未曾有法故九十六種外道無此衣名為異外道故著三衣華嚴云為捨離三毒故戒壇經云五條斷貪淨身業也七條斷瞋淨口業也大衣斷痴淨意業也增輝記問云何不增四減二惟三者何答三奇數處陽陽能生萬物今制三衣表生萬善取益物之義也業疏云如律中說如來因諸比丘蓄長不自節約是以初夜著一衣乃至後夜著第三衣明日因制如衣法初此明緣起已竟梵語具云迦羅沙曳此云不正色從色得名章服儀云袈裟之目因於衣色如經壞色衣也曾正云準此草名可染衣故將彼目此衣號業疏云本作迦沙至葛洪撰字苑下方添衣言道服也上明總名竟下顯別名

真諦雜記云袈裟是外國三衣之名含多義或名離塵服由斷六塵故或名消瘦服由剝煩惱故或名蓮華服離染著故或名間色服以三如法色所成故三衣者律有三種壞色青黑本蘭青謂銅青黑謂雜泥木蘭即樹皮也又律中五種色衣著所謂思入

玄微究暢幽宗著青色衣出彌沙塞部勸學業經宣講真義以處居業著黃色衣出摩訶衍部通達理味開導利益表發殊勝著赤色衣出曇無德部博通敏達導以法化著黑色衣即地出薩婆多部精勤勇猛快鐵衆生著紫色衣即木出迦葉道部梵網經云一切人天鬼神盡得受戒應教身所著袈裟皆使壞色與道相應皆染使青黃赤黑紫色一切染衣乃至臥具盡以壞色身所著衣一切染色若一切國土中國人所著衣服比丘皆應與其俗服有異業疏云聽以刀截成沙門衣不為怨賊所割故章服儀云條堤之相事等田疇之畦貯水而養嘉苗譬服此衣生功德也佛令像此義不徒然龍王經云龍王白佛如此海中無數種龍有四金翅常來食之願佛擁護令得安隱於是世尊脫身皂衣告龍王曰汝取是衣分與諸龍皆令周徧於中有值一鱗之者金翅鳥王不能觸犯五分云衣下數破當倒披之在雨中行水入葉中應順披之章服儀云此見條葉不附正儀當馬齒鳥足縫之即須順左右條開明孔不作即同縷衣南

山問此見西域僧來多縫衣者何答此佛滅後將
二百年北天竺僧與外道同住外道嫉之密以利刀
內衣葉中同往王所外道告王沙門釋子內藏利刀
欲將害王因告檢獲由此普誅一國比丘時有耶舍
阿羅漢令諸比丘權且縫合爲絕命難此乃彼方因
事權制非佛所開故義淨云西國三衣並皆刺合唯
東夏開而不縫依律大衣限五日成七條四日成五
條二日成限日不成尼犯墮比丘突吉羅業疏云若
有衣不受持者突吉羅威儀云行住坐臥出入袈裟
亦須近身不得過肩披不得致脚後又律中應畜雨
浴衣覆瘡衣又世尊聽畜三張鉢鉢蓋鞋襪又應
畜四種髮掃衣一者塚間衣二者往還衣三者無主
衣四者弊垢衣如是四種將來淨洗七次染皂色縫
作僧伽黎大衣四層著名爲袈裟佛世大迦葉尊者
脩頭陀行日中一食樹下一宿常著此衣故佛稱阿
練行兒也非今不常之破衲此名外道衣律不聽
用故又有五種髮掃不應畜一者火焚衣二者牛嚼
衣三者鼠咬衣四者嫁女不淨衣五者產衣如是五

種俱不淨故不應畜上詳明袈裟別名已竟
悲華經云佛於寶藏佛前發願願成佛時袈裟有五
功德一入我法中犯重邪見等於一念中敬心尊重
必於三乘授記二天龍人鬼若能敬此袈裟少分即
得二乘不退三若有鬼神諸人得袈裟乃至四寸飲
食充足四若衆生共相違背念袈裟力尋生慈心五
若持此少分恭敬尊重常得勝他及藏義經云袈裟
有十種利益一者菩提上首二者衆處人天三者父
母返拜四者龍子捨身五者龍披免難六者國王敬
信七者衆生禮拜八者羅刹恭敬九者天龍護祐十
者得成佛道永明壽禪師戒序儀文云昔蓮華色比
丘尼曾爲戲人以披袈裟作戲承此功德無有誠心
而受衣法尙能值釋迦牟尼佛所出家證阿羅漢果
何況信敬受持者乎故經云若有衆生於我法中爲
我出家剃除鬚髮披著袈裟雖不受戒及受毀犯者
若有護持供養是人得大果報何況供養具持戒人
若未來世國王大臣及斷事者於我弟子及著袈裟
者屬辱打縛或驅使及奪財物資生之具是人則壞

三世諸佛真正報身則挑一切天人眼目則隱一切諸佛正法令諸天人遠於地獄由是觀之一切佛弟子并之毀謗不可不敬也恐世俗有所不知于此反生輕毀之心而自招其過故特引此以爲誡云

僧祇支

梵語僧祇支或云僧卻崎唐言掩腋或云覆腋衣用覆左肩要覽云古僧依律制只有僧祇支此云覆膊亦名掩腋衣長覆左膊及掩右腋蓋謂三衣故天竺儀也竺道祖云魏官人見僧袒一肘不以爲善乃作褊衫縫祇支上相從因名褊衫今開春接領者蓋違魏制也僧祇支竟梵語泥縛些那些唐言裙諸律舊譯名涅槃僧或云泥洹僧此云內衣名義云束帶以條襪則諸部各異色乃黃赤不同釋名云裙羣也連接群幅也

臥具

梵語尼師壇此名坐具或云隨坐衣業疏佛言爲身爲衣爲臥具故制畜長四廣三更增半據手者迦留陀夷身大坐不容故加之僧祇支若在道行得長疊中疊安衣囊中至本處當敷而坐律應量作長佛二

據手廣一據手半佛一據手長二尺四寸更增者卽向四邊各益如今坐具四緣有貼卽象也不許單作若新物作當用故物貼中蓋壞其好也若自無故物又無求處不貼無過記云佛先許安左肩上鎮衣因有外道問一比丘曰汝肩片布何名何用此丘答云名尼師壇是坐具又問汝所披衣何名有何功德答忍辱衣三寶之相上制天魔下降外道又問此衣既有是功德可貴豈得以所坐之布居其上若汝自爲師何不教若師教者此法不足可尊此丘曰佛佛因制移安左臂衣下但不得垂尖角如象鼻羊耳等相戒壇圖經云尼師壇如塔之有基汝今受戒卽身是五分法身之塔良由五分法身由戒生故

鉢盂

梵語鉢多羅此云應量器謂體色量三俱應法故體用鐵瓦二物色以藥煙熏治量則分上中下要覽云佛住孫要白土村爾時孫婆天神白佛過去佛皆受用此處瓦鉢佛乃聽此丘言瓦鉢佛住王舍城行諸房見一比丘枕手臥知而問曰汝安樂否答我枕手

一 鉢上

失鉢墮地乃破故不樂佛言聽音鐵鉢名義云色者

熏作黑赤色或孔雀咽色色量者大受三斗小受

斗半中品可知南山云此短周之斗也准唐斗一鉢

一斗下鉢五升

下明價
鐘音訓

鍵銘母論譯爲淺鐵鉢經音疏云鉢中之小鉢今呼

爲鑊子十誦云鉢中大鉢銘小鉢銘四分云鍵銘入

小鉢小鉢入次鉢次鉢入大鉢又俱夜羅此云隨鉢

器法寶解云卽匙箸鍵銘等

鍵銘音度
否下明義

梵語軍遲此云瓶又云楮稚迦此卽澡瓶也常貯水

隨身用以淨手寄歸傳云軍持有若薑瓦者是淨

用若銅鐵者是觸用

下明
說寶

鉢里羅羅伐拏此云濾水羅會正記云西方用上白

氈東夏宜將密絹若生絹小虫直過可取熟絹爲之

增輝記云觀其狀雖輕小察其功用爲護生命卽慈

悲之意其在此也百一羯磨明五種水羅一方羅用

絹三尺或二尺隨時大小作二法瓶陰陽瓶也三君

遲以絹繫口以繩懸沉於水中待滿引出四酌水羅

凡衣角雖但取密絹方一搭手或繫瓶口或安鉢中

濾水用也

錫杖

梵語隙棄羅此云錫杖由振時作錫聲故十誦名

聲杖錫杖經云佛告比丘汝等應受持錫杖所以者

何過去未來現在諸佛皆執故又名智杖亦名德杖

彰顯智行功德故聖人之轡轡賢士之明記道法之

幢依倚是杖除煩惱出三界故根本禪集云比丘乞

食深入長者之家遂招譏謗比丘白佛佛言可作聲

警覺彼卽呵呵作聲誼闍復招譏毀佛制不聽遂爭

打門家人怪問何故打破我門默爾無對佛言應作

錫杖苾芻不解佛言杖頭安鑽圓如酸

寶上

口安小

鑽子搖動作聲而爲警覺動可一二無人聞時卽須

行去五百問云持錫有多事能警惡蟲毒獸等義淨

云錫杖都有三分上分是錫中木下或牙角也若一

股六鑽是迦葉佛製若四股十二鑽是釋迦佛製本

經又云有杖是同若用不同或有二鑽或有四鑽鑽

數無別但我今日四鑽十二鑽用是之教四鑽者用

斷四生念四諦等十二鑽者用念十二因緣通達無

礙等二鉢者迦葉如來所創立也令諸眾生記念二諦世諦第一義諦以立其義齊禪師在懷州王屋山聞虎鬬以錫杖解之因成頌曰本自不求名剛被名求我巖前解二虎障却第三果又鄧隱峰飛錫空中解於兩陣有足勝功故當受持

數珠

梵語鉢塞莫梁云數珠謂引接下根牽課修業之具木槌子經云昔有國王名波琉瑠門佛言我國邊小頻年寇殺殺貴民困我常不安法藏深廣不得偏行惟願垂示法要佛言大王若欲滅煩惱當貫木槌子一百八箇常自隨身志心稱南無佛陀南無達摩南無僧伽名乃過一子如是漸次乃至千萬能滿二十萬遍身心不亂除諸曲捨命得生炎摩天若滿百萬遍當除百八結業獲常樂果王言我當奉行曼殊室利校量數珠經云其數珠體種種不同校量乃至槌子掐一遍得福千倍蓮子萬倍至菩提子得福無量又楞嚴經中憍梵波提有牛呵病佛為遮謗與之數珠令其念佛謂之一味清淨法門乃至成就念佛三

昧往生淨土悟無生忍亦乃數珠無量功德也八百八頌

禮佛七種

大方廣寶篋經云智燈聲聞問文殊言云何禮佛文殊言若見法淨名見佛淨若身苦心不低不昂正直而住不動不搖其心寂靜行寂靜行是名禮佛法苑齊有天竺三藏勒那譯出七種禮法一我慢禮謂依位次心無恭敬心馳外境五輪不具如碓上下二唱和禮謂粗正威儀心無靜想見人則身輕急禮人去則身重心疲盡心散而口唱也三身心恭敬禮謂聞唱佛名便念佛想身心恭敬情無厭怠四發智清淨禮謂達佛境界隨心現量禮一佛則禮一切佛禮一拜則禮法界以佛法身融通故五遍入法界禮謂自觀身心等法從本已來不離法界佛我平等今禮一佛即遍禮法界諸佛六正觀禮謂禮自佛不緣他佛何以故一切眾生各有佛性平等正覺七實相等禮謂前猶有禮有觀自他兩異今此一禮無自無他凡聖一如體用不二故文殊云能禮所禮性空寂前

信心三高士高出凡夫小乘

菩薩三大 一願大 二行大 三利生大

持戒三心 一厭有爲心 二求趣菩提心 三悲愍有

情心又有三樂一名譽二利養三死得生天上

大比丘三義 一破惡脩戒定慧破見思惑二佈魔

魔王懼出三界生怖但三乞士養色身資慧命利

檀那

三種觀摩 一對首法 二心念法 三衆法

三衣斷三毒
五條斷貪身七條斷瞋口大衣斷痴

意

四分律 初分說比丘戒二分說比丘尼并受戒鍵

度二分說安居健度四分說房舍健度

比丘四法 一晝夜六時說罪懺悔 二常憶念佛不

頭然

羯摩四法 一法二事三人四界

四根本煩惱 一貪二瞋三痴四慢

修行四法 一寧失身命不捨菩提心 二親近善友

三不捨忍辱四依寂靜處

四分優婆塞 無分俱受三歸少分或受一戒多分

或受二三四戒滿分具受五戒

戒品四等生處不同 破戒三畜生餓鬼墮獄下持

戒人道中持戒六欲天又能兼行四禪四空定生

免無色界上持戒下羅漢中支佛上佛道

弟子四心看和尚
一親友師二敬順師三畏難師

四尊重師

四種重恩 一父二母生身故須報三如來大師四

說法師

佛應四處降生迦維衛成道摩竭提說法波羅奈

入滅拘尸城

四種沙門 一威儀沙門 二名无像比丘 三形服沙門

名幢相比丘三名闍沙門名處誑比丘四實行沙門名如法比丘前三非是沙門自言沙門後一沙門是真沙門也

食有四時 早起諸天食日中三世佛食日西畜生

食日暮鬼神食

四利須食 資身為道養身中虫施者福破饑外道

故須食之也

乞食四意 一福利群生二折伏憍慢三知身有苦

四除去滯者

毗尼四義 一是佛法中平地萬善由之而生二

切佛子皆依戒而住一切衆生依戒而有三是趣

涅槃之初門四乃佛法瓔珞能莊嚴佛法故

謙下獲四種功德 一遠離惡趣不受旁生二不被

輕毀三常爲人天恭敬四惡友怨敵不能凌突

菩薩修行四法 一善分別自心現二觀外性非性

三離生住滅見四得自覺聖智善樂

乞食四分 一奉同梵行者二與窮乞人三與諸鬼

神四分自食

比丘五不應遊 一官家二酒肆三屠兒家四淫女家五旃茶羅舍

比丘五不赴請 一晏然而居二諸天說法三觀察

病人四守護臥具五戒制學處

五法助戒 一信二慚三愧四善知識五宗敬戒

破戒五衰 一求財不得二設得耗散三衆不受敬

四惡名流布五死入地獄

踰越五利 一最安隱二心不散三魔王怖四異外

道五心易止

甚蕤五德喻出家人 一體性柔軟喻能折伏身語

粗獷二引蔓旁布喻博法度人連綿不絕三馨香

遠聞喻戒德芬馥爲衆所聞四能療疾痛喻能斷

煩惱毒害五不背日光喻常向佛日

乞食適五處 一唱令家三旃陀羅家三沽酒家四

官家五淫女家

入俗舍五法 一入門小語二攝身口意三卑躬四

善護諸根五威儀庠序令人生善

大比丘五事故經營 一報佛恩故二長養佛法故

三減凡劣來自貢高故四將來弟子折伏憍豪故
 五發啓將來福業故又律中比丘許自營精舍
 懺悔五法 一偏袒右肩二右膝着地三至心合掌
 四頭面禮足五說已罪名
 五分戒律 一波羅夷法二尼波羅夷法三受戒衣
 藥食法等四減諍法五破僧難法等
 五種懺悔 一不必懺悔應常想念第一義空二季
 養父母恭敬師長三正法治國不狂人民四於六
 齋日勸諸境內令行不殺五深信因果知佛不滅
 比丘五德 一怖魔二乞士三淨戒四淨命五破惡
 五篇 四波羅夷殺盜淫妄比丘四條比丘尼八條
 十三僧殘比丘十三條比丘尼十七條三十尼薩
 耆九十波逸提比丘九十條比丘尼一百七十八
 條四提舍尼比丘四條比丘尼八條突吉羅即一
 百應當學比丘一百條比丘尼一百條比丘二百
 五十條尼三百四十八條今止四十一條者更加
 一不定法七減諍俱至五十條
 五戒生天 一不殺生四王天二不偷盜生忉利天

三不淫生夜摩天四不妄語生兜率天五不飲酒
 生化樂他化天
 五種閑繫 一出家師所依得出家二羯摩師授戒
 作羯摩三教授師教典威儀四受經師受經四句
 等五依止和尚學戒十夏與人爲師
 五不應答 試故問無疑故問不爲悔所犯故問不
 受故問詰難故問
 出家五法 一發心出家懷佩聖道二段其形好應
 披法服三委棄身命遵崇法道四永割親愛毋適
 母莫五志求大乘爲度衆生
 楊枝五利 口不臭又滋味口不苦又除熱能除風
 又祛風亦除熱又消食除痰癰又明目
 持戒律五功德 戒品牢固善勝諸怨於衆中決斷
 無畏疑悔有能開解善持戒令正法久住
 五夏依止法 過五夏知五事知犯輕重知羯摩知
 閑繫
 袈裟五種功德 入我法中犯重邪見等於一念中
 敬心尊重必於三乘受記天龍鬼神若能敬此袈

婆少分即得三乘不退若人鬼神得袈裟乃至四寸飲食充足若有衆生共相違背念袈裟力尋生慈心若持此少分恭敬尊重常得勝他乃至龍披一縷皆免金翅鳥難出佛身血

五種三歸 番邪五戒八戒十戒具戒

五篇罪配五刑五行 波羅夷死土僧殘流水波逸提徒金提舍尼杖火突吉羅答木

五戒二十五護戒神不殺生 一茶錫毗愈陀泥二

輪陀利輪陀尼三毗樓遮那世波四陀龍摩坻五

婆羅桓尼和婆○不偷盜 一坻摩阿毗婆駛二

阿須輪婆羅尼三婆羅摩夏雄雌四婆羅門地轉

多五那摩呼多耶舍○不邪淫 一佛陀仙陀樓

哆二轉聞耶數多婆三涅坻醯陀多耶四阿羅多

賴都耶五波羅那佛曇○不妄語 一阿提梵者

珊即二因臺羅因臺羅三阿伽風陀羅多四佛曇

彌摩多哆五多賴又三蜜陀○不飲酒 一阿摩

羅斯兜嚕二那羅門闍兜帝三薩轉尼乾那波四

闍轉聞毗舍羅五迦摩毗那闍尼住此五戒若犯

一戒本五戒神隨即遠離更招罪羅勉受戒之人
慎毋毀損

僧具六和 一身和同住二口和無諍三意和同悅
四戒和同修五見和同解六利和同均

六度華梵 梵語檀那此云布施治慳貪蔽梵語尸

羅此云持戒治破戒蔽梵語瞋提此云忍辱治瞋

悲蔽梵語毗梨耶此云精進治懈怠蔽梵語禪那

此云靜慮治散亂蔽梵語般若若此云智慧治愚痴

蔽

七遮罪 弑父弑母弑和尚弑阿闍黎破羯磨轉法

輪僧弑聖人

七滅諍法應與 現前毗尼當與現前毗尼憶念毗

尼當與憶念毗尼不痴毗尼當與不痴毗尼自言

治當與自言治多竟罪相當與多竟罪相當與多

當與竟罪相如草覆地當與如草覆地諸大德是

七滅諍法半月半月說戒經中來若比丘有諍起

即應除滅

七衆 比丘比丘尼尼耆女也佛姨母求出家不許

令行八敬乃許式又摩那此云學戒女十八童女
二歲學戒練身知有胎無胎即三法根本六行法
沙彌沙彌尼優婆塞義翻信士男又云清淨士又
名近事男乃近事比丘之男子也優婆夷翻信士
女在家能持五戒男女各處

菩薩八法 一乃至失命因緣不說他過二化人令
歸依三寶三安置一切於菩提心四梵行不染五
造佛像安花座上六能除衆生憂惱七於貧高入
常自謙下八不惱他人大寶積云菩薩成就八法
於諸佛前蓮花化生

優婆塞具八支 信戒施聽法受持解義如說脩行
尼戒八業 殺盜淫大妄語與男身相觸於染心男
捉手捉衣入屏處共立共語共行自相倚相期覆
他重罪隨學大僧供給衣食比丘四業同

尼行八敬 事鈔尼衆篇云善見佛初度女人出家
爲滅正法五百年後爲說八敬聽出家依教行故
還得千年今時不行隨處法滅會正記云佛成道
十四年姨母求出家佛不許度阿難爲陳三謂佛

令慶喜傳八敬向說若能行者聽汝出家彼云頂
戴持言八敬者一者百歲比丘尼見初受戒比丘
當起迎送禮拜問訊請令坐二者比丘尼不得罵
謗比丘三者不得舉比丘罪說其過失比丘得說
尼過四者式又摩那已學於戒應從衆僧求受大
戒五者尼犯僧殘應半月在二部僧中行摩那煙
六者尼半月內當於僧中求教授人七者不應在
無比丘處夏安居八者夏訖當詣僧中求自恣人
如此八法應尊重恭敬讚歎盡形不應違

九等大衣 下三品九條十一條十三條中三品十
五條十七條十九條上三品二十一條二十三條
二十五條

十夏依止和尚位 不知律儀盡形依止精通戒藏
與人爲師受人戒法若不然者獲罪無量○無解
作師五百問云應求懺悔若不懺悔者罪日增加
受戒之人不得戒也

沙彌十二有犯 一不分別衣二離衣宿三觸火四
觸食五害生種六青草上棄不淨七轆上高樹八

觸寶九食宿殘食十壞地十一不受食十二損生苗

十二種惡律儀 屠兒魁膽養猪捕魚獵師網鳥捕蛇養鷄呪龍作賊捕賊獄吏○淫女家沽酒家壓油家染家如上四種即名十六種惡律儀智者所

詞

受戒法十二科 一開導二請五師得戒釋迦羯摩

師文殊教授師彌勒尊證師諸佛同學侶諸大士

三歸依三寶歸依佛歸依法歸依僧四發十大願

常念佛親近善知識否捨一切惡知識否失命因

緣不捨戒否誦大乘問甚深義否於無上菩提生

信心否見衆生能救護否隨力供養三寶否孝順

父母事善知識否捨懈怠求佛道否五塵上煩惱

制伏否五問難六請三寶七懺悔八發四弘誓衆

生無邊誓願度煩惱無盡誓願斷法門無量誓願

學佛道無上誓願成九羯摩不出佛身血否不殺

父否不殺母否不殺和尚否不殺羅漢否不殺和

合僧否不殺聖人否○第一羯摩妙善戒法注於

身心第二羯磨戒法遍空集於頂上第三羯磨戒法入心內外明潔堪受戒法十受戒十一讚戒十

二過向

菩薩隨身十八種物 楊枝澡豆三衣瓶鉢坐具錫

杖香爐寶蓋水囊手巾刀子火燧繩床鐺子經律

佛相菩薩相

佛住世八十年頌曰

十九歲年六苦行

五歲離塵三十歲

說法度生五十年

是則共當八十壽

優婆塞戒經云在家菩薩若不儲蓄錫杖鉢孟僧伽

梨供養者犯失意罪

昔羅漢比丘於山巖入定時有獼猴將坐具偏袒右

肩合掌右邊三匝跪地比丘出定嘆曰畜生尙有佛

性比丘即與受三歸五戒獼猴歡喜舞跳失足墜岩

而死即生兜率天宮又大緣經云以一日一夜出家

二十劫不墮三惡道又出家功德經云爲出家作留

礙破壞抑制此人即斷佛種故諸病集身猶如大海

現得癩病死入黑暗地獄無有出期爾時大王太子

聞出家功德甚深普皆發心出家已弟子問世尊四天下中無一衆生在家者俱出家已衣食從何而得佛言不須種植其地自然生諸杭米諸樹自然生諸衣服三品衣袈裟鉢具一切諸人天供侍給使若勸一人持律勝造八萬四千浮屠寶塔何以故當得阿耨多羅三藐三菩提故

又阿輪迦王爲小兒以土施佛後得轉輪王王闍浮提起八萬塔最後得道施物至賤小兒心薄但佛田妙故得大果報當知大福從良田生又福田經云有比丘名阿難白世尊曰我宿命生羅閱祇國爲庶民子身生惡瘡治之不達有親友道人來語我言當浴衆僧取其浴水以用洗瘡便可得愈又可得福田我即歡喜往到寺中加敬至心更作新井香油塗浴具洗浴衆僧以汁洗瘡尋蒙除愈從此因緣所生端正金色晃昱不受塵垢九十一劫常得清淨福佑廣遠今復值佛心垢消滅遠得應真

比丘凡入空門當准律儀若老若少若貴若賤五夏依止精通戒律入闍梨位十夏依止一切經律盡解

入和尙位當與四衆傳衣受戒不依止者獲罪甚重速求懺悔可爾

比丘白衣沐浴當忌六齋日乃諸神下降衆人善惡宜脩善作好事所謂六齋日者

初八 十四 十五 二十三 二十九 三十 日是也小月初一補是也

如上名相自始至此略取切要數條令易持誦更有種種具如淨行威儀等處繁不盡述願同志者於此切意遵行略無違忤莫非與戒相應也果能如是操守不失自然因戒生定因定發慧定慧圓明乃至直成無上菩提不越於斯矣

毗尼日用錄終

附千嘉長禪師示衆

參禪爲第一持戒爲第二作福爲第三禮誦爲第四既作出家兒須行四種事不可縱汝心不可恣汝意

不可懶汝身不可昏汝智諦觀苦與樂痛念生與死
莫憂衣與食莫貪名與利時中惺惺著胸中蕩蕩地
行坐合清規動靜依先制常近善知識常遠惡明輩
若能信我言成佛極容易若不信我言出家徒勞耳
是百姓光頭是脩羅聚會是地獄抽芽是畜生羣隊
快脫袈裟來快出山門去且自做俗人莫與我同住

結制小參

佛祖門風將委地說着令人心膽碎扶持全在我兒
孫不料兒孫先作弊紛紛走北向奔南昧却正因營
謀事滿目風埃滿面塵業識茫茫無本據縱饒掛搭
在僧堂直待板鳴歸被位聚頭寮舍鼓足非收足漸
圓便瞌睡癡雲變慧性天昏石火交煎心鼎沸暫時
寂寂滯輕安一向冥冥墮無記百丈清規不肯行外
道經書勤講議因果分明當等閒罪福昭然渾不懼
或遷一榻一間房放逸總由身口意頭上瓦脚下磚
身上衣口中味一一皆出信心懷越人家施未成道
業若為消門心幾箇知慚愧今日三明日四閑處光
陰盡虛棄一朝老病來相尋箇箇催請死符至從前

所作業不忘三塗七趣從茲墜裂裝失却復再難
甲羽毛披則易看它古之學道流直忘人世輕名利
美黃精煨紫芋飯一搏水一器為療形枯聊接氣石
爛松枯竟不知洗心便作累生計物外清閑一味高
世上黃金何足貴劫空田地佛花開香風觸破娘生
鼻選佛場中及第歸聞覺伽藍念遊戲茲因結制夜
小參不覺所言成此偈

上堂

六月七月天不雨農家曉夜忙車水背皮焦烈脚底
疼眼花無力欲悶死公人又來逼夏稅稅絲納了要
盤費大麥小麥盡量還一日三食不用備思量我輩
出家兒現成受用都不知進道身心無一點東邊浪
宕西邊嬉三箇五箇聚頭坐開口便說它人過及手
歸到暗室中背理虧心無不做真言豈在異類中來
生定作栽田翁前來所說苦如此那時難與今時同
古德訓徒有一語對人天衆拈來舉繭田無一貫之
功鐵圍陷百刑之苦

誠問

世人未有不以閒散爲樂而共趨之逆問其故乃曰昔嘗以榮辱是非累日與事物相交馳心志勞而形體痛以至結於情想接於夢寐靜而思之人生幾何不得一日之安雖富貴奚益也由是一切棄之思欲行歌坐忘觀青天白雲而自放浪於事物之表或有避父師之訓厭身世之勞望治生如避水火必欲拔慶遠俗以遂其閒余曰忙固勞形役慮也閒則坐消白日又何益於理哉二者皆欣厭之情妄耳故聖人有動靜二相了然不生之旨正不必厭此忙而欣彼之閒也余將直言之夫人欲學入世間之道苟不服勤勞役則事無貴賤皆無由成然悟世閒虛妄欲究聖賢出世之道儻不忘淪廢廢則根無利鈍又何從而得之故雪山大士捨身命如微塵數事知識如恒河沙積劫迄今歷試諸難蓋欲示後學者知道之不易聞也故入世間則忠於君孝於親悉盡其義不可不忙出世間則親師擇友朝參暮扣以盡其道又不可不忙既盡其義又盡其道將見體如泰山之不動心等太虛之無爲豈一閒字可與同日語哉或入世

不能盡其義出世不能盡其道惟孜孜以安閒不擾爲務而不肯斯須就勞者故聖人斥之爲無慚人凡有識者安肯負此無慚而復嗜閑於疎散之域也余故書此以爲投問者之誠

桐江璞法師觀心銘

心焉心焉本自天然卓爾獨立湛寂孤堅妙中至妙玄中又玄無來無去不變不遷非迷非悟絕聖絕賢思不可及強以言詮由體明覺遂生諸緣鏡含萬象海納百川收之兮神潛方寸舒之兮光充大千變化自在作用無邊乃生乃佛爲實爲權迷之則浩浩不返悟之則了了相傳心焉汝靈心焉汝靈語汝莫忘誨汝須聽汝具萬法兮本自圓成萬法是汝兮其體空平境非實境名是假名汝昔不悟兮枉受玲瓏汝今自覺兮可保堅貞獨途莫滯念起即惺六塵不染三毒乃清休更鼓之令濁兮失本明宜自澄之令淨兮歸元精

清涼澄觀大師十事自勵

體不捐沙門之表心不違如來之制坐不背法界之

經性不染情礙之境足不履尼寺之塵
不觸居士之榻目不視非儀之綵舌不味過午之餚
手不釋圓明之珠宿不離衣鉢之側

崇禎癸酉年孟夏黃檗山比丘隆瑞纂集

毗尼日用切要

寶華山弘戒比丘 讀體 彙集

早覺 經律通制出家弟子初夜後夜精勤佛道
勿貪睡眠懶惰放逸故覺時當誦此偈

睡眠始寤 當願衆生 一切智覺 周顧十方

鳴鐘 凡晨昏鳴鐘時詣鐘前至誠合掌誦此偈已
或鐘聲不聞一切有情

聞聲離苦咸得解脫

願此鐘聲超法界 鐵圍幽闇悉皆聞

聞鐘清淨證圓通 一切衆生成正覺

聞鐘 晨昏於行住坐臥誦一
聞鐘聲時即誦此偈

聞鐘聲 煩惱輕 智慧長 菩提生

離地獄 出火坑 願成佛 度衆生

唵伽囉帝耶莎訶三遍

古德云

聞鐘臥不起 護法善神眼 見前滅福慧

後世墮蛇身

其懶修禪者縱感廣
在經律中茲不繁引

著衣 凡著換衣時隨其大教一一皆誦
此偈非誦實且一著一誦而已

若著上衣 當願衆生 獲勝善根 至法彼岸

著下裙時 當願衆生 服諸善根 具足慚愧

整衣束帶 當願衆生 檢束善根 不令散失

下單 誦指三下
念此偈

從朝寅旦直至暮 一切衆生自週護

若於足下履其形 願汝即時生淨土

唵邁帝律尼莎訶三遍

行步不傷蟲

若舉於足 當願衆生 出生死海 具衆善法

唵地利日利莎訶三遍

出堂

從舍出時 當願衆生 深入佛智 永出三界

登廁 欲大小便即當行其待內通倉卒須脫屣鞋
脚不可淨鞋入廁至當三彈指有二義一使
內人知不得迫促內人使出二恐穢穢之鬼
令他避之上指實當三彈指默念此偈

大小便時 當願衆生 棄食穢穢 斷除罪法

唵很魯陀耶莎訶

洗淨 大便畢臨水
即念此偈

事訖就水 當願衆生 出世法中 速疾而往

唵室利婆薩莎訶三遍

去穢

洗滌形穢 當願衆生 清淨調柔 畢竟無垢

庵婆羅密栗帝沙訶三偈 後二指洗之手

洗手

以水盥掌 當願衆生 得清淨手 受持佛法

庵主迦囉耶莎訶三偈

若但小便時唯用水洗手一次即淨者是大便去穢後洗手或用灰泥皂角如法洗之△溪堂雜錄云元祐中有蜀僧智超法師嘗謂華嚴經已三十年偶見一童子風貌清淨舉手高揖超曰何來曰五臺來超曰何遠至此曰有少事故相尋故超曰願聞曰吾師誦經故可嘉矣但失在登廁洗淨時穢水淋其手背而未嘗用灰泥洗之所用灰泥淨制七度今但二三緣此觸尚有穢佛誦經者得罪言訖不見超超而改過者或曰此必文殊化現有警於超也故知洗手必須依法因來經云觸手請經當獲福中盡報淨面

以水洗面 當願衆生 得淨法門 永無垢染

庵囉莎訶 默持二十一遍

飲水

佛觀一鉢水 八萬四千蟲 若不持此呪

如食衆生肉

庵囉悉波囉摩尼沙訶三偈

五衣 梵語安陀會此云作務衣五條一長一短凡寺中執勞服役隨處出入往還當著此衣蓋此偈呪成應經云五條衣斷貪淨身業也

善哉解脫服 無上福田衣 我今頂戴受

世世不捨離

世世不捨離

庵婆陀耶莎訶三偈

七衣 梵語多羅僧此云入衆衣七條二長一短座僧和集時當著此衣蓋此偈呪七衣表斷貪淨口業也

善哉解脫服 無上福田衣 我今頂戴受

世世常得披

世世常得披

庵度波度波莎訶三偈

大衣 梵語僧伽梨此云雜碎衣有上中下九品次皆二長一短中下品十五條中品十七條上品十九條皆三長一短上下品二十一條上中品二十三條上上品二十五條皆四長一短長多短少表聖增凡誠故凡入王宮國座說法入里乞食降伏外道當著此衣蓋此偈呪

善哉解脫服 無上福田衣 奉持如來命

廣度諸衆生

廣度諸衆生

庵摩訶婆波陀悉帝沙訶三偈

蓋此三次而將福田者增輝記云田雖貯水生長蓋苗以養形命法衣之田潤以四利之水增其三善之

蓋此三次而將福田者增輝記云田雖貯水生長蓋苗以養形命法衣之田潤以四利之水增其三善之

舊以法身壽命緣我經云三衣者父母反拜四者師子
 菩提上首二者衆人天三者父母反拜四者師子
 捨身五者被殺免難六者國王敬信七者衆生禮拜
 八者羅刹恭敬九者天龍護祐十者得成佛道又悲
 華經云佛於寶藏前發願願我成佛時裝有五
 功德一入我法中犯重罪見等能於其心中敬心等重
 必得三乘授記二天龍鬼神等能於其心中敬心等重
 三乘不退三若有鬼神人等能於其心中敬心等重
 克足四衆生共相遠背念我裝者生慈心五若持此
 少分裝者常得勝他大論云釋子受持禁戒是
 其性剛毅衆衣是其相四分律中佛告諸比丘隨所
 住處常與三衣俱譬如鳥之兩翼恒與身俱汝等拾
 應離宿債祇律中佛言比丘三衣一鉢須常隨身遠
 者出界結罪當散三衣如塔想十誦律中佛言三
 衣如自皮護身如眼目所行之處與衣俱無所顧
 應如飛鳥若不持三衣入聚落俗人處犯罪五分
 律三衣雖殘如身著皮常須隨身如鳥之羽翼走相
 隨大乘梵網菩薩戒中佛言若佛子常應三時頭陀
 冬夏坐禪結夏安居常用楊枝澡豆三衣經鉢坐具
 錫杖香爐滿水囊手巾刀子火繩繩子繩鉢經律佛
 像菩薩形像而菩薩行頭陀時及遊方時行來百里
 千里此十八種物常隨身遠者結罪三衣一鉢
 乃佛親持祖師授受七衆同遵兩乘共制若云出
 家佛弟子衣鉢可離東西兩土軌則不同者請問三
 智聖者勿染邪
 愚須堅信力爾

舊故律云新尼師壇故者緣四邊以觀其色若作塵
 安緣五分律云裁作三分長頭餘一分帖四角不帖
 則已提本律并齊僧傳中不聽禮拜用以敷展西城
 五天竺罕其見聞此方禮拜展用不知傳起何時如
 理聖制不用爲正若論爲衣展
 臥具尼師壇 長養心苗性 展開登聖地
 奉持如來命
 庵檀波檀波沙訶三偈
 登道場
 若得見佛 當願衆生 得無礙眼 見一切佛
 庵阿密樂帝昨愛吒三偈
 讚佛
 法王無上尊 三界無倫匹 天人之導師
 四生之慈父 我今暫皈依 能滅三祇業
 稱揚若讚歎 億劫莫能盡
 禮佛
 天上天下無如佛 十方世界亦無比
 世間所有我盡見 一切無有如佛者
 普禮真言
 唵嘛日囉斛 三嚴三護須精誠作觀五體投地數次
 七禮禮不可不知一我體禮讚似位次

以無善教心馳外境五輪不具如塵上下二相和證
謂正威儀心無靜想見人則身輕急遽人去到身
隨心疾散心散而口咽也三身心恭敬諸聞唱佛
名便念佛想身心恭敬無厭意四發智清淨諸
達佛境界隨心現證一佛則證一切佛證一拜則
證法界以佛法身證通故五福入法界證自觀身
心等法從本以來不離法界我平等今證一佛即
遍證法界諸佛六正觀諸佛自佛不緣他佛何以
故一切眾生各有佛性平等正覺七實相平等證
前四禮有觀自他而興今此一證無自無他凡聖一
如體用不二故文殊云能證所證性空寂前三約事
後四就理大方廣寶篋經中智度論開闡文殊云
何禮佛文殊言若見法淨名見佛淨身若心不低
不昂正直而住不動不搖其心寂靜行寂靜行是名
禮佛比丘不得過肩著袈裟禮佛死禮佛甲地除
坐禪受食通肩不犯比丘不得披袈裟禮佛經除
行及禮尋宿塔殿前行死禮佛除病時大寒時凡正信
家受戒者須領之

供淨瓶 梵語單持此云瓶寄歸傳云單持有二種
一磁泥者是淨用二銅鐵者是淨用今所
明者乃淨瓶也比丘每日皆且滿經呪畢用淨瓶盛
淨水供於佛菩薩像前欲須瓶盛水時當觀想佛菩
薩容其儀作禮起
已反瓶持此偶呪

手執淨瓶 當願眾生 內外無垢 悉令光潔

唵勢伽嚩迦叱唵沙訶三遍

蕩淨瓶真言 既禮佛起持空瓶至淨水所左手持
次右手持瓶徐徐先取水滿三次每
次滿此呪七遍其瓶水
莫仍注淨水中須樂於外

唵嚩莎訶二十

灌水洗言 既已蕩淨無塵
灌淨水數持此呪

唵嚩悉鉢囉摩尼莎訶三遍

到佛前胡跪左手持瓶右手作普供養印念大悲呪
七遍禮拜而退下跪出水結印同前念大悲呪七
遍心經往生呪各七遍出外散水於淨
地手作甘露印法口默念甘露真言

曼誦蘇嚩婆耶怛他誡多耶怛姪他唵蘇嚩蘇嚩鉢
囉蘇嚩鉢囉蘇嚩婆娑訶三遍

念時觀想瓶為如意瓶流出種種飲食先諸天大鬼
神後餓鬼畜生各獲飽滿又想瓶出樓閣宮殿珍寶
環珞傘蓋香花衣服無不具足然後說十二因緣
法授比丘三皈令聞法受皈得法喜三昧禮拜而去
受食 飯前受食而座展食巾於膝上悉
若見空鉢 當願眾生 究竟清淨 空無煩惱

梵語鉢多羅此云應量器律中不聽比丘畜用鉢
銅鐵木石等鉢大要有二一泥二鐵也律云鉢
是出家人器少欲知足非俗人所宜十律云鉢
諸佛標記不得惡用及洗手教之如且五分律云鉢
自作鉢以爲後式又我鉢鈔云應法之器也謂
色量三者皆悉與法相應有二三泥及鐵者用
麤子杏仁搗碎塗其內外竹煙熏治無作垢穢
孔黃色所熏者爲何夏天盛物不燥不結垢穢
功用故當熏治量者分上中下若準廚上鉢一斗
中鉢七升半下鉢五升故名應量器連觀大師云鉢
之爲器實三寶備六德何以明其真三寶蓋此則
僧無所寶無所寶則應命斷惡命斷則佛種滅矣
波其能濟能容能容能廣能廣能利一切僧則不食
古由佛授鉢由天獻廣則普利一切僧則不食
授之如是故吾輩不敢不寶電鐵盛飯時默念此偈

若見滿鉢 當願衆生 具足盛滿 一切善法

念供養時以右手併鉢扶緣相障其膺氣左手持鉢齊眉將鉢匙向外向供文照當念畢放鉢桌上出生用匙取飯七粒轉不過一寸以左手大姆指捻無名指作甘露印默念偈云

出生 一向傳云早食念法不思憚午當念大願供養出生者必須二個並持塔令本官否則恐落偏見墮於非法耶

法力不思議 慈悲無障礙 七粒徧十方

普施周沙界

將匙中飯粒與侍者送去匙朝裏向默念呪云

庵度利登莎訶念呪三下

大鵬金翅鳥 曠野鬼神衆 羅刹鬼子母

甘露悉充滿

庵穆帝莎訶念呪三下

今時每見以指印表敬須彌山將食厨觀數次或便視竟轉手印覆覆作要考經律不出典章全失威儀若論理唯左手結印右手出食口中默誦偈咒是其正也按南海寄歸云西域僧衆赴供受食座上設一壺僧座旁設一小桌安一盤盤供鬼子母凡行食時先供聖僧次供現前大衆後供鬼子母食無有各各出生之制今順東土古儀謹各各出生但不可覆覆作也

侍者送食

汝等鬼神衆 我今施汝供 此食徧十方

一切鬼神共

庵穆力陵莎訶三下侍者送食同

佛制比丘食存五觀散心雜話信施難消大衆聞聲

聲各正念 律中佛制衆僧受食相敬者因外道諸

齊唱云三昧耶多所有毒藥皆變爲上妙美味衆

食安樂免其毒害百億諸神多此食等供衆衆僧

所唱之偈呪也咒語三昧耶多此食等供衆衆僧

食皆平等故又云書至謂供具善成食時復至故今

此方唱五觀令衆一心受食而爲僧者一則無有

外道毒害故二則令人懷愧愛食故是以瞋非正制

東夏通行

執持應器 當願衆生 成就法器 受天人供

庵呌哩呌哩囉日囉吽愛吒三下鉢鉢當背

初願斷一切惡二願修一切善三誓度一切衆生如

行者承此呪願力勝河沙七寶百味飲食

供養諸佛菩薩賢聖僧也○五觀無違

一計功多少量彼來處 二付已德行全缺應供

三防心離過貪等爲宗 四正事其業爲療形枯

五爲成道業應受此食

等爲宗。明了齋疏云。出家先須防心三過。屬於上味。食起貪。下味食起瞋。中味食起癡。以此不知慚愧。墮三惡道。凡受食時。當作此觀。四正事耳。藥爲療形枯。割肌爲受病。四病爲客病。故須以食爲醫藥。用資其身。凡受食時。當作此觀。四病者。人身恒地水火風四大所成。一大不同。則生百病。一種病人。身恒共成。四百四病。五爲成道業。應受此食。則不食。則飢渴病生。道業何成。增一阿含經云。多食致苦。患少食。氣力衰。處中而食者。如秤無高下。凡受食時。當作此觀。

結齋先念準提咒。次念此偈云。

財法二施 等無差別 檀波羅蜜 具足圓滿

取楊枝神中名曰齒木楊有四種皆可枕齒也一白楊葉圓二青楊葉長三赤楊葉長葉赤

下乃小楊也若無拂處將何梳頭卸一切木皆可

味者嚼之不獨厚柳木一種

手執楊枝 當願衆生 皆得妙法 究竟清淨

薩巴嚩述答。薩哩吧。答哩嘛。薩巴嚩述怛。𑖀𑖦𑖫𑖞𑖳𑖻

莎翁二十一世紀

咽喉枝

噯楊枝時 當願衆生 其心調淨 噯諸煩惱

阿耨。伽。彌。摩。隸。爾。嚩。嚩。僧。輪。駄。你。鉢。頭。摩。俱。摩。

爾嘛僧輸駝耶陀囉陀囉素彌麼啐莎嚩訶三偈

其嚼楊枝有五種利益。一口不苦。二口不臭。三口

乘屏處不得擲大衆行坐之所

Figure 6.

海口連心淨
吻水百花香
三葉恒清淨

同佛往西方

心隆罕沙訥三德

以彰智行功德，消除煩惱業障，比丘每日

早食竟過木已須禮佛出杖若有白衣及沙彌令彼授與若無禮佛三拜起已自取持出向東拭塵如法作觀其觀行威儀廣詳錫杖經中手取杖時默誦此偈呪

執持錫杖 當願衆生 設大施會 示如實道

唵那囉嚩那囉嚩那囉嚩鉢底那囉帝娜夜鉢摩呼愛吒三遍

敷單坐禪

若敷牀座 當願衆生 開敷善法 見眞實相

正身端坐 當願衆生 坐菩提座 心無所著

唵囉則囉阿尼鉢羅尼邑多耶莎訶三遍

睡眠或百千聲或萬聲已即誦偈云

以時寢息 當願衆生 身得安隱 心無動亂

①阿 觀想阿字輪一氣持二十一個然後臥臥須右

裏衣小衣臥當須憶念本參

取水 梵語鉢里羅伐幸此云澆水羅律中諸比

若三角若作安部若作澆水羅律中諸比

中不應棄地還安著水中會正記云若作澆水羅律中諸比

時不應以天眼者亦不得使關眼人看乃至能見掌

門等訓云澆水羅乃行慈之具濟物之緣大行由是而生至道因茲而剋凡取水時誦此諸佛名偈呪功

佛無誣可爾

若見流水 當願衆生 得善意欲 洗除惡垢

南無歡喜莊嚴王佛 南無寶髻如來

南無無量勝王佛

唵囉悉波羅摩尼莎婆訶三遍

若見大河 當願衆生 得須法流 入佛智海

若見橋道 當願衆生 廣度一切 猶如橋梁

浴佛

我今灌浴諸如來 淨智莊嚴功德聚

五濁衆生令離垢 同證如來淨法身

讚佛

讚佛相好 當願衆生 成就佛身 證無相法

唵牟尼牟尼三牟尼薩嚩賀

繞塔 僧祇中禮佛不得如趨半又禮佛塔應當右

事一低頭視地二不得瞻顧三不得左右觀四不得

得好音聲三得生天上

四生王侯五得泥道還

右繞於塔 當願衆生 所行無逆 成一切智

南無三滿多沒馱喃唵杜波杜波婆訶三遍



看病 律制具五德者方聽看病一知病人可食不
可食可食應與二不應與病人大小便溲吐
三有惡心不為次食四能理湯藥乃至若死
五能為病者說法已身於善法增進不久看病
但一見時即隨此偶況以入
福田中看病是第一福田

見疾病人 當願衆生 知身空寂 離乖諍法

庵室哩多室哩多軍吒利莎嚩賀三

剃髮 文殊菩薩所集剃髮日初四初六初七初八
初九初十十一十四十五十六十九二十二
二十三二十四二十五
二十六二十九 默念此偈

剃除鬚髮 當願衆生 遠離煩惱 究竟寂滅

庵悉般都漫多囉跋陀耶婆娑訶三

沐浴 律制比丘半月一浴不得過除病時熱時作
時風時雨時進行時不論又則沐浴當擇其
日所忌者六齋日新日諸天下界人善惡宜修
作好事所期六齋日者每月初八十四十五二十
二十九三十凡入浴當將淨衣掛竿上屬衣挂
竿上不得浴堂小邊不得共人語笑不得洗齒凡
有瘡癰宜在後浴或可長瘡
宜避避免刺人眼默念此偈

洗浴身體 當願衆生 身心無垢 内外光潔

庵跋折囉惱迦吒莎訶三

洗足

若洗足時 當願衆生 具神足力 所行無礙

庵嚩莎訶三

沙彌十戒相

沙彌有二種一形同沙彌二法同沙彌若但剃度未
沾戒品名曰形同沙彌若受十支淨戒名曰法同沙
彌法同中又分三種自七歲至十三歲受戒名曰沙彌
十四至十九歲應法沙彌二十已上號名曰沙彌

一曰不殺生 二曰不盜 三曰不淫

四曰不妄語 五曰不飲酒

六曰不著香華鬘不香塗身

七日不歌舞倡伎及故往觀聽

八曰不坐高廣大牀

九曰不非時食

十曰不捉持生像金銀寶物

沙彌應具五德應知十數

福田經云沙彌應知五德一者發心出家懷佩道故

二者毀其形好應法服故三者割愛辭親無適莫故

四者委棄身命尊崇道故五者志求大乘為度人故

僧祇律云應為沙彌說十數一者一切衆生皆依飲

食二者名色三者知三受四者四諦五者五陰六者

六入七者七覺意八者八正道九者九衆生居十者

十一切入

沙彌尼十戒相同上不重列

毗尼日用切要終

序

原夫文以證理。理以徵心。心正則事行。胥匡儀恭。則感物必應。此佛氏之教。必先乎戒學也。戒學乃定慧之首。果能精進於此。則定慧何由而不生。耶宇內說教說禪。亦如稻麻竹蕒。究之毗尼。一宗捷於影響。考其旨趣。無非欲人明心見性。若能日用提持。使身心束斂。而六度萬行有不攝入大圓鏡智矣乎。余碌碌塵空。間嘗屏息外緣。一榻靜坐。自覺無盡藏中。圓融顯現。俱各了了。意者毛吞巨海。芥納須彌。其信然耶。昭慶宜潔律師。以手雙香乳記一冊惠余。正值桐陰。滴露桂熱。飄香之候。盥讀一遍。知其深明梵典。即專五篇三聚。令緇素者流。領會斯文。自當持平。偈於行住坐臥。中日無間。斷將見摩尼梵網光明。相映。端不負寶華正派也。詳註方策。嘉惠後學。簡明軌範。孰能舍旃。

康熙戊戌寅九月海寧楊雍建以說題於弗過軒

序

沙界衆生。種類千差。諸佛出世。說法萬別。約略言之。經律論而已矣。經者。詮定律者。詮戒論者。詮慧戒定。慧三爲六度之綱。領萬行之根本也。摩竭提國。談佛刹海。稱之爲經。伽耶城邊。與諸菩薩問答。業報種種。因緣稱之爲論。菩提樹下。初結菩薩波羅提木叉。稱之爲律。此即佛說大乘三藏也。波羅奈爲五人說修多羅。羅閱祇爲須提那說毗尼。毗舍離彌猴池。爲跋耆子說阿毗曇。此即佛說小乘三藏也。經論通五人律。唯佛說降佛已還。雖文殊波離不敢增減一字。如禮樂征伐。自天子出。諸侯大夫莫能專制者也。及佛滅後。摩訶迦葉將諸羅漢。在耆闍崛山中。集三藏文殊。勸諸大薩埵。將阿難集摩訶衍。故清涼云。華嚴般若等。爲大乘經。藏菩薩戒善戒經。爲律。瑜伽智度等。爲論。小乘四阿含等。爲經。五部律。爲戒。婆沙等。爲論。世間衆生。稟此三法。修持依教。觀心者。名爲增上心學。遵律持身者。名爲增上戒學。憑論悅口者。名爲增上慧學。三無漏學。成立大小乘果。無不得證。也是

以佛在世時有持修多羅比丘持毗尼比丘持摩多羅比丘如來滅後亦有禪教律三宗之區別也迨夫漢明遺求騰闢傳法迄至曹魏之初僧徒甚衆未稟歸戒止以剪髮殊俗後有曇摩迦羅誦諸部毗尼立羯磨授具準用十師中夏戒律始也姚秦羅什譯十誦律與梵網戒本佛陀耶舍共竺佛念譯四分律藏劉宋勸賓沙門佛陀什譯五分律梁僧祐律師大闡毗尼唐南山宣律師作戒疏羯磨疏事鈔弘四分律由此赫奕天下謂之行事防非止惡宗旨魏陳隋之際斯爲盛矣宋仁宗嘉祐間開元九堪律師作會正記靈芝照律師述資持記元明已來律宗罔聞幸今華山見月老和尚力弘戒學出止作二持黑白布薩傳戒正範行羯磨定安居與絕舉廢光前裕後獨步大方莫過於師矣昭慶宜深大師稟授良深不揚妙海宗猷雙釋毗尼切要名曰香乳記宗說雙通事理並暢誠末世之光明幢法門中之優鉢羅也昔我康藏和尚以淨行品別行宣城主師集爲苦海浮囊今述香乳記欲挈法界衆生共入毗盧性海取觀音大

悲手乳分芳無盡也其善繼之功豈曰小補哉余詳此源以告來學作一策發何如 皆
康熙丁丑年仲春花朝驚蟄節旦

浙水慈雲灌頂行者續法整譚

序

夫毗尼切要者爲大道心人利生修證之本也凡人能讀斯文發斯願行斯行者即同圓覺無二無別欲度衆生欲求佛道要須行在一心自然功成二利其或行願未備則證入無由矣

先和尚感惜於此故從華嚴淨行品并密部中重探偈呪彙集成卷題名毗尼日用切要務令初發心人熟讀玩索朝夕行用漸成道果不致坐消信施虛度光陰語謂大聖度人功惟在戒先聖後聖其揆一也憶昔和尚誡衆云此日用一書乃是一乘妙法進道鎚基事攝身心理歸圓頓不得視爲泛常偈呪是知切要之功至矣哉當盡善行持毋怠忽焉玉親親也晚幸蒙策駕駕前行不容暫憩二十年來乾乾惕



勸甲子春住昭慶應衆請演隨文箋釋名曰香乳記
觀音大悲手香乳濟衆生自愧庸學豈敢承當聊以
下愚一瓣之心香用酌

和尚法乳之深恩慮江河之日下取古鏡以鑑今文
非華美詞涉典章苟能依此止行實有裨於來學也

岩

康熙二十三年佛歡喜日律學比丘書玉述

毗尼日用切要香乳記

凡例

一題前懸敘三義門者和尙止持會集尙選賢宗
法式今釋依行豈敢違越

一題爲一書之總故先釋人是能彙集者故次釋
行諸久遠恐茫昧故偈乃所詮正文故後釋

一集中五十四偈三十七呪各以事類首標錄開
四十四門今但隨文依次箋釋更不重科以塵

法眼

一偈有當願衆生俱係華嚴淨行品文其餘呪偈

並出密部及諸經論今皆消文不暇詳演一恐

聞者厭繁二因疏家已鈔若欲廣明當若藏教

一偈中四句不出二意一約三乘初句攝律儀戒

次句攝衆生戒三四攝善法戒二約四弘初句

學法門願次句度衆生願三四斷惱成佛二願

隨文配之此皆義易可思故初偈略釋餘皆隱

而不發今先表明覽者自悉

一箋釋本意專爲發明當文故不論經律諸書凡

相符者咸引證於此作一助顯

一呪出密部自古不翻今敝先德不敢強釋果能

依法虔誦畢得消災生福

一項格書者但屬佛說偈呪低一格標集字者係

和尚集文標記字者乃今家釋語若不提清恐

作述成混濫也

一供養偈文行本原無食時念誦焉可不解故於

中附出略爲箋釋修持者不致有疑難焉

一偈末戒相諸部具明今略釋者以便初學觀覽

箋記綱目

序	三遊
凡例	十則
綱目	四紙
箋記	二卷
上卷	
懸譚	五門
一教興	具十緣
二藏攝	閱三
一藏攝	又三
二乘攝	又二
三教攝	又二
三宗趣	有二
四釋題	分二
五解文	五類法相
一早覺門	一偈
二鳴鐘門	一偈
三聞鐘門	一偈

四看衣門	三偈	四記
五下單門	一偈	一記
六行步門	一偈	一記
七出堂門	一偈	二記
八登廁門	一偈	一記
九就水門	一偈	一記
十洗淨門	一偈	一記
十一洗手門	一偈	一記
十二洗面門	一偈	一記
十三飲水門	一偈	一記
十四衣門	一偈	一記
十五衣門	一偈	一記
十六衣門	一偈	一記
十七具門	一偈	一記
十八道場門	一偈	一記
十九讚佛門	一偈	一記
二十禮佛門	一偈	一記
二十一淨瓶門	一偈	一記

十二上

二卷二十一門二十三偈一十九呪一
十九集六十四記并前人法在內
音釋 六紙

下卷

三	三	一	三	九	二	八	二	附	七	六	五	四	二	附	三	二
漱口門	嚼枝門	取枝門	受齋門	結齋門	洗鉢門	洗鉢門	三觀門	內三匙門	舉鉢門	僧跋門	送食門	出生門	供養門	內供養門	受食門	展鉢門
一偈	一偈	一偈	一偈	二偈	一偈	一偈	五觀文	三心願	一偈	一跋	一偈	二偈	供文	五偈	一偈	一呪
一呪	一呪	一呪	一集	二記	二記	二記	一集	一集	二記	一集	二記	三集	十記	三集	二記	二記
二記	二記	二記	二記	三記	二記	二記	七記	五記	二記	二記	二記	三記	三記	十二記	二記	二記

二	三	四	五	六	七	八	九	十	四	二	四	四	四	四	四	下	附	一	二	二	二
式叉摩那	三十數	二五德	一十戒	沙彌及尼	戒相	洗足門	沐浴門	剃髮門	看病門	繞塔門	贊佛門	浴佛門	取水門	睡眠門	敷坐門	錫杖門	戒相	沙彌及尼	一十戒	二五德	三十數
又二	十記	七記	一集	又三	分三	一偈	一偈	一偈	一偈	一偈	一偈	一偈	三偈	一偈	二偈	一偈	一偈	一集	一集	七記	十記
			十二記			一呪	二集	一集	一集	一集	二記	二記	七記	二記	三記	二記	一集	十二記			
						二記	三記	二記	三記	三記	二記	二記	七記	二記	三記	二記	一集	十二記			

- 一六戒 一集 七記
- 二縷衣 一備 一集 二記
- 三優婆塞及夷 又二
- 一五戒 一集 七記
- 二八關齋戒 一備 三集 六記
- 上三七集五十一記加前成
二十六集一百四十六記
- 上下二卷 總共四十四門五十四備三十
七記四十五集二百一十記
- 緣起二紙音釋六紙

毗尼日用切要香乳記卷上

清 古杭昭慶萬壽戒壇傳律比丘書玉箋記

將釋此典先依賢首般若略疏開爲五門一教
與二藏攝三宗趣四釋題五解文今於題文之
前亦懸敘三義門也

初教興因緣依大智度論云如須彌山王非無因
緣非少因緣今得振動毗尼教興亦復如是具多
因緣一爲師資模範故二爲行止根本故三爲滅
衆惡業故四爲生諸福慧故五爲成三聚戒故六
爲弘四誓願故七爲攝持身心故八爲利益自他
故九爲發覺初因故十爲圓滿佛果故具斯十緣
令此教興

二藏乘教攝於中開三先藏攝者藏有三二三藏
經律論也經是化教開誘化導也律是制教制約
行業也論則推徵解釋經律之意也偈出華嚴淨
行品屬於化教經藏攝也據問答義意及立名題
偈後戒相屬於制教律藏攝也而無問答註解故
非論攝 二四藏前三藏外加一陀羅尼藏偈下

諸呪陀羅尼也。經律顯教攝。呪則密教攝也。三藏聲聞菩薩也。並顯利他。不專已故。菩薩藏攝。非聲聞也。

大乘攝者。乘有二。一顯教明五乘。謂人天聲聞緣覺菩薩也。偈是文殊以答智首。屬菩薩大乘攝。非前四乘也。二密教明四乘。謂聲聞緣覺方廣金剛也。寶王經說一切陀羅尼。皆從方廣大乘最勝金剛乘中流出。此之三十七呪。並屬後二乘攝。非前二種乘也。

後教攝者。教有二。一十二分教。一修多羅。此云契經。長行文相也。二祇夜。此云重頌。重說偈頌也。三和伽那。此云授記。說與果證也。四伽陀。此云孤起。孤起頌也。五優陀那。此云無問自說。不請自陳也。六尼陀那。此云因緣。有故而說也。七阿波陀那。此云譬喻。取喻得解也。八伊帝目多伽。此云本事。本昔事業也。九闍陀伽。此云本生。本昔受生也。十毗佛略。此云方廣。廣理廣談也。十一阿浮達磨。此云未曾有。法希有神力也。十二優婆塞舍。此云論

義。逐為問答也。今是孤起。因緣方廣三分教攝。非餘九部也。

二賢首五教。一小乘教。但說我空。經少說法。空亦不明。顯但依六識三毒。建立染淨根本。未盡法源。故多證論。二大乘始教。亦名分教。於中但說諸法皆空。未盡大乘法理。故名為始。但說一切法相。有不成。佛故名為分。三終教。亦名實教。說如來藏。隨緣成阿賴耶識。緣起無生。一切皆如。定性二乘。無性。闍提悉當成佛。方盡大乘至極之說。故名為終。以稱實理。故名為實。四顯教。總不說法。相惟辯真。性亦無八識差別之相。訶教勸離。毀相泯心。但一念不生。即名為佛。不依地位漸次。故說為顯。五圓教。所說唯是法界性海。圓融緣起。無礙相即。相入。帝網重重。主伴無盡。故名為圓。今多華嚴偈又正屬圓教。偈云。入深法界心。無障礙。又云。得無礙眼。見一切佛。皆圓義也。約所詮法。亦通前三偈。云。勤求佛道心。無懈歇。又云。具足盛滿。一切善法。分教也。偈云。得淨法門。永無垢染。又云。成就佛身。證無

相法始教也。偈云：設大施會，示如實理。又云：皆得妙法，究竟清淨。終教也。偈云：心得解脫，安住不動。又云：入第一位，得不動法。頓教也。斯則有其所通，無其所局。故此圖教語廣，該攝無量教乘語深，唯顯一佛乘也。準知此部圓頓攝矣。

三所詮宗趣。當部所宗曰：宗宗之所歸曰趣。然先總後別。總以自行佛戒止惡作善清涼心地爲宗。化他佛道同一圖覺一如無二爲趣。別開五對一者教義對毗尼教相爲宗。令悟偈妙義爲趣。二者行願對隨事起行爲宗。善巧發願爲趣。三者身心對身修行願爲宗。防心不散爲趣。四者智慧對大智運心爲宗。大悲利物爲趣。五者因果對悲智圖因爲宗。成證果德爲趣。此五是從前起後漸漸相由矣。

四總釋名題於中分二

初釋法題

毗尼日用切要

圖毗尼日用切要者乃此集之總題也。對偈呪有

能所制化之別。題爲能詮依制教得名。攝律藏也。偈呪爲所詮依化教成文。屬經藏也。然經家七種立題。此但約法爲目。如人六根以目爲首。展其目而諸根俱現。見此題則知有如是偈呪也。又毗尼是通名。日用切要是別名。取止惡作善爲宗教化衆生。同入佛道爲趣。防護諸惡故名爲止。策修衆善故名爲作。毗尼止義是惡應止也。日用切要作義是善應行也。上略釋梵語毗尼華言善治謂能自治一切惡亦能治衆生一切惡也。此從功能得名。又翻爲調伏。謂調練三業制伏過非。調練通乎二持制伏。惟明止惡。此從功用得名。正翻爲律。律者法令也。從法得名。謂斷割輕重開遮持犯非法不能定。故譬如國家賞罰號令必從王出。諸侯僭越士庶失信則敗亡無日矣。佛法亦爾。大千世界佛爲法王。律是佛勅菩薩二衆不敢增減一字。若容他說則羣生不奉法不久住矣。此二字顯教也。日用者即從日。至暮從暮至曉二六時中用此偈呪束縛身心。令初學受戒人於五塵境上四威儀

間或早覺或洗足涉歷事緣皆即發弘誓願離諸
過惡持秘密呪調伏三業普令一切衆生均霑法
利同成覺道良以入道初門發心爲首欲登戒品
立願爲先心發則衆生可度願立則佛道可成是
故初學戒時須當讀此偈呪日用行持證入有日
矣譬如國王與怨敵共戰必得猛將統衆向前始
能取勝初發心人亦復如是欲與生死怨賊共戰
先須用此偈呪勇往直前統攝身心精修善法方
能降伏煩惱魔軍也故遠公曰心爲一身之主萬
法之本心王若正則六賊不侵正念現前易得入
道今日用偈呪正其身心所謂生處轉熟熟處轉
生如是用心日新其道故名日用此二字彰行也
合上釋之毗尼是約教日用是約行教非行而教
爲虛設行非教而行爲邪謬教行相兼始成勝用
五祖演禪師云衲子守心城奉戒律日夜思之朝
夕行之此之謂也切要者謂親切簡要揀非疎漫
冗雜也謂此偈呪是切近身心如切物器具乃道
德要務如要行徑路俾學戒者於穿衣喫飯禮佛

坐禪乃至出入行來大小便利等時時刻刻檢束
根識不使一毫放逸喻如調象施鈎御猴用鎖今
以偈呪制心一處晝夜無間則無事不辦也但不
得輕此偈呪惟是持誦邊事當知皆是大乘菩薩
所發上求下化之弘願及諸佛心印秘密之妙法
受戒之人果能如是起慈悲心具真實念依事顯
理發願行持者即同究竟覺無二無別也此二字
切約理與身心最親切故要約果是道德之緊要
故合此四門總名爲毗尼日用切要也淨行品智
首問云菩薩云何得無過失身語意業云何得圓
滿檀波羅蜜尸波羅蜜豈非此中毗尼義耶文殊
答云若諸菩薩善用其心則獲一切勝妙功德豈
非此中日用義耶又智首問云云何得與一切衆
生爲依爲救爲炬爲導豈非此中切要義耶準此
文義教屬圓頓時涉華嚴後之學者不可忽也爰
釋法題已竟

次釋人題

寶華山弘戒比丘讀體重集

○人中三意。先住處寶華山。名此山是寶誌公開關。以人彰名。故云寶也。華者山似蓮華形也。誌曰去金陵七十里。遠句容五十里。羣峯環繞。勢若垂蓮。般若經云。南海北有寶華山。古佛所居。賢劫千佛名中有華山。佛明李太后忽夢一山皆蓮。因下部遍搜名山。有蓮華其名者。部以此山應勅建銅殿。并賜寺額。聖化隆昌。師住此山弘揚法化。故先舉也。次人名弘戒者。人之法行也。廣布戒法曰弘。清淨身心曰戒。比丘前立此二字者。人能弘道。故不云經論而云戒者。三無漏學固無不博弘傳利濟。專尚律宗。故云弘戒也。比丘者。僧之通稱也。翻爲破惡。修正助道。破見思惡。故讀體者。師之別名也。亮如法師云。自性理體讀教。方成。因是取之。今在華山大闍律法教化衆生。頓徹本源心地也。按傳師字見月。滇南白鹿郡許氏子。祖籍江南。句容洪武初開滇黔。以軍功封昭武將軍。世襲指揮使。遂世居白鹿焉。父胤昌。母吳氏。感異而生。師生而神敏。稍長。輒有曠致。逸情善繪事。尤工大士像。

人爭寶之一時。小吳道子。年十四。父母繼卒。伯無子。育師爲嗣。至二十七。忽念世相無常。棄簪纓而去。於劍川州赤宕。謁遇一闍若老僧。與語甚契。授華嚴。閱世主妙嚴品。有省。遂詣寶洪山。亮如法師乞度。先一夕。法師夢一人。身披袈裟。衆僧擁蹕而求。剃染及旦。見師喜爲再來人也。遂與禁戒。閱江南三昧律祖。慕之。偕友成拙。携瓢笠東行。艱苦備嘗。先入南岳。參衆居道人。劉大師代演楞嚴。四依解。繼登破額山。馮茂山禮諸祖。道場進九華。朝五臺。再渡大江。始遇味祖于海潮菴。具戒充上座。代講梵經。四衆莫不稱善。師猶欲然不自足。乃于藏中檢四分廣律及餘部律文。敷之。遇藝滯。禱佛求解。默坐移時。渙然冰釋。次從味祖傳戒。金陵報恩寺。座下千人。師臨壇教授。忽憶昔時夢至一大寺。金碧交輝。慈雲集自。顧已成僧相。一瞿曇丹衣高座。招上授經。命講衆皆跪聽。汗流而覺。及是所見恍符前夢焉。後隨味祖主華山。以教授兼掌院務。廢寢忘食。始終不怠。味祖嘗語衆曰。老人三十年。

戒幢若非見月幾被摧折示寂日取榮昌公主紫衣并諸部戒本付之師嗣席即以十誦勸衆一不與剃度爲徒二不受納資養老三不攢單給疏四不積蓄香儀五不私備菓食六不私設廚庫七不避作務八不行弔賀九不立化主募緣十不許絲衣晚食有違約者決不留住自後依律受具結界安居人見聞者咸謂南山再世也 國初山寇入寺蹂躪師齋畢以利青曉之衆皆俯首即刻遁去巴版二將軍與陳中丞異之給帖證護於是躬修般舟三昧爲衆楷模九十晝夜不坐不臥如此者二次復遵祇園遺制建石戒壇于銅殿之右斷基之夜感大士現瑞炳然壇殿交光直冲霄漢師開壇說戒少則五千指多至萬四千指受別請如常州之天寧眞州之五臺金陵之碧峯及紫竹林宿遷之極樂并本山慈應天隆所至道俗老幼聞咽街衢將謝世示微疾囑諸門人曰勿進湯藥更七日行矣至期端坐而逝當生于萬曆辛丑年三月三日示寂于康熙己未年正月二十一日也世壽

七十九僧臘四十四坐夏三十三經七日茶毗時四衆弟子遐邇皆集悲鳴徧塋佛聲震天猷光中或見佛相紫烟內或現蓮華火滅後收取靈骨獲舍利五色者不可勝數師一生來入坐道場開戒七十餘期法嗣六十餘人門弟子以數萬計所著止持會集十六作持續釋十五傳戒正範四大乘玄義卷一藥師懺法卷一剃度正範卷一僧行軌則卷一三歸五八戒正範卷一教誡尼正範卷一黑白布薩卷一幽冥戒正範卷一等諸書並行於世身長大頂肉鬚聲若鉦鐘貌類古佛有自誦南難足山來者云師是迦葉尊者化身至於馬陵之枯泉自澄龍眠之三世冤消冥戒歸依神龍護法種種靈奇難可具錄餘詳御史李模督河孫在豐二塔銘太史尤侗侍御方亨咸二傳及方伯丁思孔道行碑中須者檢之後續述重集重聚也結法之詞蓋初心人難以入道故重採經論偈呪類聚成章令其日用警策身心戒乘均急自他共利何因不圓何果不證也愛釋人題已竟

五別解偈文

早覺

圖早者清晨也。人從寐醒曰覺。後夜初覺曰早。若人熟睡之時。煩惱覆蓋六識。歸種不起。分別就電閃雷轟。風吹石墜。亦莫能醒。名曰不覺。誠所謂暫時不在。如同死人。毗尼母經云。時諸比丘。貪著睡眠。樂故廢捨正業。金剛力士作是念。言如來三大阿僧祇劫。種種苦行。乃得成佛。今諸比丘貪著睡眠。樂故不復行道。云何得爾。諸比丘聞已。白佛。佛告諸比丘。貪人信施。不應懈怠。夜三時中。應二時禪誦經行。加工進道。以補晝之不足。中夜神疲。聽其歇息。今從睡眠中醒。故曰早覺也。

集經律通制出家弟子。初夜後夜。精勤佛道。勿貪睡眠。懶惰放逸。故醒覺時。當誦此偈。

睡眠始寤。當願衆生一切智覺。周顧十方。

圖睡眠者。五蓋煩惱中一蓋也。謂意識昏熟。曰睡。五情闇冥。曰眠。即目閉神藏。寢臥時也。寐覺曰寤。古云其寐也魂交其寤也形開。今言始寤者。方其

將醒未醒。未受色惑以前。不落意識分別。正眼。層謎之時。謂之始寤。即初醒也。又寤者。如日之初昇。睡者。如日之沉墜。人之靈根。生於天地之間。稟於天道。故天日墜而人眼亦睡。天日昇而人眼亦開。一晝一夜。一動一靜。隨天道運行。若背逆天道。雖青天白日。黑於長夜。則不成睡眠矣。惟有大覺世尊。或睡或寤。而作佛事。故吾人始寤之時。當作是觀。當發是願也。然一切衆生。無明障蔽。慧照不現。如處長夜。我今覺照。令諸衆生。斷惡修善。故云當願衆生也。一切智覺者。謂十方洞照。曰智。三世齊明。曰覺。又云。心有所知。曰智。發明大事。曰覺。即如來所證一切種智。亦名佛智。謂能以此智。知一切衆生之道法。能以此覺。覺一切衆生之因。種此皆如來慧衆生。住於無明之地。而爲黑暗之所覆蔽。以大智慧。日而覺照之。故云一切智覺也。周顧十方者。周顧。即徧觀也。斯具二義。一則對於凡流。二則發明大事。因緣從指天指地處。來謂二衆人。祇見一隅。未見全像。惟如來清淨智覺。於日月不

到處而光明普照於夢想不到處而寤寐一如故
菩薩開智覺正眼而能周顧非獨覺照自己一隅
而能覺照不可說衆生不可說世界豁然雲開日
現故云周顧十方也。佛本行經云東方表涅槃最
上南方表利益衆生最上西方表解脫最上北方
表永斷輪迴最上然此一偈之中三聚淨戒俱攝
初句律儀二句衆生三四善法如初醒不容雜念
攝律儀戒即令持此偈文攝善法戒後三句即饒
益有情戒又約四弘誓願初句學法門次句度衆
生三句成佛道四句斷煩惱菩薩發心不離四願
餘偈皆同不繁重例若論持此偈呪以凡夫口即
成佛口攝之於願當願衆生皆成佛道復歸於圓
故此偈呪是一乘圓頓法門菩薩境界非二乘狹
劣身心所能及也

鳴鐘

圖聲出曰鳴乃人所扣也鐘者空也空內受氣多
故聲大此是法器周禮考記云鳧氏爲鐘五經通
義云鐘者秋分之音萬物主秋而成至冬而藏故

金爲鐘相繼不絕也西京記云發鯨魚經華鐘薛
宗註云海中大魚名鯨海島有獸名蒲牢畏鯨擊
鯨一擊蒲牢輒大吼凡鐘欲令聲洪故作蒲牢於
上擊鐘之木爲鯨魚形也通載傳云拘留孫佛於
乾竺修多羅院造青石鐘於晨擊時有諸化佛與
日俱出密說顯演十二部經聞法證聖不可勝數
故晨昏鳴之有警策之功凡鳴鐘者應先持此偈
然後執椎念華嚴經題并若人欲了知等偈及唵
伽囉帝耶娑婆訶共三十五字一緊一緩爲一通
三通共一百零五末擊三下總成百八所以然者
事依理起故事能顯理也由是百八愚痴聲聲喚
醒百八三昧椎椎打就偈曰起七舒徐落八動中
間二十要分明三通纔罷饒三下諸佛龍天側耳
聽增一阿含經云若打時願一切惡道諸苦並皆
停止若聞鐘聲兼說偈贊得除五百億劫生死重
罪百丈云叢林擊鐘早擊破長夜之昏沉暮擊拔
幽冥之苦暗引杵宜緩揚聲令長如昔日誌公借
武帝道眼見地獄苦相問曰何以止之誌曰惟聞

鐘聲其苦暫息。遂詔天下寺院。凡鑿鐘令舒徐其聲焉。

集凡晨昏鳴鐘時。詣鐘前至誠合掌。誦此偈已。手方鳴鐘口。或誦諸佛名號。或誦大乘經名。或誦秘密令一切有情聞聲離苦。咸得解脫。

願此鐘聲超法界。鐵圍幽闇悉皆聞。聞聲清淨證圓通。一切衆生成正覺。

圖志求滿足曰。願氣傳於外曰聲。謂撞打鐘時。即發弘誓願諸衆生聞聲成佛也。第一句因擊鐘發願。二三兩句願苦惱衆生離苦得樂。第四句普爲一切然聲有三種差別。一執受大種聲。謂一切有情所具之聲也。二非執受大種聲。謂風性無情所受之聲也。三俱執受大種聲。謂鐘鼓之聲。必待提椎而令聲顯發於外。即此鐘聲是也。透越一切曰超。超者限也。萬法之所出生。萬法之所歸趣。故曰法界。然有性分二義。隨事分別。故名爲分法性。不能變易。故名爲性。謂衆生心色等法。各有差別限量。故又超者脫也。不爲物障。故凡聽不出聲見不

超色者是爲聲色所縛。今聲無聲相。不爲障得之所障礙。故得鐵圍悉聞。而聞聲清淨。所以超也。法者統言有四。謂理與事。理事無礙。事事無礙也。然理法言界者。性義。事法言界者。分義。理事無礙。事事無礙者。雙具二義。又有能所之別。謂法是能具之體。界即所具之量。其理事不同。謂性靜明體曰理。形相分別曰事。廣大之理。咸歸一塵。一塵之色。周徧法界。先由事顯理。後得理忘言。理事交徹。圓融無礙。故名法界。即諸佛衆生之本體也。四聖六凡。隨因感果。界分各各不同。所謂九地不知十地。事總而言之。不出一心。一心不生。萬法俱息。經云。心生則種種法生。法生則有種種境界。限故有三乘六趣。今承此願及法力之功。總能超越也。梵語所迦羅。應法師云。輪山。舊云鐵圍。圖即輪義。幽暗者日月不能照處。皆由衆生業力所成。煩惱障蔽。正報相續。依報於此不能超脫。故楞嚴經云。由此無始衆生。世界生纏。縛故於器世界不能超越。今鳴鐘時。仗三寶威力而令此聲上徹天堂。下通地府。

皆得聞也。鐵圍等句。且約三惡道論。以聞聲脫苦。故幽闇二字。該具餓鬼畜生。故不別言也。衆生者。假五陰之實法。成衆生之假名。聞聲清淨證圓通者。謂能轉聞塵而成聞慧也。染汗情識曰塵。即耳根所緣之聲塵。聲塵清淨成佛可期。如觀音修證。初於聞中入流亡所。動靜二相了然不生。乃至忽然超越世出世間證入圓通。而成正覺。故願一切衆生亦從聞中成正覺也。此是自己已鳴鐘未扣之時。所發願力。雖非佛制。有益當行。

聞鐘

聞耳根發識爲聞。凡聞鐘聲默念此偈。默念者。心聲也。心有聲耶。心無聲耶。無聲之聲。祇可自聞。不堪人聽。故楞嚴經云。反聞聞自性。何不自聞聞其心聲之謂也。

集晨昏於行住坐臥間。一聞鐘聲時。即誦此偈。呪聞鐘聲。煩惱輕。智慧長。善提生離地獄。出火坑。願成佛度衆生。唵。伽囉帝耶莎訶三遍。

聞煩惱者。即根隨二種也。與心作煩惱。令心作煩惱。故

止觀云。昏煩之法。惱亂心神是也。若聞鐘聲持此偈。呪經有極重煩惱。化爲輕清矣。審理曰。智分別曰慧。即根後二智也。如觀世音從聞思修入三摩地。自然煩惱慧長。善提者。智果也。一聞鐘聲。智慧之心。花頓發。善提之道果。速成。此謂寂滅現前。菩提自生也。言地獄者。謂在地之下也。梵語泥犁。此翻苦具。又云。苦器。亦名不可愛樂。謂晝夜煎逼。罪人故。又地者。底也。萬物之中。地最在下。故名爲底。獄者。局也。謂拘局罪人。不得安樂。故云局也。又名無有謂彼獄中。無有義利。故正云。捨落迦如婆沙論中。名不自在。處謂彼罪人爲獄卒。阿旁之所拘制。不得自在。故臚部洲下。過五百踰繕那。乃有其獄。然此獄有大有小。大者八處。謂八寒八熱等。各有眷屬。其類無數。此中受苦者。隨其作業。各有輕重。經劫數等。其最重處。一日之中。八萬四千生死。經劫無量。作上品五逆十惡者。感此道生小者。十六。謂燒煨鋒刃等。地獄是總名。火坑乃別指。是十六中之一名也。今聞鐘聲。即能超越世出世間。自

令離地獄出火坑也。十方圓明是曰成佛。獲二殊勝。故曰度生。若論一聞鐘聲而即生正念。是以煩惱輕微。智慧增長。即轉惡障而成智德。故云菩提生也。然智慧且約因論。菩提正指果德。離者解也。出者脫也。即轉地獄火坑苦障而成解脫德。故云離出也。發願成佛。即轉業障而成法身德。是為三障消而三德圓。故能盡未來際度生也。然未有不發願而度生者。從來亦未有不度生之佛。若眾生不自度而先願度生者。此心即是佛心。當知此心此願。皆從聞鐘聲處發起。一時無邊煩惱從此截斷。無間地獄從此而破。無盡法門從此證入。無上佛道從此而成。可見聞鐘利益不可思議也。此偈呪願密互用理事雙彰。呪即破地獄。真言秘密故。不翻志心誦持自然感應。

引證如付法藏傳中云。有闍闍吒王。以大殺害故。死入千頭魚中。劍輪繞身而轉。隨所隨生。剎那之間。滿于大海。羅漢為僧維那。依時打鐘。若聞鐘聲。劍輪在空中。以是因緣。遣信白令長打。使我息苦過。

七日已受苦俱息。又佛祖通載云。上元縣有民某。死見五木縛械者。告曰。吾南唐先主也。為宋齊丘所誤。殺降卒千餘人。冤訴因此。仗汝歸語。嗣君凡寺觀鳴鐘。可延其聲。吾受苦惟聞鐘聲。則暫休。或能為造一鐘。尤善復。曰。吾在位日。于閩國遣我玉天王像。藏於瓦棺寺。佛左膝人無知者。汝以此為驗。乃隨奏唐主。果如其言。主感泣造一鐘于清涼寺。鐫其上曰。鸞烈考高祖皇帝。脫幽出厄。以玉像建塔。葬蔣山。雜譬喻經云。所在聞鐘聲。臥者必須起。合掌發善心。賢聖皆歡喜。又唐京師大莊嚴寺。僧名三果。有兄從楊帝南行中。亡不持齋戒。墮火坑地獄。蒙禪定寺打鐘聲。振地獄同受苦者。皆生樂處。

集古德云。聞鐘臥不起。護法善神。現前滅福慧。後世墮蛇身。其懶修禪。誦者報感。廣在經律中。茲不繁引。

著衣

闍提語震越。此翻衣服。太古衣皮。黃帝始製衣服。

上曰衣下曰裳白虎通曰衣者隱也裳者障也故
涅槃經云如世衣裳障隱形體遮形覆隱故名衣
裳又衣者依也萬善功德皆依淨戒而為根本故
薩婆多論云一切佛弟子皆依戒住萬善由之生
長若能依戒修行即獲諸勝善根則苦海可越彼
岸可登

若著上衣當願衆生獲勝善根至法彼岸

圖若者楷定之辭謂楷定披著此衣之時也上衣
者俗說長衣曰直裰曰褊衫曰海青太白詩云翩
翩舞廣袖似鳥海東來一名道袍亦曰恭敬衣又
名向上衣乃表一身最勝之衣也言著最勝之衣
當發最勝之心及發最勝之願當知此心此願即
勝善根也蓋一切衆生失此善根沉溺生死故當
發是願令其善根不使沉溺而令至法彼岸究竟
之地如二乘三乘皆不名究竟唯佛一乘乃名究
竟彼岸也又此岸乃衆生作業受苦生死輪迴之
地彼岸是諸佛究竟超脫清淨安樂之地也
著下裙時當願衆生服諸善根具足慚愧

圖梵語泥縛些那唐言裙根本律云泥縛又云
歐蘇洛迦豎一肘橫五肘即下裙也亦云泥洹僧
或名舍勒譯為內衣又云短裙即是下裳裙者羣
也謂連接裙幅也舊曰涅槃僧訛也既無帶羣其
將服也集衣為襦束帶以條襦律云謂從裙邊
細疊成襦腰間總繫形似多羅葉上聚下散者是
也服猶佩也諸善根者一切戒善之根本也律中
明七支戒善謂身三口四戒善也又涅槃經明七
善法一知法善十二部經也二知義善文字語言
也三知時善以時修六度行四知足善飲食衣藥
五知自善知自本具信戒善根六知衆善行來坐
起說法問答七知尊卑善信者善不信者不善等
慚愧七法財中二法也謂信戒聞捨慧慚愧七財
之中慚愧為守財人內生羞恥為慚外生羞恥為
愧又云不自失節為慚心無非用為愧若不著下
裙則身形彰露無有慚愧既無守護之人功德法
財便不具足今著裙時善法現前所思無邪即慚
愧具足處慚愧具足處即清淨本源處人之所以

迷於五欲不能清淨者。祇因不知慚愧。若慚愧具足。則清淨善法。何曾欠少。故云。服諸善根。具足慚愧也。整衣束帶。當願衆生。檢束善根。不令散失。

腰束帶以條。備則諸部各異。色乃黃赤不同。裙無帶。則不能收攝其身。人無戒。則不能降伏其心。整嚴肅也。束收攝也。謂當檢束諸根。則外儀嚴肅。其身而內法收攝其心。身心嚴攝。則諸善道法。自當漸次增進。乃成見道用也。

下單

圖下者。從覺始下也。孤獨曰單。今以床榻而爲單者。謂受戒之人。當獨處一榻。多坐少臥。故也。若在禪堂。事事隨衆。

集鳴指三下。默念此偈。

從朝寅日直至暮。一切衆生自迴護。若於足下喪其形。願汝即時生淨土。

庵逸帝律尼莎訶。

三遍此是生天女呪

圖寅者。未明旦者。已明。即清晨。明相初出時也。梵語阿留那。或云樓那。或云薩埵。漢言明相。有種種異名。明了論云。東方已赤。故通慧指歸云。此方約

日未出前二刻爲曉。此爲明相。以見掌紋爲限。就中有三種色。若日照闍浮提樹。則有黑色。若照樹葉。則有青色。若遍樹照闍浮提界。則有白色。是白色爲正。即是寅日之時也。又別部明地了時。謂見地色明了。故暮者。金烏西墜。日沒時也。薩婆多論云。以五陰爲晝夜。若日到闍浮提界。名曰沒。即暮也。一切者。梁指之辭。衆法相生。曰衆生。以能所八法。謂地水火風色香味觸。而稟其質也。普曜經云。如來過去心淨。離著不憍。衆生所行之處。脚輪不汗。蟲蟻不損。自迴護者。謂顛飛。顛動微細。昆蟲皆具靈覺之性。故迴覺經序云。夫血氣之屬。必有知。凡有知者。必同體。以我等凡夫。形質心未離著。行未齊聖。將行動之時。而願彼等自護其生命也。設若候傷其形。即仗偈呪法力之功。即時往生淨土。而脫其輪迴也。淨土者。世界皎潔。目之爲淨。是淨所居。名之爲土。乃純善所成。無四惡趣。法華論云。無煩惱衆生。住處名爲淨土。良由衆生行有美惡。土成穢妙。娑婆五濁。由積惡而丘坑。安養七珍。

因習善而華勝三昧經云凡人求道安禪先當斷念人生所以不得道者但坐思想穢念多故五濁穢汙不名淨土佛制憐傷者以其無心故不治罪與世律同然亦有憐傷而還憐傷之報者如朝梵金載梁武帝素敬信檀頭師時遣使召來帝方與人下基欲殺一段聲曰殺却使遂斬師帝甚罷喚師使言向者陛下令臣殺却也帝問師臨死有何言句使曰師云貧道前劫為沙彌時以鋏割地憐斷一曲錯今帝是也此報固宜由是觀之憐殺仍以憐償可不慎歟

引證分別功德經云第一念佛何事佛身金剛無有注漏若行時足離地四寸千輻相紋跡現於地足下諸蟲七日安隱若其命終皆得生天昔有一惡比丘本是外道假服誹謗逐如來行自殺飛蟲著佛跡處言佛踏殺然蟲雖死遇佛跡處尋還得活所謂念佛其義如此

行步不傷蟲
隨行步者乃四儀中之一法也不傷蟲者謂具仁

慈之心而發護生之念也有足曰蟲無足曰豕此蹠上偈而來謂下卑鳴指已隨舉步時心中作觀即誦此偈

若舉於足當願衆生出生死海具衆善法

唯地利日利莎詞三遍

觀舉足者行儀也謂修道之人行住坐臥常當調攝其心不使一毫走漏是故凡欲舉足必先舉心持此偈呪則心不外馳念不虛動善法自具道業自成所謂經行及坐臥常在於其中即是體會中道之理則生死大海可越涅槃山頂可登生死海者言廣大也古云生不知來處謂之生大死不知去處謂之死大故云如海之廣大也如是廣大欲出不難只要具衆善法也善法者即菩薩行願謂先以行滿所願故於是菩薩凡舉足時即願一切衆生出生死海也若衆生同于菩薩行願何處見有生死祇為行願不同妄執塵勞造諸不善所以飄蕩苦海若能一念回頭具衆善法則彼岸在即苦海斷流衆生名盡佛亦不為是名至善何愁善

法之不具耶

出堂

圖出者對入而言謂舉足向外行也堂者殿也亦即禪堂乃十方衲子栖心修道之處。廬居士云十方同聚會箇箇學無爲此是選佛場心空及第歸此之謂也

從舍出時當願衆生深入佛智永出三界

圖舍者屋也止息爲屋又置也能置身安宿之處亦云堂舍又小屋爲舍言深入佛智永出三界者乃託事以明理謂出有爲之舍而入無爲之智也佛智者世世間無有與等以知覺之性窮盡衆生因果業性若好若惡一一本末咸悉知之大經云如來智慧無處不至故云佛智亦名自然智無師智也又此佛智人人本具只因情塵覆藏乃有聖凡故須深入也三界者華嚴孔目云一欲界欲有四種謂情欲色欲食欲淫欲也下至阿鼻地獄上至第六他化自在天男女相參多諸染欲欲名欲界二色界色卽色質已離欲界穢惡之色猶有

清淨色在始從初禪梵天終至阿迦膩吒天凡有十八天並無女形亦無欲染皆是化生尙有色質故名色三界三無色界謂但有意識而無色質始從空處終至非非想處凡有四天但有受想行識四心而無形質故名無色界若出三界得證有餘涅槃則絕分段生死若永出三界得證無餘涅槃則無變易生死而五住盡煩惱忘深入佛智矣合參云此偈如華嚴玄奧之大幅象貫法華譬喻之全章然毗盧圓鏡豈有去來火宅窄門能無出入故知無火而火歟然三界者大火宅也其有小智聲聞已出此舍暫得遊戲者小火宅也不知舍外之火殆有甚焉若非深入佛智曷能速離火宅頓入清涼哉

登廁

圖從下而上曰登居高臨垂曰廁廁圍也說文清也古謂之清者以其至穢之處宜常修治使清潔也又廁者雜也言一切人雜廁其上故律攝云應於寺之東北角安置廁四邊應栽荊棘大小行

則並須別作各安門。屬著傍居其便利處。宜在屏處。凡欲入廁。應脫上衣在於上風淨處安置。集欲大小便。即當行。莫待內逼。倉卒須脫換鞋。脚不可淨。鞋入廁。至當三彈指。有二義。一使內人知。不得迫促內人。使出。二恐穢穢之鬼。令他避之上槽。復當三彈指。默念此偈。呪。

大小便時。當願衆生。棄食噉。痴。獨除罪法。

庵。狠。魯。陀。耶。莎。訶。三遍。

圖大小便者。謂順利不淨。令身輕安也。經云。一切衆生。皆依食住。謂實益諸根。長養四大。故既有飲食。滋味入於腸胃。則輕清上升。重濁下墜。故有便利。可見人之一身。兼淨穢世界也。淨世界即戒定慧之福業。穢世界即貪瞋癡之罪法也。貪瞋癡者。名三毒。煩惱。今以棄除不淨穢濁。而對治三毒。令淨。盡故。此三毒乃是起業造罪之因。今故以戒防之三毒之因。既空。則當來業果何存。故古德云。向穿衣喫飯時。屙屎撒尿處。不雜用心。便是好工夫。何愁不透脫也。若能悟此淨穢本源。則可以悟大。

千世界不在心外。從此垢盡心淨。不知吾身之爲法界。法界之爲吾身。我身法界。非一非二。則三毒自去。罪法自除也。

就水

圖就者。近也。水者。潔身之謂也。根本百一羯磨云。世尊說。不淨。染汗。教者。欲除去臭氣。令安樂住。故佛言。勝義洗淨有三種。一洗身。二洗語。三洗心。毗奈耶云。佛告苾芻。汝等當知。此是當行法。當須存意。如是洗淨。有大利。益令身潔淨。諸天敬奉。是故汝等若依我爲師者。咸應洗淨。若不洗者。不應遭增禮。佛誦經。不禮他人。不受他禮。不應噉食。坐僧床。攝不得入衆。由身不淨。故能令諸天見。不生喜。所持呪法。皆無靈驗。若違得惡作罪。

集大便畢。臨水即念此偈。呪。

事訖就水。當願衆生。出世法中。速疾而往。

庵。室。利。婆。薩。莎。訶。三遍。

圖事訖者。謂大小行事已畢。就水洗。僻處時也。此當願者。非同世間之願。及世間之法。當爲衆生發。

出世之願說出世之法具有優劣於此何也於世間法祇名事相而已在出世法中卽事顯理深達中道之義速疾往者言五濁惡世所見所聞無非煩惱惡業纏縛身心沉淪生死流轉三界如處牢獄受罪之法牢獄尚有盡期煩惱實無邊際也三毒如此利害是放喻如穢廁不可久停故當速離世間穢濁之行而行出世清淨之法也如經律所明入廁洗淨若不默持諸呪縱用七恒河水洗之不得清淨何以故種子不淨故

洗淨

圖洗者除也謂除去不淨而成潔淨故曰洗淨

洗滌形穢當願衆生清淨調柔畢竟無垢

庵賀鑿密栗帝莎訶三遍用左手後二指洗之

圖洗滌者清淨義卽獨棄也謂此幻形之有穢濁必假淨水方得獨棄也若不滌除惡觸不合受用僧伽敷具床榻律攝云若苾芻受食未漱口以來乃至大小行訖未將淨水去穢受禮禮他授法聽法皆不聽許不坐床座及嗽飲食違者得罪然雖

洗滌必仗偈呪法力之功方可身心清淨乃得調柔也而云畢竟無垢者卽事以明理謂此身心皆因煩惱所知二障所纏而我法二執未空自從無始以來無明障蔽真理何能得顯今之所以畢竟無垢者以持戒之功勳以定慧之力用畢竟清淨畢竟無染則知寂淨光生煩惱永喪矣

洗手

圖手是總名乃吾人身形所具能司執持之支分若無掌不可名手無指亦不可名手有掌有指方名曰手兩手太陽之精也字魂陰掌圖法天指法五行大曰拇指第二曰食指中曰將指第四曰無名指第五曰小指第六曰枝指謂既專執持則穢觸難免故當洗焉

以水盥掌當願衆生得清淨手受持佛法

庵主迦囉耶莎訶三遍

圖水柔爲性離垢去染爲用盥者澡也以掌掬水澡淨曰盥掌夫手沾塵垢今淨水去其掌垢表法水除其心垢所謂日新又新純其德也當願衆生

者請持戒之人所修梵行願生身心清淨受持如來清淨法味續佛慧命化化不絕也言佛法者廣則百千三昧無量法門乃至三藏十二部異則一四句偈皆名佛法也。噉下誦呪之時一澆而再澆再澆至七澆自然佛法現前究竟我手佛手衆生之手同於清淨同於受持是真清淨佛法之手受持佛法也。

引證師子國釋迦彌多羅三果人也。麟德初來京高宗尊處禁中總章初康藏猶爲居士請受菩薩戒衆謂梵僧曰是行者誦華嚴兼善講梵網梵僧驚歎曰但持華嚴功用難測況解義耶若人誦淨行品百四十願曰爲得菩薩具足戒者何煩別授西國相傳有人讀此經以水盥掌水沾蟲蟻其捨命者皆得生天何況持說此經教化衆生者乎此賢者後來必廣大饒益一切也。

集若但小便時唯用水洗手一次即淨若是大便去穢後洗手或用灰泥皂角如法洗之。溪堂雜錄云元祐中有蜀僧智超法師嘗誦華嚴經已三

十年偶見一童子風貌清爽舉手高揖超曰何來曰五臺來超曰何遠至此曰有少事故相導故超曰願聞曰吾師誦經固可嘉矣但失在登廁洗淨時觸水淋其手背而未常用灰泥洗之所用灰泥律制七度今但二三緣此觸尚存體佛誦經悉皆得罪言訖不見超慚而改過議者或曰此必文殊化現有警於超也故知洗手必須依法因果經云觸手請經當獲廁中蟲報。

洗面

願額前曰面又頭面也凡物皆有背有面又相向爲當面乃一身之首起則先見於人既先見人必先見佛故須日日早淨以便行禮持誦也。

以水洗面當願衆生得淨法門永無垢染。

噉唾沙訶持二

願以水洗面者謂此幻質乃不淨之體九孔常流于外面向數次所在當溢痰唾不淨之物故須水以滌除之是故每於晨朝沐其面也楞嚴經云自未得度先度他人菩薩發心故行者洗面即先發

是願也。淨法門者。即事願。以八萬四千塵勞之門。轉爲八萬四千清淨法門。亦即是陀羅尼門。此門總一切法。持無量義。乃至三賢十聖遊履之門。一切行人解脫之門。若能真窮惡盡。本來面目。不假拭而明矣。如上之門。而自得之後。直至成佛。畢竟清淨。故曰永無垢染也。

飲水

團飲者。咽也。梵語阿伽此云水。水者準也。準平物也。名義云。潤萬物者。莫過於水。形爲四大。氣冠五行。五分律云。有內用。有外用。內用者。飲食之屬。外用者。澆澆澆澆洗和之屬。上偈洗面灌沐等。是外用。而此偈吞咽等事。謂內用也。

佛觀一鉢水。八萬四千蟲。若不持此呪。如食衆生肉。庵摩悉波囉摩尼莎訶三遍。

團水中生靈甚微。人之眼根塵障。不能觀察。惟佛五眼明淨。徹見微細。昆蟲非凡。小肉眼能視。既見斯類。以慈悲故。說此偈呪。隨婆多論云。舍利弗。以淨天眼。見空中蟲。如水邊沙。如器中粟。無量無邊。

見已斷食經三三。日佛勅令食。凡制有蟲水。齊肉。眼所見。澆養所得。不制天眼見也。鉢者。受食之器。今願一鉢水。具有八萬四千蟲者。謂人身具有八萬四千尸蟲。今以鉢水。噉之。若持此呪。即成法水。生自遠離。如初果耕。地蟲離四寸耳。若不持者。食之。盡爲血肉矣。故持戒比丘。每於飲用時。雖有澆養。澆過而疑。惑未除。必須仗此偈呪。法力之功。默念三遍。則飲用者可無愆尤矣。故云若不持此呪。如食衆生肉也。

五衣

團五者。五條衣者。依也。謂依此以庇寒暑也。斯乃出世法服。非同世俗可比。當護之如皮敬之如塔。薩婆多論云。此衣九十五種。外道所無。惟佛法中有也。

集梵語安陀會。此云作務衣。五條一長一短。凡寺中執勞服役。路途出入。往還當著此衣。誦此偈呪。戒壇經云。五條表斷貪淨身業也。

善哉解脫服。無上福田衣。我今頂戴受。世世不捨離。

庵悉陀耶莎訶三遍

圖此偈以因招果顯密互用二利均霑故上一句出名義下一句乃發願。庵字下是密語非名言可能解釋也。善哉者贊美之辭贊其衣之功德殊勝不可思議。有大利益故去粘日解去縛日脫言此衣爲解粘去縛無垢之服也。如世間美服多屬露口故塵世衆生觸愛細滑爲惡所染不善解脫出家受具由習戒故定便久住由習定故淨慧自生由此三學精明故於三毒邊一一解脫可見此衣能生善法能伏煩惱故曰解脫服也。無上者謂此衣有出世功能超過世間一切斑彩錦文王臣之服天上天下乃至九十五種外道無有勝於此衣故名無上也。福田者法喻雙舉也。大意借田說法謂戒乃人世福田檀越種福僧著袈裟現田紋相名曰福田如世間之田生長苗稼以養形命而此福田之衣能與沙門生長智慧滋培五分法身也。我今頂戴受者指披著之人頂之于首戴之于身如是受持尊重之至也。世世不捨離者謂此法服

非但今生盡形受持乃至盡未來際不願捨離也
七衣

圖七衣者七條之衣也。然此三衣名義衆多謂能降伏衆魔故曰忍辱。鐵不爲欲泥汙染故名蓮花。服龍得一鱗不爲金翅鳥所食故名救羅衣。生死煩惱由斯解脫故名解脫服。經律通名袈裟。此云壞色如世間紅黃紫綠白色人人所愛愛即是貪也。施來我出家人得之如法染成青黑木蘭三種色除自己貪著之心壞彼好色故云壞色亦名不正色。謂不住於色住色即非正色亦云染色。表心染於法要染無所染方名曰染。然二乘之染非真染必要心染大乘方名真染真染即大仙道也能於正法除其結使名爲究竟寂滅之衣。
集梵語鬱多羅僧比云入衆衣七條二長一短凡赴齋聽講持誦坐禪禮佛禮懺禮和尚上座僧和集時當著此衣。爾此偈呢七衣表斷嗔淨口業也。善哉解脫服無上福田衣我今頂戴受世世當得披
庵度波度波莎訶三遍

■佛制三衣著用有時。既披著有時。當恒近左右。不使遠離。今易常得二字者。正明披著有時。不相混雜也。披此衣者。卽解脫之服。故願世生生常得披著。而解脫煩惱也。

大衣

■大者衣中之主也。在五七二衣之上。故稱云大。又名祖衣。謂此衣雖是鹿疎麻布。乃佛授手祖。祖相傳出世證道之衣。三世如來皆著此衣。而成道果。故名法衣。昔日世尊以實相無相之宗。傳於迦葉。爲西域初祖。卽是此衣。作證承此衣以傳燈。而法脉條貫。傳於今日。未常斷亂。所以名之。故此衣表傳法之信也。妄與不得妄受。不得會佛法者。則得不會佛法者。不得故五祖付能大師曰。昔日達磨初來東土。人未至信。故傳衣以明得法也。有是義。故名爲法衣。

引證南山感通傳中。天人黃瓊語宣祖曰。如來臨涅槃時。告文殊師利。汝以神力往祇洹中。堂西寶樓上。取我珠函。將示大衆。我初闡城離父王宮到

彼叢林。身小疲怠。權時止息。時彼樹神現身告我。言汝今修道定得金色之身。爲三界大師。迦葉佛涅槃時。付囑我珠函。并絹僧伽梨。令我轉付囑汝。我語神言。汝絹僧伽梨。非我所用。我聞先言諸佛出世。不著蠶絲。我今修道。如何害生。汝今是魔。故來相惱。樹神告言。汝大智人。何輒聽言。諸佛慈悲。不著蠶衣。此絲化出。非是害生。汝今受此。我卽開函。見迦葉書云。我初成道時。大梵天王。施經堅牢地神。施緯共成一法衣。絲是化出。非是蠶繭。由是義。故我自成道以來。常披此衣。未曾損失。今付悉達。若得成佛。轉毗尼時。當爲我著。願汝受持。勿令損失。又我初成道時。乃至涅槃。唯服麤布僧伽梨及白氎三衣。未曾著蠶衣。絹帛。何爲惡比丘等。謗毀我云。毗尼開許著之。我初成道。大受道比丘尼手執金縷袈裟。持施與我。我不敢受。令持施僧。我於三藏教中。雖聽用絹絲。供養佛法。僧然本非蠶口所出。絲綿我此國浮洲內。及以大洲之外。有千八百大國。並有繒帛絲綿。皆從女口出之。由不

殺害衆生命故。福業所感。故從女口中出問。何以得知。答若欲須絲作衣時。至桑樹下。便有二化女子。從彼樹下出。形如八歲女。從口吐絲。彼國人等。但設羅車。從女口中取絲。轉至羅車上。取足便止。化女即滅。我聽著繒綵者。是此女絲。及天繒綵本。非害生取絲。綿故。故此僧伽梨。當用布褐作。令末世比丘不得樂好衣服也。

集梵語。僧伽梨。此云雜碎衣。有上中下九品衣。下品九條。下中品十一條。下上品十三條。皆二長一短。中下品十五條。中中品十七條。中上品十九條。皆三長一短。上下品二十一條。上中品二十三條。上上品二十五條。皆四長一短。長多短少。表聖增凡。誠故。凡入王宮。陞座說法。入里乞食。降伏外道。當著此衣。誦此偈。呪表斷癡淨意業也。

善哉。解脫服。無上福田衣。奉持如來命。廣度諸衆生。庵摩訶迦婆波吒悉帝莎訶三遍。

團奉持如來命者。謂如來本願。廣度一切衆生。今受如來清淨戒法。正當恭敬奉持。如來慈命修行。

紹隆佛種。以此善法攝化衆生。前二偈。祇爲自利。而此偈。專爲利他。故曰廣度諸衆生。直下擔荷佛祖之慧命也。增輝記問。何不增四減二。惟二者何。答三奇數。屬陽。陽能生萬物。今制三衣。表生萬善。取益物之義也。如上三衣。原是比丘法服。沙彌尙不許著。何況初發心人。今欲令其預知者。讀此偈。呪先知菩薩行願殊勝。故然。今佛法秋晚。道器難全。一有發心三壇。頓受戒期。中沙彌少有兩月。行持者三衣尙難置足。何況再緩。耶。故令先讀偈。呪俟披著時。以便憶持。如年不滿。仍須緩服。僧祇律云。三衣者。聖賢沙門標幟。非俗人所爲。慈雲懺主辨惑篇云。此三衣。定是出家之服。非在家所披。舍利弗問經云云。何於訓戒中。令諸弟子偏袒右肩。又爲迦葉村人說城喻經云。我諸弟子。當正披袈裟。俱覆兩肩。勿露肌肉。使上下齊平。現福田相。行步庠序。又言。勿露胸臆。於此二言。云何奉持。佛言。修供養時。應偏袒。以便作事。作福田時。應覆兩肩。現福田相。云何修供養。如見佛時。問訊。師僧。

時應隨事相若拂床若掃地若捲衣裳若周正薦席若泥地作華若撻高足下若灑若移種種供養之時云何作福田時國王謂食入里乞食坐禪誦經巡行樹下人見端嚴有可觀也律制三衣有名有體有色有量乃至造法等事極微細惟願增荷法門者詳閱開導後學不至斯法斷滅也名義如上體謂十種衣服異于弊木皮變毛綺錦綉等邪命希求皆不成衣故色謂青黑木蘭三種非五大上色故聽以刀截成沙門衣如馬齒為足縫之須順左右條開不作即同縵服非俗五彩斑文羅縠等量謂肘長短度身而衣也作謂條齒縫刺如式也若互增互減受用有愆不依律法著用犯罪惡心毀壞得罪如律行則隨行住則隨住教甚繁廣行之在人信則成佛可期遠則三途難免集蓋此三衣而稱福田者增輝記云田畦貯水生長嘉苗以養形命法衣之田潤以四利之水增其三善之苗以養法身慧命藏義經云袈裟有十種利益一者菩提上首

題菩提大論釋名佛道上首者第一也欲求佛道先別形儀外著袈裟內心自攝身心既攝得入道門是知袈裟為入佛道之第一也
二者衆處人天
題衆即僧衆處者居也諸天善樂六道升沉不能修行無上菩提故律云受具足戒已於天人魔梵外道婆羅門衆中比丘比丘尼僧最為第一是知著袈裟者衆處人天之上也
三者父母反拜
題父母者生身之本辭別出家應無子分反者答也謂答其拜也律中見父母祇宜問訊適或念劬勞恩重而拜者父母必云身著袈裟是佛弟子而答拜之比是袈裟之利益也身無法服未必如斯普應經云淨飯王告優陀耶汝往佛所稱我志意佛本有要得道當還須依往言時來相見優陀耶到具宣王意佛即許可七日當往時優陀耶白王消息王聞歡喜與諸羣臣四十里外奉迎世尊佛與金剛力士梵釋四王諸比丘衆放大光明乘空

而來漸欲近王王與臣民夫人采女見已禮拜佛現種種神變諸方出沒意遮衆生誹謗事故王禮拜已佛乃下地問訊父王少病少惱起居輕利禮問已畢王等與佛一切大眾還於國中說法化利得道者衆此即父母反拜佛示不受佛還問訊說法化利後世僧衆准此思之

四者師子捨身

毘梵語僧伽彼此云師子賢慈經云昔有辟支佛在山林中福度衆生禽獸亦附時有師子名曰堅誓身毛金色食菓啗草不害羣生有一獵師刺除鬚髮身著袈裟內佩弓箭見師子來而心念言可殺取皮以用上王足得脫貧便以毒箭射傷師子欲害見著袈裟使自念言著袈裟人必得解脫此袈裟乃是三世聖人標相我若害之則起惡心向三世賢聖也念已息害而死由敬袈裟故而捨身也

五者龍披免難

毘梵語那伽此云龍乃鱗蟲之長能大能小能長

能短春分而登天秋分而入地順也龍王經云龍王白佛言如此海中無數種龍金翅鳥王常來食之我等日夜恐怖求佛救護令得安隱於時世尊即脫身上所著皂色衣與龍王曰汝取是衣分與諸龍皆令周遍於中乃至值一縷者金翅鳥王不能觸犯

六者國王敬信

毘僧祇律云尊者達尼迦闍取官材罪在不捨瓶沙王信敬三寶見達尼迦身著袈裟雖取官材釋然不問

七者衆生禮拜

毘經云六道四生見著袈裟者莫不恭敬禮拜奉爲最上福田故律云比丘流故袈裟湖神取汁而灌身外道持新甕來洗湖神却言莫汚我水可見袈裟尊重如是

八者羅刹恭敬

毘昔有一山居僧在深崑崙宿以衣障前有異人來形極可畏伸臂內探長觸袈裟礙不得入遂免得

脫如是衆相難可具述

九者天龍護祐

毘律云凡有袈裟之處一切天龍善神咸皆守護

十者得成佛道

毘律祇律云佛告阿難過去諸佛著如是衣得成佛道未來諸佛亦當著如是衣得成佛道如我今日以刀割截成沙門衣不爲怨賊所劫此是解脫服福田之衣若有衆生起一惡心向三世諸佛辟支羅漢及著染衣人獲罪無量所以者何壞色之衣是賢聖標式若能發心敬染衣人獲福無量我由信心敬戴之至得成佛道也

引證宣律師感應因緣云時四天王臣子白宣律師曰如來臨涅槃時告文殊師利及大眾言我初入山學道以無價寶衣貿得鹿裘著有樹神現身手執伽黎告我言汝今修道定得正覺過去迦葉佛涅槃時將此布僧伽黎付囑於我令善守持以待仁者出世令我付與我欲受時地便大動樹

神告言今爲汝開衣示福田相我見相已卽入金剛三昧定地又大動樹神又言汝今猶是俗人未合被此法衣當置頂上恭敬供養汝求佛道不爲魔撓我依樹神頭頂戴之大地震動我六年苦行身體既羸衣猶頂上不敢辭疲梵王見之起大悲愍將我伽黎上至梵天地又大動日月無光堅牢地神告梵王言汝可持衣還安頂上梵王依教大地乃安日月還明太子問梵王言汝知僧伽黎在我頂上意否答言不知此爲未來諸惡比丘比丘尼等不敬我解脫法服不受持三衣亦不持戒令法速滅故以衣在頂上住也

又悲華經云佛於寶藏佛前發願願我成佛時袈裟有五種功德一入我法中犯重邪見等於其念中敬心尊重必於三乘授記二天龍鬼神等敬此袈裟少分卽得三乘不退三若有鬼神諸人得袈裟乃至四寸飲食充足四衆生共相建背念袈裟尋生慈心五若持此少分恭敬尊重常得勝他顯此五種功德卽前十種利益及出生第一偈義

也。一即前菩提上首義。二即父母反拜。案生禮拜。天龍護祐。得成佛道義。三即後出生第二偈義。四即師子捨身國王敬信義。故瓔珞經云。若天龍八部。聞諄念此袈裟。生慈悲心。五即衆處人天龍披免難羅刹恭敬義也。如次思之。自然可曉。

大論云。釋子受持禁戒。是其性剃髮染衣。是其相。四分律藏中。佛告諸比丘。隨所住處。常與三衣俱。譬如鳥之兩翼。恒與身俱。汝等捨本族姓。以信出家。應當如是。所到之處。法衣隨身。不應離宿。僧祇律中。佛言。比丘三衣一鉢。須常隨身。違者。出界結罪。當敬三衣。如塔想。十誦律中。佛言。護三衣。如自皮護鉢。如眼目所行之處。與衣鉢俱。無所顧戀。猶如飛鳥。若不持此三衣。入聚落俗人處。犯罪五分。律三衣。謹護如身。薄皮常須隨身。如鳥之羽。飛走相隨。大乘梵網菩薩戒中。佛言。若佛子。常應二時。頭陀。冬夏坐禪。結夏安居。常用樹枝。澡豆。三衣。瓶鉢。坐具。錫杖。香爐。漉水囊。手巾。刀子。火燧。鐵子。繩床。經律。佛像。菩薩形像。而菩薩行頭陀時。及遊方。

時行來百里千里。此十八種物。常隨其身。違者結罪。蓋三衣一鉢。乃佛佛親持。祖祖授受。七衆同遵。兩衆共制。若云出家。佛弟子衣鉢。可離東西兩土。軌則不同。者請閱三藏。何經何律。何論。許開當知。佛言可信。凡語無憑。有智慧者。勿染邪風。須堅信力爾。

國業疏云。所以衣鉢隨身者。由出家人。虛懷爲本。無有住著。有益便停。故制隨身也。大悲經云。但使性是沙門。汗沙門行。形是沙門。披著袈裟者。於彌勒佛。乃至棲至佛所。得入涅槃。無有遺餘。僧祇律云。僧尼有戒德者。若俗人求破袈裟。段欲讓災者。聽與少分。

臥具

國尼師壇者。乃百一衣屬也。同氈席之形。名爲敷具。如衾被之形。名爲臥具。蓋謂敷之而臥也。敷之而坐。即爲坐具。敷之覆足。即爲覆足。衣名含多義。故屬百一衣中之數也。

集梵語尼師壇。此云坐具。亦名隨坐衣。亦名覆足。

衣長佛二磔手半廣佛二磔手僧祇律云如來一磔手二尺四寸此約小尺若准大尺可二尺許不得作三衣不得淨施及取薪草盛物雜用唯得敷坐若道行至坐處取坐之十誦律云新者二重故者四重不應受單尼師壇律中本制緣起爲身爲衣爲臥具故事鈔云爲身者恐坐地有所損故次爲衣者恐無藉三衣易壞故爲臥具者恐身不淨汚僧床榻故律云新尼師壇故者緣四邊以亂其色若作應安緣五分律云裁作三分長頭餘一分帖四角不帖則已根本律并寄歸傳中不聽禮拜用以敷展西域五天竺罕其見聞此方禮拜展用不知傳起何時如遵聖制不用爲正若論爲衣展禮無妨詳明於斯學者隨便

臥具尼師壇長養心苗性展開登聖地奉持如來命
庵檀波檀波沙訶三遍

圖此偈顯密互用第一句華梵雙舉卽此一句可見全體之用也下三句乃見全用之體究竟體不離用用不離體也心苗者菩提種子發生之苗也

展開者如布種之法也若坐當收云展開踰跌坐展開之時如種子之得地而言聖地者謂千鞞共遊之地卽尼師壇之別名也言一切凡夫不登此地何由得證聖位一切種子不布此地何由長養心苗如者法身之理來者應身之用法化冥一故曰如來奉持者遵佛之制而行無持無作之法也無持無作之法卽是培植心苗之法培植心苗之法卽是奉持如來之慧命也昔日有羅漢比丘於山巖入定時獼猴將坐具偏袒右肩合掌右邊三匝隨地比丘出定歎曰畜生尙有佛性比丘卽與受三歸五戒獼猴歡喜舞跳失足墜巖而死卽生兜率天宮名義中天神黃瓊云元佛初度五人迦葉兄弟并制袈裟左臂坐具在袈裟之下後度諸徒侶漸多年少比丘儀容端美入城乞食多爲女愛由是製衣角在左肩後爲風飄以尼師壇鎮上增輝記云佛先許安左肩上鎮衣後因有一外道名曰達摩多問一比丘曰汝肩片布何名何用比丘答曰名尼師壇是坐具又問汝所披衣何名

有何功德。答言。忍辱衣三寶之相。上制天魔。下降外道。達摩多曰。此衣既有如是功德。可實有大威靈。豈得以所坐之布居其上。若汝自爲師。何不教若師教者。此法不足可尊。比丘自佛制。還安左臂衣下。但不得垂尖角如象鼻羊耳等相。是故今遵佛制。令諸比丘以坐具置於左臂袈裟之下也。

登道場

圖登者。陞進也。一達無爲證真之地。名曰道場。又云。十方諸佛得道之場。卽無生庭也。或名爲寺。卽法庭也。或名僧伽藍。益福生善也。或名淨住舍。或名法同舍。或名出世間舍。或名精舍。或名清淨無極園。或名金剛淨刹。或名寂滅道場。或名遠離惡處。或名親近善處。並隨義立名。各有所表。此是善人住處。信心長者自念言。我何時當得居如是出塵垢之處。今則不論丹青雕塑。但有佛像在中。卽名道場。如一見時。卽當持此偈呪。

若得見佛。當願衆生。得無礙眼。見一切佛。

唵阿彌栗帝吽愛吒三囉

圖若得見佛者。卽初心懇意之句。言佛不易見也。當願者是二利之弘誓。謂既得見佛。當生自慶。然佛性人人本具。何不易見。見惟其本具。故不易見。所謂不見。廬山真面目。只因身在此山中。故也。言衆生不易見佛者。祇爲妄想執著爲礙耳。若妄想消盡。本覺始覺同一圓明。同一清淨。況有生佛之名。能所之相。分別哉。所以得無礙眼。卽得見佛。得見佛者。卽是佛見。是佛見者。卽無礙眼。言無礙眼者。謂具五眼圓明也。所謂天眼。通非礙肉眼礙非通法眼。唯觀俗慧眼了知空。佛眼如千日照異體。還同楞嚴經云。阿那律陀。見闍浮提。如觀掌中菴沒羅果。諸菩薩等。見百千界。十方如來。窮盡微塵清淨國土。無所不闍。如天眼通。但能見六道衆生。死此生彼。苦樂之相。及見世間種種形色。無有障礙。而未得徹見一切佛也。衆生洞視。不過分寸。今之所謂無礙眼者。乃是佛之知見。故得見一切佛也。

讚佛

圖梵語婆師華言贊歎贊者美其德也善見律云

聽汝作唄。言說之詞。法苑珠林云。尋西方之有唄。猶東國之有贊。贊者。從文以結章。唄者。短偈以流頌。比其事義名異。意實同耳。佛之功德。贊莫能窮。然非贊無以致其敬。是故凡觀慈願。應當贊頌。佛者。覺行圓滿也。根本維事云。勿居顯露。違者得越法罪。若禮敬之時。端身齊足。合掌贊云。

法王無上尊。三界無倫匹。天人之導師。四生之慈父。我今暫歸依。能滅三祇業。稱揚若贊歎。億劫莫能盡。圖法者。執持義謂一事。一法皆執持。故王者往也。謂佛所說法。無有高下平等教化。一切衆生所歸往也。又云。王者自在義。謂以法攝護衆生。令得安樂。故名法王。經云。我爲法王。於法自在。又王者有乎二種。一者輪王。王四天下。二者法王。統攝大千。如世間以輪王爲尊。而出世間以法王爲重。故曰無上尊也。梵語阿耨多羅。秦言無上。大論云。如諸法中。涅槃無上。衆生之中。佛爲無上也。三界無倫匹者。依自誓三昧經云。初欲界有四。一情欲。二色欲。三食欲。四淫欲。欲強色微。故云欲界二色界有。

二一情欲。二色欲。色強欲微。故云色界三無色界一種。惟情欲。故色絕欲劣。故云無色界也。倫等也。匹配也。謂證佛理。境居常寂。光土其餘九法界中。皆稱衆生。豈能與佛等配乎。如來爲三界大師等。視衆生。猶如赤子。無數方便。引出火宅。故云天人之導師。四生之慈父也。我今暫歸依。能滅三祇業。者。謂行人以凡情名字之我。而稱我也。暫歸依者。以一瞻一禮。視其相好之誠。令無量衆生。滅除無始罪垢。而深植慧根也。三祇者。梵語具云。阿僧祇劫。華言無數時。有其三解。一如俱舍論云。如來始從古釋迦王。至尸棄。值七萬五千佛。名初阿僧祇。次從尸棄。至然燈。值七萬六千佛。名二阿僧祇。又從然燈。至毗婆尸。值七萬七千佛。名三阿僧祇。此三僧祇。乃無數中之有數。約如來因中修行六度所歷時論也。又起信疏云。從初發心。至歡喜地。謂之一阿僧祇。從二地至八地。謂之二阿僧祇。從九地至等覺。謂之三阿僧祇。此乃無數中之無數。約菩薩修行位次論也。是以即此現前一念信敬之心。

勝於如來三大阿僧祇劫修六度萬行之功能滅三祇生死之罪何況稱揚贊歎若論贊佛功德億劫莫能盡述故行願品云一者禮敬諸佛二者稱贊如來乃至云各以一切音聲海普出無盡妙言詞盡於未來一切劫贊佛甚深功德海菩薩本行經云阿難白佛言若使有人以四句偈贊佛如來得幾功德佛言正使億百千那由他術無數衆生皆得辟支佛道設有人供養是等衣服飲食醫藥床敷臥具滿於百歲其功德多否阿難言甚多世尊佛言若人以四句偈用歡喜心贊歎如來所得功德過於上福百千萬倍無以爲喻智度論云若聞諸佛功德心生尊重恭敬贊歎是人得無量福知一切衆生得無過者故言尊敬畏之心過於君王父母師長之切故言重謙遜畏難故曰恭推其智德故曰敬美其功德爲贊贊之不足又稱名舉揚爲歎故華嚴經云利塵心念可數知大海中水可飲盡虛空可量風可繫無能盡說佛功德禮佛

圖禮者履也謂進退有度尊卑有分之儀增一阿含經云禮佛有五種功德一者端正以見相好生尊上故二者得好音聲以見佛時三自稱曰南無如來至真等正覺故三者多饒財寶以見佛時具花香燈明隨力供養故四者生處高貴以見佛時心無染著又能右膝著地長跪叉手禮故五者得生天上以念佛功德法爾故觀音玄記云底沙佛有二弟子一釋迦樂修利他行所化機先熱二慈氏樂修自利行所化機在後熱彼佛念曰多人就一人則難一人就多人則易欲令釋迦先成道故乃捨二弟子入山時釋迦善薩隨後入山尋師不見踪跡正行次忽見彼佛在寶龕中入火界定威光赫奕特異于常行次忘下一足經于七日說于一偈因此精進超於九劫在彌勒前成佛本行經云佛告阿難往昔有如來出現於世號弗沙佛時彼佛在羅寶窟中我見彼佛心生歡喜合掌禮足七日七夜以此偈贊歎阿難我以此偈贊彼佛已發如是願乃至彼佛語侍者言是人過於九十四

劫當得成佛號釋迦牟尼我於彼時得授記已不捨精進增長功德無量世中作梵天王轉輪聖王以是善業因緣力故我得四種辨才無有一人能與我論降伏我者我得成阿耨菩提轉於無上法輪既知聖教禮贊功德不可思議是故行者常須作意不得自惰恐無常忽至瞻禮無處凡見佛時當以此心此偈而贊禮也

天上天下無如佛十方世界亦無比世間所有我盡見一切無有如佛者

普禮真言 施喇日囉斛三

禮

圖天上天下無如佛者指三界而言以九法界中皆衆生報諸天善樂所皆不能深達佛理衆生無明障蔽不能覺照本源如來爲天中天聖中聖三界極尊誰能與等非唯堅窮三際莫與佛等即橫徧十方亦無可儔總而言之盡虛空徧法界亦無有如世尊百千相好萬德莊嚴三覺俱圓十號具足也第一句贊大第二句贊多第三句贊勝第四句總贊大多勝故行願品云所有十方世界中三

世一切人師子我以清淨身語意一切遍禮盡無餘又般若經云如來智慧如虛空悉觀衆生去來相十方一切悉見聞我當稽首禮法王今人體佛發願若能如釋迦之贊弗沙亦以此偈七日七夜翹一足而贊釋迦其人必定親見釋迦而爲授記復見千百億釋迦不出自心也普賢觀經云若有晝夜六時禮十方佛誦大乘經思第一義甚深空法於一彈指頂除百萬億那由他恒河沙劫生死之罪行此法者眞是佛子業報差別經云禮佛一拜從其膝下至金剛際一塵一轉輪王位獲十種功德一得妙色身二出言人信三處衆無畏四諸佛護念五具大威儀六衆人親附七諸天愛敬八具大福報九命終往生十速證涅槃

集禮讚須精誠作觀五體投地教列七種禮不可不知一我慢禮謂依位次以無恭敬心馳外境五輪不具如碓上下二唱和禮謂嚴正威儀心無靜想見人則身輕急禮人去則身墮心披蓋心散而口唱也三身心恭敬禮謂聞唱佛名便念佛想身

心恭敬精無厭怠。四發智清淨。謂達佛境界。隨心現量。禮一佛則禮一切佛。禮一拜則禮法界。以佛法身融通。故五偏入法界。禮謂自觀身心等法。從本以來不離法界。佛我平等。今禮一佛。卽遍禮法界。諸佛六正觀。禮謂禮自佛不緣他佛。何以故。一切衆生各有佛住。平等正覺。七實相平等。禮謂前有禮有觀。自他兩異。今此一禮無自無他。凡聖一如。體用不二。故文殊云。能禮所禮性空寂。前三約事後。四就理。大方廣寶篋經中。智燈聲聞問文殊言云。何禮佛文殊。言若見法淨。名見佛淨。若身若心不低不昂。正直而住。不動不搖。其心寂靜。行寂靜。行是名禮佛。比丘不得道。肩著袈裟。禮佛死。墮鐵甲地獄。除坐禪受食通肩不犯比丘。不得披禪衣。禮佛誦經。行及禮尊宿塔殿前行死。變闍魚龜鱉之類。及不得覆頭須露頂。違者結罪唯除病時大寒時。凡正信出家受戒者。切須慎之。

圖五輪著地者。依離垢慧經中。應一一發願。初總願云。我今五輪於佛作禮。爲斷五道。離於五蓋。願

諸衆生常得安住。不壞五通。具足五眼。願我右膝著地之時。令諸衆生得正覺。道願我左膝著地之時。令諸衆生於外道法不起邪見。悉得安立。正覺道中。願我右手著地之時。猶如世尊坐金剛座。右手指地震動。現瑞證大菩提。我今亦爾。共諸衆生同證覺道。願我左手著地之時。令諸衆生離諸外道難調伏者。以四攝法而攝取之。令入正道。願我首頂著地之時。令諸衆生離憍慢心。發無上意。悉得成就。無見頂相。餘義可知。

供淨瓶

圖進奉曰。供瓶者。汲水之器。用有淨觸之別。此爲淨用。亦名德瓶。謂朝暮行持。多功德故。西域記云。裙稚迦卽澡瓶也。此爲觸用。佛制比丘不淨洗。漱不得。禮拜誦經。故淨瓶漱口。澡瓶洗手。今則洗漱不行。二瓶失制。雖復禮敬。焉得無罪。

集梵語軍持此云。瓶寄歸傳云。軍持有二種。一磁瓦者是淨用。二銅鐵者是觸用。今所明者。乃淨瓶也。比丘每日清旦。誦經呪畢。用淨瓶盛淨水。供於

佛菩薩像前欲須瓶盛水時當觀想佛菩薩尊容具儀作禮起已取瓶默持此偈呪

手執淨瓶當願衆生內外無垢悉令光潔

庵摩伽嚩迦唵吽吽訶三遍

圖手執者謂以身而事以表事也內外無垢悉令光潔者卽事以明理也內卽身心外卽塵境謂此持戒之心堅淨則外不染塵勞內不起煩惱表裏一如心地清淨而智光皎潔矣故楞嚴經云根塵不偶現前殘質不復續生執心虛明純是智慧慧性圓明豈十方界卽斯意耳

蕩淨瓶真言

圖蕩者謂滌去塵垢也真言者樓閣經云是諸佛之母成佛種子故若無真言終不能成無上正覺然水能滌其瓶垢法能滌其心垢乃事理雙彰之謂也

集既禮佛起持空瓶至淨水所左手按衣右手持瓶徐徐先取水漸三次每次誦此呪七遍其蕩瓶水莫仍注淨水中須棄於外

庵摩莎訶二十一遍

灌水真言

圖灌者注也謂瓶淨堪注水心清堪受法水注於瓶則事成矣法注于心則理就矣

集既已蕩淨無塵漏灌淨水默持此呪

庵摩悉鉢囉摩尼莎訶三遍

圖灌已持歸本處行時不得左右傍視失儀亂走當屏息諸緣念佛持呪一心正道珍重而行

集到佛前胡跪右膝著地左手持瓶右手作普供養印

念大悲呪七遍禮拜而退下跪出水結印同前先念大悲呪七遍心經往生呪各七遍出外散水於淨地手作甘露印法口默念

甘露真言

圖甘露者不死之妙藥也以喻法之殊勝不可思議故真言者乃諸佛秘密之心印也然甘露能除一切衆生身病此真言能除一切衆生心病又瓶能出生無量珍寶此真言能出生無量功德也

曇摩蘇嚩婆耶但他識多耶但姪他庵摩蘇嚩鉢鉢

囉蘇嚧鉢囉蘇嚧鉢婆訶三

集念時觀想瓶爲如意瓶流出種種飲食先諸天
次鬼神後餓鬼畜生各獲飽滿已又想瓶緒出樓
閣宮殿珍寶瓔珞香花衣服無不具足然後
說十二因緣法授彼三歸令聞法受歸得法喜三
昧禮拜而去

圖如意瓶者謂瓶如其意想物即出故亦名摩尼
瓶華言離垢此瓶光淨不爲塵垢所染故名離垢
瓶又名帝瓶即寶藏瓶也謂能出生種種珍寶故
十二因緣者謂無明行識名色六入觸受愛取有
生老死也展轉感果爲因互相由藉爲緣有三世
二世一念三種三歸者令其歸依佛法僧三寶出
離輪迴故法喜者謂聞法懽喜離苦得樂故梵語
三昧此云調直定亦云正受圭峯云不受諸受名
爲正受

毗尼日用切要香乳記上卷

音釋

序 卽次序爾雅云東西牆謂之序所以別內外也
謂見牆別宅舍之內外觀序知一記之內外也
一乘妙法 一乘者佛乘也乘以運載爲義佛說一
乘之法爲令衆生依此修行出離生死苦海運至
涅槃彼岸故法華云十方佛土中惟有一乘法妙
者不可思議也非諸菩薩心思口議故

圓覺 謂覺法滿足故

乾乾惕勵 謂兢兢自勉也易曰君子終日乾乾夕
惕若勵

香乳 義出謂觀音經

膚 音字皮膚機學也爲論云膚受

江河之目下 佛道衰微喻江河之下流

懸譚

須彌山王 俱舍云妙高四寶所成故名妙出七金

山故名高山者產也能產萬物故王者主也衆山

圍繞故

師資模範 師者授道之人資助也助發已身之行

業故模範者軌格也楞嚴云嚴淨毗尼弘範三界

滅衆惡業 四分偈云滅除諸結使說是七戒經

生諸福慧 梵網云性戒福慧滿

發覺初因 多論云毗尼是趣涅槃之初門梵網云

諸佛薩婆若悉由是處出

圓滿佛果 謂覺道成就也

陀羅尼 此云總持謂總善不失持惡不生偈云譬

如靈丹藥點鐵成金實誦持陀羅尼變凡作賢聖

又三藏教盡從陀羅尼出即呪也該具四悉

我空 無我人衆生壽者四相之見

法空 無色受想行識五陰之法

染淨根本 生死爲染涅槃爲淨

如來藏 卽眞如性第八識所依具足諸法包含萬

象故謂之藏諸佛證此藏心利益羣生應用無盡

衆生迷此藏心常爲無明障覆煩惱牽纏而不能

顯佛令衆生修行一切善法斷除煩惱無明顯出

自己如來藏心清淨法身之體故眞如者體非僞

妄曰眞性無改異曰如卽一實相之體也此體能
生世出世間一切諸法故

阿賴耶識 卽第八識名翻無沒識取不失爲義又

翻藏識能含藏諸法故亦名果報識亦名種子識

八識差別 第八積集名心第七思量名意第六了

別名識或云過去名意未來名心現在名識

阿教 謂以心傳心不立文字故

勸離 此有二義一令離教二令離法法不出色心

心色皆離則契心體

法題

大千世界 總稱也別有三千所謂小千大千

也皆是釋尊所化之境俱會云四大洲日月須彌

盧欲天梵世各一千此名小千界此小千千倍說

名一中千此千倍大千皆同一成壞

生處轉熱 未聞未解之善法漸令修習純熟故

熱處轉生 尋常慣習之惡法漸令放捨生疎故

人題

三無漏學 戒定慧也三法相資得成佛道謂戒出

三塗定超六欲。脫三界煩惱淨盡。不編落生死。故學猶飾也。器不飾則無以成美觀。人不學則無以成聖果也。

修正助道 三學爲正三十七品爲助

破見思惑 分別曰見貪愛曰思見有八十八使思有八十一品能障真理故名曰惑見思惑盡到無學位

感異生師 生時母夢明月投懷

閱世主妙戲品有省 悟佛心宗見佛妙用

傘居道人 翻愚法師常跌傘下閱教故以爲號

破額山 四祖道場 馮茂山 五祖道場

充上座 初秉十支味祖卽命登座覆講

給帖護持 順治三年官兵入山搜捕土賊師與大

衆悉被押赴軍前巴版二將軍憤師容隱欲加極罪常住田產悉沒於官師雖在刀林劍戟之中神色不變從容對曰華山一路焉能禁彼往來遂感

巴版諸公輸誠敬服願爲護法請師還山并復田地給帖承照

模楷 模生於周公塚上其葉春青夏赤秋白冬黑楷生於孔子塚上其枝疎而不屈此二木取正直爲義師軌範後昆亦由是也

迦葉化身 順治年間漢中善信來參云弟子禮歸足山求見迦葉夢感韋天云尊者已至華山弘律爾欲親親當往見之故來頂禮師恐衆惑秘不容傳故維摩云不起滅定現諸威儀也

龍眠之三世冤消 龍眠桐城縣地名有善信病危

三世冤牽上山求解師爲懺悔病愈冤消

馬陵枯泉自溢 馬陵在宿遷縣師至枯泉自湧

偈文

六識歸種 謂睡眠時六識不行微歸第八種子識

中故

五蓋 貪欲瞋恚睡眠掉悔疑惑也此五通稱爲蓋者謂蓋覆纏綿定慧不發故

未受色惑 謂眼根未嘗受色起惑時也

音 音麻緩視貌 昧 音米眇視也

涅槃 此云大滅度法身解脫般若如次而配

百八愚癡 自惑爲愚。惑他爲癡。卽煩惱也。九十八使。更加十纏。成一百八。

百八三昧 一首楞嚴三昧。乃至百八離著虚空不染三昧。大智度論詳明。

四聖六凡 無漏名聖。有漏名凡。卽十法界。

十地 謂菩薩所證之地位。一切佛法依此發生。故然地位各有淺深不同。所以始從歡喜。終於法雲。分爲十也。

三乘 聲聞以四諦爲乘。緣覺以十二因緣爲乘。菩薩以六度爲乘。

六趣 六卽六道。趣卽往。趣謂衆生隨所作業。趣往六道故。

入流亡所 流謂法性。所謂音塵。謂不隨聲塵。頓入法流。而亡其所入也。

證入圓通 性體周徧。曰圓。妙用無礙。曰通。乃一切衆生本有之心源。諸佛菩薩所證之聖境。從耳門起。則照隨緣應化。得自在通。

正覺 離邪曰正。背妄曰覺。

根隨煩惱 根有六。謂貪瞋癡慢疑見。隨有二十。分三大。八謂不信。懈怠放逸。昏沉掉舉。失念不正。知散亂中。二謂無慚。無愧。小謂忿恨。憍慢。誑誑。害嫉。慳。

根後二智 根本智後得智。

三摩地 此云等持。離沉掉名等。令心住一境。名持。獲二殊勝。上合聖。與諸佛同一慧力。下合凡。與諸衆生同一悲仰。妙用超越。故云殊勝。

三障 煩惱業報曰三。覆蔽正道曰障。

三德 法身解脫般若爲三。常樂我淨爲德。

六度 謂以施戒忍進禪慧。徧施能度生死流。登涅槃岸故。

五欲 色聲香味觸爲五。希須名欲。止觀云五塵非欲。而其中有味能生行人須欲之心故。

多羅葉 此翻岸形。如此方椶櫚相似。直而且高。葉可書經。

見道用 初果見理破惑故。

閻浮提樹 翻爲穠樹。其色赤黃。帶紫焰果。汁點物。

成金汁流入河染石爲金沙

四惡趣 地獄餓鬼畜生修羅爲四因中不修善法

爲惡果感異類受身爲趣

千輻相紋 輻車輪中之輻也如來足下紋相如千

輻輪故

多 池上聲

自然智 非佛天人所作本有之也亦名一切種智

無師智 不從他人所聞

他化自在天 亦名大自在即欲界頂天也若須五

欲境時餘天爲化假他所作以成已樂故

阿迦尼吒天 卽色究竟天

無色四天 謂空處識處無所有非非想也

有餘 謂見思已斷尙餘現受色身故

分段 謂六道衆生隨其業力所感壽有分限身有

形段故

無餘 謂見思二惑與所受五衆之身俱得滅盡故

變易 謂因移果易故

譬喻 以類比況曰譬開曉令悟曰喻

毗盧圓鏡 亦云大圓鏡智以無邊佛智照廣大佛

鏡到其源底故

三毒 貪瞋癡爲三傷害出世善根曰毒

恒河 卽旃伽河華言天堂來見從高處來故諸經

多以爲量者有四義故一人多識之二入者得福

三八河中大四是佛生處

種子不淨 父母遺體赤白所成經云此身非蓮華

亦不由旃檀糞穢所長養但從尿道出

我執 謂執五蘊等法有實主宰故

法執 謂執五蘊等法心外實有故

釋迦彌多羅 此云能支

三果 梵語阿那含華言不來謂斷欲界後三品思

惑盡更不來欲界受生故

康藏 康居國人諱法藏賢首國師也

居士 愛諱名言守道居貞故

華嚴 因行如華莊嚴果德

梵網 本源自性清淨故稱爲梵慧命偏傳塵刹故

稱爲網

教化 以道誨人曰教躬行於上風動於下曰化

八萬四千塵勞 謂十使互成百十界成一千七支

爲七千三世二萬一三章并等分是爲八萬四

八萬四千法門 謂如來成道有三百五十度無極

法門度無極者謂事理行滿度生死流登涅槃岸

此之功德無有窮極故偈曰第一光耀起乃至分

舍利有三百五十度無極法門門門有六度共成

二十一以四大六衰合二萬一千加三毒等分是

爲八萬四

三賢 謂十行十住十迴向卽三十心也梵網云十

發趣十長養十金剛賢者未入聖位故

真窮惑盡 無學位也

初果耕地蟲離四寸 是道共力

持戒比丘 謹守不失日持防非止惡曰戒比丘翻

爲除饑寒生薄福在因無法自資得報多所饑乏

出家戒行是良福田能生物善除因果之饑乏故

法力 以法爲力故

九十五種外道 西域記云九十五種是邪惟一是

正附佛法一種也

五分法身 分卽分齊限量也戒定慧解脫解脫知

見五種爲法聚集不散曰身

金翅鳥 梵語迦樓羅此云金翅鳥其翅金色故

大儒 儒者上古修行人之通稱惟如來稱爲大覺

金仙戒經云能得如是行是大仙人道

結使 結謂結縛使謂驅使謂五鈍五利結縛心神

驅使流轉三界故

佛法秋晚 無三乘法故云佛法秋晚者末運之際

法道凋零也

十種衣財 一僑除耶衣此云羣衣二却貝衣此云

木棉花三欽婆羅衣是毛織成如絨褐類四獨摩

衣此云麻衣五讖摩衣此云粗布衣六扇那衣此

是樹名取皮紡織七麻衣麻有青黃赤色多種八

翅夷羅衣此云細布九鳩夷羅衣此云細布十讖

摩羅半尼衣未見翻譯

菩提種子 種子者能生一切諸佛法故體有二種

一當體悲心智心願心二所依體自性圓明妙心

棲至 此翻愛樂

合掌 表心合於道道合於心也

初度五人 陳如十力迦葉是母黨類轉跋提俱利太子是父黨

迦葉兄弟 謂優樓頻螺伽耶那提三迦葉昔於毗婆尸佛時共登利柱報爲瓶沙王師有五百弟子

兩弟共有五百自恃多能不肯歸佛現轉變師徒感伏投佛出家

達摩多 此云能救

寺 闍也弟子居之承嗣佛道

僧伽藍 此云衆園乃生植之所佛弟子居處則能生植道芽聖果福利羣生故

精舍 乃行人精修梵行之處非爲房舍精妙也

金剛淨利 金剛體最堅利能破萬物表此處精修善法能破煩惱惡業也西域凡沙門得道處建旛以告四方

寂滅道場 寂五住煩惱滅二種生死得道之場故

曰道場

本覺 謂衆生心體靈明虛廓等虚空界無處不遍

卽是如來平等法身依此法身說名本覺

始覺 謂衆生本覺心源由無明熏動覺不成覺多劫在迷今始覺悟是名始覺始本不二名究竟覺卽成佛也

阿那律陀 此云如意佛之從弟

菴沒羅果 此云難分別似桃非桃似奈非奈故

常寂光土 卽理性土也常卽法身寂卽般若光卽解脫土者從佛所居故

尸棄 亦名式棄此云火火有二義一照諸惡不起二燒煩惱不生

然燈 梵名提洹竭大論云太子生時身光如燈故

毗婆尸 亦云維衛此翻勝觀

歡喜地 謂菩薩智同佛智理齊佛理徹見大道盡佛境界而得法喜登於初地故

等覺 望後妙覺猶有一等超前諸位得稱爲覺底沙 此云明謂光明徧照也亦云說度說法度人也亦名弗沙此云增盛明達勝義也

授記 聖言說與曰授果與心期日記

轉輪聖王 慈恩云四種輪王威定諸方亦有差別

鐵輪獨治南洲。奮威始定。銅輪治東南二洲。震威乃伏。銀輪治東南三洲。遣使方降。金轉輪王德振四洲。望風順化。故名聖王也。

不捨精進 於法無染。日精念。念趣求日進。

四種辯才 展轉無滯。日辯。義法詞樂。說四法。日才。

阿耨菩提 阿耨言無。無諸垢染。故稱耨耨。言上三界。

無比故菩提言。知知一切衆生。皆有佛性。故。

轉無上法輪 凡聖之所執持。日法度入他心。令彼。

得悟。日轉摧碾惑業。日輪下地。所不能測。故日無。

上

著樂所言 貪於勝妙。欲故。

無明障蔽 謂煩惱覆心於一切法。無所明了。故。

天中天 諸天歸仰。故。

聖中聖 三乘尊敬。故。

三際 先中後也。波斯匿王言。親身實相。觀佛亦然。

無前際。無中際。無後際。

莊嚴 戒身清淨。定慧莊嚴。萬德俱備。

轉首 轉留也。首。頭也。以頭至地。停留少頃。方起。以表行人有所禱。故。

思第一義 眞諦非有俗諦。非無不有。不無名中道。第一義諦。

金剛際 際邊也。有堅執世界之力。故名金剛。經云。地水火風。輪下有金剛輪。過去諸佛舍利。咸在其。中。

那由他 千萬億。

佛子 以眞慈悲。紹隆佛種。

五輪 手。膝。與額。

五通 天眼。天耳。他心。宿命。神境也。天仙神咸具。

五道 天人。屬善。三塗。屬惡。輪轉相通。故名爲道。

金剛座 難斷能斷。故名金剛。謂菩薩處此座。斷結。

成佛。故然。三世諸佛。坐斯成道。無少變壞。卽實相。

心地也。

四攝法 布施。愛語。利行。同事。

無見頂相 謂一切人。天。二乘。及與菩薩。皆不能見。

如來頂故。

毗尼日用切要香乳記卷下

清 古杭昭慶萬壽戒壇傳律比丘書玉箋記

展鉢

展鉢者。開巾措鉢也。謂鉢恐有塵。先當開巾措過。安置几上。以俟食至也。

如來應量器。我今得敷展。願共一切衆等。三輪空寂。

庵斯麻摩尼莎訶三遍

闍梵語多陀阿伽度。亦名怛闍阿闍。此翻如來智度論云。佛名如來者。如定光佛等行六波羅蜜。得成佛道。釋迦文佛亦如是。來故名如來。如定光佛等智知諸法相。從如中來。釋迦文佛亦如是。來故名如來。而有法報化三身法身如來者。即無所從來。亦無所去也。報身如來者。即如法自性來成正覺也。化身如來者。即乘如實道來度衆生也。今言如來應量器者。三中應身也。謂此鉢乃世尊躬爲模範也。四分律云。佛在蘇摩國遊行。見彼國中泥土細潤。不惜兜羅綿手取泥。自作鉢。授與陶師。燒成此鉢。寶色光澤圓滿。美好。佛聽受持。當知此

鉢爲千佛授受之法器。九十五種外道悉不知名。唯有我佛如來示此。未曾有法。是知此鉢至尊至貴。我今何緣何幸。得以敷展爲已。受佛戒。故此一句。具含無限難遭渴想之意。然敷展大意。非徒自利口體而已。先當發願爲衆三輪空寂者。能斷金剛經論云。謂布施時。體達施者受者及所施之物。皆悉本空。則能摧破執著之相。是名三輪體空。一施空。謂能施之人體達我身本空。既知無我。則無希望福報之心。是名施空。二受空。謂既達無能施之我。則亦無受施之人。是名受空。三施物空。謂資財珍寶等物。已無我人二相。即達一切皆空。又豈有所施可得。是名物空。如是體會。方稱三輪空寂。無住相布施。而契般若之深意也。

受食

闍頡納曰。受即取咽之義。食者實也。以食實其腹。也能療一切飢虛之總名。而爲助道之正緣。所以經教中說云。身依食住。命托食存。得此飲食。流入五臟。充浹四肢。補氣益肌。身心適悅。堪以進道。故

但不可食著

集比丘受食。踰跣而坐。展食巾於膝上。悉飯湯菜。羹臛於袈裟。請鉢時默念此偈。

若見空鉢。當願衆生究竟清淨。空無煩惱。

圖鉢者。半梵語。略去多羅二字。十誦律云。鉢是恒沙諸佛之標幟。而非廊廟之器。用此皆如來諄諄誡訓。凡受持者。應當珍惜。保重四分律云。如來令諸比丘。以鉢而受食者。有異外道。故外道雖棄爲器。拱手而食。非是僧相。福田之狀。故佛制之。梵語梵摩。此云清淨。究竟者。卽研窮之意。在二乘梵行已立。方名究竟。在菩薩極至無上善提。方名究竟。也。如持空鉢。當下體會究竟之理。直見法界之量。及自己之量。等於真空。又見鉢空。而煩惱亦空。又空中而有不空。卽是妙有。真空非是無知頑空。此中卽達三觀之義。天台智者大師云。若觀心空。則一切法皆空。卽是真諦。若觀心假。則一切法皆假。卽是俗諦。若觀心中。則一切法皆中。卽是中諦。此之三觀。全由性發。實非修成。故于一心。宛有三用。

所謂一心三觀也。若達斯旨。卽事入理。是以空鉢之相。體會實際之理。且不容些子。況有清淨煩惱之跡者乎。華嚴經云。若人欲識佛境界。當淨其意。如虛空。故云究竟清淨。從來不與染法相應。故云空無煩惱也。

集梵語鉢多羅。此云應量。器律中。佛不聽比丘畜用雜寶。銅鐵木石等鉢。大要有二。一泥二錢也。僧祇律云。鉢是出家人器。少欲知足。非俗人所宜。十誦律云。鉢是諸佛標誌。不得惡用。及洗手敷之。如目五分律云。佛自作鉢。坯以爲後式。又發軔鈔云。應法之器也。謂體色量三者皆悉。與法相應。體有二泥及錢也。色者用菴子杏仁搗碎塗其內外。竹烟熏治。熏作鳩鵲頂色。孔雀色。所熏者爲何。夏天盛物不餽。不染垢膩。有此功用。故當熏治。量者分上中下。若准唐斗。上鉢一斗。中鉢七升半。下鉢五升。故名應器。達觀大師云。圖諱曇願爲羣生模範。人天所師。故曰大師。夫鉢之爲器。要三寶備。六德何以明其要。三寶蓋

微此則僧無所資。僧無所資則慧命斷。慧命斷則佛種滅矣。備六德者。彼其能清。能容。能儉。能廣。能尊。能古。則六德之謂也。古由佛授。

圖會正記云。此是迦葉佛鉢。佛入涅槃後。龍王請至宮中供養。以待釋迦成道。尊由天獻。

圖會正記云。佛成道已。龍王送至海水上。四天王皆欲取之。遂化成四鉢。令各得一鉢。以奉世尊。世尊受已。次第重合爲一鉢。

廣則普利一切。

圖古云。一鉢千家飯。孤身萬里遊。欲窮生死路。乞化度春秋。

儉則過中不食。

圖過中不食者。學佛而食也。如來處於五中。謂降生中國。中夜踰城。中夜悟道。日中一食。所談中道。容則施受。糲粗而福利平等。

圖如阿那律陀於饑世。以一鉢糲飯供養辟支佛。感九十一劫天人之中。受如意樂。

清則畢世不忍以棄投之。

圖僧祇律云。鉢是出家人器。少欲知足。非俗人所宜。

如是故。吾曹敢不寶重。歲盛飯時。默念此偈。若見滿鉢。當願衆生具足盛滿。一切善法。

圖名義云。比丘稱乞士者。有二義。一乞食以資色身。二乞法以資慧命。盛者容受物也。鉢飯既滿。不可徒生貪饕之想。不修梵行。當觀飯之來處。粒粒從信施得來。一切善法。悉從此智種發生。故受施者。當梵行具足。所施者。福果盛滿。猶如種子發花。花復爲果。滿足菩薩之梵行也。西域傳云。佛鉢在乾陀國青玉色。受三斗。諸國寶之。供養終日。華香不滿。則如言滿之故。一見滿鉢飯食。則期所修善法。一切具足。成就圓滿。不辜此軀爲載道之器也。集念供養時。以右手扶緣。左手持鉢。齊眉將鉢匙外。向供文照常。

圖將鉢齊眉者。有二義。故一者我等此形。乃無明業識雜穢所成。忍口鼻中氣。聞其淨食。不堪供佛。

菩薩故二者衆生情見習忍分別鉢中飲食稍粗好惡先起三毒心故次以右掌倚鉢緣相等名曰障其觸氣

附供養文

孔子侍食於君君祭又進菜羹瓜祭必齊今飯前供養之大者

圖智度論云食爲行道不爲益身若得食時先獻三寶後施四生行願品云諸供養中法供養最故檀越施來受食之時先當端身正念如法供養三寶也華嚴云設於念念中供養無量佛未知真實法不名爲供養勝思惟經云不起罪業不起福業不起無助業者是名供養佛華手經云若以華香衣食湯藥等供養諸佛不名爲眞供養如來坐道場所說微妙法若能修學者是名眞供養思益經問云誰能供養佛佛言能通達無生際者文殊般若經中佛問文殊汝云何供養佛文殊答言若幻人心數滅我則供養佛台教云供養佛者只是隨順佛語今順佛教修三觀心卽爲供佛爲破五住得解脫故卽供養法三諦理和卽供養僧供養清淨法身毗盧遮那佛

圓滿報身盧舍那佛

圖梵語毗盧遮那華言徧一切處謂眞如平等性相常然徧於諸法身無礙故經云遮那妙體徧法界以爲身梵語佛陀華言覺者起信論云謂心體離念離相者等虛空界卽是如來平等法身則以無念名之爲佛佛身無爲故曰清淨法者可軌義諸乘乘之而得成佛由以法爲身故名法身也經云法身者卽佛身也謂法能出佛故身者依義體義法身爲報化所依體故法身爲重故居第一

圖梵語盧舍那此云淨滿謂諸惑無餘衆德悉具故亦卽圓滿義也又翻爲光明徧照謂內以智光照眞法界卽自報身也外以慧明照應大機卽他報身也又云理智如如名爲自報相好無盡名爲他報摩訶衍云報身者具勝妙因受極樂果自然自在決定安樂遠離苦相故名爲報三覺具圓名之爲佛華嚴疏云一自覺自心本無生滅故二覺他覺一切法無不如是故三覺滿二覺理圓稱爲滿故修因感果名之爲報積聚功德智慧名之爲

身故曰圓滿報身報能顯化故居第二
千百億化身釋迦牟尼佛

圖梵語釋迦此云能仁牟尼此云寂默心性無邊
含容一切故名能仁心性本寂動靜不干故名寂
默又云能仁是悲不住于涅槃寂默是智不住于
生死此乃娑婆世界說法之主也千百億化身者
言變化之多也今且言三一大化身如梵網云我
今盧舍那方坐蓮華臺周匝千華上復現千釋迦
一華百億國一國一釋迦接引三寶故二小化身
如法華云即趣波羅奈為五比丘說接引二乘故
三隨類化身謂現中現現鹿中現鹿等隨類化現
接引一切故譬如千江散影長空止見孤輪萬口
傳聲空谷曾無二响應化無窮法身不動亦猶是
也無而忽有曰化假聚五蘊為身既以現身受純
陀供又有別受大衆之供則一應一化也又智與
理混以報合法能起大用隨機普應說法利生故
名為化三身無礙兩足稱尊故名爲佛先報後化
故居第三

極樂世界阿彌陀佛

圖經云彼土何故名爲極樂其國衆生無有衆苦
但受諸樂故名極樂梵語阿彌陀此云無量壽亦
云無量光謂彼佛光明及與壽命無有量故智論
云無量有二一者實無量諸聖人所不能量如虛
空涅槃衆生性是不可量二者有法可量但力劣
者不能量如須彌山大海水斤兩滴數多少諸佛
菩薩能知諸天世人所不能知如涅槃經云唯佛
與佛其壽無量是也十號俱彰三身圓滿故名爲
佛此乃西方教主接引衆生舉西方一佛以例餘
九彌陀已成故居第四

當來下生彌勒尊佛

圖梵語彌勒漢言慈氏姓也南天竺婆羅門子名
阿逸多翻無能勝具足當云慈無能勝以在母胎
中卽有慈心故以名族又過去生中遇大慈如來
願同此號卽得慈心三昧又昔爲婆羅門時號一
切智於八千歲修習慈行悲華經云發願於刀兵
劫中擁護衆生是卽慈隆卽世悲慈後劫至極之

慈超出凡小故無能勝神通廣大威德無窮曰佛。布袋和尚頌云彌勒真彌勒化身千百億時時在世間世間人不識觀音玄記云底沙佛時慈氏與釋迦如來同發阿耨多羅三藐三菩提心彌勒多遊俗姓家素捨所習誦所以果在後熟爲龍華教主當來人壽八萬歲時此佛出世三會說法初會度九十六億人二會度九十四億人三會度九十二億人皆證阿羅漢果凡在釋迦牟尼佛法中持戒修行及造福者皆得於龍華會上授記成佛故處處經中佛告彌勒偈言汝所三會人是我先所化九十六億人受我五戒者次是三歸人九十二億者一稱南無佛皆得成佛道此舉補處以例過去該通三世當來下生故居第五

十方三世一切諸佛

圖十方者東西南北四維上下也過現未來曰三世佛佛皆供曰一切分身無量徧十方利故曰諸佛若論往古劫海之現在諸佛即今稱爲過去即今現在乃過去之未來亦爲未來之過去所以出

息入息一剎那間而成三世又諸佛者謂盡東方過不可說不可說世界不可說不可說諸佛悉皆現前受我供養餘方亦然此乃總結供養一切佛也

大智文殊師利菩薩

圖大智者揀非用外之智也謂一切諸佛皆依文殊而發心故又善財始見即發大心故慈氏語善財言汝先得見諸善知識聞菩薩行入解脫門皆文殊力也微密經云梵語曼殊室利此云妙吉祥也楞嚴經說是過去無量阿僧祇劫有佛號龍種上尊王佛央掘經說是現在北方常喜世界歡喜藏摩尼寶積佛慈恩上生經疏引經云未來成佛名曰普現佛地經云妙吉祥者一切世間親近供養讚歎故又真諦云於怨親中平等利益不爲損惱故又生時有十種瑞故正音文殊師利此云妙德智也經云諸佛之母釋迦之師大智獨尊常爲一切菩薩上首大經云了了見佛性猶如妙德等梵語菩提薩埵此云覺有情同佛所證謂之覺

無明未盡謂之情謂能發起大智大悲覺自有之佛性惟智故上求佛果惟悲故下化衆生有了悲智方可利生設無智則佛道難成設無悲則衆生難度智悲雙運故名菩薩此乃二利之通稱也又殊具根本智以信解是成佛根本故經云微塵菩薩衆由是成正覺既信解是成佛根本受食後自當精進修持以冀發生定慧也

大行普賢菩薩

圖大行者揀非權小之行也萬行之所莊嚴故稱爲大供養一切心無厭足故名爲行梵語卽輪跋陀此云普賢悲華經云我行要當勝諸菩薩寶藏佛言以是因緣今更改字名曰普賢行無不徧曰普佑上利下曰賢以周徧佑利故名普賢然行爲修道之首非行則福慧不能生施心不能普六度不能修衆生不能度故諸佛菩薩無有不從行門中出也然文殊是能起之信解普賢是所起之萬行互相融攝表依信起行行能顯理故

大悲觀世音菩薩

圖大悲者專用悲心以化度也誓願弘深故稱爲大尋聲救苦故名曰悲梵語阿那婆憂吉低輪此云觀世音觀是能觀之智音卽所觀之境楞嚴經云此方眞教體清淨在音聞非智不能起行非行不能興悲以表受此飲食願要智悲同運廣化衆生故立文殊普賢觀世音也

諸尊菩薩摩訶薩

圖諸尊者該攝塵方一切菩薩也如地藏勢至等衆聖有如是恩德無量無邊一切衆生無有過者故稱曰尊梵語摩訶薩此云大菩薩位登十地等覺以上者悲智並運自利利他也此則總結供養一切僧也

摩訶般若波羅蜜

圖言摩訶者深大般若揀非淺小般若也梵語般若此云智慧波羅蜜此翻到彼岸生死爲此岸涅槃爲彼岸般若是六度萬行之首波羅蜜是涅槃彼岸之終諸佛菩薩以般若爲能乘涅槃爲所乘依六度法運諸衆生出於苦海到涅槃彼岸也此

句總結供養一切法也。佛是能說故。先供僧是能傳故。次供法是所說所傳故。後供三寶一供六道均益故。四恩總報故。未受食前應先稱供也。

粥有十利。饒益行人。果報無邊。究竟常樂。早時念。

○僧祇律云。佛在舍衛城時。難陀母作食。先飯比丘。後自食。復作釜飯。逼上飯汁。自飲。覺身內風除。宿食頓消。由是多水少米。合煎復用胡椒薑芡調和。奉佛。所以佛聽比丘食粥。有十種利。故一資益身軀。顯色豐盛。二補益。底。羸。增長氣力。三補養元氣。壽算增益。四清淨柔軟。食則安樂。五滋潤喉吻。論議無礙。六調和通利。風氣蠲除。七溫煖脾胃。宿食消化。八氣無凝滯。辭辨清揚。九適充口腹。肌骸頓除。十喉吻清潤。渴想隨消。謂粥有如是利益。不可思議。果報亦不可思議。其饒益行人。是願表因。果報常樂。表果。謂施主以十利之粥供養者。必當感證涅槃妙果。而獲常樂我淨四德也。周書云。黃帝始烹穀爲粥。魏武帝苦寒。行日行行日已遠。人馬同時飢。擲囊行取薪斧水持作糜。

三德六味供佛及僧。法界有情。普同供養。

○三德者。一清淨。謂供佛僧之食。常使清潔無穢。穢之氣。二柔軟。謂供佛僧之食。當須柔軟甘和。而無麤澀之味。三如法。謂供佛僧之食。當隨時措辦。製造得宜也。六味者。謂酸苦甘辛鹹淡也。涅槃經云。諸優婆塞爲供佛及僧。辦諸食具。種種備足。皆是旃檀沉水香。薪八功德水之所成。熟其食甘美。有美德。爲供佛者。謂供三世諸佛也。僧有二種。一者菩薩僧。二者比丘僧。供佛未有不供僧也。故曰及普同者。上至諸佛。中奉賢聖。天龍護法。下至一切含靈。無不徧及。故曰普同供養。

若飯食時。當願衆生。禪悅爲食。法喜充滿。

○禪悅法喜者。此乃出世五種食中。兩法也。故華嚴疏云。世間之食。但能資益生死之身。修行之人。於世美味。心不貪嗜。常持正念。以禪悅法喜爲食。則能長養善根。出離生死。成就菩提。故有出世五種食也。一念食。謂修聖道者。常持正念。故二法喜食。謂愛樂大法。資長道種。故三禪悅食。由得定力。

資長慧命。道品圓明。心常喜樂。故四願食。謂不捨梵行長養。一切善根。如世之食。資益身根。故五解脫食。謂離諸業縛。於法自在。長養善提。故此五種是聖食。第一句偈。是凡食。謂米炊熟。曰飯。又飯茹噉之義。謂進食之時。作是願言。我今受此段食。資養幻軀。修出世道。願諸衆生。不由胎藏。不假段食。惟得禪悅法喜。二食長養聖根。資持慧命也。

出生

圖出生者。當時世尊爲鬼子母等。傷害人民。兇惡無比。故先以威折後。以慈攝。以法食易其口腹。不使生命入其死門。故曰出生。然恐法化不恒。兇惡之輩。仍害生命。乃教諸弟子。凡修行處。食時先施法食。令滿法喜。故涅槃經云。不施食者。非我弟子。集念畢。出生用匙取飯七粒。麵不過一寸。以左手大姆指捻。無名指作甘露印。默念偈云。

法力不思議。慈悲無障礙。七粒遍十方。普施周沙界。

集將匙中飯。給侍者。送去匙。朝裏向默念呪云。

庵度利益沙訶。

三遍每遍彈指一下。

圖法力者。偈呪觀行力也。不思議者。謂此觀行之力。不可以心思。不可以言論。而能成就。不思議之慈悲。以慈故飽滿。一切以悲故拔飢渴。苦障礙者。謂餓鬼有三障。一外障。謂餓鬼常受飢渴。皮肉血脈皆悉枯槁。頭髮蓬亂。其面黧黑。唇口乾焦。常以其舌自舐其面。惺惺走處。處求食。所到泉池。便見其水變成膿血。自不欲飲。如是等鬼。由外障礙飲食。是名外障。二內障。謂餓鬼針咽炬口。其腹寬大。縱得飲食。不能啖飲。如是等鬼。由內障礙飲食。是名內障。三無障。謂有餓鬼名猛焰。雖見飲食。無有障礙。然隨所噉之物。皆被燒然。變成火炭。由此因緣。飢渴大苦。是名無障。如上重苦。以慈悲力。故得無障礙。以無障礙。故能以七粒之飯。化少成多。周遍沙界。令諸鬼神。個個消諸障礙。得沾法味。而得解脫也。

大鵬金翅鳥。曠野鬼神衆。羅刹鬼子母。甘露悉充滿。

庵穆帝沙訶三遍。

圖觀佛三昧經云。金翅鳥王名曰正音。於衆羽族。

快樂自在於國浮提日食一龍王及五百小龍於四天下更食日日數亦如上周而復始經八千歲死相既現諸龍吐毒不能得食飢渴憊惶求不得安至金剛山從山直下至大水際從水際至風輪際爲風所吹還上金剛如是七返然後命終以其毒故令十寶山同時火起難陀龍王懼燒此山即降大雨滴如車軸鳥肉消盡唯餘心在心又直下七返如前住金剛山難陀龍王取爲明珠轉輸聖王得爲如意珠若人念佛心亦如是起世經云龍與金翅鳥王皆具胎卵濕化四種棲炭經云四生金翅鳥還食四生龍濕繫經云惟不能食受三歸者華嚴經云此鳥食龍所屑之風若人人眼人眼失明故不來人間恐損人眼故起世經云大海之北有一大樹名曰居吒耆摩離其樹高一百由旬枝葉徧覆五十由旬此鳥與龍皆依此樹四面而住四面各有宮殿縱廣六百由旬七重垣牆七寶莊嚴卵生鳥王居樹東面欲啖龍時飛上東枝觀大海水乃即飛下翅扇海水自開二百由旬取龍

食之此鳥王惟能取卵生龍也胎生鳥王居樹南面欲取龍時飛上南枝令水自開四百由旬取龍食之此惟能取卵胎二種龍也濕生鳥王居樹西面欲取龍時飛上西枝令水自開八百由旬取龍食之此惟能取卵胎濕三種龍也化生鳥王居樹北面欲取龍時飛上北枝令水自開一千六百由旬取龍食之此鳥卵胎濕化四種龍皆能取也於時有化龍子於六齋日受齋八禁時金翅鳥欲取食之脚上須彌山北大鐵樹上高十六萬里求覓其尾了不可得鳥聞亦受五戒如來令沙門釋子受食之時先施彼一分以養其命故有此緣也曠野鬼神衆者大涅槃經云佛告諸比丘我於往昔分衛聚落見樹下有一鬼神名曰曠野純以血肉爲食日啖一人我於爾時爲說種種妙法然彼愚痴不受我教我卽化身爲大力鬼動其宮殿使彼迷悶令心不安我遂以慈悲手摩其身彼卽坐起生善信心我復本相爲說法要受不殺戒其鬼白曰我及眷屬惟仰血肉爲食今受戒已云何

存活佛言。今教弟子隨修行處。食時先施一分。令汝等飽滿。若不出生。非佛弟子。故有此緣也。鬼子母者。羅刹中之巨擘也。梵語羅刹。此云遠疾鬼。阿含經云。此母先身是牧牛人。婦因有不如意事。起瞋恚心。發願食王舍城中所有諸人男女。因其惡願。捨身隨生藥叉之內。而有千子。皆爲鬼王。統數萬鬼。五百在天上。常燒亂諸天。五百在世間。常燒亂國界。人民曰。噉王舍城中諸人男女。時彼城人皆言。爲賊將去。護城善神告曰。汝等男女。非賊偷去。乃歡喜藥叉取而食之。諸人答曰。若取我等男女食者。乃爲怨賊。何名歡喜。是故梵語阿底利母。此云怨賊。即諸天中鬼子母天是也。王舍城人白佛求救。佛遂藏其稚子。名曰愛兒。此母天上人間處處求覓。不得後。遇增長天王。指指佛所。佛言。汝憐愛兒乎。汝有千子。一尙見憐。況餘人。一二而已。汝復食之。其苦何如。世尊說法化導。遂揭鉢還之。令受三歸五戒。得須陀洹。住佛精舍。無子息者。求子得子。有疾病者。禱之則安。故爲鬼王母。

由受佛戒。亦呼千子。同依佛所。聞法化導。不憚天。人其母白佛言。既受戒。已我及子。衆今何食。耶佛言。苾芻凡受食時。先出一分。令汝等充足飽滿。故西乾諸刹。或於門屋處。或於食厨邊。設一小桌。安一盃器。塑畫母形。擣一子於其膝下。大衆受食之時。施其一分。令彼脫離飢渴之苦。此是西天竺國。出生之軌則也。以是觀之。各各出生。元非正嗣。但令侍者選食。衆持偈呪。施心普矣。原重於法。不在食之多少。若在道行。或分衛處。及施主家。上座出生。下座選食。餘持偈呪。理則如然。若獨分衛。當須自出其意。明矣。已上三緣。如是暴橫。見佛威神。不動聲色。而能降伏。然恐其暴惡習氣未盡。故先以甘露妙法。攝其心胸。後以飯食。令充足飽滿也。如上二偈。本於涅槃天傳二典。故句異而義同。凡出生時。須合持誦。

集今時每見以指印表喻。須彌山將食周繞數次。或復繞竟。翻轉手印。種種故作。覈考經律。不出典章。全失威儀。若論理。唯左手結印。右手出食口中。

默誦偈。况是其正也。按南海寄歸傳云。西域僧衆。赴供受食處。上設一聖僧座。邊傍設一小桌。安一盃。器供鬼子母。凡行食時。先供聖僧。次供現前大眾。後供鬼子母。食無有各各出生之制。今順東土古儀。雖各各出生。但不可種種做作也。

侍者送食

圖侍者乃近承之人。送食是奉師之教。設或師自往者。衆必齊起。反令驚動。以致不安。故令侍者代送也。

汝等鬼神衆。我今施汝供。此食徧十方。一切鬼神共施。移力陵莎訶三遍。

圖汝等者。謂指上神畜三種。直呼其名而施彼法食也。婆沙云。鬼者畏也。虎怯多畏。故又希求名鬼。謂恒從他人希求飲食。以活性命。故而有三種。一謂罪業極重者。積劫不聞水漿之名。二但伺求人間。漸緣膿血糞穢而食。三時或一飽。謂作惡衆生。由慳貪故。生於此道。神者能也。大力能移山填海。小力能隱顯變化。又氣伸者爲神。屈者爲鬼。故曰。

鬼神樂而施之曰衆。我今施汝供者。謂正當比丘受食未嘗噉嚼之時。以此清淨妙供。施與彼。故此食徧十方。一切鬼神共者。鬼神以觸爲食。謂諸鬼神等各散十方。而此呪食能徧十方。令鬼神共觸氣分。以表佛慈平等。皆得平等法味也。感通傳云。昔南山大師住世化導。不滄人間。飲饌二十餘年。常受天供。一日師問天人曰。貴道修行。何德敢勞。尊天送供。天人答曰。我師曾爲沙彌時。每於出食。施諸有情。我等咸霑法食之味。皆令得脫苦趣。遂感天身。是故常感大師法乳之恩。濟度我等。今來詣報。斯乃宣顯道德之所致耳。由是觀之。學道之人。凡所作一切行。皆回向法界一切衆生。同成覺道。斯乃菩薩行其功德。不可思議也。侍者送食。回候維那唱僧飯鳴磬一聲。方歸本位。

僧跋

圖僧跋者。即等供之唱法也。梵摩羅國王經云。梵摩羅王太子名均鄰。備出家。得道王時。不知每往供養。異於衆。僧佛知王用恩。愛故。告言一切衆生。

皆我親臨。夫欲施者。皆當平等。不問大小。佛勅阿
難。臨飯唱。僧跋令。衆僧飯。皆平等。寄歸傳云。三鉢
羅。住多。此云。善至。或是密語。能除毒。故義如後。釋
佛制比丘。食存五觀。散心雜話。信施難消。大衆聞聲
聲各正念。

團佛制者。猶奉王勅也。十誦序云。尸利仇多。疑佛
有一切智。乃計毒。食舍內作大火坑。令無烟。焰以
沙覆上。敷不織床。自言。若佛有智。當不赴。請佛以
應度。默允。乃語阿難。令諸比丘。莫先行。如來領諸
比丘。入於彼舍。火坑中。化生蓮花。佛與比丘。皆行
花上。其不織床。皆成完床。尸利感化。白佛。此食難
不堪供佛。言但施食之。無病。佛告阿難。宣令未唱
呪願。不得先食。唱已。食皆甘美。佛還作法。從今未
唱呪願。不得食也。食存五觀。詳著下文。散心雜話
乃至各正念者。此述佛告阿難。宣令之意。以警比
丘。常修正觀。乃可受食。若不修觀。散心雜話。而食
者。則信施難消也。古云。施主一粒米。重如須彌山。
若還不了道。披毛戴角。還難消二字。甚于尸利仇

多毒藥也。是故叢林至今。遵佛遺教。將受食時。擊
磬宣偈。令諸比丘。於聲中各存正念。正念者。如理
而念。名為正念。即念慧也。謂沉掉有無等。不動。謂
不動正念也。梵網經云。寧以此口吞熱鐵丸。及大
流猛火。經百千劫。終不以此破戒之口。食信心檀
越百味飲食。五燈云。提婆尊者得法後。至迦毗羅
國。有長者名梵摩淨德。一日園樹生耳。如菌。味甚
甘美。唯長者與第二子羅睺羅。多取食。取已。隨長
餘親屬。皆不能見。祖知其宿因。遂至其家。長者問
其故。祖曰。汝曾供一比丘。否。然此比丘。道眼未明。
鹿野信施。故報為木菌。惟汝與子。精勤供養。故得
享之。又問長者年多少。曰。七十九。祖說偈曰。學道
不通理。轉身還信施。汝年八十一。此樹不生耳。後
如其記。

集律中佛制。衆僧受食。唱僧跋者。因外道請佛及
僧。密下毒藥於食中。故令諸比丘。一齊唱云。三跋
羅。伽多。所有毒藥。皆變為上妙美味。衆食安樂。免
其毒害。言僧跋者。僧即受食之僧。衆跋即所唱之

秘呪也。梵語三跋難伽多。此云等供。謂衆僧食皆平等。故又云善至。謂供具善成。食時復至。故今此方唱五觀。令衆一心受食。而爲僧跋者。一則無有外道毒害。故二則令人慚愧受食。故是以雖非正制。東夏通行。

畢鉢

圖既聞唱響。策叉及磬聲已。卽當以左手持鉢。右手扶緣。一舉默持。此偈呪。

執持應器。當願衆生成就法器。受天人供。

庵枳哩。枳哩。囉日。囉吽。突吒。三遍捧鉢當胸受食

圖執持者。手捧也。梵語鉢多。難此云應量器。謂體色量三。與法相應。名爲應器。體雖許泥鐵。惟重於瓦。善見律云。三乘聖人皆執持瓦鉢。乞食資生。以四海爲家。故名比丘。色惟聽薰作鳩鵲頂色。不許背黃綠白及彩畫雜色。故量則雖有上中下三等。佛制令隨身分量。故三者之中。有不如法。便非應器也。執持應器。必誦呪偈。回向衆生。卽體是法。本來成就。故成就法器一句。而空假中備矣。乃至制

度之法。三匙五觀之意。皆出於應量。則諸法無不具足也。四分受戒。離度云。世尊昔日於菩提樹下。初成佛時。有二賈客將蜜。齎奉佛。世尊作是念。過去諸佛以鉢受食。是時四大天王各以石鉢疾獻。世尊如來復作念云。若于一人邊受者。餘則有恨。我今四鉢總受。次第相重。安左掌中。以右手按下。佛神力故。合成一鉢。故云成就法器。受天人供也。故律中不聽比丘畜石鉢。若畜犯偷蘭遮。若不知如是應量之法。卽滴水難消。況天人供耶。一正受食時。應具威儀。僧祇律云。比丘受食。當如雪山家王食法。食入口已。以鼻作後口分。齊前食咽已。續內後。團不得大。不得小。當可口食上座。當徐徐食。不得速食。竟住看。令年少比丘狼狽。食不飽。若麤團大。當手中分。令可口餅亦如是。受食時不得令一粒落地。若食薄粥羹飲。不得噉使作聲。當徐徐咽。根本律云。不彈舌。食不嚼。嚼食不訶氣。食不吹氣。食不得振手。食廣如律中。

三匙有節

圖節者度也。謂受過三匙飯。或用飯或以匙取羹而食也。然初不停于二。終不至于四。而必以三者何也。表願斷貪。嗔痴三毒。及顯三聚淨戒。故智度論云。食爲行道之本。正受食時。須作三願。

初匙願斷一切惡

圖願斷一切惡者。謂無惡不斷。天台云。有界內界外惡。卽見思塵沙無明等惑是也。初下匙時。當願此生所有身口意三業。及一切不善之法。悉令斷盡也。

二匙願修一切善

圖願修一切善者。謂無善不修。次下匙時。當願此生所有一切善法。悉令動修。卽如來所說戒定慧三學。并三十七品助道等法。乃至百千三昧無量法門是也。

三匙誓度一切衆生

圖誓度一切衆生者。謂無一衆生不度。如阿難發願如一衆生未成佛。終不於此取泥洹也。次下匙時。當作是願。此生所修善根。同施一切衆生。共成

佛道。前二匙是自利。此正當利他。卽四弘誓願也。集如是行者。承此呪願。力勝河沙七寶百味飲食。供養諸佛菩薩賢聖僧也。

圖此三願心本起信論文云。一者直心。正念真如。法二者深心。樂集諸善。行三者悲心。欲拔衆生苦。亦卽三方。便能止方便。止一切惡法。二發起方便。發一切善根。三大願方便。願度一切衆生。語云。三心未盡。滴水難消。夫是之謂歟。

五觀無違

圖無違者。理事無礙也。謂觀中卽事。卽理。諦思融會。故若學道人。受食不存正念。如牛噬草。何殊故。懶菴禪師曰。十方僧物。重如山。萬劫千生。豈易遘金口共談人。未信他年爭免饑。城關又曰。人身難得好思量。頭角生時。歲月長。堪笑食他一粒米。等閒失却半年糧。由此觀之三學。不修被食所墮。可不慎歟。

一計功多少。量彼來處

圖計功多少者。謂想此一鉢之飯。非是等閒。推其

原本自從種植收穫。農夫酌晴較雨。乾旱水澆。鋤犁耨以至淘炊等。作夫流汗合集。食少汗多。功重如是。古云。鋤禾正當午。汗滴禾下土。誰知盤中粒。粒粒皆辛苦。故律云。一米百工。是也。入口即成。不淨。頃刻變爲屎尿。惡不欲見。我若貪著。當墮地獄。吞熱鐵丸。出爲畜生。償他宿債。如是觀已。心生厭離。方堪受食。量彼來處者。僧祇律云。皆是信心檀越。減損口腹。爲求福故。布施我等。所謂檀信脂膏。行人血汗。若無修行。粒米難消。故文殊問經云。菩薩若無思惟。卽飯亦不應受。凡受食時。當作此觀。

二付已德行全缺應供

圖付計度也。謂計度已之德行全缺也。若果勤修三學。化導衆生。具此二利之德名之爲全。方堪應供。若不具者。名之爲缺。則不宜受。故毗尼母論云。若不誦經坐禪。營三寶事。及不持戒受他信施。爲施所墮。又云。斷三界見思。證阿羅漢果。方爲全應供。若初二三果已來。皆名缺。應供也。然德行

雖全。猶須觀法。方消信施。故天台云。不問乞食衆。食皆須作觀。若不入觀。卽潤生死。所謂學道不通理也。全既如此。況缺者耶。凡受食時。當作此觀。

三防心離過貪等爲宗

圖防心離過貪等爲宗者。以貪嗔痴三毒是一切衆生生死根本。造業因緣。謂此心具足無量無邊煩惱之過患。而貪嗔痴是其根本。故曰爲宗。宗者主也。故彌勒問經云。一切惡法皆從貪嗔痴起。我等爲道捨家。應當謹慎。防之根本。若違諸惡。遠離故於美味不起貪想。於粗食不起嗔恚。於不粗不美食不起痴心。凡受食時。當作此觀。

四正事良藥爲療形枯

圖正事良藥爲療形枯者。謂吾人四大成身。常爲飢渴所病。苟非飲食。則形枯色賴。無由進修。道業是以飲食爲資身治病之良藥。修行進道之機關。如有貪著。則反成沉疴矣。阿育王經云。優波笈多。以一罍盛滿乳糜。又以一空器。並置一食。食比丘前。語言。汝可待冷。稍稍飲之。而比丘貪食心重。便

吹使冷乃并食之。爰多曰乳糜雖冷汝心故熱復須冷之當以不淨觀爲水除此心熱若見飲食如服藥想比丘食竟即便吐出滿於空器爰多曰汝可更食比丘曰不淨何可復食爰多曰汝觀一切法猶如涕吐因爲說法比丘精進思惟觀察得阿羅漢果凡受食時當作此觀

五爲成道業應受此食

圖爲成道業應受此食者謂出家人無爲無欲清淨自守隨緣飲啄以資形命爲修三乘道業故不食則形羸色變道業難成今因成就道業故受此食苟不修道則粒米難消慈恩云爲成道故施將來道業未成爭消得可見飲食是助道正緣所以受之若自知道業未成切須深生慚愧故行護云所食須生慚愧當作觀法摩得勒伽論云若得食時口口作念若不如是用心使名虛消信施凡受食時當作此觀

集一計功多少智度論云此食墾殖收穫春磨淘汰炊爨及成功用甚多量彼來處僧祇律云施主

減其妻子之分求福故施凡受食時當作此觀二付已德行全缺應供毗尼母律云若不坐禪誦經營三寶事及不持戒受人信施爲財所墮則不宜受食德行若全則可應供受食凡受食時當作此觀三防心離過食等爲宗明了論疏云出家先須防心三過謂於上味食起食下味食起口中味食起痴以此不知慚愧墮三惡道凡受食時當作此觀四正事良藥爲療形枯謂飢渴爲主病四百四病爲客病故須以食爲醫藥用資其身凡受食時當作此觀四百四病者人身假地水火風四大所成一大不調則生百一種病四大共成四百四病五爲成道業應受此食謂不食則飢渴病生道業何成增一阿含經云多食致苦患少食氣力衰處中而食者如秤無高下凡受食時當作此觀圖此五觀道本遺教經文云受諸飲食當如服藥四觀義也次云於好於惡勿生增減三觀義也三云起得支身以除飢渴五觀義也四云受人供養緣自除惱二觀義也五云無得多求壞其善心一

觀義也。古德云：五觀若存，千金易化。所以和尚廣引經論以發明也。

洗鉢

圖洗者，滌其膩屑也。謂受食已畢，應當如法。若器若論，西土洗法，必須灰泥，是英獨摩等方除油膩。謂彼處食多，乳酪酥油，故此方但盛米飯，只須滾水洗之，即潔矣。

以此洗鉢水，如天甘露味，施與諸鬼神，悉皆獲飽滿。庵摩休囉悉莎訶三遍。

圖梵語蘇嚕巴，此云水而喻甘露者，蓋謂比丘以水洗鉢，緣時加持，偈咒其法力之功，不可思議。以此法水，普濟羣生，令其善芽增長，罪垢消除，離生死之熱惱，除貪愛之枯渴，成就菩提，超登覺岸。是以喻如不死妙藥也。世人但知施食之利最多，而不知此施水之功逾勝。謂饑鬼咽喉熾然，見水不能得飲，惟此呪水飲之，咸得清涼而脫苦趣。是故洗鉢之時，加持偈呪，願力以水施與，如天甘露，能令鬼神不飢渴，故去水已，復應展故不展，而水不

能乾內恐濕氣外恐招塵，故須展也。經律異相云：有阿羅漢，常入龍宮，應供食，還以鉢受沙彌洗鉢。中有殘飯數粒，沙彌嗅之，大香，食之甚美，便作方法，入師繩床下，兩手捉胸，其師至時，繩床俱入龍宮。龍言：此未得道，何以將來沙彌食鉢粒，故五雲志逢禪師。一日入普賢殿中，晏坐，饒有神蹤。於前師問，誰曰：護戒禪師曰：吾有何德，耶禪曰：洗鉢水師每傾，棄非所宜也。師從此後盡飲之，即成脾疾，十載方愈。

結齋

圖結者，收歸也。檀越為生善故，設齋供養衆僧，齋供既畢，仗呪力，加護二儀功能，結其善法，令不散失。自他兩利，二施無窮。故云結齋，先念準提呪者，願所求如意也。

所謂布施者，必獲其利益，若為樂故，施後必得安樂。圖運心普偏為之，布輟已，惠人為之，施月燈三昧。經云：布施乃破慳貪之前陣，入正道之初門。四分云：此乃如來成道於菩提樹下，最初受二賈客蜜。

變之回向。偈今時結齋。所以念之。然受者雖無如來德行。仗佛願力。必令施者得安樂也。律云。施者凡所供養。必有願求。或求生天。享福。或求解脫。輪迴。或求長壽安樂。或求寂滅涅槃。受者當於三寶前。宣達其願。故如來受食已。即說此偈。回向所謂何心施者。隨因感果。必得其中。如願也。有慇身心曰利。所求滿願曰益。以福田植種。非僧不能。故上二句明感下二句顯應。遠離生死曰安。不受諸有曰樂。所謂跏趺坐受供養。施主蒙安樂。故云若為樂。故施後必得安樂也。

飯食已訖。當願衆生所作皆辦。具諸佛法。

圖終止爲說訖者。盡也。謂受食洗鉢已。正當施法之時也。若不發願回向。則前三起五觀皆爲剩語。有始無終。是故當願一切衆生。究竟一切事也。所作皆辦者。約事而言。佛世比丘受食竟。收衣鉢。洗足已。敷座而坐。或坐禪。或修觀。增其三學。故略言觀行已周。厨務行堂已畢。惟勤佛道。無別事故。至於人理深談。豈易言哉。二乘祇斷見思。惑菩薩將

盡無明。尚未名皆辦。惟佛五住究竟。盡二死永忘。可稱皆辦也。然世人食已。非奔走塵務。則增長睡眠。故今願回向佛道。故云所作皆辦。具諸佛法也。佛法總具自然所作皆辦。所作皆辦。無有不具諸佛法也。

受願

圖上古檀越飯僧。先以布氈觀其座。齋已。送襯作衣。故親從衣後。以銀錢代布。故親從貝。謂飯僧不足。以盡敬而加贈之。以物表禮節。慇懃之。至於時

祝誦

財法二施等無差別。檀波羅蜜具足圓滿。

圖養命之源曰財。契悟心地曰法。施者散與也。要須蜜論云。作檀願。此云財施。解言報施之法曰達。觀導引福田亦曰達。願字咸從口。西域記正言達。願字者右也。或云歐器。尼以右手受人所施。爲其生福。故財法二施等無差別者。謂檀信以財施比丘。以法施二種功德較量。無有優劣。故云等無差別。檀者華言施。波羅蜜此翻事究竟。菩薩爲衆生

● 漢 疏

徧修一切事行圓滿。故今之所施本欲圓滿。檀波羅蜜也。卽所謂財施無盡。法施無盡。福德亦無有盡。故云具足圓滿也。

取楊枝

圖手捉曰取楊枝者。梳齒之木也。白玉蟾記云。太微空中箕宿之精化而爲柳。垂垂裊裊於淡雲疎雨之間。古之所隱於柳者。蓋欲彰其溫柔謙遜之志也。寄歸傳云。梵語憐哆家。瑟訖憐哆譯之爲齒家。瑟訖卽是其木。豈容不識齒木名作楊枝。西國柳樹全稀。譯者輒傳斯號。佛齒木樹實非楊枝。那爛陀寺目自親觀其齒木大如小指。大木破用小條截爲近山莊者。則作條爲蔓。爲先處平曠者。乃結桃槐柳隨意。前收憐擬無令齒少三千威儀云。用楊柳有三事。一者斷當如度。二者破當如法。三者嚼頭不得過三分。言斷當如度者。齒木有三種。長者十二指。短者六指。二內名中。

集律中名曰齒木。楊有四種。皆可梳齒也。一白楊。葉圓。二青楊。葉長。三赤楊。葉降。葉亦四黃楊。木性。

堅緻難長。今咸以柳條當楊枝。柳條垂下。乃小楊也。若無柳。處將何梳齒。須知一切木皆可梳齒。皆名齒木。但取性和有苦味者。嚼之不獨爲柳木一種也。

手執楊枝當願衆生皆得妙法究竟清淨

唵薩吧囉。述答薩哩吧答哩。囉薩吧囉。述怛唵。

摩訶訶。後持法界呪。

圖手執楊枝者。謂食罷之時。當去穢以究佛法也。菩薩百無所思。一切天人覓其起處。不得忽然。機境相逢。乃見入事入理之無窮。是故菩薩纔舉楊枝。便願一切衆生。於禮拜持誦觀心。閱教皆得悟入妙法。究竟妙法。無他直願一切衆生清淨而已。以今生持戒清淨爲因。則當來究竟清淨爲果。蓋楊枝質性溫柔。滋味清涼。故取其義爲喻也。故華嚴疏云。楊枝五利。是曰俗法嚼楊枝。

圖嚼者。咀嚙也。謂手握楊枝以齒碎齧也。法苑云。垂楊細柳。絲幹新條。去熱則口發幽蘭。淨齒則氣。

含優鉢

嚼楊枝時當願衆生其心調淨。諸煩惱。

庵阿耨伽彌摩。緣爾嚼迦。囉僧輪。歌你鉢頭摩。俱摩囉爾。嚼僧輪。歌耶陀囉陀。囉素彌。摩。摩。摩。訶三遍。

嚼楊枝時者。謂受食已。卽當梳齒。不得延挨過也。律云。除津若在。卽不成齋。諸經聽法受禮。禮他並皆得罪。謂淨穢相參。故其楊枝味苦澀。嚼之則有益身心。菩薩爲願一切衆生。調伏煩惱。更無別事。惟示堅忍之法。除其煩惱。亦如飲楊枝苦味。而消除煩熱也。其心調淨。嚼諸煩惱者。謂眞如心體。本自清淨。但爲無明所蔽。妙淨明心。不能得顯。今用戒力以調伏之。則淨明獨露。其諸煩惱。悉業自消。喻如楊枝。嚼斷而永不復續矣。

集凡嚼楊枝時。須令盡。然後以水漱之。不得含水。同梳其嚼楊枝有五種利益。一口不苦。二口不臭。三除風。四除熱。五除痰。瘴若用殘者。當棄屏處。不得擲大衆行坐之所。

漱口

圖漱口者。以水漱。口。中。膩。滑。令。淨。以。便。說。法。禮。敬。無礙于事理也。

漱口連心淨。吻水百花香。三業恒清淨。同佛往西方。庵囉。庵罕。莎訶三遍。

圖漱口連心淨者。謂食時。菜甲遺于腴間。久之作氣。故食畢。嚼齒木。已。必。須。漱。口。其。渣滓。令。淨。盡。無遺。以事推理。匪止口淨。亦兼心淨矣。吻。含。也。百花香者。乃表因果齊彰也。此言當含水于口內。百花香噴於口外。正喻持戒堅真。心體清淨。則戒香自當復郁也。三業恒清淨。同佛往西方者。謂身語意業。既然清淨。則兩乘戒體。自。即。淨。成。爲。因。淨。士。爲。果。便。同。諸。佛。無。二。無。別。西。方。極。樂。彈。指。可。超。三。界。自。不。漏。落。矣。

出錫杖

圖出者。謂從內取出。行持也。錫者。八義彰名。謂能輕煩惱。明佛法。出二界。而不遇。悟正法。而頓醒。斷我慢。疏三毒。採取戒定慧寶。成就無上菩提。故名。



爲錫杖者扶也。依也。謂依杖行持能扶我出離三界。故四銚十二環是釋迦牟尼佛杖。兩銚十二環是迦葉佛杖。又大小兩乘用各不同。制亦是別也。集梵語際。棄羅此云錫杖。乃三世諸佛所持。以彰智行功德。淨除煩惱業障。比丘每日早食竟。齒木已須。繞佛出杖。若有白衣及沙彌。令彼授與。若無禮佛三拜起。已自取持出。向東拭塵。如法作觀。其觀行威儀。廣詳錫杖經中。手取杖時。默誦此偈。呪執持錫杖。當願衆生。設大施會。示如實道。

庵那囉。嚩那囉。嚩那栗吒鉢底。那囉。嚩那夜鉢底。昨突吒三遍。

國執持者手舉也。有其二義。一執爲行道之儀。二振以乞食。故舉所以發相似之願。無依之道是眞道也。向無餘法。眞涅槃也。故經云。如是杖者。乃聖人之幢幟。賢士之明記。趣道法之正幢。建念義之志具。斯四義。故名錫杖。良以法依心建。教對機談。沙門之法。解空得道。執持錫杖。醒悟世間一切衆生。故當先發願也。設大施會。示如實道者。卽事明

理。就實開權。是以建大法幢。開闡人天正路。闢諸惡道。門令法界衆生。不入迷途。顯示一眞實相之理。以如如之智契如如之理智。理一如契合中道之理。故云。設大施會。示如實道也。

敷單坐禪

國敷者。鋪飾也。梵語禪那。華言靜慮。乃寂照不二之義。謂內心不染外境。不牽息諸。而常安見一心而證道。故云禪那。

若敷床座。當願衆生。開敷善法。見眞實相。

國展開坐具曰敷。能裝載身形。曰床三尺五尺爲榻。八尺曰床。有繩床。有木床。各有五種。謂旋脚直脚曲脚。無脚入陸是也。座者。榻也。學道之人。於上踞。跌息心定慮。究明大事之所也。下一句就事顯理。謂此幻殺久被無明封固。何能得顯眞理。必以戒爲基本。於此坐禪習定。則妄心動絕。智慧現前。所謂迷雲散於長空。清珠投於濁水。開無明之愛網。見一乘之實相。又云。心目有用。故名爲開。謂初破無明。開如來藏。見實相理。如日出暗滅。故云開。



敷善法見真實相也。然此實相即諸佛本源心地。異名以其離一切相。即一切法。超諸戲論。不可破壞。無相不相。故名實相。

正身端坐。當願衆生。坐著提座。心無所著。

唵。嚩。囉。阿。尼。鉢。囉。尼。邑。多。耶。莎。訶。

圖正身端坐者。形端表正也。此是身儀。謂閉目澄心。兩手相交而重。杳也。儀容挺特。形若孤松。故云正身。身正則心正。禪波羅蜜具出坐法。若半跏以左。壓右。牽來近身。與左右膝齊。若全跏。更跏右以左。左如龍蟠。結周正其身。手以右壓左。置右腳上。亦令近身。當心安。置古往諸佛及弟子衆。盡行此法。非世受用法。不與外道共。能破魔軍及煩惱。故內以同觀。更加讀誦。如膏助火也。善提者。華言覺道座者。自悟本有空王之座也。此座人人本具。故曰當願如蓮華不染。故曰無著。華嚴經云。善提心者。猶如種子。能生一切諸佛法。故其下有一百十八種喻。無由出此一偈也。又善提者。謂外修觀行。內明理智。萬緣俱寂。一心向道也。而云爲座者。以

善提乃所證之理。故經云。衆生心水淨。菩提影現中。又心無所著者。卽是心行處滅。心不著。故諸法不生。必離言說。故法華云。諸法空爲座。是也。又云。轉煩惱而爲菩提。謂修諸功德。願超諸有。識情垢淨。則無明斷。盡眞理自現。圓覺經云。無礙清淨慧。皆從禪定生。是知超凡入聖。必假淨緣。坐脫立亡。須憑定力。一生取辦。尙恐蹉跎。況乃遷延。將何厭業。智度論云。見高踞。跌坐。魔王尙驚怖。何況入道人。端身不傾動。又爲正觀。五種因緣。故結跏趺坐。一由此要坐。身心攝。欲速發輕安。最爲勝。故二由此要坐。能生時久。不令身心速疲。極故三由此要坐。是不共法。他道他論皆無。有故四。由此要坐。形相嚴淨。令他見已。極敬信。故五。由此要坐。佛弟子共所聞喜。一切賢聖所稱贊。故

睡眠

圖義如前釋。睡眠之時。合掌面西。觀念佛十聲。或千百聲。已方誦此偈。

以時寢息。當願衆生。身得安隱。心無動亂。

團經律通制出家弟子初夜後夜精勤佛道中夜歇息免致過勞之患如日出而作日入而息也若宰予晝寢非時也釋子大事未明所作未辦馳求心未歇非時也亦有身安而心未安亦曰非時寢息者眠臥也若大事已明所作已辦馳求已歇身心俱安故曰安隱乃相應以時也今世人但知晝以日爲恩而不知夜以月爲德月爲德者如華嚴婆珊婆演底主夜神云一切衆生臨於昏夜若無主夜神衛護則爲野干魑魅擾亂不得安隱眠息以得夜神衛護之恩能令衆生至於安隱不動之地安息無夢之鄉可見菩薩行住坐臥皆度脫衆生故吾人眠臥之時即當發願度生也身得安隱心無亂動者心定則身定思多則夢多故曰亂動謂仗此法力而得遠離顛倒夢想寤寐一如也當觀自心如月輪圓滿清淨於月輪中觀想梵書阿字光明朗曜此乃是西域字種阿者無生義想諸行無常終歸磨滅能作所作一切皆空猶如夢幻空無有生便是安隱身心之大義也普見律云臨

欲睡時應先念佛念法念僧念戒念施念無常於六念中一一念之

集觀想咒字論一氣持二十一遍然後臥臥須右脇名吉祥睡不得仰臥覆臥及左脇臥不得脫裏衣小衣臥當須憶念本參

取水

團除蓋障菩薩所問經云夫水之爲德本體清淨澄澈凝寂尤能滋長萬物滌除衆垢炎熱遇之而清涼枯渴飲之而沃潤取者汲也謂汲溝澗河池井潭等水也須諦視有蟲無蟲以密羅濾過方用緇門警訓云物雖輕小所爲極大出家慈悲濟厭意在茲會正記云出家人修慈爲本慈能與衆無殺爲先物類雖微保命無異

集梵語鉢里薩羅伐摩此云濾水羅律中諸比丘問佛制戒已不知作濾水羅佛聽如杓形若三角若作宏瑯若作濾瓶若患蟲出聽安沙在囊中不應棄陸地還安著水中會正記云若作囊須用細熟絹爲上若無細絹細棉布亦可僧祇律云看水

時不應以天眼看亦不得使開眼人看乃至能見掌中細文者得看不得太遠不得太久當如大衆一迴頃若水中蟲極微細者不得就用洗手面及大小行經門警訓云濾蠶乃行慈之具濟物之緣大行由是而生至道因茲而冠凡取水時誦此諸佛德名偈呪功德無涯可謂真持戒者

若見流水當願衆生得慈意欲洗除惡垢

圓眼根發識曰見源頭活水曰流然其性相不二動靜一源若無源之水不流卽是死水流得其源則澄之不清擾之不濁而能旋香海載須彌恩沛三有淨及萬靈而不自伐爲功得法源則在塵不染煩惱不侵而能迴戒海載涅槃量同法界等濟四生亦無自強爲善故三賢十聖贊之不及凡夫肉眼雖能窺其大用哉今此偈文全在發明見字若見不徹云何爲彼當願云何爲彼滅惑耶若見者謂所見之水情狀不一故如人見之清涼可悅鹹鬼見之流變爲血魚龍見之謂是宮殿溺者見之謂是死窟究竟水尚強名何況有如上等見

皆是衆生業力所感故華嚴經云阿修羅官雨刀杖三十三天雨摩尼而閻浮提中雨清水是也得善意欲者謂願所求如我意也非爲情欲之欲若是情欲卽是惡垢便從煩惱堆中孽不開也欲者是樂欲卽從心所欲也成實論云心有所須是名爲欲欲爲法本以欲求故得一切法毗尼母論云如佛勸勸不倦故名求法根本又當作願字看謂心中願樂洗除無始以來情欲之惡垢也然惡垢卽煩惱之別名謂惑亂心田生諸染垢上文是菩薩當願意欲是衆生當願其猶呼咏同時若菩薩發願度衆生而衆生不發願出離者菩薩雖有願亦無如之何也

南無歡喜莊嚴王佛

圓南無此云歸依謂起誠敬心發救護力望佛教護衆生也如涅槃經云阿闍世王雖有逆罪應入地獄以誠心向佛其罪卽滅故云救護力歡喜莊嚴王者謂此如來因中所修諸行以歡喜心教化衆生離諸煩惱故於果上感斯嘉號佛者覺

義謂此覺體聖凡同具。蠢動不無。皆覺合塵。名為顛倒。故須念佛。背塵合覺。號曰明悟。故須度生。迷悟性空。覺體常妙。無欠無餘。是名為佛。

南無寶髻如來

國寶髻者。亦名寶勝。謂此如來智無與等。超出一切最勝最尊。故加頂髻之喻。如來者。十號中之首稱也。離倒名。如出羣名。來衆生。在纏之因。含攝出纏之果。故名如來。金光明經云。此佛往昔修菩薩行時。作是誓願。於十方世界所有衆生。臨命終時。聞我名者。命終之後。得生三十三天。故有是稱也。南無無量勝王佛。

國無量勝王者。謂此如來功德智慧。猶如虛空。甚深廣大。無量無邊。不可稱數。不可窮盡。故名無量勝王也。獨稱此三如來者。謂此三如來。於因地中。護生之念。偏強。雖然。佛佛以慈為本。各有本願。不同。如觀音聞聲救苦。地藏度盡衆生。彌陀接引往生者。也。今稱此三如來者。以望隨緣。赴感救護衆生。也。故比丘住處有泉池。所用木牌。寫三佛號。豎

置水中。以使用也。

庵摩悉波羅摩尼沙婆訶佛號及咒

若見大河當願衆生得預法流入佛智海

國極目無涯。曰大流通地脉。曰河西域有五大河。謂瓊伽河。瑛母河。薩羅喻河。阿布羅伐底河。莫黑河也。此方禹疏九河而注諸海。謂徒駭河。太史河。馬頰河。覆釜河。湖蘇河。簡河。鈞盤河。潔河。兩津河也。今持此偈。不惟大河。但見入海之河。即當發願。也得預法流入佛智海者。謂修道之人。斷妄證真。有少分相應。若約位分。正當初信地也。故云得預法流。楞嚴經云。欲習初乾。未與如來法流水接名乾慧地。佛智者。不可以智知。不可以識識。縱是舍利弗智慧中第一。盡思共度量。不能測佛智。故云如海。今見大河當願一切衆生得預法流不退而直入如來妙覺果海也。

若見橋道當願衆生廣度一切猶如橋梁

國以此接彼曰橋。往來經過曰道。乃河湖水中之梁也。竹木碑石皆可為之。如或見者。即當發願度

生以暢善薩利濟有情之本懷。即衆生無邊。普願度也。然橋梁有限。普願無邊。故云廣度一切。接引衆生。無有疲厭。故云猶如橋梁也。

浴佛

國以香湯灌佛形像。曰浴灌。佛形像經云。佛告天下人民。十方諸佛。皆用四月八日夜半時。生其去家學道。及得佛道。乃至般泥洹時。皆用四月八日。所以在此時者。爲春夏之際。殊罪惡。畢萬物。普生毒氣。未行不寒。不熱。時氣和適。故諸天下人民。共念佛功德。浴佛形像。如佛在時。以示天下人。今日諸賢。誰有好心。念佛恩德者。以香花淨水。浴佛形像。求第一福。諸天鬼神。所證明。知大慈禪師云。今朝正是四月八日。淨飯王宮生悉達。九龍吐水。天色昏。一步七蓮。從地發。其浴佛禮儀。如彼經說。我今灌浴諸如來。長老作梵。第一句大衆淨智莊齊。同音和之下三句同。嚴功德聚五濁衆生。令離垢。同證如來淨法身。

國普曜經云。普曜生時。九龍在空中。降微細雨。不冷不熱。浴菩薩身。我今者指浴佛之時。言今而稽古。

所以遊佛佛頂之浴式也。今以香湯而沐金軀。表清淨心。供養故。如來法身。皆同言浴。釋迦佛像。即浴十方諸佛形像。故曰我今灌浴諸如來。如來十號具足。福慧莊嚴。皆是無量劫來戒德之所薰修。故感清淨智慧。聚集今見像教之法。儼然三世一時光潔。嚴好世間。無比。故曰淨智莊嚴功德聚也。法苑珠林云。五濁者。一衆生濁。謂衆生多諸弊惡。不孝父母。不敬尊長。不畏惡業。果報不作功德。不修善法。故二見濁。謂正法已滅。邪法轉生。邪見增盛。不修善道。故三煩惱濁。謂衆生多諸愛欲。慳今闕。諍詬曲虛。誑誑受邪法。惱亂心神。故四命濁。謂往古世時。人壽八萬四千歲。今時人壽轉減。百歲者。稀以惡業增。故壽數短促也。五劫濁。具云劫波華言。分別時節。謂滅劫中人壽至三十歲時。飢饉災起。至二十歲時。疾疫災起。滅至十歲時。刀兵災起。世界衆生。無不被害。故然衆生本源。與諸佛本源。無二無別。只因一念妄動。故有五濁境界。諸佛境界也。即今以香湯灌沐佛身。亦復能令衆生。

諸障五濁之垢而直顯心佛衆生三無差別故曰
五濁衆生令離垢同證如來淨法身也

贊佛

國贊者稱頌其身法也。謂灌沐如來形像已復應
誦此偈。以贊之。如來衆德悉備。行果極圓。贊不
能盡。但非比無以表其信敬。故不論金合土紙
素丹青。如一見時。即持偈呪。稱揚禮敬。雖是凡夫
心量。三業虔誠。印同菩薩道行也。

讚佛相好。當願衆生成就佛身。證無相法。

唵。牟尼牟尼三牟尼。薩縛賀。

三遍此是七
佛滅罪真言

國合參云。如來德相。嚴好贊不可盡。假使以虛空
爲口。須彌爲筆。香海爲墨。大地爲紙。略舉如來三
十二相中一相八十種好中一好贊之。經劫所不
能盡。況以父母所生之口。兼以三寸之舌。乃欲全
舉如來萬德相好。而以是句非句所能贊之。設故
於是願願與當來大心衆生。不離衆生之口。而成
佛口。不離衆生之身。而成佛身。何以故。以贊佛故。
而成佛口。成佛口故。即成佛身。成佛身故。證無相

法證無相法。是名眞贊。宗鏡錄云。心無形相。故號
無相。若於一切相見無相之理。即惟心如來。若見
無相。諸相亦無。惟是覺體名見如來。由是則知佛
身無相。涅槃經云。若人聞說大般涅槃。一句一字
不作字相。不作句相。不作聞相。不作佛相。不作說
相。如是義者。名無相相。今此一願。意欲人人當來
成就此身。得證如來。無上殊勝法身。然此法身。無
有相故。雖云有體。亦無能見頂者。如華嚴會上。佛
現千丈盧舍那身。演說一乘圓頓大法。九地菩薩
不能見。如來肉髻頂中之相好也。

繞塔

國繞者。周旋之義。塔者。一切諸佛舍利之宮殿也。
梵語舍利。此云骨身。恐蓋凡夫死人之骨。故西域
以合掌旋繞爲恭。此方以禮拜贊德爲敬。梵語制
底。亦云率堵波。或名浮圖。此云塔。有舍利名塔。無
舍利名支提。翻爲生善滅惡處。或名高顯處。謂顯
揚如來功德之標幟也。亦翻爲方墳。圓塚。此云可
供養處。言寶塔之所在。即同諸佛法身之所在。應

當恭敬供養也。西域記云：西天隨所宗事禮後皆須旋繞。蓋歸敬之至也。但不得無故登塔。古德云：無事莫登三寶殿。等閑休向塔中行。若非掃地添香水。總有輪王福也。傾。

集僧祇律云：禮佛不得如癡羊。又禮佛塔應當右旋。如日月星繞須彌山。不得左旋。旋繞有五事：一、低頭視地；二、不得踏蟲；三、不得左右顧視；四、不得睡地；五、不得與人語。又得五福：一、後世得端正好色；二、得好音聲；三、得生天上；四、生王侯家；五、得泥洹道。

圖提謂經中間云：散花燒香燃燈禮拜是為供養。旋繞得何等福。佛言有五種福。如上。是也。

右繞於塔當願衆生所行無逆成一切智。

南無三滿多沒馱喃。唵。杜波杜波娑婆訶。三遍。

圖右繞菩薩婆多論云：表誠敬之至也。佛法無他虔敬為本。西土則肉袒露足而為恭。此土則巾履備整而為敬。彼則拜少而遶多。此則拜多而遶少。凡事誠順則一切智無不誠順。是故當於右遶處。

而發是願。令一切智自悟自悟無他。推行無逆。無逆之旨。佛佛承順。理故是以右為吉。左為凶。右為順。左為逆。如左遶者。密跡力士見即欲以金剛杵擊碎其身。佛世世以來常順三寶父母師長一切教誡。無違無逆。今得果報。無有逆者。又佛身清淨。衆生於中各見所事。或天或神。莫不見者。是故畏敬。右遶而去。汝今何得逆之本。行經云：卽世尊降生。闍行七步。亦自南至西也。如遶時入門。先緣左足。從佛右邊而上。之後之左。而前三匝已。贊禮而去。如是事順理順。心誠法成。則與諸佛不相違背。卽達中道之義。故云所行無逆成一切智也。

看病

圖瞻視曰：看疾苦曰：病身為苦。本有形難免。出家人割愛辭親。十方雲聚。應當痛癢相關。互為瞻視。所以八福田中。悲田第一。若見病者。當起慈心。始終照看。毋違佛意。

集律制具五德者。方聽看病。一、知病人可食不可食。可食應與。二、不惡賤病人。大小便涕吐。三、有慈。

慈心不為衣食四能經理湯藥乃至差若死五能為病者說法已身於善法增益雖不久看病苦但一見時即謂此偈呪以八福田中看病是第一福田

田八福田者謂佛聖人僧三種名敬田和尚阿闍黎生我法身父母生我色身此四名恩田救濟病人名病田亦名悲田此八種皆堪種福故名田也若人能盡力從事此八種者亦猶農之力田則獲秋成之利也一佛田謂覺道俱圓位登極果恭敬供養罪滅福生故名佛田二聖人田謂菩薩緣覺聲聞者登覺岸果證無生恭敬供養即獲勝福故名聖人田三僧田謂處家和尚敬順無諍恭敬供養即獲福利故名僧田四和尚田此云力生謂力能生長法身發智慧命恭敬供養即獲福利故名和尚田五闍黎田此云軌範亦云正行謂親曆教授等五種軌範後學糾正修行恭敬供養即獲福利故名闍黎田六父田謂資形撫教養育幼勞恭敬供養雖無求福之念竭力盡心自然獲福故名

父田七母田謂懷就乳哺恩重山丘固當竭力奉養豈有求福之心而盡心孝敬自然獲福故名母田八病田謂見人有病即當念其苦楚用心救療給與湯藥則能獲福故名病田如上七種皆不及病田勝者如來憐愍病苦故

見疾病人當願衆生知身空寂離乖諍法

庵室哩多室哩多軍吒利莎嚩賀

三遍此是清高病呪

團急患為疾甚為病乃愁痛之際皆因四大不調之所致也僧祇律云人身假地水火風和合而成四大地大者皮毛骨肉也水大者精液涕唾也火大者周身煖氣也風大者運轉動搖也於中一大不調則生百一種病然病有兩種一身病草根樹皮可以療治二心病非法藥不能救治是以大小乘戒嚴制看病故如來許願云若有供養我者供養病人及設看病有五種功德故菩薩見一切病人作自己病想不但以草根樹皮之藥療治兼以柔軟之語安慰其心則身心二病皆可愈矣然衆生情見各執其病不等故菩薩應病發藥斷其

病苦也。知身空寂。離乖諍法者。不和爲諍。便爲對病之方也。由其空觀現前了知此身如幻如化。故於一切境無所著。於自性離我所作是觀時。則知此身悉皆空寂。華嚴疏云。四大乖違成病。知空則乖無所乖。故云離乖諍法也。大凡見疾病人。不惟持此偈呪。各宜猛省自己生死交臂。貴賤如塵。何得惜之。既知幻身非久。應當增起念頭努力爲道。剃髮。

圓剃除鬚髮曰剃髮者。從耳以上之通稱。亦云薙髮。亦云落髮。在石頭度丹霞則云剃佛殿前草。集文殊菩薩所集剃髮日。初四初六初七初八初九初十十一十四十五十六十九二十二二十三二十四二十五二十六二十九。默誦此偈呪。

剃除鬚髮當願衆生遠離煩惱究竟寂滅。

庵悉殿都漫多囉。跋陀耶婆娑訶三遍。

圓剃除者。身心俱離。故口下爲鬚口上爲髻。兩頰爲髻。今但稱鬚髮者。舉此以該餘也。佛制出家人不許蓄鬚髮。後頭陀所以別僧俗之相。如僧相不

成。還同俗漢。但形同俗相。易爲獲罪。既不能行受復何益。故須剃也。若能如是遵行。則煩惱可除。道果可期。然僧俗既別。而所行自不同於流俗也。故當願與一切離鬚髮者同願同行。遠離煩惱至究竟寂滅也。又當願者。不但剃除一髮一髮之煩惱。當願無始以來六根六塵如山如海之煩惱。直向智慧刀下盡情斷除。故曰寂滅。又遠離煩惱者。謂修道之士。乃離塵脫俗之侶。願要斷三界之結。使離生死之愛。遷希求菩提極果。志趣涅槃之樂也。

沐浴

圓洗濯曰沐浴。謂濯身洗垢也。半月一浴。濯其色身。堪以載道。半月布薩。沐其戒身。定慧發生。故譬喻經云。佛以臘月八日神通說法。降伏六師。度諸外道。外道感恩。白佛言。佛以法水洗我心垢。我今請僧洗浴。以除其身垢。臘月八日浴僧。准此。

集律制比丘半月一浴。不得過除病時熱時作時風時雨時道行時。不論又則沐浴當擇其日所忌者。六齋日。斯日諸天下界。察其善惡。宜修善作好。

事所謂六齋日者。每月初八。十四。十五。二十三。二十九。三十。

國六齋日者。毗婆沙論云。每月初八日。二十三日。帝釋勅四天王各治一方。四王遣輔臣觀察世間人民善惡。每月十四日。二十九日。四王遣太子按行天下。伺察人民善惡。每月十五日。三十日。四天王親自按行天下。有慈孝父母。恭敬三寶及尊長者。有修行六度。持八戒齋者。便上忉利以啓帝釋。諸天相慶而言。滅損阿修羅。增廣諸天。衆則降善。福注祿增。算如不修善持齋。唯造惡業者。諸天憂患而言。阿修羅種多。諸天種減少。降以不祥。滅祿除算。故此六日。宜作諸善業。不應洗浴也。

集凡入浴。當將淨衣掛淨竿上。觸衣掛觸竿上。不得浴堂小。還不得共人語笑。不得洗僻處。凡有瘡癬。宜在後浴。或有可畏瘡。猶宜迴避。免刺人眼。默念此偈呪。

洗浴身體當願衆生身心無垢內外光潔
施跋折囉憐迦吒莎訶三遍此是淨身呪

國四大共成日。身形相所現曰。體身者。我也。謂以水濯我身也。欲以水洗者。以其身有垢。故溫室洗浴。衆僧經云。有耆域醫王。願請佛及菩薩。僧入溫室洗浴。佛讚善哉。佛言。耆域洗浴之法。當用七物。除去七病。得七福。報何謂七物。一。燃火。二。淨水。三。澡豆。四。酥膏。五。淳灰。六。楊枝。七。內衣。何謂除七病。一。四大安隱。二。除風。三。除濕。痺。四。除寒。五。除熱。六。除垢。七。身輕明目。何謂七福。一。所生無病。二。相貌端嚴。三。身香。離垢。四。肌澤光鮮。五。多諸侍從。六。口齒香潔。七。衣服自然。是爲七福。有此利益。是故如來聽僧洗浴也。身心無垢者。謂入浴之時。了知身心本無塵垢。忽悟觸因。謂水因爲所觸之因。塵體乃能觸之緣。心本無生。垢從何有。塵本無染。體亦常淨。能所如幻。二邊俱空。中間覺解之性。安然光潔矣。故楞嚴會上。跋陀尊者。忽悟水因。既不洗塵。亦不洗體。中間安然。得無所有。果能如是。體會則內外光潔矣。福田經云。有比丘名阿難。白佛我念宿命生羅閱祇國。爲庶民時。生惡治治之不遠有。

曰當浴衆僧其水洗瘡可愈我卽到寺設浴供僧如法洗瘡乃愈從此所生端正金光晃昱九十一劫常得淨福賢愚經云首陀會天下閻浮提諸佛及僧洗浴設甘美之食阿難白佛此天往昔作何功德相好奇特佛言昔毗婆尸佛時彼爲貧家子涸傭作自給聞佛說洗僧之德乃勸施少錢辦洗具并設食請佛僧由此生首陀會天此光相七佛以來千佛出世亦皆如是故號淨身十號具足也洗足

國身分最下曰足。西域比丘出門多跣足是故。凡至僧伽藍必先洗足方可入寺禮敬也。

若洗足時常願衆生具足神力所行無碍

唵嚩沙訶三

足者止也。謂身分到此止。故具足者圓滿義。神
 力者神通道力也。謂習證神境。故亦名如意通。謂
 身如其意欲往即到。故所行無碍者。正顯神力之
 妙用也。當知菩薩修道不出行解二門。若但解無
 行猶弗解也。若但行無解猶弗行也。行解雙兼滿

足六度則神力無不具足。所行無有障礙矣。是故行一波羅蜜。具足無量波羅蜜。無量波羅蜜。不出此一波羅蜜。故曰所行無碍也。

沙彌十戒相

圖如律所明沙彌者出家之小衆比丘稱爲大僧對大而言故名曰小未剃髮時名爲淨人捨離恩愛投師出家名爲沙彌剃度之法如剃度正範中明鬚髮既除故受稱也十戒者始從不殺乃至不持實物是也以此十法能止形上諸惡故名曰戒闍境逢緣守持不犯故名曰相薩婆多論云受持禁戒爲其性搭衣持鉢表其相相從性發性依相修性相交成故名爲體是沙彌本所受持爲比丘戒之階梯菩薩戒之根本故曰沙彌十戒相也

集沙彌有二種一形同沙彌二法同沙彌若但剃度未沾戒品名曰形同沙彌謂衣鉢不具律儀不知其形相雖同由無成辦非五衆數故若受十支淨戒名曰法同沙彌謂衣鉢具足同學法儀持淨戒故律云沙彌有四應知一知佛二字知法三知僧四知戒相沙彌知和尙有五一知名字二知相貌三知世壽四法同中又分三種自七歲知法臘五知種族也

至十三歲號驅鳥沙彌 增註云謂其年幼未堪別
 於食厨坐禪等處驅鳥沙彌為以代片勞兼生福善無
 致坐消信施虛度光陰也從行影名故云驅鳥也律
 云有長老號見出家同入村中乞食世人疑其沙門
 有兒何知正法佛制以後非年十二者不得出家後
 次阿羅有禮越合家疫病兒皆隨死惟有一子恒在
 市上拾粒自活阿羅行過兒隨後喚公阿羅不問
 遂去居士譏言沙門釋子他何足時強觀如加子
 今見衰喪而不顧餘小兒追呼不已阿羅視之
 呼言子來隨入祇桓向佛佛足問阿羅如何不度
 答言佛制不得度年十二者是以不度佛言此小
 門能離食上烏否能持戒否能一食否若能如是
 度出家凡欲剃度者不可說出家當告其苦五分
 云若度人時應先問為何等出家若言為衣食故不
 得度若言為求善法願生老病死憂悲若言為度
 離鳥沙彌准病比丘殘食棄鳥沙彌能離鳥沙
 少分利以消信施故阿羅言此小兒若能離鳥沙
 戒能一食佛告阿羅若小兒若能離鳥沙者能
 令出家如度羅羅法故有驅鳥一禮也 十四至
 十九號應法沙彌 謂已受佛戒其年正與二法相
 習禪誦故此與前法是一 二十已上號名字沙彌
 不者即入下名字類中矣 二十已上號名字沙彌
 能持持諸戒如是因緣未至位是沙彌故云名字沙
 彌品類雖三而俱家十戒總名為法同沙彌也二十
 以上七十以下有所堪能是丈夫位得與出家受具
 若過若減雖有所堪及是應法而無堪者不得與
 出家受具若果能長生死苦愛涅槃樂願為佛子坐
 臥不須人者若能誦經坐禪進修善業堪任勞役
 並聽出家故律云若年七歲解知好惡得與出
 家若過七十歲起須人不得
 度也若先與出家不應顯出

一曰不殺生

斷命曰殺有情曰生謂既受戒已常念有情皆
 惜身命如已無異應當憐愍慎弗傷害故

二曰不盜

謂對面強劫曰盜謂物各有主主所守護受戒之
 人雖一針一草苟非我之所有不與不取故

三曰不姪

謂姪者不淨行也謂受戒之人觀一切男女如父
 如母清淨自守無染汙心修不淨觀對治三業故

四曰不妄語

謂妄語者違心故設也謂受戒之人出言誠實無
 虛妄心修戒定慧對治口過遠離惡口利益衆生

出世法中忍辱第一慈悲一切不惱他人常行正

語順聖言故

五曰不飲酒

謂酒者禍泉也謂能昏神亂性增長愚痴開惡道
 門閉涅槃路故名曰酒此屬半性半遮能犯前之
 四戒故屬於性王法之所不禁又處於遮乃是障
 道因緣造業根本過重五逆毒逾酖毗多戒之人

畏如烱銅不以一滴露唇故

六曰不著香華髮不香塗身

闕不著不塗者遠離香觸二塵也草木之葩名之爲花以此貫串嚴首名之曰變艸木之氣芬芳一切故名曰香能換人之心目生長嬌態著則視爲女子塗則還全俗人持戒離染向清淨道發智慧花生戒定香普熏法界莊嚴無相之身令愛見斷除永無貪染依正莊嚴自然具足故

七曰不歌舞伎伎及故往觀聽

闕不歌舞者離身口二過也不觀聽者無色聲二塵也口誦詩詞曲令長引其聲曰歌手足變弄曰舞歌有不足則舞以盡舞有不足則歌以盡歌之舞之盡善盡美矣倡伎者音樂之總名也觀是色塵聽是聲塵不往者眼耳無過無心而遇佛不結罪但不得住住便成犯有心故往步步招愆學道之人大事未明如喪考妣觀戲笑如哭歌舞如狂有眼若盲有耳若聾以定慧成於中禮誦行於外形同枯木心若死灰如是行持則三業自淨矣

八曰不坐高廣大床

闕不坐者身離觸塵也高廣者量違聖制故可坐可臥名之曰床既高且廣故稱云大受戒之人不應坐臥宜常捨去飾好遠離貪著以法空爲座忍辱爲衣祇在道高不在床高故

九曰不非時食

闕不非時食者舌根離過中之味塵也補氣益飢名之爲食日中已過明相未出故曰非時受戒之人食噉不得故

十曰不捉持生像金銀寶物

闕不捉生像者身離利欲也金是通稱銀從色別寶物通稱隨式名異皆爲養命之源衆生見便貪著出家修解脫道清淨身心一經觸犯便非梵行故佛禁之不得捉也作持云此沙彌十支禁戒前四是性罪根本若犯則應滅擯不得與清淨沙彌同法事及共止宿亦不得如餘沙彌得與大比丘過二宿後六是遮罪有犯容機心度故誤罪結重輕唯一突吉羅治要知文義當閱雲棲要略欲明

開遮應學隨律威儀

沙彌應具五德

應應者當也。既受戒已。應當植種種德。本爲世福田。五者數之序也。一從發心出家。乃至志求大乘。無有乏少。故名曰具。爲修道之本。故名曰德。德本既立。其道自生。方不虛消信施。故曰沙彌應具五德也。此下懷佩道等五句。乃是承上文而言也。

應知十數

應明了曰。知法目曰數。由衆生迷真逐妄。故如來施法隨機對數。即顯令受戒者覺察修持攝歸正業。故曰應知十數。餘可知矣。

諸德福田經云。沙彌應知五德。一者發心出家懷佩道故。

國生長善法曰。田種之得益曰福。貫串攝持名經。分別其義曰云。此經乃是帝釋當機講說。一者發心出家心者中也。謂在善惡之中。故曰中也。向善則超凡入聖。向惡則報感三塗。惟心本具。故起念曰發。有能所之別。謂起能發之心。值所發之緣。志

求淨戒。習佛善。提懷者。思念佩者。帶而不忘。謂既受戒已。要時時刻刻。思念涅槃妙道。帶而不忘。而爲人世福田。是爲第一種淨德。

二者毀其形好。應法服故。

國毀者。改也。剃除鬚髮。改其俗形。衣染壞色。毀其飾。好故梵網經云。所著袈裟。皆使壞色。與道相應。不爾增貪於道有違矣。然僧相既成。應當違俗慕道。心懷戒寶。珍重守持。身搭袈裟。必須壞色。爲世福田。是爲第二種淨德。

三者割愛辭親。無適莫故。

國割愛者。難捨能捨也。謂愛見爲本。最難斷除。是故言割。辭親者。拜別也。律中父母聽允。方許出家。適者。專主也。莫者。不肯也。謂既受戒已。又不可去。專主俗緣。經理世事。此恐身雖出家。心不染道。應當絕塵離俗。世染情忘。無冤無親。平等一化。爲世福田。是爲第三種淨德。

四者委棄身命。遵崇道故。

國委棄者。捨置義人之最重莫過身命。遵者。動也。

崇者修也。今勤修聖道而捨置此身。表求法之心至極也。故法華經云。為求無上道捨所愛之身。然世間最苦皆因有身。莫要愛戀此身。令一生空過。道業無成。既出家已。應當勤求佛道。為世福田。是為第四種淨德。

五者志求大乘為度人故。

圖心之所向曰志。大乘者佛乘也。化導一切曰度。謂既發向上之心。當行向上之事。上求佛道。下化眾生。智悲雙運。為世福田。是為第五種淨德。故律云。毀形守志。節割愛辭。所親出家弘聖道。誓度一切人。緇門警訓云。此之五德。出家大要。五眾齊奉。不惟小眾終身行之。即大比丘亦須時時觀鏡。為良為美。無早無衰。供之得福。難為喻矣。

僧祇律云。應為沙彌說十數。一者一切眾生皆依飲食。

圖一切眾生者。指九法界而言。即等覺菩薩生相。無明未盡。猶眾生。所攝皆依飲食者。謂欲資益諸根。長養善法。故然有聖凡之別。無漏名聖。有漏名

凡聖食者。謂禪悅及法喜也。諸佛菩薩聲聞緣覺。皆所依故。凡食者。謂段。屬思識也。天人修羅地獄餓鬼畜生。皆所依故。若約三界分別者。欲界具四段食。為主色界有三。觸食為主。下三無色思食為主。非非想處識食為主。故云一切眾生皆依飲食也。廣如婆沙論。明宣祖云。數中各有對治。顯正之義。此中對治義者。如大涅槃經云。觀一切眾生為飲食故。身心受苦。我當云何。於是食中而生食著。若食此食。增長生死。當修食不淨觀。以為對治。顯正義者。我今修道。為令厭離四種凡食。成就二種聖食故。

二者名色

圖名者。受想行識也。即是見分。色者。根身器界也。即是相分。以名為心。以色為境。名色收歸一切法也。故智度論云。一切諸法中。但有名與色。更無有一法出於名色者。故云名色也。對治義者。一切眾生見有種種法。故計我我所而生妄執。如來為說。惟有名色二法。故顯正義者。為欲令知名色皆空。

得第一義中離名絕相故

三者知三受

團受者領納義一苦受領納違情境而生故二樂受領納順情境而生故三不苦不樂受領納中庸境而生故復有內外之別意根名內受五根名外受六根名內外受各有三種當知觀受是苦故云知三受也對治義者衆生於三界苦中妄生樂想如來爲說三受皆是苦也顯正義者不受諸受名爲正受故

四者四諦

團諦者審實也謂審實苦集滅道四法一一不虛故名爲諦一苦諦苦即逼迫義有三苦八苦總而言之不出三界生死聲聞人諦審生死實苦故名苦諦二集諦集即招感義聲聞人諦審煩惱惑業實能招集生死之苦故名集諦三滅諦滅即寂滅聲聞人既厭生死之苦諦審涅槃實爲寂滅之樂故名滅諦四道諦道即能通義聲聞人諦審戒定慧道實能通涅槃故名道諦前二諦是世間因

果若是果集是因後二諦是出世間因果滅是果道是因先言果而後言因者令知苦斷集慕滅修道故云四諦也對治義者苦集爲所治道滅爲能治也顯正義者見四真諦免流轉三界故

五者五陰

團陰者蓋覆義亦名爲蘊蘊者積聚義即我身心之異名也開名爲四對色爲五一色蘊質礙義二受蘊領納義三想蘊思念義四行蘊不住義五識蘊了別義然此五法本無實體衆生妄執有我所以如來爲說皆空故云五陰也對治義者爲迷心重者故說五陰顯正義者令破五蘊證得五分法身故

六者六入

團入者趣入義六根爲六識所依能入於塵故經云內六根外六塵中六識爲生死根本佛言根塵一一捨去則三界無所繫縛矣涅槃經中稱此六根名爲六賊以能劫奪善法故云六入也對治義者爲迷色重者故說六入顯正義者令根境解脫

證妙常故

七者七覺意

圖七覺意者分別道用之法也。亦名覺支。亦名覺分。謂此七法之意。各有支派。分齊不亂。故法界次第云。無學實覺七事。能到覺者。察也。謂覺察所修之法。是真是偽。故其擇法精進。喜三覺意。屬慧除捨。定三覺意。屬定。念覺意。屬定。慧兩種。若心昏沉。念用擇法精進。喜起之。若心浮動。念用除覺除身口之粗。以捨覺捨於觀智。以定心入禪。令不浮動。是名念覺意。故云七覺意也。對治義者。令離沉掉。故為說七覺意。顯正義者。令修七覺意。能使定慧均平。故

八者八正道

圖此八法不依偏邪而行。故名曰正。引諸不善而至於善。故名曰道。如華嚴經云。一行正見。道邪見不生。故二起正思。惟捨妄分別。故三常行正語。願聖言。故四恒修正業。教化衆生。故五安住正命。行四聖種。故六起正精進。不行無益。苦行。故七心常

正念遠離諸妄分別。故入心常正定。入不思議解脫門。故是為入正道也。對治義者。為離八偏邪。故說八正道。顯正義者。修八正道。開三解脫門。趣入涅槃故。

九者九衆生居

圖九衆生居者。謂十法界。除佛所居。故衆生者是正報居。即處也是依報。謂一切衆生。隨善惡正報業身。各有所居。依報之處。故大論云。衆生九道中。授記所謂三乘道六趣道。是知九道。即九界也。授記作佛。十界明矣。若依六道衆生。且約三界九地而言。謂欲界一地。色界四地。無色界四地。名衆生居。故對治義者。令離樂著。故為說九衆生居也。顯正義者。衆生若能同如來行。願不離當處。則超入佛界矣。

十者十一切入

圖十一切入者。即十徧處定也。謂青黃赤白地水火風八種。色空識兩種。心更相涉入。廣普徧滿。轉變無礙。故智度論云。八背捨是初行。八勝處是中

行十一切處是後行此三種觀具足禪體始得成就此定謂之徧一切處者從初觀境徧滿以得名也。一青徧一切處定謂於定中還取八背。捨八勝處中所見青色使徧一切處皆青故名青徧一切處定。其黃赤白地水火風空識九徧一切處定亦復如是故名十一切入也。對治義者謂定中色心不得普徧故說十一切入也。顯正義者修此觀法謂欲成就一切佛法摧伏天魔破諸外道度脫衆生故當知卽是摩訶衍義略明十數已竟廣如次第禪門。

沙彌尼十戒相同上

式又摩那戒相

集梵語式又摩那此云學戒女佛聽十歲晉嫁及十八童女與二歲學戒以淨身與六法以淨心於尼僧中集衆白四羯磨與滿十二及滿二十方受具戒若學年未滿六法不淨不與受比丘尼具足戒。

學戒女者謂從師受戒法一一依行也女者

未嫁之稱母者有子之號僧祇律云不得自己閱律師應告言某應作某不應作不得向說篇聚罪名佛言此學法女具學三法一學根本卽四重是二學六法謂染心相觸盜減五錢斷畜生命小妄語非時食飲酒也三學行法謂大尼諸戒及威儀並制學之若犯根本戒者應滅擯若缺學法者更與二年羯磨若違行法直犯佛教卽須懺悔不壞本所學六法如法行已年限滿足二部受具也十歲晉嫁者或云如此方養鳩或云西域風土不同有十年卽長成如十五六歲者卽十歲嫁此亦不過偶有非謂一槩而言十歲既成大人相狀故佛制二歲學戒十二受具一遵佛制二除衆疑餘者不得末法時中定須年滿

一曰不姪

不姪者潔身慕道也式又摩那身不犯姪口不說姪心不存欲及不染心相善觀心如幻四大本空惟道是重故曰不姪

二曰不盜

■不盜者自他清淨也。式又摩那不自斷人命。他財艸葉毛米不與不取。亦不教他。乃至斫壞燒埋。皆不爲作一切財物。無貪戀心。故曰不盜。

三曰不殺

■不殺者慈心一切也。式又摩那不自斷人命。亦不教他人不與非藥。乃至墮胎。厭禱呪術。皆不爲作。亦不以刀杖加害。贊歎其死。慈念羣生。猶如赤子。故曰不殺。

四曰不妄語

■不妄語者出言誠實也。式又摩那不自稱言得上人法。禪定解脫證了聖果。天龍鬼神來供養。我不兩舌惡罵。自呪呪他。亦不說人長短好惡。不論俗語不談世事。乃至搬弄是非。皆不爲作。言常說實。贊歎三寶。護身口意不惱他人。故曰不妄語。

五曰不非時食

■不非時食者。守持禁戒也。式又摩那常思禪悅。法喜以爲飲食。食不失度。以時而受。若過中者。便不復啖。雖有甘美。無極上味。終不復食。亦不教人。

食過中。食假使國王供來。終死不犯。故曰不非時食也。

六曰不飲酒

■不飲酒者。增長智慧也。式又摩那自不飲酒。亦不飲人。不止酒舍。不觸酒。泉色香美味。皆不貪飲。離惡垢。垢清淨戒。體乃至喪身失命。皆不違犯。故曰不飲酒。

集律制式。又摩那沙彌沙彌尼。此下三衆。應持上下二衣。一當安陀會。一當鬱多羅僧。乃是縷衣。非割截田相衣也。所持鉢。孟是銅器。非應量鉢。多羅也。今本山。凡是十八歲已下。至七歲。欲受沙彌戒者。如律令造二頂縷衣。行持若是。年滿二十來乞受具足戒者。其所辦三衣。皆是割截田相。及應量器。雖無縷衣。亦方便許受沙彌十戒。善用行持。一則受具不違。莫過以沙彌戒爲比丘戒之基本。故二則衣具難得。欲令求覓縷衣。及成戒障。因緣故。又則舊本中。將比丘五篇戒。相開列沙彌戒。相後。今則削去。不存附兩乘布薩正範。後佛制不聽沙

彌及白衣知五篇戒相恐受具成遮犯賊住之咎故

緇衣

圖成實論云沙彌聽畜一體懷衣名曰鉢陀唐言緇條緇者無紋也謂無有條相故言禮懷衣者謂披著之時令增修善法故百一羯磨云求寂之徒緇條是服善見論云披著衣時常誦此偈

大哉解脫服無相福田衣披奉如戒行廣度諸衆生

圖大哉者贊美之辭小三衆離塵脫俗方能披著此衣雖無田相亦能生長善法也上二句贊衣功德第三句是自利第四句是利他也無相者謂是緇服故名義云佛法至此一百八十年出家未識割截祇著緇衣也披奉如戒行者謂五戒十戒是諸戒根本戒身清淨定慧發生故式又摩那等雖居小衆然能依戒行持發心廣大上求下化故云廣度衆生也

優婆塞戒相

圖梵語優婆塞此云近事男由受三皈五戒可以

親近三寶承事衆僧廣修諸善植種福田故亦云清信士謂篤信三尊乞求戒法雖處居家能清淨守持則諸惡不造故稱清信士也相者事相也謂得戒于內藉事行持顯發于外也

一曰不殺生

圖優婆塞以慈爲本故曰不殺守持殺戒清淨生世世感得長壽無病佛言殺生之人有二種果報一者多病二者短命以是因緣故當戒殺

二曰不偷盜

圖優婆塞少欲知足故曰不盜守持盜戒清淨生世世感得倉庫盈溢多饒財寶遠離貧窮逼迫之苦佛言偷盜之人有二種果報一者貧窮困苦二者償他宿債以是因緣故當戒盜

三曰不邪淫

圖優婆塞守貞復禮故曰不邪淫守持邪淫戒清淨生世世感得賢良妻妾如意眷屬佛言邪淫之人有二種果報一者妻不貞良二者得不隨意眷屬以是因緣應戒邪淫

四曰不妄語

國優婆塞出言信實故曰不妄語。守持妄語戒。清淨生生世世。感得衆人愛敬。言語信伏。佛言。妄語之人。有二種果報。一者言無信受。二者常被他人毀謗。以是因緣。應戒妄語。

五曰不飲酒

國優婆塞信受佛語。故不飲酒。守持酒戒。清淨生生世世。感得智慧精明。離諸顛倒。佛言。飲酒之人。有二種果報。一者生則愚痴。二者死墮地獄。以是因緣。故當戒酒。此之五支。名曰學處。亦名學迹。亦名徑路。亦名學本。如世五常。義如居家五戒。正範中。明報恩經云。有善男女。布施滿四天下。衆生四事供養。盡於百年。不如一日一夜持戒功德。若百家之鄉。十人持五戒。則十人淳謹。百人修十善。則百人和睦。傳此風教。徧于宇內。則仁人百萬。夫能行一善。則去一惡。去一惡。則息一刑。一刑息于家。百刑息于國。爲天子者。則不治而坐致太平矣。所以受持五戒。不但飲遵佛制。抑且冥助仁義于

皇化而益補邦家者也

集此五戒。若不能全受者。或受持一戒。二戒。三戒。四戒。佛慈方便。一一隨聽。若是篤信智人。五戒全持。方爲正受。

國布薩正範云。戒受有滿多。半少之分。而業消亦有二三四五之別。作持云。滿分受者。欲顯持守功德。故全五戒。則人相具足。兼十善。則天報恒隨。一戒二戒。尙得人身。壽夭。專由戒多少。設或臨時不付受。後多犯一戒。能持。猶勝不受。故佛慈方便。而施法隨機善導如是也。

八關齋法戒相

國關者。閉也。謂關閉諸惡。不起故。齋者。齊也。謂齊過中不食。爲名。故言齋法者。以不非時食。而爲齋體。以八事閉惡。而助成齋法也。如新婆沙論云。近住八戒。於五增三。謂第七法中。合二爲一。故於十減一。謂除捉寶物。故五增三。謂居家二衆。眷屬緣累。不能永捨家業。所以終身五戒。但除邪淫。不禁非時食也。若受八戒。惟制一日一夜者。嚴禁過

午之食不令入咽。姪欲之念不得毫動。良由輪迴根本無如姪欲。生死助緣。莫逾飲食。故圓覺云。由有貪欲。故有輪迴。楞嚴云。食甘故生。食毒故死。齋經云。中後不復食者。正爲節其身。薄其姪。清其心。寡其欲者也。所以離之一。一皆如諸佛以種未來出世勝因。然此戒時。雖雖促。謂決定要期。發廣大願。故則功超人天。德齊諸佛。經云。彌勒出世百年。受齋不如今日五濁世時。一日一夜菩薩處胎經云。八關齋戒者是諸佛父母也。俱舍論云。受此戒者名爲近住。謂近阿羅漢住。以隨學故。又名長養。謂長養自他善淨心。故又謂長養。薄少善根有情轉增多。故在五之上。在十之下。故又名曰中間戒也。

一不殺。二不盜。三不姪。四不妄語。五不飲酒。六離華香璫珞香油塗身。七離高勝大床及作唱伎樂。故往觀聽。八離非時食。

圖律云。此戒外攝身口內防意地。則三業道淨。故大論中喻如猛將也。增一阿含經云。不殺者無有

害心。不盜者無有邪念。不姪者不念已妻。不念他女。不妄語者至誠不欺。不飲酒者心意不亂。離華香等者。二根清淨。離高勝床及觀聽者。三塵不生。離非時食者。口不犯過。如佛行持。故名淨行也。集毗婆沙論云。夫齋者。以過中不食爲體。以八事而助成齋。其相支持名八支。齋法亦名八關。齋成實論云。何故但說離八事。然此八事是門。由此八戒離一切惡。是中前四是實惡。飲酒是衆惡之門。餘三能起障道因緣。故以八戒成就五乘關者是。閉塞諸惡也。此八戒但受一日一夜。或月八日。十四日。十五日。二十三日。二十九日。三十日。名六齋。日。准前沐浴湯中所明。

圖智度論中問云。何故于六齋日受八戒修福德。耶答是日惡鬼逐人。欲奪人命。疾病凶衰。令人不吉。是故劫初聖人教人持齋修善。作福以避凶衰。是時齋法不受八戒。直以一日不食爲齋。後佛出世。令一日一夜如諸佛持八戒。不過中食。以是功德。將人至涅槃故。

集或諸佛菩薩誕日或自己生日皆可受持論云
若受八戒應一日一夜莫使與終身戒相亂此八
戒不論已受五戒及受在家菩薩戒者皆可受之
邇來剃髮出家者多有受持八戒爲師者亦云授
與五八戒而不精究律教好爲人師自盲盲人作
辦皆非今本山凡是出家者但來乞受八戒欲披
五衣七衣不聽允又則在家優婆塞戒優婆
夷戒佛制不許披割截福田衣令著禮懺衣禮佛
誦經即縷衣也蓋在家二衆佛令自己隨力供養
三寶不聽受他人四事既非衆生福田故不許著
割截福田衣又縱是受在家菩薩戒令儲蓄三衣
鉢盂錫杖奉供佛前遇有出家僧尼缺其衣具者
及有年滿欲受具者乏其衣鉢隨乞施彼更造奉
供不得不儲蓄自身聽著縷衣一頂禮拜持誦不
聽城邑聚落披著往來若入寺禮三寶當盛隨
身入寺中方著所以在家聽離衣若恒披則犯制
出家不聽離衣若離則犯制今本山凡有在家信
心男女二衆乞求五戒及菩薩戒者令造縷衣禮

敬三寶不聽披條相田衣

團終身戒者分段戒也謂但盡今生形壽故供養
三寶者莊嚴論云謂因成就檀度故與供養也若
不長時供養三寶則檀度不得圓滿故防非毀敵
稱之爲城宰治爲邑聚落者人所聚居之處也不
聽居家二衆在彼搭衣者正顯袈裟尊重也入寺
許著禮敬三寶者以見佛法無偏也雖是縷衣實
係法服凡披搭之時當生難遭之想懷恭敬心而
誦此偈

善哉解脫服鉢陀禮懺衣我今頂戴受世世常得披
團梵語婆度此云善哉解脫服者贊其衣之利益
無量無邊我今受佛戒已故得披著服之禮懺誦
經則煩惱自然解脫也第二句華梵雙舉顯非福
田衣也我今頂戴受持願世世生生披如來衣爲
佛弟子而入如來室聞解脫法故云我今頂戴受
世世常得披也

集又菩薩戒相此毗尼日用中不列附布薩正範
卷中



闍布薩者即說戒也。南山律祖翻爲淨住。謂清淨身心如戒而住。故根本律中名優曇陀婆。還是長養義。陀是持義。由集衆說戒能長養善法。持自心。故正證也。經法也。謂以律證明所出說戒法也。

毗尼日用切要香乳記卷下終

緣起

粵自雞園初唱教。被二乘同淨三業涅槃會上談常扶律嚴飾來機。原始至終無不以毗尼爲重也。如來滅後摩訶迦葉與五百應真結集三藏。唯一毗尼藏師資授受而無增減。是以迦葉授阿難。難授商諾。迦授毘多。尊者多有五弟子皆得道果。各執所見。遂分一毗尼藏爲五部焉。第一曇無德部而爲宗主。法名四分。後曇摩迦羅遁承其宗。北臺法聰律師遠真迦羅而授雲中道。覆律師授大覺惠光光律師授高齊道雲雲律師授河北道洪洪律師授弘福智首律師授南山道宣。唯宣律師懸受佛記大弘律教。

盛述條章深明持犯。所以世人稱爲南山宗也。後昭慶允堪律師撰會正記續南山宗。而授靈芝元照律師。後雖代不乏人。律法漸晦。述作無聞。元明以來。典型盡失。吾王祖古心律師乘大願輪步禮臺山親從文殊授受而戒法中興。長干塔頂以爲證。三昧師祖則毗尼燈照耀寰宇。而尸羅大振。東林白蓮預議之。當是時也。然以久廢初興。多從方便耳。迨我先師見老和尚繼之三十餘年。戒戒考實。事事舉行。由此漸還佛制矣。於是爲沙彌者。畢令習十戒律儀。爲比丘爲菩薩者。竟令精五篇三聚。復於未秉之前。重研毗尼偈呪。先令熟讀。行持此實。先老和尚開物成務之心。真切也。比來人多怠慢。忽略斯文。狂者目之太易。謂此偈呪一覽便知。何用瑣瑣愚者。駕言受後自有本律。不必多端。執定狂愚安坐。不進曾由不知菩薩之行。願無邊而法門無量也。玉道慚先哲德愧時賢。惟是一點赤心。不敢負本古云。舉一足不敢忘父母。出一言不敢忘父母。今讀此毗尼又奚敢忘和尙耶。甲子夏安居依文消義隨錄成帙。約有陸萬

餘言因住持事繁一紀未展今夏初復講一遍分爲上下兩卷其理雖不諳事義無差願諸覽者以佛祖之心爲心菩薩之願爲願至於知我罪我予何敢辭因諸子請梓故叙願末於此

出

康熙三十六年歲次丁丑秋分第三張灑陀日古爾

佛龍道者書玉識於昭慶之法乳堂

音釋

蘇摩國 此云月

兜羅綿手 此云白淨亦云細香又翻楊華佛手柔軟似此綿故

陶師 造瓦人名

四肢 手足 五臟 心肝脾肺腎

經乘爲器 如此方以棄棄物也

妙有 空不異色 真空 色即是空

乾陀國 隋云香行國 無生際 寂滅理也

幻人心數滅 卽心所法也大乘有五十一種謂偏

行五別境五善十一煩惱六隨二十不定四也

三觀 觀照也謂空假中三種隨舉一法卽能照了諸法故

破五住 謂三界見惑爲一思惑分三謂欲愛住色

愛住有愛住根本無明爲一共成五住住著也由

此五惑能令衆生住著生死故五住若破卽證聖

果

娑婆 此云堪忍謂衆生能忍此土苦故

兩足 福慧圓滿

十號 無虛妄名如來良福田名應供知法界名正

徧知具三明明行足不還來名善逝知衆生國

土名世間解無與等名無上士謂他心名調御丈

夫爲衆生眼名天人師知三聚名佛具上九號爲

物欽重故曰世尊天上人間所共尊故

十種瑞 光明滿室甘露盈庭池涌七珍地開伏藏

鷄生鳳子猪挽龍豚馬產麒麟牛生白澤倉變金

粟象具六牙

邸 音邸

舍衛國 此云聞物又翻曼德

四恩 國王父母師長檀越

難陀 此云善歡喜從初慕道爲名其母篤信三寶

華菱 味辛甚於椒狀如車前子而短

疋 音汪弱也 瘰 音雷瘦也 吻 音刻

餒 內上聲飢也 糜 音糜粥也

旃檀 義翻與藥能除病故慈恩傳云樹類白楊其

質涼冷蛇多附之

沉水 梵名惡揭嚕其體堅黑置水即沉寢日瓊州

出

八功德水 謂澄淨清冷甘美輕軟潤澤安和除患

增益

黯 音黯黑色 舐 時上聲舌出齶面也

金剛山 梵語跋折羅亦云斫迦羅

十寶山 謂須彌山雪山目真隣陀山大目真隣陀

山香山寶山金山黑山鐵圍山大鐵圍山

由旬 此翻限量天竺里數也大論云大者八十中

者六十小者四十

王舍城 卽羅閱祇也是摩竭國城名薩婆多論云

此國本有惡龍作種種災害破壞人民舍宅惟王

官舍不壞故

袈裟 此云變色衣

須陀洹 華言入流謂此人斷三界見惑盡預入聖

道法流故

駁 音勃考實也

苾芻 雪山香草名謂有五德以喻比丘一體性柔

軟以喻比丘折伏三業之羣故二引蔓旁布以

喻比丘傳法度人延綿不斷故三馨香遠徹以喻

比丘戒德馨香爲衆所聞故四能止疼痛以喻比

丘能斷煩惱毒害故五不背日光以喻比丘常向

佛日而居故

分衛 此云乞食僧祇律云乞食分施僧尼衛護以

修道業故

維那 謂網維僧衆調攝內外故

尸利仇多 或云尸利龜多此云勝密是外道弟子

提婆尊者 此云天西域第十五祖

迦毗羅國 此云黃色或名迦夷羅國此云赤澤

梵摩淨德 此云清信士

狼狽 進退不得之義

嘯噪 上音博下音集急迫之聲

界內惡 惡者謂見思惑業牽纏不能出離三界故
界外惡 惡者謂無明覆蔽真如不成無上妙道故
塵沙通內外

三十七品助道法 品類也助資也心通曰道謂四
念處四正勤四如意足五根五力七覺支八正道
也

獲 音斛刈禾也

歛 音平聲

獲 音攸覆種也

優波笈多 或名穗多此云大護佛滅度後百年出
得無學果

菩提樹 卽畢鉢羅樹此翻高聳佛坐其下成等正
覺因名菩提又名道樹

不共法 謂諸佛之智內充無畏之德外顯一切功
德智慧超過物表不與凡夫二乘及諸菩薩共有
也一身無失二口無失三念無失四無異相五無
不定心六無不知已捨七欲無減八精進無減九

念無失十慧無減十一解脫無減十二解脫知見
無減十三一切身業隨智慧行十四一切口業隨
智慧行十五一切意業隨智慧行十六智慧知通
去世無礙十七智慧知未來世無礙十八智慧知
現在世無礙

五行 金木水火土

三有 欲色無色

十聖 聖者以正爲義卽十地也

啐啄 上音翠下音捉如雞抱卵小雞欲出以嘴吮
聲曰啐母雞憐出以囑囑之曰啄作家機緣相投
見機而解亦由是也

三十三天 梵名忉利居須彌山頂離人間八萬由
旬四万有名有八大帝釋居中共爲三十三也

駭 音蟹河名

詔曲 希其意而道其言曰詔是故其言詔者其心
必曲

三十二相 謂如來應化之身具此三十二相以表
法身衆德圓攝人天中尊衆聖之王也足安平相

千輪輪相手指纖長相手足柔軟相手足縵網相
足跟滿足相足趺高妙相踰如鹿王相立手摩膝
相馬陰藏相身縱廣等相毛孔生青色相身毛上
向右旋相身金色相身光面各一丈相皮膚細滑
相七處平滿相兩腋滿相身如師子相身端直相
肩圓滿相四十齒相齒白齊密相四牙白淨相頰
車如師子相咽中津液得上味相廣長舌相梵音
深遠相眼色如金精相眼睫如牛王相眉間白毫
相頂肉髻成相亦名無見頂相

八十種好 無見頂相好鼻高孔不現好眉如初月
好耳輪輻相好身堅實好骨際如鈎鎖好身迴如
象王好行時足去地四寸而印文現好爪如赤銅
色好膝骨堅著圓好身清潔好身柔輭好身不曲
好指纖圓好指文藏覆好脉深不現好踝不現好
身潤澤好身自持不遑迤好身滿足好容儀備足
好容儀滿足好住處安無能動好威振一切好一
切樂觀好面不長大好正容貌不撓色好面具滿
足好唇色紅潤如頻婆果好言音深遠好膺深右

旋圓妙好身毛紺青光澤好手足圓滿好手足如
意好手文明直好手紋深長好手文不斷好一切
惡心衆生見者和悅好面廣殊妙好面如滿月好
隨衆生意和悅與語好毛孔常出妙香好口出無
上香氣好容儀如師子王好進止如象王好行法
如鵝王好頭如摩陀那果好一切身分具足好四
牙白利好舌相長廣赤色好舌薄微妙好身毛紅
色好身毛輭淨好眼秀廣長好孔門相具好手足
赤白如蓮華色好膺厚不出好腹形不現好細腹
方正好身不傾動好身持厚重好其身長大好身
長殊妙好手足軟滑好四邊圓光名一丈好光明
照身而行好等視衆生好不輕衆生好隨衆生音
聲不增不減好說法不著好隨衆生語言說法好
發音報衆好次第有因緣說法好一切衆生不能
盡觀德相好觀無厭足好首髮修長好首髮齊整
不亂好髮旋堅固永無斷落好髮色青珠光滑好
手足有德相好如上相好皆是多生清淨持戒所
感也

神通 神名天心通名慧性天然之慧徹照無礙故

外道六師 一富蘭那迦葉二末伽梨俱舍梨三闍

闍耶毗羅胝四阿耆多翅舍欽婆羅五迦羅鳩陀

迦旃延六尼健陀闍提子

跋陀尊者 秦言善教

行解 混解而修曰行心明照曰解

修不淨觀 亦名九想觀一胖脹想二青瘀想三壞

想四血塗漫想五膿爛想六蟲噉想七散想八骨

想九燒想禪門云觀想他身治外貪故

愛見爲本 心之纏綿不已曰愛愛爲思惑本見爲

見惑本

生相無明 謂等覺後一品生相無明惑也

修食不淨觀 如芰多曰當觀一切法猶如淨吐也

三解脱門 謂空無相無願

摩訶衍 此云大乘

五逆 逆則不善謂弑父弑母弑阿羅漢出佛身血

破羯磨轉法輪僧

酖 音朕鳩毒酒也 砒 音批砒霜石藥

葩 怕平聲花也

緣起

雞園 西域有雞頭摩寺去鹿苑不遠故大佛頂經

云我在鹿苑及與雞園觀見如來最初成道

談常扶律 釋鑒云以彼經部前後諸文扶事說常

若末代中諸惡比丘破戒說於如來無常及讀誦

外典則竝無乘戒失常住命賴由此經扶律說常

則乘戒具足故號此經爲願常住命之重寶也

師資 師有匠成之能學者具資稟之德

弟子 南山云學在我後曰弟解從師生曰子

摩訶迦葉 此云大龜氏姓也先代學道靈龜負偈

圖而應從德命族名畢鉢羅父母禱樹神而生故

或翻飲光身光亦能暎物故

阿難 此云慶喜 末田地 此云中阿難

商諸迦 此云自然服西域聖人出九枝秀草生師

生草出自然成衣故

曇無德 此云法正是種多弟子四分律主也

曇摩迦羅 此云法時天竺沙門始依四分十人受

具造依法正

法聰 四分標釋云元魏孝文帝時本學僧祇因考受戒體始闢四分造承法時

道覆 聰之弟子最初撰疏科六卷以釋四分

惠光 初從佛陀禪師出家陀曰此子宜先聽律律

是慧基非智不奉若初從經論必輕戒綱由是依

覆通四分律撰疏十卷

道雲 從光受學撰疏鈔九卷判釋廣文

道洪 從雲受學亦撰疏文

智首 泉戒之先於古佛塢前預祈願衆佛摩頂

身心泰然方知感戒及尋律部多會其文從洪受

學撰疏二十卷

南山道宣 南山即終南山名距長安八十里在扶

風武功縣其山北來勢終南故或名中南關中記

云在天之中居都之南故律祖諱道宣字實相京

兆錢氏子父吏部尚書母夢梵僧語之曰所孕者

梁時僧祐律師也及長依日嚴願公出家年二十

依首師進具親從學律居中南終闡蘭若宗承首

法撰行事鈔建南山宗燒戒定香行般舟行前後

總二十會常感天人送饌侍衛修行唐高宗乾封

二年丁卯十月三日入滅衆聞天人同聲請師歸

彌勒內院穆宗讀曰代有覺人爲如來使龍鬼歸

降天人奉侍聲飛五天辭驚萬里金烏西墜佛日

東舉藉首歸依聖律宗主懿宗朝詔號澄照大師

詔天下寺院圖形供奉

允堪 證號眞悟大師撰會正記續南山宗章天示

現地湧戒壇

圓照 字湛然餘抗唐氏子撰資持記嗣堪律師

述作 述者之謂賢作者之謂聖

典型 孟子曰太甲顯覆湯之典型乃謂聖人正暴

除亂徵惡除非勸善之法度

王祖 名稱義出禮記

古心 諱如鸞溧陽楊氏子依攝山素安大師出家

因慨律學荒蕪步禮五臺求見文殊受戒至半山

中見一婆子捧僧伽黎問曰汝求何事曰求見文

殊菩薩親受大戒婆曰持衣來否曰未婆曰此衣

與汝師手接衣。婆標指曰：「那不是文殊麼？」師纔一回顧，婆子不見。菩薩於雲中垂手摩師頂，曰：「古心比丘，文殊爲汝授戒，竟師於言下頓悟五篇三乘心地法門，視大小乘律如自膏中流出，遂還金陵中興戒法。時雪浪法師奉勅修長干寶塔，工將告竣，塔頂舉其心，勿悅少頃，隱几而臥。有神人夢中慰曰：「異日優波離尊者振錫繞塔頂，致自投爾何疑？」慮明日師率弟子執杖繞塔，頂果自上。世人咸信爲波離再轉也。時神宗皇帝御贊曰：「瞻其貌，知其入三昧，絕六塵，普波離今古心，證號慧雲和尚。」

中興廢而復興，曰中興。如周宣王、漢光武、中興帝王之業，律祖則中興法王之戒也。

長干江寧報恩寺舊額
三昧諱寂光瓜洲錢氏子，初從雪浪法師習賢首教，觀次求古心律師受具足戒於潤州甘露寺。親炙有年，惟律儀是任，師爲其行解，傳授毗尼弘揚戒法行道豫章，緒素敦請開戒於東林寺。陸地忽

透千葉白蓮一十八朵，按廬山紀事云：「遠公隱滅度時，示衆曰：『若有白蓮重開，吾當再來教化矣。』自晉迄明，枯而不榮，池久爲地。師到此山，白蓮花開，時人憶昔符讖，皆稱師爲遠公再來也。及住華山，十方賢聖結讚曰：『白蓮預識，振千華，其斯之謂歟。』餘多神異，詳在銘傳。」

尸羅 此云清涼，謂離熱惱得清涼故。大論云：「秦言性善，謂好行善道，不行放逸，是名尸羅。以義而翻，也正翻止，得謂止惡得善也。古翻爲戒，戒者制也，謂能制一切不善之法也。」

開物成務 句出易經 瑣瑣 繁碎也

狂愚 狂無德性，愚無慧性

安坐不進 文句出楞嚴 舉足等句 出孝經

安居 南山云：「形心攝靜爲之，安要期住此爲之居。」靜處思微道之正軌，理須假日追功，策進心行，故佛制安居有三種：謂前中後也。初四月十六日是前安居，從十七日已去，五月十五日名中安居，五月十六日名後安居。故律云：「前安居者，住前三月。」

後安居者住後三月也
住持 謂安住道德執持教法令法久住故又云住
於真理持而不失故

沙門日用序

識心達本名曰沙門。具足三千威儀。受持八萬細行。今此日用一書。乃三千之樞要。八萬之妙用。出家進修之階梯。菩薩利生之慈航。苟階梯失。慈航乏。則自利利他。何有哉。舊曰毗尼日用者。譌也。毗尼卽律。是五藏中之律藏。惟明比丘二百五十戒法。不說諸真言呪語。其間偈頌多出華嚴諸經。呪語載之密部。然經律真言各有宗旨。寧容混濫。以毗尼而自目哉。今本師在和尙。誠末法之砥柱。救世之良醫。註釋經律百有餘卷。彙開呪語。至於華梵胡言。無不洞貫。悉末法之頽風。愍後代之閉聞。遂爲重訂。曰沙門日用。名實俱當。事簡理詳。雖云沙門而諸在家清信士女。有受歸戒菩薩法者。咸須行之。意欲七衆於二六時中行住坐臥。有一毫之善。悉皆迴向法界。有情同出苦津。以圖菩薩六度萬行者也。今諸方毗尼日用篇末。復加古德警策之語。雖云不無少善。但古德之言。備載各傳。豈容渾入。自失毗尼之義。大違經律之旨。識者別之。

康熙辛亥自忖日門人開定書于鼎湖之指月樓

沙門日用卷上

廣州南海寶象林沙門 弘贊在後編

夫爲沙門者。勤行衆善。息諸妄慮。於二六時中。身被四儀。口持顯密。心存定慧。三密於是相應。萬行由斯漸備。故華嚴淨行品。令諸菩薩凡有所作。皆悉發願。同向一切衆生。同成正覺。是則自利利他。乃大士之本誓。雖曰現處凡地。而已具聖行矣。稽斯日用。原本非一。皆是此方編集名號。既多不同。條相不無差舛。其間偈頌多出淨行品中真言呪語。悉錄密部諸經。但其所集。廣略欠宜。今以揆中。刪補成帙。便學習者持誦焉。若夫菩薩輕重戒相。廣備經論。比丘五篇七聚。詳具律藏。自當討明。方知止作持犯。不可依斯。便爲事畢。比見近代阿師。不稽律典。不依所犯。懺除。但令持呪。爾許全違說。寧知顯密兩異。微各有旨。不如律悔罪不可逃。自誤誤他。過非小也。智者慎詳。雖云沙門日用。而在家居處。同持。

上篇持誦門

○睡醒

行者睡醒時即宜正身端坐默誦偈云

睡眠始寤 當願衆生 一切智覺 周顧十方

陀地利日哩莎訶七遍

○聞鐘

行者聞鐘聲當誦偈云

聞鐘聲 煩惱輕 智慧長 菩提生

離地獄 出火坑 願成佛 度衆生

陀伽羅帝耶莎訶 七遍凡聞鐘聲即當起坐若生解

起後復偈著神現世無福孽死後墮蛇身若病重不起無過

○繫鐘

願此鐘聲超法界 鐵圍幽闇悉皆聞

聞塵清淨證圓通 一念淨心成正覺 諸虎如前

○寤起

寤起下床當正立誦云

下足住時 當願衆生 心得解脫 安住不動

云從朝寅日直至暮 一切衆生自迴護

若於足下喪身形

願汝即時生淨土

陀迦地律尼莎訶七遍

○著衣裳

下床著衣裳時應誦云

若著上衣 當願衆生 獲勝善根 至法彼岸

著下裙時 當願衆生 服諸善根 具足慚愧

整衣束帶 當願衆生 檢束善根 不令散失

○行步

若舉足行時誦云

若舉於足 當願衆生 出生死海 具衆善法

復誦行步不傷蟲蟲呪云

陀地利日利莎訶七遍

○洗漱

早起洗面當誦云

以水洗面 當願衆生 得淨法門 永無垢染

陀囉二十莎訶早起洗面須頌偈

○飲水

佛觀一鉢水八萬四千蟲若不爾此呪如食衆生肉呪曰

唵。嚩。瑟。婆。羅。摩。尼。莎。訶。七。遍。

○著五衣

應誦偈
呪云

善哉解脫服 無上福田衣 我今頂戴受
世世不捨離

唵。悉。陀。耶。莎。訶。七。遍。

○著七衣

應誦偈
呪云

善哉解脫服 無上福田衣 我今頂戴受
世世常得披

唵。度。波。度。波。莎。訶。七。遍。

○著大衣

應誦偈
呪云

善哉解脫服 無上福田衣 我今頂戴受
廣度諸羣迷

唵。摩。訶。迦。波。波。吒。悉。帝。莎。訶。七。遍。或。可。三。次。

著袈裟衣 當願衆生 心無所染 具大仙道

○沙彌著緋衣

應誦
偈云

大哉解脫服 無相福田衣 披奉如戒行
廣度諸羣迷

緣衣者緣爲一幅並無縫隔割裁之相凡受十戒者皆著此衣今因法末人說不解沙門所應著服緣佛故久遠相隨習至今沙彌披著比丘五條七條之次也根本經云求法之徒緣佛是服而有緣披五條也根本經云乃唐三藏經淨法師觀經西域傳此方觀云說風久扇非一口至今未應其維正之特願弘法大士披千古之遺方開將來之慧目使正法而得久住成殊而獲長生者矣

○禮佛

欲往禮佛應
隨偈呪云

若得見佛 當願衆生 得無礙眼 見一切佛

唵。阿。蜜。栗。帝。呬。愛。吒。七。遍。吒。

○入佛殿

若入殿宇及道
場應誦偈呪云

若入堂宇 當願衆生 昇無上堂 安住不動

唵。阿。蜜。栗。帝。呬。愛。吒。七。遍。吒。

○觀佛

若見佛像當至心
諦觀應誦偈云

諦觀佛時 當願衆生 皆如普賢 端正嚴好

○禮敬三寶

凡爲禮拜先須觀佛然其觀辭須取經中偈頌已稱名然後五體投地兩手承空示腋足之相乃作文殊禮佛

能禮所禮性空寂 感應道交難思議

我此道場如帝珠 十方諸佛影現中

我身影現諸佛前 頭面接足歸命禮

若禮別佛菩薩但改諸佛二字若禮僧應云十方賢聖影現中若禮法應云

眞空法性如虛空 常住法寶難思議

我身影現法寶前 一心如法歸命禮

禮三寶已次當禮本師釋迦牟尼佛阿彌陀佛彌

勒尊佛文殊普賢觀音勢主諸大菩薩并迦葉優

波離阿難尊者一一禮已當主心懺悔勸請隨喜

迴向發願文備諸經及行願品中此不繁錄其讚

佛儀式

○禮敬佛塔

塔者梵音具云塔婆亦云窣堵波又云浮圖又云制底此諸名聚相爾如來佛俱聚於此也或有舍利或無舍利無舍利者當安法身偶或安如來聖像禮之誠無量罪生無量福若見塔時應云

見佛塔時 當願衆生 尊重如塔 受人天供

若作禮時 應誦偈云

頂禮於塔 當願衆生 一切人天 無能見頂

禮已當旋繞三市或七市十市百市千市須記而數各有所表如三市表滅三毒圓三德七市淨七支戒得七覺意十市斷十使盡十力餘皆例知若旋繞塔時應誦云

右遶於塔 當願衆生 所行無逆 成一切智

過三市 時應云

繞塔三市 當願衆生 勤求佛道 心無懈歇

次繞佛塔誦 陀羅尼曰

南謨迦夜 南謨達囉 摩夜 南謨伽伽夜

南謨阿喇耶 南謨盧枳 囉囉 囉囉夜 善提婆 婆夜 麼訶婆 婆夜 摩訶 迦囉囉 迦夜 但姪

他佉上囉囉 囉囉訶上囉囉 伽囉囉 婆訶 七遍

右過若人能至心一念七日中過塔行道滿一萬二千一過面見觀世音菩薩威力滅一切罪障得一

切所願律制不得覆願通肩披衣及著褲衣革屣等禮佛過塔

○誦經

若誦經時 先當誦偈云

誦經時 當願衆生 順佛所說 總持不忘

誦經時 當願衆生 順佛所說 總持不忘



○持錫

若持錫時先
當誦偈云

執持錫杖 當願衆生 設大施會 示如實道

陀那栗時那栗時那栗時鉢底那栗帝那夜鉢寧呼

變吒七遍此
字半音

○乞食

欲入聚落乞食
先須通偈云

發足向道 當願衆生 趣佛所行 入無依處

在路行
時應云

若在於道 當願衆生 能行佛道 向無餘法

入村
應云

人里乞食 當願衆生 入深法界 心無障礙

舊用華提呪本無所用
故不錄若到門時應云

到入門戶 當願衆生 入於一切 佛法之門

既入其
家應云

人其家已 當願衆生 得入佛乘 三世平等

若其不捨不應
生慍惱心當云

見不捨人 當願衆生 常不捨離 勝功德法

若見布施
不應貪著

見能捨人 當願衆生 永得捨離 三惡道苦

○見空鉢

若臨食時見空
鉢當誦偈云

若見空鉢 當願衆生 其心清淨 空無煩惱

○食時展鉢

若未受食前初展
鉢令淨當誦偈云

如來應量器 我今得敷展 願供一切衆

同證三輪空

○見滿鉢

若見盛滿鉢
食當誦偈云

若見滿鉢 當願衆生 具足成滿 一切善法

已上三偈舊本願取別
呪漢入無所出故不錄

○得美食

若得美食
時當誦偈云

若得美食 當願衆生 滿足其願 心無羨欲

○得不美食

若得不美食
食應誦偈云

得不美食 當願衆生 莫不獲得 諸三昧味

○持鉢

執持鉢時應
諸偏呪云

執持應器 當願衆生 成就法器 受人天供

施相哩哩囉日囉吽變吒七遍

字半音

受食時左手持鉢右手扶鉢念
三鉢羅伽多 三設

後儀已心存五觀上座應唱云
三鉢羅伽多 自食

亦應明之此即是儀設今時令唱佛制比丘等語是
古德所立原非本制唱已出生念變食其言七遍

法力不思議 大悲無障礙 七粒遍十方

普施周沙界

或念

大鵬金翅鳥 曠野鬼神衆 羅刹鬼子母

甘露悉充滿 或誦汝等鬼神衆亦
得復念無遮食其言

隨移一凌沙訶七遍

律制食時於大眾行末設食一盤以供鬼于母等呼
其名字令皆聞滿即用上座呼之亦妙今時行事自

是此方說傳非即誦制以少許食置不淨處呼大鬼
名不復無益恐招禍殃矣律中復制受檀越諸食

舉時以水略淨手口右手持食一掬向
上座前胡跪上座乃以片水澆而呪曰

以今所修福 普霑於鬼趣 食已免極苦

捨身生樂處 菩薩之福報 無盡若虛空

施護如是果 增長無休息

然後持將出外於園林
之下或河池之所以施先亡矣

○正受食

若正受食時
應誦偈云

若受味時 當願衆生 得佛上味 甘露滿足

○食畢

若食訖時
當誦偈云

所謂布施者 必獲其義利 若爲樂故施
後必得安樂

飯食已訖 當願衆生 所作皆辦 具諸佛法

西國唯上座一人
唱之非衆同誦

○受觀

梵語達觀舉此云施在法則曰法施在財
則曰財施今食畢禮越以衣物施是也

財法二施 等無差別 檀波羅蜜 具足圓滿

若是金銀錢比丘不得自捉唯令淨人知之
若無淨人當作彼人物想與之寶淨衣鉢等

○嚼楊枝

凡食訖當嚼楊
枝應誦偈云

手執楊枝 當願衆生 皆得妙法 究竟清淨

應時

嚼楊枝時 當願衆生 其心調淨 噬諸煩惱

噉齋或七遍或沙訶楊枝制 二十一遍沙訶度附後

○洗鉢

食畢洗鉢已藥水時當摩地半肘手應隨偈云

以此洗鉢水 如天甘露味 施與含生類

悉令獲飽滿

啖摩休嚼悉沙訶七遍

宿本先洗鉢後嚼楊枝延時過午口有餘津咽之便犯非時之禁又今時洗鉢在於食處案上稽留防事燕不如法宜食畢於屏處以水盥漱持將出外棄於淨處或河池林下以施羣生復用淨水內外洗之方以巾拭之令燥然後棄之

○剃髮

若剃髮時應誦偈云

剃除鬚髮 當願衆生 遠離煩惱 究竟寂滅

噉悉毘都漫哆囉跋陀耶娑婆訶七遍

應先剃髮後剃髮當用文殊菩薩剃頭日每月初四日至十一日十四日至十六日十九日二十二日至二十六日二十九日

○便利儀軌

根本雜事律云佛告諸苾芻汝等當知此是常行恒須在意如是洗淨有大利益令身清潔諸天歡奉是故汝等從今以去若苾芻苾芻尼學法女求寂勇求寂女鄒波索迦鄒波斯迦歸依於我以我爲師者咸應洗淨若不如是洗者不應繞塔行道不合禮佛讀經自不禮他亦不受他禮不應噉食不坐僧牀亦不入衆由身不淨不如法故令諸天神見不生喜所持呪法皆無効驗若有犯者得惡作罪若作齋供書經造像不洗淨者由輕慢故得福薄汝等皆應依我言教無得自欺作不淨法懈怠放逸爲下品行當墮惡道時諸苾芻聞佛教誨皆大歡喜如法奉行根本羯磨云佛言欲入廁時或彈指或警欬或蹈地作聲若默然入者得越法罪凡至廁所當彈指作聲令內人知 雜寶藏經云有一比丘不彈指來大小便灑汚中鬼面上魔鬼大瞋欲殺比丘比丘持戒隨逐伺覓其短不能得便既知此過豈可默然 今按義淨法師依雜事律撰出其法云便利之事略出其儀下著洗浴

之裙上披僧脚崎服次取觸瓶添水令滿持將上
 廁閉戶遮身土須二七塊在其廁外於瓶石上或
 小版上而安置之其瓶版量長一肘濶半肘其土
 碎之爲末列作兩行一一別聚更安一塊復將三
 丸入於廁內安在一邊一將拭體一用洗身洗身
 之法須將左手先以水洗後兼土淨母經云應用
 指無名指及小指須用冷水若用熱水 餘有一丸
 恐生風等疾嚴冬水手暖水無妨
 且一遍洗其左手若有薄片持人亦佳持薄片
 淨一土塊土入廁需用拭身一土洗 如其用罷須擲
 淨一土塊土入廁需用拭身一土洗 如其用罷須擲
 廁外必用故紙可棄廁中既洗淨了以右手牽下
 其衣瓶安置一邊右手撥開傍居還將右手提瓶
 而出或以左臂抱瓶擎其左手可用右手關戶而
 去就彼土處蹲坐一邊若須坐物隨時量處置瓶
 右壁之上可以右臂向下壓之若有三及水者先
 置瓶於上極佳
 取近身七土別別洗其左手後用餘七一兩手
 俱淨其瓶木上必須淨洗餘有一丸將洗瓶器次
 洗臂膊及足並令清潔然後隨情而去此瓶之水
 不入口唇回至房中以淨瓶水漱口再三若其事

至觸此瓶者還須洗手漱口方可執除器具斯乃
 大便之儀羣說如此小便則一二之土可用洗手
 洗身此即清淨之先爲敬基本或人將爲小事律
 教乃有大呵若不洗淨不合坐僧牀亦不應禮三
 寶此是身子伏外道法佛因總制苾芻修之則奉
 律福生不作乃違教招罪斯則東夏不傳其來久
 矣設令啓示遂起嫌心卽道大乘虛通何淨何穢
 腹內恒滿外洗寧益詎知輕欺教檢誣罔聖心受
 禮禮他俱招罪過著衣嗽食天神共嫌若不洗淨
 五天同笑所至之處人皆見譏弘紹之賢特宜傳
 教既而厭俗離塵捨家趨於非家卽須慙慙用釋
 父之言何得睚睚於毗尼之說如其不信幸可依
 此洗之五六日間便知不洗之過然而寒冬之月
 須作煖湯自外三時事便隨意凡是僧坊先須淨
 治廁處若自無力教化爲之供十方付理通凡聖
 無多所費斯其要焉是淨方業固非虛矣溪堂雜
 錄云元祐中有蜀僧智超法師常誦華嚴經已三
 十年偶見一童子丰貌清爽舉手高揖超曰何來



曰五臺來超曰何遠至此曰有小事欲相導故超
曰願聞曰吾師誦經固可嘉矣但失在登廁洗淨
時觸水淋於手背而未嘗用灰土洗之律制七度
今洗一二緣此觸尚存禮佛誦經悉皆得罪言訖
不見超慚而改過此乃文殊菩薩化現以警於超
也故知洗手洗淨必須依法淨水觸水決要分別
言七度者謂先用淨灰七遍後用淨土七遍洗之
若不依法反成穢觸執提淨器悉招黑殃故因果
經云觸手請經當獲廁中蟲報然入廁洗淨洗手
等一一須念偈呪經云若不持誦神呪者縱用七
恒河水洗至金剛際亦不得身器清淨如無灰用
不得用傷生之物如
皂夾茶飲之類也

○登廁

至廁當默
念偈呪云

大小便時 當願衆生 棄食眠寢 斷除罪法
唯願墮耶婆訶七遍

三千威儀云至舍後上廁有二十五事一欲大小便
當時不得道上爲上座作禮二亦莫受人說三後
時當直低頭視地四已住當三彈指五已有人彈指
不得過六已上正住彈指乃顯七正顯中八不得一

足前一足却九不得令身倚十飲食不得使垂國中
十一不得大咽使面赤十二當直視前不得顧視十
三不得汚穢十四不得低頭視地十五不得視地
十六不得以手持陰十七不得草屨地十八不得持
草屨作字十九用水不得大費二十不得汚溺二
十一用水不得使前手著後手二十二用土當二七
過二十三當用溲豆二十四三遍用水二十五
設見水土草蟲當踏直日主者若自手取爲善

○便利說

便訖就水洗淨時
應默念偈呪云

事訖就水 當願衆生 出世法中 速疾而往

唯願墮蜜栗帝沙訶七遍

復默念去
偈呪云

洗滌形穢 當願衆生 清淨調柔 畢竟無垢

唯願墮利曳婆薩沙訶七遍

復念洗手
偈呪云

以水盥掌 當願衆生 得清淨手 受持佛法

唯願墮囉耶婆訶七遍

大智律師入廁垂訓云摺疊衣裳繫齊鞋履省約用
身就欲無恥云何於食樂著肥美結習成因果報必
昇沉由已道豈遠哉未知思爾

○入浴

雜事律云。苾芻應著洗浴裙。不得兩重。而作恐有蟲入。若貧者。必無此物。以繩繫葉前後遮障。於隱屏處。不令他見。浴時。無犯內法。傳云。浴裙法。以氈布長五肘。濶肘半。繞身。使巾抽出。舊裙。迴兩頭。令向前。取左邊上角。以右手牽向腰下。令使近身。併壁右邊。壓入腰內。此謂著浴裙法。臥時。著裙。其法亦爾。西國不著裙。臥時著短裙。欲出池時。抖擻徐出。勿使蟲著。若不向池寺中浴者。著裙同此。水道人。澆隨處隨時。可為障蔽。世尊教為浴室。或作露地。輒池。或作去病湯藥。或令油遍塗。體深為利益。皆有聖教。不違具述。廣如律明。重須。饑時。浴已。方食。有其二益。一則身體清涼。無諸垢穢。二則疲癯消散。能餐飲食飽。食方浴。醫明所諱。故知饑沐飽浴之言。未是通方之論。若著三尺浴裙。偏小形露。或元不著。亦體而浴者。深乖教理也。應用四幅洗裙。遮身可愛。非直奉遵聖教。亦乃不愧人神。餘之可否。智者當悉。夜浴。尚不改容。對人。寧無掩蔽耳。僧祇律云。入浴。各以腰帶繫衣。作藏安衣架上。入時。不得掉兩

臂。等量用水。不得多。若池水自恣。無罪。不聽露地裸形而浴。若水齊腰。祇得用無罪。若坐水中。至臍。亦得。當念偈呪云。

洗浴身體 當願衆生 身心無垢 內外光潔

庵跋折囉。憍憍迦吒。莎訶。七遍。不得共人誦笑。及小童。遠者得罪。彌重。

○洗足

洗足時應念偈云。

若洗足時 當願衆生 具足神力 所行無礙

先洗左足次洗右足

○敷牀座

若敷牀座時應念偈云。

若敷牀座 當願衆生 開敷善法 見真實相

○坐禪

若坐禪時應念偈云。

正身端坐 當願衆生 坐善提座 心無所著

復結跏趺坐 當願衆生 善根堅固 得不動地

那上謨善上陀夜那上謨。呌囉上。磨夜那上謨。僧伽

夜哆何可姪他磨上。訶婆上。跌囉阿上。底。如。婆。上。

跌嚙鼻上仰上多曷囉聞西磨訶鼻上仰上多曷囉
 閣西安婆訶

右坐時安隱。若初坐未定身心不安。
 先誦此呪七遍已。即跌坐。則不驚動。

○出定

若出定時應
 念偈呪云

捨脚趺坐 當願衆生 觀諸行法 悉歸散滅

唵。嚩。囉。枳。諦。娑。嚩。賀。七遍

○寢息

僧祇律云。不聽如餓鬼覆地臥。不聽如阿修羅仰面
 臥。不聽如貪欲人左脇臥。比丘應如獅子王。順身右
 脇臥。頭向衣架。不得以兩足向二師。及上座。不得初
 夜便言。應極而臥。當正思惟。衆至中夜。乃臥。以右脇
 著下。累兩足。合口。舌柱上。枕右手臂。左手順身上。
 不捨念。惡思。惟起。想至後夜。當起正坐。惡惟已。衆若
 老病。及右脇有瘡。無此比丘臥法。
 應如是。若不如是。得罪。應誦偈云。

以時寢息 當願衆生 身得安隱 心無亂動

誦已。當依本分事中。繫念而臥。蓋有教。想。念。阿字。而
 臥。斯乃別取。能法。漢入。今此不錄。行者。但各依已本
 分事。繫念。臥之。
 即爲如法矣。

音釋

俱胝 此云百億

三輪空 不見自能施。不見他受施。不見所施之
 物

嚩 音誓。嚩也

鄒波緊迦 舊云優婆塞。此云近事男

鄒波斯迦 舊云優婆夷。此云近事女

學法女 梵語式叉摩那。尼謂於二年中學六法

也

睡睒 上音厓。下音塞。睡睒。忤目相視也

沙門日用卷上

沙門日用卷下

廣州南海寶象林沙門弘贊在修編

下篇寶具門

○三衣名相

一安陀會梵語也。此云下著衣。亦云中宿衣。又云
 裏衣。又云內衣。謂近身而著。院內行路。襪作衣也。
 二鬱多羅僧。此云上著衣。謂於常所服中。最在其

上也。又云入衆時。衣謂禮敬誦經。噉食。聽講。如是時著也。

三僧伽黎。此云重。又云合。謂割之合成。而重作也。又云襍碎。衣謂條數多。故又云重複衣。若入王宮。聚落行乞。噉食。遮寒。說法。禮塔。應著此衣也。

然此三衣。天竺總名支伐羅。若以色稱之。並名袈裟。佛言。過去未來佛弟子。並著是衣。如我今日。刀截成衣。不爲怨賊所劫。薩婆多論云。所以作此三衣名差別者。欲現未曾有法。故一切九十六種。無此三衣名。以異外道。故作此差別。功德論云。造三衣者。以三轉法輪。故又云爲三世。故又云爲三時。故冬則著重者。夏則著輕者。春則著中者。若大寒時。重著三衣。可以障之。僧祇律。佛言。三衣是沙門賢聖標幟。故我諸弟子。齊是三衣。足遮大寒。大熱。蠅虻覆障。慚愧不懷。聖種。若性不堪寒者。聽故弊衣。隨意重納。卽是少欲。少事。戒壇經云。五條下衣。斷貪身也。七條中衣。斷瞋口也。二十五條大衣。斷癡心也。其裁作法者。如根本律云。三衣總有三品。

僧伽黎上者。用自肘量。豎三橫五。下者。各減半肘。二內名中。譬多羅。僧安陀會。亦有三品。并同此量。身長大而肘短者。依身爲量。不依肘量。若翻此者。亦依身量。其條數。壇隔法者。安陀會五條。一長一短。譬多羅。七條。兩長一短。其僧伽黎。條數九種。不同。謂九條。十一條。十三條。十五條。十七條。十九條。二十一條。二十三條。二十五條。壇隔者。初三兩長一短。次三三長一短。後三四長一短。過此以上。便成破納。不堪持。故其縫刺法。依稻田畦勢。而割截之。葉向兩邊。不應一靡。葉有三。則謂上中下。上者。濶四指。狹齊兩指。二內名中。凡爲小壇。當大壇半。然小壇望大壇。裁割之時。更須增其半。葉一縫作了之後。方始明闊。正得相應。異此非也。內法傳云。五天法。服任刺。任縫內。葉外緣一寸。外緣有刺。三道內。葉悉皆縫合。又西國三衣。並皆刺葉令合。唯獨東夏。開而不縫。詳觀律檢實。無關法。親問北方諸國。行四分律處。俱同刺葉。全無開者。西方若得神州。法服縫合。乃披諸部律文。皆云。刺合。宜律。

師問天人云。此見西域僧來。多縫衣業者。何答曰。此佛滅後。將二百年。北天竺僧。與外道同住。外道嫉之。密以利刀。內衣業中。同往王所。外道告王。沙門釋子。內藏利刀。欲將害王。因告檢獲。由此普誅一國。比丘時有耶舍。阿羅漢。令諸比丘。權且縫合。爲絕命難。此乃彼方。因事權制。非佛所開也。按此二說。縫則準諸師律。文不縫。乃據天人所說。任取一法。依理無妨。又今時開水路者。諸律無文本。非佛制。乃此方所造。或據會南山之旨。巧加制作。即如次。四分上安貼杜撰云。須彌山日月天王之類是也。

律云。新衣聽一重作。安隨會及鬱多羅僧。二重作。僧伽黎若故衣。聽二重作。五條七條。四重作。大衣若糞掃衣。隨意多少。重數內。法傳云。著衣及施。鈎紐法者。可取五肘之衣。疊作三褶。肩頭疊處。去緣五指。許安其方。貼可方五指。周刺四邊。當中穿爲小孔。用安衣鈎。其鈎或條或帛。繩細如衫。鈎相似。可長兩指。結作固心。餘者截却。將鈎穿孔。向外牽出十字交。繫便成兩鈎。內紐此中。其胸前疊處。緣邊安紐。亦如衫紐。卽其法也。衣之下畔。鈎紐亦施。隨意倒披。是聖闍許兩頭去角。可入指。許各施一

鈎一紐。此爲食時所須。反覆胸前紐。使相合。此成要也。凡在寺內。或時對衆。必無帶紐及罷肩披法。若向外遊行。并入俗舍。方須帶紐。除時。但可搭肩而已。屏私執務。隨意反抄。若對尊容。事須齊整。以衣右角。寬搭左肩。垂之背後。勿安肘上。若欲帶紐。卽須通肩披。已將紐內。鈎迴向肩後。勿令其脫。以角搭肩。衣便繞頸。雙手下。出一角前垂。阿育王像。正當其式。出行執傘。形儀可愛。卽是依教齊整。著上依也。著次之法。失之久矣。故此舉出。律攝云。著其大綱。如樂正法者。當復本式。

律攝云。著大衣。不應作務。不在道行。不裹膊。坐及披而臥。不赤膊。披禮拜之時。衣勿拂地。不裹膝。頭亦不於下。二衣上坐臥。若無餘物。聽用爲襯。坐臥無犯。凡著衣服。應捨三種心。一喜好玩飾心。二輕賤受用心。三矯覓名稱心。詐著弊衣。欲令他知。有德有行。如是三心。皆不應作。但求壞色。趣得充身。順大師教。進修善品。應生五種心。一知量度量。而用勿使傷損。二知間隙。不可頻著一衣。臭而疾破。三知思察。來處極難。作報恩心。受用之時。勿爲非法。四知時。

寒熱適時受用合度五知數十三資具足得資身

多畜貯衣長食廢業十三者三衣坐具袈裟裙

巾剃髮衣履若衣絲斷壞者應以物貼或用線縫

若見有孔應可補貼如總爛壞不堪料理者應作

燈柱或可斬碎和牛糞作泥用塞柱孔或泥牆壁

如是用時能令施主所捨福田任運增長如是爛

佛猶不聽輕棄今時有以亡比丘衣於樹上掛之云

使鬼神鳥鷄沾益難足貴價上服亦任風飄日暴自

此然亡人衣物衆共翫磨芬之律有明文何不詳檢

自用已見信行邪妄

○僧祇支

僧祇支或云僧脚崎梵語也此云覆膊亦云掩腋

豎二肘橫五肘佛謂恐汚三衣其披著法應出右

肩交搭左膊房中恒著唯此與裙出外禮尊任加

餘服此是沙門本儀自法流東土僧皆如是去聖

時遙乃類俗服同著袖衣其偏衫者亦此方所制

因魏帝請僧入內供養宮人見僧偏袒右肩不以

爲善遂作偏衫施僧縫於左邊僧祇支上因名偏

衫今隱祇支之名而號兩袖者曰偏衫若欲作者

須開後縫截領方存魏制元式也

○涅槃僧

涅槃僧亦云泥伐散那唐言裙橫五肘豎二肘著

時繞身既訖擡使過膊右手牽其左邊上角在內

牽向腰之右邊左邊上裙取外邊而掩左畔兩手

兩畔舉使正平中間疊直卽成三襴後以兩手各

撻至腰俱將三疊向後掩之兩角各撻三指俱插

向脊使下入腰間可三指許斯則縱未繫條亦乃

著身不落後以條或帶長五肘許鈎取正中舉向

臍下抹裙上緣向後雙排交度前抽傍牽左右各

以一手勞壓兩邊纏兩條可令三度有長截却少

則更添條帶之頭不合緝綵斯謂圓整著裙成薩

婆多部儀也然四部之殊以著裙表異一切有部

則兩邊向外雙稱大衆部則右裙蹙在左邊向內

插之不令其墮西方婦女著裙與大衆部無別上

座部正量部制亦同斯但以向外直翻傍插爲異

尼則準部如僧全無別體故西域記云旣無帶蹙

其將服也集衣爲襴束帶以條蹙則諸部各異色



乃黃赤不同。正言泥縛些。那舊曰涅髮僧訛也。

○尼師壇

尼師壇梵語也。此云坐具。亦云隨坐衣。又云隨足衣。謂將隨行以便坐臥不得離。故佛言爲身爲衣。爲臥具。故制畜之。長佛一磔手。廣一磔手半。更增廣長各半。磔手佛一磔手。準有一尺八寸。又云佛一磔手。當中人三磔手。若準四分律。長當四尺五寸。廣當三尺六寸。根本部。長當五尺四寸。廣當二尺七寸。其增長不增廣也。五分律云。續一磔手者。截三分。續長頭餘一分。貼四角不貼則已。今時緣四邊貼四角。本此也。號四角爲四天王者。譯之甚也。義淨三藏云。此中制意。本謂觀替臥具。恐有所損。不擬餘用。然其大量與自身等。頂上餘有一磔手。在新乃正。與臥具相當。若其量小不堪替臥敷地禮拜。深乖本儀。若故違聖制。雖當代罪。內法傳云。禮拜敷其坐具。五天所不見行其所須者。但擬眠臥之時。護他藍席。若用他物。新故並須安替。如其已物。故則不須。勿令污染。虧損信施。雜事律云。

苾芻不應無坐具。輒出外行。違者得越法罪。若其意卽擬還來。遇有他緣不及歸者。當於彼處宿。不應夜行。可於同梵行者。借替无事。如其無者。取七條衣疊爲四重。將替。盡少睡多覺。以至天明。凡爲坐具。應作兩重。染令變色。十誦律云。新者兩重。故者四重。不應單作。若先受者。不應捨動。伽論云。若離宿不須捨。但作吉羅悔過。若欲作新坐具。當取故者。縱廣一磔手。貼新者上。爲腰色。故若無故者。則已戒。因緣經云。取故者緣四邊以亂其色。律攝云。所以貼者。爲令牢故。若無全者。廣合集故物而貼之。既爲牢故。帖中亦得也。戒壇經云。尼師壇如塔之有基也。汝今受戒。卽五分法身之有基也。良以五分由戒而成。若無坐具。以坐汝身。則五分定慧無所從生。其餘作法。廣如律中。

○鉢多羅

鉢多羅梵語也。此譯爲鉢義。云應容謂體色量三。皆應法。體用瓦及鐵色。以麻子杏子等。熏作黑。赤或孔雀咽色及鵝色也。量分大小大者三斗小者

一斗半

準唐斗大鉢受一斗小鉢受五升按唐律多給大鉢受乘升三升小鉢受一升半

鉢上不得作卍字及書已名字不聽畜金銀銅錫等鉢是白衣器不聽畜木鉢是外道器聽作鉢囊應作帶絡肩而行乞食若在平時應作鉢囊鉢囊貯之若有病聽用匙箸梵語云俱夜羅此云隨鉢器即是箸鉢等鉢者淺鐵鉢也今呼爲鑽子訛也律云鍵鉢入小鉢小鉢入次鉢次鉢入大鉢如是等皆聽畜之復聽畜飲粥器飲水器即碗甌等然過午後必以灰揩淨洗無食膩氣方聽用之飲水煮鉢法備戒律中鍵音虔鉢音舌鉢音割

○濾囊

梵語鉢里薩羅伐拏此云濾水羅僧祇律云受具足戒已要當畜濾水囊應法澡罐行時應持濾囊若無者下至受持鬱多羅僧一角頭觀水時不應以天眼看亦不得使闍人看時當至心不得太速不得太久當如大象一週頃無蟲應用有蟲應濾用若蟲極細微者不得就用洗手面及大小行律攝云凡一觀水始從日出迄至明相未出已

來咸隨受用應知濾物有其五種一謂方羅

須細

一尺二尺隨時大小二謂法瓶陰陽三謂君持迦若疎薄物元不堪用四謂口細羅須細五謂口粗羅須粗此云瓶也以絹口細羅須細口粗羅須粗口出牛特引口出仍須細無乃方用四酌水羅以絹作小五衣角羅取密絹方一腰許或紫羅或白羅此等諸羅皆是西方現用大師悲憫爲濟含生食肉向斷大慈殺生豈當成佛行者特須存護爲自他義淨三藏云水羅是六物之數不得不持之益也若行三五里無羅不去若知寺不濾水不合餐食渴死長途足爲龜鏡如來聖教慈悲爲本所制戒律罪有性遮遮則準事合輕性乃理應從重性罪之內殺生最初是故智人特宜存護若將此爲輕者更復何成重哉設使學通三藏坐證四禪鎮想無生澄心空理若不護命依教奉行終亦不免佛所訶責十惡初罪誰代受之復有令人耕田種植規求小利不見大尤水陸俱傷殺生無數斯之罪咎欲如之何直如束手泉門任他處分故經云殺生之人當墮地獄餓鬼畜生設得爲人短命多病哀哉此苦誰當受之脫有能爲善哉甚善可謂釋迦末法共結慈念之因彌勒初成俱證無生之果

三次鉢其蓋是比丘
所身之六物也

○軍遲

軍遲或作君持迦皆梵語也此云瓶西城記云即
澡瓶也尼畜軍持僧畜澡瓶謂雙口澡瓶雜事律
云軍持者兼澡瓶口開寄歸傳云瓶有二枚淨者
咸用瓦蓋擬非時飲用淨手方持必須安於淨處
觸者任兼銅鐵乃便利所須觸手隨執可於觸處
置之其作瓶法蓋須速口頂出尖臺可高兩指上
通小穴竈如銅箸飲水可在此中傍邊則別開圓
孔罐口令上豎高兩指孔如錢許添水宜於此處
可受二三升小成無用

○錫杖

梵語際棄羅此言錫杖由其振時作錫聲故十
誦律名聲杖以聲立名體任銅鐵不局錫爲義淨
三藏云言錫杖者梵語喫棄羅卽是鳴聲之義古
人譯爲錫杖者意取錫作聲鳴杖錫任情稱就目
驗西方所持錫杖頭上唯有一股鐵圈可容二三
寸安其錫管長可四五指其竿用木細細隨時高

與肩齊下安鐵蓋可二寸許其環或圓或圓屈合
中間可容大指或六或八穿安股上銅鐵任情元
斯制意爲乞食時防其牛犬何用辛苦擊奉勞心
而復通身是鐵頭上復安四股重帶將持非常冷
澀非本制意也錫杖經云智杖德杖以彰顯聖智
行功德本聖人之表幟賢士之明記趣道法之正
幢建念義之志三世諸佛皆執持之二股六環是
迦棄佛制四股十二環是釋迦佛制雖然如是種
種分別表釋虔恭持悉非本制按此一經文異
諸部上古亦判之爲僞以其文非正譯詞乖佛語
智者當捨一而從諸也雜事律云不應以杖打狗
應舉飾之怖時惡狗若瞋應取一抄飯糲地令食
至乞食家可一二度搖無人出問卽須行去不應
久搖五百問中持錫有多事能警惡蟲毒獸等

○數珠

梵語鉢塞莫或云阿喇吒迦二此言數珠木櫛子
經云若欲滅煩惱當貫木櫛子一百八箇常自隨
身至心稱南無佛隨南無達磨南無僧伽名乃過

一子如是漸次乃至千萬能滿二十萬遍身心不亂除詔曲捨命得生炎摩天若滿百萬遍當除百八結業獲常樂果。增伽念珠經云金剛手菩薩在世尊前而說偈言

珠表菩薩之勝果	於中間滿為斷漏
繩線貫串表觀音	母珠以表無量壽
瓔珞莫過越法罪	皆由念珠積功德
碑礪念珠一倍福	木鐺念珠兩倍福
以鐵為珠三倍福	熟銅作珠四倍福
水精真珠及諸寶	此等念珠百倍福
千倍功德帝釋子	金剛子珠俱抵福
蓮子念珠千俱胝	菩提子珠無數福
佛部念珠菩提子	金剛部法金剛子
寶部念誦以諸寶	蓮華部珠用蓮子
羯磨部中為念珠	衆珠間雜應貫串
念珠分別有四種	上品最勝及中下
一千八百以為上	一百八珠為最勝
五十四珠以為中	二十七珠為下類

二手持珠當心上	靜慮離念心專注
本尊瑜伽心一境	皆得成就理事法
設安頂髻或掛身	或安頸上或安臂
所說言論成念誦	以此念誦淨三業
由安頂髻淨無間	由帶頸上淨四重
手持臂上除衆罪	能令行人速清淨
若修真言陀羅尼	念諸如來菩薩名
當獲無量勝功德	所求勝願皆成就

○和南

和南或云變談正梵音言畔晚或云畔憚南此云敬禮律云年少比丘應以五法禮上座比丘應偏露右肩脫革屣右膝著地捉上座足言大德我和南僧祇律云禮拜不得如啞羊當相問訊云少病少惱安樂不又和南有三種謂身口心身者前人若坐若立頭面禮足是名身口者若前人遠遙合掌低頭言和南是名口心者若彼背去應合掌作敬是名心恭敬寄歸傳云夫禮敬之法須合其儀若不順教則平地頭顱故佛言有二種汚濁不應

受禮亦不禮他。若違教者拜拜皆招惡作之罪。一是飲食汚二是不淨汚。若於大眾聚集齋會之次合掌即是致敬。故亦不勞全體禮便還教。或進閣處或不淨地或途路中禮亦同。犯若在餘時即應全體如佛告。鄒波離。凡是口云我今敬禮。但是口業伸敬。或時曲躬口云。睥睨此雖是禮而未具足。然有二種禮敬。一者五輪著地。二者兩手捉臍口云。我今敬禮。彼云無病若不爾者俱得越法罪。又凡禮拜者意在敬上。自卑之儀。欲致敬時及有請白先整法衣搭左肩。上壓衣左腋。令使著身。即將左手向下掩。攝衣之左。睥右手隨所掩之衣。裙既至下邊。卷衣向膝。兩膝俱掩。勿令現身背後衣緣。急使近身所掩衣裳。莫遺垂地。足跟雙豎。脊須平直。十指布地。方始叩頭。然其膝下迴無衣物復還合掌復還叩地。慙慙致敬如是。至三必也尋常一體便罷。中間更無起義。西國見為三拜人皆怪之。如經律云。來至佛所。禮佛雙足在一邊。坐不云敷坐具。禮三拜在一邊。立斯其教矣。凡是坐者皆足

踞地。曾無貼膝之法也。若雙膝著地。平身合掌。乃是香臺瞻仰讚歎之容也。西國稱佛殿為香臺也。下明禮佛儀。然西國禮敬盛傳讚歎。但有才人莫不於所敬之尊而為稱說。震旦之地自古相傳。但知禮佛題名。多不稱揚讚德。何者。聞名但聽其名。罔識智之高下。讚德俱陳其德。名乃體德之弘深。即如西方制底睥睥也。禮塔也。及常途禮敬。每於晡後或黃昏時。大眾出門繞塔三匝。香花具設。並悉踞跪。令其能者作哀雅聲。明徹弘朗。讚大師德。或十頌或二十頌。次第還入寺中。令一經師升獅子座。讀誦少經。所誦之經多誦三啓。謂初讀三尊次述正經。後陳迴向發願。經了之時。大眾皆云善哉。經師乃下座。大眾隨次第而禮獅子座。次禮上座。若其衆大過三五人。除皆一時望衆起禮。隨情而去。餘如四分律。按齊經釋中廣明。代西國三藏勒那法師。觀此邊方不閑禮法。情同猿馬。乃譯出七種禮法。一名我慢心禮。謂依位次。心無恭敬。情不殷重。意馳外境。五輪不具。三業馳散。如雁上下也。二名唱和求名禮。謂心無淨想。隨

口稱名號。整威儀。身心許恭。見人則身輕急。禮人去則身惜心。恭敬似恭敬。非真供養。蓋心散而口唱也。三名身心恭敬。禮謂聞唱佛名。便念佛身相好具足。知在目前。情無厭足。心想現前。專注無味。導利人天功德。雖大猶未足。智後多退沒也。四名發智清淨。禮謂由達佛境界。自心虛通知本無礙。隨心現量。禮一佛即禮一切佛。一切佛即是一佛。以佛法身體用融通。故禮一拜遍通法界。法僧加敬體亦同。然雖三差別性理無殊。故知一體則一切禮。乃至六道四生。同作佛想。供養禮拜。自淨身心。漸漸無礙。一禮一起。即是淨業無窮。果報無限也。五名通入法界。禮謂觀自身心等法。從本已來。不離法界。佛我自性平等。本無增減。今禮一佛。即遍禮諸佛。如一室懸百千鏡。鏡皆像現。迺相涉入。鏡無不照。影無不現。佛身清淨。明逾彼鏡。一身既爾。乃至一切法界。凡聖之身。悉同。又諸佛德用。既齊。名號亦等。隨稱何名。名無不盡也。六名正觀修誠。禮謂明禮自身。佛不緣他。佛以一切衆生自有。

佛性平等正覺。但爲迷故。已身佛性。長認爲惡。若謂已身極惡。無佛性者。縱敬他身。終成無益。若能返照本覺。則解脫有期。如涉遠途。要藉自身欲見佛性。要觀已佛法僧亦爾。同體無二也。七名實相平等。禮謂前猶存有禮有。觀自他兩異。今此一禮。無自無他。凡聖一如。體用無二。無聖可恭。無凡可慢。以實相離念。不可以心取。不以可相求。去高下離尊卑。動靜一如。恭慢齊固。內行平等。外順修敬。內外合宜。是名平等禮也。前三約事。後四顯理。前而非智。以未入理故也。後四初三從理而入。心存凡聖。未是極智。後一當盡即真。離我念。其凡聖見全體實相。終目真如也。

○附諸名相

佛 梵音具足名。佛陀此云覺者。覺具三義。一自覺。謂悟性真。常了惑。虛妄二覺。他謂運無緣慈度有情界。三覺行圓滿。謂窮源極底。行滿果圓也。

達磨 此言法是執持之義。執生物。解任持自性也。

僧 具云僧伽。此言衆四比丘已上之稱。卽清淨。

持戒和合之衆也

比丘 有六義一乞士二破惡三怖魔四淨命五除瞋六能持戒新名苾芻

苾芻 卽比丘之別音也古人取西國之草具五德以喻出家人也一體性柔軟喻能折伏身語意廣二引蔓傍布喻傳法度人連綿不絕三馨香遠聞喻戒德芬馥爲衆所聞四能療疼痛喻能斷煩惱毒害五不背日光喻常向佛日故

和尚 亦云和上正梵音云鄒波駄耶此云親教師謂親從受業由能教出離法故又云力生謂入法門中受微妙法蓋師之力生長法身出功德財養智慧命功莫人焉

阿闍黎 此言軌範師謂能教弟子法則也有五種一受十戒闍黎二受大戒羯磨闍黎三教授闍黎四受經闍黎五依止阿闍黎

頭陀 新云杜多此云抖擻謂抖擻三界煩惱故也其行十二法一住阿蘭若二常乞食三納衣四一座食五節量食六中後不飲果漿七家間住八

樹下宿九露地住十常坐不臥十一次第乞食十二但三衣

沙門 此言功勞謂修道有多勞也亦云勤息謂勤行衆善止息諸惡義訓勤行謂勤行取涅槃故此有四種一勝道沙門卽佛等二說道沙門謂說正法者三活道沙門謂修諸善品者四汚道沙門謂諸邪行者

菩薩 具云菩提薩埵此言導有情上求佛道下化衆生也別名大士又名闍士闍衆生信心也又名高士高出凡夫小衆也

辟支佛 此云緣覺以觀十二緣生而悟道故亦云獨覺謂出無佛世時無師自悟故也

阿羅漢 此言無著又言不生謂後世中更不受生死果報故

袈裟 韻作毳毼音加沙至葛洪字苑始改從衣謂是法服也然此是梵音正云加沙野又云迦羅沙曳此云不正色亦云壞色卽赤色也此乃因色名衣出家五衆並皆著之真諦雜記云袈裟是外

國三衣之名含多義。或名離塵服。由斷六塵故。或名消癭服。由割煩惱故。或名忍辱。或名蓮華。服者離著故。或名間色。服以青黑赤三如法色。所成故。法苑云。夫袈裟爲福田之服。如敬佛塔。涅槃僧爲觀身之衣。尊之如法衣。名消癭。取能消癭。煩惱。鎧名忍辱。取能降伏衆魔。亦喻蓮華。不爲汚泥所染。亦名幢相。不爲邪衆所傾。亦名田文之相。不爲見者生惡。亦名救龍之服。不爲金鳥所食。亦名降邪之服。不爲外道所壞。亦名不正之色。不爲俗染所貪。是以教有內外之別。人有道俗之異。在家則依乎外教。服先王之法服。順先王之法言。上有事親敬君之禮。下有妻子官榮之戀。此則恭孝之闕理。叶儒津出家。則依乎內教。服諸佛之法服。行諸佛之法行。上捨君親愛敬之重。下割妻子官榮之好。以禮誦之善。自資父母行道之福。以報國恩之重。既許不以毀形易服爲過。豈宜實以敬親事君之禮。是故剃髮之晨。天魔聞而遙怖。染衣之日。帝釋見而遠歎。戲女聊披無漏。遂滿醉人。暫前

惡緣。即捨龍子。續而息鷲。象王見而止怯。故知三領法衣。蔽身儉用。三種壞色。伏我愛情。既微稻田。自成應供之德。遠同先佛。實遵和敬之道。出塵反俗。所貴如斯者乎。

三聚淨戒。一攝律儀戒。謂無惡不斷。起正道行。是斷德。因終成法身。然止即是持。作便是犯。二攝善法戒。謂無善不修。起助道行。是智德。因終成報身。然作即是持。止便是犯。三攝衆生戒。謂無生而不度。起不住道行。是恩德。因終成應身。然作即是持。止便是犯。

持戒三心。一厭有爲心。二求趣菩提心。三悲念有情心。

飯有三德。一輕軟。二淨潔。三如法。

食表三聚。初匙時。斷一切惡。中匙修一切善。後匙度一切衆生。

護三歸神。若人受三歸。依天帝敕九神衛護。歸依佛有三神。一名陀摩斯。那二名陀摩婆羅。那三名陀摩流支。歸依法有三神。一名法寶。二名詞寶。

三名辯意。歸依僧有三神。一名僧寶。二名護衆。三名安隱。若依灌頂經。則四天王。還三十六善神。衛護之。

護五戒神。若人受持五戒。天帝敷四天王。還二十五神。營護其身。萬事吉祥。殺戒五神。一名波吒羅。二名摩那斯。三名婆駛那。四名呼奴吒。五名頗羅吒。盜戒五神。一名法善。二名佛奴。三名僧喜。四名廣類。五名慈善。淫戒五神。一名貞潔。二名無欲。三名淨潔。四名無染。五名慕絲。妄戒五神。一名美音。二名實語。三名實直。四名直答。五名和合。語酒戒五神。一名清素。二名不醉。三名不亂。四名無失。五名護戒。如是每戒五神。則二百五十戒。有千五百善神。衛護之。

食有四時。一早起。諸天食。二日中。諸佛食。三日西。畜生食。四日暮。鬼神食。

一切衆生。依四食住。一段食。謂飯。麤豆肉等。二觸食。謂男女相對。觸則終日不食。而自飽也。三思食。謂以意思。能資潤諸根。壽命如魚。蟹。蛇。蝦。蟻等。

四識食。如地獄。畜生。及無邊識處。天等。皆用識持。以爲其食。

四利須食。一資身爲道。二養身中蟲。三生施者。福。四破自餓。外道邪見。

乞食四意。一福利群生。二折伏憍慢。三知身有苦。四除去滯著。

乞食四分。一奉同梵行者。一與窮乞人。一與諸鬼神。一分自食。

毗尼四義。一是佛法中。平地萬善。由之而生。二一切佛子。皆依戒而住。一切衆生。依戒而有。三是趣涅槃之初門。四是佛法瓔珞。能莊嚴佛法。故

謙下。獲四德。一遠惡趣。不受旁生。二不被輕毀。三常爲人天恭敬。四惡友怨敵。不能凌突。

食存五觀。一計功多少。量彼來處。謂一鉢之飯。作夫汗流。猶多二付已。德行全缺。應供謂全則宜。

受缺則不可。二防心離過。食等爲宗。謂離貪瞋癡。也。四正是良藥。爲療形枯。謂饑渴病。故須食爲藥。

五爲成道。故方受此食。謂不食。卽病道業無成矣。

中後不食有五福 一少淫二少睡三得一心四
少下風五身得安隱亦不作病

乞食遮五處 一唱令家二旃陀羅家三沽酒家
四官家五姪女家

入俗舍有五法 一入門小語二攝身口意三卑
躬四善護諸根五威儀序序令人生善信

嚼楊枝有五利 楊枝者亦云齒木梵語彈多坭

瑟攏此云齒木除漆樹毒樹等提樹不用其祥條

緒桃槐柳蒼耳根以苦澁辛辣者爲佳長者一磔

手短者四指有云長者尺二寸短者六寸大者如

小指小者如箸嚼一頭半寸許如絮徐刷牙關以

水再三淨漱棄之勿咽不聽純嚼皮及去皮者不

聽雜葉嚼并二三條嚼不嚼楊枝有五過失一口

氣臭二不別味三增益痰癰四不引食五眼不明

嚼有五利益反上是也寄歸傳云每日旦朝須嚼

齒木揩齒刮舌務令如法鹽漱淨淨方行禮敬若

其不然受禮禮他悉皆得罪若其嚼時逼近尊人

宜將左手掩口用罷壁破屈而刮舌既已即可俱

洗棄之屏處凡棄齒木若口中吐水及以涕唾皆

須彈指經三或時暫欺過兩若不爾者棄便得罪

若牙中食在舌上膩存未將淨水重漱已來涎唾

必須外棄若日時過更犯非時然西國法俗嚼齒

木自是恒事三歲童子咸即教爲聖教流俗俱通

利益律云若路行時齒木卒求難得應用澡豆土

屑等以水三徧淨漱已隨意餐食若楊柳枝及諸

枝生種須淨人以火淨或去芽已從彼受取然後

嚼之方免壞生種罪也

五法助戒 一信二慚三愧四善知識五宗敬戒

持律人有五德 一戒品堅牢二善勝諸怨三衆

中斷事無畏四若疑悔能開解五善持毗尼令正

法久住

破戒有五過失 一自害二爲智者所呵三惡名

流布四臨終時悔恨五死墮惡道

破戒有五衰 一求財不得二設得耗散三衆不

愛敬四惡名流布五死入地獄

踰越五利 一最安隱二心不散三魔王怖四異

外道五心易定

旋塔有五事 一低頭視地二不得傷蟲三不得

左右視四不得睡地五不與人語

旋塔得五福 一後世得端正好色二得好音聲

三得生天上四生王候家五得涅槃道

比丘以五事故經營 一報佛恩故二長養佛法

故三滅凡劣衆自貢高故四將來弟子折伏憍豪

故五發啓將來福業故

僧具六和 一身和同住二口和無諍三意和同

悅四戒和同修五見和同解六利和同均

六度華梵 梵語檀那華言布施度慳貪障梵語

尸羅華言清涼謂息諸熱惱度破戒障梵語屬提

華言忍辱度瞋恚障梵語毗利耶華言精進度懈

怠障梵語禪那華言靜慮度散亂障梵語般若華

言智慧度愚癡障

六味 苦酸甘辛鹹淡

七善提分 一擇法二精進三喜四除五捨六定

七念

八聖道分 一正見二正思惟三正語四正業五

正命六正精進七正念八正定

尼修八敬 善見律云佛初不度女人出家爲滅

正法五百年後爲說八敬聽出家依教行故還得

千年今時不行隨處法滅會正記云佛成道後十

四年姨母求出家佛不許度阿難爲陳三請佛令

慶喜傳八敬向說若能行者聽汝出家彼報言頂

戴侍言八敬者一者百歲比丘尼見初受戒比丘

當起迎送禮拜問訊請令坐二者比丘尼不得罵

謗比丘三者不得舉比丘罪說其過失比丘得說

尼過四者式叉摩那已學於戒應從衆僧求受大

戒五者尼犯僧殘應半月在二部僧中行摩那埤

六者尼半月內當於僧中求教授人七者不應在

無比丘處夏安居八者夏訖當詣僧中求自恣人

如此八法應尊重恭敬讚歎壽不應違今述

頌曰禮不罵謗不舉過從僧受戒行摩那半月僧

中求教授安居近僧請自恣

菩薩應修八法 經云菩薩成就八法於諸佛前

蓮華化生一乃至失命因緣不說他過二化人令
歸依三寶三安置一切於菩提心四梵行不染五
造如來像安於華座上六能除衆生憂惱七於貢
高人常自謙下八不惱他人

粥十利 一增色二增力三益壽四安樂五調清

六語辨七消宿食八除風九消饑十消渴

十纏 一忿恚二覆罪三睡四眠五嬉遊六躁動

七無慚八無愧九慳十嫉

十使 卽十煩惱一身見二邊見三見取四戒取

五邪見六貪七瞋八癡九慢十疑

沙門日用卷下終

沙彌律儀要略增註卷上

沙彌律儀要略增註卷上

菩薩戒弟子雲棲寺沙門 株宏 輯

菩提心比丘鼎湖山沙門 弘賢 註

今此要略一書乃雲棲大師於沙彌十戒經等輯出其義切要而文簡略以便初機沙彌習學。觀掌果按沙彌有三品一從七歲至十三歲名驅烏沙彌。謂其年幼未堪別務唯令爲僧守護殺夢及於食厨坐禪等處驅遣烏鳥以代片勞兼生福善無致坐消信施虛度光陰也。二從十四歲至十九歲名應法沙彌。謂其年正與二法相應一能事師執勞服役二能修習禪誦故也。三從二十歲至七十歲名名字沙彌。謂其年滿二十應受具戒或根性暗鈍或出家年晚不能頓持諸戒雖年登比丘位是沙彌故名名字沙彌。品數雖三而俱稟十戒總名爲一法同沙彌。若剃髮髮不受十戒名形同沙彌其形相雖同由無戒攝非五眾數今揀形同而取法同也。

梵語沙彌此云息慈謂息惡行慈息世染而慈濟衆

生也亦云勤策亦云求寂

梵語者謂天竺人音與梵天語同故名梵語。由昔世界初成未有人居地光上微色界梵天之衆尋光下觀新地食其地味失天光明神足不復上昇遂爲人祖世居天竺自後人隨地轉音各成異唯天竺存焉故其語是梵語書是梵書餘國所無也。此云者謂以此方東華息慈之言翻彼天竺沙彌之號義出耶舍傳言息惡行慈者是釋明息慈二字。猶恐初學未知息何惡行何慈故復以息世染而慈濟衆生詳之。蓋由凡夫從無始來爲無明所覆眞性起諸妄想攀緣塵境情染世間五欲以身口意造諸過失墮落三途輪迴六趣無有出期如來慈此制以十戒令止息身口意之過惡而證寂滅涅槃之聖果。然惡雖止息而無慈愍之心不能修行六度周濟四生遂墮偏小未得稱善況能悟大菩提成等正覺是故使行慈濟以圓萬行直趨寶所不滯化城故止觀云當知生死涅槃俱復是惡六度菩薩慈悲衆濟此乃稱善息慈之義斯之

謂歟亦云勤策亦云求寂者梵語涅槃此云圓寂以智德俱備稱圓惑習障盡名寂謂沙彌始出家棄受十戒勤修策勵斷除煩惱惑習而求證涅槃之妙果故也

律儀者十戒律諸威儀也

始從不殺至第十不捉金銀寶物名為十戒律後列二十四事名諸威儀

○上篇戒律門

原輯此要略文分上上兩篇今初釋上篇戒律門篇即簡篇又篇偏也謂顯理鋪事明而偏之也戒是禁戒律即法律戒律名同義有少別防非止惡曰戒處斷輕重開遮持犯曰律門以能通為義謂不殺等十法同出一戒律門是三乘聖衆所履而通至涅槃城故知此十戒實為出世之階梯涅槃之由戶也

佛制出家者五夏以前專精戒律五夏以後方乃聽教參禪

此明戒定慧三無漏學之次第苟越其次則定慧

無所從生矣佛者是釋迦如來大覺之稱也如來降誕中天迦毗羅衛國淨飯王家當此周昭王二十四年甲寅之歲四月八日平日時生至年十九越城出家三十成道滅度當此周穆王五十三年壬申之歲於其中間說法四十九年教化三乘聖衆制諸禁戒令諸比丘五夏依師學律乃至一夜不得離師而住既其律藏通已方習禪誦若是沙彌則終身依止非論夏數詳如大律雖云比丘之事而沙彌不可不知言制者謂如來法王於法自在窮盡衆生業性故制諸戒律令衆弟子依之奉行則生死解脫非餘聖所堪如世禮樂非天子不制出世洪規非佛莫立是知律乃如來親制自餘聲聞菩薩但述而不作故文殊已降不許私措一詞波離結集不敢輕衍一字人間天上無邊聖衆唯同一律咸共遵持是故特宜尊重言出家者有二種一辭親割愛棄俗入道剃髮染衣名出世俗家二斷除妄惑證無生果名出三界家是為真出家故淨名云夫出家者為無為法是也言夏者謂

出家越俗不以世歲爲年。故於夏三月策勵加功。勉進。或階聖果。或增三學。以功賞德。故受夏名。卽以七月十五日爲臘除也。言專精者。專謂純一不雜餘學。稍謂闕文了義。開盡幽微。故令於五夏中。研究毗尼。善開開遮。持犯名種。性相大律。云縱得三明六通。五夏未滿。猶須依止師住。五夏雖滿。不知開遮性制之禁。還須盡審依他。是以宣律師十席就聽毗尼。慧休法師終身聞律。我輩何人。輒擬休學。離師。既窮律藏。五夏復周。方許聽教習禪。聽謂從他受業。教謂如來一代所說之法。分爲十二部。經良由衆生病。既不一而法藥施有多方。故教部類開爲十二分。一契經。卽諸經中長行直說者也。二重頌。凡諸經重宣長行中義也。三授記。謂如來爲諸弟子等授作佛記也。四伽陀。卽諸經中偈頌也。五自說。謂無人問佛如來觀衆生機而自宣說也。六因緣。卽諸經律中因人緣起事佛爲說法也。七本生。謂佛說諸菩薩本所修行曾爲之事也。八本事。謂佛說諸聲聞弟子前世等事也。九方等。

亦名方廣。謂諸大乘經典其義廣大。量等虛空也。十希有。謂諸經中佛說甚希有功德之法也。十一譬喻。佛謂鈍根衆生說法。假譬喻言辭而曉示之也。十二論義。謂答諸問者。廣解其義也。言禪者。門有無量要而言之。唯二。一修觀。二直指。今言參者是直指禪。卽直指人心。見性成佛也。資持云。十誦律制比丘五夏已前。專精律部。若達持犯。辨比丘事。然後乃學習經論。今越次而學。行既失序。入道無由。大聖呵責。終非徒爾。今時纔習戒品。便乃聽教參禪。爲僧行儀。一無所曉。況復輕陵戒檢。毀毘尼。貶學律。爲小乘。忽持戒爲執相。未窮聖旨。錯解真乘。且戒必可輕。汝何登壇而受律。必可毀。汝何削髮染衣。是則輕戒。全是自輕。毀律還成自毀。妄情易習。至道難聞。拔俗超羣。萬中無一。請詳聖訓。能無從乎。

是故沙彌。剃落先受十戒。次則登壇受具。今名爲沙彌。而本所受戒。微者茫乎。不知狂者忽而不學。便疑躡等問意高遠。亦可慨矣。

是故者承上起下之辭。謂三無漏學以律儀爲首。出家五衆十戒爲先。故其始落髮。即令稟受。由梵行無虧。次乃方許登壇。受具壇即戒場。此場僧共秉法羯磨而成。若非此場。戒無由得。具是具足。謂受比丘二百五十戒。即便具足。涅槃妙因亦名近圓。圓即圓寂。謂此大戒與涅槃相去不遠矣。今名爲沙彌。而本所受戒者。此謂推本得名。由本受十戒。今得沙彌名。名既因本。故當習學。謹持而不學。不持。由二種人。一愚。二狂。愚無慧。目不鑒。是非。故於諸戒相茫乎不知。狂妄邪見。不循位次。故於如來聖制。忽而不學。便擬躡等者。躡。跨越也。等級也。學記云。幼者聽而弗問。學不躡等也。若不循位次。便欲跨越。前進。正所謂朝得圓。暮躡大僧之上是也。斯由狂見。不識法相戒品之次序。故其妄擬跨越。欲齊先哲。如百喻經云。昔有愚人見他富家三重樓閣。高廣嚴麗。即喚木匠。令造最上第三層屋。匠言。何有不作最下。能造第二。不造第二。能造第三。愚人固言。我不用下。二必爲我作上屋。

時人聞知。便生怪笑。譬如四輩弟子。不勤修敬。三尊懶惰。懈怠。欲求道果。不欲下三果。唯欲得第四無生果。亦爲時人之所嗤笑。如彼愚人等。無有異。若不依三乘次第。先學大乘。亦復如是。佛藏經云。不先學小乘。後學大乘者。非佛弟子。今不學沙彌戒。得具戒。不持淨戒。欲得頓悟。如彼愚人。何有異哉。罔意高遠。亦可慨者。昏昧無知。曰罔意。妄齊先哲。曰高遠。原高是指比丘。遠即指菩薩。慨是傷歎之辭。又高遠亦佛祖所證之地。由狂忽。學故失慧。明由失慧。明故無所知。由無所知。故不識教行理。果三學之次第。妄跨高遠。擬齊佛祖。誠可傷怒。故云亦可慨矣。

因取十戒略解數語

略而非廣。故曰數語

使蒙學知所向方

初入道者。故曰蒙學。由既狂愚。罔諳戒法。故於沙彌律儀經中。錄取十戒。略爲解釋。誨彼未聞。離無知苦。俾初入道者有所措心。故曰。向方。論云。三惡

燒然駝驢重楚餓鬼饑渴不名為苦。疑暗無聞不識方向。乃名為苦。是也。

好心出家者。切意遵行。慎勿違犯。

不為王力所逼。不為邪求活命。不為避懶偷安。不為負債逃難。本為希求正法。以信故而入法門。是曰好心出家。若為脫離生死。受持禁戒。故能切意遵守奉行。戒是越苦海之浮囊。莊嚴法身之瓔珞。故須謹慎。勿使毫釐有所虧犯也。

然後近為比丘戒之階梯。遠為菩薩戒之根本。

然後由下之上也。謂十戒為比丘階梯。菩薩根本。猶三級重樓。故曰階梯。如多羅樹頭。故曰根本。沙彌。其次比丘名之曰近。尚隔具足名之曰遠。初階若毀。次步難登。根本一虧。枝葉華果悉皆墮落。故經云。若破五戒。中重戒。還受五戒。乃至菩薩戒。無有是處。若破十戒。中重戒。還受十戒。比丘戒。菩薩戒。亦無有是處。

因戒生定。因定發慧。庶幾成就聖道。不負出家之志矣。

庶幾是近可之辭。由戒淨故。定性現前。則有無漏慧發。以慧惟求斷諸惑障。復本淨明。故曰成就聖道。斯乃三學相資。如鼎三足。故能成就聖道。聖道者。聲聞緣覺菩薩三乘之善。提出家本所善提而三學增上。則去道不遠。故出家之志。不負矣。曇一律師云。三世佛法。戒為根本。本之不修。道遠乎哉。若樂廣覽。自當閱律藏全書。

樂欲也。覽看也。閱是檢閱。徧觀也。律藏全書。即沙彌十戒法并威儀等經。今此要略。為便利進。庶知持犯。顯相。欲悉微細。行持。自當廣閱全書。

後十戒出沙彌十戒經。佛勸舍利弗為羅睺羅說。

後十戒者。始從不殺生。至十不捉。持生像。是也。出沙彌十戒經者。顯非臆說。及出餘經也。佛即釋迦如來。敕猶天子制書。命令佛為法王。故制戒律。命舍利弗為羅睺羅說。梵語舍利此云。身亦云。驚弗者。子也。父是天竺婆羅門。提舍論師。母名舍利。而好形身。眼明如鷲鳥之目。從母受稱。故名舍利子。投佛出家。證無生果。佛十大弟子中。智慧第一也。

羅睺羅此云覆障亦云執日是佛之子生時值阿修羅以手障目因之爲名昔佛爲太子時啓父出家父曰無絕吾國嗣汝若有子聽汝出家太子即以手指耶輸陀羅夫人腹使覺有妊在胎六年始生因此亦名覆障年既長大佛卽度令出家敕舍利弗爲說十戒而佛不爲說戒作和尚闍梨者由三寶位別故如來是佛寶故不與人作和尚和尚是僧寶十戒是法寶故敕舍利弗爲作和尚使三寶無相離也諸沙彌中出家羅睺羅最爲其首未曾有經云羅睺羅年至九歲出家爲沙彌舍利弗爲和尚大目犍連作阿闍梨與授十戒耶輸陀羅未滿三年亦捨俗出家

△一曰不殺生

斷命曰殺有情曰生

解曰

按文釋義名解發語宣辭名曰

上至諸佛聖人師僧父母

諸佛者是現在十方一切如來然如來行滿果圓

宿障久寂非人天魔王之所能害今言殺者如提婆達多推石壓佛傷佛足指卽名爲殺聖人者以人得聖法故謂之聖人聖人有二一世間聖人二世間聖人若依字訓從耳呈聲謂其心通天地情暢萬物猶耳之通聲故易云聖人者與天地合其德與日月合其明與四時合其序與鬼神合其吉凶此是世間聖人由其見經六合性望一生故不能含吐十虛妙窮三際也出世間聖人則不聞其聲知九界情通諦理暢衆機與法界合其德與二智合其明與四機合其節與衆聖合其冥顯斯乃佛大聖人智周法界窮理盡性之絕量尙非聲聞緣覺境界況其他聖乎今言聖人揀非世聖乃出世三乘聖人以世聖無果位故也師者人之模範卽和尚阿闍梨也僧者是受具足戒人父母是始生自身者也律云當念所生及師友恩情進行道欲度父母既云念恩豈當殺害如上所殺卽犯逆罪不可悔墮阿鼻大地獄受燒煮苦窮劫莫盡下至蜻蛉蠕動微細昆蟲

蝸音淵是飛行之蟲。蝸音盾是小蟲。有識性能動之者。昆同蝸是蟲之總名。乃至眼可見者。名曰微細蟲。類雖多。此三收盡。然而俱真色。心同一覺源。所以欣生怖死。痛癢苦樂。與人無異。既同覺源。即是未來諸佛俱真色。心彼我無別害。彼還成自害也。此中不言人畜者。以舉其上下。而包括其中矣。殺人犯不可悔罪。畜生雖云可悔。而償命之愆。猶存。言可悔者。謂對二師。或有德人發露懺悔。斷相續心。後不更作。若覆藏不發露罪。垢日夜增。後墮三惡道。言不可悔者。罪不可除。滅擯出來。永不得出家受戒。下三戒準。此應知。

但有命者不得故殺。但者。凡也。命謂六根六識相續而生。名之曰命。此相續斷名之曰死。故謂故心殺害。顯非誤傷等也。或自殺。

此從身業生罪。謂自身親行殺害。或手足刀杖瓦石等打令死。或遙擲令死。或與毒藥。或推墮坑穿水火中。悉名身業之罪。

或教他殺

此從口業生罪。謂教他殺。令奪彼命。或呵罵。或勸。譽。令彼自死。或呪詛。令死。悉名口業之罪。或見殺隨喜。

此從意業生罪。謂見他人行殺。自心隨之。而生歡喜。雖非身口親作。然三業之中心。為主宰。故得罪同。前無有輕重。經云。有犯斯戒。非沙彌也。廣如律中文繁不錄。

律謂沙彌十戒。經并大律等。備載種種殺法。結罪輕重心境不同。以文多。故不能俱錄。上述律文。竟下引經意。

經載冬月生風。取放竹筒中。煖以綿絮。養以膩物。恐其饑凍而死也。

冬月重衣溫服。故多生蠅虱也。膩物是身中垢膩。恐風饑凍而死。故饑以膩物養之。凍以綿絮煖之。此文雖出諸經。然大律詳備。佛為老病比丘而設。時有老病比丘。數數起棄虱。疲極。佛聽捨著綿帛。中若虱走出。應作筒盛。以蓋塞口。繫牀脚。裏若曉。

若暮須持出外。徐安木孔。或牆隙中。任其自活。不得隨處棄擲。壁虱當安青草上。或涼冷處。餘虱可於隨宜處所而安置之。今時多有不解教法。久貯筒內。困死。雖云依教。殊無護命之心。又何逃殺生罪哉。

乃至灑水覆燈。不畜貓狸等。皆慈悲之道也。微類尚然大者可知矣。

乃至者是舉前後以括其中也。前明殺害。顯相後明護生。細行其中。顯細非一。可以意會。難以枚舉。故曰大可知矣。如經云。無得焚燒山林。傷害衆生。就決湖池。堰塞派流。殘害水性。是也。灑水者是諸賢聖護生行慈之要務。故律云。若行五里。無囊不去。若知寺不灑水。不合飲用。寧自渴死。長途足爲龜鏡。昔有二比丘。往覲世尊。中途渴乏。見池蟲水大者。護戒不飲。而死。小者飲。已往見世尊。佛即呵云。汝愚癡人。彼以護戒。故得生善趣。已先見我。汝雖近吾去吾千里。凡欲飲用。須先觀察。無蟲方用。有卽密絹濾之。囊中之蟲。徐傾淨器。持還取水。

本處而輕放之。不可懸棄。令蟲悶死。正法念經云。經宿之水。若不細觀。恐生細蟲。若不澆灑。不飲不用。是名細持。不殺戒。又儀則經云。乃至草木上。塗壇牛糞中。如是受用時。救護於含識。或彼牀座內。田地糞土中。一一子細觀。是名出家行。若人以拳。捧土石及磚瓦。打擲禽獸等。亦得犯戒。罪覆燈者。謂用紗羅絹紙等覆蓋。以護諸蟲。蛾也。畜謂畜養。貓與狸。皆是捕鼠之獸。慈悲之道。是菩薩利生之大道。以慈能與樂。故不令饑凍等。悲能拔苦。故灑水覆燈。不畜貓狸等。微類尚然者。謂虱蟲蛾等。猶尙愛護如是。則其飛禽走獸大者。不殺可知矣。今人不能如是行慈。復加傷害可乎。

謂既不能行灑水覆燈之慈行。而更加傷害彼命。可乎。可乎。是反微之辭。

故經云。施恩濟乏。使其得安。若見殺者。當起慈心。此要略中。凡言經云。律云。多出沙彌十戒法。不復一一繁釋。若注中云。大律者。卽比丘律也。一切衆生。於財法二種。多所饑乏。若見無財衆生。缺於衣。

食之苦當隨自力以衣食而和濟之見無法衆生起於慳貪破戒瞋恚散亂愚癡之障爲說布施持戒忍辱精進禪定智慧而濟度之以財施能令身安法施能令心安故云使其得安難寶藏經云昔有一羅漢畜一沙彌知其却後七日命必當終即使歸家路中見衆蟻子隨水漂流命將欲絕沙彌生慈悲心卽脫衣盛土掘水而取蟻子置高燥處七日還歸師所師甚怪之卽入定以天眼觀知彼無餘福得活以救蟻子因緣故七日不死得延壽命丈夫論傷云悲心施一人功德如大地爲已施一切得報如芥子救一厄難人勝餘一切施衆星雖有光不如一月明當起慈心者謂見他人殺生應以財物救贖其命若自無財可爲乞化乞化亦無可爲殺者方便說法勸諭令生歡喜而釋放之若其不信當生慈心愍彼行殺者罪墮三途其被殺者苦痛無地怨業既結於今生酬報則當來不已願得菩提度令解脫故經云誓吾得道國無殺者如度狗經云昔有沙門見一屠兒抱一狗

子持歸欲殺沙門語曰殺生之罪甚爲不善願持我鉢中食賀此狗子令命得活獲福無量乃至殷勤曉喻屠兒不肯隨言沙門卽以飯飼狗子以手摩將呪願泣而告曰卿何罪所致得是狗身不得自在爲他殺食願汝世世罪滅福生離狗子身得生爲人值遇三寶狗子得食善心卽生踊躍歡喜自知歸依屠兒將歸殺食狗子命終生大長者家時沙門乞食到長者門其子見之歡喜禮足供以百味卽隨出家深解經義便得三昧致不退轉開化一切發菩提心畜生尙乃得道況人寧不獲果噫可不戒歟

噫是慨歎之聲歟是語末之辭亦是歎辭謂殺生之罪苦報無量窮劫受殃誠可慙傷則不可不爲切戒如輪轉五道經云爲人喜殺者後生作水上蜉蝣之蟲朝生暮死大論云佛言殺生有十罪一心常懷毒世世不絕二衆生憎惡眼不喜見三常懷惡念思惟惡事四衆生畏之如見地虎五睡時心怖驚亦不安六常有惡夢七命終之時狂怖惡

死八種短命業。因緣九身壞命。終墮於地獄。十若出爲人。常當短命。如經所說。可不深戒哉。

二曰不盜

物屬於他。他所守護。不與而取。名之曰盜。

解曰。金銀重物。以至一鍼一草。不得不與而取。

舉金銀已。兼七寶重物。卽衣食器具等。貴價之物。

一鍼一草。是物之最輕小者。以至者是。舉前後之。

重輕。令達其中者也。

若常住物

卽十方僧物。但瞻部州內所有出家佛弟子衆皆。

悉有分。

若信施物

謂施主持物。至寺布施。而未分與僧者。是。

若僧衆物

是現前僧物。方等經華嚴經。云五逆四重。我亦。

能救盜僧物者。我不能救三昧經云。盜僧物者。

過殺八萬四千父母等罪。大律云。若盜佛塔物及。

寺中供具。卽犯道罪。若盜他經卷。計紙墨值犯罪。

寶梁經云。寧啗身肉。終不用三寶物。得大苦報。罪。

受一劫。若過一劫。以侵損三寶物。故又佛法僧物。

各有所屬。不得互用。用則計直成罪。常住僧物。亦。

各有所屬。不得互用。如大律廣明。此不繁錄。唐汾。

州啓福寺主惠澄。染患作牛吼而死。寺僧長寧夜。

見澄來。形色頗賴。曰爲互用三寶物。受苦難言。諸。

罪蓋輕。唯用常住物。至重。願賜救濟。寧卽爲誦經。

懺罪。月餘復來。云承利益。已得息苦。別居一處。但。

未知得脫之日。

若官物

卽九品官職之物。

民物

卽農庶工商百姓之物。

一切物

屬鬼神禽獸等物。

或奪取

對面不與而取名爲強奪。亦名爲劫。儀則經云。若。

自衣鉢等被賊所劫。盜勿得強取之。說法方便化。

或復而回買不允隨他意

或竊取

私取曰竊

或詐取

詭譎曰詐取亦名偽取

乃至偷稅冒渡等皆為偷盜

乃至者是舉前後以明其中所謂主合鉢兩種
欺瞞移標占界私匿寄物過分食用常住等言偷
稅者謂有應輸稅物而不輸稅或藏匿而過或越
道而去亦不得為他藏匿稅物若是三寶父母之
物應為稅官說法讚歎三寶功德父母深恩官不
取稅無犯冒渡者假稱曰冒謂謬稱他名而渡關
津也等者未盡之辭事既非一意會可知如上常
住物乃至冒渡等凡有所私悉名偷盜罪不可悔
故經云有犯斯戒非沙彌也

經載一沙彌盜常住果七枚一沙彌盜案僧餅數番
一沙彌盜眾什石蜜少分俱墮地獄

石蜜即甘蔗糖堅強者是也阿含經云時目連尊

者告勸又那比丘言我路中見一大身衆生有熱
鐵丸從身上出入乘虛而行苦痛切迫啼哭號呼
受如是苦一何痛哉復見一衆生其舌長廣有爛
然利斧以斫其舌乘空而行啼哭號呼如前復見
一衆生有雙鐵輪在兩脇燒燃旋轉還燒其身如
前號呼而行比丘聞已白佛佛告諸比丘我亦見
如是衆生而不說者恐愚癡人不信如來所說長
夜受苦彼熱鐵丸從身上出入者過去世時曾於
迦葉佛所出家作沙彌次守衆僧果園盜取七枚
持奉其師緣斯罪故已墮地獄中受無量苦地獄
餘罪今得此身續受斯苦彼熾燃利斧斫舌者亦
於過去世時迦葉佛法中出家作沙彌以斧斫石
蜜供僧著斧刃蜜盜取食之緣斯罪故入地獄中
受無量苦餘罪續受斯苦彼雙鐵輪在脇下者亦
從迦葉佛法中出家作沙彌違持齋餅供僧盜取
二餅著於脇下緣斯罪故墮地獄中受無量苦餘
罪續受斯苦其餘比丘等罪報比不繁錄情文帝
十六年齊州靈巖寺釋道相暴亡至冥府見勢至

菩薩引觀地獄有榜云沙彌道弘爲眾僧作餽餽先盜食一鉢當墮鐵丸地獄然弘數年口瘡聞相說乃爲衆設供如彼所見有三十餘人罪報道相七日內十三度死見菩薩指示罪報相以語諸人卽各賠償獄榜隨滅出僧錄錄

故經云寧就斷手不取非財

不義之物名曰非財護戒不取非財縱令斷手只是一生若取非財破戒卽墮三塗世世得無手報古云人非善不交物非義不取非財害已惡語傷人世儒尙然況釋子視金玉如瓦礫者乎六度集經云佛夙生作貧人時曰吾寧守道貧賤而死不爲無道富貴而生也

噫可不戒歟

增一阿含經云佛告比丘若人偷盜他物爲主所執送官治罪閉著牢獄或截手足耳鼻乃至斬首箭射種種苦切殺之命終生地獄中猛火燒身洋銅灌口鑊湯熾炭刀山劍樹燒火焚尿磨磨確吞受種種酸楚苦痛不可稱計百千萬歲脫出無期

地獄罪畢生畜生中象馬牛羊駝驢犬等經百千歲以償他力畜生罪畢生餓鬼中饑渴苦惱不可具言經百千歲受如是苦罪畢爲人得二種報一者貧窮衣不蓋形食不充口二者常爲水火王臣惡賊之所劫奪

△三曰不淫

二身交會曰淫

解曰在家五戒惟制邪淫出家十戒全斷淫欲除自妻妾侵犯外色名曰邪淫在家五戒乃人天之徑路故佛唯制非禮邪淫出家十戒是趨涅槃之淨因渡苦海之浮囊浮囊一毀沉溺苦津故涅槃經云如一羅刹隨渡海者總乞浮囊渡者答言寧捨身命囊不可得羅刹復言不肯全施見惠其半彼人亦不肯與如是展轉乃至乞微塵許彼人亦不肯與菩薩持戒亦復如是煩惱破戒難利勸化菩薩令犯重戒護餘輕者菩薩不隨乃至勸犯輕戒菩薩亦不隨何以故菩薩持重戒及輕戒敬重堅固等無差別何況聲聞急求度脫生死而可

輕毀者耶

但干犯世間一切男女悉名破戒

干者即犯也亦相侵也是姪欲之別稱也世間謂衆生世間男女謂四姓之男女乃至鬼神畜生男女於彼大小便道及口三處作不淨行皆得不可悔罪故曰悉名破戒若沙彌被他強犯自心受樂即犯不可悔罪心不受樂罪猶可悔云何受樂如饑得食如渴得飲云何不受樂如熱鐵入身如刀刺體經云有犯斯戒非沙彌也

楞嚴經載寶蓮香比丘尼私行姪欲自言姪欲非殺非偷無有罪報遂感身出猛火生陷地獄

生陷謂不待身死魂墮其中即此生身地裂陷入阿鼻此比丘尼作是言已先於女根生大猛火後於身之節節猛火燒燃際無間獄無間即阿鼻謂罪人墮此獄中受燒養苦無有間隙樂時然地獄雖多總爲三攝一者熱獄有八在此贖部州下無間最在其底八獄各有十六小獄圍繞二者寒獄亦有八在鐵圍山底罪人於中受寒凍苦三者邊

獄略有三種一在山間二在水邊三在曠野此應寒熱難受如泰山府君及僧護億耳所見者是此諸地獄名字相狀及受報差別等事廣如經論所明

世人因欲殺身亡家出俗爲僧豈可更犯

王臣士庶皆曰世人周幽喪國晉獻亡家姪女騎頸天廟焚身皆由姪欲所致自古至今受惑者非一被害者難言如八師經云佛告梵志曰姪人婦女或爲夫主邊人所知臨時得殃刀杖加刑手足分離禍及門族或爲王法收捕著獄酷毒掠治身自當罪死入地獄臥於鐵牀或抱銅柱獄卒燃火以燒其身地獄罪畢當受畜生若得爲人閨門姪亂違佛法不親聖賢常懷恐怖多危少安復說偈言姪爲不淨行迷惑失正道形消魂魄驚傷命而登天受罪頑癡荒死復墮惡道吾用畏是故棄家樂山叢出俗爲僧豈可更犯者謂知五欲過患故捨之出家尤棄涕唾豈復更食故大論云入道慚愧人持鉢攝衆生云何縱欲塵沉沒於五情已

捨五欲樂。棄之而不顧。如何還欲得。如愚自食唾
生死根本。欲爲第一

一切眾生。所以有身者。皆由初念顛倒。見他交會。
自以姪心。投托母胎。而成身根。故名曰生。所謂一
切眾生。皆以姪欲而證性命。是也有生。必滅。故名
曰死。是知生死根源。皆以姪欲爲首。故云第一。欲
除生死。須斷姪心。故經云。若諸世界。六道衆生。其
心不姪。則不隨其生死。相續。姪心不除。塵不可出。
必使姪機。身心俱斷。斷性亦無。於佛菩提。斯可希
冀。

故經云。雖姪洗而生。不如貞潔而死。

決音。逸姪。放也。姪。洗。雖生。而戒身慧命已喪。由此
墮落三塗。不復人身矣。貞潔。雖死。而戒身慧命常
存。生生往來。人天修證。菩提。故大律云。事著姪地
口中而死。不著女根中而生。是也。昔安陀國。有一
少欲比丘。使沙彌往一淨信家。迎食。時彼淨信合
家赴會。唯留一女。年始十六。容貌端正。而爲姪欲
火燒五體。投地白沙彌言。我舍珍寶無量。汝可屈

意。爲此會主。我當供給。使令沙彌心念。我事捨命。
不毀禁戒。卽入房閉戶。胡跪合掌。發願不捨三寶。
正戒。願生寂靜家。盡漏成道。卽剎頭而死。國王聞
知。歎未曾有。卽躬往作禮。以屍棄於寶車。種種供
養。積聚香木。而茶毗之。故十戒經云。雖姪洗而生。
不如貞潔而死。此之謂也。詳如賢愚經。

噫。可不戒歟。

正法念經云。寧食毒地蟲。及以燐銅等。終不破禁。
戒而食。僧飲。食智度論云。破戒之人。若著法服。則
是熱銅鐵鑊。以纏其身。若持鉢盂。則是盛燐銅器。
若所噉食。則是吞熱鐵丸。飲熱燐銅。若受人供養。
供給。卽是地獄牛頭獄卒。若入精舍。則是入大地
獄。若坐僧牀。是爲坐熱鐵牀。上如經論說。可不懼
哉。

△四曰不妄語

心口相違。故曰妄語。

解曰。妄語有四。一者妄言。謂以是爲非。以非爲是。見
言不見。不見言見。虛妄不實等。

以是爲非。故見言不見。以非爲是。故不見言見。由虛妄故。是以不實。然見屬眼識等。者謂聞觸知也。聞屬耳識。觸是鼻舌身三識。知是意識。所以妄語總有八種。謂不見言見。不聞言聞。不觸言觸。不知言知。見言不見。聞言不聞。觸言不觸。知言不知。若欲惑彼。隨作其一。卽名妄語。若見聞觸知。則言見聞觸知。若不見聞觸知。則言不見聞觸知。是名四聖言。言行雖善。而無實心。終非聖人之徒也。

二者綺語。謂粧飾浮言。靡麗曲情。詞導欲增悲蕩人心志等。

綺錦綺也。靡美麗也。謂其粧飾。虛浮不實。言語如織錦。綺以眩人心目。艷曲情詞。皆能引導人之愛欲。增長人之悲哀。又艷曲是惑人心聽之歌曲。所謂靡靡陽阿之曲者也。情詞是誘人情欲之文。言等者。乃至喜怒哀樂感慨之言。皆能敗人常性。喪人正念。故曰蕩人心志。昔法雲禪師謂魯直曰。公作艷歌。蕩人姪心。使逾禮越禁。其罪非止墮惡道而已。魯直自此不復作矣。

三者惡口。謂惡罵罵人等。

正斥曰。罵傍及曰。言謂口出惡惡不善之言。罵辱毀謗於他。所以瞋火一起。衝口燒心。傷害前人。痛逾刀割。實乖菩薩之慈念。有違出家之善心。身死魂逝。墜墮三途。如經所說。若墮地獄。割舌令自啗。食若墮餓鬼口。中蛆膿流出。若生畜獸。食啗糞穢。人怪其聲。罪畢爲人面貌醜陋。口臭唇齒皆缺。佛言。寧以利刀割其舌。積劫受苦。不可以一言罵謗。持戒比丘。惡報難盡。有二種人。一向入地獄。若非梵行。自稱梵行。若真梵行。而以非梵行誘之。四者兩舌。謂向此說彼。向彼說此。離間恩義。挑唆鬭爭等。

離別也。間隔也。君父惠澤曰。恩。兄弟朋友善益曰。義。向此說彼者。謂傳彼入之言。向此人說。向彼說此者。謂傳此入之言。向彼人說。令生鬭亂。致使君臣父子兄弟朋友之恩義離間。若不傳彼此之言。但於二邊說令離散者。亦是兩舌。管子云。析交離親。謂之賊是也。挑唆者。謂挑發唆起彼此之言。令

生鬪諍也。成實論云。善心教化。雖爲別離。亦不得罪。若以惡心。令他鬪亂。卽是兩舌。得罪最深。墮三惡道。中世世得敵。惡破壞眷屬。以今離間破壞他故也。

乃至前譽後毀。面是背非。

謂在彼前則稱譽其德。在後則謗毀其過。當彼人面則言其所說是。背後則言其所爲非。報恩經云。佛告阿難。人生世間。福從口出。當護於口。甚於猛火。猛火燒然。燒世間財。惡口燒然。燒七聖財。

證人罪發。宣人短。

無間前人有罪無罪。但以惡心證之言。有卽自得罪矣。發宣人短者。掩其之善。揚彼之過。孔子曰。匿人之善。所謂蔽賢。揚人之惡。斯爲小人。太公曰。欲量他人。先須自量。傷人之語。還是自傷。含血噴人。先汚自口。漢新息侯。馬援以書誡其兄子。曰。吾欲汝曹聞人之過。失如聞父母之名耳。可得聞口。不得言也。好議人長短。妄是非政法。此吾所大惡也。寧死不願聞子孫有此行也。輪轉五道。經佛言爲。

人喜傳人惡。死入地獄。烓銅灌口。拔出其舌。以牛犁之後。墮惡鳥人。聞其聲莫不驚怖。呪令其死。皆妄語之類也。

謂前譽後毀。乃至發宣人短。皆是妄語之屬也。

若凡夫自言證聖。如言已得須陀洹果。斯陀含果等。名大妄語。其罪極重。

凡夫者是未入賢聖位人。自言證聖者。謂自知實無所悟。而故妄言。謂我已證得聖人之法。須陀洹此云入流。謂已斷三界見惑。盡卽預入聖道。法流此是小乘初果聖人也。斯陀含此云一來。謂欲界九品思惑已斷。前六品盡。後三品尙在。猶須更來欲界一受。生此二果聖人也。等者。謂餘三果四果乃至或言得禪。得定。得三昧。正受。天龍鬼神來歸依我。以此誑惑世間。而邀名利。供養罪不可悔。墮大地獄。長劫受苦。佛言。寧啖屎炭。吞食糞土。利刀破腹。不以虛妄。稱得聖法。而得供養。是最大賊。以盜人飲食。故言其罪極重。未曾有經云。妄語有二。一重二輕。爲供養故。外現精進。內行邪濁。向人。

妄說得禪境界。或言見佛見龍鬼等名大妄語。墮阿鼻獄。復有妄語能令殺人破壞人家。或違失期契。令他瞋恨。名下妄語。毀小地獄。其餘戲笑及諸理。匿禁事有言無。無言有不犯。

餘妄語爲救他急難。方便權巧。慈悲利濟者。不犯。

如有諸禽獸爲獵人所逐。入寺獵人間言。賢者見其禽獸。否爾時若是寒時。應語言長壽。可暫入少時向火。若是熱時。應言可暫入飲水。少時停息。若獵者云。我不疲倦。我問走獸時。即應先自觀指。甲報言。我見指。甲彼若復言。我不問指。甲。我問可殺衆生。於此過否。即應遍觀四方。作如是念。勝義諦中一切諸行。本無衆生。即報彼言。我不見衆生。又如波斯匿王。救殺屠監末利夫人。令人留藏待王。酒醒悔恨。送王所。王大歡喜。夫人雖受八戒。爲救他難。而不犯妄語。是名方便權巧利濟者也。古人謂行己之要。自不妄語。始況學出世之道乎。夫道德之存。至誠爲首。立身之要。言行是先。所以南容三復白圭。將以戒慎其言。是故古人戒始慎。

終自不妄語。始古人者。司馬溫公也。公爲人孝友忠信。恭儉正直。自少至老。語未嘗妄。故其嘗言誠之道。固難入。然當自不妄語。始又曰。吾無過人者。但平生所爲。未嘗有不可對人言者耳。時劉安世問公曰。一言可以終身行之者。公曰。其誠乎。問其所從入。公曰。自不妄語入。世儒立身爲一生名德。尙爾。況釋子學出世道。修未來長舌相。因而不然乎。經云。不慎言者。非沙彌也。

經載沙彌輕笑一老比丘。讀經聲如狗吠。而老比丘者是阿羅漢。因教沙彌急懺。僅免地獄。猶墮狗身。惡言一句。爲害至此。

經載非一。或言沙彌或言年少比丘。按賢愚經及報恩經。乃過去迦葉佛時。年少比丘見一老比丘。常好讀誦音聲鈍濁。自恃好聲。而言汝今聲如狗吠。時老比丘語言。汝識我否。我今已得阿羅漢道矣。年少聞已。惶怖自責。即於其前懺悔。老比丘即聽悔。過雖免地獄。由其惡言五百世中。常受狗身。時有商人五百。將一白狗共詣他國中。路頓息。狗

盜肉食商人斷狗四脚投之坑中而去時舍利弗以天眼遙見狗身墮躑在地饑餓困篤命欲垂死即持鉢飯飛至狗所以慈悲心施與狗食活其餘命食已歡喜復爲說法七日後命終即生舍衛國婆羅門家字曰均提年至七歲舍利弗化令出家爲說妙法便證羅漢六通悉備自見前身是餓狗蒙師舍利弗恩今得人身并獲道果自念當盡身供給師之所須永作沙彌不受大戒由其前生出家持淨戒故今值釋迦如來得阿羅漢故知若非淨戒則解脫無期矣

故經云夫士處世斧在口中所以斬身由其惡言

此文雖出本經然法句阿含大律皆同斧譬自舌惡言喻斧發也如人擲斧斬天斧墮還自傷身世人欲以惡言害彼反還自害如大律云昔調達罵舍利弗爲惡欲比丘應時熱血從鼻孔出即以生身墮大地獄中佛因而說偈曰夫士處世斧在口中所以斬身由其惡言應毀反譽應譽反毀自受其殃終無有樂

噫可不戒歟

地持論云妄語之罪能令衆生墮三惡道若生人中得二種果報一者多被誹謗二者爲人所誑何故妄語墮三惡道謂緣其妄語不實使人虛生苦惱是以死及地獄苦以其欺妄乖人誠信故受畜生報緣其妄語皆自貪欺慳欺罪故復爲餓鬼以其妄語不誠實故被人誹謗以其妄語欺誑人故爲人所誑既知妄語有此四大苦報可不戒歟

△五日不飲酒

亂心愒智曰酒

解曰飲酒者謂飲一切能醉人之酒西域酒有各種甘蔗蒲萄及與百花皆可造酒此方止有米造俱不可飲

西域卽天竺此方卽東華酒雖多種不出其二一者穀酒謂以五穀和麴而釀成之二者木酒謂用根莖花果雜諸藥草而釀成之卽甘蔗蒲萄百花藕根糖蜜等是也此二種酒皆不得咽故云俱不可飲凡有酒色酒香酒味三者或飲一飲二能令

人醉飲即得罪。若略糟食。麴和酒。炙食。盡犯。若無酒色香味。不醉人不犯。

除有重病。非酒莫療者。白衆方。服無故一滴。不可沾唇。

佛言。若依我爲師者。不得飲酒。亦不與他飲。不貯畜。乃至不以草頭著。酒滴入口。中言有重病者。謂非輕小疾也。非酒莫療者。謂餘藥治不遑。醫教以酒爲藥。非酒不能。藥即須白衆。令知。然後服之。始無自私之咎也。無故者。無病之故也。必有重病。癰疾。乃暫權開聽。非謂長途服食。若無病。托病。輕病。托重。俱犯。

乃至不得飲酒。不得止酒。舍不得以酒飲人。

麴謂鼻。不得止酒。舍者。止謂暫時停止。舍謂沽酒市肆。爲防二事故。不聽止。一防譏疑。二避沉酣。不以酒飲人者。自既知非。豈可施人。菩薩爲利生。故自飲。猶輕與他飲。犯重用。迷惑衆生。失智慧。種故也。

儀狄造酒。禹因痛絕。

儀狄。夏人也。善造酒。禹即夏帝也。戰國策云。儀狄作酒。禹飲而甘之。曰。後世必有以酒亡其國者。遂疏儀狄。因而深痛絕。旨酒也。昔漢酈原絕酒。不飲人或問之。原曰。本自能飲。但以荒思廢業。故斷之耳。世儒尙畏廢業。況學出世之道乎。

紂作酒池。國以滅亡。僧而飲酒。可恥尤甚。

紂乃帝乙季子。名受。又名辛。祖都於殷。設法殘義。害善曰。紂始作玉盞。象箸。造鹿臺。爲瓊室。玉門。大三里。高千尺。以人食。獸以酒。爲池。懸肉。爲林。男女裸形。相逐。其間官中九市。爲長夜之飲。作炮烙之刑。剖孕婦。斫人脛。王子比干。諫之。怒曰。吾聞聖人。心有七竅。遂殺比干。視其心。於是武王皆諸侯曰。殷有重罪。不可不伐。乃東伐。紂走登鹿臺。衣其珠玉。自燔而死。禹謂後世必有以酒亡國者。此也。所以詩書姦亂之戒。其原皆在於酒。故微子以紂沉酗於酒。遂作誥。以告箕子。比干而去。穆公因周厲王沉湎於酒。故作大雅。嗟嘆而泣涕。流連後秦主符生。飲無晝夜。乘醉多所殺戮。臣民畏之。海東。

● 戒律

王符堅將兵伐生猶醉寐兵殺之堅遂稱帝唐敬宗年十八夜與宦官酣飲擊毬俄燭滅遇賊是以前危後則皆由酒色先聖後賢咸因冒絕以成名出家爲僧心形越俗不愧先聖而踵前危故曰可恥尤甚

昔有優婆塞因破酒戒遂併餘戒俱破三十六失一飲備焉過非小矣

優婆塞此云近事男婆沙論云昔有一近事粟性仁賢受持五戒專精不犯後於異時遠行歸家家人赴會彼爲渴所逼見器有酒如水遂取飲之便犯酒戒時有隣雞來入其舍盜殺而食復犯盜殺二戒鄰女尋雞入舍強逼交通復犯姦戒隣家告官拒諱不陳復犯妄語故云遂併餘戒俱破三十六失者善惡所起經云一資財散失二現多疾病三因與鬪諍四增長殺害五增長瞋恚六多不滿意七智慧漸寡八福德不增九福德轉減十顯露秘密十一事業不成十二多增憂苦十三諸根闇昧十四毀辱父母十五不敬沙門十六不信婆羅

門十七不敬佛十八不敬法僧十九親惡友二十離善友二十一棄飲食二十二形不隱密二十三經欲熾盛二十四衆人不悅二十五多增語笑二十六父母不喜二十七眷屬嫌棄二十八受持非法二十九遠離正法三十不敬賢善三十一違犯過失三十二遠離涅槃三十三顛狂轉增三十四身心散亂三十五作惡放逸三十六身壞命終墮大地獄受苦無窮此三十六失因破酒戒而具故云一飲備焉失乃三十有六故云過非小矣

貪飲之人死墮沸屎地獄生生愚癡失智慧種輪轉五道經云爲人喜飲酒醉死入沸屎泥犁中後墮猩猩獸中後生爲人愚癡故無所知教化地獄經云信相善薩白佛言復有衆生或顛或狂或癡或騷不別好醜何罪所致佛言以前世時坐飲酒醉亂犯三十六失復得癡身如似醉人不識尊卑不識好醜故獲此罪然善惡無爽有因必果貪飲故墮沸屎醉亂故失智慧最說云羣智莫甚於酒是也

迷魂狂藥烈於砒毒

以酒能使人顛倒錯亂外失威儀內喪真性故云迷魂狂藥砒是砒毒酖是酖毒藥酒也謂以鴆鳥之毛灑於酒中飲令人立死故字從酉烈謂酒之酷烈尤甚於砒酖酖雖能殺身而不能使人破戒喪失慧命墮三惡道也

故經云寧飲烱烱無犯酒

烱烱喪身酒殺慧命故寧喪身以存慧命如薩遮尼乾子經偈云酒為放逸根不飲閉惡道寧捨百千身不毀犯教法寧使身乾枯終不飲此酒假使毀戒罪壽命滿百年不如護禁戒即時身磨滅經云有犯斯戒非沙彌也

噫可不戒歟

或問曰肉由害命斷之宜然酒不損生何為頓制若使無損理本無過答曰如來結戒以絕惡源得罪據心成業肉乃因害食之即罪酒雖非損過由亂神餘處生過過生由酒斷酒則諸過頓除況種惡癡之業不免三惡道報言餘處生罪者由酒遂

破餘戒并得三十六失是也

△六日不著香華鬘不香塗身

遠離香屬二塵故曰不著不塗

解曰華鬘者西域人貴華作鬘以嚴其首

梵語鬘羅此云鬘天竺多用蘇摩那花行列貫串

結之為鬘無問男女皆此莊嚴身首以為飾好

此土則繒絨金寶製飾巾冠之類是也

繒帛也絨練熟絲也製飾謂以金銀七寶製造縷

絡環釧併飾巾冠等大經云在額上名鬘在頸名

縷在臂名釧在指名環是知七寶製造皆曰華鬘

故經云無服飾珍玩衣趨蔽形無以文彩是也

香塗身者西域貴人用名香為末令青衣摩身

名香謂沉檀速磨龍腦酥合熏陸白膠等青衣即

童子謂以末香使童子塗指其體故曰摩身

此土則佩香熏香脂粉之類是也

佩是佩帶熏即烟熏脂即臘脂粉即水粉斯皆塗

香裝飾之屬也

出家之人豈宜用此

如上七寶製飾香花等皆俗士所用出俗爲僧已捨樂欲剃髮染衣修出世道詎可同俗懷奢迷心放逸故云豈宜用此

佛制三衣俱用麤陳麻布獸毛蠶口害物傷慈非所應也

三衣如後威儀中出麤陳麻布者蠶以禦風寒疎以却蚊虻足爲安身進道矣獸毛卽裘褐等蠶口卽綢絹等此皆從殺生而得故曰害物有虧菩薩之心故曰傷慈違佛本制復傷仁慈故曰非所應也按小乘十種衣隨施得受染以變色割截成衣菩薩利生以大慈爲本故非所應若據楞嚴大小皆遮故經云不服東方絲綿絹帛及此土靴履裘毳乳酪醍醐如是比丘於世真脫離還宿債不遊三界唐乾封二年二月四天王白宣律師曰釋迦如來初成道時乃至涅槃唯服麤布僧伽黎及白氎三衣未曾著蓋衣絹帛云云

除年及七十衰頹之甚非帛不暖者或可爲之餘俱不可

謂年至七十四大衰朽力弱形類若不著絲帛則體凍寒生或可用之其餘四大不衰年非七十皆不應爲故云餘俱不可

夏禹惡衣

惡衣者非精細之服乃麤布也禹姓姁名文命字密身按證法受禪成功曰禹乃黃帝之玄孫禹父名鯀堯時洪水滔天鯀治水無功舜乃舉禹續父業居外十三年以開九州水害遂息受舜禪位都於安邑國號曰夏禹爲人敏給克勤其德不遠其仁可親其言可信其聲應鍾律身有法度故孔子稱曰非飲食而致孝乎鬼神惡衣服而致美乎黻冕卑宮室而盡力乎溝洫禹吾無間然矣昔帝堯布衣掩形鹿裘禦寒衣履不敝不更換漢文帝亦身衣弋絺轉帳無文晉武帝焚雉頭裘猶敝不許貢獻奇技異服斯等聖君非一不能盡舉

公孫布被

公孫姓也名弘漢武帝徵爲博士天子察其敦厚遂以爲御史大夫食不重肉脫粟之飯而爲布被

律祿皆給與仰食之貧家無所餘時汲黯奏曰弘位在三公然爲布被此詐也帝問弘弘謝曰有之誠中弘病夫以三公爲布被實飾詐以釣名且無汲黯忠陛下安得聞此言天子以爲謙讓愈益厚之以弘爲丞相封平津侯年八十而終弘既無怨汲言而且善其中已病可謂寬仁雅量之至矣王臣之貴宜爲不爲豈得道人反貪華飾襲色爲服糞掃蔽形固其宜矣

襲色謂以草木根葉泥等染爲緇色以別五大色也糞掃是他所棄之物拾取納之爲衣以遮蔽身形息馳求心斷憍恣念而進修道業如經所說比丘持糞掃衣就河而洗諸天取汁用洗自身不辭穢也外道持淨氈次後將洗諸天遮勿汚池水是知重德不重物也王謂禹帝臣謂公孫實是尊貴位高之稱也獸毛縞帛是王臣所應宜爲而不爲而爲惡衣布被襲色爲服糞掃蔽形固本出家學道人所當宜爲而不爲而反貪世間華香綈絨裝飾之欲樂深非所宜也記云今時禪講自謂大

乘不拘事相綾羅綺縠美紫碧爭鮮肆恣食情皆違聖教豈不聞衡岳但服艾絮以禦風霜天台四十餘年唯披一衲永嘉屢不置口荆溪大布而衣良由深解大乘方乃專崇苦行請觀祖德勿染邪風專教修身眞佛子矣

古有高僧三十年著一編鞋凡輩乎

編音兩雙履也高僧卽唐慧休法師十六歲出家學通經論尤善華嚴唯有律部未遑精閱意以爲戒可事求按讀卽曉未勞師授後忽披一卷性適茫然方悔前議乃負律提瓶從洪律師聽四分律三十餘遍而願諸學徒曰余往聽經論一遍入神今聽律部逾增逾暗豈非理可求事難通會嘗聽彌公講律彌曰法師大德暮年如何勸勸律部休曰余僞出家之始從虎口中來豈以老朽而可斯須離耶吾恨不得嘗聞耳今之後學請知文句宗教渺然卽預師範所以終夜長慨矣休敬慎三業懷課六時奉禁守道逾衰逾篤衣服超得蓋體襤褸壁上著一麻鞋經三十餘年過軟地則赤足

人問之故答曰。信施難消。帝屢召入京。固以疾辭。春秋八十有八。又唐通慧禪師。大悟後。晚年唯一裙一被一麻鞋。二十載布衲。重縫冬夏。不易左。尊者一條七衣。四十餘年。一尼師壇。終身不易。洗鉢則羣猴爭捧。誦經則衆鳥交翔。如此高德。非聖則賢。檢身崇樸。乃爾我等。凡輩不謹。約身心。積德可乎。

噫可不戒歟

大菩薩藏經云。若有味著花鬘塗香。即是味著熱鐵花鬘。亦是味著屎尿塗身。又昔有比丘。在蓮池邊。經行。聞蓮華香。鼻受心著。池神言。比丘何以捨靜坐而偷我香。時有一人入池。取花鬘根而去。比丘言。此人破汝池花。汝都無言。我但經行。訶我偷香。神言。世間惡人。罪業沒頭。我不共言。汝是禪行好人。而著此香。破汝好事。是故訶汝。譬如白晝有黠人。皆見之。惡人如黑衣。縱有墨點。人皆不見。誰問之者。如經所說。熱花尚被神責。有點況身塗著汚德。可不戒哉。

△七日不歌舞倡妓。不往觀聽。

離身口通。故曰不歌舞。遠色聲塵。故曰不觀聽。

解曰。歌者口出歌曲。

所謂歌唱曲令也。長引其聲。詠之曰歌。樂書云。樂有歌。歌有曲。曲有詞。所以詩言志。歌詠言吟。咏之有上下。如草木之有柯葉也。爾雅曰。聲比於琴瑟曰歌。徒歌曰謠。謂無絲竹之類。獨歌之也。韓詩曰。有章曲曰歌。無章句曰謠。又咏。詩曰。歌短歌。謂之謠。詩注云。謠者歌聲之遠聞也。故善歌者有含商吐角之音。列子云。秦青撫節悲歌。聲振林木。響遏行雲是也。

舞者身為歌舞。

手足變弄曰戲。舞歌舞乃俳優雜戲也。

倡妓者。謂琴瑟簫管之類是也。

倡妓是音樂之總稱。樂者鍾鼓簫管。宮商羽角徵。簫也。琴瑟是絃樂。簫管是管樂。昔伏羲斷桐為琴。名曰離微。桓桑為瑟。琴長七尺二寸。鳳池四寸。象四時龍池八寸。象八風。絃二十七。以通神明之觀。

舜制長三尺六寸六分。象箏之日合天人之和。廣六寸。象六合。腰濶四寸。象四時。前廣後狹。象尊卑。上圓下方。象天地。五絃。象五行。十三。彈象十二律。餘一。彈象閏。後文王加少宮。少商二絃。成七。或云加文武二絃。瑟有三十六絃。以修身理性。反其天真。今人用之。爲戲樂。誤也。昔女媧氏用五十絃。奏帝使素女鼓而聽之。極悲。乃析而用其半。以抑其情。而樂乃和洽也。蕭。蕭也。謂其聲蕭蕭而清也。編小竹。管爲之。參差不齊。象鳳之翼。大者二十三。管長尺四寸。小者十六。管長尺二寸。管有六孔。一曰七孔。今時蕭似笛。或曰亦蕭也。餘琵琶箏篳篥等。篳篥等皆倡妓之類也。

不得自作。亦不得他人作。時故往觀聽。

自作。從身口二業生。罪觀聽從眼耳二根招惹。故往者。顯非無心也。若路由彼過。無心觀聽。不犯。古有仙人因聽女歌。音聲微妙。遠失神足。觀聽之害。如是。況自作乎。

遠疾也。卒也。神足者。飛行也。大婆沙論云。昔有隱

陀衍那王。將諸宮女。詣水迹山。除去男子。純與女人。燒衆名香。奏五妓樂。露形而舞。樂音清妙。香氣芬馥。時有五百仙人。乘神通上通。或見色。或聞聲。或嗅香。皆退神通。一時墮下。如折翼鳥。不復能飛。王見問曰。汝等是誰。諸仙答言。我是仙人。王言。汝得非非想定否。仙言。未得。乃至問言。汝得初禪否。仙言。曾得。今失。時王瞋言。不離欲人。如何觀我宮人。婢女。便拔劍斷截。五百仙人手足。彼諸仙人。有從眼根而退。有從耳根而退。有從鼻根而退。是故一時墮落。故云。觀聽之害。如是。況自作乎。

今世愚人。因法華有琵琶鏡鏡之句。恣學音樂。然法華乃供養諸佛。非自娛也。

娛樂也。琵琶是胡琴。長三尺五寸。象三才五行四絃。象四時也。鏡。古以金造之。鏡以銅作之。經云。若使人作樂。擊鼓吹角。貝簫笛琴。篳篥琵琶。鏡銅。鏡如是。衆妙音。盡持以供佛。或以歡喜心。歌頌頌佛。德乃至一小音。皆以成佛。道經謂使人作顯非沙門。自爲也。盡持以供養明。非自娛也。

應院作人間法事道場猶可爲之。今爲生死捨俗出家。豈宜不修正務而求工技樂。

閑晏修道處名爲道場。佛坐菩提樹下成道故名。其處爲道場。今以人間法事爲道場者。是隨俗言耳。應院謂應赴菴院也。原佛教中本無應赴事。良猶末法人訛不爲超生。越死出家者。贊養世間穢利故有之也。割愛辭親。是曰捨俗。出煩惱家。故曰爲生死禪。誦禮拜勤修福慧名爲正務。既爲生死。不修正務而反求工巧於世技樂。重增生死之累。自喪已。應悉玷法門。故止觀云。皮文美角膏煎鐸毀已。自害人。況修出世之道。而當樹林招鳥。腐氣來。蠅豈不摧折。辱手注曰。象爲牙死。犀爲角亡。翠爲羽殘。膏有明故煎。鐸有聲故毀。麋爲皮自害。衆鳥集樹必爲枯折。蒼蠅集於腐肉。反憎肉臭。喻出家人自以技能招害。摧折自行。汚辱三寶。過非小也。

乃至園基陸博戲擲擲等事

園基古三百六十路。今十九路。象基有三十六句。

以象牙飾之故名象基。又云世傳樂作園基。武王作象基以象戰鬪也。有云昔神農以日月星辰爲像。唐相國牛僧孺用車馬將士卒加砲代之爲機矣。散即散子是陸博采具。陸博即雙陸。基亦名博塞。戲魏曹植製雙陸局以五木爲散子。有象盧雉犢塞五者爲勝負之承。故人刻一散爲象鳥形得之爲上勝。又散六箸行六基謂之六博也。擲者投也。拋也。如擲色投壺拋毬跳錢也。擲音樞音蒲。相傳謂老子入胡作用六子爲馬。今人擲之爲戲亦博奕之總名。所謂擲蒲一擲百萬是也。乃至與等者皆戲樂末盡之舉也。

皆亂道心增長過惡

如上所說俱擾亂正念增長貪瞋煩惱生死過患。由此而興誠非釋子所爲也。

應可不戒歟

大論云聲相不停暫聞即滅。愚癡之人不解聲相無常變失。故於音聲中妄生好樂。於已過之聲念而生著。有智之人觀聲生滅前後不俱無相及者。

作如是知則不染著若斯人者諸天音樂尙不能
亂何況人聲如是等種種因緣詞聲過失如大迦
葉等聞天王彈琴尙起作舞不能自安況凡夫輩
可不當深戒歟

△八曰不坐高廣大牀

身離觸塵故曰不坐量越聖制故曰高廣
解曰佛制繩牀高不過如來八指過此即犯

如來是佛十號之首謂佛乘如實道來成正覺故
名如來如來金身丈六一指闊二寸八指當周尺
一尺六寸越斯量者故曰過此阿含經云足長尺
六非高濶四尺非廣長八尺非大復有八種牀一
金二銀三牙四角五如來六緣覺七羅漢八師僧
前四約物辯貴體不合坐後四約人辯大縱令地
鋪擬於尊人亦不合坐言繩牀者或以草麻藤等
織成脚有曲直若繩若木過量皆犯

乃至漆彩雕刻及紗絹帳褥之類亦不宜用

大律云牀有二種一高二下卑牀曰下座弊亦名
下高大名高妙好亦名高妙好即漆彩雕刻金銀

牙角等如是之牀及紗羅絹帳上妙毼褥皆非出
世道人之宜乃王臣俗士所貴違佛明制自敗已
德故曰不宜用也類者除一切貴價被席等是也
古人用草爲座宿於樹下今有牀榻亦既勝矣何更
高廣縱恣幻軀

牀狹而長者曰榻古人者古德高僧也或住深山
或依樹下以草爲座起則經行坐即禪思今居廣
廈密屋宿於高牀長榻可謂勝彼樹下草座多矣
何用更復高廣縱恣幻軀失沙門之高範違佛祖
之垂言東林混融禪師示衆曰避萬乘尊榮受六
年饑凍不離草座成等正覺度無量衆此黃面老
爺出家樣子後輩忘本反爲口體如佛言曰爲沙
門者去世資財乞食取足日中一食樹下一宿慎
不再矣故唐通慧禪師入太白山不賣糧食取給
草果渴則飲水息則依樹經於五年因以木打塊
塊破形消廓然大悟敬雲法師入泰山結草爲衣
拾果爲食行法華三昧感普賢現身證明如斯高
德非一備載傳燈高僧傳中自當尋閱言幻軀者

地水火風四大假合成身。虛妄不實。猶如夢幻。熱
夫不了執之爲實。是以恣情縱欲。增長漏業。長淪
三有矣。

脇尊者一生脇不著席

尊者中天竺人。本名難生。由在母胎六十年始生。
因以爲名。出家年晚。得遇九祖伏臘尊者。執侍左
右。未嘗睡眠。日則披閱三藏。夜則坐禪。因其脇不
著席。故世稱曰脇尊者。卽第十祖。或云九祖。

高峰妙禪師三年立願不沾牀榻

元高峰妙禪師。縛柴爲龕。冬夏一衲。搗松和糜爲
食。後住天目山西巖。築一小室。榜曰死關。其巖非
梯莫登。而去梯斷緣。雖弟子罕得瞻視。故內無牀
榻。外絕給侍。不澡身。不薙髮。截髮爲鑑。併日一食。
三年晏如也。今時出家戒德未具。心地未明。安享
無虞。可不自愧。然乎微不離髮。自號頭陀。寧不大
謬哉。

悟達受沉香之座。尙損福而招報

唐知玄法師。俗姓陳。三學洞貫。名冠一時。異跡尤

多。故世號爲陳菩薩。五歲卽便能詩。十四講涅槃。
經。李商隱贈詩云。十四沙彌能講經。似師年紀祇
攜瓶。沙彌說法沙門聽。不在年高在性靈。靈宗賜
沉香寶座。高二丈餘。僖宗賜號曰悟達國師。二帝
供養隆厚。非常後忽定中見菩薩降手摩玄頂。演
深妙法。而安慰之言。訖卽隱。俄見一珠入玄在股
隆起痛甚。上有吳錯二字。遂成人面瘡。而玄前身
是漢袁盎。奏斬錯腰於東市。玄十世爲高僧。錯求
報不得。因遇受人主寵遇。一念名利心起。於德有
損。故能害之後。詣西蜀遇迦諾迦尊者。洗以三昧
水。卽愈。詳如本傳。

噫可不戒歟

此牀座帳褥乃四聖種中之一名臥具。知足聖種
於此知足。則能進修道業。證三菩提。故名聖種。若
不知足。則道果無分。聖種失矣。如悟達國師。見解
超時。行位未測。由不知足。一念心起。德損福至。我
輩何人不以爲後戒哉。

△九日不非時食

舌根隱過中之味。應故曰不非時食。

解曰。非時者。過日午。非僧食之時分也。諸天早食。佛午食。畜生午後食。鬼夜食。僧宜學佛。不過午食。

大律云。非時者。有二分。齊一謂日過中。二謂明相未出。又云。日影過西一變一線。即曰非時。今云日午者。乃順此方之言。依經律。應云日中。良以午分八刻。前四名時。後四非時。恐人渾蓋。故不言午。而言中也。起世因本經云。烏哺沙地。此言增長。謂受持齋法。增長善根。故佛教以過中不食爲齋。如毗羅三昧經。以午食爲法。食瓶沙王問佛。何故佛日中食。佛言。早起諸天。食日中。三世諸佛。食日西。畜生。食日暮。鬼神。食如來。欲斷六趣。因令入道中。故制令同三世佛。食所以如來恒處中道。自聖王宮。乃至涅槃中間。未嘗非時噉食。今時學者。有分禪分律。自謂禪無拘執。任噉任餐。則放恣無愧。食無晝夜。寧知禪是佛心。律是佛行。大乘小乘。悉皆同學。故律本云。同一師學。如水乳合。既同一如來。大師教學。何得禪律各分。如水乳合。豈可互相厭。

齋又戒。猶人之衣食。非衣食則人奚存。禪無律則僧安在。故大律云。毗尼藏者。是佛法壽命。毗尼藏住佛法亦住。是故如來垂將涅槃。猶諄諄誨。使依彼羅提木。又爲師迦葉。奉之終身。日中一食。祖傳持未嘗有毀教滅律者。苟能見過如來行。超迦葉一任毀之滅之。如或未。然速宜知敗。豈有悟佛祖之心。而毀佛祖之行。猶讀孔子之書。而非孔子之禮。世儒尙不肯爲。況釋子學出世之道。而忍誹釋尊之教乎。

餓鬼聞碗鉢聲。則咽中火起。故午食尙宜寂靜。況過午乎。

咽喉也由人慳貪。故墮餓鬼道中。咽小如針。腹大如鼓。常爲饑渴所逼。若聞碗鉢之聲。則喉中發蹙。而自燒然。午前雖非餓鬼。食時尙宜寂靜。無令聞聲火起。而受燒然之苦。況午後正當鬼食之時。令聞聲見食。卽內外燒然。釋子慈心。何忍彼苦。而自安餐。是故二時粥飯。猶施食呪願。令彼獲安。況非時噉食。使其生苦。大乖菩薩之心。非釋子之慈行。

也

昔有高僧聞鄰房俗午後舉爨不覺涕泣悲佛法之衰殘也

曇首嘗起火曰爨氣上曰炊謂舉火爨食也昔法慈禪師住鄴寺聞鄰房比丘午後炊爨自念去聖時遙人多廢戒深傷佛法之衰殘不覺淚下沾衾今人既無古賢護法之心而反生毀謗安然無愧可乎宋徽宗惑於道士林靈素妖言改佛爲道法師承道上疏陳諫帝大怒收永付開封獄春陵守謂師曰道人蔬食且不過中甚非自全計宜茹葷血師慨然曰死則死耳佛禁不可犯也又唐法師悟恩字修已時稱義虎平時一食不離衣鉢不畜財貨晨粥親視明相每布薩大眾雲集潸然淚下蓋思大集經云有無戒比丘滿閻浮之言也

今人體弱多病欲數數食者或不能持此戒故古人稱晚食爲藥石取療病之意也必也知違佛制生大慚愧念餓鬼苦常行悲濟不多食不美食不任意食庶幾可耳

數者類也藥石者古針灸治病用石爲針今乃用鐵以存其本故云藥石又五石能治病亦名藥石古人稱晚食爲藥石者戒律久廢一時難以改正故古德權開終圖其復本也既云必知違佛明制則不可執權迷實以爲常途軌則依法不依人方爲正見佛子以必知違佛制故生大慚愧由慚愧故不安意食念餓鬼苦故常行悲濟以悲濟故於食心不安意生美而減分施他故不多食也如有重病非殺不治醫教令食聽於屏處與之違已即須斷絕況療病自有湯膏丸散如來聽服五果八漿糖蜜酥油足以愈疾何用噉嚼偏違佛教自招罪累故天台云病故毀戒如破浮囊惜膿血身破清淨法身處處經云佛言中後不食有五福一少姪二少睡三得一心四少下風五得身安隱亦不作病既云安隱復不作病則有病正宜戒之古云禍從口出病從口入故大律中比丘有病即令斷食以應爲度名爲天醫有病無病常當觀察此身爲生老病死之本衆苦之源深自剋責制其情

欲何以縱彼愛根自增苦本故法苑云惟無常苦空之悲念生老病死之患長夜悲倒懸之苦漂淪陷墜之溺思之痛傷亦深可懼而不懼累劫之殃但憂一身之命所以飽食長眠何當猶大破齋夜食鬼道無殊是故施主失應時之福衆僧損良田之種比見邊方道俗聞律閉食果汁漿遂即食乾菓汁或生梨蒲萄石榴不搗汁飲并子總食雖有搗汁非澄使清取濁濃汁并滓而食或有聞開食舍樓伽漿以患熱病遂取藕根生食或有取飯汁飲或無饑渴非時食酥油蜜石蜜等或用杏仁煎作稠湯如此濫者非一不可具述

如或不然得罪彌重

彌大也甚也如或不然者謂無病而託病輕病而托重復不生大慚愧等而毀佛禁戒得罪非輕故曰彌重近世阿師不諳律教謂有七事因緣非時得食曰病時作衣時施衣時行道時乘船時大衆集時沙門施食時原此七事出別衆食戒開其午前有此七緣得別衆食非謂午後且與非時食戒

還不相干律有明文何不檢看二百五十戒相尙自不知而稱爲比丘者寧不愧哉自誤誤人過非小矣昔傳大士是彌勒菩薩化身每行清齋竟日不食減餐以施貧賤今者二時飽食猶不知愧故違佛制不觀祖德不念他乏焉得名爲好心出家或曰永嘉云大悟不拘於小節奚在瑣瑣行持答曰斯謂實際理地不受一塵致於眞如佛性尙不立況其他小節乎如云姪房酒肆無非清淨道場苟執事言之則入地獄如箭迦葉結集猶不捨微細之戒何云不拘若其上上根人得事無礙則萬事門中不捨一法又有何小節而見拘耶或曰有二比丘犯姪殺波離增罪結維摩頗除疑此復云何答曰斯明無心犯也彼二比丘共住山菴一外出遊行一在菴坐禪睡熟憐女入菴偷犯淨戒既寤心生不悅彼外出者還以事陳知彼即瞋逐憐女女怖墮坑而死二心俱懷憂惱一由無心犯姪一由無心犯殺以初如來結戒未制無心不犯故波離據事結罪苟其有心便獲阿鼻業矣縱得

羯磨僅免地獄現生寧獲證悟。若以姪殺爲小節。不知更以何爲大哉。或曰。勇施推罪性了不可得。卽往東方。顧成正覺。何言不獲證悟。答曰。勇施乃再來菩薩。示現俾後世懺悔者。達罪性空。滅業根本。設非再來。奚能成佛之速。故云多劫曾爲忍辱。仙明非一生也。如或不然。請自揣看。諸佛無量神通妙用。汝今百無一能。何由頓成正覺。事理性相觸目茫然。如何不拘小節。貪腹滿腹。我人填胸。未能聞謗。如飲甘密。何從頓入。不思議豈不聞乘戒俱急。如鳥二翼。翱翔霄漢。扶搖萬里。得無快哉。倘一妄生邪解。卽落空虛。空撥因果。作在心。殃在身。矣。如或不信。當觀下文。

大律云。沙門釋子。寧自破腹。不應夜食。沙彌尼戒經云。若國王長者。過日中施。亦不得食。終死不犯也。大乘蓮華藏經云。受佛禁戒。不護將來。各言我是依大乘法。猶如冥夜。各自說言。我得佛法。受鐵鑄地獄。從地獄出。瘡痂。瘻。百不見正法。又舍利弗。

問經云。佛告舍利弗。非時食者是破戒。人是犯盜。人是癩病人。屢善果。故非我弟子。盜我法。利盜名。盜食一團。一撮。片鹽片醋。死墮燒腸。地獄吞熱鐵丸。從地獄出生。猪狗中食。諸不淨及生惡。鳥人怪。其聲後生。餓鬼還於寺中。在廁內。噉食糞穢。並百千萬歲。更生人中。貧窮下賤。人所厭惡。所有言說。人不信用。不如盜一人物。其罪尙輕。割奪多人。其祐福田。斷絕出世道。故是大劫賊。是卽餓鬼爲罪窟宅。其時食者是卽福田。是卽出家。是卽天人。其友是卽天人。導師如佛所說。令人毛骨悚然。何爲一餐之食。遺累至此。其有智者。可不深戒歟。

△十日不捉持生像金銀寶物

身離利欲。故曰不持生像。解曰。生卽金也。像似也。似金者。銀也。謂金色生本自黃銀。可染黃似金也。

此胡漢雙舉也。漢言金銀。胡言生像。大律云。生色似色是也。生色者。謂金生本自黃色。不可變改也。似色者。謂銀可染變爲黃色。如以石黃養銀。令似。

金也。胡言者。良由譯人從天竺來。路經胡地。傳彼胡語。譯爲華言。若華天竺梵音。呼金爲蘇伐羅。呼銀爲阿路巴。雖得斯名。然亦未詳其義。或有名無義。五不翻中之一。如此方金銀。亦有名無義。據上世稱銀爲乾汞。謂水銀爲藥銀。斯之少別耳。寶者七寶之類也。

一金二銀三毗琉璃四頗梨。卽水玉五瑠璃六瑪瑙七赤珍珠。其餘珊瑚琥珀日珠月珠摩尼珠等。皆寶之類也。經云。乃至不得習弄兵杖。

皆長貪心。妨廢道業。故佛在世時。僧皆乞食。不立烟爨。衣服房舍。悉任外緣。置金銀於無用之地。捉持尙禁。清可知矣。

金銀七寶。皆增長人貪愛之心。故妨廢修行道業。貪爲鬼畜之根。愛爲生死之本。如來出世。原爲斷絕衆生生死根株。故令遠離世利衣食房舍。既任他施。故置金銀於無用之地。後因病比丘。乃漸聽立烟爨房舍。今時房舍。悉備食用。皆出當住。猶嫌不稱已懷。不知是何心哉。佛既不聽捉持。則其不

貪少欲之清節。可自知矣。除律或言不受畜。或言不捉持。以捉持是畜之漸。因亦染污淨德。故佛制斷。

鋤金不顧世儒。尙然釋子稱貪畜財。奚用。

彼既不顧我何稱。貧衣食悉任外緣。故曰畜財。奚用。世儒者。漢北海管寧也。寧少時與華歆爲友。同席讀書。嘗與歆共鋤菜。見地有金。揮鋤不顧。與瓦石無異。歆捉而擲之。時人以是知其優劣矣。寧後適遼東。三十七年。魏主丕徵之。乃浮海西歸。以爲太中大夫。不受其名。行高潔若此。又能因事導人於善。人皆服其化。年八十有四卒。歆爲尙書令。行逆。不得其終。先曹操欲弑獻帝。后伏氏及二皇子。使鄧慮持節策收。后璽綬歆。卽廢戶發壁。就率后出。披髮徒跣泣行。帝見不能救。遂將后下暴室幽死。二皇子皆醢殺之。所謂知其優劣者此也。

今人不能俱行乞食。或入叢林。或住菴院。或出遠方。亦未免有金銀之費。必也知遠佛制。生大慚愧。念他貧乏。常行布施。不營求不畜積。不販賣。不以七寶粧。

飾衣器等物庶幾可耳

此是大師權開非佛本意故曰必也知違佛制以知違制故生大慚愧念他貧乏故常行布施不營求者謂不種種經營求索也不畜積者謂有檀越布施即將以供三寶自獲善果復令施福轉增不可畜之箱囊積之高閣故經云無得藏積穢實人與不受受則不留轉濟窮乏常為人說不食之德是也不販賣者謂不賤買賣虧損淨行縱得財利供僧佛不許受輪塑佛像不聽禮拜業疏云但以邪心有涉貪染爲利賣法禮佛讀經斷食等所獲贖贖皆曰邪命物不以七寶莊飾衣器等物者謂非釋子所宜及增長愛根成有漏業故也梵語貧婆此云叢林譬如大樹叢故僧聚處名曰叢林西國僧俗修行於蘭若處多結草菴居之院是禪室凡庭館有垣牆者皆曰院

如或不然得罪彌重

謂若不生大慚愧等故違佛制得罪非小也

應可不戒歟

昔日連尊者共沙彌專頭飛到雪山阿耨大池上坐禪時沙彌見池邊金沙便作是念我當盛此沙著佛澡罐下目連從禪定起乘空而還時沙彌爲非人所持不能飛行目連顧視令捨金沙即乘空而去又一比丘將一沙彌隨看親里途中有非人化作龍來右繞沙彌以花散上讚言善哉大得善利彼到親里家已欲還親里即以錢與沙彌爲路糧沙彌持至中途非人復化作龍來左繞沙彌以土塗上說言汝失善利出家修道而捉錢行沙彌便啼比丘同視知其持錢便令捨錢非人復如前供養由是觀之爲害非小故佛喻之爲大毒蛇喪身敗德無不由之可不戒歟如上十戒前四是性罪謂其性本自是罪不由佛制故有無論在家出家作之即墮三塗故名性罪亦名根本戒以犯之如樹斷根不復更生長後六是遮罪由佛遮禁不聽毀犯故名遮罪設有違犯不得覆藏即須深生慚愧向師發露悔過斷後作心還得清淨如論云是中四是實惡酒是衆惡門餘者是不放逸道

因緣以能戒就梵行出世道故。故經云是戒能爲
比丘戒。菩薩戒乃至無上菩提。而作根本。佛告諸
比丘。我若不持戒。當墮三惡道中。尚不得爲下賤
人身。況能成熟衆生。淨佛國土。具一切種智。故知
寧捨身命。碎如微塵。不可毀犯禁戒。墮墮三塗。永
失菩提種子也。

沙彌律儀要略增註卷上

音釋

比丘 此云乞士。乞是乞求之名。士是清雅之稱。謂
內修清雅之德。外離四邪。福利衆生。告求資身。以
成清雅之德。新云慈。獨別有五義。如常可知。大智
律師云。乞士者。內則乞法以治性。外則丐食以資
身。父母人之至親。最先割捨。鬻髮世之所重。盡以
剷除。富溢七珍。棄之猶同於草芥。貴尊一品。視之
何啻於烟雲。極厭無常。深窮有本。欲高其志。必降
其身。執錫有類於枯葉。擊鉢何殊於破器。肩披壞

服。卽是弊袍。肘半絡囊。便同席袋。清淨活命。已沾
八聖道中。儉約修身。卽預四依行。內九州四海。都
爲遊處之方。樹下塚間。悉是栖遲之處。攀三乘之
遶駕。蹈諸佛之遺踪。稟聖教以無違。眞佛弟子。遇
世緣而不易。實大丈夫。可以戰退魔軍。揮開塵網。
受萬金之勝供。諒亦堪消。爲四生之福田。信非虛
託。乞士爲義。其斯之謂乎。

三明 一宿命。二天眼。三漏盡

六通 一天眼。二天耳。三他心。四宿命。五神足。六漏

盡

阿修羅 此云非天

四果 一須陀洹。二斯陀含。三阿那含。四阿羅漢

四十二位 十住。十行。十向。十地。等覺。妙覺

九界 天人。修羅。地獄。餓鬼。畜生。聲聞。緣覺。菩薩

二智 一世智。二無漏智

四機 一人天機。二三乘機。三菩薩機。四佛機

三途 地獄。餓鬼。畜生

詭譎 上音葵。下音決。詐也。戾也。

七聖財

信施戒聞慧慍實用成佛故名爲財

膠 音牢汁滓合而爲酒 域 音欲

符生 健帝子也 醜 音耽亦音鳩

鴟 朕去聲鴟鳥大如鴟紫綠色頸長臂亦長七八

寸食蛇雄名連日雖名陰諸

鴟 音大如斑鳩體有文而綠色其鳴則謂之

鴟 音蠶

蘇摩那華 此云稱意花色黃白極香

斫 音酌刀斬也

餽餽 上音魂下音認厚味之食也 項 音旭

餘 音褒 安邑 今平陽府是也

鹹冕 上音拂狀如亞亞音弗下音勉黃帝初作之

漁 兄字入聲薄漁也 黯 音歷

俳 音牌所謂歌笑類俳倡也 謠 音姚

八風 一條風二明度風三清明風四景風五涼風

六昌蓋風七不周風八廣莫風此八風一節四十

五日八節共成三百六十日成一歲

恭 音雞周年也又日行三百六十六日則復其初

度謂之恭年月行十有二月而歲周謂之恭月

絙 音桓緩也

弋梯 弋黑色也梯音題厚絙也

連 音據 散 音投

樂 音驢不孝鳥也又樂邀也擗蒲采名六博得邀

者勝

五石 白璞紫璞石膏鍾乳石脂

五果 一訶子二轉經勒似桃此方無也三餘甘子

四事發五胡椒

八漿 一梨二闊浮子三酸漿四甘蔗五棗六藕

七婆樓師似菓菓子此方無有八蒲萄如此八種

用物壓爲漿以囊濾之盛於淨器澄如水色方聽

飲之不得咬嚼及以煎湯今有食橄欖蜜瓜蜜冬

蜜煎山藥苡仁爲非時食者深爲非法不可啗也

俳優 演戲文也昔唐明王教戲於梨園今謂之梨

園子弟

五不翻 翻謂翻譯西天之文而爲東華之義原有

五不可翻一秘密二含多義三此方無有四順古

五令生善故

鑒後 武紀云。鑒後二十五。紘漢武帝命侯揮造因姓及聲坎坎。應節故名。爲坎侯。今訛爲鑒後。

塞 音賽。行棋相塞。謂之塞也。

天廟焚身姪女騎頭 昔者外國王有女名曰狗頭。有捕魚人名述婆伽。途中遙見王女在高樓上。意中染著心。生不肯暫捨。彌歷多月。不能飲食。母問其故。以情答。母我見王女心不能忘。母言汝是小人。王女尊貴不可得也。兒言我心願樂不能暫忘。若不如意。不能得活。母爲子。故入王宮中。常送肥魚以遺王女。而不取價。王女怪問。汝欲求何事。母曰。王女願却左右。當以情告我。惟有一子敬慕王女。情結成病。命不久遠。願垂愍賜其生。命王女言曰。語彼月十五日。於某天祠中。住天像後。母遺語子。汝願已得告之。如上沐浴新衣。在天像後。住王女主時。白其父王。我有不吉。須至天祠以求吉。福王言大善。即嚴車五百乘。出至天祠。既到。敕從者齊門而止。獨入天祠。天神思惟。此不應爾。王爲

施主不可令此小人毀辱王女。即覺此人令睡不覺。王女既入。見其睡重。推之不寤。即以瓔珞直十萬兩金遺之。而去。去後。此人覺已見有瓔珞。又問衆人。知王女來。情願不遂。憂恨懊惱。火內發自燒而死。以是證。故知女人之心。不擇貴賤。唯欲是從也。出大智論。○又昔者波羅奈國山中有一角仙。住山修道。被姪女扇陀誑誘。騎頭擔女入城。詳載經律中文多不錄。○狗頭或云地頭。

沙彌律儀要略增註卷下

菩薩戒弟子雲棲寺沙門 依宏 輯

菩提心比丘鼎湖山沙門 弘贊 註

○下篇威儀門

威儀者。謂有威可畏。有儀可敬。由持淨戒而梵行具足。堂堂僧相。衆德威嚴。故令人可畏。動靜合則。順順可觀。儀端表正。故令人可敬。顯出家之道。品人天之師範。所謂淨行成於道。儀清自圓於戒。品氣高。星漢威肅。風雲內懷。師子之德。外現象王。

之威人天讚承神龍欽伏故華嚴經云具足受持威儀教法能令三寶不斷是也今此下篇共有二十四章同出威儀一門是沙彌之車轍出世之初階也

佛制沙彌年滿二十欲受具足戒時若問不能具對沙彌事者不應與具足戒當云卿作沙彌乃不知沙彌所施行沙門事大難作卿且去熟學當悉聞知乃應受具足戒今授卿具足戒人謂佛法易行沙門易作故當先問

沙彌欲受具戒師問十戒諸威儀事不能具對答者不應與授具戒也卿是貴稱猶君呼臣也不知沙彌所施行者謂不諳沙彌律儀所應施為行事也沙門事大難作者謂比丘二百五十戒甚難行持也熟學者謂當精習十戒并諸威儀也當悉聞知者聞諸博問先知知謂自心了達人謂佛法易行沙門易作者由不知佛道至妙故言易行不識罪福運行法律交互故言易作凡為師者故當以此先問

以下條則於沙彌威儀諸經及古清規今沙彌成範中節出又宣律師行護律儀難誡新學比丘有可適用者亦節出長以末法人情多諸懈怠聞繁則厭由是刪繁取要仍分類以便讀學間有未備從義補入

二二
以下條則者謂下二十四威儀法則也沙彌威儀諸經者是沙彌十戒經事師法儀則經等古清規者是百丈清規及古德所撰箴規等沙彌成範是明笑巖月心禪師於十戒法等撰出行護威儀是唐道宣律師所撰然亦未詳其的何也其中有一二不合律文故也繁者多也謂由時當末法人多懈怠因情懈怠故開繁則厭心生由是於上經律清規中刪去繁文段段節略出其樞要仍分爲二十四類蓋由律海弘深探之不得其源義天高廣仰之莫窮其頂是以刪彼弘文撮爲要略以便初進習學知所向方補入者出大師手筆謂於威儀行事中有所未備者即隨其義類而補足之其有樂廣覽者自當檢閱全書

沙彌十戒法中威儀有七十二種欲樂廣知事義
自當檢閱彼文并沙彌諸律儀等

△敬大沙門第一

不得喚大沙門字

梵語沙門此云勤勞謂其修道有多功勞故又云
勸息謂勤修善品息諸惡故又云勸行謂勤修善
法行趣涅槃也瑞應經云息心達本源故號爲沙
門大沙門卽受具戒人字是名字喚是呼喚謂不
得稱彼二字名當云某甲大德或云某甲長老雜
阿含經云佛告諸比丘當恭敬住當常繫心常畏
愼若不恭敬不繫心不畏愼而欲令威儀具足者
無有是處不備威儀欲令學法滿者無有是處學
法不滿欲令五分法身具足者無有是處五分法
身不具足欲得無餘涅槃者無有是處

不得盜聽大沙門說戒

比丘布薩誦戒時及講說毗尼時沙彌不得私往
竊聽自獲重罪後永不得受大戒深宜愼之或見
大沙門二三人同室細語不得輒入若有急務當

彈指作聲然後入除比丘餘人細語亦如是以漫
他是非自招禍咎及亂正念故也

不得轉行說大沙門過

或比丘有所誤失不得背後說其長短亦不得屏
處罵大沙門及在前戲笑傲其言語形相行步等
大律云出家之人所有言說皆爲利益不應私忿
道說於他論云若向白衣說比丘罪惡則前人於
佛法中無信敬心事破壞壞像不向人說比丘過
惡若說過罪則壞法身

不得坐見大沙門過不起除讀經時病時剃髮時假
時作衆事時

若見比丘行過卽當起立唯除上五事不起無犯
若路相逢卽當下道正立待過方行凡有教益當
叉手立聽畢作禮謝之若被叱責不得張目視當
軟語悔罪引短向已莊嚴寶王經云若輕慢衆僧
者是人當墮貧賤家生隨所生處根相不具背偪
姓陋捨是身已而復生處多病癯瘦手足攣蹙而
有膿血盈流其身零落身肉經百萬歲受斯苦

報

行護云五夏以上卽闍黎位十夏以上卽和尚位雖比丘事沙彌當預知之

夏卽夏臘謂受具戒曾經爾所夏臘也和尙者胡言也此云力生謂由師之力生我戒身也若據梵語則云烏波駄耶此言親教師謂弟子親從受教也今此雖非親從受戒及與受教以其臘高德重故同師位也阿闍黎或云阿遮利耶此云軌範師謂其能教弟子法式也此有五種一與授十戒二與授大戒三與教授四與依上五與授經

△事師第二

當早起

事師者始終承奉不相離異名之爲事人之模範以道教人名之曰師又曰師長謂爲人之長訓物之規也或曰師父父矩也以法教子故律云弟子看和尚當具四心一親愛二敬順三畏難四尊重侍養承接如臣子之事君父如是展轉相敬重瞻視能令正法久住增益廣大也佛法中一夜分三

時謂初中後初後二時事師或禮誦坐禪中夜方臥息若遇中夜卽當先起自盥漱已然後具櫛枝澡水等候師所須

欲入戶當先三彈指

若入師房須在門外先彈指三聲令師覺已方入若有過和尚阿闍黎教誡之不得還逆語

若自有過失時二師教誡呵責當低頭受教不得逆師言語去後尤當思念依教行之成範云沙彌於師常懷敬畏隨順師意常懷慚愧念報四恩傍資三有

視和尚阿闍黎當如視佛

視謂瞻視以師能弘範三界代佛宣揚生我戒身長我慧命故應敬重視之如佛成範云若弟子衆多當各盡其職至於奉一茶一拂一几也

若使出不淨器不得睡不得怒恚

怒卽恚也又恨曰怒憤曰恚不淨器者謂大小便器唾瓶等不得唾者謂不得起厭惡心而唾痰涎當諦念此四大穢身聖凡自他俱所不免也

若禮拜師坐禪不應作禮師經行不應作禮師食師說經師梳齒師澡浴師眠息等俱不應作禮師閉戶不應戶外作禮欲入戶作禮應彈指三遍師不應應去

梳齒即剔刺梳刷洗漱牙齒也如上皆非禮拜時故不應作禮也等者或師剃髮洗足嚼楊枝或地有不潔或師有事不暇或有賓客等

持師飲食皆當兩手捧食畢飲器當徐徐

兩手捧是尊敬之貌徐徐是謹慎之儀飲是收飲也律云凡進飲食當適寒溫成範云爲師作食無論粗細俱要精潔必當適師性凡奉茶湯不得插指人蓋內當兩手屈四指以六指持羹腹平舉授師茶訖如前接盞行護云凡進藥茶鹽及一切食物量當喫盡逐時授之不得多授令有殘宿深須慎之若授師鮮果先須作淨或以火觸或以刀剖或用指甲割若果不堪爲種子者即不須淨甘蔗當去節芽楊枝應去芽或以火淨非時果漿須濾去滓澄清以水滴淨乃授與師

侍師不得對面立不得高處立不得太遠立當令師小語得聞不費專力

侍謂近承也對面高處皆失敬儀太遠則小語不聞致師重言故費專力律云不得離師七步成範云不得立師影中不得轉身低頭小語輕笑當身心肅敬一面立不得垂手立行護云在師前不得抓癢爪頭捋面不得對師著襪洗足等

若請問佛法因緣當整衣禮拜合掌胡跪師有語澄心諦聽思惟深入

因緣是經律中所說因緣之事或古德機緣等妄念不起故曰澄心諦聽是聞慧思惟是思慧深入是修慧然聽有三品以神聽爲上以心聽爲中以耳聽爲下若師獨坐時適行時顏色悅時即應問須立在一面舒容平氣至誠伸問字字明朗虛心聽受

若問家常事不須拜跪但端立師側據實申白家常事即僧家日用尋常事據實者按其事而直申啓白也若準大律亦須一拜胡跪請白且如欲

食時白者。就師一禮。胡跪白云。和尚存念我。今請白洗手洗器。欲爲食事。不審宜進何食。諸餘白事。類此。應知如有多事。一時并白。亦得。

師若身心修教去。應去不得。心情不喜。現於顏色。

凡問經問話。當候師意。不應自取其便。若師身心疲倦。不暇應答。教令且去。卽當隨順。師教去不得。心情不悅。自招罪咎。五十頌云。常慕於師德。不應窺小過。隨順成就。求過當自止。觀云。求師必在於盡善事。師必忘於師過。善恭敬經云。佛言。弟子於師所不得聽言。師所訶責。不應反報。師不發問。不得輒言。凡有所使。勿得違命。若於師所不起恭敬。說於師。僧長短之者。彼愚癡人。應如法治。師實有過。尙不得說。況當無也。若於師邊不恭敬者。別有一小地獄。名爲椎撲當墮。是中一身四頭身體俱然。狀如火聚。出大猛炎。熾然不息。於彼獄處。復有鉤鋸毒蟲。常師舌根。從地獄出生。畜生中恒食屎尿。捨彼身已。雖生人間。常生邊地。皮不似人。不能具足人之形色。常被輕賤。誹謗凌辱。離佛世。

尊恒無智慧。從彼死已。還墮地獄。更得無量無邊苦患之法。

凡有犯戒等事。不得覆藏。速詣師哀乞懺悔。師許則盡情發露。精誠悔改。還得清淨。

不自發露。故曰覆藏。精謂專心。純一誠謂至誠。無妄悔謂懺悔。所犯改調。改革前非。更不再作。故曰還得清淨。行護云。若被呵罵。當須自責軟語懺謝。念修戒定。以報師恩。成範云。凡有誤失。過咎師或示怒種種呵責。不得巧辭飾非。纔見師怒。卽當畏懼。飲容胡跪。師前。心懷愧耻。受責有過。則改無過。默然。

師語未了。不得語。

謂師誨示未畢。不得自述已言。以亂師誨。自失利。益復失尊敬。亦不得以理爭勝。

不得戲坐師座。及臥師牀。著師衣帽等。

無尊敬心。故有戲坐臥等。

爲師聽達書信。不得私自拆看。亦不得與人看到。彼有問應答。則實對。不應答。則善辭却之。彼留不得。便。

住當一心思師望歸

自看卽失恭敬之義。與他看卽有非宜之失。或他人附書信。亦不可開拆。以存厚道。無悞於人。人開書信。亦不可私窺。昔富弼使契丹。得家書不發而焚之。曰。徒亂人意耳。家書尙不發。況他書乎。入人家。不可看人文字簿籍等。應答者。謂其理順語有利。益則據實對之。不應答者。或其理固事當。避嫌疑有損佛法。則以善巧方便。言詞却之。思師望歸者。如孝子之念慈母。須臾不忘膝下也。經云。當直往。直還。當識師所語。亦當識人報語。

師對賓或立常處。或於師側。或於師後。必使耳目相接。候師所須。

非遠非近。故得耳目相接。身心照應。故無失師所須。成範云。凡見客至。當生恭敬。勿起傲慢。須添茶煎茶等。

師疾病。一一用心調治。房室被褥藥餌粥食等。

房室被褥。是調其外。藥餌粥食。是治其內。等者。謂所有應病之藥食。及所宜之器具等。餌者。謂凡是

可謂病之藥食也。行護云。常念觀音菩薩。願師痊愈。成範云。安設嚴室。忌風陰。處須牀褥厚軟。察師顏色出入扶策。如法調羹藥湯。藥餌少。連卽生歡喜。當以孝心和容奉事之。客來。請問善代。師語不應誼。聚當肅然晏靜。病若重。不得哭泣。師圓寂。不得違師誠。屬應一一如教遵行之。

持衣授履。洗浣烘晒等具。於律中。並不繁錄。

持師衣。當徐徐一手排上。一手捉下。正立。善師左肩。上師著已。復視上下文理。如法否。襦時。不得以口。啗當視上下。不使著地。還安常處。以淨物覆上。不得以餘衣物覆上。授履。當先抖擻。刷垢。不得大聲視。次比之。澡手已。方持衣物。凡洗浣。務令淨。用水亦不得大費。烘晒法衣。當待乾燥。有急事。行不得忘去。當付餘人事。畢。卽宜復餘洗鉢器等。備載十戒經。中文多。故云不繁錄。

附 凡侍師。不命坐。不敢坐。不問。不敢對。除自有事欲問。

不得擅坐。及擅自對答。除自已有事欲白。乃問。

凡侍立不得倚壁靠桌宜端身齊足側立

身偏側曰倚倚竟曰靠不對面曰側立五十頌云
又不應師前身現疲勞相屈指節作聲倚柱及牆
壁亦不踏門限壁法師曰恭已順命給侍之者曰
侍者菩薩從兜率下生經云侍者具八法一信根
堅固二其心覺進三身無諸病四精進五具念心
六心不驕慢七能成定意八具足聞智
欲禮拜若師止之宜順師命勿拜

禮者是伸敬之儀也若能順師命即是敬矣

凡師與客談涉道話有益身心者皆當記取

涉道話即法語執勞服役長自福基聞法記取潤
澤心地侍師之義誠在斯乎成範云或師詢客答
或彼問師酬不得聞異怪驚不得見笑隨笑當識
意語宗猷切心研味倘有見處當復呈師
師有所使令宜及時作辦不得違慢

辦謂備辦不顧曰違不敬曰慢又慢怠也

凡睡眠不得先師

意識惺然曰睡五情闇冥曰眠由此覆蔽身心善

法不生長論三界故當少睡宜起在師前臥在師
後多睡有五過一多惡夢二諸天不喜三心不入
法四不思惟明相五喜出不淨

凡人問師諱當云上某字下某字

諱即二字法名也若問字號當直云某甲和尚或
云某本師若問阿闍黎字號應云某甲軌範師若
非五種闍黎不得稱師五十頌云又復於師名不
應輒稱舉設有固問者當示之一字若問師年臘
及與州縣名一一皆須答

凡弟子當擇明師久久親近不得離師太早如師實
不明當別求良導

梵語室酒此云所教舊曰弟子學在師後名弟解
從師生名子若師道眼通明則盡壽事之倘或不
明宜別參知識沙彌本無離師之法以師不明故
別求良導以良導能導人至於至道故經云隨順
善師學得見恒沙佛是也幸無敬獨猴爲帝釋宗
瓦礫爲明珠宗瓦礫是不識法敬獨猴是不識人
不識法則慧眼失不識人則墮邪途故云汝師既

墮汝亦隨墮此之謂歟

設離師當憶師。誨不得縱情自用。遁世俗流行不正事。

不憶師誨。故縱情自用。隨世俗流行不正事中。心經云。佛言。知師恩者。見師則承事。不見則思惟師之教誡是也。

亦不得住市井闌處

聚貨交易之所。名市。古於汲水之處爲市。故曰市井。市中喧雜。故曰闌處。雖非市井諸餘闌處。亦不得住。

不得住神廟

血食祭祠。非出家者所居。梵王帝釋。由尙不敬況事酒肉之神。大違聖教。非佛弟子。

不得住民房。不得住近尼寺處

男女有別。故不近尼寺。處僧俗須分。故不住民房。一恐情生。漸染二令俗護謗。

不得與師各住而行世法中一切惡事

爲利販賣。交結往來。持俗豪強。學習奇藝。俳優受

雇通使四方。種植求利。皆曰惡事。

△隨師出行第三

不得過歷人家

從一家到一家。故曰過歷。縱過父母檀越家。師不聽。亦不得入。

不得止住道邊共人語

道路也。若遇親朋知識。當善辭却。無得共語而失隨侍也。

不得左右顧視。當低頭隨師後

顧視則散意。失儀。低頭則心端表正。

到檀越家。當住一面。師教坐。應坐。

住一面。謂侍立師側也。檀是梵語。此云施。謂彼能行布施。則便越度貧窮苦海也。

到他寺院。師禮佛。或自禮。不得擅自鳴磬。

檀是自專也。寺各有主。賓主須分。自具客儀。不得輒自舉動。故也。

若山行。當持坐具隨之。

或尼師壇。或蒲團。或隨所坐物。任持之。以便師坐。

也

若遠行不得相離太遠

太近則足蹈師影或步揚塵太遠則不聞師喚示
或致餘失五十頌云若足蹈師影獲罪如破塔
若渡水當持杖徐試淺深

淺則扶師渡過深則倩人荷輿

持瓶攜錫等具如律中文繁不錄

十戒經中持師澡瓶有十五事携錫有七事文多
故云不錄欲學者自當檢閱戒經

附 若偶分行約於某處會不得後時

偶者適然也不得後時者當先到約師處候勿在
師後方至

師受齋當侍立出生齋畢當侍立收觀

出生者謂施諸鬼神衆生之食須著淨器安於淨
處顯是檀越所施之物成範云候師齋訖收師檀
顯大律云食後施衣物名爲達觀是也案觀字本
從口今從貝訛也梵語具云達觀擊此言施在法
則曰法施在財則曰財施在家人應行財施出家

人應行法施一覽云財法二施始成功福慧兩全
方作佛

△入衆第四

不得爭坐處

須敬讓之

不得於座上遙相呼語笑

如有要事當彈指使覺輕語令知不得遙呼失儀

動衆笑則失非小矣

衆中有失儀當隱惡揚善

隱惡則自長德揚善則僧海增隆

不得伐勞顯己之功

事功曰勞自稱己功曰伐謂不得矜誇自能以顯

已功老子曰不自伐故有功是以君子不伐善也

凡在處睡不在人前起不在人後

一自離懈怠二無動衆念故不在前後也

凡洗面不得多使水

一防後人二自惜福古云熱水用人燒冷水用人

挑若不解修行縱有河沙福亦消清規云不得洗

頭有四件自他不利一汚盆二膩巾三枯髮四損眼

擦牙吐水須低頭引水下不得噴水灑人

由水引下故不灑人清規云右手蘸藥揩左邊左手蘸藥揩右邊不可再蘸恐牙宜口氣逼人不得高聲鼻涕嘔吐

從鼻出曰涕從口出曰嘔吐

不得於殿塔及淨室淨池淨水中涕唾當於僻處

口出曰唾非常道淨所曰僻處

喫茶湯時不得隻手揖人

喫茶湯揖人非時隻手揖人非禮

不得向塔洗齒及向和尚阿闍黎等

言塔則象羈像矣等者謂長老上座及尊客等

凡聞鐘聲合掌默念云聞鐘聲煩惱輕智慧長菩提生離地獄出火坑願成佛度衆生唵伽羅帝耶娑訶

初於聞中入流忘所故得煩惱輕長寂滅現前故曰菩提生超越世出世間故曰離獄出坑十方圓明是曰成佛獲二殊勝故曰度生絕名言離性相

故曰唵伽羅帝耶不住涅槃不住生死故曰娑訶若臥時聞鐘聲即起默念除病不起無犯若自鳴鐘應先念願此鐘聲超法界偈次念此偈又凡擊鐘須緩打前音將盡方續後聲如昔誌公借武帝道眼見地獄苦相問曰何以止之誌曰唯聞鐘聲共苦暫息遂詔天下寺院擊鐘舒徐其聲付法藏經亦令聲延長久增一阿含經云若打鐘時願一切惡道諸苦並皆停止若聞鐘聲衆說偈讚得除五百億劫生死重罪難喻經說偈云聞鐘臥不起護塔善神現現在緣果將來報受蛇身所在聞鐘聲臥者必須起合掌發善心賢聖皆歡喜

不得多笑若大笑及呵欠當以衣袖掩口多笑則失正念大笑則非威儀呵欠亦曰欠哇是憊倦之貌毗尼母經云氣有二種一上二下上氣欲出時莫當人張口令出要迴面向無人處若下氣欲出時不聽衆中出要作方便出外至無人處出然後來入莫使衆譏嫌惡入塔殿時不應放下氣和尚大德上座前亦不得放下風出聲若腹

中有病急者。應出外放。莫令人生惡。心大律云。若急下風來。當制若不可忍。者當下道在下風放。之若在禪房中。噤者不得放。恣大噤。若噤來時。當忍以手掩鼻。而噤勿令彈唾出。

不得急行。不得將佛燈私就。已用若然。燈當好以單密覆。勿令飛蟲投入。

凡所動靜。須護身威儀。舉步即當視地。勿傷蟲蟻。將佛燈私用。當照黑暗地。獄生失智慧。明覆燈如前釋。

供佛華取開圓者。不得先髣除委者。方供新者。萎者不得棄地踐踏。宜置屏處。

謂選開敷圓滿者。其半開及將殘者。勿取先髣踐踏。是無尊敬也。屏處是無人行處。亦非穢汚處。要用最經云。鼻嗅香者。由滅香氣。無其福。德正報。墮波頭摩地獄。世世鼻根無香味。日雲經云。香烟不盡放地。得越業罪。盡五百歲。墮糞屎地獄。何以故。由放逸心。故萎者。隔宿花也。經云。燭瓶並須淨拭。取花及楊枝。當呪願山澤樹神。不得拔其根株。當

直往還。不當慢情語笑。

不得聞呼不應。凡呼俱宜以念佛應之。

應字去聲。是答辭。或答南無佛。或答阿彌陀佛。或答阿大律云。當答言諾。

凡拾遺物。即當白知事僧。

或白知事人。或白本師。或置常住庫中。待物主來。言說與物相當者。與之。不得私匿。昔樂羊子得道。金與其妻。妻曰。妾聞志士不飲盜泉。廉者不受嗟來之食。況拾遺財。利以汚其行乎。羊子慚。遂棄金於野。苟其私匿。尚不如一婦人矣。

附 不得與年少沙彌結友

若非道安僧光之流。不可爲友。經云。非賢不友。非聖不宗。不孝之子。嗜酒之徒。志趣邪僻。履行凶險。不得交遊。往來之。鬻鬻虧損。道行成範。云。私狎惡師。惡友。數暫放逸。種種觸惱。本師師不容。懺當再堅求。懇乞師固不容。當速請師之親友宿德。轉爲請求。哀懺悔。永絕鄙惡。無復再犯。是故賢者有三畏。惡師惡友惡術。能障正道。開導邪途。早覺則善。

若不知返則生無少益死有長哀

不得三衣荷筒

此是比丘三衣優婆塞尚使畜之令念福田之相是解脫之服況沙彌而得荷筒少缺原爲令識福田之相及備進具時須非謂使其披著倘貧難辦理亦無過今時末法阿師不諳律典不知如來法制皆令沙彌披著五條七條致使在家男女受五戒者雷同披著深爲不法獲罪非輕詳如下辯

不得多作衣服若有餘當捨

多作多累縱恣幻軀故云進道嚴身三常不足方名少欲道人若自識無常念他貧乏故有餘卽當捨之

不得辦精緻拂玩器等粧點江湖取笑識者

不識四大皮囊故辦精緻迷惑正念故學粧點做他不法故取笑識者暫時猶尙不可況其終年玩弄所謂實玩暫時悲憂長久是也無繫累者曰江湖散人卽是走江湖掛搭之人也

不得著色服及類俗人衣飾等

色服謂紅紫黃綠白等宜著麁色縹衣類俗衣飾等者或顏色類似或製飾類似如小領窄袖雲頭

不得淨手搭衣

敬衣如敬塔故須淨手持著凡手持鞋襪下衣抓頭摩足觸不淨器並須淨洗方執餘淨物

凡上殿須束縛褲襠不得放意自便

恐有下毛脫落故須束縛若在餘時及小童子不束無過

不得閑走不得多言

閑走廢習多言縱口業

不得坐視大衆勞務避懶偷安

坐視是無懈避懶則損福經云當盡力作衆僧事不得私取招提竹木華果蔬菜一切飲食及一切器物等

梵語招提此云四方僧物屬常住私取卽犯盜盜經云若有所欲取當白知事人僧照禪師苦行禪定第一行法華三昧感觀音大士爲說法得無礙

辯才又見普賢大十乘白象放光證明。用衆僧鹽一撮作齋飲。以用無幾。不以爲意。後行方等懺法。忽見相起。計三年增長至數十斛。乃急買衣買鹽償衆。其相方滅。又釋道相暴死。至冥府見一榜題云。此人盜僧杓樹。截作梳材。寺僧道郭拾得殘木一櫛。仍堪作梳。直八十錢。當墮火燒地獄。相還說之。郭聞說。卽時償還。又煬帝二年。僧道明亡。同房僧玄緒。暮行野間。忽見寺往投之。遇道明不異。平日見衆僧。滿皆作血色。舉體火然。緒懼問之。明曰。此是地獄。吾爲取僧柴一束。煮染色。忘不賠償。當一年。然足受罪。褰衣見膝下並焦黑。因曰。公幸爲我買柴百束。賠還。常住并寫法華經一部。可得免苦。緒許之。歸寺依言爲辦。重往尋寺。寂無所見。智者聞之。執不毛豎。

不得談說朝廷公府政事得失及白衣家長短好惡
王臣政事是國家之正法。長短好惡乃俗家之是非。皆亂正念。亦招禍咎。故曰不得談說。經云不得

論說國家政事。評量優劣。出軍行師。攻伐勝負。是也。俗喜著白服。故曰白衣。

凡自稱當舉二字法名。不得云我及小僧。

僧者衆也。是四比丘已上之稱。尙非一比丘之舉。況一沙彌而得云乎。言小則輕於衆云。我則自矜於已出家。是塵外之賓。乃至對王侯。亦自稱名而已。沙門僧。鍾見齊武帝。稱貧道。帝曰。稱名亦無嫌。帝問王儉曰。先輩沙門對帝。何稱。正殿還坐。否儉對曰。漢魏佛法未興。不見紀傳。自後稍盛。皆稱貧道。亦聞預坐言貧道者。道謂三乘聖人所證之道。我於此道寡少。故曰貧道。論云。貧有二種。一財貧。二德貧。又一智貧。二法貧。故不言臣也。唐肅宗敕僧尼朝會。毋得稱臣。洪覺範曰。明教謔每歎沙門高尙。見天子無臣禮。自唐令瑄首襲其端。歷世因之。於是不疑。彼山林逸士。天子猶不得臣之。況沙門之道尊居三寶。爲世歸依者乎。故正宗記之首尾言臣某。以存故事。其間自敘。則止稱名。當時公卿莫不重其高識。統紀云。易曰。不事王侯。高上

其事記曰。儒有上不臣天子。下不事諸侯。後漢王
儒仲被徵。見光武。稱名不臣。有司問其故。對曰。天
子有所不臣。夫儒生。隱士。尚知以道自高。況世外
學佛名居。福田豈當臣事。世主自取汚辱。若肅宗
者可謂知尊釋氏深識大體者矣。

不得因小事爭執。若大事難忍者。亦須心平氣和。以
理論辯。不可則辭。而去動氣發。即非好僧也。

設被非法誣謗。尚當忍耐。以理伸辯。勿現於顏色。
若其人不可以理論。乃方便善辭。而去。況因小事
而自與爭乎。故經云。愼無愠訟。推直於人。引曲向
己。見有諍者。兩說和合。清規云。有理無理。並皆出
院。何也。蓋僧當忍辱。若執有理而爭者。即是無明。
故同損之息。諍於未萌也。大律云。不忍辱人有五
種。過一兇惡增長。二事後悔恨。三多人不愛。四惡
聲流布。五死墮惡道。

△隨衆食第五

聞鍵聲即當整衣服

凡木石銅鐵打而有聲者。名曰鍵。聞聲不預整。

理臨時則有食卒之失

臨食呪願皆當恭敬

食前念供及唱僧跋食後誦偈。呪願皆當起恭敬
心。不得散意。慢怠。自損已德。

出生飯不過七粒。麩不過一寸。饅頭不過指甲許多。
則爲食少。則爲慳。其餘蔬菜豆腐不出。

凡食是米麩所成者。方可出之。若蔬菜果蔬。是嚼
食。非五穀之噉食。不成。食故不出也。七粒者。言其
極少。以呪願力。故能令諸鬼神遍皆飽足。多則爲
貪者。是一時之權言。恐無識之徒。狼藉在地。令檀
越嫌少。則不成法。數反成褻慢。固非所宜。行護
雖云七粒。而無慳貪之說。清規云。飯不過七粒。太
少爲慳。亦無食辭。指甲許者。愛道經云。出生餅如
指甲大。是也。事鈔云。出生或在等供前後。隨情安
置。按四分律。佛令比丘食時。若人非人。應施與食。
乃至一搏。舊譬喻經及雜事律。不得食盡當留餘。
普施羣生。勿拘一類。智度論。令初食時。先獻三寶。
後施四生。涅槃經。因曠野鬼。受不殺戒。不得肉食。

幾死佛敕。隨有佛法處。悉施其食。若有住處。不施食者。是魔眷屬。非佛弟子。根本律。鬼子母。從佛受戒。已佛令。贍部州所有弟子。每於食次。施衆生食。於僧行末。設食一盤。呼其名字。及五百子。皆令飽食。并餘現在衆生。江山河海諸鬼神等。皆悉運心。令其飽足。

凡出生安左掌中。想念偈云。汝等鬼神衆。我今施汝。供此食。遍十方一切鬼神共。

其食當安淨盤子上。如無盤子。方安掌中。右手撥著淨物上。彈指三遍。念偈已。更念變食真言。普供真言。各七遍。大善。

凡欲食作五觀。想一計功多少。量彼來處。

計功多少者。謂當觀此食。因藥植耘。除收穫。酥治。春磨。淘汰。炊爇。而咸作夫流汗。合集食少。計多功。重辛苦。如是入口。卽成不淨。宿昔變爲屎尿。惡不欲見。我若貪著。當墮地獄。吞熱鐵丸。出爲畜生。償他宿債。如是觀已。心生厭離。方堪受食。量彼來處者。施主爲求福。故減自口腹。割妻子分而施將來。

若無修行。粒米難消。故云粒米重如山是也。

二付已德。行全缺。應供。

自當思惟。忖度已之德行。如不持戒。坐禪。誦經。營三寶事。則應虧行。缺不應受他供。施受則爲施所。墮德行。雖全猶須觀法。方消信施。故天台云。不問乞食。衆食。皆須作觀。若不入觀。卽潤生死。所謂學道不通理。復身還信。施長者八十一。其樹不生耳。年齒既已高。園中輩不生。教有明文。豈容不信。

三防心離過食等爲宗。

謂此心具足無量無明煩惱之過患。而貪瞋癡是其根本。故曰爲宗。行者時當防之。根本若遣。諸過頓離。故於美食不起貪想。於麤食不起瞋恚。於不麤不美食不起癡心。作是觀已。乃可受食。彌勒所問經論云。一切惡法皆從貪瞋癡起。是也。

四正事良藥爲療形枯。

四大成身。常爲饑渴所病。苟非飲食。則形枯色悴。無由進修。道業是以飲食正資身治病之良藥。修行進道之機關。如有貪著。則反成沉痾矣。阿育王。

經云優波笈多以一器盛滿乳糜又以一空罍並置一食食比丘前語言汝可待冷稍飲之而比丘食食心重便吹使冷乃并食之笈多曰乳糜雖冷汝心故熱復須冷之當以不淨觀爲水除此心熱若見飲食如服藥想比丘食竟即便吐出滿於空罍笈多曰汝可更食比丘曰不淨何可復食笈多曰汝觀一切法猶如淨吐因爲說法比丘精進思惟觀察得阿羅漢果

五爲成道故方受此食

不食則形羸色變道業難進今爲成就道業故受斯食苟不爲道則粒米難消故古德云爲成道業施將來道業未成爭消得凡爲受食當作此五觀若自知道業未成須深生慚愧故行護云所食須生慚愧當作觀法是也摩德勒伽論云若得食時口口作念第一是默念云願斷一切惡第二是念云願修一切善第三是念云所修善根迴向衆生普共成佛無呵食好惡

不得呵嫌食之麤美

不得以食私所與若撻與狗

物屬僧伽食無偏黨私與即犯盜盜衆食未竟與狗即成非法受食正當虔恭作觀撻與狗即非威儀矣

來益食不得言不用若已飽當以手讓却之

益者進也增添也言不用則失謙遜出聲復動衆念讓之則恭遜合儀矣

不得爪頭使風屑落鄰鉢中

自食尚不宜爪頭況同衆食斯有三過一動他念

二失威儀三膩手汚鉢得罪

不得含食語

設有人問咽已方應況自發言可乎

不得笑談雜話

心存五觀即無此過也

不得嚼食有聲

凡嚼食須合唇吻餅果當細嚼食之亦不得嚼羹粥作聲

如欲挑牙以衣袖掩口

不掩則自失威儀復令人厭惡心起

食中或有蟲蟻宜密藏掩之莫令鄰單見生疑心

鄰單即比座也若令彼見或疑忌心生致於變吐

不能復食也

當一坐食不得食訖離座更坐食

有病無犯

不得食訖以手指刮碗鉢食

是饑餓相非出家儀亦不得以舌舐食

凡食不得太速不得太遲

速則失儀遲則動衆亦不得遺粒狼藉而食不得

頰食不得縮鼻食等

行食未至不得生煩惱

行食是益食也五觀存心時懷慚愧則煩惱不生

矣古云欲飲四顧起貪心念食吞津咳嗽頻攪粥

噉羹包滿口開單展鉢響諸鄰

或有所需默然指授不得高聲大喚

需同須索也謂以指授令知彼爲取也

不得碗鉢作聲

如前第九戒中釋

不得食畢先起

除有急事及病不能久坐無犯

若違僧制閉白縫不得抗拒不服

白縫是舉罪之規抗拒是抵觸不順之貌如其不

服生瞋違和即非好僧古人聞善言則拜有告過

則喜斯皆聖賢氣象何不效之

飯中有穀去皮食之

命依食住道由食存故宜惜之不可賤棄志達禪

師一日宴坐有神跪於前師問爲誰曰護戒神也

師曰吾慮宿愆未殄汝知之乎曰師有何罪唯小

過耳師曰何也曰凡折鉢水亦施主物師常輟棄

之非所宜也言訖而隱師自此悉飲之

不得見美味生貪心恣口食

不知食之過患故恣食無厭如昔一沙彌貪愛酪

味死即作酪瓶中蟲復一沙彌貪著龍官香飯死

後爲龍欲奪龍官殺諸龍龍爲害非小是故於食

不可生貪心也

不得偏衆食

僧物偏衆。準直成罪。自物偏衆。是無慚人。僧未食。不得先嘗。若爲僧作食。欲知鹹淡。先嘗無過。昔唐登州文登縣郭行妻王氏生一女。鵲喙將終。自言。願先世嘗齋之報。以此示人也。

△禮拜第六

禮拜不得占殿中央。是住持位。

縱無住持。亦有監寺。復當妨後來之人住持者。弘揚正法人。乃善知識也。凡禮拜。須淨盥。漱露頂。跣足早起。及二時粥飯。當嚙楊枝。若不如法。潔淨禮便。獲罪。

有人禮佛。不得向彼人頭前。逕過。

逕近也。過也。逕過。一自失尊敬。二亂他觀法。獲罪非輕也。

凡合掌。不得十指參差。不得中虛。不得將指插鼻中。須平胸高低得所。

參差中虛。皆屬慢情。插鼻高低。是儀不中節。有失。

觀瞻也

不得非時禮拜。如欲非時。禮須待人靜時。

非時。謂不合衆規則。違逆僧制。人靜。則不令衆動念。

師禮佛。不得與師並禮。當隨師後還拜。

並是比丘齊禮。隨後。謂在師之身後。亦不宜逼近。故云還拜。

師拜人。不得與師同拜。

同拜。則尊卑之儀失矣。

在師前。不得與同類相禮。在師前。不得受人禮。

同類。禮則失尊師之分。受人禮。則失自卑之儀。

已手持經像。不得爲人作禮。

經像乃人天所尊。豈宜持之禮人。

附 凡禮拜。須精誠。作觀。教列七種。禮不可不知。

不雜餘念。曰。精。真實致敬。曰。誠。七種禮者。一。我慢。

禮。二。求名禮。三。身心恭敬禮。四。發智清淨禮。五。通。

入法界禮。六。正觀修誠禮。七。實相等禮。前二。非。

禮。後五。義有淺深。如除處釋。此不繁出。作觀後五。

禮卽是親。或作此禮。所禮性空寂觀。

△聽法第七

凡遇掛上堂牌。宜早上堂。莫待法鼓大播。

若不早往。臨時倉卒失儀。身心煩躁。不入法理。

整理衣服。平視直進。

衣整則儀肅。平視則心端。直進則表正也。

坐必端嚴。

身業肅也。

不得亂語。

口業肅也。

不得大咳嗽。

一則動衆。二則污地。三獲罪非小。詳如經說。凡聞

法如饑得食。如渴得飲。寸陰無棄。不厭多聞。方名

佛子。

附 凡聽法。須聞而思。思而修。

此是聞思修三慧。缺一不可。不可若聞而不思。如人種

田。不下種子。思而不修。如不灌漑。耘除終無結實。

三慧若立。則三乘之果可獲矣。

不得專記名言。以資談柄。

專記名言。如人說食。亦如數他珍寶。若資談柄。矜

誇知見。不求理悟。增長慢幢。知見立。知返成毒藥。

故云。學者爲四事墮落。如法律三昧經云。一學不

知善權方便。輕慢師友。無有一心。其意數轉。二學

文持進無有道力。但貪名譽。望人敬侍。三學所侍

師不勤苦。當得成就。虎師貢高。四好學。道反持異

術。比佛深經。言道同等。此之惡見。甚於毒藥。有害

法身慧命也。

不得未會稱會。入耳出口。

會者。領悟也。未會稱會。是自欺。不實入耳出口。無

契悟機。是欺他人。古人云。君子之學。入乎耳。著乎

心。布乎四肢。形乎動靜。小人之學。入乎耳。出乎口。

耳目之間。四寸耳。曷足以美七尺之軀。

年少沙彌。戒力未固。宜更學律。不得早赴講筵。

講筵。卽法席。乃講經處也。戒力未堅。則心志無定。

足跟未穩。隨風上下。況大小二乘。性相兩宗。奚能

融會。非捨此欣彼。則撥無因果。互相誑誑。致招無

聞重愆固不可不慎也。五苦章句經佛言。夫善知識欲教新學。稍稍以漸教語。魔事令護。魔因緣生。死罪苦五道。分明令信。罪福事。了了乃可。語道。

△習學經典第八

宜先學律。後學修多羅。不得違越。

學者覺也。覺悟所不知也。又學猶飾也。器不飾則無以成美。觀人不學。則無以成聖德。故學所以疏神達思。怡情治性。聖人之上務。古云。木無枝謂之。庖人不學。謂之。弊。自古聖賢。猶務於學。況今凡夫。有不學而成人者。哉。梵語修多羅。此云。經。經猶徑也。是三乘人遊履而通。至涅槃之徑路也。夫學必依聖教。不得違背。越次而學。故先律後經。如得繩墨。規矩在手。先經後律。如欠繩墨。則方圓失度矣。凡學一經。須先白師。經完更白。別學某經。

沙彌識見未廣。不知法之次第。學之所宜。故須先白師。許然後學。必日有所進。溫故習新。進業之暇。常在師側。大律佛令二種學業。一誦解。二禪思。禪以寂妄顯真。解以開發妙慧。般若經云。禪學謂之。

開智講學謂之演智。

不得口吹。經上塵。

一口氣臭。誠二失尊敬。心應以淨物拂之。文殊問經云。莊嚴供養具。以口吹去灰者。墮優鉢羅地獄。傍報作風神王。

不得經案上包藏茶末雜物。

以汚桌。輕經故也。清規云。私藏茶末。取笑傍觀。亦不得以外書及不淨器物。乃至頭帽扇等。安在佛經律上。

人閱經不得近彼案前。經行人。

自失敬儀。亂他心念。

凡經籍損壞。宜速修補。

籍是經典。損即速補。無至糜爛。經如父母。父母有病。可速治之。無至於難療。遲矣。

沙彌本業未成。不得習學外書。子史治世典章。

本業未成者。謂十律未淳。威儀未具。及沙彌所應學之經法。如四十二章。遺教法。華楞嚴經等。子史子謂百家諸子。史謂諸國史籍。凡有一代君臣。必。

有一代之史。史者所以記當時法。不法得失之迹也。如堯舜之德。必書跖驕之行。必書天時人事。善惡臧否。莫不畢錄。以警後世。取信將來。故謂之信史也。外書如三皇五帝之典。孔子姬旦之籍。乃至四書五經。孝以治家。忠以治國。修身養性。輔國利民。故云治世典章。由其教止。修身齊家。故名爲外三乘。聖教靜心。悉見自本性。名之爲內。輔行云。若學外書。小乘教中。爲伏外道。十二時許。一時習外典。若大乘中。初心菩薩。一向不許。且令進行。至六根淨位。學應不難。而亦未晚也。古德云。多知多事。不如息意。多慮多失。不如守一。慮多志散。知多心亂。心亂生惱。志散妨道。英賢才藝。是謂應弊。一技一能。日下孤燈。一能一技。空中蚊蚋。

附 不得揀應赴道場經習學

凡學習經典。須求理會。或誦誦或受持。若爲應赴。則不應學。應赴者。謂彼執錢鼓等從事。以應他赴。請名爲應赴。佛教中本無應赴之名。何有應赴之經。今言應赴道場。經是彼應赴僧爲人禮誦之經。

機及水陸科文等。然經懺乃如來無上法寶。受持一句一偈。則罪滅福生。永爲菩提種子。而將寶世間財利。誠爲可惜。或有信心。禮懺請僧。欲求福以利存亡者。佛唯聽比丘說偈。願乃至爲誦一經。足以利彼。殊無應赴之事也。

不得習學偽造經典

如金剛纂金剛論。血盆妙沙救苦分珠。受生北斗法華三卷等。又夢授心經。無垢子註太初語錄。斯等皆是魔說。

不得習學命書

謂以陰陽七政五運六甲占彼壽夭窮通之書。然天有可禳之災。患人有可轉之禍。福所以爲善。則降之百祥。不善則降之百殃。故云一念之善。祥風和氣。一念之惡。妖星厲鬼。一言之善。則災惡三移。稽古驗今。足爲誠鑒。況其事幽理微。罕能盡測。故漢桓譚曰。天道性命。聖人所難言。自子貢以下。不得而聞。況後世淺儒。能通之乎。縱能比知。實非釋子所宜有害。自他壞亂正法。禍非小也。

相書

謂察形貌觀神氣以達禍福之書。尋其書前後相傳共有二十七家。原無正宗。謬以達磨爲始祖。欲取信後人而誣謗聖人。罪若彌天矣。富貴貧賤好醜得失。皆由夙世自作善惡業。因故於今生報得。總別依正之果不同。此乃第八識相分所變。既相分已定。天地鬼神不能移易。唯自作善惡則能遷之。故非人所能測。豈可以形貌觀而知之耶。釋子勿被斯惑。

醫書

謂治病方餌之書。東華始自神農。察草木寒溫之性。辯君臣佐使之義。作藥方以療民疾。黃帝作內經。命俞附岐伯雷公。察明堂。究脈息。巫彭桐君處方。俱而醫道斯立。嗣後華陀扁鵲。葛仙公孫真人。張仲景等所集。皆曰醫書。西國則醫方明論及著婆之書。原非釋子所學。由亂道心。妨廢正務。倘一錯用。則自損損他。故如來有背痛之餘。報扁鵲貪公有不免之禍。刑縱得流水著婆之妙術。實非圓

頂方袍之宜習也

兵書

如太公之六韜。黃石公之三略。及孫武子之十三篇。斯皆征伐陣法之書。大非釋子所當學習。如大灌頂經。佛言我滅度千歲。後當有比丘樂習兵法。附近國王及諸王子。輔相臣民。以毀吾法。因是以後當遇惡心。斷滅吾法。塔像毀壞。無有神驗。善神不復營護。故使毀壞無人遮制。我之法化於是漸滅。

卜筮書

龜曰卜。著曰筮。著草一生百莖。用此占之以決疑。故曰卜筮。晉臣顧含郭璞嘗欲與之筮。含曰。年在天位。在人修已。而天不與者。命也。守道而人不知者。性也。自有性命。無勞著龜。世儒尙不肯爲。而釋子何更返學。實可羞也。

天文書

謂仰觀天象。日月星辰。彗孛變惑之變。以占國之豐險。人民之災異。其始自黃帝。項重唐和甘石等

書而佛教中亦廣明之如摩燈伽經有旃陀羅名
帝勝伽廣說二十八宿及七曜等一一各出其星
之名數星之形狀及以星姓祭法所須日行度數
又有六宿一日一夜共月俱行謂畢井鬼牛壁
七曜及羅睺等通爲九星又因於星行離日近遠
辯所生人善惡之相復占諸宿離日近遠辯於起
立成壞之相復占月在某宿天雨多少并日月薄
蝕所主之事復占日月所在地動吉凶之相後乃
爲佛廣破其相大論第十卷亦略辯星法謂若月
至昂張氏堪室胃地動屬水地神是歲無雨不宜
麥若至柳尾箕壁奎危地動屬龍神災同前若至
參鬼星軫亢翼地動屬金翅鳥災同前若至心角
房女虛井畢觜斗地動屬天帝安隱豐樂宜五穀
餘如星書非今所要亦非預釋氏之流故經云不
得仰觀曆數推步盈虛日月薄蝕星辰變怪山崩
地動風雨旱澇歲熱不熱有疫無疫一不得知有
犯斯戒非沙彌也

地理書

非明九州九道九山九澤國土之典是今堪輿家
擇生居死葬之書起自郭璞得青烏子青囊經
故能卜筮地理然禍福之定數由於前因前因雖
定修善可以滅其餘殃習惡即損其福祐修善可
補前非豈容積惡而圖地報之三多仁義不修而
求枯骨授之五福三代未所見有孔老亦未嘗言
故世云風水人間不可無全憑陰陽兩相扶實貴
若從風水得再生郭璞也難圖灌頂經云釋種童
子白佛言凡夫墳塚何故有諸鬼神依附佛言皆
是五穀之精妖魅幻化或橫死之鬼無所附著依
以爲靈或是樹木山林之精骨未朽爛故有微靈
骨若糜爛此靈即滅無有氣勢亦不能爲人作諸
福福或是鄉親新命終人在世無福又行邪詔應
隨鬼神或爲樹木雜物之精無天福可受地獄不
解離世間浮遊人村既無天福及諸飲食羞恐
動於人作諸變怪扇動人心凡夫聞見即便設福
之爲神或妖邪之師倚以爲神覓諸福祿欲得長
生愚癡邪見殺生祠祀死入地獄餓鬼畜生無有

出時可不慎之

圖識書

是符識之書。謂識記來驗符合無差也。

乃至爐火黃白

是丹竈黃白之術。淮南傳云有中篇八卷言神仙黃白之術共二十餘萬言。道家鍊真經云丹砂鍊之一返而成白銀。二返而成黃金。昔漢道士李少君奏曰。臣能凝汞鉛成白銀。飛丹砂為黃金。金成服之。白日升天。武帝信之。後悉無驗。唐武帝好仙道士趙歸真與金丹服之。藥發躁悶失常。遂崩。斯等皆獲欺君之罪。今有愚人屢受斯惑。至於亡身破家者不少。然釋子捨玉帛如棄涕唾。乃出家為道。長生異術不識。四大皮囊。棄自心性。求為守尸之鬼。萬無一驗。釋子知身如幻。世不久停。悟自本心。眞常不泯。豈可返生貪愛。學此陋術。誠為可耻。自惑惑人。玷辱法門。獲罪非輕。

神奇鬼怪符水等書

有福而靈曰神。無福而魅曰鬼。又鬼者欺也。欺人

以求飲食也。此謂降神降鬼。畫符呪水治病治鬼。邪巫幻術諸書。妄說吉凶禍福。惑人取利。起自張道陵。自稱鬼卒。道造符水醮錄之術。傳至張角。以妖術種種怪異。教民妄呪符水以治病。衆見怪誕神而奇之。故曰神奇鬼怪。角後叛為黃巾賊。乃至圓光扶機外道安宅呪。肢節呪。知人生死吉凶。呪解諸音聲呪等。自不作不教。他作灌頂經云。阿難白。佛言。如來所有言說。眞實不虛。然末世中多有誹謗。佛先說諸經法。有呪術者。或云應學誦持修行。或云不應修習。禁呪諸經法中更互不同。反覆前後。故使末世諸比丘等有信行者。有誹謗者是。故重問於世尊耳。佛言。我經中說諸禁呪術。不應行者。謂諸異道邪見法術。惑亂萬姓。但為利養以活身命。我所不許。今吾所演灌頂章句。眞實呪術。阿含所出諸經。雜呪。盡欲化導諸衆生。故不同異道為利養也。但為度脫衆生。危難遭苦患者。令得蘇息。故吾今總許。當來末世四輩弟子。入我法中。受持禁戒。多所缺犯。心不專一。急難之時。遭

疾苦難向諸異道見法中以求福祐欲脫衆難

不可得離不知宿對前世業緣而到異道所跪拜

問訊願見救護異道言隨汝所願吾當祈請上通

五官下言地祇令汝得福救度厄厄不復遭苦復

言或汝先身犯諸過惡或言七世殃咎所引爲王

官所錄受諸譴罰或言牽引滅及門族或言汝七

祖爲九幽所羅魂在太山當以正帛隨方之色救

贖汝等七祖之魂拔除汝等七世之過又言汝爲

山樹鬼神星宿之神所燒害致諸病痛當以白牛

白馬種種肥美飲食妓樂歌詠鬼神可獲大福除

汝厄難佛告阿難末世衆生爲諸邪師所惑殺衆

生命欲救厄厄殺者得罪天神地祇悉不瞰食是

故我今廣演灌頂章句眞實呪術化諸未信不解

道者汝當宣傳勿令毀失

不得習學宣卷打偈

卽今無爲教之金剛卷一人宣之衆人和之曰打

偈

不得習學外道書除智力有餘爲欲知內外教深淺

者可以涉獵然勿生習學想

雖亦作獵獵也內外教如前釋大經云佛告諸

比丘出家人應修慈學尋究經典不得披讀外書

我涅槃後有愚癡破戒人捨十二部經誦種種

外道典籍文頌手筆畜不淨物言是佛聽如是之

人以好旃檀置於瓦木以甘露易於惡毒故論云

若菩薩於佛所說棄捨不學反學外道邪論世俗

經典是名爲犯若上聰明人能速受學得不動智

於日月中當以二分受學佛法一分學外典若於

世典外道邪教愛樂不捨不作棄想是名爲犯法

苑云若一向廢內尋外則便得罪縱解理行唯可

暫習爲伏外道還須厭離進修內業務令增勝若

偏耽著則壞正法豈成僧寶若專讀外典歌詠琴

棋誦詩書徒消日月內教法藥救生爲急文典

理深辭華秘博能解一句演無量義新舊經論卷

軸數千言不窺檢一句之義外道不急之事日夜

勤學若謂白衣笑我無知不學世典者何如俗人

問我經義不能答耶居內不聞於外未足可羞在

內不解於內恥辱彌甚良由時將末法人命轉促無常交臂朝不謀夕恐一入冥途累劫難出得遇佛法想見無由雖經論許一分學外爲伏外道此爲上智聰敏者說先諸於內兼令知外機辯鋒芒出言關與內外博究遠爲師匠得如經說爲伏外道今自量身獨學無能神識常閉愚癡恒開自救無聊何能利人色香不通何辯藏夢願自思退省已爲學亦不得以佛經緣雜俗典如冥報記云唐趙文信遂州人貞觀元年暴死三日復甦云至閻王所王問汝修何功德答言一生以來不修功德唯好庾信文章集錄王言庾信是大罪人現在受苦願曾讀否答言雖讀渠文章未識其人王卽遣人引出庾信乃見一龜多頭龜去少時現一人身來云我便是庾信爲在生時好作文章妄引佛經以雜俗書誹謗佛法謂不及孔老之教今受龜身苦之極也

不得習學詩詞

志之所發於言曰詩言之所吐於文曰詞記云書

算卜術俗典文頌俱是世法非出家業故不聽學不得著心學字求工但書寫端楷足矣

楷卽楷書乃上谷王次中所作足以宣文顯義何更著心求工於草隸今時出家多有不修正務而晝夜求字精巧終年苦心迷不知省縱饒學到鍾王之妙程肝之巧亦何救於生死諸佛不讚闍王不受終爲廢物成何底事警訓云律制雜學以妨正業故學書不得爲好然古高僧亦多異學或精草隸或善篇章或習術數名或陰陽顯譽皆爲精窮內典傍涉餘宗無非志在護持助通佛化今時釋子名實俱喪能書寫則稱爲草聖通俗典則自號文章擇地則名爲山水卜術則呼爲三命豈意捨家事佛而隨順俗流之名本圖厭世超昇而翻習生死之業沾名邀利附勢矜能形則方袍心染浮俗畢身虛度良可哀哉

不得汚手執持經

因果經云觸手請經當墮廁中蟲報阿難請戒律論云僧尼白衣等因讀誦經律論等行語手執翻

卷者依忉利天歲數受畜報二億歲。鹿中恒被摺者苦痛難忍。若無記戲言捉經律論亦招南報。若安經像房堂。前者依忉利天歲數八百歲受畜生報。二億歲墮猪狗中生。若得人身一億歲恒常作客。栖屑不得自在。

對經典如對佛不得戲笑

經是佛語亦是佛師。故對經如對佛。一言一偈。千劫難逢。縱不解義誦之。亦種善根。故須特加尊重。律云。慎無臥誦經。若續覺疲倦懈怠。心生即當痛念人命呼吸如救頭然。又何暇於懈怠哉。

不得案上狼藉卷帙

帙音狄。經卷編次成夾曰帙。狼藉謂參差雜亂不齊整也。

不得高聲動衆

凡讀經要知句逗聲法華梵了然。若隨衆誦聲宜調和。不得自恃。若自習學聲須低小。勿動衆念也。

不得借人經看不還及不加愛重以致損壞

經法是三乘人之父母。同加愛護。無有彼此。如有不敬損壞者。俱得慢法之罪。借而故心不還者。即得盜罪。經云。借取與必分明。無違期約。以失信道。

△入寺院第九

凡入寺門不得行中央。須緣左右邊行。緣左先左足。緣右先右足。

行中央則唐突無尊敬。儀如世公府衙門下官。倘不得中進。況法王寶殿而可不迴顧左右乎。當隨門夾舉足出入。緣左手邊先舉左足。緣右手邊先舉右足。大律云。行時先下。脚跟後下。脚指平視。直進。迴時合身總迴。西國寺圖云。入出之時。悉轉面向佛。若禮三寶。常念體唯一。何者。覺法滿足名佛。所覺之道名法。學佛道者名僧。則知一切凡聖體同無二也。若入寺時低頭看地。不得高視見地。有蟲勿傷。傷殺當歌頌讚歎不唾。僧地若見草木不淨。即須除却。言寺者。圖也。謂治事者。相嗣續於其內。故天子有九寺。漢明帝永平十年。天竺摩騰法蘭二法師以白馬馱經像至洛陽。勅於鴻臚寺。

安置次年數於雅門外別建寺以白馬爲名不忘其本復名爲寺西國僧住處名僧伽藍此云衆園謂生長佛子之道芽也

不得無故登大殿遊行

殿安聖像敬像如佛在豈得無事遊行

不得無故登塔

塔無舍利佛像尙不宜登而況有手若爲供養花幡燈等登上無犯故古德云無事不須登佛殿等閑莫向塔中行不因掃地添香水縱有河沙福也傾

入殿塔當右邊不得左轉

右邊名吉左邊名凶凡邊佛邊塔自東而南卽成右邊非用自手爲右夫旋邊以敬慕佛爲義故當以佛爲右也文句記云左迴偏僻以表惡也右迴便易以表善也佛髮右旋凡人左旋故當從佛不得殿塔中涕唾

僧護經云在佛僧淨地涕唾汚地以是因緣入地獄中刀割已鼻火燒受苦不息詳如經說

邊塔或三匝七匝乃至十匝須知遍數

凡敬邊塔像遍數皆有所表三匝表供三寶除三毒淨三業滅三惡道得值三寶七匝除七支罪得七菩提分十匝除十使得得佛十力百匝除百煩惱得百法門提謂經云長者提謂白佛言散花燒香然燈禮拜是爲供養旋塔得何等福佛言旋塔有五福德一後世得端正好色二得音聲好三生天上四得生王侯家五得涅槃道何因緣得端正好色由見佛像歡喜故何緣得聲音好由旋塔說經偈故何緣得生天上由當旋塔時意不犯戒故何緣得生王侯家由頭迴禮佛足故何緣得涅槃道由有餘福故華嚴經旋塔偈云始欲旋塔當願衆生施行福祐究暢道意邊塔二匝當願衆生得一向意不絕四喜

不得以笠杖等倚殿壁

沙彌本無畜杖法或遠行及老持之入寺必須去笠欽杖若見二師上座尊宿皆投杖笠於地然後問訊若爲一師持杖師有顧問必抱杖然後答之

呂氏春秋曰。孔子抱杖而問其父。挂杖而問兄弟。曳杖而問妻子。蓋尊卑之有分也。若以杖倚殿壁。卽得輕慢之罪。故昔二十五祖七劫以前。當證二果。由以杖倚殿壁。緣斯過慢。遂失二果。寶梁經云。有一賢者。面上有國王文。相師見已。嫁女與之後時賢者。入寺杖倚寺壁。生憊慢。故失國王文。墮大地獄。可不慎哉。

△入禪堂隨衆第十

單上不得抖衣。被作聲。扇風使鄰單動念。

此具三過。一自顧。二扇塵。汚人。三令他動念。又凡人堂律教。令具五法。一須恭敬。尊重於人。二應自卑。謙下。如拭塵巾。三知坐起。俯仰。得時。四在衆中。不爲雜語。五不可忍事。應默然。

下牀默念。偈云。從朝寅旦。直至暮。一切衆生。自迴護。若於足下。喪身形。願汝卽時生淨土。

念偈已。復應念。呪七遍。喻地利日利。沙訶。

不得大語高聲。

沙門出。言語須恭。頌聲要柔和。方稱釋子之儀。

經手揭簾。須垂後手。

此離二過。一無粗躁。二不懷物。卷時。須面向裏。令

兩頭齊整。

不得拖鞋作聲。

行護云。凡著履。屐。先令腳跟著地。勿使有聲。

不得大咳嗽作聲。

無痰有聲。曰。咳。無聲有痰。曰。嗽。

不得鄰單交頭接耳。講說世事。

佛法尚不宜交頭接耳。況其世事乎。

或有道伴。親情相看。堂中不得久話。相邀林下水邊。

乃可傾心談論。

雖許傾心。只宜道話。不可恣談。世情。慈受禪師。護

規云。若是舊時道伴。遠地親情。相引林下水邊。方

可傾心談論。至於交關買賣。引惹雜人。盡非禪子

所爲。

若看經。須端身澄心。默然。不得出聲。

既觀習也。此明三業。肅清身端。則念正心澄。則理

生矣。

二板鳴即宜早進堂

早則身心輕安。事調停遲則倉卒妄念易生。

歸位默念偈云。正身端坐。當願衆生。坐菩提座。心無所著。

跏趺時復應念偈云。結跏趺坐。當願衆生。菩提堅固。得不動地。

附 不得穿堂直過

當沿前後行。箴規云。穿堂直過。豈不厚。顯尊殿。開行。恐招薄福。

上單下單俱當細行。勿令鄰單動念。

夫爲沙門。釋子。本具三千威儀。八萬細行。凡所舉

止。先須慎心。

不得單上寫文字。除衆看經教時。

除謂開聽也。

不得單上相聚。攝茶夜坐雜話。

此有三過。一則動念。二則散心。三犯非時。縱有非

時之藥。亦不應夜坐雜話。

不得單上縫補衣被。不得眠臥共鄰單說話。動衆

經云。食則無語。臥則無談。精勤思義。溫故知新。坐

則禪思。起則誦誦。戒行如此。眞佛弟子。

△執作第十一

當惜衆僧物

大律云。護常住僧物。如護已眼。瞋行護云。有損費

常住三寶等物。當賠償之。昔揚州白塔寺沙門道

昶。掌知僧物。自在侵用。忽有冥官數人。白曰。入房

曳繩下地。欲斷其頸。昶驚叫。乞命。官厲聲言。合房

資財。並逐還僧。當放汝活。昶叩頭言。不敢違命。即

鳴鐘集衆。盡捨衣物。造像設齋。冥官三日復至。見

昶一鉢一葷。不言而去。昶自是勉勵進修。卒成明

行

當隨知事者教令。不得違戾

違是乖違。不順戾是狠戾。不服

凡洗菜當三易水

易換也。當先擇去蟲蟻等。然後洗之

凡汲水先淨手。凡用水當諦視。有蟲無蟲。有以密羅

濾過。方用。若嚴冬。不得早濾水。須待日出

寒天早。薄忍蟲凍死。凡河水井水皆須觀察。無蟲方用。用有二種。一飲食。二澆濯。其水蟲極細。須諦觀察。不得就中洗手面。及大小便。薄羅有五種。一密絹。方羅。二陰陽。三君持。此二皆用絹。口細細。繫頂。沉放水中。待滿。牽出。四酌水。羅五角。羅用絹方一碟許。或繫瓶口。或置碗上。濾而用之。

凡燒竈不得燃腐薪

腐朽之木有蟲。故不聽然。經云。亦不得然生薪。濕薪。

凡作食不得帶爪甲垢

佛不聽留指甲。極長。聽至一麥。若帶垢不淨。作食得廁中鬼報。譬喻經云。有沙門作摩波利飯。比丘分酪酥著手。以手拭柱。柱即破裂。不可不慎。故凡棄惡水不得當道。不得高手揚。當離地四五寸。徐徐棄之。

惡水是洗器澆濯之水。不得當人行道處棄。滴

凡掃地不得逆風掃。不得聚灰土安門。扇後

謂不得堆積糞掃也。經云。掃地當令淨。不得有迹。

有即時掃却百緣。經云。掃地得五功德。一自除心垢。二除他垢。三去憍慢。四調伏心。五增長功德。得生善處。

洗內衣須拾去蟻虱。方洗

小者名蟻。大者名虱。拾淨而洗。方無傷生之過。

夏月用水盥了。須覆若仰。即蟲生。

夏月蟲生。無時仰。則有餘水。故蟲生。凡洗上衣之

盥。不得用洗足及洗下衣。襪等。晒時竿上。亦不得

相觸。不得含水噴法衣。

不得熱湯澆地上

傷生故也。亦不得以熱湯澆火令滅。

一切米麴蔬菜等。不得輕棄。須加愛惜。

今生不惜物。來世無受用。況常住衆僧之物。而不

深加護惜。可乎。

△入浴第十二

先以湯洗面。從上至下。徐徐洗之。

若別有淨水。則不宜以浴湯洗面。浴畢出外。當用

澡豆。或灰土。再三淨洗兩手。然後洗面。溫室經洗。

浴能除七病。一四大輕安。二除風氣。三除痺濕。四除寒冷。五除熱氣。六除垢穢。七身清目明。然亦不得數洗。除時因緣。

不得躡躑以湯水澆。鄰人不得浴室小遺。

小遺或云小行。或云小解。或云小淨。或云小便。淨地尚不可遺。況浴室中。僧護經云。比丘在淨地。大小便利。不擇處。所以是因緣入地獄中。作肉團。并火燒受苦不息。莊嚴寶王經云。若於常住地。踞唾者是。人生於娑羅樹中。爲針口蟲。經十二年。若於常住地。大小便利者。是人於波羅奈大城。大小便利。中生爲穢汚蟲。優鉢祇王經云。伽藍法界內地。漫亂大小便。五百生墮拔波地獄。後二十劫常遣肘手抱此穢地。乃至黃泉。

不得共人語笑。人天寶鑑云。一沙彌入浴。戲笑。遂感沸湯地獄之報。

戲笑。感報尙爾。其餘則可知矣。

不得洗僻處。

大小便處也。

凡有瘡癰。宜在後浴。或有可畏瘡。尤宜迴避。免刺人眼。

可畏瘡。即癰疽等。惡瘡。自須迴避。取水。則浴勿令人見。或人浴訖。最後方浴。不然。則損福招罪。不得恣意久洗。妨礙後人。

恣意。謂恣情縱意。經云。不得在中浣衣。附脫衣著衣。安詳自在。

謂不得輕躁倉卒。

浴前先洗淨。須細行。不得以洗淨水入浴。釜

當未入浴之前。先如法洗淨洗手。已然後入浴。今時有以少水在浴室邊洗淨。復不以灰土洗手。卽入洗浴。與不洗無別。甚爲穢汚。自汚汚他。感報不輕。

湯冷熱。依例繫綁。不得大喚。

依例。謂依常規也。其中浴具。盆器。澡豆等。當安置如法。用者亦須如法。免招後殃。如僧護所見者是也。

△入廁第十三

欲大小便卽當行莫待內逼倉卒

倉卒卽有失儀之過故須及時當行

於竹竿上掛直裰摺令齊整以手巾或腰縹繫之一作記認二恐墮地

直裰相傳前輩見僧有偏衫而無裙有裙而無偏衫遂合二衣爲直裰當揭疊掛竹竿上著內衣入大律令著覆肩衣入廁

須脫換鞋履不可淨鞋入廁

須脫鞋換履若鞋曾經入廁踐僧淨地及入堂殿獲報非輕罪如經說古云袂袒登闕草履遊山莫踐法堂回互著舊

至當三彈指使內人知不得迫促內人使出

三彈指內人不出自當待之或過餘廁

已上復當三彈指默念云大小便時當願衆生棄食瞋癡除罪法

已上登上廁也今此三彈指是警覺廁中陷不淨鬼等無致觸忤彼此兩損譬喻經云有一沙門不彈指小便濺中廁中鬼面鬼大瞋欲殺沙門沙門

持戒鬼不得便

不得低頭視下

視下或令不淨心生也若人後至須彈指令覺

不得持草畫地

不誦正念故畫地畫壁

不得努氣作聲

一自失儀二動他念

不得隔壁共人說話

文殊經云大小便時身口及木石不得作聲

不得唾壁

一恐誤觸非人二令人心生厭惡亦不得汚廁兩

緣

逢人不得作禮宜側身避之

一身儀不恭二處非禮所

不得沿路行繫衣帶

餘時脫衣繫帶尙不得沿路沉入廁乎

便畢當淨澡手未澡不得持物

今言澡手不言洗淨者略也先須取瓶添水令滿



安洗淨處如無另洗淨處可持入廁便訖先以物拭後用水洗以左手無名指小指揩洗令淨舉其左手右手抽衣開戶提瓶而出至洗手處用灰或土先洗左手七度次兩手俱洗七度留少水洗瓶內外還置本處歸房以淨水再三漱口便事乃畢詳載大律凡爲師者當如法教授佛言如是洗淨有大利益凡爲出家歸依於我以我爲師者咸應洗淨若不如法洗淨者不應過塔行道不合禮佛誦經自不聽他亦不受他禮不應啗食不坐僧牀不得入衆所持呪法皆無效驗若作齋供書經造像得福寡薄汝等皆當依我言教無得自欺作不淨業懈怠放逸爲下品行常墮惡道云云今時縱有洗者全不依法反成穢汚爲師不教弟子兩皆招罪俱墮三途如佛所說可不慎哉

洗手默念云以水盥掌當願衆生得清淨手受持佛法施主迦嚩耶婆訶

上偈念一遍下呪當念七遍其入廁洗淨去穢各各有呪詳如餘處清規云按大藏經緒經云夫登

廁者不念此呪假使十恒河水洗至金剛際亦不能淨律中小遺亦洗之然後以土洗手一二度

附 若小解要須收起衣袖又不可著褊衫小解不淨汚身汚衣受禮禮他皆得罪小解時須在缸邊不得向缸中解作聲及臭氣薰人褊衫是觀法衣禮敬之服故不宜著小便也褊衫原非佛制乃此方所造昔魏帝請僧人內供養宮人見僧偏袒右肩不以爲善遂作褊衫施綴於左邊覆肩衣上而覆右肩因名爲褊衫今隱覆肩衣名通號兩袖者曰褊衫如欲作者須開後縫截領方合原式

△睡臥第十四

臥須右脇名吉祥睡不得仰覆臥及左脇臥

凡臥須安枕或曲肱爲枕不得頭著席仰是修羅臥覆是餓鬼臥左脅是貪欲人臥沙門應如師子王臥順身右脅著席累足合口頭枕右手舒左手順身上不捨念慈思惟起想至後夜即起正座思惟已業亦不得齟齬臥云何如師王臥謂一切獸中勇悍堅猛師子最爲第一出家人亦以發動精

進勇悍堅猛最第一。由是因緣與師子王臥法相。似如是臥時身無掉亂。念無忘失。睡不極重。不見惡夢。故名吉祥也。

不得與師同室同榻。或得同室不得同榻。爲防惡人。恐有梵行難故。同室也。

亦不得與同事沙彌共榻。

同事謂同沙彌所施行事。或同師學者。如僧護比丘見地獄。二沙彌眠臥相抱。猛火燒身。苦不休息。佛言。迦葉。佛時是二沙彌共一被褥中相抱眠臥。以是因緣入地獄中。火燒被褥中相抱受苦。至今不息。

凡掛鞋履小衣等。不得過人頭面。

凡是下身衣物。不得高掛。

附 不得脫裏衣臥。

裏衣是近身著者。若上若下。皆名裏衣也。不得牀上笑語高聲。

前誠禪堂中臥語話。此誠房中睡時語聲。不得聖像及法堂前搖盪器過。

聖像是佛菩薩像。或羅漢祖師像。溺同尿小便也。

△園爐第十五

不得交頭接耳說話。不得彈指。膩火中。

交頭是雜語之端。彈指則臭氣熏人。大律云。若毛髮爪甲。涕唾皮血。餅果毒藥。著火中。皆得罪。清規云。不得撥火飛灰。

不得烘焙鞋襪。不得向火太久。恐妨後人。稍煖便宜歸位。

烘焙與太久。皆妨礙他人。策規云。淨髮園爐。禮宜謙讓。佛言。向火有五過失。一令人無顏色。二令人無力。三令人眼闇。四令人多。人閑集。五多說俗事。

△在房中住第十六

更相問訊。須知大小。

問訊謂發言詢問。生年戒臘。及與居安利否。學業日進否。若有得失言語。即乞歡喜。不得輕宿。互相讚美。不得背相是非。

欲持燈火入預告房內。知云火入。欲滅燈火。預問同房人。更用燈否。

入時預告免彼有失。饑倉卒滅時預問慮他須用。亦不得釘破牆壁掛燈懸物。果報如僧護經說時。時須檢點火燭勿令失誤。

滅燈火不得口吹念誦不得高聲。

口吹卽失儀。復令臭氣熏人及傷食火之蟲。亦不得以手風扇滅。當用物折去。殘炷徐隱。由中高聲則動他心念故也。

若有病人當慈心始終看之。

經云八福田中看病爲第一。善生經佛說偈言人當瞻疾病問訊諸危厄。善惡有報應如種果獲實。世尊則爲父經法以爲母。同學者兄弟。因是而得度。大律云看病有五功德。一知可食不可食。二不惡賤便利唾吐。三有慈愍心不爲名利。四能經營湯藥至瘥或終。五能爲病人說法令生歡喜。有人睡不得打物作響及高聲語笑。響同響物應聲也。

不得無故入他房院。謂無事之故不得輕入他房院中。

△到尼寺第十七

有異座方坐無異座不得坐。

異座謂非尼常所坐者。以男女有別座必須分故也。

不得爲非時之說。

謂非宜說法之時則不應爲說。

若還不得說其好醜。

謂不得論說其是非好惡及彼形貌也。

不得書疏往來及假借裁割洗浣等。

書以達意疏以陳事。假卽是借。裁割是縫補洗浣。卽漿洗衣服等。斯皆恐生慚染及招譏謗故不聽也。

不得手爲淨髮。

謂不得親手爲其剃髮。成範云亦不得把手教剃。式不得入厨教作美食。非師差使縱過尼寺門不得擅入。

不得屏處共坐。

一生漸染二令他疑謗。

附 無二人不得單進不得彼此送禮

單進則令他護送禮即非出家所宜

不得囑託尼僧入家資家化緣及求念經懺等

求念經懺自失清高託化緣招他護送

不得與尼僧結拜父母姊妹道友

一爲世俗嫌疑二重結生死之累大非釋子出世

人之所爲也

△主人家第十八

有異座當坐不宜雜坐

謂不得與俗共相雜坐當自別座而坐亦不得蹲

坐箕坐交脛坐搖身坐搖足坐數起數坐等

人問經當知時慎勿爲非時之說

若戲問若難問等皆不應說當觀前人根器宜問

何法應說多少不得過說儀則經云說法不當機

他聞心不喜命終受大苦大經云若有受持讀誦

書寫宣說非時非國不請而說輕心輕他自欺隨

處而說反滅佛法乃至令無量人死墮地獄則是

衆生惡知識也大律云有五種人問法皆不應爲

說一試問二無疑問三不爲悔所犯故問四不受

語故問五詰難故問並不得答若前人實有好心

不具前五意爲欲生善滅惡者乃隨機方便好心

爲說若自解未明若於法有疑者則不得爲說恐

令前人有錯傳之失彼此得罪

不得多笑

亦不得凝笑狂笑無緣笑皆由散心故失自珍重

令他譏嫌也

主人設食雖非法會亦勿失儀軌

凡爲受食須具威儀軌則如同衆食法會無別故

行護云入俗家坐起須具威儀發言慈善不得顯

曠勿說世間事當說法語增其善心常攝六根不

得放逸

無犯夜行

夜則勿去早須歸寺

不得空室內或屏處與女人共坐共語

一恐漸染情生二令他人譏議

不得書信往來等同前

同前如不得與尼假借裁割洗浣等

若詣俗省親當先入中堂禮佛或家堂聖像端莊問

訊次父母眷屬等一一問訊

此言問訊謂合掌低頭而已長揖亦得若家有佛

像觀音菩薩像應禮若香火神像只宜合掌低頭

父母等當加訊問與居

不得向父母說師法嚴出家難寂寥淡薄艱辛苦屈

等事宜爲說佛法令生信增福

說師法嚴苦屈等事即令父母生姑息子之愛心

於三寶所不生敬仰之念遂長淪苦海若爲說佛

法則彼信重心生福慧增長超越輪迴是卽度父

母出於生死苦海矣

不得與親俗小兒等久坐久立雜話戲笑亦不得問

族中是非好惡

與小兒坐立雜笑非出家義問俗是非好惡汚自

心地

若天晚作宿當獨處一榻多坐少臥一心念佛事訖

卽退不得留連

不得與小兒僕婢同牀被席故獨處一榻以防梵

行難復令彼信敬心生故多坐少臥離妄想境故

一心念佛常憶師誨如子念母故不留連

附 不得左右邪視不得雜語若與女人語不得低

聲密語不得多語

言無有私故不低聲密語發言合則故不雜語多

語

不得詐現威儀假粧禪相求彼恭敬

沙門雖具威儀而不詐現求恭雖具禪默而不假

粧邀名

不得妄說佛法亂答他問自賣多聞求彼恭敬

妄說佛法言無宗緒故失旨亂答欲求恭敬亂答

失旨而反招他輕慢

不得送盒禮效白衣往還

送往酬還乃俗家所作交結世情非釋子所應大

集經佛言若有四方常住僧物或現前僧物屬信

檀越重心施物或花果樹園飲食資生牀褥臥具

湯藥一切所須私自費用或持與知識親里白衣

此罪重於阿鼻地獄所受果報復說偈言寧以利刀自割身肢節身分肌膚肉所有信心捨施物俗人食者實爲難寧吞大赤熱鐵丸而使口中光炎出所有衆僧飲食具不應與俗及私用云云亦不得以僧物貯積販賣出賣收賤與世爭利亦不得云此是我物別衆而食如昔日連攜福增比丘入海行次見一大喬樹多蟲圍咬其身乃至枝葉無有空處大叫震動如地獄聲福增問目連目連答曰此樹是昔營事比丘用常住物花果飲食送與白衣今受此花報後墮地獄嗟樹諸蟲卽是得物之人又唐西京勝光寺沙門孝養親姻往來數以寺果啖之未幾得嘔血之疾自云每欲疾作見赤衣使者將往黑林中大風吹散枝節頃之又引向臺觀上一人儀容可畏厲聲責之曰何得以寺家果飼親姻言已而失聲權卽計直憤衆僧月餘乃免如此因果歷然聞者可不懼哉

不得管人家務

此有三過一自生狗心二家人憎嫌三外人譏謗

不得雜坐酒席

大非出家所爲諸過由此而生

不得結拜白衣人作父母姊妹

今時此類頗亦多矣皆由出家初念不正是致顛倒而不自知故輔行云捨所親棄恩愛居蘭若修三昧更結異姓爲兄弟父母倒之甚也

不得說僧中過失

人非聖哲孰能無過迦葉起舞堯舜病諸自無慧目豈察他非但德如海佛猶親讚若生非說自招苦報

△乞食第十九

當與老成人俱若無人俱當知所行處

乞食有十利一活命自屬不屬他故二施我食者令住三寶然後當食三常生悲心四隨順佛教五易戒易養六破憍慢七無見頂善根八餘善人見當效之九不與男女相親十次第乞生平等心若與老人耆宿俱則過失不生離五家故曰所可行處一唱令家二姪女家三酤酒家四王官五屠

殺家

到人門戶宜審舉措不得失威儀

舉措猶動靜也審謂諦觀自身威儀而令詳序也

家無男子不可入門

一令他疑訪二防梵行難

若欲坐先當瞻視座席有刀兵不宜坐有寶物不宜

坐有婦人衣被莊嚴等不宜坐

瞻視者觀察也刀兵謂兵家器械刀斧矛稍弓箭

等坐則必有所傷或令彼生瞋怒故不宜坐寶物

及婦人衣等坐則令人譏議彼後有失即於已生

疑故亦不宜坐也

欲說經當知所應說時不應說時

若無男子老人在傍乃至戲罰等皆是不應說時

若有信心爲分別戒定慧令增信敬是應說時

不得說與我食令爾得福

自付何德何行致他得福自讚得食可不羞顯

附 凡乞食不得哀求苦索

哀求則自失清高苦索則令他生厭

不得廣談因果望彼多施

有希望心縱令少施亦不得受諸佛常法爲彼說

法然後施者佛即不受況有希望心而可受耶

多得勿生貪著少得勿生憂惱

一切飲食從糞壤中來故勿生貪著爲治穢心起

得支身便足故勿生憂惱

不得專向熱情施主家及熱情梵院索食

不畏人厭故數向熱情自無慚恥故每索他食佛

言畜生尚畏人乞況於人手

△入聚落第二十

無切緣不得入

聚衆也落居也謂衆人所共居住故名聚落切緣

者爲三寶常住師長父母切要之事非爲募緣及

已私務等如無切緣不得輕入聚落以汚自六根

或爲人所犯佛語經云比丘在衆身口精進諸佛

咸憂比丘在山息事安臥諸佛皆喜故古德云僧

住城隍佛祖呵先賢都是隱巖阿山泉流出人間

去清水依然成濁波

不得馳行

馳卽奔走也

不得搖臂行

謂垂手掉臂也行。護云不得垂手入行

不得數數傍視人物行

謂左右顧視也行。護云行常直視看地七尺勿路

傷蟲蟻

不得共沙彌小兒談笑行

一自散亂身心。二令見者不生信敬。清規云不得

把手共行說世諦是非

不得與女人前後互隨行。不得與尼僧前後互隨行

僧俗有別。男女須分。無令他譏謗玷辱法門。路中

相逢。善自迴避。正法念處經云。若比丘畏於惡名

則離諸過。乃至不近黃門女人同路一步

不得與醉人狂人前後互隨行

隨行必有所指。路逢卽當遠避。或別道而去。凡事

馬狂犬惡獸等。亦須遠避之

不得後故視女人

智度論佛說偈云。寧以赤銅宛轉眼中。不以散心邪視女色

不得眼角傍看女人

經云。禁閉六情。莫觀美色。目不瞻眄。心無念姪。口無言調。跡不相尋。無同船載。道逢無談。若持異物

無察視之

或逢尊宿親。俱立下傍。先意問訊

若路逢出家在家知識。皆須立道下傍。待彼前過

猶當先意低頭合掌問言。何所之適。彼既答已。復

言好行好行者。意謂願彼現前離於疾病水火兵

賊毒蟲王難等。當來於人天中往還也

或逢戲幻奇怪等。俱不宜看。惟端身正道而行

攝念則身端。不看故正道而行。戲謂唱令歌曲。乃

至一切戲弄之技。幻謂幻術種種變現。惑人奇怪

謂一切駭人心目者是也

凡遇水坑水飲。不得跳越。有路當遵行。無路衆皆跳

越則得

雖得亦自量。能及有人伴方可跳越

非病緣及急事不得乘馬乃至戲心鞭策驅驟

驟音驟走馬曰馳疾速曰驟大律聽老病者騎乘但不得乘母畜分女乘

附 凡遇官府無論大小俱宜迴避

或避入入門首或端立簷下或拱立道傍待過方行

遇鬪諍者亦遠避之不得住看

看則失儀或招非禍大律云若看象牛馬乃至雞關及人口諍者得罪

不得回寺誇張所見城中華美之事

華美是壞人心之劫賊流轉生死之苦因古人目不接非禮之色口不談市井巷里之言出世之寶不染俗塵何足誇張唯當思念苦空無常無我始是釋子之所宜也

△市物第二十一

無諍賈賤

須順時價不可減與虧損彼利不宜過與減賈信施常住

無坐女肆

陳貨之店謂之曰肆

若爲人所犯方便避之勿從求直

直是價直若爲他人侵犯諍買即宜善自避去

已許甲物雖復更賤無捨彼取此令主有恨

先甲後乙謂已先許買彼人物後雖更有賤者無得捨彼先賈取後賤者令先物主懷恨復非道人之心

慎無保任致倦負人

信於人者曰保任倦謂罪然負謂負債若保任彼之倦負終成怨謗乃自招殃累也

△凡所施行不得自用第二十二

凡出入往來當先白師

大律云唯餘五事不白師自外一一皆須白師不白得罪一嚼楊枝二飲水三大便四小便五界內四十九尋內禮佛塔師乃最事度時與其遮止作新法衣當先白師著新法衣當先白師

法衣即縵衣及涅槃僧也縱非法衣但是新衣告

當白師師當察其來處及衣色製造如法不如法方與著之以色量製度應法故云法衣

剃頭當先白師

白言某人爲我某甲剃頭師許然後剃

疾病服藥當先白師

纔覺有病卽當白師令知若服何藥師許方服

作衆僧事當先白師

或師有所教敷復無失侍之過故須先白

欲有私具紙筆之輩當先白師

紙筆有廢禪誦正務師許然後具之

若諷起經唄當先白師

唄是梵音讚誦也凡初起諷誦當先白之

若人以物惠施當先白師已然後受已物惠施人當

先白師師聽然後與

師許乃受師聽方與始免譏議後患之非

人從已假借當先白師師聽然後與已欲從人借物

當先白師師聽得去

智見未深可否寧藏故須先白若師聽許然後與

取不知時宜錯失難追

白師聽不聽皆當作禮不聽不得有恨意

凡所白事聽否隨師教敷若心生不喜卽自護愆過

附 乃至大事或遊方或聽講或入衆或守山或興緣事皆當白師不得自用

凡所施爲行事不得自用已情故曰皆當白師遊方謂參訪知識聽講謂聽講三藏聖教入衆謂入大僧衆中守山謂守護山門竹木等興緣謂興建寺院裝塑等緣然遊方興緣原非沙彌所應爲沙彌只宜學習禪誦禪誦通利爲之未晚

△參方第二十三

遠行要假良朋

良朋者善友也禮記云同門曰朋同志曰友順正論云善友者能爲衆行本故歎豫經云賢友者是萬福之基現世免王之牢獄死則杜三途之門戶升天得道皆賢友之助矣瀛山云遠行要假良朋數數清於耳目所謂生我者父母成我者朋友以

友輔仁品。藻人物。故良朋有互相切磋之功。琢成法器之用。如渡大海。帆柁相須。是以如來令互相敬重。如視世尊。自學自修。如人夜行。無燭若無善伴。寧自孤遊。莫狎惡友。損已正行。故捨緣銘名邪師。惡友。畏若狼虎。善導良朋。親如父母。成範云。擇友直如雲巖。道吾雪峯巖頭等。可爲百世一遇之幸甚也。或見識稍勝。志行多同。亦可爲友。倘少有不和。則不若無也。心地觀經云。一切菩薩修勝道四種法。要應當知親近善友。爲第一。聽聞正法。爲第二。如理思惟。爲第三。如法修證。爲第四。十方一切大聖主修。是四法證。善提因果。經云。朋友有三要法。一見有失。輒相曉諫。二見好事。深生隨喜。三在苦厄。不相棄捨。如斯等語。乃佛祖之格言。萬世之良規。可不深信者哉。

古人心地未通。不遠千里求師

古德心地未明。訪尋知識。不以千里爲遠。成範云。夫爲法求師。不無審別。若未的見深識。慎不可逐人風聲。而輒擬重輕。親疎若據實而言。祖佛堂室。

掩默斯久而諸方師法求其彷彿者。數矣。附。年幼戒淺。未許遠行。如行不得。與不良之輩同行。

不良之輩者。惡友也。濟山云。狎習惡者。長惡見。見。曉夕造惡。即目交報。沒後沉淪。一失人身。萬劫不復。

須爲尋師訪道。決擇生死。不宜觀山。翫水。惟圖遊歷。廣遠誇示於人。

無上菩提。非知識莫能開導。故須尋師訪道。生死長途。迷悟由已。故自當決擇。觀山翫水。何益身心。誇示廣遠。奚增道味。真爲生死之人。又何暇於斯乎。

所到之處。歇放行李。不得徑入殿堂。一人看行李。一人先入問訊。取常住。進止方可安頓。行李入內。

行李。或作行理。通用。或云。裝包。即行囊。人遠行。必有之也。寺制不同。規矩各異。禮無一定。事須見機。故云。取其常住。進止方可安頓。入內。

△衣鉢名相第二十四

五條衣梵語安陀會此云中宿衣

謂近身住也

亦云下衣

謂三衣中此爲最下著者

亦云雜作衣

謂院內作諸勞務時著也

凡寺中執勞服役路途出入往還當著此衣

作法長短詳如大律

搭衣偈云善哉解脫服無上福田衣我今頂戴受世
世不捨離。庵悉陀耶婆婆訶

此偈上二句出名義下一句是發願以因招果故
庵下字是呪密語非名言可能釋也然三衣名義
衆多或名忍辱證謂能降伏衆魔故亦名蓮花服
不爲欲泥污染故亦名救龍衣龍得一鱗不爲金
翅鳥所食故今名解脫服以生死煩惱由斯解脫
故又名福田衣由能生衆善故無上者謂此衣具
如上功能天上天下乃至九十六種外道之服無
能上於此衣者故三世如來皆著此衣而成道果

也餘義此不繁錄

七條衣梵語鬱多羅僧此云上著衣

謂於常所服者此在其上也

亦名入衆衣

謂入衆僧中時著也

凡禮佛修懺誦經坐禪赴齋聽講布薩自恣當著此
衣

布薩此云長淨自恣謂自身有過恣任僧舉也

搭衣偈云善哉解脫服無上福田衣我今頂戴受世
世常得披。庵度波度波婆婆訶

戒壇經云五條衣斷貪身也七條衣斷瞋口也大
衣斷癡心也故華嚴經云著袈裟者捨離三毒也
佛告阿難過去諸佛弟子著如是衣未來諸佛弟
子亦著是衣如我今日以刀截成沙門衣不爲得
賊所劫此是解脫服福田之衣若有衆生起一惡
心向三世諸佛辟支羅漢及著染衣人獲罪無量
所以者何壞色之衣是賢聖標式若能發心敬染
衣人獲福難量我由信心敬戴之至故得成佛高

僧傳云唐貞觀五年安養寺慧光法師弟子其母貧寒內無小衣來入子房取故袈裟作之而著與諸鄰婦同聚言笑忽覺脚熱漸上至腰須臾雷震鄰婦百步之外土泥兩耳悶絕經日方得甦醒所用衣者遂被震死火燒焦躡上背曰由用法衣不如法也其子收殮又再震出乃露骸林下方終消散是知受持法服惠及三歸之龍信不虛矣又有一山居僧在深巖宿以衣障前有鬼神來形極可畏伸臂內探欲取宿者畏闕裂袈裟不得入遂得免脫如是衆相難可具述

二十五條衣梵語僧伽黎此云合亦云重

謂割截而合成又重作也

亦云糲碎衣

謂條數多故也

凡入王宮升座說法聚落乞食當著此衣又此衣九品下品有三謂九條十一條十三條二長一短中品有三謂十五條十七條十九條三長一短上品有三謂二十一條二十三條二十五條四長一短搭衣偈云善哉解脫服

無上福田衣我今頂戴受廣度諸羣迷摩訶迦波波叱悉帝婆婆訶

衆生不悟故曰羣迷諸佛已悟故號大覺此之三衣原是比丘法服今欲令沙彌預知名相殊勝故附於末非爲使其披著沙彌欲搭縷衣藏經中自有偈云大哉解脫服無相福田衣披奉如戒行廣度諸衆生百一羯磨云求寂之徒縷條是服而有輒披五條深爲罪蓋神州之地久屬斯風此成非法勿令披著也此是唐三藏義淨法師親遊西域觀五天竺境及諸部律文並無沙彌披著比丘割截之衣特此垂示以發千古之迷既云此誠非法其罪誰當代受爲師者不可不知爲徒者又不可不慎也

鉢梵語鉢多羅此云應量器謂體色量三皆應法故體用瓦鐵二物色以藥烟熏治

鐵鉢用杏子麻子稻麩等熏作黑色鴿色或孔雀咽色

量則分上中下

上鉢受一斗下鉢受五升二內名中鉢

具梵語尼師壇此云坐具亦云隨足衣開具偈云坐具尼師壇長養心苗性展開登聖地奉持如來命唯檀波檀波婆婆訶

謂將隨行以便坐臥用護身護衣護僧臥具故制也戒壇經云尼師壇如塔之有基也若無坐具以坐汝身則五分定慧無所從生既云坐具今時用爲禮拜全乖本制律或令四角貼故今不解謬謂爲四天王致使足不陷上復有以不淨鞋履踏上過畏過輕一皆可笑其爲師者不可不教弟子訛習既久一朝難以改復若意爲敬護三衣將以禮拜庶幾權用如或不然自尊已體何成敬他輕慢之罪誠難逃矣若將坐具坐時應念偈云展開腳趺坐云云今見有在家男女受五戒者披五衣展坐具公然禮拜深爲可痛何其法門訛替一致於此故慈雲懺主辯惑篇云此三法衣定是出家之服非在家者所披僧祇律云三衣者聖賢沙門標幟非俗人所爲雜阿含經云修四無量者並剃髮

髮服三法衣而出家也據斯以知定非俗服世云梵網經有通俗著者人見彼經廣列王臣道俗盡得受戒應教身所著袈裟等言便令士女受菩薩戒者著七條之衣原袈裟此翻爲染又翻爲壞色祇是通制道俗受戒須服壞色恐其染同時艷乖於法制乃云應教身所著壞色或有風俗不可盡制而出家菩薩必須染壞故復又云比丘應與俗服有異何曾通俗著七條衣尋天台及藏法師章疏俱作染壞義釋並無通俗三衣之說或云廣突免厄許與小片至如戲女暫掛獵人假披或云得四寸而飲食斯充掛一片而羅刹不瞰蓋顯三衣之功非許四民之受持出家閑邪之人尙昧持衣之軌在塵煩雜之衆寧知奉法之儀南山云若受用有方不生罪累必領納乖式自陷深憊一生無衣覆身死則自負聖責何慮無惡道分觀斯之言自坐深過忍將非法誤累在家幸願四方道人行大乘者讀文尋義莫守已情擔麻棄金殊非智者革弊從正斯則達人應知無上佛乘解無道俗

傳持之軌誠在律儀。涅槃扶律談常正在於此。律
若壞法假誰傳。豈生爲人不護眼目。斷常住命。
非旃陀羅如何。昔靜彌法師值周武行。虐自恨不
能護法出家。何爲乃坐石奮刀。剖腹引腸掛樹。以
手捧心而卒。嗚呼。古賢護法其若是乎。我等既數
未能宜守法制。莫致毀損殃墜自他矣。

沙彌律儀要略增註卷下終

音釋

邈塔 梵語塔婆。又云寧堵波。又云支提。又云制底。
又云浮圖。此譯爲聚相。謂如來萬德之相集於此。
也。或有舍利或無舍利。若無舍利富安如來法身。
偈卽名法身舍利。舍利此云靈骨。有三種色。變者。
黑肉者赤骨者白。菩薩羅漢善知識皆有。三色但
不能變現放光鑊試卽碎。如來舍利擊之不破。爲
世福田。一香一花一瞻一禮卽滅無量罪長無量
福。但罕得遇者。阿育王以如來舍利建八萬四

千塔於閼浮提內。此震旦國有一十九所。其後秦
耶舍尊者於西域賣如來舍利至匡山塔。於金輪
峰上隋文帝有西國僧進舍利一十三顆。帝敕天
下州縣無塔者與舍利建之。天下建畢十三顆猶
在掌中。唐玄奘法師往西域一十八年。歷一百三
十餘國。請得如來肉舍利一百五十粒。唐義淨法
師居天竺二十餘載。請得如來舍利三百粒。歸於
東華嗣後梵僧賣來者亦不多得。固難值遇。遇者
當生希有之心。難遭之想。披陳懺悔。捨身命財而
爲供養。由是福智圓明。直登覺岸。

獲 黃字入聲刈禾也 欬 艾平聲癢也

攪 音六振也搖也 噉 音帝噴噉也

五道 一人二天三鬼四畜五地獄以修羅道攝上

五道中

摘 與鄰同 王昶 音唱魏刺史也

緇色 音支黑紺色黑而含赤也

鄰 與隙同也 魔 音賂

跽蹠 上音職下音強入聲盜跽秦之大盜盜蹠楚

之大盜也

四書 大學中庸論語孟子

五經 書詩禮易春秋加樂則六經斯乃孔子見周道沒遲自衛反魯以定五經而行其道禮記經解曰溫柔敦厚詩教也疏通知遠書教也廣博易良樂教也潔靜精微易教也恭儉謙敬禮教也屬辭比事春秋教也春秋傳有三謂公羊穀梁左氏禮有三謂周禮儀禮曲禮共爲九經也

七政 日月五星也五星者金木水火土星也

五運 甲巳土乙庚金丙辛木丁壬水戊癸火

方餌 卽藥食也 筮 音誓

六韜 文武龍虎豹犬

三略 上中下三卷兵法也

黃帝璣重唐和甘石 黃帝命鬼臾區占星圖苞觀

天以齊七政遂有星官之書羲和二氏占日尙儀

占月大撓作甲子伶倫造律呂嶽首作算數顓頊

帝命正重司天治曆唐堯帝命羲和氏作曆數之

書觀天之器楚人甘公魏人石申二人於戰國時

各作天文星占八卷區音丘譚二音

內學 謂識書事秘故曰內學非佛內典也

堪輿 輿謂地載萬物如輿

九州 冀兗青徐揚荆豫梁雍

九道 謂九州之道卽弱水黑水漢水江水河水沅

水淮水濟水浴水是也

九山 會稽山衡山華山沂山岱山嶽山巫山霍山

恒山

九澤 大陸澤雷夏澤大野澤彭蠡澤雲夢澤震澤

荷澤孟諸澤榮澤

顏含 晉光祿勳顏含以老遜位致仕二十餘年壽

九十三歲卒

汞 洪字上聲水銀也

丹砂 卽硃砂也 七曜 謂日月五星

五星 熒惑星鎮星太白星展星

五福 一福壽二富貴三康寧四好德五考終

程疇 音疇姓也秦後疇陽變小篆爲隸書程邈作

小篆史籀作大篆或云隸書程邈獄中所造出於

徒隸漢謂隸書曰佐書或云古稱隸爲眞書行書

今稱隸爲八分書則先有眞書後有八分書蔡文

姬云割程隸字八分取二分割李篆字二分取八

分於是爲八分書晉傳云漢興有草書不知作者

盜泉家語云孔子忍渴于盜泉李白詩曰同東避

朝歌掩口去盜泉

七支罪殺盜淫妄言綺語兩舌惡口

七善提分一擇法二精進三喜四除五捨六定七

念

狼戾上痕字上聲狼戾是不聽從也

溺音恩願也

祝音瘞衣袒也

草音尋上聲即木菌也昔西天十五祖迦那提婆

至迦毗羅國有長者名曰淨德園樹生耳如菌取

而食之隨取隨生長者問祖因之所自祖曰汝家

曾供養一比丘道眼不明虛信施報爲木菌乃

以學道不通理偈示之後長者八十一其木果不

生菌也

神州亦名赤縣謂此東華曆數方脈藥餌如神故

名神州

付法藏經經云罽賓王性好殺惡報當墮地獄

因聞馬鳴菩薩說法罪轉輕微死墮大海中作千

頭魚劍輪邊身截頭隨截隨生須臾之間頭滿大

海聞寺中鳴磬椎聲劍輪停空苦痛少息時有羅

漢充維那王遣信白令長打羅漢遂長打令聲延

久過七日受苦便畢又南唐江南上元縣一人暴

死三日復甦云至一殿庭見先生縲械甚嚴因問

其故主曰吾爲宋齊丘所誤殺和州降人千餘冤

訴因此汝若得還可誦嗣君凡寺鳴鐘須延其聲

苦暫休息或能爲造一鐘尤善其人既還具奏後

主爲造一鐘於建康清涼寺鐫其上曰薦烈祖孝

高皇帝脫幽出厄又唐大莊嚴寺釋智興次當打

鐘寺僧有兄途亡一夕托夢其妻曰吾達彭城病

死以今月初蒙莊嚴寺僧智興打鐘聲振地府凡

受苦者皆得解脫吾亦預此汝可將絹十疋奉與

具陳吾意其妻依言送之興不納乃均施寺衆人

間興有何法而致此驗興曰吾見付法傳罽賓王

受苦聞鐘聲棄輪息乃依僧一阿含經鳴鐘法而擊也故知凡爲擊鐘必須發大悲心一扣一念經中偈頌及大悲洪名方得幽顯俱利衆苦長息也

條 音叨或作紹編絲繩爲之

八福田 一佛二法三僧四父母五師友六貧窮七疾病八衆生

布薩 俱云布薩陀布薩是長養義陀是持義謂由集僧說戒便能長養善法持自心故涅槃經云昔十五日僧布薩時有一童子不善修身口意業在隱屏處盜聽說戒密迹金剛力士承佛神力以金剛杵碎童子身如塵而沙彌不可不慎也

依止師 律云有四種阿闍梨一者無食無法應不問而去二者有食無法應問而去三者無食有法雖苦盡壽不應去四者有食有法雖驅遣盡壽不應去

法喜禪悅食 以愛樂大法得法資長道種心生歡喜不嗜世味常持正念是爲法喜食由得禪定自資長養慧命道品圓明正念現前心生喜樂不貪

世味是爲禪悅食

敘

沙彌律儀者明事之典也。雲棲要略者顯理之書也。事即戒相威儀。理即無作戒心。事無理不明理無事不顯事理一如戒心明矣。蓋如來大慈說是戒經。使出家者無爲無欲清淨自守。但經律深奧義廣難明。故大師乘願而來。刪繁取要。略而解之以世間法釋出世間法。以出世間法顯世間法。其間少研罪相多於勸持者。意謂沙彌初入道門。未便預聞篇聚也。吾本師見月老和尚中興止作觀其要略文理優暢。感發初機。故傳戒三十餘年。凡受戒者必令深思熟讀。使其威儀庠序知所施行。乃與登壇受具。是以此書盛行於世也。然大師以春秋之才而解戒相用禮記之法而輯威儀。若非窮究經律博通傳史者則不能識其源委也。余數十年來恒以爲念。因此朝夕馳驅。遍搜內外諸書。析義消文。積成上下兩卷。名曰述義。謂述其要略之大義也。後之覽者倘因跬步而登山。由初津而入海。卽達如來境界。事理宛然。則知一切治世語言文字皆與實相不相違背也。

今改小字
行爲大字
以備之文
原字號解

皆

康熙戊子年桂月吉旦毗陵佛菴玉道者題於西湖
昭慶之法乳堂

凡例

一沙彌十支戒相是五篇三聚之基二十四門威儀乃三千八萬之本必須清淨守持以爲八德之要凡受戒者不可忽也

一前之十戒次第已分後之威儀條章先列自不庸料然其間解法事有差殊有直釋戒相者有以世法比量者有顯果報者有立誓願者及諸威儀亦有不同處若非科釋難以標指故今逐節加科庶使未瞻全文則先知大意也

一戒相威儀及與題目俱書頂格解方則低一格科釋又低一格皆用大字述義則書小字雙行一則敬重律儀二則解述分明其威儀中雖以數事合爲一科然每事下仍用○圈以別開述義復用△角而標出眉目清楚庶無混蓋

一釋此解文原爲顯發其中本意。故經依經述律以律明。適遇古德箴誡之言。亦錄數語。以爲助顯。所引外書。亦用世典釋之。並非臆見胸談。

一沙彌律儀事不同於比丘。故其中所結輕重開遮大槩而已。況且人心不古。聞開則切記於心。見遮則視爲故紙。若使預知。恐成障道。因緣茲不繁贅。

一此隨律威儀。猶儒門之小學也。初心小衆。皆宜習學。行持琢磨。有漸則道器易成。庶無躐等之過也。

一從來科式。有懸科。有貼科。若懸有二科。三科。必一書完。再標初科。貼文。今皆從簡。如子科分三。卽將初科貼起。更不累書。是爲一法。每科用甲乙等字標定。使閱者知其母子分明。祖孫不混。脈絡貫通。以便檢討。

一此集流通既久。翻刻自多。其文句不無遺漏。筆畫未免差瀾。如擗。攄。悞。作。擗。攄。悞。作。緣。屬。悞。作。脚。今皆校證。如涉道話有益身心等文。亦並錄入。庶無遺悞。

一此述義當與香乳記合看。蓋其中文句有與日用

同者。如聞鐘出生。及三匙五觀等偈義。皆從略。但指香乳記詳明。故不重釋。

一去聖時遙。人多好勝。以禪教律三字橫在胸中。各執所見。殊不知禪教律皆從如來一鼻孔出。佛祖何嘗置爲三橛耶。故此述義一槩從公。別無偏執。

沙彌律儀要略述義卷上

清 古杭昭慶萬壽戒壇傳律沙門書玉科釋

釋此律儀大分爲二初標題二釋文初中三分

標法題

沙彌律儀要略

釋此題以人法爲名沙彌人也律儀法也義如後釋蓋如來出現於世所說一代時教必須七部弟子任持資秉佛法得以久住七部者謂出家五衆在家二衆也其間各有大小之不同故如來初成正覺作是念言我得智慧無能信受若我住世於世無益不如入於涅槃爾時大梵天王即白佛言世尊法海已滿法幢已立割濟開導今正是時云何欲捨一切衆生而不說法爾時世尊受梵天請初於寂滅道場先結波羅提木叉爲諸利根菩薩說梵網經此大乘始也次於鹿野苑則呼善來比丘爲憍陳如等轉四諦法輪此小乘始也是時三寶具矣沙彌者本於初度羅睺離出家爲始其沙彌尼是帶制律儀者有通有別通則一大藏教總

名律儀則則就此十戒及諸威儀也沙彌是能學律儀是所學能所合目故名沙彌律儀要略者大師於毗尼藏中採取日用必行之事故云要對三千八萬而言故云略此乃大師體佛弘慈便於初學欲令人人信受佛語熟讀行持由小進大得入僧寶數故沙彌要略大意如此標題已竟

大標人名

菩薩戒弟子雲棲寺沙門株宏輯

釋菩薩者梵語具云菩提薩埵譯菩薩此翻佛道薩埵此翻有情又菩提是智薩埵是悲以智故上求佛道自利也以悲故下化衆生利他也四願彌堅自他俱利故名菩薩或翻開士謂以佛道開化衆生發信心故或翻高士謂高出凡夫二乘故翻既不定故仍留梵語也戒者乃運善之初章却惡之前陣即三聚淨戒也梵名波羅提木叉此云保解脫謂嚴持淨戒行菩薩道如來保任必得解脫煩惱證涅槃故梵名室羅此云弟子謂學在師後曰弟解從師生曰子此是大師學出世法以戒爲師

願同菩薩悲智化導衆生之稱。雲棲者乃大師中興之道場也。其地去府治二十餘里。山名五雲。昔有五色祥雲盤旋頂上。已而飛集西鳩。經久不散。時人異之。故名雲棲寺者。嗣也謂出家弟子於中承事佛法。依教修行。故沙門者。德實之義。謂勤修戒定慧。息滅貪瞋癡。識心達本。源故號爲沙門。非泛常之通稱也。株宏是師之諱字。佛慧號蓮池。杭之沈氏子也。年十七補庠。試三十二。父母皆喪。因悟人世無常。投無門洞。性天理和尚出家。乞昭慶寺。無塵玉律。師授戒於地湧壇前。嗣後備參知識。已旋歸武林。梵村乞食。見雲棲山水幽寂。遂結茅而漸建叢林。精修白業。道行天下。世壽八十有一。僧臘已滿五旬。生於嘉靖乙未正月二十二日。終於萬曆乙卯七月初四。輯者集也。謂採集成章。以傳來學也。標人已竟。

三釋題義分初題中人義

梵語沙彌。此云息慈。謂息惡行慈。息世染而慈濟衆生也。亦云勤策。亦云求寂。

釋梵語者。起世經云。世界初成。惟一海水。由風鼓激。漸凝爲地。梵天光音之衆。下視山地。見其地肥色香美好。以指嘗之。味若醍醐。食之不已。身體羸壯。失天光明。神足不復。上昇遂爲人。祖世居天竺。自後人隨地轉音。各成異唯。天竺存焉。故其音是梵音。語是梵語也。沙彌名有三。譯義出耶舍傳中。此云息慈者。南山宣祖以此方息慈之名。翻彼天竺沙彌之號也。息止義。行作義。惡者非梵。行事世染者。謂此事乃世人之所食染。故然此食染。便是生死之本。衆惡之源。出家離染。修解脫道。當勤其本。而塞其源。故應息惡也。然惡雖能息。若不行慈。則墮偏小。非大乘根器。故復當慈濟衆生也。又盧舍那翻爲淨滿。謂慈無不息。故淨慈無不行。故滿當知此沙彌戒。卽盧舍那之本因也。梵語室利摩那路迦。玄奘法師譯爲勸策。勤卽不忘策。乃進修喻如良馬見鞭影而進也。故後解文中多舉果報等緣。警避諸惡。亦卽息慈之意也。梵語室那末尼。義淨律師譯爲求寂。寂卽涅槃。而涅槃翻爲圓寂。

以德無不備稱圓即行慈動善之果也障無不盡名寂俱息惡策行之果也沙彌十支無染則具戒得圓比丘五篇清淨則涅槃可證故云求寂也名雖有三義實無別又息是止持即對治悉檀慈是作持即世界悉檀教也勸是勸作策是誠止即為人悉檀行也圓是作果寂是止果即第一義悉檀理也果也如上三譯教理行果四悉皆周仔細推之則義顯矣

次題中法義

律儀者十戒律諸威儀也

釋十戒者始從不殺終於捉寶也諸威儀者即後二十四條隨律威儀也又戒者戒律止也謂止諸惡不起故儀者形儀作也謂令眾善奉行故以此戒律能止形上諸惡故名律儀蓋律無形儀則律爲虛設形儀無律則持犯無稽有儀有律內外一如沙彌之名體用雙彰矣

二釋文分初戒律二威儀初戒律又初總標門名世初標名

戒律門

釋戒即十戒以制心爲本律即法律以守護爲宗門者有能通之義雖云沙彌十戒實能通至涅槃十方如來從此超出何以故人分大小人則是一若於此毗尼能聞而思即是入能修而行即是出譬如大宅要因門入誠所謂得其門者等佛一朝失其門者徒勞萬劫若受戒而不習學者則入道無門也故曰戒雖頓受事必漸修因沙彌十戒經中有戒律威儀之文故大師亦分上下二門正顯戒律非威儀無以見戒律之體威儀非戒律無以成威儀之用然用從體發故列於首

二釋義分初總序要略緣起分初述古

佛制出家者五夏以前專精戒律五夏以後方乃聽教參禪是故沙彌剃落先受十戒次則登壇受具釋佛制者猶聖王之節度也如來爲三界大師所有言教羣生遵守信受奉行故云佛制出家者謂在家塵勞滾滾猶如奔馬無羈縱有出塵進道之想安可能得故如來預設化城攝歸寶所故經云

無有在家能修習無上正覺之道是也。然出家有
乎二種。一辭親割愛剃髮染衣名出世俗家。二斷
除妄惑證無生果名出三界家。古云出家乃大丈夫
事。非將相之所能爲。出家功德經云。若有爲作
留難者。卽斷佛種。現在諸病集身死入黑闇地獄。
經千萬劫不能得出。若能放人出家功德無量。譬
如四天下。滿中羅漢。四事供養。盡於百年。不如有
人爲涅槃。故於一日一夜出家受戒。五夏者卽五
年也。又出十誦律中。謂出家。離俗不以生年爲計。
乃數夏臘稱尊。故又夏者盛也。謂萬物茂盛之時。
也。佛制受戒者。至于夏間。應當加工用行精進。修
持。亦如萬物茂盛。故從四月十六日起至七月十
五日九旬行滿。一夏功圓。計其一臘。蓋古稱坐夏
者。皆謂此也。又五者。謂初受戒人行持五年。戒品
堅牢。則不爲境風搖奪。亦猶樹木培植五載。枝幹
壯健。則不怕霜雪所覆也。尊者謂專於事相博究
開遮。精者謂精研義理。闡盡幽微。又專則不二。精
則不雜。如專而不精。律法則不能透徹。精而不專。

修持則不能恒常。故須學滿五夏。五法成就。堪能
誦戒羯磨。方許離師。如或不然。當盡形不離。依止
尚有智慧過人。於三四夏能解三藏得證三明。亦
不聽離。依止何以故。佛制五夏未滿。故所以道宣
律祖十席就聽毗尼。慧休法師一生隨衆。聞律此
實後學之榜樣也。五夏以後等者。謂既知持犯。五
夏復週。則許聽教參禪也。耳根發識。曰聽教者。聖
人被下之言。參者究也。禪者究心之法也。教乃禪
之階梯。禪乃教之骨髓。因解起行。必須聽教。華嚴
經云。佛法無人說。雖慧莫能了。悟明心地。務必參
禪。所以古人千里求師。參訪知識。決擇生死。禪是
佛心。教是佛語。戒是佛身。如是執之於身。聞之於
耳。觀之於心。則本源心地微矣。若參禪不由開導。
但乃堆堆死坐。古人呵爲覓不散死人。落聖亡外。
道故知理觀未明。必須聽教。依教起行。必須參禪。
通教不通宗。如蛇鑽竹筒。通宗不通教。開口便亂。
道宗教一齊通。如日照虛空。法法頭頭現。山川路
有通。又教是言詮。設使修證未純。不免迷惑。故楞

嚴云雖有多聞若不修行與不聞等所謂有真戒者必有真慧此是如來大慈有權有實先以毗尼收攝初心後以一乘誨歸無作先由事以會理後得理而忘言若初心不守律儀放曠總成邪見後心不達實相勤修終屬有爲若參禪不持戒縱有空解未免沉墮故云若無真戒必無真慧也離戒修定慧名魔外因離定慧修戒名人天因三學俱備是成佛因故聽教參禪繼之五年後者本欲增心增慧三學齊修也由戒淨故慧淨由慧淨故戒淨如兩手互洗不分先後所謂只須就路還家不必改途易轍非於五年之外別有離戒修行之法也聽教參禪其理明矣是故者由是之故也乃承上起下之詞沙彌剃落者度人經云凡欲出家者着本俗服先教彼辭別若親已爲說偈曰流轉三界中恩愛不能脫棄俗入無爲眞實報恩者然後剃髮剃者除也斷也謂斷除鬚髮願煩惱亦斷除也落者落髮古人剃髮稱爲落髮先受十戒者謂重樓四級次第而登發沙論云先受五戒以自調

伏信樂漸增次受十戒善心轉深威儀庠序方受具戒如是次第得佛法分好樂堅固發起大心受菩薩戒如遊大海漸漸深廣入佛法海亦復如是今不言五戒而言十戒者謂五戒通於道俗十戒惟得出家今鬚髮既落故單言十戒也若一時頓受者既失次第又違佛制所謂得之容易則失之不難也復次或有衆生無受五戒而得道果或因受十戒而得道果以是種種因緣是故如來說次第受也登壇受具者從下而上曰登謂比丘是僧寶爲人天幢相揀擇人根故律云須臾之間令汝三人至高勝處是也沙彌菩薩惟除遮逆一切普攝故不言也壇者場也此場僧共秉法羯磨而成若非此場戒無由得具是具足謂受二百五十大成即便具足涅槃妙因故亦名近圓謂受此大成白羯磨竟於所作事如法成就與涅槃相去不遠矣今授沙彌比丘菩薩戒而總稱壇者猶若世間三場考試也以此推之稱三壇者無足論矣

一 概今

今名爲沙彌而本所受戒。愚者茫乎不知狂者忽而不學。便擬亂等。罔意高遠。亦可慨矣。

釋今者。末法時也。名者徒有沙彌之名。本所受戒者。本本分謂沙彌本分所受之十戒也。愚者無有慧目。茫者昧其志性。以是不能學戒。甘心下劣。與法轉疎矣。狂者妄起邪見。忽者輕忽毗尼。或小有知識。自謂多能。或勉之習學。而反答曰。此不過爲初學者說。爾或師長不能如法教誨。弟子不肯請問一字。執定狂愚。安心幽莽。孤山圓法師云。人雖至愚。豈不能日記一言。積月而三十言。積年而三百六十言。積之數載。自然可成。苟耻才智不如廢而不學。則亦應耻飲食不如廢而不食也。食既當同。法寧可異。既不習學。受戒何爲。古云。學則庶民之子。而爲公卿。不學則公卿之子。而爲庶民。欲爲公卿。耶爲庶民。耶。永明壽禪師云。得鳥者網之一目。不可以一目而廢衆目。收功者棋之一着。不可以一着而廢衆着。月窟禪師云。高以下基。洪由纖起。虞夏至聖。尙曾歷試。可能二祖。猶服勤勞。所謂

一念因。眞千生果。實因既不眞。果豈能實耶。若飽食終日。無所用心。則難矣哉。涅槃經云。凡有心者。皆當得阿耨多羅三藐三菩提。若無信心。徒增黑業。所以佛誠難賺。羅偈曰。十方世界諸菩薩。念已證善逝果。彼既丈夫。我亦爾。不應自輕而退屈。三昧經云。佛法大海。不可測度。彼執偏愚。不達諦理。不習三學。不從師受。非法解法。自稱智者。非眞智也。狂慢之害。又甚於愚。不肯矣。經云。課如大海。容納百川。慢如高山。法水不住。一味志大。言大。輕慢佛語。忽略毗尼。貶學戒爲小乘。誘行持爲瑣屑。執定我慢。見善不從。則難救矣。曾不聞鳩摩羅什初學小教。頂禮盤頭。達多此敬上也。盤頭達多。晚學大乘。復禮鳩摩羅什。此尊賢也可見。從上佛祖。未有不學而成者。沙彌纔登戒品。豈可不學也。若以小小知見。得少爲足。下不敬上。上不尊賢。欲齊先哲。無有是處。便擬亂等者。擬欲也。躡踰越之意。等級也。謂纔受十戒。便欲與大僧相等也。罔意高遠。亦可慨者。謂昏昧無知。曰罔意。妄尊太過。曰高。

遠聽其言之狂放。雖聖賢猶所不及。問其戒相。既儀茫然。一法不知。慨歎辭謂狂愚如是。寧不傷歎耶。佛藏經云。若不先學小乘。後學大乘者。非佛弟子。

三出略分初啓蒙

因取十戒略解數語。使蒙學知所向方。

釋因取十戒等者。此乃承上文而言。謂因是狂愚之故。故取十戒解之。使狂者不學。必誘其學愚者不知。必令其知略而非廣。故曰數語。乍入道者。故曰蒙學。向者趨向方法也。即趨入道門之方法也。如楞嚴云。因指見月。故大論云。三惡燒燃。駭驅重楚。餓鬼饑渴。不名為苦。癡暗無聞。不識方向。乃名苦也。大師因慨狂愚罔諳戒法。故略解於此。令初發心人入道有由。不致岐路於盲瞽也。譬如勾甲方萌。要因雨露。人事方能長養成熟。如初心一失。為害匪淺。縱有良醫難調。重毒誠所謂打頭不遇作家。到老終成骨董。

二勉行

好心出家者。切意遵行。慎勿違犯。

釋南山云。好心出家者。怖四惡之多。苦厭三界之無常。辭六親之至愛。捨五欲之深著。不為名利所牽。不為王力所逼。不為邪求活命。不為避懶偷安。不為負債逃難。為生死為菩提。持信出家。故智者大師以出家分為四種。一者心出家。身不出家。如維摩龐老等。二者身出家。心不出家。謂雖入空門。不行佛事。故三者身心俱不出家。善根未生。故四者身心俱出家。是為好心也。切真切也。謂既發心受戒。要念頭真。切戒是越渡苦海之迅航。莊嚴法身之璽珞。毫釐失念。三途苦因。當遵之不違行之。不怠謹慎。而不狎侮。稍戲而不違犯。根本清淨。動止安詳。年甲未滿。不妨姑待。如若滿足。自可登壇。

三階本

然後近為比丘戒之階梯。遠為菩薩戒之根本。釋然後者。由下之上也。謂前十戒清淨。年限已滿。即當登壇受具也。遠近二字。有事有理。事者沙彌。隣次比丘。故名曰近。尚隔具足一壇。故名曰遠。理

者比丘惟求自利但盡今生形壽故名爲近菩薩志願利生盡未來際故名遠也階梯者升進之徑也行遠自邇登高自卑故律云不受具足戒而受菩薩戒者無有是處根本者猶草木之根本也謂此十戒乃比丘菩薩之根本也初階若毀次級難登根本一點枝葉華果悉皆墮落故律云若破五戒中重戒還欲受五戒乃至菩薩戒無有是處若破十戒中重戒還欲受十戒比丘菩薩戒者亦無有是處

四聖因

因戒生定因定發慧庶幾成就聖道不負出家之志矣

釋因戒生定者楞嚴經佛告阿難攝心爲戒因戒生定因定發慧蓋心爲淨染之本以戒攝之外不放入內不放出打成一片名之爲定靜極光通發起妙用名之爲慧然戒乃定之本定乃慧之體慧乃定之用故曰因戒生定因定發慧也庶幾者近可也聖道者聖人之道也梵語菩提此云覺道謂

此道乃千聖同遊之道也無一聲聞不嚴戒行無一菩薩不修戒度無一如來不滿戒體謂精嚴淨戒定慧發生則不耽世染如是行持近可成就菩提而不辜負剃髮披緇之初念也

四指廣

若樂廣覽者自當檢閱律藏全書

釋樂喜好也廣覽徧觀義檢檢點閱細看藏乃包括函藏之義也如來說法分爲三藏所謂經律論也今專爲受戒者說故但指律藏而言也全書正顯要略之意大師爲初學者略採數語以便行持若有志於毗尼者當徧觀律部則知全藏之義也

二重出制戒本源分初述經

其十戒名出沙彌十戒經

釋十戒名者卽不殺盜等十事也出沙彌十戒經顯非臆說亦見有所據也謂律是如來金口親宣等覺以下菩薩不敢增減一字所以大師引證於此經是通稱蓋一大藏教總稱爲經故名從別顯指此沙彌十戒經以別餘經也

二舉人

佛敕舍利弗爲羅睺羅說

釋佛敕者。猶天子制書命令也。說者傳說。佛爲法王。故制戒律。命舍利弗爲羅睺羅說也。梵語舍利弗。此云鶖子。從母得名。謂其母眼明如鶖鳥。故父是天竺婆羅門提舍論師。亦云身子。文句云。舍利弗母好形身。身之所生。故云身子。入王舍城。路逢馬勝。爲說偈曰。諸法從緣生。緣盡法還滅。我師釋迦文。常作如是說。身子聞已。卽證初果。投佛出家。梵語羅睺羅。此云執日。是佛之子也。生時值阿修羅以手障日。因之爲名。亦云覆障。昔佛爲太子時。啓父出家。父曰。無絕吾國嗣。汝若有子。聽汝出家。太子卽以手指耶輸陀羅腹。便覺有妊。在胎六年。始生。故翻覆障。未曾有經云。時佛在舍衛國入城乞食。耶輸陀羅與羅睺羅在高樓上。見佛入城。時羅睺羅年方七歲。耶輸覺信。遂向羅言。此來比丘。是汝父也。如來無量法財。汝應得分。汝當往彼索。其餘財羅卽下樓前禮佛足。如來觀機逗教。手摩

羅頂。羅從覺醒。自念從有生以來。未曾得如是柔軟細滑之樂。遂悟屬塵。證須陀洹。佛卽問羅。羅汝能出家否。羅答云。能。世尊卽舒一指。搗羅同歸。僧伽藍中。佛告舍利弗。汝度羅睺羅出家。舍利弗言。我云何度。佛教作如是言。我羅睺羅。飯依佛。飯依法。飯依僧。我羅睺羅。飯依佛。竟。飯依法。竟。飯依僧。竟。盡形壽不殺生。是沙彌戒。汝能持否。乃至第十不捉持生像金銀寶物。是沙彌戒。汝能持否。如是三問。故云佛敕舍利弗爲羅睺羅說也。如來不爲羅睺羅作和尚者。有五義。故一爲平等。故謂佛心平等。一切無偏。不與彼作和尚。不與此作和尚。也。二爲止鬪諍。故若作和尚。則有親疎。既有親疎。便有鬪諍。則佛法難行也。三爲止誹謗。故若作和尚。外道當言。沙門瞿曇。自言慈等。一切云何。與一作和尚。不與一作和尚。則與凡人無異也。四爲成三飯。故若作和尚。則墮僧數。無有佛寶。則三飯不成也。五爲成六念。故若作和尚。則無念佛。又若作和尚。弟子有病。應當瞻視。飲食衣藥種種所須。豈

是自在法王所應爲耶如一比丘應得阿羅漢果。昔有餘福當作轉輪聖王。福業遮障不得漏盡。如來感之爲病比丘。一正當羅轉輪王福一時失盡。卽得無著。若作和尚有損無益也。復次佛唯一人。僧該凡聖。僧作和尚弟子受戒遠近皆得不令衆生多受勞苦。若佛作和尚有是故也。又若作和尚佛在世時。佛爲和尚佛滅度後誰作和尚。以是種種因緣不作和尚也。敕舍利弗者有所表。故舍利弗乃十大弟子中智慧第一。以有智慧故方能代佛說戒也。羅睺羅密行第一。以能行故方堪受戒。然受戒能行是佛子也。

二別解戒相分。第一殺戒乃至第十捉寶戒。第一殺戒分初標名。一殺戒分初標名。一殺戒分初標名。

曰不殺生。釋此如來所制之戒也。後九戒同一曰者乃發語宣詞之意。殺斷也。生命也。謂過去已過去未來尚未來現在所有生命一剎那間相續不斷。是名爲生。今斷彼相續故名殺生也。圓覺經序云。夫血氣

之屬必有知。凡有知者必同體。皆有貪生畏死之心。故鶡鵠經云。佛子無慈孝故。肆意殺他物命。充我肥甘。殊不知而殺而食之物。彼之愛命同於我之愛命也。人人愛命。物物貪生。豈可害乎。大論云。佛言殺生有十種罪。一心常懷毒世世不絕。二衆生憎惡眼不喜見。三常懷惡念思惟惡事。四衆生畏之如見蛇虎。五睡時心怖竊亦不安。六常有惡夢。七命終之時狂怖惡死。八種短命業。因緣九身壞命終墮於地獄。十若出爲人常當短命。如經所說可不深戒。沙彌息慈爲本。故殺戒居先。

三釋義分。初述律二引證三結勸初中分初明境。

解曰上至諸佛聖人師僧父母下至螻蛄飛鳥動微細昆蟲。

釋依文析義曰。解上至者最上也。佛爲天中之天。聖中之聖。世出世間最尊最上。故十方三世諸佛三覺具圓曰佛。已成正果曰聖。靈超萬物曰人。模範後學曰師。六和清淨曰僧。木本水源曰父母也。



蓋佛能示法師能傳法僧能弘法父母養育劬勞
恩同於佛然世間父母生長色身出世父母生長
法身律云當念父母及師長恩精勤行道以報其
德既云念恩豈有傷害今所論者緣提婆達多推
石壓佛傷佛足指故懺悔法中有出佛身血一逆
所以大師以七逆最重而列於前也聖人指果位
中人師指和尚闍黎僧指羯磨轉法輪者父母生
身為重設有犯者即名為逆不通懺悔阿鼻獄
受無量苦下至者極盡也謂到此微細至極盡故
蟬飛空類化生蟻動水類濕生昆蟲之總名有
曰昆蟲蠶也江南有吐蚊之鳥塞北有蚊母之草
此方蚊子生於朴樹果中蚋蟲生於榆樹莢中微
細最小也凡肉眼所能見者俱攝於內謂非但大
形衆生不可殺害乃至極微細者亦不可傷也謂
蠢動含靈皆有佛性故如來大慈凡有殺境一切
俱制境有三品諸佛聖人師僧父母名上一切人
天名中四趣衆生名下若有傷者隨事所定

二顯戒

但有命者不得故殺

釋但凡也乃總結上文而言命者謂一切衆生皆
以識息煖三色心相連名之爲命故者有心故作
顯非錯誤也不得遮止之辭謂凡有秉形而具生
命者不得故殺殺心而奪其命也然誤傷亦有誤
傷之報如朝野僉載梁武帝素常敬信檀頭師時
遣使召之帝方與人下碁欲殺一段聲曰殺卻使
遂斬師帝基罷喚師使言向者陛下令臣殺卻也
帝問師臨死有何言使曰師云貧道前劫爲沙彌
時以鐵刺地誤傷一曲蟻今帝是也此報固宜誠
所謂假使百千劫所作業不忘因緣會遇時果報
還自受要知十界同一心體迷之而爲蟬飛蟻動
悟之而爲諸佛聖人故如來大慈一切俱制

三明法

或自殺或教他殺或見殺隨喜
釋或者不定之辭謂殺事雖多略有三種隨所作
結罪故言不定自殺者謂自身行殺或以手打或
用刀杖或推落坑壑及以毒藥等此身業造罪亦

兼於意教他殺者。或教彼以手打。乃至毒藥等。或教彼依如上法。而自死。此口業造罪。亦兼於意殺。雖他人罪。歸自已。見殺隨喜者。謂見他人行殺。自心隨之。而生歡喜。雖非身口親作。然三業之中。意業為主。故皆得罪也。詳如大律。

四指廣

廣如律中文繁不錄

釋廣者。對略而言。謂此但略陳三法。其餘種種殺事。心分故。誤罪有重輕。如比丘律藏及沙彌十戒經中所明。須者宜檢以文多。故不能具錄。後皆同此。

二引證分初護生

經載冬月生風。取放竹筒中。煖以綿絮。養以膩物。恐其饑凍而死也。乃至灑水覆燈。不畜猫狸等。皆慈悲之道也。

釋經載等者。此言出世護生之法。以顯沙彌息惡行慈之道也。文雖出於諸經。義實大律詳備。風者本名俗呼半風。字丹鴻。美稱也。冬月生者。謂重衣

暖。服易生蟻虱。故膩物。即身中垢膩也。凍以綿絮。煖其身。饑以膩物。養其命。不饑不寒。則俟來春。放青草。棄上化生蚊蚋也。如春夏月。隨放隨化。雖經冬至。夏時到。仍生耳。律云。若棄蚤虱等。不可隨意。便棄。棄地。應於故棉帛上。觀時冷煖。而安置之。若無棉帛。應安壁隙柱孔。任其自活。不得隨處棄擲。壁虱當安青草上。或涼冷處。四分健度。云。老病比丘。數起。棄虱。置地。疲極。佛言。聽以器名。若劫貝。若弊物。若綿拾着中。若虱走。聽以竹作筒盛之。若出以蓋覆之。若無竹。若甘蔗草。若木。若葦。皆可爲之。今時多有不解教法。久貯筒內。困死。雖云依教。殊無護命之心。又何逃殺生罪耶。衛生。禁殺錄云。薛曇性慈。戒殺。即微蟲。亦不害之。一夕夢被上虱。甚多。漸變寸許。虱謂曇曰。受君之貶。非一日。今君有難。正吾儕救命之秋。遂列成行。彼上有絲。血痕橫廣尺許。乃死虱也。曇惜久之。不知其故。蓋是夜有刺客來害曇。其人有刺。劍見血立死。是夜其人劍下見血。以爲死。報其主。歎甚。明日瞰之。無恙。訪

得風事始知其夢此護生之驗也乃至者是舉前繼後以括其中之義謂前明殺害蟲相後明護生細行其中麤細非一可以意會難以枚舉故護水者是持戒之要務謂水有微細蟲故須濾也正法念經云經宿之水若不細觀恐生細蟲若不濾漉不飲不用是名細持不殺戒也又儀則經云乃至草木上塗壤牛糞中如是受用時救護於含識或被牀座內田地糞土中一一仔細觀是名出家行覆燈者用紗羅絹紙等覆燈以護諸蟲蛾故畜謂畜養貓是捕鼠之獸亦名地行羅刹字訓田鼠傷苗貓能食鼠故字從苗狸是狐狸擒物之獸皆是傷生之物故不得畜也占云爲鼠常留飯憐蛾不點燈自從青草出便不下塔行護生之念至切矣慈悲之道乃菩薩利生之大道也以慈能與樂故援以綿絮養以膩物也以悲能拔苦故灑水覆燈不畜猫狸也

二舉況

微類尙然大者可知矣今人不能如是行慈復加

傷害可乎

釋微類尙然者乃結上文而比況也謂如上最小蟲類尙能如是愛護則大形眾生自然不殺也今人等者乃傷感之辭也謂既不能行如上護生之事已違沙彌之制豈可復加傷害耶可乎者是及微之語謂深戒不得更作也

三行慈

故經云施恩濟乏使其得安若見殺者當起慈心釋此十戒解文中凡有經云皆出沙彌戒經後不繁釋菩薩見殺一切眾生即贖其命謂之施恩見貧乏者以財法惠施謂之濟乏良由一切眾生於財法二種多所饑乏故若見衆生爲衣食所逼不能稱意者當隨力給與而利濟之若見衆生無法自資不得自在者當隨力爲說而救度之然財施以安其身法施以安其心身心無乏故曰使其得安也見殺起慈者惻隱之心也若有力當盡心救度解其苦難若無力當默念寶勝如來或持往生神呪回向令彼聞法超昇永離苦趣願當來世不

見如是苦惱衆生故曰當起慈心也

三結勸

噫可不戒歟

釋噫傷痛聲歎語盡之辭亦即歎辭謂殺生之罪苦報無量窮劫受殃誠可慙傷不可不爲切戒也如輪轉五道經云爲人喜殺者後生作水土蜉蝣之蟲朝生暮死賢愚經云戲笑殺他命悲號入地獄見穢與烱銅灌注連相續奔刀赴火斷野裂碎楚毒傷載苦萬端傷心不可錄習報經云殺生入四趣受苦三塗畢得生人道中短命多憂疾疫病嬰難苦壽短長沉沒若有智點人殺心寧放逸入師經云殺者心不仁強弱相傷殘殺生當過去結積累劫怨受辜短命死驚惶遭暴惡我用畏是故慈心伏魔官楞嚴經云汝修三昧本出塵勞殺心不除塵不可出縱有多智禪定現前如不斷殺必落神道維摩云人生長壽得不殺報

第二盜戒分初標名

二日不盜

釋物各有主不與而取名之爲盜盜之爲咎其害匪輕良以粟形六趣莫非貪欲爲源受賢三儀並是懸財爲本臨財苟得非謂哲人見利忘義豈成君子蘇子云苟非吾之所有雖一毫而莫取所以憐梵損粟必受牛身比丘嗅香池神呵責罪招有自因果無差是以嚴遮勿令有犯恐一墮落則求出無期故大師於十戒解中皆具息惡行慈之意也

二釋義分利述律二引證三結勸初中分初明境

解曰金銀重物以至一鍼一草

釋梵語蘇伐羅此云金梵語阿路巴此云銀重物者謂物件雖多四法攝盡一體重價重謂金銀七寶等二體輕價重謂絨絨絨帛等三體重價輕謂木石等四體輕價輕謂草葉等今以貴價在前故曰重物以至者是舉前後之重輕以達其中也一鍼者言其最微一草者言其最輕也如來大慈凡有盜境一切俱制境有三品佛法現前僧四方僧

父母師長物名上人天物名中鬼神畜生物名下
若自犯者隨事所定

二顯戒

不得不與而取

釋不得者禁止之語不與取者謂前人不與而取
奪之也正是業主故律云若物屬他他所守護前
人不與舉雖本處即成盜罪華嚴云若物屬他起
他物想終不於此而生盜心乃至草葉不與不取
何況其餘資生之具故知經律皆禁止也

三有主

若常住物若信施物若僧衆物若官物民物一切
物

釋常住物者梵語招闍提耆唐言四方僧物律云
常住物有四種一者常住常住謂衆僧所共舍
衆具花果樹林田園僕畜等體局當處不通餘界
但得受用不得分資故二者十方常住如僧家供
僧常食一鳴鐘推體通十方四方但局凡僧十方
通於賢聖今世凡多舉少故但言四方惟局本處

不出外也三者現前常住謂僧得施物唯施此處
現前僧得故四者十方現前常住如亡五衆輕物
現前羯磨得分如未作羯磨若有盜者從十方僧
得罪若已作羯磨從現前僧得罪上二種名四方
僧物若有侵損即名犯盜以僧家一粒一絲皆是
檀越以清淨心施來今以不清淨心盜取其罪極
重莊椿錄云盜常住一文錢一日一夜長利三分
七贖第二夜利上長利來世牛馬償還若一文入
常住一日一夜長利倍上觀佛三昧經云盜常住
物者過殺八萬四千父母之罪十輪經云盜三寶
物者其罪甚重千佛出世不通懺悔若將非理用
度私給俗家其罪甚重地藏經云若偷竊常住財
物米穀飲食衣服乃至一切不與而取者當墮無
間地獄道世法師云若將常住財物與白衣受用
者龍天瞋責罪及主事常住司執錢穀無非佛物
法物僧物於已何有若此中沾染毫釐即是錢湯
爐炭若此中涇渭分明即是青蓮華藏鐵山瓊云
凡常住一茶一米一分一釐皆是施主爲求福德

故行布施。官供三寶。何得私用。罪福因果。瞭然指掌。慈受深。導師云。常住分文不可偷。日增萬倍。恐難酬諸頭。隨脚明現。佛地今生。掃末休。以此觀之。常住之物。不可絲毫有犯。是以先聖後聖。苦口叮嚀也。信施物者。謂施主信心持物。至寺布施。而未得分與僧者。是僧衆物者。現前大眾受用之物。若於四事中。或竊其一。是名盜現。前僧物亦不得私用。縱有挪移借用。以長就短。必須白衆。方動後來。仍舊補償。不名犯盜。方等經云。菩薩言。五逆十惡。我所能救。盜衆僧物。我不能救也。官物者。卽九品官職之物也。普天之下。莫非王土。縱使地下伏藏。以至空地遺物。既在王地。皆名官物也。民物者。卽工商農庶百姓之物也。一是普及之言。切乃盡物之語。統論世間大小輕重。及鬼神禽獸等物也。

四明法

或奪取。或竊取。或詐取。乃至偷稅冒渡等。皆爲偷盜。

釋奪取者。恃力強暴而取也。竊取者。伺人不見而

古經云

偷取也。詐取者。亦名僞取。或詭譎拐騙。或假借不還。或倚勢冒支等。乃主者謂從前至後。以明其中。所謂圭合銖兩。種種欺瞞。移轉古界私匿。寄物過分。食用常住等。偷稅者。賦稅乃國家大典。若有物必須向彼化免。不得藏匿而過。亦不得爲他人藏匿。稅物冒渡者。假稱也。謂假稱他名。而過關津也。等者。未盡之辭。謂事雖未盡。則餘法可知也。皆爲偷盜者。總結如上之法也。餘如大律。

二引證分初果報

經載一沙彌盜常住果七枚。一沙彌盜衆僧餅數番。一沙彌盜衆僧石蜜少分。俱墮地獄。釋經載者。此引經文作證。以戒沙彌不得偷盜。致招長夜大苦也。盜果者。大報恩經云。見一衆生有熱鐵丸。從身上入。從身下出。乘虛而行。痛苦難忍。目連問佛。何罪所致。佛言。彼於迦葉佛時。作沙彌。守衆僧果園。盜取七枚。奉師。以是因緣。故獲斯罪。盜餅者。雜寶藏經云。見一衆生。有二熱鐵輪。在兩腋下。舉身焦爛。痛苦難忍。目連問佛。何罪所致。佛

言彼於前世爲沙彌時與衆作餅盜取二番挾兩腋下以是因緣故獲斯罪盜石蜜者石蜜亦名糖精廣志甘蔗其錫形如冰糖堅硬如石唐書云番胡國出石蜜中國貢之漢武帝內傳西王母謂帝曰太上之藥有中華紫蜜雲山朱蜜天竺國石蜜仙經云蜜爲口芝本草云崖蜜食之不飢明目延年律中過午不食開石蜜者以其煎湯無形爲藥石故阿含經云見一衆生其舌長廣有熾然利斧以斫其舌棄空而行啼哭號呼苦痛難忍目連問佛何罪所致佛言彼於迦葉佛時作沙彌以斧斫石蜜供僧衆斧刃蜜盜取食之少分者不多也緣斯罪故從地獄出受此餘報俱墮地獄者總舉三法以戒之也地者底也萬物之中地最在下故獄者局也謂拘局罪人不得安樂故已上三事雖不同時然盜因則一故皆感地獄之報一錢一草信不誣矣

二立誓

故經云寧就斷手不取非財

釋寧就斷手不取非財者深畏地獄之苦痛甚於斷手也說之寒心故如來激切勸誡而立誓言決意不取也蓋人有手足方稱全品曾有戒德堪爲良祐非財者非義之財也古人云人非善不交物非義不取世律取非義之財受非常之禍藏經食無與之物故感無間之殃也

三結勸

噫可不戒歟

釋楞嚴經云汝修三昧本出塵勞偷心不除塵不可出縱有多智禪定現前如不斷偷必落邪道譬如有人水灌漏卮欲求其滿縱經塵劫終無平復寶梁經云寧自啖身肉不得盜三寶財物洞山份禪師云常住須憑戒力扶莫將妄用恣貪圖掌他三寶門中物惜似雙親兩眼珠裏縱能機巧算冥中自有鬼神誅絲毫若也無私取免至來生作馬驢增一阿含經云佛告諸比丘若人偷盜他物爲主所執送官究治閉著牢獄或以杖捶或截手足耳鼻及斷其頭種種苦楚命終生地獄中猛火

燒身煇銅灌口受種種苦不可稱計百千萬歲脫出無期地獄罪畢生畜生中象馬牛羊駝驢犬等經百千歲以償他力畜生罪畢生餓鬼中飢渴苦惱不可具言經百千歲受如是苦罪畢為人得二種報一者貧窮衣不蓋形食不充口二者常爲水火王臣惡賊之所劫奪不得安樂維摩經云如人大富得不盜報

第三姪戒分初標名

三曰不姪

釋姪者不淨行也謂以染汚心行穢惡行故名不淨也世俗尙有男女授受不親之訓出家離染尤宜肅慎今承慈旨諄諄心須銘刻于心不可有違佛制當深觀愛欲猶如毒蛇華嚴經云若被諸女色染醉其心猶如嬰兒無見自性亦如素衣見受染色爲欲所溺不能得出如糞中蟲樂着糞處如穢弊窟不淨嚴身四十二章經云出家沙門斷欲去愛澄自心源達佛深理悟無爲法乃名佛子梵網經云寧以此身投熾然猛火大坑刀山終不毀

犯三世諸佛經律與一切女人作不淨行八歲沙彌開解國王經云阿育王初奉佛時人民疾疫請僧呪願聖衆遣妙顏沙彌年始八歲已得神通飛入王宮夫人彩女見之無不愛敬夫人舉手欲抱妙顏顏即却之夫人曰卿年尙幼猶如吾子近之何妨顏曰事從微起猶一粟之火能燒萬里之野一滴之水能陷堅固之石以少致多以小成大是以智者遠嫌避疑以防未然時沙彌聲微王殿王聞之來見曰卿尙幼如我子抱之何嫌顏曰古聖制儀豫其未萌亦戒終始女子七歲不戲父凡男子八歲不踞母床果下無捫首瓜田無摸足遠嫌避疑杜漸銷萌也今雖等母子當爲將來不能者施時王與夫人及宮中五百人臣同得道跡

二釋義分初述律二引證三結勸初中分初顯戒

解曰在家五戒惟制邪姪出家十戒全斷姪欲釋在家五戒者優婆塞優婆夷戒也唯制邪姪者以其洪荒之後有虞垂拱契任司徒教以人倫則

曰夫婦有別。有夫婦則有父子。故人倫以夫婦爲首。不孝以無後爲大。上關風化。下接宗嗣。是故不禁。如關雎之詩。樂而不淫。所以正人倫之綱紀也。故居家受戒。除夫婦外。一切俱制。果報地獄經云。復有一鬼。白目連言。我常以物蒙籠其頭。畏人來殺。心生恐懼。何罪所致。目連答曰。以前世時。姪犯外色。常畏人見。或畏夫主捉縛。打殺。心常恐怖。故獲斯罪。此是華報。果在地獄。華嚴經云。菩薩於自妻。尚且知足。何況邪姪。又此五戒在天。謂之五星。在地。謂之五行。在人。謂之五倫。在身。謂之五臟。在山。謂之五嶽。在國。謂之五刑。在儒。謂之五常。謂仁者不殺。等乃修行之徑路也。緣於耶輸伽父與五十人求佛。受三歸五戒。爲始。故如來開人天教。以攝居家二衆也。出家十戒者。乃渡苦海之浮囊。越涅槃之正因也。全斷姪欲者。謂姪非梵行。乃鄙惡不堪之事。又出世法中。無邪正。故然華嚴爲在家者說。故曰。自妻尚且知足。楞嚴爲出家者說。故曰。全斷姪欲也。

二明境

但于犯世間一切男女

釋于犯者。謂于名犯。義姪其所尊污。其所親行不淨行也。一切者。總攝也。謂人女。非人女。畜生女。人男。非人男。畜生男。乃至黃門二根等。皆是境。故如來大慈。凡有姪境。一切盡制。境有三品。母女姊妹六親。名上一切男女。并邪姪。名中在家已妻。非時非處。名下若有犯者。隨事所定。故經云。富觀愛欲甚於猛火。猛火燒身。害此一生。欲火燒身。殃墮累劫。智者畏之。愚人自縛也。

三結罪

悉名破戒

釋悉者。盡也。破者。犯也。不言犯而言破者。謂初受戒時。體則圓滿。若犯此戒。如人斷頭。身則破壞。如大石破裂。裂無有完全。戒身破壞。亦復如是。當知姪欲非刀劍。能斬智慧。命愛欲是猛火。自焚功德林。佛言。破戒之人。生不能消信。施一滴之水。足不履伽藍尺寸之地。死墮地獄。受報無窮。然其意地欲。

根枝難除拔極易漸染若此中微塵許不盡便是生死禍胎若姪習難盡者當修不淨觀或住屍林以爲對治或以手摩其頂眼眇袈裟作是念言食人信施不應起如是心或禮佛持呪以治其心則貪欲自然殄除也

二引證分初顯報

楞嚴載寶蓮香比丘尼私行姪欲自言姪欲非殺非偷無有罪報遂感身出猛火生陷地獄

釋楞嚴載者此引經又以顯姪事有如是利害不得犯也寶蓮香者乃比丘尼最初持菩薩戒之美稱也謂戒體本來尊貴故名曰寶戒體本來清淨故名曰蓮由尊貴清淨芬芳一切故名曰香後因一念妄動不守自心犯此姪戒而反不知慚愧謬起邪見撥無因果肆言非殺非偷無有罪報殊不知私行姪欲非偷乎姪事辦而慧命斬非殺乎猛火欲火也謂作是語已遂生猛火節節燒然生陷者謂不待身死而陷入阿鼻也梵名阿鼻此云無間謂墮此地獄中受燒炎苦無有間斷故

二舉況

世人因欲殺身亡家出俗爲僧豈得更犯生死根本欲爲第一

釋世人者王臣士庶人也殺身亡家者如夏以妹嬉晉由驪姬乃至驪山火起因褒姒蜀道蒙塵爲太真亡家敗國皆爲此也自古至今受惑非一故曰自天子以至於庶人壹是皆以修身爲本出俗爲僧豈得更犯者謂知五欲過患故捨之出家當不爲生死之所流轉豈可復行生死不淨之行耶楞嚴云汝愛我心我憐汝色以是因緣經百千劫常在纏縛當知紅爐白刃壞色身於一時花箭蜜鋒沉慧命於萬劫大論云入道慚愧人持鉢攝衆生云何縱欲墮沉沒於五情已捨五欲樂棄之而不顧如何還欲得如愚自食睡生死根本欲爲第一者謂一切衆生所以有身者皆由初念顛倒見他交會自以姪心投托母胎而成身根故名曰生所謂一切衆生皆以姪欲而正性命也有生必有滅故名曰死是知生死根源皆以姪欲爲首故云

第一欲除生死須斷姪心。故經云。若諸世界六道衆生。其心不姪。則不隨其生死相續。姪心不除。塵不可出。必使姪機身心俱斷。斷性亦無。於佛菩提斯可希冀。

三立誓

故經云。姪汰而生。不如貞潔而死。釋。姪汰放也。謂恣心放逸而行。姪故貞潔守節清白也。謂守戒清白。雖死猶生。恣心放逸。雖生若死。是故經云。姪汰而生。不如貞潔而死也。如賢愚經云。一比丘。少欲知足。一長者。終身供養。日日送飯。又一長者。將一子來出家。比丘觀是子。能持淨戒。度爲沙彌。其前長者。舉家赴會。唯留一女守舍。忘却送食。比丘念曰。已過午。尚未送食。乃遣沙彌取食。唯見少女迎門。作諸媚態。沙彌自念。此女將無毀我淨行。乃堅攝威儀。女即五體投地。曰。此舍珍寶充滿。卿可爲主。我願充婢。給使沙彌。心念寧捨身命。不毀淨戒。即入房閉戶。踰牆合掌發願。不捨三寶。正戒願生寂靜家。盡漏成道。即刎頸而死。

其女欲心尋息。悲慟悶絕。其父適還。女方甦醒。具述所以。時國王聞知。贊嘆地積衆香。閑維供養。

三結勸

噫。可不戒歟。

釋。入師經。佛告梵志曰。姪人婦女。或爲夫主邊人。所知臨時。得殃刀杖加刑。手足分離。禍及門族。或爲王法收捕。著獄酷毒。掠治身自當罪。死入地獄。臥於鐵牀。或抱銅柱。獄卒然火以燒其身。地獄罪畢。當受畜生。若得爲人。閨門姪亂。違佛法。不親聖賢。常懷恐怖。多危少安。智度論云。破戒之人。若著法服。則是熱銅鐵鑊。以纏其身。若持鉢盂。則是盛烱銅器。若所噉食。則是吞熱鐵丸。飲熱烱銅。若受人供養。供給即是地獄牛頭獄卒。若入精舍。則是入大地獄。若坐僧床。是爲坐熱鐵床上。又大乘妙林經云。釋迦爲太子時。五欲厭離。而求出家。而說偈曰。世間不淨。衆惑邪無過婦人之體性。衣服瓔珞莊嚴。故愚癡是邊生。欲貪有人能作如是觀。如幻如夢。非真實。速捨無明。莫放逸。必得解脫功。

德身

第四妄語戒分初標名

四曰不妄語

釋妄語者。違心故說也。佛弟子直心是道場。於四威儀一切行中。言無虛誑。若以不淨心口念相違。出言不實者。皆名妄語也。妄根於心。言發於口。背真逐妄。顛倒是非。使正道不明。邪詞動衆。此乃修道障緣。應當杜絕。故華嚴經云。性不妄語。菩薩常作實語。實語如語。乃至夢中亦不忍作覆藏之語。無心欲作何況。故犯楞嚴經云。如是世界六道衆生。雖則身心無殺盜淫三行已圓。若大妄語。即三摩地不得清淨。成愛見魔。失如來種。

二釋義分初述律二引證三結勸初中分初小

妄語二大妄語三開聽四舉況初中後初總標

解曰妄語有四

釋妄語有四者。乃初標其名也。謂分別妄生。則出言虛妄。或因喜悅而出者。或因引誘而出者。或因瞋恚而出者。或因嫉妬而出者。然境既不一。則語

有大小罪。有重輕。故如來大悲。凡有妄境。一切俱制。境有三品。父母師僧名。上人天名。中鬼神畜生名。下若有犯者。隨事所定。今先明四種。究其本源。皆由妄起。所謂一翳在眼。千花亂墜。一妄在心。河沙生滅。心王若正。則六臣不邪也。

二別釋分初妄言

一者妄言。謂以是爲非。以非爲是。見言不見。不見言見。虛妄不實等。

釋言者。心聲也。心正則言正。心邪則言邪也。又直出爲言。由已意發而爲言。故宣述爲語。由述見聞而爲語。故如來之語。無非利益衆生。故有眞語實語。正語也。衆生之語。無非損害衆生。故有妄語綺語。兩舌惡口也。以是爲非。故見言不見也。以非爲是。故不見言見也。由虛妄故。是以不實然。妄語雖有八種。不出見聞。觸知四法。謂見言不見。不見言見。聞言不聞。不聞言聞。言不觸。不觸言觸。知言不知。不知言知。若欲惑彼。隨作其一。皆名妄語。又見言不見。誑也不見言見。虛也。謂以分別議在眼。

爲見在耳爲聞在鼻舌身爲觸在意爲知以見聞知三根性利力用偏多能取遠境故各分爲名鼻舌身三根性近力用處少能取鉅境故合爲名今但舉見之一法等者總收聞觸知三法也

二綺語

二者綺語謂粧飾浮言靡語艷曲情詞導欲增悲蕩人心志等

釋綺者錦綺喻也靡者美麗也謂粧點粉飾虛浮無稽美麗之語如織錦繡擗花簇錦以眩人心目也又言雖是實說不應時非時而說亦名綺語艷曲者謂巧作艷麗歌曲惑人心聽如靡靡陽阿之曲是也大都古樂府之作聲韻正雅無如漢魏後之效體漸入艷麗至唐玄宗酷愛法曲選妓三百人教於梨園今謳曲稱梨園者本此纂要云齊歌曰謳吳歌曰飲淫歌曰哇楚歌曰艷情詞者言詞華美妖冶之語也謂聲韻宛轉以盡意之所思引誘情欲皆能導人之愛染長人之悲哀也然詞與曲不無移商換徵隨時小異大約漢唐尚樂府宋

元尚歌曲此騷人詞客所爲非學者之所涉獵也蕩人心志者謂如上情詞艷曲乃宣遽入愛之結使能敗人常性喪人正念令修學人失如來種故曰蕩人心志等者總攝喜怒哀樂之法也筆演云李伯時善畫馬秀鐵面呵曰汝士大夫以畫名矧又畫馬期一人誇妙妙入馬腹中亦足懼矣伯遂罷筆師勸畫觀音願過黃鶴直工艷詞師亦詆呵之黃笑曰又當置吾於馬腹中耶師曰艷語動天下人淫心不止馬腹正恐生泥犁耳黃悚然悔謝遂勵精進

三惡口

三者惡口謂惡罵詈人等

釋惡口者謂言語抵觸甚於泉鳥不留他人情面惡聲惡氣罵辱毀謗於他也所以瞋火一起衝口燒心傷害前人痛逾刀割實乖菩薩之善心違如來之慈訓也故法苑曰瞋是失善法之根本墮惡道之因緣法樂怨家善心大賊惡口肺腑也罵詈者正斥曰罵傍毀曰謗謂自恃所長背求他短惡

口罵。然罵有七種。或以相罵。或以根罵。或以罪罵。或以病罵。或以伎藝罵。或結使罵。或種姓罵。等者。總攝如上罵法也。身死魂逝。墮墮三途。如經所說。若墮地獄。割舌令自啗。食若墮餓鬼口。中蛆。膿流出。若生禽獸。食啗糞穢。人怪其聲。罪畢爲人面貌醜陋。口氣常臭。唇齒皆缺。佛言。寧以利刀割斷其舌。積劫受苦。不可以一言罵。謗持戒比丘。惡報難盡。有二種人。一向入地獄。一若非梵行。自稱梵行。二若真梵行。而以非梵行謗之。

四兩舌

四者兩舌。謂向此說彼。向彼說此。離間恩義。挑唆鬭諍等。

釋兩舌者。謂彼此交屬也。向此說彼者。謂傳彼人之言。而向此說傳此人之言。而向彼說也。皆出忿嫉在心。故以閉言冷語。疑訕叢生。合者使離。離者使湊。令師資恩。喪朋友義。絕離不傳彼此之言。但於二邊說令離散者。亦是兩舌也。管子云。析交離親。是爲賊矣。離別也。間隔也。君父師長。專釋曰。恩。

兄弟朋友善。登曰。義挑唆者。謂前人未說挑發。唆起彼此之言。令生鬭諍也。成實論云。善心教化。雖爲別離。亦不得罪。若以惡心。令他鬭亂。即是兩舌。得罪深重。墮三惡道。中世世得敵。惡破壞眷屬。以今離間破壞他故。

三類結

乃至前譽後毀。面是背非。證入人罪。發宣人短。皆妄語之類也。

釋乃至者。相繼之詞。謂此四法皆是妄語之等流也。前譽後毀者。謂現前獎譽。退後毀訾。愛之欲生。惡之欲死也。面是背非者。謂面從公。是背地私。非無見聞。疑恣心亂。說但圖洩自己之忿。恨不顧他人之死活也。報恩經云。佛告阿難。人生世間。福從口出。當護於口。甚於猛火。猛火燒然。燒世間財。惡口燒然。燒七聖財也。證入人罪者。謂無問前人有罪無罪。但以惡心。硬作證。置他人罪也。發宣人短者。謂訐彼陰私。宣其短處。惟知有己。不顧他人。欺巧百端。令人陷沒。故曰。皆妄語之類也。易云。一

言之善千里應之一言不善則千里違之古人三緘其口所以爲後世之龜鏡也太公曰欲量他人先須自量傷人之語還是自傷含血噴人先汚自口漢新息侯馬援以書誡其兄子曰吾欲汝曹聞人之過失如聞父母之名耳可得聞口不得言也好議人長短妄是非正法此吾所大惡也寧死不願聞子孫有此行也輪轉五道經佛言爲人喜傳人惡死入地獄炸銅灌口拔出其舌以牛犁耕之後墮惡鳥人聞其聲莫不驚怖呪令其死

二大妄語分初明境

若凡夫自言證聖如言已得須陀洹果斯陀含果等

釋凡夫自言證聖者此初標其名也前言世諦之事此言出世妄語也謂身居有漏心等庸流故名凡夫明了四諦住最後身故名聖人梵語阿離野此翻云聖昔商太宰問孔子曰夫子聖者與曰丘博聞強記非聖也曰三王聖者與曰三王善用智勇聖非丘所知曰五帝聖者與曰五帝善用仁義

聖非丘所知太宰駭然曰然則孰爲聖乎孔子有間動容對曰西方有聖者焉不言而自信不治而不亂不化而自行蕩蕩乎人無能名焉然凡聖之別有十法界凡夫由染緣而成謂一切衆生於眞性上情想自異故有六凡聖人從淨緣而證謂佛與三乘於無爲法中智有高下故有四聖可見凡之與聖懸若天淵今言證者妄之極矣如楞嚴云譬如平人妄號帝王自取誅戮須陀洹者此翻預流謂斷三界八十八使見惑已盡預入聖道法流故又云見道謂見眞諦故或名逆流或名人流謂逆生死流入聖法流故又名聖位此小乘初果聖人也斯陀含者此云一來謂欲界九品思惑中已斷前六品盡後三品尚在猶須更來欲界一番受生故此二果聖人也等者謂餘三果四果乃至或云得禪定解脫三昧正受天龍鬼神來歸依我之語未盡故

二定罪

名大妄語其罪極重

釋大妄語者謂如上四果及禪定等法毫無知見妄言已得已證故曰大妄語也。以此誑惑世人而邀名利供養者死墮無間地獄故曰其罪極重也。

三開聽

餘妄語爲救他急難方便權巧慈悲利濟者不犯。釋餘妄語者謂除上妄語之外也。救他急難者謂本無謀利之心全以拔苦爲念故如律云有獵者逐兔兔走避佛座下少頃獵至佛所問見兔否佛曰不見獵乃去後弟子問兔見在佛座下云何見言不見佛曰爲救兔故又如波斯匿王救殺厨監末利夫人令人留藏待王酒醒悔恨送至王所王大歡喜夫人雖受八戒爲救他難而不犯妄語戒是名方便權巧慈悲利濟者也。

四舉況

古人謂行己之要自不妄語始。況學出世之道乎。釋古人卽司馬溫公要立身之要也。通鑑載劉忠定公問司馬溫公曰盡心行己之要可得聞乎公曰其誠乎又問行己之要以何爲始公曰自不妄

語始。二公皆宋之爲儒也。尙以誠信爲本。況出世之人豈得言行乖違耶。蓋道德之存至誠爲首立身之要言行爲先。所以南容三復白圭將以戒慎其言是故古人戒始慎終自不妄語始也。靈源曰舉措不可不審言行不可不稽。寡言者未必愚利口者未必智也。

二引證分初果報

經載沙彌輕笑一老比丘讀經聲如狗吠而者比丘者是阿羅漢因教沙彌急懺僅免地獄猶墮狗身惡言一句爲害至此。

釋此引往事以證妄言之咎也。犬鳴曰吠一言而墮狗身者果不昧因也。阿羅漢此云無學謂所作已辦梵行已立不受後有無法可學故僅但大報恩經云波羅奈國大富長者年至八十生一男子名曰均提十歲出家往利提利因陀羅山至如來所佛爲說法卽得道果阿羅漢心疑白佛佛言均提沙彌非適今也過去毗婆尸佛時有一年少沙彌精通三藏見一老比丘人相不具好讀三寶音

聲濁鈍不能歌頌。少年罵言音如狗吠。老比丘便呼年少。汝識我否。我梵行已立。不受後有年少聞之心。驚毛豎。即求懺悔。我因愚癡。不識聖賢。願我來世見善知識。爾時年少惡罵上座五百生。中常作狗身。百千大眾聞佛所說。咸立誓言。假使熱鐵輪在我頂上。旋終不爲此苦。而發於惡言。假使熱鐵輪在我頂上。旋終不爲此苦。毀謗聖賢。人爾時舍利弗晝夜六時。以道眼觀諸衆生。有應度者。而度脫之。爾時摩竭提二國中。間五百賈客。將一白狗。初夜煮肉作食。於後夜時。狗偷食之。次日賈客餓渴。作暎持刀。則其四足投身糞坑。宛轉腹行。受苦不盡。舍利弗入城乞食。經過彼路。至此狗所持食與之。說法利喜。却後一七罪畢。得出生於人中。佛告阿難。爾時白狗豈異人乎。今均提沙彌是也。由過去世毀罵賢聖。墮在惡道。由初願懺悔罪畢。得出生於人道。遇佛世尊。即得漏盡。

二華報

故經云。夫士處世。斧在口中。所以斬身。由其惡言。

釋此文雖出本經。然法句阿含大律皆同。法苑云。口者關也。舌者兵也。出言不當。反自傷也。高僧傳云。兵者不祥之器。不得已而用之。言者不真之物。不得已而陳之。又斧喻其舌。惡言喻斧。發也。如人擲斧。斬天斧落。還傷自體。世人欲以惡言害彼。而反目害於己也。如大律云。昔調達罵舍利弗爲惡。欲比丘應時熱血從鼻孔出。即以生身墮大地獄。中佛因而說偈曰。夫士處世。斧在口中。所以斬身。由其惡言。應毀反譽。應譽反毀。自受其殃。終無有樂。諸經集要云。甘露及毒藥。皆在人口中。甘露謂實語。妄語則爲毒。毒不決定。死妄語則決定。妄語自不利。亦不利他人。自他俱不利。云何妄語。說若與身不利。慎口也。何妨。

三結勸

噫。可不戒歟。

釋地持論云。妄語之罪。能令衆生墮三惡道。若生人中。得二種果報。一者多被誹謗。二者爲人所誑。何故妄語。墮三惡道。謂緣其妄語。不實使人虛生。

苦惱是以死受地獄。若以其欺妄乖人誠信。故受畜生。報緣其妄語。皆自貪欺貪欺罪。故復爲餓鬼。以其妄語不誠實。故被人誹謗。以其妄語欺誘人。故爲人所誑。既知妄語有此四大苦報。可不戒歟。

第五飲酒戒分初標名

五曰不飲酒

釋酒者。福泉也。飲之令人昏迷神智。顛倒是非。爛菩提芽。壞正覺果。應當杜絕。梵網經云。菩薩應生一切衆生。明達之慧。不應生一切衆生。顛倒之心。也。昔元鑒禪師數興造工匠繁多。或送酒者。輒曰。我所造者。必令如法。寧使罷工。無容飲酒。時清化寺修營佛殿。州豪孫義致酒兩輿。與鑒鑒即破酒器流溢地上。義大怒。明將加惱。夜夢神人以刀擬之。既寤。躬詣懺悔。薩遮尼乾子經云。飲酒多放逸。現世常愚癡忘失。一切事常被智者呵來。世常闇鈍。多失諸功德。是故點慧人。離諸飲酒失。

二釋義分初述律二引證三結勸初中分初明境

解曰。飲酒者。謂飲一切能醉人酒。西域酒有多種。甘蔗蒲萄及與百花皆可造酒。此方止有米造。釋飲酒者。乃總標之詞。酒非一種。故曰一切。西域卽天竺也。多種者。知神仙服食經云。採南燭草。煮汁爲酒。碧映五色之神光。扶桑記云。順遜國有樹形似安石榴。取其花汁貯盆內。數日成美酒。洞冥記云。瑤瑤去王門九萬里有草。割之釀酒。飲一合三日不醒。飲日溪水則醒。南史載拘樓國有水仙樹。腹中有水。謂之仙漿。飲者七日醉。古今註云。烏孫國有青田核。得水成酒。味醇飲盡更生。名青田酒。字異物志云。文章作酒味甚美。人以金買。不以爲貴。然酒雖有多種。大略不出其二。一者穀酒。謂以五穀和麴而釀成之。二者木酒。謂唐相莖花果雜諸藥而釀成之。卽甘蔗蒲萄百花藕根糖蜜等是也。此方卽震旦也。謂震旦惟未造故。

一顯戒

俱不可飲

釋俱不可飲者。謂如上等酒。但有色香美味。能醉

人者一切俱不得飲也。若不敗者現世爲人所耻。死墮惡道亦不得以草頭著酒滴入口中。謂酒滴不除漸成河海。乃至嚼糟食麴和酒羹食皆不可。也是故佛言若以我爲師者不得飲酒亦不得貯畜。

三開權

除有重病非酒莫療者。白衆方服無故一滴不可沾唇。

釋重病者言非輕小之疾也。千鈞之弩豈獨爲難。鼠所發非酒莫療者。若醫言別物所不能救。唯酒可療者。准律白衆方服。始無自私之咎也。但不得未病先病以此爲由之心。而飲若假以病緣而圖貪飲者。卽名破戒。雖爲病故有效。則服病愈卽止。飲時不得入衆。應在佛殿下風處。禮亦不聽誦經。持呪七日之外沐浴更衣。方許作也。無故者無病緣之故。不得飲也。律中佛言酒有多失。開放逸門。飲如草。麤犯罪已。積若消病。苦非先所斷。又薩遮尼乾子經云。酒爲放逸根。不飲閉惡道。寧捨百千

身不毀犯法數事。使身乾枯終不飲此酒。假使毀犯戒壽命滿百年。不如護禁戒卽時身磨滅。決能定使差我猶故不飲。況今不定。知爲差爲不差。作是決定。心心生大歡喜。卽獲見真諦。所患卽消除。毗尼母經云。莎提比丘自小因酒長養身命。後出家已不得酒。故四大不調。諸比丘白佛。佛言。病者聽上嗅之。嗅不差者聽用酒和麵作餅食之。若差者不聽復嗅食。

四護護

乃至不得續酒。不得止酒。舍不得以酒飲人。釋鼻嗅也。暫停曰止。酒舍卽酒肆也。乃惡律儀之一。續酒止酒舍雖不飲有大患者。二一令人生疑。二漸薰成性。亦防微杜漸之法也。梵網經云。以酒飲人者五百世無手戒之甚嚴。謂自破酒戒不過罪及一身。若與人飲爲害不止。故

二引證分初外典二內經初外典三

初禹禁

儀狄造酒禹因痛絕

釋人物考云。儀狄。禹妃弟。善造酒。禹飲而甘之。曰。後世必有以酒亡其國者。遂疏儀狄。而絕旨酒。昔漢。邴原。絕酒不飲。人或問之。原曰。本自能飲。但以荒思廢業。故斷之耳。世儒尙長廢業。況學出世之道乎。又晉中興書元帝性嗜酒。王導深以爲誡。左右進觴覆之。晉書。凡民不得私釀酒。沽其有婚姻及疾者。聽之餘犯者。罰金八兩。又枚乘七發云。酒爲腐腸之藥。自古聖君賢臣。恐以累民。故禁之也。

二 紂亡

紂作酒池國以滅亡

釋人物考云。紂名辛帝乙。少子兄弟三人。長曰微子。啓次曰中。衍皆庶出。三日辛。嫡出。卽紂也。資辯捷。疾力格猛。獸智足以拒諫。言足以飾非。以肉爲林。以酒爲池。使男女裸逐其間。一鼓而牛飲者三千人。官中九市。爲長夜之飲。作炮烙之刑。剖孕婦。斫人脛。王子比干。諫之怒。曰。吾聞聖人心有七竅。遂殺比干。刳視其心。於是武王告諸侯曰。殷有重罪。不可不伐。乃東伐。紂紂走登鹿臺。衣其珠玉。自

燔而死。禹謂後世以酒亡國者。此也。所以詩書淫亂之戒。其原皆在於酒。故微子以紂沉酗於酒。遂作誥以告箕子。比干而去。穆公因周厲王沉湎於酒。故作大雅。嗟嘆而泣涕。流連後秦主苻生。飲無晝夜。乘醉多所殺戮。臣民畏之。海東王苻堅。將兵伐生。生猶醉。募兵殺之。堅遂稱帝。唐敬宗年十八夜。與宦官酣飲。醒後。俄燭滅。遇弑。是以亡身喪國。皆由酒也。

三 僧過

僧而飲酒可耻猶甚

釋僧者。謂禁戒守真威儀。出俗紹隆。聖種。震懾魔軍。爲人天之標幟。法門之棟樑也。若飲酒者。則言多不根。過失無量。謂狀如狂象之無鈎。似戲猿之在樹。故曰可耻猶甚也。

二 內經分初明因

昔有優婆塞。因破酒戒。遂併餘戒俱破。三十六失。一飲備焉。過非小矣。

釋梵語優婆塞。此云近事男。謂受持三歸五戒。可

以親近三寶而住故婆沙論云昔有一近事裏性
仁賢受持五戒專精不犯後於異時遠行歸家家
人赴會彼爲渴所逼見器有酒如水遂取飲之便
犯酒戒時有隣鷄來入其舍盜殺而食復犯盜殺
二戒隣女尋鷄入舍強逼交通復犯姪戒隣家告
官拒諱不陳復犯妄語故云遂併除戒俱破三十
六失者謂不孝父母輕慢師長不信三寶不敬經
法誹謗沙門訐露人短常說妄語誣人惡事傳言
兩舌惡口傷人生病之根開諍之本惡名流布人
所讎嫌貶斥聖賢怨讎天地廢忘事業破散家財
恒無慚愧不知羞耻捶打奴婢橫殺衆生姦淫他
婦偷人財物疎遠善人狎近惡友常懷恚怒日夜
憂愁牽東引西持南害北倒街臥巷墮車墜馬逢
河落水持燈失火暑月熱亡寒冬凍死此三十六
失皆由一飲而備故云過非小矣

二感果

貪飲之人死墮沸屎地獄生生愚癡失智慧理迷
竟狂樂烈於砒酖

釋貪飲者謂貪其香味飲之快意也殊不知快意
卽生顛倒顛倒便失正念失正念則失佛種矣輪
轉五道經云爲人喜飲酒者死入沸屎泥犁中後
墮猩猩獸中後生爲人愚癡暗鈍故無所知教化
地獄經云信相菩薩白佛言復有衆生或顛或狂
或癡或昧不別好醜何罪所致佛言以前世時坐
飲酒醉亂犯三十六失後得癡身如似醉人不識
尊卑不識好醜故獲此罪然善惡無爽有因必果
貪飲故墮沸屎醉亂故失智慧迷魂狂藥者以酒
能使人顛倒錯亂外失威儀內喪真性故烈於砒
鴆者砒是砒霜服之心神撓亂而死鴆是鴆鳥大
如班鳩食蛇之物凡飲食中反毛攪之服者卽死
烈者謂酒之醕更甚於砒鴆之毒也然砒鴆之毒
不過毀其色身未來又得人身飲酒之毒能壞戒
身戒身一壞則難復矣

三立誓

故經云寧飲烱銅慎無犯酒
釋寧飲烱銅者想酒之過利害如是故作誓言寧

飲煇銅腐爛我身而終不飲酒也。以上經論及諸書史種種言辭譬喻總之勸勉離諸酒過也。蓋天下毒之猛烈無甚於此。耽諸毒及以煇銅故舉喻以戒之。爲佛弟子能不醒乎。

三結勸

噫可不戒歟

釋舍利弗問經云迦蘭陀竹園精舍一比丘疾篤將死優婆塞問汝須何藥曰須酒實達毗尼事盡身命無容犯酒優婆塞言若爲病開如來所許於是服酒差病比丘懷慚猶謂犯酒往至佛所慙懃悔過佛爲說法得羅漢道梁高僧傳云法遇在江陵長沙寺一僧飲酒廢夕燒香遇但罰不違師道安以筒盛荊寄遇遇向筒致敬伏地令維那行杖垂淚自責

第六著香花鬘戒分初標名

六曰不著香花鬘不香塗身

釋不著香花等者斷其貪愛也貪愛若斷即同佛身依正莊嚴自然具足欲得莊嚴具足先當離香

屬二塵也蓋世人皆知如來依正莊嚴世無能比而不知如來依正從曠劫苦行修成斷滅貪愛所感今人苦行不修貪愛不斷而欲彷彿如來依正者譬如貧人服帝王服其福速至矣

二釋義分初述律二引證三結勸初中分初明境

解曰華鬘者西域人貫華作髮以嚴其首此土則緋絨金寶製飾巾冠之類是也香塗身者西域貴人用名香爲末令青衣摩身此土則佩香熏香脂粉之類是也

釋梵語磨羅此去華鬘或云璎珞天竺人多用蘇摩那等花行列貫串以嚴其首名之爲髮無論男女皆以此而莊嚴之緋是細絹絨即刮絨練熟絲也製飾者謂以金銀七寶等物裝飾璎珞環釧并製造巾冠之類也其巾冠之製始於黃帝之時古禮二十始冠其士人用冠庶人用巾自後子雲東坡各製其式名不一定名香者謂沉檀速麝龍腦酥合薰陸白膠等貴重之香也塗身者天竺國法

實勝男女皆用好香爲末或洗浴之後令童子以塗其身如此方香肥皂之類青衣侍重也如玄真子命樵青竹裏煎茶是也此方有佩帶香囊或用香筒以薰衣被乃至塗抹胭脂粉等皆攝此戒二儀錄云臙脂起自紉以紅藍花汁作脂爲桃花妝燕國所出也銀粉古今註云三代以銷爲粉此皆俗態也

二顯戒

出家之人豈宜用此

釋謂出家人若用繒絨金寶等製飾帽笠者卽如天竺實花作鬘以嚴其首也若佩香熏香者卽是以香塗身也此皆俗士所爲非僧所用既然出俗當遠離飾好修出世道壞色爲服莊嚴法身戒定爲香薰無漏體詎可同俗行事恣心貪愛耶故云豈宜用此若貪愛心著是物者非佛弟子何也以貪愛心是發欲之本欲念若除則諸惡不生也大菩薩藏經云若有味著花鬘塗香卽是味著熱鐵花鬘亦是味著屎尿塗身也

二引證分初思古

佛制三衣俱用麤疎麻而獸毛蠶口害物傷慈非所應也

釋佛制如上三衣者安陀會鬱多羅僧伽黎也麤者不精疎者不緻此引智度論文而語之以誠不得貪好故獸毛裘褐之類蠶口綉絹之類此皆從殺生而成故曰害物有虧慈濟之心故曰傷慈既違佛制復傷仁慈故曰非所應也大智照律師云智度論明昔日迦葉如來授我釋迦本師衣者十三條麤布僧伽黎是也洎至垂滅親付飲光尊者於鷄足山以待彌勒可見佛所持麤布衣也

二開權

除年及七十衰頹之甚非綿不煖者或可爲之兼俱不可

釋氣弱曰衰力少曰頹甚者不堪極也謂七十已後血氣衰微神力不堪重衣服不能行動故權許之此大師以世間服而垂慈故非三衣也或者不定也謂衰頹不甚則不許也感通傳云唐乾封

二年二月四天王白宣律師曰釋迦如來初成道時乃至涅槃唯服麻布僧伽黎及白氎三衣未曾著其蓋衣絹帛也

三俗儉

夏禹惡衣公孫布被王臣之貴宜爲不爲

釋惡者敝衣頌禹之德也通鑑載伯禹夏后氏名文命字高密謚法受禪成功曰禹祖顓頊父鯀乃黃帝玄孫也孕歲有二月堯戊戌五十八載六月六日生於樊道之石紐鄉長於西羌以土德王正建寅百有六歲崩於會稽堯時洪水滔天鯀治水無功舜乃舉禹繼父業居外十三年以開九州三過其門不入水害遂息受舜禪位都於安邑國號曰夏禹爲人敏給克勤其德不遠其仁可親其言可信其聲應鐘律身有法度故孔子稱曰非飲食而致孝乎鬼神惡衣服而致美乎微冕卑宮室而盡力乎溝洫禹吾無間然矣昔帝堯布衣掩形鹿裘禦寒衣履不敝不更換漢文帝亦身衣弋絺幘帳無文晉武帝焚雉頭裘猶敕不許貢獻奇技異

服斯等聖君非一不能盡舉也公孫姓也名弘漢武帝徵爲博士天子察其敦厚遂以爲御史大夫食不重肉脫粟之飯而爲布被俸祿皆給與仰食之貧家無所餘時汲黯奏曰弘位在三公然爲布被此詐也帝問弘弘謝曰有之誠中弘病夫以三公爲布被實飾詐以釣名且無汲黯之忠陛下安得聞此言天子以爲謙讓愈益厚之以弘爲丞相封平津侯年八十而終

四僧節

豈得道人反貪華飾壞色爲服袈裟蔽形固其宜矣釋道人者學道之人也華花纈飾裝飾出家受戒期得道果而反貪花纈服飾則於道行無益矣壞色者凡檀越所施衣財用草根樹皮染成青黑木蘭三種壞色一壞其貪愛之心與道相應故二壞其五大上色以別俗服故亦名緇色卽壞色也黃緇衣者律有十種謂世人所棄不用之物視同糞掃故比丘拾來浣染成袈裟色縫補三衣以蔽形體知足進道息馳求心斷憍恣念故曰固其宜矣

昔比丘持糞掃衣就河而洗諸天取汁用洗自身而不辭穢次外道持淨瓶將洗諸天遙勿汚池水是知重其德不重其物也

五舉況

古有高僧三十年著一輛鞋況凡輩乎

釋高僧者謂居塵不染道高德重之稱也雙履曰緇唐高僧傳云慧休法師十六歲出家學通經論尤善華嚴唯有律部未遑稍閱意以爲戒可事求按讀卽曉未勢師授後披一卷性遽茫然方悔前議乃請律提瓶從洪律師聽四分律三十餘遍而願諸學徒曰余往聽經論一遍入神今聽律部逾增逾暗豈非理可虛求事難通會是以嘗聽彌公講律彌曰法師大德暮年如何猶勸律部休曰余憶出家之始從虎口中來豈以老朽而可斯須離耶吾恨不得常聞耳今之後學薄知文句宗致渺然卽預師範所以終夜長嘆矣休敏憤三業懷課六時奉禁守道逾衰逾篤衣服趨得蓋體襍懸壁上者一麻鞋經三十餘年過軟地則赤脚人間之

故答曰信施難消帝屢召入京固以疾辭春秋八十有八又唐通慧禪師大悟後布衲重縫冬夏不易晚年唯一裙一被一麻鞋二十餘載遇砂地則穿之恐傷父母遺體故過軟地則赤脚行恐損他信施故

三結勸

噫可不戒歟

釋優多羅母經云優多羅比丘尊佛樂法酒不歷口過午不食香花脂粉未嘗附身母爲餓鬼優多羅以瓶盛水楊枝著中法服覆上飯比丘僧舉名呪願母免重咎阿育王經云南天竺有一男子於佛法中出家少欲知足不樂榮顯不以酥油摩身不以湯水洗浴不食酥油不願華飾常畏生死諸摩倫羅國禮敬優婆塞多一聞說法精進思惟得羅漢果

第七歌舞觀聽戒分初標名

七曰不歌舞倡伎不往觀聽
釋不歌舞者身口無過不觀聽者眼耳清淨也學

道以修身爲本。當守口如瓶。防意如城。惟務一心。精勤辦道。然三界之中。舉足動步。無非罪苦。古人說。暫時不在。如同死人。道業未成。有何樂處。初心一失。後悔難追。故曰。不得歌舞倡伎。及往觀聽也。嘗論耳目之於聲色。極易惱人。神智亦能發人悟機。故仙人緣之而神足。顛失樓子。因之而心地豁開。推其悟智之源。謂被聲色流轉。故名順流。順者下也。究其發悟之本。不被聲色流轉。故名逆流。逆者上也。今之博地凡夫。不被聲色流轉者。少故於道日遠矣。是以初學者。當避聲色。如刀劍觀。戲笑猶如哭。歌舞如狂。外境不就。則內心自寂也。昔佛在世時。大權菩薩。感佛恩德。現天人身。常以梵唄歌讚於佛。或演無常苦空無我之音。令諸衆生。感悟眞常。使水鳥樹林。咸宣妙法。豈可同於世間歌舞倡伎。而比喻耶。

二釋義分初述律二引證三結勸初中分初明境

解曰。歌者口出歌曲。舞者身爲戲舞。倡伎者謂琴瑟。

瑟簫管之類是也。

釋歌曲者。謂引聲揚韻。唱和曲調也。樂書云。樂有歌曲。有曲。曲有詞。所以詩言志。歌詠言爾雅。云長引其聲。比於琴瑟。曰歌。歌聲遠聞曰謠。故善歌者有含商吐角之音也。戲舞者如霓裳。斐飾。窈窕。翻及身首變現手足跳躑等倡伎者。卽伶人也。謂能鼓吹琴瑟。簫管之類。以娛樂也。又琴瑟是絲樂。簫管是竹樂。琴者爾雅疏曰。伏羲斷桐爲琴。又云神農氏作別名曰雅。大者絃二十七。未詳長短。廣雅曰。琴長三尺六寸六分。表裏之三百六十日。合天人之和。廣六寸表六合。腰潤四寸。亦表四時。前廣後狹。表尊卑。面圓背方。表天地。五絃表五行。十三徽表十二律。餘一徽表閏後文王加少宮。少商二絃。或七。或云加文武二絃。字彙云。大者長八尺一寸。中長三尺六寸六分。詩義云。鳳池四寸。表四時。龍池八寸。表八風。又有說云。琴有三十三絃。經桑爲之以修身理性。反其天真。今人用之爲戲樂。誤矣。瑟者爾雅疏曰。伏羲作五十絃。黃帝破爲二。

十五絃禮圖舊云雅瑟長八尺一寸二十三絃其常用者十九絃餘四絃頤瑟長七尺二寸二十五絃盡用之鄭注云大瑟別名曰離又呂氏春秋云朱襄氏之世天下多風陽氣不積果實不成故蚩王建五絃之瑟習腰作十五絃舜益八絃漢武帝歌兒作二十五絃白虎通云琴者禁也所以禁止邪惡以正人心志也瑟者審也閑也所以懲忿窒欲正人之德也簫者風俗通云舜作簫編小竹管爲之參差不齊象鳳之翼博雅云大者二十三管長尺四寸小者十六管長尺二寸爾雅云大者名言小者名篴釋名簫肅也其聲肅肅而清也又禮記曰女媧作笙說文云笙者象鳳之巢大者名集十九簧小者名和十三簧管者長一尺圍寸漆竹爲之如笛六孔十二月之音大者名箛小者名箛豎吹如簫形如篴箛周禮曰篴竹爲之長尺四寸七孔橫吹毛傳曰簫竹爲之如笛三孔橫吹文王之樂風俗通云笛者武帝時丘仲作長尺四寸六孔或七孔笛者絲也所以蕩滌邪穢納之雅正也

樂書云剪雲夢之霜筠法龍吟之異韻今時簫體似笛只在橫豎以別也謂豎者爲簫橫者爲笛其餘琵琶箏篋等皆技樂之類也

一顯戒

不得自作亦不得他人作時故往觀聽

釋不得自作者謂不得自己口唱歌曲及歌咏誦經如婆羅門吟詩讀書等聲也亦不得身爲戲舞如霓裳羽衣登場假粧故事乃至掉臂叉手執刀揮戟等皆不得也故往者有心故往往步步招愆無心而遇住則成罪也

二引證分初欲害

古有仙人因聽女歌音聲微妙遽失神足觀聽之害如是況自作乎

釋遽卽也神足者謂神仙有五通一天耳通謂一切苦樂音聲悉能聞故二天眼通謂一切形色及諸衆生死此生彼苦樂之相悉能見故三宿命通謂自他多生所行之事悉能知故四他心通謂他人心中思惟善惡之事悉能知故五神足通謂隨

意變現飛行自在一切所爲無有障礙故大毗婆沙論云昔有毘陀衍那王將諸宮女詣木連山除去男子純與女人燒衆名香奏五妓樂露形而舞樂音清妙香氣芬馥時有五百仙人乘神通上通或見色或聞聲或嗅香皆退神通一時墮下如折翼鳥不復能飛王見問曰汝等是誰諸仙答言我是仙人王言汝得非非想定否仙言未得乃至問言汝得初禪否仙言曾得今失時王瞋言不離欲人如何觀我宮人嫁女便拔利劍斷截五百仙人手足彼諸仙人有從眼根而退有從耳根而退有從鼻根而退是故一時墮落故云觀聽之害如是況自作乎所謂纒生一念欲便失五神通是也

二闕妄

今世愚人因法華有琵琶鏡鈸之句恣學音樂然法華乃供養諸佛非自娛也

釋今世末法時也愚人不諳教法者法華乃一乘之妙法琵琶是胡琴長三尺五寸象三才五行四絃象四時也鏡闌也謂鳴時則樂音喧闌也古以

金造之又鏡止也凡軍法卒常執鏡金錢一響鼓聲即止也鈸助也謂鳴時以助樂聲也娛樂也謂初出家人無向上志乃不知出家之體最尊而流俗之風甚下但聞法華有琵琶鏡鈸之句輒便恣心肆作以取其樂乃不知樂是苦因然法華是使人作供養諸佛種未來成佛之因受戒之人果能戒行精嚴豈無諸天護佑設或誦經禮懺猶可名爲法施若就細細音樂則恐情生愛染故不許也甚至蒙昧愚人學毗尼謬解聖意借言法華之句恣意習學吹簫打鈸以爲娛樂抑何異於優伎人耶則僧寶淪失地獄因深律云舍利弗目犍連般涅槃已時諸比丘自作伎樂吹唄供養佛言不應爾諸比丘畏懼不敢令白衣作伎佛乃聽許則佛制可知矣問如來說法無有二言法華律儀皆是佛說云何法華則許律儀不許耶然要知律儀中人若以音樂爲功德即律儀轉爲法華矣若法華中人以音樂自娛即法華律儀俱不成矣

三攝正

應院作人間法事道場猶可爲之今爲生死捨俗出家豈宜不修正務而求工伎樂

釋應院者謂應供檀門作佛事之院也人間法事者顯非出世間真實佛事也閑晏修道之處名爲道場緣佛初坐菩提樹下成等正覺故以此處爲得道之場今以人間法事而爲道場者亦由檀信虔誠奉請三寶以求福利是故凡供佛轉法之處稱爲道場非第一菩提道場也猶可爲之者乃少尤之詞非大許也謂瑜伽佛事古來皆是行德兼優大法師作但今非昔比也割愛辭親是曰捨俗出煩惱家故曰爲生死持戒禪誦禮拜勤修福慧名爲正務正務不修而反專於技樂者重增生死之累也信施難消光陰虛度將何以敵生死也

四草弊

乃至園基陸博戲擲筭等事皆亂道心增長過惡釋園基博物志云堯作以教丹朱也子三百六十一縱橫十九路方言云自關以東謂之奕象棋有三十二子以象牙飾之故云象棋世傳堯作圍棋

武士作象棋以象戰鬪故有云昔神農以日月星辰爲像唐相國牛僧孺用車馬將士卒加砲代之爲機矣陸博漢書注云行棋也鮑宏博經云一棋分黑白各半擲之散即散子是陸博采具又陸博即雙陸棋亦名博塞戲魏曹植製雙陸局以五木爲散子有樂盧雉擲塞五者爲勝負之采故人刻一散爲梟鳥形得之爲上勝又散六箸行六棋謂之六博也擲者投也拋也如擲石投壺拋毬跳錢也投壺古用石今用矢以中者爲勝擲稱即博籌也今謂之呼盧取純色爲勝用六子爲局今人擲之爲戲亦博奕之總名所謂擲稱一擲百萬是也等者總結一切戲具也如上所說皆非佛子所爲徒亂修道之心增長愚癡惡業沉淪苦海無解脫時有志之人寧守愚樸甘坐蒲團三衣一鉢專精戒學如求工末技而犯佛戒者豈好心出家之所爲耶大都善惡對待如箭鋒相柱究竟爲惡則易爲善則難爲惡如放無羈之馬爲善如撐逆水之舟逆水之舟漸有上進無羈之馬一去難收矣此

又爲同志者之所語也。晉陶侃爲荊州刺史。見更博奕戲具。謂曰。圍棋堯舜以教愚子。博奕殷紂所造。諸君並國器。何以此爲。又云。大禹聖人。乃惜寸陰。至於衆人。常惜分陰。諸參佐。毋以戲廢事。遂取博奕投之於江。曰。博奕乃牧猪奴戲耳。

三結勸

噫。可不戒歟。

釋高僧傳云。唐玄奘法師。年十一出家。觀諸沙彌。劇談掉戲。謂曰。夫出家者。爲無爲法。豈復更爲兒戲。可謂徒喪百年矣。大論云。聲相不停。暫聞即滅。愚癡之人。不解聲相。無常變失。故於音聲中。妄生好樂。於已過之聲。念而生染。著有智之人。觀聲生滅。前後不俱。無相及者。作如是知。則不染著。若斯人者。諸天音樂。尙不能亂。何況人聲。如是等種種因緣。訶聲過失。則不著矣。如夫迦葉等。聞天王彈琴。尙起作舞。不能自安。況凡夫輩。可不百警耶。遠祖云。苟以亂意。皆爲非法。

第八坐高廣大牀戒二初標名

八曰不坐高廣大牀

釋不坐者。身離觸塵。故謂佛弟子。依戒修行。於四儀中。應當事事知足。不得愛好床褥。生長憍恣。懶修禪。誦有所好樂。則不得其正也。戒經云。常求三昧。爲牀智慧爲座。一心志道。不得同俗行事。食好受用也。一息不還。便同灰壤。愛好何用。中阿含經云。生聞梵志問佛。出家以何爲苦。佛言。出家以自在爲苦。謂隨順貪欲。瞋恚愚癡。不守禁戒。因此憂惑。故以自在爲苦也。又問以何爲樂。佛曰。出家以不自在爲樂。謂學道不隨貪欲。瞋恚愚癡。以戒自制。則無鬪諍。無鬪諍則無怨憎憂苦。有此義利。故以不自在爲樂也。

二釋義分初述律二引證三結勸初中分初明制

解曰。佛制繩牀。高不過如來人指。過此則犯。繩繩牀十八種物之一也。謂以繩穿繫於林中樹下樓宿。以避卑濕。故如來者。謂乘如實道來度衆生也。律中因瓶沙王。以迦藍陀竹園供佛及僧諸

大長者作種種房舍鋪設地敷天雨之時地多潮濕有病比丘不堪坐臥佛言聽作牀時有蛇蝎蜈蚣入內未離欲者見皆驚恐佛言聽安脚高一尺六寸卽如來八指也牀有二種一繩牀爲行脚者設二木牀爲坐禪者設今言坐者木牀也毗婆沙論云佛八指約高一尺六寸如中人一肘坐時脚不掛空過此量者曰高但可容身轉側過此量者曰廣既高且廣故名爲大大師恐初機學者放逸身心增長過惡故如大僧所制而說也

二戒飾

乃至漆彩雕刻及紗絹帳褥之類亦不宜用釋漆者灰漆也彩者莊彩也雕刻其內刻斲其外紗絹者皆殺生之財也如上等物乃王臣俗士所貴非出家者之所行爲違佛明制損德招愆故不宜用也若檀越施來但宜藏護不應受用若大衆長連牀上坐臥不論因學紀聞云舜作食器流漆墨其上國之不服者十三人禹作祭器墨漆其外朱畫其內國之不服者三十三人然舜禹聖君也

用漆爲器不爲過分而有賢臣諫諍者蓋恐百官庶民靡費不節故今之出家者華其私室稍其器皿制度失佛祖之箴受用等王侯之供忠言逆耳直諫者乃違背肩詔笑曲奉者是趨此其所以叢林日弊法門衰替矣初學記云蒿宮前柱實與國之清猷玉席珠衣乃危邦之弊化也

二引證分初舉況

古人用草爲座宿於樹下今有牀榻亦既勝矣何更高廣縱恣幻軀釋此引古以鑒今正明持戒止貪之益也可坐可臥名之曰牀狹而長者故名爲榻物原云神農始作牀席已前尚無然最尊最貴莫過於王至上至聖莫過於佛世尊出王宮塚間露坐樹下棲身及成佛時用草爲坐而作是言我若不成正覺終不起脚跌此如來出世之榜樣也今有牀榻已勝於樹居草座何更高廣雕刻縱此身形那肯還想修道耶幻軀者謂此身乃四大和合而成緣聚則生緣散則滅猶如夢幻空花虛妄不實故曰幻軀愚

夫不了執之爲實。恣情縱欲。增長福根。所以長淪三有。往還無際矣。東林混融禪師示衆云。避萬衆尊榮。受六年飢凍。不離草座。成等正覺。度無量衆。此黃面老爺出家樣子。後輩忘本。反爲口體如佛。言曰。爲沙門者。去世資財。乞食取足。日中一食。樹下一宿。慎勿再矣。

一苦益

脇尊者一生。脇不著席。高峰妙禪師三年立願。不沾牀機。

釋西域記云。尊者中天竺人。本名難生。由在胎六十年。始生。故至八十歲。投九祖伏臥尊者出家時。年少比丘諷曰。出家之業。一則習禪。二則誦經。汝今衰老。何所取進。尊者聞之。誓曰。我若不通三藏。不斷三惑。得六神通。具八解脫。終不以脅至席於九祖處。執侍左右。未嘗睡眠。日則披閱三藏。夜則坐禪。三年之內。悉證所誓。爲第十祖時。人敬仰號脅尊者。一生者。從出家敘起也。元高峰禪師諱原妙吳江徐氏子。母夢僧乘舟來。乃孕。至離襁褓。喜

跌坐。遇僧入門。輒欲從之。年十五出家於嘉禾密印寺。十六薙髮。十七習天台教。二十更衣入淨慈。立三年死限。不澡身。不薙髮。不沾床機。口體俱忘。後於天目師子巖。西石洞。營小室如舟。榜曰死關。絕給侍。洞非梯莫登。撤梯斷緣。雖弟子罕得瞻視。示寂偈云。來不入死關。去不出死關。鐵蛇鑽入海。撞倒須彌山。

三樂愆

悟達受沉香之座。尙損福而招報。

釋唐知玄法師俗姓陳。三學洞貫。名冠一時。異跡猶多。故世號爲陳菩薩。五歲卽便能誦詩十四。講涅槃經。李商隱贈詩云。十四沙彌能講經。似師年紀祇携瓶。沙彌說法沙門聽。不在年高在性靈。懿宗賜沉香寶座高二丈餘。僖宗賜號曰悟達國師。二帝供養隆厚。非常後忽定中見菩薩降手摩玄頂。演深妙法。而安慰之言。訖卽隱。俄見一珠入玄左股。隆起痛甚。上有晃錯二字。遂成人面瘡。而玄前身是漢袁盎也。害晃錯斬於東市。玄十世爲高僧。

錯求報不得。因過受人主寵。遇一念名利心起。於德有損。故能害之。幸遇西蜀迦諾迦尊者。洗以三昧水。解之。故不爲患矣。詳如本傳。

三結勸

噫可不戒歟

釋此牀座帳褥。乃四聖種之一也。於此知足。則能進修道業。證三菩提。故名聖種。若不知足。則道果無分。聖種失矣。如悟達國師。見解超時。行位未測。由不知足。一念心起。德損福至。我輩何人不以爲戒。哀哉。維阿含經云。一沙門在河邊樹下。學道十二年。貪想不除。身靜意遊。曾無寧息。不能得道。佛化作沙門。至其所有。龜從河中出來。至樹下。復有水狗。飢行求食。便欲啗龜。龜縮其頭。尾四足藏於甲中。不能得啗。佛曰。吾念世人。不如此龜。放恣六情。外魔得便。形壞神去。生死無端。輪轉五道。苦惱百千。卽說偈言。藏六如龜。防意如城。慧與魔戰。勝則無患。沙門聞之。卽得道果。

第九非時食戒

分初標名

九日不非時食

釋不非時食者。謂同如來正中而食。口不犯過也。離此便名非時。前八後一名戒。此非時食名齋齋者。齊也。謂齊通中不食也。如來處於五中。謂降生中國。中夜踰城。日中一食。中夜成佛。所談中道律云。如來性離非時食。從誕王宮。乃至涅槃中間。未嘗非時食也。毗羅三昧經云。非時不食。得五種利益。一離諸貪欲。二神氣清爽。三能却睡魔。四道業易辦。五增長福壽。舍利弗問經云。檀越造僧伽藍。厚置資給。供出家人。非時就典食者。索食與者。食者得何等罪。檀越得何等福。佛言。非時食者。是破戒人。是犯盜人。非時與者。亦破戒人。亦犯盜人。盜檀越物。非施主意。施主無福。如失物故。但有發心。置立之善也。西陽雜俎云。貞元中。荊州天崇寺僧智燈。常持金剛經。遇疾死。弟子啓手足猶熱。未敢殮。經七日。却活云。初見冥王。合掌下階。訊曰。因公持經功德。更延壽十年。免脫生死。又問人間衆僧。中晚以藥爲食。意欲仁大違本教。燈曰。律有開

遮故王曰此後人加之非佛意也今荊州僧衆中後無飲藥者

二釋義分初迷律二引證三結勸初中分初定時

解曰非時者過日午非僧食之時分也諸天早食佛午食畜生午後食鬼夜食僧宜學佛不過午食釋曰午者乃順此方之言約依經律應云日中若日過中及明相未出是名非時故曰非僧食之時分也良以午分八刻前四名時後四非時恐人渾濫故不言午而言中也諸天早食者早以清勝爲義天者天然謂因修五戒十善感受天然清勝之福故其人間清勝至誠亦在於早天開以子故齋天在於早晨而諸天喜人清勝至誠自然受供也佛午食者以午食爲法食故毗羅三昧經瓶沙王問佛言何故佛日中食佛言早起諸天食日中三世諸佛食中後畜生食日暮鬼神食如來欲斷六趣因令入中道故同三世諸佛食也畜生午後食者梵語底栗車此云畜生卽六畜也謂因中所作

逆天悖理之事故感此道負天而行中後而食也鬼神夜食者鬼畏也謂虛怯多畏故神者能大力者能移山填海小力者能隱顯變化由詔誑心所作之事恐令人知故感此道黑暗而食也僧宜學佛等者謂佛爲出世聖人久斷六道因今發心受戒志願成佛若欲成佛出六道果者當先斷入六道因令同三世諸佛常懷法喜禪悅過午則不食也處處經中佛言中後不食有五福一少羶二少睡三得一心四無有下風五身得安隱亦不作病夫戒者猶人之衣食也苟無衣食則人奚存故大律云毗尼藏者是佛法壽命毗尼住世則佛法久住也故如來將涅槃時諄諄教誡云我滅度後汝等以戒爲師若我住世無異此也所以大迦葉等終身奉行祖祖傳持咸遵佛敕未嘗違也

二興慈

餓鬼聞碗鉢聲則咽中火起故午食尙宜寂靜況過午乎

釋餓鬼者飢渴所逼曰餓希求名鬼謂彼餓鬼恒

從他人希求飲食以活性命由昔慳貪不行布施故墮餓鬼中咽小如針腹大如鼓常爲飢渴所逼也世尊在祇桓精舍定中遙見地獄餓鬼咽中火起徧鐵圍城問知其故謂人間鉢鉢作聲故佛大慈誡諸弟子凡於食時應當寂靜不得碗鉢作聲也然午前尚宜寂靜況午後正當鬼食之時豈忍碗鉢作聲而令彼等聞聲火起受燒然之苦邪蓋餓鬼因中侵奪衆食以自活命令眾飢惱謂在碗鉢上造業故卽於碗鉢上受報也

二引證分初□□

昔有高僧聞鄰房僧午後舉爨不覺涕泣悲佛法之衰殘也

釋高僧者以佛法爲已任故爨燃火煮食也鼻出爲涕哭而無聲曰泣昔法慧禪師住鄴寺聞鄰房比丘午後炊爨慨佛法垂秋傷殘悲嘆不覺涕下沾襟今人既無古德護法之心而反生毀謗而言修行不在於此安然無愧可乎宋徽宗惑於道士林靈素妖言改佛爲道法師承道上疏陳諫帝大

怒收道付開封獄春陵守謂師曰道人蔬食且不遇中甚非自全之計宜茹葷血師慨然曰死則死耳佛禁不可犯也

二治病

今人體弱多病欲數數食者或不能持此戒故古人稱晚食爲藥石取療病之意也

釋今人者但指病人非言一藥多有病也多病者謂身體飢餓氣力衰微非一種病也數數者展轉食也或者疑也謂疑不能持此戒故藥石者古來針灸以石爲針今多用鐵五分律云時諸比丘服吐下藥不及時食腹中空悶醫教令食諸比丘白佛佛令以稻穀煮水聽非時食不能得差佛聽以囊盛穀煮汁令服又不能差佛聽以囊盛米煮汁服之稍有起色但不能愈佛乃慈聽以米煮粥晝不成字令屏處服之病愈卽當懺悔古人稱晚食爲藥石者謂病比丘食粥如同服藥如石針針體爲救病故非徒滋養口腹而食也又石頭是不可食物以喻晚食不可食也若假病緣而恣意食噉

者大違佛教也。喻如世間王令誰敢當鋒如來制戒。亦復如是。天台云。爲病故毀戒。如破浮囊。情願血臭。身破清淨戒。罪莫大焉。故律云。比丘有病。先斷飲食。以瘳爲度。名爲天醫。有病無病。常當觀察此身。爲生老病死之本。衆苦之源。深自剋責。制其情欲。古云。人常想病。日則塵心頓息。人常想死。日則道念自生。而反縱彼愛根。自增苦本。不懼累劫之殃。但憂一生之命。飽食安眠。破齋夜食者。施主失應時之福。衆僧損良田之德。且非時湯藥及種種果漿。皆非佛制。好心出家者。當依法不依人。方名正見佛子。

三感愧

必也知違佛制。生大慚愧。念餓鬼苦。常行悲濟。不多食不美食。不安意食。庶幾可耳。釋必也知違佛制者。此承上文而言也。謂晚食雖爲病開。畢竟是違佛制。既知違制而食。則不可執權迷實。以爲常途軌則。必須生大慚愧。慚者慚違佛教。愧者耻食非時。由慚愧故。自當念餓鬼飢渴。

之苦。不安意非時食。不令碗鉢作聲。便是慈悲和濟之心也。以悲濟故。則不恣意多食。亦不爲美食好而食。所食不多不美。是爲不安意而食也。庶幾者方可之詞。謂人有如上慚愧之心。方可開聽也。

四結罪

如或不然。得罪彌重。

釋如或不然者。謂無上慚愧心。忽略毗尼。饗餐飲食。滋養色身也。彌甚也得罪甚重也。或言佛有開緣。有病不犯者。此乃不知律法。然四分律中七種開除。在別衆戒中。非時食戒。毫髮無許。謂因檀越所請。如來故。開別衆。此在午前。非是午後。當知凡語無憑。聖言有據。不可妄談律典。何獨不言比丘有病。先斷飲食耶。昔傳大士。是彌勒菩薩化身。每行清齋。竟日不食。減食以施貧餒。今者二時飽。猶不知愧。故違佛制。不觀祖德。不念他乏。焉得名爲發心受戒者耶。

三結勸

應可不戒歟。

釋大律云沙門釋子寧自破腹不應夜食沙彌尼戒經云若國王長者過日中施亦不得食終死不犯也舍利弗問經云時受時食時不盡者非時復食或有時受至非時食復得福否佛言時食淨者是卽福田是卽出家是卽僧伽是卽人天良友是卽天人導師其不淨者猶爲破戒劫盜餓鬼爲罪留非時索者非時輒與者是名退道惡魔是名惡道破器癩病人壞善果故諸婆羅門不非時食外道梵志亦不邪食況我弟子當知法行法若盜與盜受一團一撮片鹽片酢皆死墮焦腸地獄高僧傳云梁山陰雲門寺釋智順疾甚不食多日一日中竟弟子疊和以順絕穀日久密以半合米糲煮以進順咽而吐紫水洗澡語和云汝永出雲門不得還住如上所說令人毛骨悚然何爲一准之食遺累至此其有智者可不深戒歟

第十捉金銀寶物戒二初標名

十曰不捉持生像金銀寶物

釋不捉持者無有貪欲心也謂非但不捉金銀卽

金銀所造一切器皿銀銅等亦不可捉也出家修無爲法向清淨道當遠離愛染斷貪嗔心以成清白梵行若捉持者則藏蓄藏蓄則生貪者貪世間財物則損失出世間法財慧命殘殘惡名流布世所賤之而善神亦不護佑矣如僧祇律云有比丘將一沙彌歸看親里路經曠野有非人化作龍形右邊沙彌以華散上讚言善哉大得善利捨家出家不捉金銀及錢比丘到親里家問訊已欲還時親里婦語沙彌言汝今還可持錢去市易所須沙彌受取繫著衣領中道非人見沙彌持錢在比丘後行非人復化作龍形左邊沙彌以土塗上乃言汝失善利出家修道而捉銀錢沙彌便啼比丘顧問沙彌泣言我不意有過無故得惱師問汝有所捉耶答曰持是錢來師言捨棄其非人復如前供養可見利害如此

二釋義分初述律二引證三結勸今初

解曰生卽金也像似也似金者銀也謂金色生本自黃銀可染黃似金也寶七寶之類也皆長貪心

妨廢道業

釋南山云。梵語生像。比云金銀。故曰生即金也。善見云。生色似色。似即是像。故曰似金者。銀也。謂金則生來黃色。故曰金色。生本是黃。銀則可染似黃。故曰銀可染黃。似金也。又生者。生成金銀像者。煎像金銀。如以金銀。煉成錠餅。或打成首飾人物等。皆名曰像。然金是本名。銀從色別。又金銀銅鐵錫。通名為金。蓋取尊貴故也。五金之中。黃金為上。如真諦雜記云。有四德。故一顏色不變。二體性無染。三轉作無礙。四能富貧窮。以喻法身常樂我淨之四德也。寶者。七寶。一金。大智度論云。出山石沙赤銅中。二。銀。出燒石中。世名白金。三。琉璃。華言青色。寶。四。玻璃。華言水玉。即蒼玉也。謂色體瑩潤。故五。碑。碑體堅。色明。六。瑪瑙。其色赤白如馬之腦。因以名焉。七。赤真珠。大智度論云。此寶出魚腹蛇腦之中。其色明瑩。最為殊勝。此七種皆尊貴之物。世所希有。總名為寶。又寶即是生物。即是像。如以寶琢成禽獸花草等。其餘珊瑚琥珀及摩尼珠等。皆寶

之類也。謂此等物。捉之則被他所轉。故曰皆長貪心持之。則不能修道。故曰妨廢道業。所謂寶物。捉而慧命除煩。惱增而正念喪矣。是故制之。

二引證分初引古

故佛在世時。僧皆乞食。不立烟爨。衣服房室。悉任外緣。置金銀於無用之地。捉持尙禁。清可知矣。釋乞食者。乃沙門之正制。佛令諸比丘平等教化也。謂一鉢千家。孤身萬里。隨緣而受。以資形命。故此有三義。一。折伏自己。貢高我慢。故二。利益檀那。故三。要知物力之艱難。不致坐消信施。故是以不結淨厨。無有烟爨也。蓋學道之人。必須勞其筋骨。餓其體膚。方能上道。若欲豐衣足食。而修行者。則如來不必出王宮矣。衣服房室者。總名四聖種也。謂既分衛諸方。隨緣化度。有益便停。故云悉任外緣也。縱有檀越。布施金銀。令淨人掌之。供養三寶。若不為三寶。不施衆生。救拔苦難。藏之何用。故曰置金銀於無用之地也。昔者世尊下耆闍崛山。阿難見一坑伏藏。阿難言。世尊毒蛇。佛言。毒蛇如來

去後樵夫聞之便來觀看見坑金銀而作是言此蛇但願毒我一生即取回造作樓閣一年之內種種現成時王遊獵見之告羣臣言去歲觀見本是荒郊今日云何如此茂盛即喚樵夫問知其故樵夫具白上事王言普天之下莫非王土所有伏藏皆是官物汝何盜取即付有司問成死罪將赴刑時口便喚言世尊阿難有司具奏王言汝盜官物念佛何用樵夫具白毒蛇之事王言既於佛邊所得伏藏放汝生命財物入官可見金銀有如此之利害也故如來禁止捉持以修清淨之道故曰清可知矣大師解此讀之不覺令人引入佛境界矣

二畢況

鋤金不顧世儒尚然釋子稱貧苦財爰用釋不顧者世說新語云漢管幼安諱寧與華歆園中鋤菜見地上有片金管掇鋤與瓦石無異歆捉而擲之時人以此定管華之優劣故曰世儒尚然又樂羊子嘗行路得遺金一餅持還與妻妻曰妾聞志士不飲盜泉之水廉者不受嗟來之食況拾

金求利以汚其行乎羊大慚乃捐金於野高士傳披裘公者吳人也延陵季子出遊見道中遺金時當五月見披裘負薪顧令彼取金公投鎌瞋目拂手而言曰何子居之高視人之卑耶五月披裘而負薪豈取遺金哉季子大驚而問其姓公曰吾子皮相之士何足語姓名哉釋子者古來出家隨師姓稱晉道安法師受業於佛圖澄白曰師莫過佛捨俗出家宜稱釋子後涅槃經來東土方知佛世皆稱釋子也稱貧者乃負薪之詞謂我道慚先哲於七聖法財多所貧乏故奚何也既曰於道貧乏若蓄積錢財則言行相違而道去遠矣故曰蓄財奚用也然儒尚不顧我蓄何爲古人憂道不憂貧故迦葉尊者偈云所食無過一升飯眠臥惟須一小牀兩張氈布足遮身此外並是愚癡物昔慧滿禪師奉頭陀行惟蓄二鉢冬則乞補夏則捨之心無怖畏睡無夢行乞食所至伽藍則破薪制屣住無再宿後無疾坐陶治中自化古云若愛一文則不值一文此千古之名言也

三鑑今

今人不能俱行乞食。或入叢林。或住庵院。或出遠方。亦未免有金銀之費。

釋今人不能者。謂末法時中人多少。信難比佛世時也。況闍浮提人以財活命。故難乞食也。梵語貧婆。此云叢林。聚草爲叢。聚木爲林。乃龍象奔投之處。衆僧棲心修道之所。譬如大樹叢叢。清蔭遠覆。故僧聚處名曰叢林也。又草不亂生。曰叢木不亂長。曰林言其內有法度也。庵者安也。古人心地開明。把茅蓋頭。以蔽風雨。荷簋樂道。身心俱安。故曰安也。西域僧俗修行於闍若處。多結草居之。院者禪室也。凡庭館有垣牆者。皆名曰院。亦是叢林之別名也。遠方者。謂尋師訪道。遠涉他方。則非錢不行。故曰亦未免有金銀之費也。

四餘濟

必也知達佛制。生大慚愧。念他窮乏。常行布施。不營求。不畜積。不販賣。不以七寶莊飾衣器等物。庶幾可耳。

釋布施者。恩澤於人。曰布惠。及於彼曰施。謂見他貧乏。則有餘當捨。不得多畜也。營是經營。求是謀求。謂不得經營。施主抄緣惡化。謀求利養。故古云。僧難猶鳳雛也。當惜其羽毛。聽其自然。若哀求苦索。則失袈裟之體也。畜積者。畜是貪畜。積是積聚。謂有檀越布施。即將供養三寶。自獲善果。復令施福轉增。不可畜之箱囊。積之高閣。生他貪念。自禍福人。況纔登戒品。固當專致學道。恐其恣長貪心。金銀不經其手。豈受畜積耶。故經云。無得藏積。穢實人與不受。則不留轉。濟窮乏。常爲人說。不貪之德是也。販賣者。賤買貴賣曰販。以貨求利曰賣。謂不得賤買貴賣。虧損淨行。以利求利。壞佛形儀。故業疏云。但以邪心有涉貪染。爲利賣法。禮佛讀經。斷食等所獲贖賄。皆曰邪命物也。不以七寶莊飾衣器等物者。謂非釋子之所宜也。此乃增長愛根。成有漏業。故可爾者。謂無上諸事。方可捉持。此亦勉強而說。非佛言也。

五定罪

如或不然得罪彌重

釋不然者。反可之詞。謂無上布施之念。及不生大慚愧。若行貪愛之心。捉持者得罪甚重也。受戒之人。應當隨緣進道。知足修行。三毒息則戒行全。十惡清則三塗免。若飲食四事俱已備足。則錢財外物均亂道心。若以誑言小乘。惟知自利不利他人。或言受戒已後。聽許執捉律無此說也。要知菩薩以度生為主。錢財以十方為重。積若無由。不為已有。故不遮執捉。但遮畜貯也。故死心禪師曰。道與利不相為謀。求利者不可與道。求道者不可與利。蓋二種非不能兼之。則其勢不可並也。若利與道兼行。則商賈屠沽。鬪鬪負販之徒。皆能求之矣。古人何必棄富貴忘功名。灰心混智於空山大澤之中。澗飲木食而終其身哉。

三結勸

噫可不戒歟

釋此生像寶物等。極易悟人。神智喪失道念。故如來喻如毒蛇。若捉持者。則有喪身失命之患也。可

● 四 勸 亦

不戒歟。譬如古鏡本來明淨。著一點塵埃。不得若著一點塵埃。光明即為障蔽矣。戒體即復如是。著一點貪心。不得若著一點貪心。戒體即為乖戾矣。故晦堂曰。一塵飛而翳天一芥塵而覆地。祇者一點貪心。無量法門。即時掩閉。從此錯過。豈止一生兩生耶。古德云。不愁劍戟如星下。只怕藕絲絆殺。人大莊嚴論云。財寶令人起憒。總不應畜。縱令安樂。要必有離。如蜂作蜜。他得自不得。財寶亦如是。佛告諸比丘。我若不持戒。當墮三惡道中。尚不得為下賤人身。況能成熟。來生淨佛國土。具一切種智耶。故知寧捨身命。碎如微塵。不可毀犯禁戒。墮三塗。永失菩提種子也。以上十戒。前四是性罪。性者實也。謂縱不受佛戒。世間法。爾有罪也。酒戒是半性半遮。半性者。謂能斷佛慧命。故半遮者。謂王法所不禁。故謂世人。但知亡家敗國。而不知苦報三塗也。後五是遮罪。由佛遮禁。不聽毀犯也。故有違犯不得覆藏。即須深生慚愧。向師發露悔過。斷後作心。還得清淨。如論云。是中四是實惡。酒是

衆禍之門餘者是放逸因緣若犯前四名破戒第九名破齋餘者名破威儀又此沙彌十戒與菩薩戒大同小異菩薩十重以殺戒爲首此沙彌戒亦以殺戒居先菩薩四十八輕以敬師友戒爲首此沙彌二十四門威儀亦以敬大沙門爲第一故經云是戒能爲比丘戒之階梯菩薩戒之根本直至成無上菩提故須清淨守持勿令絲毫有失也釋相已竟

[illegible][illegible]

一代時教 謂如來說法從始至終名爲一代時者。佛與弟子說聽和合之時教者如來所說之法也。如來初成正覺 謂乘如實道來成正覺故曰如來。初成正覺三七日說大化之始故曰初成離邪曰正背妄曰覺。

寂滅道場 謂寂五住煩惱滅二種生死得道之場
 卽摩竭提國阿蘭若處然處隨法轉故名寂滅道
 場

鹿野苑 謂羣鹿所居故名鹿苑乃如來昔生垂化之地也從樹爲名亦名奈苑二仙所居亦名仙苑善來比丘 謂如來觀彼根機成熟呼云善來鬚髮自落袈裟著身威儀庠序卽成僧相故

憐陳如等 此云最初解謂此五人先見諦故等者

總收類轉跋提俱利十力也

轉四諦法輪 轉有三一示轉二勸轉三證轉四諦

者謂苦集滅道也輪者摧碾之義謂如來以此苦

集滅道四諦之法摧碾衆生之惑業也

耶舍傳 具云佛賦耶舍此云覺明屬賓國人操行

貞白戒節堅固儀止祥淑視瞻不凡世出世間典

章流辯無滯以姚秦弘始年達于姑臧什先師之

勸與往邀與即勸迎并有贈遺笑而不受重使敦

喻方至長安與自出迎居逍遙園四事供養並皆

不受時至分衛一食而已耶舍亦髡時人號爲赤

髡毗婆沙翻譯經論并四分律傳者後人所記尊

者之事也

玄奘 河南洛陽人額川陳仲弓之後鳩車之齡落

髮竹馬之齒通玄戒具云畢偏肆毗尼常慨教缺

傳匠理醫譯人遂使如意之寶不全雪山之偈猶

半於是杖錫西遊法師討論一十七周遊覽百有

餘國一切經書畢究其妙於貞觀十九年迴觀上

京勒弘福寺翻譯廣如譯經圖記

義淨 齊州張氏子字文明營亂之年辭榮落業內

外經書無不通曉年十五志遊西域偏師名匠學

大小乘事周還歸故里凡所遊歷三十餘國往來

問道出二十年天后證聖河洛翻譯

虞夏尙曾歷試 帝舜姓姚有虞氏黃帝八代孫瞽

瞿之子瞽瞍與後妻少子常欲殺舜舜盡孝悌之道

堯求可以代已位者四嶽羣臣皆舉於舜堯召舜

歷試諸艱舜盡能應之不負所舉夏即禹王也事

蹟如第六戒中所明

可能猶服勤勞 可卽二祖也生時祥光照室故名

神光後詣初祖求法立雪齊腰斷臂安心祖爲更

名慧可授以心宗能卽六祖慧能大師也詣黃梅

求法服勞於杵臼機緣相合五祖傳衣

四怨 生老病死

憍梵指粟必受牛身 無量壽經云憍梵波提過去

世作比丘於他粟田邊摘一莖粟觀其生熟數粒

墮地五百世作牛償之後得人身餘習尙存牛蹄

餽食如來慇懃出家得羅漢果

比丘鵲香池神呵責 雜阿含經云有比丘患眼至
鉢曇摩華池側迎香風而坐池神謂比丘爲盜香
賊比丘言不壞不奪云何名賊神曰不求而取何
言非賊時有士夫取彼鵲巢重負而去比丘曰何
故不遮而謂我是賊耶神曰袈裟黑衣墨汚不現
彼兇惡人何足與語鵲脚汚素墨點珂貝雖小悉
現唯明者有小過如毛髮許他人見之大如泰山
故當從彼常求其淨比丘聞已專精靜坐斷諸煩
惱得羅漢果

夏以妹嬉 桀王伐有施氏施以妹嬉女之桀寵其
嬉所言皆從殫百姓之財爲瓊宮瑤臺肉山酒海
與嬉爲樂商湯伐之放於南巢而死

晉由驪姬 驪姬妃名晉獻公伐驪戎而得故名驪
姬公欲以姬爲夫人卜之不吉筮之吉公曰從筮
卜人曰筮短龜長不如從長弗聽立之因寵其妃
妃行謀儲欲立其子奚齊太子益死遂致國亡

驪山火起因褒姒 褒姒褒人所獻也周幽王嬖而

愛之廢后而立褒姒不喜笑國令有寇舉烽火召
兵王欲姒笑舉烽火引之兵至無寇褒姒大笑後
犬戎寇至舉烽火而兵不援遂殺王於驪山之下
蜀道蒙塵爲太真 唐明皇因武惠妃薨後官無當
意者或言壽王妃楊氏之美上見而悅之乃令妃
乞爲女官號太真潛內於宮尋冊爲貴妃令安祿
山拜貴妃爲母官中出入無忌上竟不以爲疑後
祿山反上幸蜀至馬嵬驛而兵將皆不悅上遂使
力士引貴妃而縊殺之

三緘其口 孔子入周后稷廟見一金人三緘其口
而銘於背曰天機不密四時何行地機不密萬物
何生人機不密百事何成孔子歎曰古之慎言如
此乃誠人慎言也

秀鐵面 圓通法秀禪師爲人耿直故云鐵面得法
於天衣義懷禪師青原下十一世

黃魯直 諱廷堅號山谷金華府人得法於黃龍祖
心禪師

太公望 姓姜名尚字子牙東海人西伯將出獵卜

之曰。毗王渭陽所獲者。非熊。非龍。霸王之輔。既出。果見呂尚於渭之陽。昌大悅。曰。太公望。子久矣。故號太公望。遂立爲師。封呂侯。佐武王伐紂。有功。封齊國。以康兆民。塗炭之苦者。非熊之兆夢也。

波斯匿王 唐言勝軍

末利夫人 此云曼匿王之后

司馬溫公 姓司馬。名光。字君實。宋陝州人。贈溫國公。

劉忠定公 名安世。號元城先生。

南容三復白圭 孔子弟子。名縉。字子容。居南宮。經

云。白圭之玷。尚可磨也。斯言之玷。不可爲也。南容

一日三誦此言。故曰三復。

玄真子 唐張志和字玄真子。隱居不仕。住湖中。號

烟波釣徒。肅宗賜奴婢二人。名曰漁童。樵童。人問

其故。和曰。漁童使捧釣。收綸。蘆中鼓枻。樵童刈蘭

薪。桂竹裏煎茶。

露源 諱惟清。得法於祀心禪師。

尼乾子 此云不繫自餓外道。

黃帝 姓公孫。諱軒轅。有熊國君之子。長于姬水。故又以姬爲姓。代神農氏爲天子。始作冕旒。爲玄衣黃裳。以象天地之正色也。

子雲 姓楊名雄

東坡 姓蘇名軾。字子瞻。眉山人也。宋仁宗大龐每

詔談論。一日不至。由翰林院。遂遷院。建金鑾殿。

東坡上。時人不敢觸名。故稱內翰。東坡學士。文超

名哲。官居兵部尚書。國臣無出其上。得法於常聰

禪師。南下十三世。

阿育王 此云無憂

樓子和尙 一日偶行街市。聞樓上唱云。你若無心

我便休。忽然大悟。故名樓子。

六王之樂 黃帝之樂名雲門。堯之樂名大章。舜之

樂名大韶。禹之樂名大夏。湯之樂名大濩。武之樂

名大武。

瓶沙王 此云模實。謂身模充實也。

傳大士 金華義烏縣人名。翕彌勒。應身號善慧大

士。

中下卷初
原一本大卷而
後一修者而
刪附文字以

嗟來之食 齊大饑黔敖爲食于路以待饑者而食

之有餓者蒙袂履屨貿貿然來黔敖左奉食右執

飲曰嗟來食揚其目而視之曰子唯不食嗟來食

以至於斯也從而謝之終不食而死

死心 諱悟新韶州黃氏子也得法於黃龍祖心禪

師南下十三世

晦堂 諱祖心南雄鄔氏子得法於黃龍慧南禪師

南下十二世

沙彌律儀要略述義卷下

清 古杭昭慶菴壽戒壇傳律沙門書玉科釋

二威儀分二初標名二釋義今初

威儀門

威儀者威以德顯非勢力之威也儀以行表非詐

現之儀也故如來處世深達物機凡所施行必以

威儀爲主內懷獅子之德外現象王之威人天敬

仰神龍欽伏實攝物利生之要務也又威者謂有

威可畏折伏衆生此由嚴持戒行衆德威嚴故令

人可畏也儀者謂有儀可敬攝受衆生此由動靜

合轍進退安詳故令人可敬也所謂淨行成于道

儀清白圓于戒品如馬勝雍容行道感榮寂以信

樂出家驚子安詳乞食攝外道而反邪歸正故曰

威儀乃無言之教堪發有情之信也又威儀名爲

調御謂調身不妄動口不妄言心不妄想如是三

業調善則六根自攝矣蓋一身威儀卽是出家相

狀內軌範僧徒外利益檀護表後進前修之方法

也不惟受戒時習學要終身行持方稱爲善故律

云云何名爲威儀隨順行者是名威儀不隨順者

犯非威儀白雲端禪師曰夫一切佛法操之則存

捨之則亡然非道去人乃人去道也雪嶠大師曰

學道如登山一步不可住換得草鞋繩前人過嶺

去華嚴經云具足守持威儀教法能令三寶不斷

是也門者乃一切凡聖所共出入之門也大師仍

恐初受戒人有志于毗尼者不知云何習學故於

經律諸書採取要文列爲二十四門始從敬大沙

門終於衣鉢等事令各門各事皆不離威儀軌則

庶使熟讀行持。臨事調善。不負披緇受戒也。

二釋義。分初總序緣起。二別列條章。初中分初

道制問揀。分初不應

佛制沙彌年滿二十。欲受具足戒時。若問不能具

對沙彌事者。不應與具足戒。

*佛制如上。沙彌年滿二十者。謂年限既滿。是丈夫

位。則堪忍寒苦。辦比丘事。猶若世間男子。二十加

冠成人立業之時也。欲者。將也。領納曰受。具足戒

者。謂五戒。八戒。十戒。未是具足。惟是比丘比丘尼

戒。乃名具足。此謂進受之人。以圓滿心。希求善法。

於羯磨言下。得比丘性。故准汝定論中。有四分義。

攝一受具。是謂受戒之人。乞詞無錯。名號不忘。心

境相應。運想週徧。先受十戒。今求具戒。耳聽羯磨

念不餘覺。故二隨具。是謂隨受二百五十戒。相中

皆無毀失。故三護他心具。是謂具足四義中。有一

分威儀具足。能長他人之信樂。故四具足。守持謂

得戒已。後盡形壽。持始終無犯。故有此四義。故言

具足戒也。凡為師者。應當詳問沙彌本所受持十

支戒相及二十四門威儀。可曾熟讀行持否。如茫

乎不知。忽而不學。不能應對者。則不應為授。何也。

謂比丘僧寶最尊最重。非僥倖可得也。

二勉學

*當云。卿作沙彌。乃不知沙彌所施行沙門事。大難

作。卿且去熟學。當悉聞知。乃應具足戒。

卿者。以上慰下而言。乃貴重之稱也。謂沙彌雖是

小眾。皆能紹隆三寶。利益羣生。故又如父呼其子。

謂沙彌是比丘之後裔也。不知沙彌所施行者。當

云。子作沙彌。尚不諳沙彌所應施為之事。安望行

持比丘律耶。沙門事大難作者。謂比丘戒。法律制

森嚴。最難行持。故法華云。又見具戒威儀。無缺淨

如寶珠。以求佛道。莫看容易。卿且去熟學者。謂汝

且去精研戒相。熟練威儀。將沙彌所應為事。盡情

習學。著實留心。果然純熟。方可與汝受具。故曰當

悉聞知。乃應受具足戒也。

三珍重

*今授卿具足戒人。謂佛法易行。沙門易作。故當先

問

今授卿具足戒者。乃反結遮止之語也。謂比丘是七衆綱領。三乘正因。非是等閒。汝今沙彌之事。尙不曉得。行持如何。進具若先不詰問。便僭僞爲。汝授具足戒者。則顛預後學。過在師承。抑顯律法不尊重矣。而世人不知佛道至妙。罪福運行。便謂佛法不難。比丘易作。反令人不信矣。故當先問。

二採集來源

以下條則於沙彌威儀諸經及古清規。今沙彌成範中節出。又宣律師行護律儀。雖誠新學比丘。有可通用者。亦節出。

以下條則者。乃大師序述要略之來源。顯非臆說也。條是條章。則乃法則威儀諸經者。謂沙彌威儀并十戒經。則經等清規者。乃叢林之綱紀。攝僧之法度也。以此法度清理叢林。故曰清規。如世間不以規矩。不能成方圓。出世間不以法度。則不能攝大眾。故如來說法。不離折攝二門。成範者。謂此書從十戒經等輯出。披閱行持。能成模範。感發後

昆故然清規。乃百丈大智禪師所著。弘法在唐年代。經久故稱爲古成範。是笑常月心禪師所集。同在於明相去不遠。故稱今也。節略取義。謂此威儀從諸部中略出。故宣律師者。南山律祖也。事蹟如香乳記。明蓋佛滅度後百年之中。西土傳法者。皆具禪法律三藏。因四祖鄒波龜多尊者弟子五人。各執已見。開張毗尼。分爲五部。宗者殊。難自後傳法。惟授禪宗。及與經論也。從是以後。律燈漸晦。慧命懸絲。盛唐宣祖撰行事鈔。建南山宗。中興律法。恐新受戒人。不諳行持。又出行護律儀。教誡初學。守護毗尼。其間凡有與沙彌相符者。雲棲大師皆採於此。以補不足。故曰雖誠新學比丘。沙彌有可通用者。亦節出也。

三隨機取要

良以末法人情多諸懈怠。聞繁則厭。由是刪繁取要。仍分類以便讀學。

良以等者。慨歎之辭也。如來滅後。法有三時。所謂正法像法末法也。正法千年。此時人根淳厚。聞法

即證像法千年此時雖似正法而聞法者多修證者少末法萬年此時雖靜堅固邪見增長人多於此見上生情因循懈怠於世間法厭簡思繁於出世間法厭繁思簡由是之故大師於威儀經律清規戒範中刪去繁文撮爲要略以返時機分爲二十四類令其各不相參何也若以理論戒體是一若以事推相有差殊故須分類便於初心習學者得其頭緒故曰仍分類以便讀學也

四義該補入

*間有未備從義補入一二

間中也未備等句正見大師爲人之切也謂此二十四門威儀之中凡有事不具足法不周備處處檢討現前從義補入則理通決例事法無差初學行持盡善盡美庶使馬勝之威儀復見而波離之軌範猶存靈山一會儼然未散也

五復指全書

*其有樂廣覽者自當檢閱全書

樂者欲也廣覽者謂非以此而止也蓋由律海弘

深探之莫窮其底義山高廣仰之難觀其巔是以取要刪繁隨情使用勿使初機望洋而退也果能有殊勝念頭願弘律學者當檢閱沙彌威儀十戒諸經及清規戒範等全部自悉其詳不可得少爲足也

二別列條章二十

敬大沙門第一凡五事初敬遮四法

不得喚大沙門字○不得盜聽大沙門說戒○不得轉行說大沙門過○不得坐見大沙門過不起

敬者敬信是尊重義謂有言必信有教必從不敢輕侮也沙門者聲師云出家之都名也此云功勞謂修道有多功勞故秦言勤行謂勤修善法行趣涅槃故辯正論云行超俗表心遊塵外謂之沙門今言大者對小而言謂沙彌是小衆受具足戒者名爲大僧故曰大沙門也△不得者遮止之辭喚是呼喚字是名字謂不得直呼其名而呼之也應云某師律云沙彌應以上年爲次第若生年等者應以出家爲次第比丘體是僧寶故論戒臘沙彌

未入僧數。但論生年。縱是百歲沙彌。亦當禮新戒比丘。足應恭敬。住不得我慢。賢高有違佛制。古人親近師家。不敢稱其名字。以所住之山稱之。蓋謂尊重故也。況沙彌小衆者乎。△盜聽說戒者。謂黑白半月誦戒羯磨及尋常所作一切佛法。佛制沙彌不得預聞。若私往竊聽。則與五逆同科。名爲賊住之人。不得受具足戒。謂此具足戒。乃是諸大尊者大權示現。諸佛爲末世比丘所制。然旃檀林中。曾無雜木。靈山會上。豈有凡夫。惟恐未受具戒者。聞之不解。佛慈反爲不善。而破內外道也。或畏戒法森嚴。或輕緣起等事。因此而退失善心者。如以利劍斬截信根。則失將來佛命。故曰與五逆同科也。深宜慎之。△轉行說過者。謂展轉相傳而說也。以此告彼曰。說越分之事曰。過謂比丘有過。自有大僧舉罰沙彌。不得背後說其長短。亦不得屏處罵大沙門。及在前戲笑。倣其言語形相。行步等成範。云設有說者。當善遮護。永嘉云。或是或非。人不識。逆行順行。天莫測。如誌公。噉鷄雞。雞什吞針。不可

以小見而窺大用也。善恭敬經云。謗師毀師。法中大魔。大律云。出家之人。所有言說。皆爲利益。不應私忿道說。於他論云。若向白衣說比丘罪惡。則使人於佛法中無信敬心。事破塔壞像。不可向外人說比丘過惡也。若說過罪。則壞法身。△坐見大沙門過不起者。謂大沙門乃佛祖後裔。輕慢沙門。即輕慢佛祖也。然尋常見尊長過。尙應起立問訊起居。況見大沙門過。豈可肆坐不起也。此句重在見字。孝名爲戒。先後尊卑。坐視不起。長已傲心。動他瞋念。大悲經云。如來往昔行菩薩道時。凡見三寶舍利塔像。師僧父母。耆年善友。無不側身讓之。故感成佛以來。山林人畜。皆共欽仰。皈敬於佛也。禮云。傲不可長。欲不可縱。志不可滿。也行護云。見須起立。坐須讓位。若路相逢。即當下道。側立於旁。待過方行。凡有教益。當叉手立聽。作禮謝之。若被叱責。不得張目怒視。當軟語悔過。莊嚴寶王經云。若輕慢衆僧者。是人當墮貧賤家。生隨所生。處根相不具。背僂。墮捨是身。已而復生。處多病。瘠瘦。手

足癢。壁而有膿。血盈流其身。零落身肉。經百千萬歲。受斯苦報。

二坐開五緣

除讀經時。病時。剃髮時。飯時。作衆事時。

讀經時者。以法爲重。故謂對經典。如對佛口。讀心思。深入其義。故不須起也。病時者。謂四大不調。身嬰重苦。故不須起也。剃髮時者。謂受持。偈。呪。利。刀。在首動。則恐防失錯。故不須起也。飯時者。謂三匙五觀。如法受食。故不須起也。又佛制一坐食。故作衆事時者。謂以常住正務爲重。起則妨廢工夫。故不須起也。若非如上諸緣。則不開聽。

三預知師位

行護云。五夏以上。卽闍黎位。十夏以上。卽和尚位。雖比丘事沙彌。當預知之。

夏卽夏臘。謂受具已後。專精戒律。修持已經爾所夏臘。戒品堅牢。開遮明了。堪任爲師。接物利生。非謂一槩而言也。若不諳如上法者。尙須依止於人。況能爲師者耶。和尚正名。卽波遮迦。傳主于闍翻。

爲和尚。到此土什師。翻爲力生。舍利弗問經云。夫出家者。捨其父母生死之家。入佛門中。受微妙法。蓋師之力也。生長法身。出功德財。發智慧命。功莫大焉。或云。卽波陀耶義淨。律師譯爲親教師。由能親教出離世業。故又云。異姓同居曰和。常向佛日安住曰尙。謂傳法利生。不絕戒德。清淨普聞也。阿闍黎正名阿遮梨耶。此云傳授。唐言軌範。謂能軌範後學。故隋言正行。南山事鈔云。謂能糾正弟子行。故大論云。和尚如父。阿闍黎如母。以棄本生。父母當求出世。父母若捨和尚阿闍黎。卽名捨戒也。卽就也。尊顯道德曰位。謂受戒學律。五載堪爲軌範。故曰卽闍黎位。十年嚴淨毗尼律。准度人。故曰卽和尚位也。又四分律明五種阿闍黎。一剃度所依得出家者。二受戒受戒作羯磨者。三教授教誡威儀者。四受經所從受經若說義。乃至四句偈者。五依止乃至依住一宿者。和尚及依止多以十夏者爲之。上四師皆多以五夏者爲之。如上所明之法。皆是大僧境界。故曰比丘事沙彌。不久登壇受。

具漸次行持亦入其位故曰常預知之。問前大僧說戒不許預聞。今反令預知者何。答半月說戒是宜其罪相。恐生邪見故不許聞。今言師法是其名位。謂比丘專修五年十載即能爲人天師範。沙彌尙是小衆不可輕慢大僧也。

事師第二十七事 初正儀分
初省誠敬作法

當早起○欲入戶當先三彈指○若有過和尚阿闍黎教誡之不得違逆語○視和尚阿闍黎當如視佛○若使出不淨器不得唾不得怒恚

言事師者謂承奉無忘曰事師人不倦曰師太平御覽云師者發蒙之基學者有師亦如樹之有根也然大智既成復能成就小智猶樹根生子子復生根展轉相生種類不絕故作持云師以開導友以切磋世出世間法器全賴師友所當敬重倘存傲慢一生福慧消滅是故誡之如常瞻寶心肝而學般若世尊爲求半偈而捨全身華嚴云凡夫無智執著於我并執我見憍慢貢高不愧無智妄自

尊大見善不從聞受教誨於賢不親故去道甚遠律云弟子看和尚當具四心一親愛二敬順三畏難四尊重侍養承接如臣子之事君父如是展轉互相敬重瞻視能令正法久住增益廣大也△當早起者凡事早起事事次第不至慌忙平暴也古云一朝纔起晏百事盡皆違穿舊衣裳亂開門恨手遲供佛茶湯冷燒香火似灰低頭忙禮拜下板壁催爲僧若起早事事得便宜律中夜分初三初夜後夜精勤佛道中夜聽其歇息若過中夜即當起身自盥漱已然後具楊枝澡水等候師所須又早者先也爲弟子者理宜先起也△欲入戶當先三彈指者謂弟子凡入師門應在門外聽其動靜恐驚禪觀先彈指三聲令師覺已然後方入不可造次也△若有過等句者失於中道謂之過若自有過師長阿闍黎教誡之時當低頭納受若違逆語者過而又過不可教也去後猶當思念常懷慚愧念報四恩傍資三有若不顧師言即同逆論故曰不得違逆語也經云謗師毀師憎師嫉師法中



大魔地獄種子△視和尚阿闍黎當如視佛者謂諸佛已過去未來尚未來現在說法代佛宣化者惟和尚阿闍黎故曰當如視佛也成範云若弟子衆多當各盡其職次第奉事不可有失△若使出不淨器者謂大小便器及痰唾壺等怒者心恨也恚者氣憤也謂心中有恨而氣不憤故唾之然此穢氣人皆畏避事師孝行義無此理既爲師除不得起厭惡心現噴恚相而吐痰涎當念此身衆苦所集一切皆是不淨師長如是弟子亦然除此不淨卽除我三毒煩惱若能如是諦思則自他皆淨是爲真正出不淨器也

二依時禮拜法

若禮拜師坐禪不應作禮師經行不應作禮師食師說經師梳齒師沐浴師眠息等俱不應作禮師閉戶不應戶外作禮欲入戶作禮應彈指三遍師不應應去

禮拜者天台云四儀法則名禮身業恭敬名拜白虎通曰人之相拜者何所以表情見意屈節卑禮

尊事者也師坐禪者恐亂定功故不應禮師經行者恐妨正念故不應禮師受食者恐雜於觀故不應禮師說經者恐斷法義故不應禮師梳齒者恐廢偈呪故不應禮師沐浴者形儀不整故不應禮師眠息者恐驚覺故不應禮也等者師剃髮洗足或有事不暇及對賓客等師閉戶不應戶外作禮者謂閉戶作禮不成恭敬也欲入戶者先當彈指三遍不可急遽擅入如不應者當默然而回不可勉強故知禮拜不如從命也

三奉食侍立法

持師飲食皆當兩手捧食舉斂器當徐徐○侍師不得對面立不得高處立不得太遠立當令師小語得聞不費尊力

兩手捧食恭敬之至也奉師飲食如同供佛當過其肩不得以粗氣觸其淨食斂收也徐徐從容貌謂收盤之時當從容細行不得遽隨今盤鉢作聲也律云凡通飲食當適寒溫成範云爲師作食無論麤細俱要清潔適師性格凡奉茶湯不得將指

插入蓋內。當兩手平舉授師茶畢。接蓋如前行。覆云。若進鹽茶并藥及一切食物。量當食盡。遂時授之。若授鮮果。先須作淨。或以火燭。或以刀剖。或用指剝。若不堪爲種者。則不須淨也。△侍師者。近承曰。侍對面立。則尊卑不別。長其傲慢。高處立。則法度全無。失其敬意。太遠立。則意不相接。語不投機。行護云。亦不得上風立。亦不得太近立。須離師額角七尺許。則小語得聞。不費尊力也。成範云。不得轉身低頭。小語輕笑。當身心肅敬。不得現疲倦相。亦不得如俗人垂手而立。在師前不得說無益之語。不得抓搔爪頭。持面不得對師著。穢及洗足等。

四請益白事法

若請問佛法。因緣當整衣禮拜合掌。踴躍師有語。澄心諦聽。思惟深入。○若問家常事。不須拜跪。但端立師側。據實申白。○師若身心倍教去。應去不得。心情不喜。見於顏色。

請問者。請求也。夫欲求法。當折我心。思惟聖道。屈節卑禮。敬事師長。所謂尊師重道也。永嘉云。正道。

寂寥雖有修。而難會邪途。喧雜乃無習而易。屈膝博問。先知曉夜。凝神方寸。纖能解會也。佛法因緣者是。經律中所說發起之事。或古德公案機緣等。善恭敬經云。若有所疑。先應諮白。若見師許。然後請問。整衣禮拜合掌。踴躍者。謂手本左右合而爲一表其專致一心也。右膝著地。名曰踴躍。涅槃疏明。右膝著地。有其三義。一右膝有力。跪能安久。二右膝有力。起止便易。三右膝躁動著地。令安。若兩膝著地。則名長跪也。然弟子諮決于師。未有坐而問者。故須善提舍利弗等。凡有請問。必從座起。徧袒右肩。頂禮佛足。長跪合掌。諦聽所說也。妄念不起。故曰澄心。諦聽是聞慧。思惟是思慧。深入是修慧。所謂因聞會理。執理會心也。若師獨坐時。適行時。顏色悅時。即應問。須立在一面。舒容平氣。至誠伸問。字字分明。虛心聽受。自能深入也。△家常事者。即僧家尋常日用之事。不須拜跪者。家無常禮也。端立師側者。典型不失也。按其事而直言。故曰據實申白。若不據實。恐誤大眾之事。有失常住。

之規也。△身心倦者。謂禪思過則心疲。起止繁則身倦。凡問經問話。當候師意。不應自取其便。師若身心疲勞。無神應答者。教去且出。若即便內心不悅。形于外貌者。一則招逐。二則諸事不成。古云。讀書以變化氣質爲先。學道以承順師命爲上。五十頌云。常慕于師德。不應窺小過。隨順獲成就。求過還自損。止觀云。求師必在于盡善。事師必忘于師過。善恭敬經云。佛言。弟子于師所不得。隨言師所訶責。不應反報。師不發問。不得輒言。凡有所使。勿得違命。若於師所不起恭敬。說於師。僧長短者。彼惡癡人。應如法治。師實有過。尙不得說。況當無也。若於師邊不恭敬者。則有一小地獄。名爲椎撲。當墮是中。一身四頭。身體俱然。狀如火聚。出大猛炎。熾然不息。於彼獄處。復有鉤臂蟲。常啣舌根。從地獄出生。畜生中恒食屎尿。捨彼身已。雖生人間。常生邊地。皮不似人。不能具足。人之形色。常被輕賤。誹謗陵辱。離佛世尊。恒無智慧。從彼死已。還墮地獄。更得無量無邊苦患之法。

五詣師求懺法

凡有犯戒等事。不得覆藏。速詣師前。哀乞懺悔。師許則盡情發露。精誠悔改。還得清淨。○師語未了。不得語。

覆藏者。覆是隱覆。藏謂包藏。經云。包藏瑕玼。佛不許可。說悔先罪。淨名所尙。故知有犯戒事。不得包藏隱覆也。速詣。急往義謂。急往師前。乞哀求懺。悔免得覆藏展轉罪也。懺名披陳。衆失發露。過咎不敢隱諱。悔名斷相續。心厭悔捨離。能作所作合。棄故名懺悔也。師許則盡情發露者。謂師長既仁慈。尤當徹底掀翻。如雲開月現。日照霜消。不得絲毫黏滯也。精誠悔改者。精是專精。純一誠乃至誠。無欺悔謂。悔其所犯。改是改革。前非更不再作。故曰還得清淨也。行護云。若被呵罵。當須自責。軟語懺謝。念修戒定。以報師恩。成範云。凡有誤失。過咎師或示怒。種種呵責。不得巧辭飾非。繙見師怒。即當畏懼。斂容。踴躍。跪師前。心懷愧耻。受責有過。則改。無過默然。△師語未了。不得語者。謂尋常與人說。

話必待彼說竟方進。何況師家訓誨。若師語未了。卽自述已言。夾雜師誨者。則自失利。益復失尊敬。倫次既失。典刑何在。律云。亦不得以理爭勝。

六敬座馳書法

不得戲坐師坐。及臥師床。著師衣帽等。○爲師馳達書信。不得私自拆看。亦不得與人看到。彼有問。應答則實對。不應答則善辭却之。彼留不得。便住。當一心思師望歸。

師座者。乃受學弟子所尊之位也。若以戲心而坐。則罪過不少。敬師之位。卽敬其師。毋輕忽也。其床榻衣帽。亦不可也。凡親近師家。要常懷尊敬。背面一如適涉。輕心終無實際。又何益於事耶。△馳達書信者。馳達遠往義傳事。告彼曰。書以表信也。故馳書於千里之外。讀之恍如覩面也。大都道人家所作書札。不過應酬。常在問答往來。無不可與人看者。然專使馳達。必有要事。私自開函。及與人看。俗所忌。大非所宜。然既奉師命。必須任重其事。至誠送到彼處。若中途拆看。及與人觀。一則稽遲。

時日。二則恐有浮沉。故須慎重也。然他人所附書信。亦要交代分明。終人之事。不可負其所託。若私拆。及與人看。破露他事。損德招愆。行護云。卽外來書信。亦不得與師同閱。余丁未春。在華山侍寮。和尚看書。金榜遠盼。本師同顧。斥曰。去跪香。今日之規訓。他日之模範也。至今膝痛未止。還盼。尙且不許。況私看者耶。昔富弼使契丹。得家書不發。而焚之。曰。徒亂人意耳。家書尙且不發。況他書乎。△到彼有問者。大凡弟子受差出門。師長必有言教。應答不應答者。要在臨時轉變。若不應答而答之。則與書相違。徒勞往返矣。然在彼處。亦不可看人文。字簿籍。擅動器皿筆硯。及翻看衣帽等。犯人家路。彼留不得。便住者。有三義。一量事。二量時。三量路。思師望歸者。如孝子之念慈母。須臾不可忘膝下也。經云。當直往直還。當識師所語。亦當識人報語。不可忽也。

七客來侍立法

師對賓。或立常處。或於師側。或於師後。必使耳目相

接候師所須

尋常侍師當至恭至敬以盡孝道賓客在座猶宜恭敬也慈受深禪師曰廊下逢僧須問訊門前遇客要相呼出家體態宜謙讓莫學愚人禮數無常處者非遠非近立得恰好故得耳目相接身心照應無失其時皆爲候師所須也如問仙陀婆即應之耳成範云凡見客至當生恭敬勿起厭慢須添盞煎茶以候應點若師以尊客前高聲呼喚者則有費神氣抑見家教不嚴事師之道安在哉

八師疾給侍法

師疾病一一用心調治房室被褥藥餌粥食等○持衣授履洗浣烘晒等具於律中茲不繁錄

師者乃法身之父母也世間稚子不可一日無父母而出世釋子不可一日無師法也故教順師法如事父母若有疾病當用心調治或師病中瞋罵亦當恬忍始終奉事勿生厭倦當念身爲苦本有形難免也房室被褥調其外藥餌粥食治其內等者謂所有應病藥食及所宜器具一一當備辦也

月堂昌禪師曰黃龍居積翠因病三月不出黃文爲監院宵夜懇禱以至燃頂煉臂仰祈陰相黃龍聞之責曰生死固我分也爾參禪不達理若是眞淨從容對曰叢林可無克文不可無和尚也議者謂眞淨敬師重法其誠至此他日必成大器成範云安設嚴室忌風陰處須床褥以軟察師顏色出入扶策如法調羹羹湯藥餌少瘥卽生歡喜當以孝心和容奉事客來瞻問善代師語不應譁聚當肅然晏靜病若重不得哭泣師圓寂不得違師誠囑應一一如教遵行八福田中看病第一師乃教田更宜加意△持師衣者當徐徐一手排上一手捉下正立著師左肩上師著已復視上下文理如法否攝時不得以口銜當視上下不使著地還安常處以淨物覆上不得以餘衣物覆上授履當先抖擻刷垢不得大聲視次比之澡手已方持衣物凡洗浣務令淨用水亦不得太費烘晒法衣當待乾燥有急事行不得忘去當付餘人事畢卽宜復餘洗鉢器等備載戒經文多故不繁錄然律

中事師名相雖廣約言惟誠惟孝若事師時以誠孝存心則一切奉事自然如法師資之問水乳相合而道在其中矣

二補儀分初三業恭敬法

附 凡侍師不命之坐不敢坐不問不敢對除自有事欲問○凡侍立不得倚壁靠桌宜端身齊足側立○欲禮拜若師止之宜順師命勿拜○凡師與客談論涉道話有益身心者皆當記取○師有所使令宜及時作辦不得遲慢○凡睡眠不得先師○凡人問師諱當云上某下某

附託也謂託事以足文也此大師婆心切慮故凡經律中有益於沙彌事者皆擇取而補足之以律文不敢參雜故提清也不命之坐不敢坐者謂弟子侍立師前周旋左右固其分也而師或慰其久立勸勞乃命坐者慈也弟子敬順師命卽坐禮也若不命而坐慢也△不問不敢對者謂師實問答不知語脉則言世無根無根之談則如亂麻無緒除已事外不可擅問也然古人悟後問答如電影

穿針絲來線去亦如水面回紋飛花點綴雖是家常語言須知泥裏有刺也△倚壁靠桌者謂偏側曰倚邪凭曰靠側立者不對面也五十頌云又不應師前身現疲倦相屈指節作聲倚柱及牆壁亦不踏門限所謂恭而無禮則勞壁法師云恭已順命給侍之者名曰侍者菩薩下生經云侍者具八法一信心堅固二其心寬進三身無諸病四精進五具念心六心不憍慢七能成定慧八具足聞智△欲禮拜若師止之者卽當從命也若逆師命強拜雖拜猶勿拜也若順師命不拜勝於拜也△凡師與客談論無非佛法機緣欲知其中深妙當觀尋常日用道話者是有道之語卽法語也然執勞服役是長自福基聞法記取乃潤澤心地故日有益身心也侍師之義誠在斯矣成範云或師詢客答或彼問師酬不得聞異驚怖不得見笑隨笑當識語意宗猷切心研味倘有見處當復呈師背雲門偈說法如雲如雨不許記錄見錄之者必罵逐曰汝口不用反記吾語他時必然販吾去也今室

中語皆香林以紙爲衣。隨所聞書之。古人如是。留心後來。掀天揭地。以此觀之。凡事未有不學而能成也。八師有所使令。宜及時作辦。若謂聞師所命。事當乘時作爲。惟恐更有命聞。辦是備辦。不顧曰。違不敬。曰慢。又曰怠也。成範云。凡聞師喚。當隨應而至。若有所需。卽依法授之。少有所懈。得違慢罪。△凡睡眠不得先師者。謂坐寐。曰睡。翫目曰眠。五蓋煩惱。此爲第一。由此覆蔽身心。故令善法不生。長淪三界。當漸制之。既爲弟子。宜起在師前。臥在師後。先字當讀去聲。本來在前。曰先。不當在前。而在前者。故曰先也。律云。多睡有五種。過一多惡夢。二諸天不喜。三心不入法。四不思惟明相。五夢失不淨。△凡人問師諱者。諱避忌也。隱也。生曰名。死曰諱。今俗問人諱者。是隱法名二字。謂不敢問名。而云諱也。雖是謬稱。是尊重義。故大師補文于此。因弟子不得直呼師名。故加上下二字。若問師號。當答某甲和尙。或云某甲。本師不須上下二字。今授戒時。宣上下者。爲弟子之稱也。若問師長號。應

云某甲師。傳五十頌云。又復於師名不應輒稱舉。設有固問者。當示之一字。若問師年臘及與州縣名。一一皆須答。鶴林玉露云。古人稱字最不輕。孔門諸子。稱夫子爲仲尼。今世平交。稱字稍尊貴者。便不敢稱字。與古異也。法苑云。諸佛名號。稱揚敬禮。而獲福利。大都出於口意耳。若出於尊敬之口。則爲福。若出於輕薄之口。則爲禍矣。

二求師擇處法

凡弟子當擇明師。久久親近。不得離師。太早如師實不明。當別求良導。○設離師。當憶師。誨不得縱情自用。隨世俗流行不正事。亦不得住市井鬧處。不得住神廟。不得住民房。不得住近尼寺處。不得以與師各住。而行世法中一切惡事。

當擇明師者。謂道眼開明之師也。如是之師。當久久親近。不得擅離。以佛法無多子。久長難得。故昔斷崖禪師示衆云。我親近高峯三二十年。常常打徹骨髓。未曾起一念遠離心。古人心行如是。律中親近師家有四種。一有法有食。名爲樂住。二有法

無食名爲苦住。三有食無法懺謝而去。四無法無食不辭而去。古云鳥之將息必擇其林人之求道必選其師以師是人之模範也。模範端正必出良器故須擇也。如或不然則宜別參謂吞舟之魚不隱車流合抱之木不生丹丘大鵬展翅九萬里豈若鷦鷯息一枝然沙彌本無離師之法爲實不明故也。良導者謂善能引人達於至道故如法華云隨順是師學得見恒沙佛是也。若不別求恐教癩猴爲帝釋宗瓦礫爲明珠宗瓦礫是不識法教癩猴是不識人不識法則慧眼失不識人則墮邪途故云汝師既墮汝亦隨墮此之謂歟。△設離師當憶師誨者謂雖然離師常當憶師平日教誨之語如耳提面命終身不敢違也。中心經云佛言知師恩者見師則當承事供養不見則當思惟教誨是也。若縱情自用是不憶師誨故行不正事是隨世俗流也。△不得住市井鬧處者謂積貨交易人煙輳聚之所名之爲市古來多於汲水之處爲市故曰市井市中喧雜故曰鬧處若非大力量人入處

垂手和而不流則不得住惡境亂則身心亂也。△不得住神廟者神以酒肉爲禋祀則僧儀偃蹇人所輕忽故出家者佛在世時依佛而住佛滅度後則依佛像而住是故持戒者不禮鬼神且爲鬼神欽敬若住神廟則爲鬼神所輕也。古云僧住城隍佛祖呵先賢都是隱嵩阿山泉流出人閒去清水依然成濁波。△不得住民房者緇素有分也謂多近開處恐累道故阿闍若頌云欲精進一乘先當擇其處。閭閻不遠離煩惱如刀鋸未到無學門於學有所慮林下及水邊自然絕滓濾依結茅三閒蒲團敷一具呆呆著眼看觸處皆道地我今多懷悔未曾依此句。△不得住近尼寺處者謂男女有別也。瓜田李下須避嫌疑。△不得以與師各住者謂師資聚散理所當然但依佛教行持莫隨世諦流布則不礙也。△惡事者謂習肩詔笑邀譽神衿交結往來豪強勢族學習奇藝受雇俳優通使四方爲利販賣及近尼寺住神廟民房等皆非佛子所爲故曰世法中一切惡事也。

隨師出行第三凡九事 初正儀四分

初在路

不得過歷人家○不得止住道邊共人語○不得左右顧視當低頭隨師後

隨師者隨是追隨謂師長出行弟子當追隨杖履也不得過歷人家者歷行也謂不得師在一家弟子又行一家有失相隨之道也經過父母檀護家若師不聽亦不得入律云不得去遠使不相見當相去一舒手若前有惡象牛馬當向師言先避一處不得言遲慢事△不得止住道邊共人語者道路也若路逢親朋知識當善辭卻若共談論便失隨侍之儀則置師于何地耶△不得左右顧視者顧回看也謂尋常出入當平視直前威儀如法無失俗規隨師後行尤宜整肅聽其動靜若東望西張則爲俗所識未免論師無有家法然弟子不能以道行慰師而反以俗識累師者則于心何安行護云三千威儀行爲第一左右觀看爲俗所訕便非正器書云意誠而後心正心正則無所不正也

二到家

到檀越家當住一面師教坐應坐○到他寺院師禮佛或自禮不得擅自鳴磬

名義云檀是梵度食翻云施謂彼能行布施供養三寶則常來越語此窮苦海故亦名檀那此云施主大乘論云謂能引福德資糧故當住一面者謂當不離左右也教坐應坐者尊法尊師也成範云或事緣令坐勿舒於雙足常具諸威儀師起速當起禮記云長者賜坐應告坐而坐△師禮佛者佛是先覺之人師乃後覺之者因先覺而覺後覺故見佛即當禮也或自禮者近朱則赤故不得擅自鳴磬者擅自尊也鐘磬乃人天之耳目叢林之號令各有執事所司入寺須當遵其法度客儀莫失方見賓主之規輒便舉動者則起大眾致師被顧隨之何益耶

三登山

若山行當持坐具隨之若遠行不得相離太遠若山行當持坐具者謂山步艱難恐師行疲倦欲

暫歇息。故當持坐具或蒲團及所坐之物而備辦鋪設師坐也。△不得相離太遠者。謂太近則隨師影或步揚塵太遠則不聞師喚一失所在兩不相照恐誤其事是故凡所作爲必須顧時不致兩處懸念也。

四渡水

若過渡當持杖徐試淺深。○持瓶攜錫等具如律中文繁不錄。

律云有二因緣佛聽畜杖一爲老瘦無力故二爲打路探水故。徐試則無驚險之怖也。若淺則扶師過渡若深則倩人肩與事師頌云。若於險路中目已作前導若過溪澗水以杖試淺深所謂深則屬淺則揭也。△持瓶攜錫等者梵語軍持此云瓶有其二種一淨瓶二澡瓶此乃澡瓶也。謂貯水隨身以淨手故。瓶瓦作者名淨用銅鐵作者名屬用錫是錫杖爲師持行必宜聲響俱寂具如律中者十戒經中持師澡瓶有十五事攜錫有七事文多所不錄欲廣學者當自檢閱經文則盡知也。

二補義分初約期

附 若偶分行約於某處會不得後時

偶分行者偶適或也。謂適或有緣而欲暫住者必須請示約於某處等候縱有他緣羈阻必來復命再去不得後時者謂當先到約處候師不得縱情逗遛故爾延接令師先到懸望也。

二齋法

師受齋當侍立出生齋畢復侍立收臘

出生者謂念供養畢奉如來教先出食一分施諸鬼神衆生也。義如香乳記明侍者送食須著淨器安於淨處持呪觀想皆要至誠觀者乃檀越所施之物也。成範云候師齋畢收師檀臘若十戒沙彌侍師當令餘人收臘梵語達臘那此云施在法則曰法施在財則曰財施在家人應行財施出家人應行法施也。一覽云財法二施始成功福慧兩全方作佛成範云師飯已畢請鉢收臘弟子之禮盡矣行護云聞師外歸當出迎接捧其衣鉢具茶湯并洗足水等一一盡心勿令動念。

入衆第四三十二 初正儀初禮

不得爭坐處○不得於座_上遙相呼語笑○衆中有失儀當隱惡揚善○不得伐勞顯己之功

律云凡欲入衆當具五法一應以慈心二應自卑下如拭塵巾謂巾能覆垢_{謂已}令物潔淨故三應知坐起法謂若見上座不應安坐若見下座不應起立沙彌小衆見受具者盡應起立四在彼僧中不爲彼難謂在僧中不隨人談說世事故五若見僧中有不可忍事應作默然智度論云佛聖弟子住和合故有二種法一賢聖語二賢聖默然依止陶鑄固須給侍_謂鐵鑪_宜先入衆同座之用一如濟物之功自普也沙彌雖未到此田地因佛制食隨僧分法從僧得故列此儀△不得爭坐處者謂不遜而坐尙且不宜何況爭耶然叢林坐位各有次序沙彌以戒次而坐若有爭者則失叢林之法度也△遙相呼語笑者遙呼是遠_謂呼語笑乃帶說帶笑也此如婆羅門聚會無殊不成僧體若有要事當彈指使覺輕語令知若笑語遙呼_{若無}

人失儀動衆者過非小矣△衆中有失儀者即如上遙相呼語笑等事也當隱惡揚善者謂宜隱人之惡揚人之善也隱惡則自長其德揚善則令衆增輝演祖云古人樂聞已過喜於爲善長於包荒厚於隱惡謙以交友勤以濟衆不以得喪二其心所以光明碩大照映今昔矣靈源曰聖人有言當世聰明深察而近於死者好議人之過也博辯宏大而危其身者好發人之惡也出家人莫強知他事莫空腹高心莫以強陵弱莫利己損人毋以長而慢後生毋以少而輕老宿毋以片能而稱我是毋以少解即道他非好向佛法中用意多於塵境上除情袈裟下失卻人身實爲苦也故當隱惡揚善△不得伐勞顯己之功者伐誇也作事有功曰勞自稱已功曰伐謂不得矜誇自能以顯已功也然有功者衆口自推何伐之有惟其不伐而功愈顯矣古德云自是者不彰自矜者不長自伐者無功也

二策已

凡在處睡不在人前起不在人後

睡不在人前起不在人後者謂行道精進也然惺寂相照則事事行在人前者著不落他後一則自離懈怠二則無動他念故本師見月老和尚示衆曰精進爲修道之寶佛祖由此而成煩惱因茲而斷爲釋子者豈可怠惰耶清規云五更鐘將鳴輕輕先起端坐不得扇風令人動念

三惜福

凡洗面不得多使水○擦牙吐水須低頭引水下不得噴水濺人○不得高聲鼻洩嘔吐○不得於殿塔及淨室淨地淨水中洩唾當於僻處○喫茶湯時不得隻手掛人○不得向塔洗齒及向和尚阿闍黎等洗面不得多使水者一防後人二當惜福古云在山不可多燒柴近河不可多使水學道修行如不解當來受用終不美又云冷水要人挑熱水要人燒雖是便宜當爲龜鑑律云有慚愧者可名爲人清規云不得洗頭有四件事自他不利一汚盆二膩中三枯髮四損眼昔湛堂和尚平生律身以約

雖領衆弘法不異在衆晨興後渠祇取小杓盥洗面復灑足後受水盥濯蔬果惜福如此不肯虛糜△不得噴水濺人者由低頭引水下故不濺人也若噴水濺人令彼生瞋縱使牙齒漱淨不能緣彼口衆故須細行也清規云右手蘸牙藥揩左邊左手蘸藥揩右邊不可再蘸恐牙宣口氣逼人△不得高聲鼻洩嘔吐者謂從鼻而出曰洩從口而出曰嘔唾若不得已而嘔之亦不可逞意高聲動衆人念△不得于殿塔等處洩唾者殿塔供佛像舍利之處若唾則護法神瞋淨室淨地坐禪經行之處若唾則刺人眼動他心念淨水供佛供僧之用洩唾污穢折福招愆僻處非當道淨所唾則不犯昔有僧夜坐佛塔偶爾洩唾燈下見護法神舒手承接其僧悚懼終身斂戢△喫茶湯時不得隻手掛人者說文云謂手著胸曰掛喫茶湯掛人非時隻手非禮難逃不恭之咎也△不得向塔洗齒等者謂塔則象聖像矣等者謂和尚闍黎長老上座及尊客也然口齒之閒有穢氣且不可對於常人

況對佛塔及和尚阿闍黎耶若有向者褻慢聖賢不可不慎三千威儀云不得向佛亦莫背佛不得向和尚阿闍黎諸師亦莫有背

四弘願

凡聞鐘聲合掌默念云聞鐘聲煩惱輕智慧長菩提生離地獄出火坑願成佛度衆生

唵伽囉帝耶娑訶

合掌表其誠敬謂內心既誠外儀必敬也默念者不必高聲也凡聞鐘聲即當至誠誦此偈呪阿舍經云若聞鐘聲誦此偈呪得除五百億劫生死重罪言聞鐘聲者託事以明理也華嚴疏云菩薩大義要於事上見理事理雙彰方得入事事無礙也煩惱輕者止觀云昏煩之法惱亂心神不能顯發無上菩提今得聞鐘誦偈善法增勝故得輕也智慧長菩提生者審理曰智分別曰慧菩提覺體也向因無明覆蔽而成不覺今由煩惱輕清智慧增長而菩提生也離地獄者涅槃經云居家逼迫猶如牢獄一切煩惱因之生長故出火坑者法華云

三界無安猶如火宅衆生薄福受此煎燒然覺體既現故當出離也上爲自利向下利他阿舍經云衆生若不發願終不能成佛道故曰願成佛既得成佛決要度生故曰度衆生也呪是破地獄眞言秘密故不翻至誠誦之自得如願廣如香乳記明

五慎儀

行 不得多笑若大笑及呵欠當以衣袖掩口○不得急

多笑大笑非癡即狂失其正念犯非威儀也呵欠者亦曰欠法是懈怠之貌謂神氣散漫沒意致也衣袖掩口謂遮其濁氣醜形以護念故昔法雲禪師平居作止直視不瞬三十年來未嘗輕發一笑凡所在處見有聖像即立不坐毗尼母經云氣有兩種一上二下若上氣欲出時莫當人張口令出要迴面向無人處出若下氣欲出時不聽衆中出要作方便出外至無人處出然後入內莫使衆人嫌嫌惡賤入佛殿塔中不應放下氣和尚闍黎上座前亦不得放下風出聲若腹中有病急者應出

外放。大律云。若在禪房中。噉者不得放恣。大噉若噉來時。當忍以手掩鼻而噉。勿令洩唾噴出。△不得急行者。凡所動靜。當護威儀。舉步即應視地。勿傷蟲蟻。古云。急行無好步。威儀全不顧。識者在傍。觀爲之生恐。師萬一失跌。段體裂膚。抱恨終身。所關非輕。故當徐行也。

六敬慈

不得將佛燈私就。已用若燃燈。當好以罩密覆。勿令飛蟲投入。○供佛花取開圓者。不得先釀。除萎者。方供新者。萎者不得棄地踐踏。宜置屏處。

佛燈卽第二戒中佛物也。既是佛物。不得私用。若離佛前。卽成盜業。智度論云。盜佛前燈油者。當墮黑闇地獄。後爲人言。阿那律陀往昔盜佛前供器。因燈黑闇。前揚光耀。觀佛威嚴。相好偷心。卽歇。懺謝而去。以此功德。感報天眼第一。燃燈當以罩密覆者。卽第一戒中護生之法。以繼慈悲之道也。覆如前釋。若點燈時。撈拈一莖草。默念偈云。波離惡。叱護生草。救度衆生。除煩惱。七遍放於燈下。一切

飛蟲不投燈上也。△供佛花取開圓者。謂花正開時。精神飽足。顯色鮮明也。不先釀者。表誠敬之至也。萎者是隔宿殘敗之花。供則無有敬心也。方供新者。如法華云。香風吹萎花。更用新好者。以表道念。日新故常。及時採供。若未開者。花瓣未舒。顯色尙淺。造化之工未全。若已開者。香氣稍減。色力淡薄。棄將飄零。芬馥之神已去。皆非時也。要用最勝經云。鼻嗅香者。由滅香氣。無其福德。正報塵波頭摩地。獄世世。鼻無有香氣。屏處者是。無人行處。非污穢處也。若撒道中。往來踐踏。是失恭敬心。日雲經云。香煙未盡。放地得。越棄罪。墮糞尿地。獄盡五百歲。諸經集要云。散供之花。不得踐踏。佛告文殊。此花者。若四衆能信。修行應當早起。清淨澡漱。口齒念佛功德。恭敬此花。不以足踏。不跨花上。如法執取。安置淨器。治種種病。宗鏡錄云。菩薩親近燃燈佛時。因獻五莖蓮花。乃得授禪迦之號。是故佛佛說法。十方如來。菩薩天神。散花供養。今時懺壇亦散花供佛也。

七誡潔

不得聞呼不應。凡呼俱宜以念佛應之。○凡拾遺物。即當白主事僧。

應答辭若聞呼不應。推啞裝癡。非弟子之禮也。惡性難調。參學何益。然道人家心量如同空谷。有呼即應。何胸中煩悶之若是耶。當念佛應之者。乃不忘本也。又異於俗人。故謂父母生身不能令我出於苦海。惟如來大慈度我出家得成僧相。是故時時刻刻當念佛恩德也。又念彌陀而不念釋迦者。表無我。故然釋迦是我本師。本師稱讚西方而弟子亦當效也。又佛無我相。念彌陀佛即念釋迦佛也。○凡拾遺物。即當白主事僧者。謂大凡有拾遺物不可停留。或白知事人或白本師。或置常住庫中。或送知事。標於拾遺牌上。以待失主來問。若與物相應者。與之不得白。餘人亦不得冒取。取者犯盜過三日後。若無認者。當入常住。

二補儀六分初自重

附 不得與年少沙彌結友

年少沙彌者。謂年紀尚幼。不省人事也。若與為友。有損無益。故經云。非賢不友。非聖不宗。不孝之子。嗜酒之徒。志趣邪僻。履行兇險。不得交遊往來之。藝澗虧損。道行如立。沙雪峯之輩。則可也。古云。戒品纔登。初地急須學。道立身莫要狎近惡少。戲論三五成羣。流蕩放逸。無度向後。不得為人。從上英賢知識。皆依尊宿。諮詢機緣。啐啄相契。禪律一句。主賓十方菩薩。作伴。千古賢聖為親。因以此總報。不負出家之因。要須守分自重。起倒不得隨人。

二遵制

不得三衣荷筒。○不得多作衣服。若有餘當捨。○不得辦精緻條拂玩器等。裝點江湖。取笑識者。○不得著色服及類俗人衣飾等。○不得淨手搭衣。○凡上殿須束縛。不得放意自便。

不得三衣荷筒者。然沙彌纔條是服。比丘割截三依沙彌應著者。有其二義。一令知福田之相。解脫之衣。生難遺想。二以便進具。免使馳求。非謂使其披著也。今在戒期。方便許著。亦有二意。一則不久。

登壇二則臨時難得若借若無並名非法反成戒障因緣也。不得多作衣服者謂令知足修行也。古云進道嚴身三常不足。方名少欲道人若多作衣服則有多累。縱恣幻軀妨廢道業。又好衣因緣多招賊難。故佛鑒禪師曰。先師節儉一鉢囊鞋袋百綴千補。猶不忍棄。蓋常曰此二物相隨出關五十年矣。詎可中道棄置。有南泉悟上座。送褐布襪。自言得之海外。冬服則溫。夏服則涼。先師曰。老僧寒則有柴炭紙衾。夏則有松風竹陰。畜此奚爲。終却之不受。△有餘當捨者。謂惟世相無常。當去我之貪。礙念他人之貧。乏有餘。卽應捨也。△不得辦精緻條拂玩器等者。條是束縛身心。拂爲揮塵說法。謂不識四大本空。故辦精緻。迷惑正念。故學裝點。不法之人。傲其欸制。擺飾玩器。交結羣黨。來往四衢。誑惑世俗。無所不至。故曰裝點江湖。取笑譏者。然江湖之流。只有目下之勢。以喻是人不能上進也。△不得著色服等者。色謂紅黃紫綠及與白等。乃至小領襪鞋。皆是俗飾。非釋子所宜。出家人

暖色爲衣。以別縹素。故梵網經云。皆使暖色。與道相應也。△不得不淨手搭衣者。謂衣是如來淨服。敬衣卽敬如來也。凡取鞋襪下衣及一切不淨物等。皆當淨手。△凡上殿須束縛褲襠者。謂大殿乃聖賢雲集之處。當整肅而登。束縛者。恐下身有垢物。遺於地故。凡有佛菩薩所皆應束縛。若放意自便。則無敬畏之心也。然西域有裙無褲。故裙翻爲內衣。今文出者。乃順此土之儀也。阿含經云。一比丘不扎下衣。陰毛落地。護法神捧送四十里。外可不慎歟。

三思益

不得閒走○不得多言○不得坐視大衆勞務。避懶偷安。

不得閒走者。恐妨禪誦。故古人輕尺璧。貴寸陰。出家人受了檀越供養。應當努力爲道。時刻不可放過。豈可虛延歲月耶。佛法如大海。多學一分。有一分受用。況沙彌尙在初機。道業未辦。歲月如流。那有工夫閒走也。古德云。閒時不至落空。忙時不至



逐物方見作用。不得多言者。恐防失誤。故古云。多言數窮。不如守中。古人之辭。寡。今人之辭。多也。不得坐視大衆勞。務避懶偷安者。經云。衆僧事務。當盡力爲之。所以諸佛菩薩。從行門中。出然所食。既均而所務亦均。庶不負百丈一日不作。一日不食之誠也。若坐視則無慚。避懶則無福。揚岐云。上下偷安。爲法門大患。

四知因

不得私取招提竹木花果蔬菜一切飲食及一切器物等

招提此云四方僧物。卽常住物也。一切顯非一種。謂一竹一木一花一果及蔬菜飲食器皿等皆是。大衆物也。私取卽犯盜罪。若有所欲。取當白知事人。昔僧照禪師苦行禪定。第一行法華三昧。感觀音大士爲說法。要得無礙辯才。又見普賢大士乘白象來。放光證明。曾用衆僧鹽一撮作齋飲。以用無幾。不以爲意。後行方等懺法。忽見相起。計三年增長至數十斛。乃急賣衣買鹽償衆。其相方滅。又

煬帝二年。僧道明亡。同房僧玄緒。暮行野間。忽見寺往投之。遇道明不異。平日見衆僧粥。皆作血色。舉體火然。緒懼問之。明曰。此是地獄。吾爲取僧衆一束。煮染色。忘不賠償。當一年。然足受罪。褻衣見膝下。並焦黑。因曰。公幸爲我買柴百束。賠償。還常住。并寫法華經一部。可得免苦。緒許之。歸寺依言爲辦。重往尋寺。寂無所見。智者聞之。執不毛豎。

五慎禁

不得談說朝廷公府政事得失及白衣家長短好惡

○凡自稱當舉二字法名不得云我及小僧

紀綱法度曰政。動作曰用。日事俗人。喜著白衣。故曰白衣然。王臣政事是國家之正法。長短好惡。乃俗人之是非。言之皆亂道心。亦招禍愆。故不得也。然張口如弓。發言如箭。忽然虎口。遭傷始見。峯頭太露。當知牆壁有耳。法令無親。故經云。不得論說國家政事。評量優劣。出軍行師。攻伐勝負也。△凡自稱等句者。前是問呼。答應此乃自稱其名。謂身爲法王之子。名續祖家宗派。故曰法名。稱法名者。

是爲科子非俗士也。如稱我者無乃太慢若云小僧無乃太卑然僧是佛祖慧命人天福田何其小耶。縱對王侯亦稱法名爲是齊沙門僧鍾見武帝稍貧道帝曰稱名亦無嫌帝問王儉曰先輩沙門對帝何稱正殿還坐否儉對曰漢魏佛法未興不見紀傳自後稍盛皆稱貧道亦間預坐自唐肅宗勅僧尼朝會毋得稱臣故不言臣也言貧道者謂三乘聖人所證之道我于此道寡少故曰貧道也

六守法

不得因小事爭執若大事難忍者亦須心平氣和以理論辯不可則辭而去動氣發難卽非好僧也

僧居六和忍辱第一設有參差權且寬耐日久自明故是非以不辯爲解脫蓋天之道以不爭爲善勝也永嘉云從他謗任他非把火燒空徒自疲我聞却似飲甘露銷鎔頓入不思議若以小事而便執定爭論者則小事亦成大矣若大事能忍者則大事便爲小矣言大事者不過被人誣謗也然忍之一字說便容易行之實難須是有大力方能

降伏其心若力量稍弱則便被他謾入羅刹鬼國也心平氣和者雪堂曰氣勝志名爲小人志勝氣名爲端人志與氣齊名爲得道聖賢凡人剛狠不受規諫氣使然也端正之士雖使爲不善寧死不二志使然也故須平和筆馮云昔有與人相爭者怒甚奔訴王陽明先生王曰且去待汝心平氣和有好話與你說其人卽去涵養數日復叩曰吾心平氣和願聞好話王曰心平氣和便是好話也其人謝去以理論辯者謂彼此心平則可理論也故經云慎無愠訟當推直于人引曲向己見有諍者兩說和合若不依者方便避之連城之壁不與瓦礫觸也若不依僧論觸惱大眾而去者故曰動氣發難卽非好僧也清規云有理無理並皆出院何也蓋僧當忍辱若執有理而爭者卽是無明故同損之息諍于未萌也大律云不忍辱人有五種過一兇惡增長二事後悔恨三多人不愛四惡聲流布五死墮惡道

隨衆食第五
二十五事
初二
初正儀
七分

初供施二田

聞提提聲即當整衣服○臨食呪願皆當恭敬○出生飯不過七粒。麩不過一寸。饅頭不過指甲許多。則爲食少。則爲慳。其餘蔬菜豆腐不出○凡出生安左掌中。念偈云。汝等鬼神衆。我今施汝供此食。遍十方一切鬼神共

隨衆者。謂出家之人。應當事事隨衆也。古云。隨衆得解脫。而有八義。一聲板即赴不懈怠。故二供養現成得省力。故三作平等觀。無人我故。四息諸戲論。存正念。故五如法觀想。深入理故。六不偏衆食。絕疑謗。故七甘苦同受。無揀擇故。八起止威儀。不放逸。故若不隨衆。則不解脫可知也。△聞提提聲。即當整衣服者。免得臨時倉忙之失也。提提此云。聲五分云。隨有木瓦銅鐵。鳴者皆號提提。此乃集衆之方法。不待言而自至也。清規云。聞提提聲。想念偈云。佛生迦毗羅。成道摩竭陀。說法波羅奈。入滅拘尸那。提提聲。即當著衣持鉢。猶如雁行。行至齋堂。隨次而坐。勿令參差。不如法也。△

臨食呪願皆當恭敬者。謂律中比丘受他請食。默然進默然出。諸居士皆讚歎。言我等食不知好與不好。諸比丘。白佛。佛言。從今食時。應表宣施意。故食前念供養偈。及食後誦偈。呪願也。其所行之法。皆當起恭敬心。不得散心怠慢。損德招愆。△出生飯。不過七粒者。謂以七粒之飯。不多不少。仗呪願力。故能令諸鬼神等。遍皆飽滿也。切麩饅頭。西域原無。大師以此土而例出之。漢時諸葛孔明。征雲南孟獲。永昌班師。以此同至。瀘水見四野障塞。煙霧遍空。冤氣鬱結。于是以麥麩作人頭。祭河爲始。甲許一寸。是其限也。多則恐令受者起過少。則反使施者招嫌。故曰多則爲食少。則爲慳也。其餘蔬菜豆腐不出者。謂米麩等是。噉食當出蔬菜。是嚼食。則不必也。智度論云。凡受食時。先供三寶。次行大眾。後施四生。安左掌中。右手撥著淨物上。默念偈。呪汝等鬼神衆。我今施汝供者。謂仗佛呪力。直召其名。而施法食也。此食遍十方一切鬼神共者。謂諸鬼神等各散十方。而此呪食亦遍十方。

令彼等共法味皆得飽滿以見佛心平等也念
庵穆力陵莎訶三遍嗚指三下

二正念五觀

凡欲食作五觀想一計功多少量彼來處二付已德
行全缺應供三防心離過貪等爲宗四正事良藥爲
療形枯五爲成道故方受此食

正念思惟曰觀即照了之義也謂一念之心照了
五法令正念受食也初觀此一鉢之飯皆是行人
血汗檀信脂膏故曰計功多少量彼來處二自揣
道行無虧則當受供若有所缺則不宜也故曰付
已德行全缺應供三一切煩惱皆從貪瞋癡起我
於是中不應生著故曰防心離過貪等爲宗四若
非此食則氣力衰微故曰正事良藥爲療形枯五
爲修三乘正因方受此食故曰爲成道故方受此
食也應得勸伽論云若得食時口口作念若不如
是便名虛消信施也廣如香乳記明

三嫌食招過

無呵食好惡○不得以食私所與若摘與狗

呵食好惡者謂受食之時嫌其麤細也然呵好則
生貪呵惡則生瞋皆屬癡業所謂三心未盡水雞
消故遮止也古人麤衣遮寒糲食充饑爲學道故
若當大衆受食之時呵其美惡則損福不少或遇
病緣不能食其粗糲者亦當存默△不得以食私
所與者謂物屬僧伽食無偏黨若順情私與則與
盜同科若摘與狗者摘音惕手分與也謂受食之
時正當虔誠作觀令施者生恭敬心衆食未竟即
摘與狗是爲非法律云有檀越誠敬設美饌供佛
飯僧時有一犬擺腹搖尾作乞憐之狀比丘怒之
分食餒狗檀信不悅白佛故制

四代語防謾

來益食不得言不用若已飽當以手讓却之○不得
爪頭使風屑落鄰鉢中○不得含食語○不得笑談
雜話○不得嚼食有聲

增添曰益佛制受食至飽而後放鉢若行食者來
益須者即以鉢托出若已飽當置鉢几上或行食
者更益當以手讓却代語止之則謙讓之儀正合

理也。如出聲同者，則檀越信施恐生嫌，又覺太
 適復動衆念。△不得爪頭使風屑落鉢中者，謂
 自己受食，尚且不宜何況同衆受食，使風屑落其
 鉢中耶？准律有三過一動他念，一失威儀，三膩手
 汚鉢，得罪。△不得含食語者，一則語不明了，二犯
 非威儀，縱有人問，當咽已方答，如含食而語，便是
 散心也。儒家且有寢食之訓，況釋子耶？△不得笑
 談雜話者，馮山云：不解付思來處，謂言法爾，合供
 喫了聚頭，喧喧但說人間雜話，如心存五觀，則無
 此過也。△不得嚼食有聲者，行護云：食時不得大
 攪及嚼，羹粥作聲，衆中食訖，不得漱口，作聲。凡嚼
 食須合唇，嚼餅果當細嚼食之。

五權宜如制

如挑牙以袖掩口。○食中或有蟲蟻，宜密掩藏之，莫
 令隣輩見，生疑心。○當一坐食，不得食訖離座更坐。
 ○不得食訖以手指刮鉢鉢。

挑者，揚也。謂隨衆受食，不可揚牙待食畢，至僻處
 揚之。若急欲揚者，宜以衣袖掩口，穢汚之事，不得

向人如不掩者，一則自失威儀，二則令他起厭惡
 心。縱在弟子面前，亦當同護。△食中或有蟲蟻等
 句者，夫行人造飯，食非不欲以清潔者供奉其間，
 或有蟲蟻誤入飲食之內，見者當密藏之，鄰卑即
 此座也。若令彼見，或疑忌心生，至於變吐，不能復
 食，則檀越不能得如意，福△不得離座更坐食者，
 謂洗鉢起身，恐食時已過，也有正務，則開△不得
 以手指刮鉢鉢食者，謂手指刮鉢鉢，如同餓夫，非
 是出家道品，亦不得以舌舐食。

六食儀應法

凡食不得太速，不得太遲。○行食未至，不得生煩惱。
 ○或有所需，默然指授，不得高聲大喚。○不得鉢鉢
 作聲。○不得食畢先起。

太速則粗氣逼人，太遲則慢延失候，故須不緩不
 急，次第而受行護云：把鉢不可太高，不得太低，須
 平胸得所，盤鉢要離膝，巾不得安手，置膝上，清規
 云：不得將口就食，亦不得將食就口，不得鉢中央
 挑飯，不得大撓刮鉢中，亦不得遺粒狼藉而食不

得類食食及縮鼻食等。行食未至不得生煩惱。者行食即益食人也。若五親存心時懷愧煩惱。自然不生矣。若一人煩惱四座爲之不安。則齋堂便成煩惱窟也。古云。默默四顧起貪心。念食吞津。咳嗽頻頻。粥羹羹。口開單展鉢。諸鄰△或有所需。默然指授者。謂同須索也。謂以指授令知。步爲取也。若前聲大喚。則令大眾動念。△不得鉢鉢聲者。若具儀受食。鉢鉢自然無聲。鉢鉢作聲。因鉢鉢故。一人竊聽已不堪聞。多人復然而齋法竟不成矣。又何怪於鄰房僧之不悲嘆耶。不得食畢先起者。謂入堂受食。要從始至終。食畢先起。有始無終。則違佛制。輕慢大眾。除有正務。則開故。過山云。鉢鉢作聲。食畢先起去。就乖角。僧體全無起坐。松諸動他心。念律中因此丘食畢。默然而去。諸檀越皆謂言不知彼食足與不足。此丘白佛。佛言從今應爲檀越說一臘偈而去。

七 順從惜福

若違僧制。聞白。隨不得抗拒不服。○飯中有殺去皮

食之

白。隨是舉罪之規律。中凡有事。先於大食小食上。舉抗拒是抵觸不順。既違僧制。一切惡僧清規云。犯重焚衣鉢。應當集衆人山。騰聊示恥。驅擯出偏門。如其不服。生瞋違和。卽非好僧也。古人聞善言。則拜有告。過則喜。斯等聖賢氣象。何不效之。△飯中有殺去皮食之。謂勉其惜福也。然命依食住。道由食存。一粟一穀。皆從檀信施來。不可輕視。若有殺者。去皮食之。如其多者。當聚在一處。出時將施禽鳥。不得賤棄也。

二 補儀

附 不得見美味。生貪心。恣口食。○不得偏衆食。美味者。甘美之食也。然美味人人所愛。而我不愛者。智也。如見之饕餮。貪心恣口食者。害也。而不知食之過患。極重。故恣食無厭。如賢愚經云。一沙彌貪愛酪味。死卽作酪瓶。中蟲一沙彌貪著龍宮香飯。死後爲龍。欲奪龍宮。殺諸龍屬。爲害非小。是故於食。當生厭離心。不得貪也。△偏衆食者。不共衆

食也。謂十方雲聚粒米同食。僧物偏衆。准直成罪。自物偏衆。是無慚人。僧未食。不得先嘗。除作食者。無過昔唐登州文登縣郭行妻王氏生一女。鵲啄將終。自言爾先世嘗齋之報。以此示人也。

禮拜第六凡十事初正儀三分

初敬主護人

禮拜不得占殿中央。是住持位。○有人禮佛。不得向彼人頭前經過。

凡禮拜須清淨。盥漱。頂跣。足早起。及三時粥飯。當嚼楊枝。若不如是。潔淨。禮便得罪。中央者是主法之位。雖前戒亦不得占。況沙彌耶。言住持者。謂動靜不移。住古今不失。曰持。乃弘揚正法之人。即善知識也。然佛法東漸。四百餘載。而達磨大師方至。又八傳而至百丈。在前惟以道相授受。嚴居穴處。未有住持之名。百丈禪師。因經案問道。隣集非崇其位。則師法不尊。而住持之名自此爲始。又住持者。謂修戒定慧。以爲持法之資。秉僧德。行以爲持法之具。資具皆善。可以持而住之也。實調密。

庵傑曰。住持有三。莫事繁。莫懼無事。莫尋是非。莫辯達。此三者。方可名爲住持也。中央之位。豈偶然哉。△不得向彼頭前經過者。徑過直往也。其義有二。一恐妨禮佛正觀。二恐足起塵。辱觸彼頭面。令他煩惱。

二具儀無染

凡合掌不得十指參差。不得中虛。不得將指插鼻中。須平胸高低得所。○不得非時禮拜。如欲非時。禮須待人靜時。

合掌而不合指。故曰參差。合指而不合掌。故曰中虛。指插鼻中。太高落在胸下。太低合在當胸。故曰得所。然參差中虛。插鼻高低。皆由心散怠慢。儀不中節。有失觀瞻也。△非時禮拜者。除朝暮同衆禮拜之外。若自禮。則不合衆。規違逆僧制。故不得也。待人靜時者。則無礙于人。不令動他心念也。但私自禮佛。雖是好。事亦不得招搖。做勢。顯異惑衆。

三尊師重法

師禮佛不得與師並禮。當隨後遠拜。○師拜人不得。

與師同拜○在師前不得與同類相禮○在師前不得受人禮○已手持經像不得爲人作禮

並拜者謂與師並肩齊拜也。尊卑上下不可紊亂。故不得也。隨後謂在師之後亦不宜逼近。故曰遠也。△師拜人者。謂凡師與人作禮。非是前輩者。宿卽是師長道友。不得與師同拜者。禮別尊卑故。△在師前不得與同類相禮者。同類。禮則失尊師之敬。受人拜則失自卑之儀。古德云。佛前受人禮拜。大不吉祥。況沙彌年少。正在學地。當禮拜於人。不得受人禮拜也。△已手持經像者。經像乃人天所尊。手持經像卽佛在手。凡遇尊長者。宿俱不應拜。但云經像在手。不敢禮拜。若持之拜。則顛倒也。

二補儀

附 凡禮拜須精誠。作觀教列七種。禮不可不知。須精誠作觀者。謂不雜餘念。曰精。眞實致敬曰誠。作觀者。謂作能禮所禮性空寂之觀也。西域禮拜。袈衣露足。膝先著地。然後以肘按地。兩掌承空。以現接足之相也。七種禮者。天竺。勒那三藏見此方。

拜佛不習禮儀。故傳此七種之法。雖然通云禮佛而有是非淺深之不同。蓋欲人知我慢求名二種之非。而歸身心等五種之正也。一我慢。禮謂身雖設拜。無有敬心。外觀似恭。內懷我慢也。二求名。禮亦名唱和。禮謂但要名譽。詐現威儀。雖云禮拜。實無懇重心也。唱和禮者。口雖稱唱。佛名心實馳求外境也。三身心恭敬。禮謂口稱佛號。心存相好。身業懇動。恭敬供養。無異念也。四發智清淨。禮謂慧心明了。達佛境界。內外清淨。虛通無礙。禮一佛時。卽禮一切諸佛。禮一切諸佛。卽禮一佛。以諸佛法身體本融通。故禮法禮僧亦復如是。五遍入法界。禮謂想自己身心等法。從本以來。不離法界。諸佛不離我心。我心不離諸佛。性相平等。本無增減。今禮一佛。卽遍禮諸佛。如一室中懸百千鏡。鏡鏡皆現鏡無不照影。無不現如是。正觀則功歸法界。德用無邊。是名遍入法界。禮六正觀。修成禮謂攝心正念。雖對佛身。卽禮自己佛身。蓋由一切衆生本有覺性。與佛平等。謂隨性緣迷於已性。妄造諸惡。

無始以來未曾將一燈一香一禮供養已身佛性。若能返照本覺則解脫有期。故維摩經云觀心實相觀佛亦然。是名正觀。修誠禮七寶相等禮。謂前正觀中體用不二。猶存有禮有觀。自他兩異。今此一禮無自無他。凡聖體用不二。若見佛可尊可敬。見凡可卑可慢。此心即成邪執。故金剛經云是法平等。無有高下。能禮所禮其性空寂。是名實相。平等禮如上七種。是非俱明。禮拜之時。先須深究。故曰不可不知也。

聽法第七凡九事初正儀

凡遇掛上堂牌。宜早上堂。莫待法鼓大振。○整理衣服。○平視直進。○坐必端嚴。○不得亂語。○不得大咳唾。

聽者聆也。謂法有助道之力。故須聽也。蓋諸佛心宗。載於法藏。雖則自性本通。必要師承。稟受是故。講法講毗尼時。必須諦聽。付思方能開心地。道所謂此方真教體。清淨在音聞。欲取三摩提。實以聞中入。付法藏經云。佛言一切衆生。欲出生死海。必

假法船。方得度脫。法爲清涼。除煩惱熱。法是妙藥。能愈劇病。法是衆生眞善知識。作大利益。濟諸苦惱。所以然者。一切衆生。志性無定。隨所染習。近善則善。近惡則惡。若近惡友。便造惡業。流轉生死。無有邊際。若近善友。起諸敬心。聽受妙法。必能令離三塗苦惱。由此功德。受最勝樂。成範云。凡沙彌學心。當如旱地涸池。不厭多聞。不棄寸陰。若遇法師。上座講說經論。了義之法。當虛心諦聽。於說法者。如父母本師。想於所聞法。如饑受食。渴飲漿。想△凡遇掛上堂牌者。謂上堂說法。乃法門最尊之事。聽法亦人生極大之緣。掛牌是預告大衆之規。學者知之。當生歡喜心。作難遭想法。鼓者如來之信鼓也。唐時武后信樂佛法。以王禮供養賢首大師。上座說法。故曰法鼓。若不早往。法鼓大振。臨時倉忙奔走。法堂大衆觀之。不雅。自己心中煩躁。不入法理。故宜早進也。△整理衣服者。時至鳴鐘三下。侍者傳爐至法座上。復擊小鐘三下。大衆更換七衣。△平視直進者。謂衣整則儀肅。平視則心端。直

進則不左右顧視也。△坐必端嚴。者身業致敬。△不得亂語者。口業無愆。況法堂之中。乃人天聚集。凡聖交參。非說話之時也。△不得大噉睡者。有其三過。一動衆。二污地。三獲罪。非小。詳如經律。

二補儀

附 凡聽法須聞而思。思而修。不得專記名言。以資談柄。○不得未會稱會。入耳出口。○年少沙彌。戒力未固。宜更學律。不得早赴講筵。

聞思修者。此是三慧。缺一不可也。若聞而不思。如人耕田不下種子。若思而不修。如下種子不溉灌。耘除終無結實。所謂學而不思。則罔思而不學。則殆也。三慧若立。則三乘聖果。自可獲矣。△專記名言者。名言非至道真實之言也。若言愈浮。而道愈喪。如人說食。如數他寶。實無益處。故學道之人。不可專記名相。增長慢幢。而失至真之道也。△談柄者。謂談論把柄。即麁尾也。麁鹿中之王。與虎鬪時。羣鹿隨麁而走。麁尾東向。則羣鹿皆東。麁尾西向。則羣鹿皆西。所以護羣鹿之命也。上古大禰與諸

弟子講論道學。蓋取其意。使諸弟子聽其麁揮也。△領悟佛法。曰會。未會稱會。是自欺。不實入耳出口。無契悟機。是欺他人。古云。君子之學。入乎耳。著乎心。布於四肢。形乎動靜。小人之學。入乎耳。出手口耳口之間。四寸耳。曷足以美七尺之軀耶。△戒力未固者。謂纔登戒品。信力未堅。尚不知沙彌之事。云何習異學耶。故宜先學戒律。威儀講筵。即講經法席處也。若早赴者。則恐心志無定。脚跟未穩。隨風倒舵。以致撥無因果。而招無聞之重咎也。

習學經典第八十九事 初二正儀分

初學知次第

宜先學律。後學脩多羅。不得違越。○凡學一經。須先白師。經完更白。別學某經。時不失持云。習受法。專精曰學。又覺也。效也。謂後覺者。必效先覺之所為。乃可以明善。如不學。則不知佛道也。△宜先學律者。戒律是調伏身心之法也。修多羅。此翻云。經。經。也是三乘聖人遊履之徑路也。宜先學律。如下種子。以培其本。然後學經。

澆灌其苗根本深厚枝葉敷榮則聖果可期矣如華嚴云如人學射先安其足後習其法亦如拈括之有基汲水之有源也若先學經如無種子而澆灌之種子既無何處求實是故須當次第知所先後則近道矣△凡學一經須先白師者謂沙彌佛法未多識見未廣不知法之深淺學之次第白師後學則溫故知新日有進益也古云學道之人兩日工齊則一日虛度時光易過道業難成不可少懈也

二教法尊人

不得口吹經上塵○不得經案上包藏茶末雜物○人閱經不得近彼案前經行○凡經籍損壞宜速修補

經典所在即如佛在經上有塵應以淨物拂之若口吹者有其二過一穢氣觸經二失尊敬心又殊問經云一切莊嚴供具以口吹灰者墮優鉢羅地獄傍報作風神王△經案上包藏茶末雜物者輕經汚桌也凡經桌以潔淨為主清早須當拂去塵

灰塵灰尚且拂去何況雜物清規云私藏茶末取笑傍觀亦不得以世間文字一切外書及不淨器物并頭帽扇巾數珠等安在佛經律上△人閱經不得近彼案前經行者謂凡看經必須澄靜思惟若行繞其前則分心路動其所思即成過咎△經籍損壞宜速脩補者經籍即經典也乃聖賢之血脈亦吾人之父母若有損壞急宜脩補父母有病豈可怠耶經云首軸脫落部帙失次紙墨破裂等若不脩理皆得罪也

三教以務本

沙彌本業未成不得習學外書子史治世典章

本業即本分之事也如世儒之習五經必先通於本經餘經次第習之若本經不通諸經皆成廢塞沙彌亦復如是十戒未淳威儀未具故不得習學餘法也子謂百家諸子史謂歷朝史籍謂凡有一代君臣必有一代之史所謂史者以記當時法不法得失之迹也錄之以警後世取信將來故謂之信史也外書者如三皇五帝之典孔子姬旦之籍

乃至四書五經教以齊家治國修身養性輔國利民故云治世典章由是治世語言故名爲外內典者謂三乘聖教令淨心除惑見自本性皆爲出世之法故名內也佛藏經云當來比丘好讀外經於說法時莊枝文辭令衆歡喜是諸人等爲魔所惑障障慧眼深貪利養猶如羣盲爲誑所欺輔行云若爲降伏外道故十二時中許一時習學外典

一補儀分初進學偏似

附 不得揀應赴道場經習學○不得習學僞造經典

不得揀應赴道場經習學者謂如來所說甚深經典要人受持習學自利利他今云不得者過在揀字謂不得專爲揀選應他赴請道場而習學也沙彌本業未成恐習氣現前爲利忘戒△不得習學僞造經典者謂以僞唐之言謬爲佛說以誑愚夫也如血盆盆妙沙分珠救苦等經皆非佛說故經云當來世中多有惡鬼受生人間常懷惡心時起誣論各各求於名譽利養僞造經書及諸符呪自讀

毀他令脩學人不知所向盲於正眼失其正見是也

二禁習外書

不得習學命書相書醫書兵書卜筮書天文書地理書圖讖書乃至爐火黃白神奇鬼怪符水等書○不得習學宣卷打偈○不得習學外道書除智力有餘爲欲知內外教深淺者可以涉獵然勿生習學想命書者謂子平五星陰陽七政等書談人壽夭窮通以求利故然出家人當培植佛祖慧命則無所不利也古云爲善降之百祥爲惡降之百殃然從何處算耶△相書者謂麻衣柳庄等書觀其形貌神氣而談貧富貴賤以求利故然相從心轉福是修成又從何處相耶△醫書者謂大小方脉內外醫書始自神農察草木寒溫之性辨君臣佐使之宜作藥方以療民疾後來多以求利故不許習若念病苦不爲求利佛有開緣△兵書者謂姜太公之六韜黃石公之三略孫武子十三篇等皆征伐作陣之書非釋子所應學也△卜筮書者物原云

伏羲龜卜神農書草書草出義文臺必滿百莖必長丈上覆青雲下守靈龜白虎通云天子書九尺諸侯七尺大夫五尺士三尺用之以占驗吉凶禍福預知其事古云禍福無門惟人自召何處筮耶晉臣顏含郭璞嘗欲與之筮含曰年在天位在人脩已而天不與者命也守道而人不知者性也自有性命無勞著龜世儒尚不肯爲況釋子者耶△天文書者謂觀天之氣象預知時之吉凶變化之書以求利故非釋子所應爲也△地理書者謂郭璞葬經楊筠松地理大全黃石公八宅及周書等皆是堪輿風水擇日之書以求利故亦非釋子所應習也△圖讖書者圖謂河圖伏羲時龍馬負圖而出讖者預識國家來驗符合無差之書關係匪輕非出家者所應看也△爐火黃白者乃神仙黃白之術鍊真經云丹砂煉之初返則成白銀二返而成黃金昔漢鍾離傳丹於呂洞賓丹成指石爲金可以傳世呂問曰此丹成後畢竟如何鍾曰五百年後原還爲石呂曰若使原還爲石終當害

世非真丹也遂乃廢鼎然洞賓廢鼎真丹成矣豈釋子不如俗士乎△神鬼者有禍而靈曰神無福而魅曰鬼又鬼者欺也謂欺人而取飲食故奇怪者謂降神拿鬼畫符噴水以治病圖光以顯事作如是術妖言惑衆人見怪奇而皆信之故曰神奇鬼怪符水等書沙彌宜孜孜學佛法不可倣此以求利也△宣卷打偈者即無爲教外道傳有五部六冊一人宣偈衆皆和之故曰打偈沙彌是法王之子不可墮入此中△外道書者謂心遊理外知見差殊故云外道共有九十五種由道行理外書亦是外故不得習也智度論云習學外典如以刀割泥泥無所成而刀自損矣善戒經云菩薩不讀誦如來正經讀誦世典文頌書疏者得罪除智力有餘者謂宗律一貫道德雙彰入佛入魔無不自在故曰有餘若有絲毫不了便無餘力也內外教如前釋深淺辨其優劣涉獵乃經過之別名然欲知教之深淺只宜暫時過目不可著在此中故曰勿生習學想也律中因舍利弗日健連二尊爲

破外道。故處於高座。教新學比丘及沙彌。學外道書。佛知故。制後來新學比丘及沙彌。與外道論義。皆不能答。外道輕笑。佛問其故。比丘沙彌答言。爲專心本業。故如來又開

三戒工世法

不得習學詩詞。不得著心學字求工。但書寫端楷足矣。

詩志之所發於言也。詞言之所吐於文也。記云。書算卜術。俗典文頌。皆是世法。出家人脚跟未穩。眨眼之時。已過三五十。年大事。未明如喪考妣。那有閒工夫。學詩詞耶。△端楷者。端即端正。楷即楷書。然端楷二字。不易到手。關係人品。邪正壽命。延促。故此乃上谷王次仲所作。足以宣文顯義。也不必再求精巧。隸篆草書。出家人事事要真。少有虛浮。便是障道因緣也。

四尊崇正教

不得汚手執持經。對經典如對佛。不得戲笑。○不得案上狼藉卷帙。○不得高聲動衆。○不得借人經。

看。不遺及不加愛重。以致損壞。

經典乃如來所說清淨妙法。必須三業清淨。方堪受持。因果經云。觸手誦經。當墮廁中。蟲報阿難。請戒律論云。僧尼白衣。若讀誦經律論等。行語手執。翻卷者。依忉利天歲數。受畜生報。墮獐鹿中。恒被摺脊苦痛。難忍。若無記戲言。捉經律等。亦招前報。△對經典如對佛者。謂經是佛語。故三世如來皆供養也。千生罕遇。萬劫難逢。讀之。縱不能解義。誦之。亦當種其善根。故須特加尊敬。何得戲笑耶。律云。慎無臥誦經典。若纔覺疲倦。懈怠心。生即當痛念人命。呼吸發起。情進如救頭然。又豈可懈怠耶。△不得經案上狼藉卷帙者。謂經卷編次成夾。曰帙。狼藉者。以喻表顯也。謂狼所食物。腹少外多。遍地撕開。若經卷亂攤桌上。參差不堪。亦如狼之食物也。古儒讀詩書。未竟。雖有急速。必待卷束整齊。然後起身。恐損壞。故何況佛法。而不整肅耶。△不得高聲動衆者。謂凡讀經律。要知句逗聲法。華梵了然。若隨衆誦。誦聲宜調和。不得自恃若自習學。

聲須低小勿動衆念。馬素禪師云。佛音聲漫水。流諷經行道。屬行遊瞻。前顧後移。步左右迴旋。半展眸叉手。當胸如捧水立。身頂上似安油。威儀動靜常如此。不枉人間作比丘。不得借人經看。不還等句者。謂經法是三乘聖人之父母。宜同加愛惜。不得有彼此之分。如有不敬及損壞者。損壞得慢法罪。借看故意不還。即得盜罪。經云。借取與必分明。無違日期。以失信約。

入寺院第九凡七初入門次第

凡入寺門不得行中央。須緣左右邊行。緣左先左足。緣右先右足。

寺者西國呼爲僧伽藍摩。此云衆園。謂是衆僧所住之園也。自周昭王甲寅二十四年四月八日如來生時。此方皆見赤光。貫日江河泛漲。王問羣臣。太史蘇由奏曰。西方有聖人生焉。千年之後法流此土。王勅鑄石記之。埋於南郊天祠之前。後于穆王壬申五十三年二月十五日。佛滅度時。暴風忽起。地震天陰。白虹十二道直冲天上。太史扈多曰。

西方聖人滅矣。故後來孔子嘆曰。我生何以晚泥。洎何以早不見釋迦文心。中常懷憾。至東漢第二主孝明皇帝永平三年歲次庚申。帝夢丈六金人。頂有日光。飛入殿庭。上問羣臣。太史傳毅對曰。臣聞西域有神號之爲佛。陛下所夢。其必是乎。至七年甲子。帝敕郎中蔡愔。中郎將秦景。博士王遵等一十八人。西尋佛法。至印度國。詣迦葉摩騰。竺法蘭。用白馬馱經。并將畫釋迦佛像。以永平十年丁卯。至於洛陽。權住鴻臚寺。以此寺本禮四方遠國之邸舍也。自後僧既漸多。別創堂殿。安之二僧。移入新居。以不忘其本。故標寺號。又因白馬馱經。故名白馬寺也。舊古略云。永烏四年。康居國三藏康僧會至吳。營立茅茨。設像行道。國人初見沙門。驚異之。有司以聞。吳主孫權曰。是漢明帝所夢佛道之遺風也。權問太傅國澤曰。漢明何年佛教入中國。何緣不及東方。澤曰。永平年佛法初至。計今赤烏四年。則一百七十年矣。永平十四年。五藏道士賈善信等。乞與西僧辨法。于是善信負妄慚而死。

凡中國人例不許出家。無人流布加之。亂世深方至本國。權曰孔子制術典訓教化。來秦老莊修身自玩。放浪山林。何事佛爲。澤曰孔老二教法。天制用不敢違。天佛教諸天奉行不敢違。佛以此言之優劣可見也。遂詔至問狀。會進曰。如來大師化已千年。然靈骨舍利神應無方。昔阿育王奉之爲八萬四千塔。此其遺化也。權以爲誇。已則曰舍利可得。當爲塔之。苟其無驗。國有常刑。會謂期七日無驗。乃至二七無驗。權曰。趣京會默念佛名。眞慈夫豈遠哉。更請七日。至五鼓不見眼中。迷血忽聞。豁然有聲。起視。餅中光明。錯發黎明。進之。權與公卿聚觀。嘆曰。希世之瑞也。乃爲建塔造寺。奉會居焉。此是江南寺塔始也。又僧史略云。至後魏太武帝始光元年。創立伽藍。名爲招提。隋煬帝大業年中。改爲道場。至唐復爲寺也。不得行中央者。謂不得正中直進也。儒云。入不中門。行不履闕。若行中央。則唐突無尊敬矣。是故應須迴護。須緣左右邊行者。緣向也。僧祇云。先下足。跟後下足。指從殿

門右順先舉左足而進。事畢從左順原舉左足而出。如大衆齊集。分左右序。則不拘也。

一登殿如儀

不得無故登大殿遊行。○不得無故登塔。○入殿塔當右繞。不得左轉。○不得殿塔中洩唾。○過塔或三匝七匝。乃至十百。須知偏數。○不得以笠杖等倚殿壁。

凡欲登殿者。若非燒香供花禮佛持誦及作法等事。餘皆不可。如世帝王登殿。論政文武官僚必待宣召而後敢進也。漢霍光輔昭帝出入禁闕。所履殿陛不失尺寸。皆敬畏之至也。況法王寶殿。詎可無故遊行乎。西國寺圖云。入出之時。悉轉面向佛。若禮三寶。當念體唯是一。所謂覺法滿足名佛。所覺之道名法。學佛道者名僧。則如一切凡聖體皆無二也。但無故不得入。△不得無故登塔者。謂塔是人天輻相。無舍利佛像。尚不宜登。而況有耶。若不爲供養花幡香燈。而入殿塔者。皆得慢罪。△入殿塔當右邊者。僧祇律云。禮佛塔當右邊。如日月

星遶須彌山不得左轉如來降生周行七步亦自南而西也是故入殿塔當自南而西自西而東也又右遶者表承順之至故凡事承順則一切事無不成也文句記云左迴偏僻是故爲凶以表惡也右迴便易是故爲吉以表善也佛髮右旋凡人左旋故常從佛△不得殿塔中洩唾者謂深明罪福故僧護經云在佛僧淨地洩唾汚穢以是因緣入地獄中刀割已鼻火燒受苦不息詳如經說△繞塔或三匝七匝等者三匝表清淨三業供養三寶斷除三毒滅三惡道七匝表除七支罪得七覺支十匝表除十使得佛十力百匝表除百煩惱得百法門故曰須知遍數也旋繞之時當憶佛念佛則不落無記妄想二邊即得一心不亂一心不亂是爲真正遶塔也△不得以笠杖等倚殿壁者沙彌本無畜杖法或還行及老病持之若見二師上座尊宿皆投杖笠于地然後問訊若爲二師持杖師有顧問必抱杖然後答之呂氏春秋曰孔子弟子抱杖而問其父拄杖而問兄弟曳杖而問妻子蓋

尊卑有分也若以杖倚殿壁即得輕慢之罪昔二十五祖婆舍斯多尊者七劫以前當證二果由以杖倚殿壁緣斯過慢遂失二果實經云有一賢者面上有國王文相師見已嫁女與之後時賢者入寺杖倚寺壁生憍慢故失國王文墮大地獄可不慎哉行護云不得釘破牆壁不得門戶及牆上書字不得廊下吟咏不得著木屐及捉木屐靴入殿塔中感生馬蹄國報

入禪堂隨衆第十十七事初正儀三分初護念興慈

單上不得抖衣被作聲扇風使鄰單動念○下牀默念偈云從朝寅日直至暮一切衆生自迴護若於足下喪身形願汝即時生淨土

禪堂者謂攝心而不分散曰禪鍛鍊英賢之處曰堂不必局於禪教也如認真坐禪看教看律自然心不分散也惟在各人自重僧重則法重僧輕則法輕也笑翁和尚曰粥了和南飯後茶放參藥石莫喧譁入堂出戶清規合方見叢林有作家△單

上不得抖衣被作聲。風者具招三過。一自己。二扇塵汚人。三令他動念。△下牀者。前在單此下牀也。默念心轉也。若高聲者。一則不成堂規。二則尚未漱口。故令默念也。從朝寅日直至暮。一切衆生自迴護者。謂人與衆生。形雖有異。而性質無別。人動生亦動。人息生亦息。然我雖無傷害之心。而亦要自己先迴護也。若於足下。喪身形。願汝即時生淨土者。謂適有誤傷。仗此偈呪法力。即時生安樂處也。此總表息惡行慈之念。廣如香乳記明。

二防非慎口

不得大語高聲。○輕手揭簾。須垂後手。○不得拖鞋作聲。○不得大咳嗽作聲。○不得鄰單交頭接耳。講說世事。

禪堂乃勘驗龍蛇之所。凡入堂中。一切要依規矩。若高聲大語。傍若無人。似手狂。懸況一人。大語衆人同之。則一堂喧闐。妨彼做工。夫人則罪莫大焉。沙門出言。要謙恭柔。軟方合清規。△輕手揭簾。須垂後手者。簾者。簾也。謂以障蔽。簾也。天子外屏。

諸侯內屏。大夫以簾。士以帷。若重手揭簾。不以手垂。後觀者。一恐。下顧。促簾。故二且。簾濁之聲。動衆。故若捲簾時。面須向外。必使兩頭平正。放時手送至地。△不得拖鞋作聲者。行護云。凡著履。屐先令脚跟著地。勿使有聲。△不得大咳嗽作聲者。謂無痰有聲。曰咳。有痰無聲。曰嗽。若不能忍。當以衣袖掩口。△不得隣單交頭接耳。講說世事者。論佛法。尚不宜交頭接耳。況世事耶。此有三義。一失威儀。二忌嫌疑。三忘正念。

三公私遵制

或有道伴。親情相看。堂中不得久話。相邀林下水邊。乃可傾心談論。○若看經。須端身澄心。默觀不得出聲。○二板鳴。即宜早進堂。○歸位默念。偈云。正身端坐。當願衆生。坐著提座心。無所著。

道伴親情相看者。蓋天性至厚。無有過於父母者。今既辭親學道。當以道爲親也。傾心談論者。須是個人。始可盡心與之較量。若論世諦。不啻汚穢唇吻。亦恐汚穢林泉也。古云。高山流水。深深意。自有。

◆ 雜儀

知音笑點頭。慈受深禪師云。若是舊時道伴。遠地親情。相引林下水邊。方可傾心談論。至於交關買賣。引惹雜人。盡非禪子所爲。△若看經。須澄心默。既者。既觀想也。堂中看經。當默識之心。不散亂。若形之於聲。經義無從思之。故澄心默會。一則經義從此曉了。二則智慧從此發生。故不得高聲也。△二板鳴。卽宜早進堂者。鐘板是百丈建立。嘗負之塗中行。持規矩。不怠。故叢林至今遵之。二板者。謂停二不停三。二板既鳴。卽宜抽解進堂。不過一茶之傾。三板止靜。禪堂掩門內。不放出外。不放入少遲。便是門外漢也。△正身端坐者。身儀也。善提座者。卽自覺本有空王之座也。此座人人本具。尚未曾覺。故曰當願如蓮花不染。故曰無著。謂四相皆空。如夢如幻。如鏡中花。如水中月。若有所著。便非善提矣。

二補儀

附 不得穿堂直過○上單下單俱當細行。勿令鄰單動念○不得單上寫文字。除衆看經教時○不得

單上相聚提茶。夜坐雜話○不得單上縫補衣被○不得眠臥共鄰單說話動衆

堂中大眾各有所司。修觀坐禪。持經看律。穿堂直過。涉于浮躁。不惟自失。且亂他心。縱有事緣。當沿前後而行。箴規云。穿堂直過。豈不厚顏。尊殿開行。恐招薄福。△上單下單俱當細行者。謂釋子本具三千威儀。八萬細行。凡所舉止。先須慎心。勿得騰浮動他心念。△不得單上寫文字者。經典乃如來所說。單上抄寫。慢法招愆。若和詩作偈。其過尤甚。除衆看經教時者。謂堂中人多。座少。單上可也。△不得單上相聚提茶。夜坐雜話者。此有三過。一動他念。二散已心。三犯非時。縱有非時之藥石。亦不應夜坐雜談。況已事未辦。何得虜延也。△不得縫補衣被者。謂大眾禪床。非是縫補之處也。一則招人雜話。二則作塌禪床。△不得眠臥共鄰單說話者。經云。食則無語。臥則無談。坐則禪思。起則誦誦戒行。如此真佛弟子。如眠臥共鄰單說話。大眾嫌疑。師長呵責。如是爲人。終成廢物。

執作第十一 十二事 初正儀分

初遵敬僧物

當惜衆僧物○當隨知事者教令不得違戾○凡洗菜當三易水

凡有叢林必有大衆有大衆者必有普務有普務者必須大衆執作也△當惜衆僧物者大律云護常住僧物者如護自己眼睛行護云有損費常住三寶等物當賠償之昔揚州白塔寺沙門道昶掌知僧物自任侵用忽有冥官數人白日入房曳昶下地欲斷其頭昶驚時乞命官厲聲言舍房資財並送還僧當放汝活昶叩頭言不敢違命卽鳴鐘集衆盡捨衣物造像設齋冥官三日復至見昶一鉢一襦不言而去昶自是勉勵進修卒成明行△當隨知事教令不得違戾者違是乖違不順戾乃戾戾不服叢林執事量才能取凡有普務當善言而推大衆聞之卽當速出則內外水乳也若聞似不聞違戾教令悞大衆事便爲不法人也△凡洗菜當三易水者威儀云先科去蟲蟻一却根二齊

頭三不得青黃合然後水洗易換也本律云一次但去塵垢二次細垢未盡三次菜得淨也

二水清食淨

凡汲水洗淨手○凡用水須諦視有蟲無蟲以密羅濾過方用若嚴冬不得早濾水須待日出○凡燒羅不得燃腐薪凡作食不得帶爪甲垢

汲水先淨手者誠心至切也以淨手故方堪以水供佛供僧也△凡用水者用有二種一飲食二澆濯須諦視者不論河池井水悉皆有蟲形極微細故須諦視觀察不得就中洗手面及大小便以密羅濾過方用者此是聖賢護生行慈之要務故律云若行五里無蟲不去蟲雖有五種一密絹方羅二陰陽瓶三君持瓶此二皆以絹絹口細繩繫頭沉放水中待滿牽出四酌水羅五角羅用絹方二碟許或繫瓶口或置盤上濾而用之須待日出者謂寒天早濾恐蟲凍死也△不得燃腐薪者謂腐朽之木自然有蟲故不聽也經云亦不得燃生薪淨薪△作食不得帶爪甲垢者律制不得畜爪甲

長一麥即割帶垢不淨作食得則中鬼報寄歸傳云。營供必先洗手漱口淨器。不者所作祈請並無効驗。古云作食不潔。餒人必饑之神亦惡之。穢食委棄均於暴殄。譬喻經云有沙門作摩波利飯。比丘分酪酥著手以手拭柱。柱即破裂不可不慎。

三依教護生

凡棄惡水不得當道不得高手揚潑。當離地四五寸徐徐棄之。○凡掃地不得迎風掃不得聚灰土安門扇後。○洗內衣須拾去蟻虱方洗。○夏月用水盆了須覆若仰即蟲生。

惡水是洗器澆濯之水也。謂不得當人行道處棄。洩故當離地四五寸不致揚潑也。徐徐棄之不致汚衣也。○凡掃地等句者。迎風掃地塵浮人面非是有智之人。聚灰土安門扇後。其人有始無終。後來結果可見。經云掃地當令淨。不得有迹。有迹即時掃却。百緣經云掃地得五種功德。一自除心垢。二除他心垢。三去憍慢。四調伏心。五增長功德。得生善處。成實論云掃一閤浮提僧地不如掃佛地。

一掌△洗內衣須拾去蟻虱者。謂離傷生之過也。小者名蟻。大者名虱。拾淨律無阿實△夏月用水盆了須覆者。謂盆仰則有餘水有水則蟲易生。凡洗上衣之盆不得洗足及下衣。晒時竿上亦不得相觸。含水噴法衣必先漱口。

二補儀

附 不得熱湯潑地上。○一切米麩蔬果等不得輕棄。狼藉須加愛惜。

不得熱湯潑地上者。傷生之故也。亦不得以熱湯澆火。令滅古云惡水高揚熱湯潑地微細昆蟲何處迴避。水火毒身如入鼎沸。以此劇刑橫加無謂。我福無增。彼惡永記。故云徐徐清涼如意。○一切米麩蔬果等不得輕棄狼藉者。謂今生不惜物來世無受用。況常住衆僧之物而不深加愛惜耶。古云天倉五穀在二十八宿乃危星主之人以食爲天。故聖人務農重穀。天子親耕勸農。春夏祈穀于上帝。而人不知天地養育之恩。豈五穀可撒棄耶。況釋子尤當念信施之恩。更宜尊重。

入浴第十二凡十事 初正儀分二

初淨穢須知

先以湯洗面從上至下徐徐洗之○不得躡躑以湯水澆鄰人○不得浴室小遺

佛制半月洗浴因耆婆童子所白謂比丘多食非浴不遑故開病時後爲作務遠行等又開△先以湯洗面者謂面爲一身最尊故凡入浴時先將下衣掛下竿已以浴巾圍好下身方脫上衣掛上竿上次以水洗淨然後入池默誦偈呪從上至下徐徐洗之沐浴之儀不廢也△不得躡躑以湯水澆鄰人者躡音箋去聲澆灑也謂當細行而浴不得躡躑使湯水激灑鄰人動他心念也△不得浴室小遺者小遺或云小行或云小解或云小淨或云小便然淨地尚不可遺況浴室中耶蓋洗浴原爲潔身小遺浴室則求潔反污矣既污自身復汚大眾則禮佛誦經一切皆成不淨莫大之罪也僧護經云比丘在淨地大小便利不擇處所以是因緣入地獄中作肉廁并火燒受苦不息

二嫌疑當避

不得共人語笑人天寶鑑云一沙彌入浴戲笑遂感沸湯地獄之報○不得洗僻處○凡有瘡癰宜在後浴或有可畏瘡尤宜迴避免刺人眼○不得恣意久洗妨礙後人

語笑乃放逸之根殊不知身垢未淨而心垢先生皆由不知慚愧故感此報也浴者各須自嚴浴室警語云不得以水互相澆洗亦不得用水太燙不得在內洗衣入不先師亦不得在上座前浴禹峯浴室銘云山曉路遠致其柴薪淪釜然火効其勞勤一月數浴叢林罕聞沙彌戲笑沸湯澆淋洗心深慮日新又新何以報德忽悟水因△僻處者大小便處也謂先當洗淨入浴時不必再洗僻處以違從上至下之儀也然下身縱有熱癩及癢疥者亦不得先湯△凡有瘡癰者十誦律云有比丘癰病求治藥師者城告言汝可洗浴得遠比丘答言佛未聽許入浴室諸比丘白佛佛聽衆僧洗後浴之故曰宜在後浴也△可畏瘡者如癰疽及一切

惡瘡等自須迴避或取水別洗免刺人眼或在最後方浴不然則損福招怨△不得恣意久洗者謂當愛惜常住體諒大眾不得恣情縱意久洗妨礙後人也

二補儀

附 脫衣著衣安詳自在○浴前先洗淨須細行不得以洗淨水入浴盆○湯冷熱依例整頓不得大喚安詳自在者謂不得輕躁倉卒也△浴前先洗淨者謂未浴之前先當如法洗淨已方可入池也前缺此法今故補之不得以洗淨水入浴盆者釜鍋也謂不得以洗淨穢水入于浴鍋也△湯冷熱依例整頓者謂當守常住之規不得高聲大喚以類俗人也古來浴室設小板或小綁于內湯冷鳴兩下即是湯冷二字湯熱鳴三下即是不要燒三字如欲添水鳴一下聞頭聞之即會添減之意調和如法也其洗浴器具當安置潔淨如法而用者亦當如法也

入廁第十三十六事初正儀三分

土上

初知時即行

欲大小便即當行莫待內逼倉卒○於竹竿土掛直覆摺令齊整以手巾或腰條繫之一作記認二忍墮地○須脫換鞋脚是不可淨鞋入廁

桶門警訓云登廁之法律制委明茲欲令其嚴潔身器以便親近聖賢也故洗淨洗手各有軌度倘未盡諸法則禮誦燒香執提經卷一切皆為不淨矣△欲大小便即當行者謂人之有身必假飲食滋養有飲食則輕氣上昇重濁下墜故有大小便利是所不免者凡欲行時即須打點若等事急而行即有失儀之過故曰莫待內逼倉卒也僧祇律云應當知時欲行便往不得覆頭大小便及慌忙失錯△竹竿上掛直覆等句者以見作事細心不致有所失也直覆相傳前輩見僧有偏衫而無裙或有裙而無偏衫故合二衣而為直覆也△須脫換鞋履者隱音覺草履也此從清規較證謂當脫去淨鞋換草履上廁也亦不得著觸履踐僧地及入殿堂禮誦獲罪非輕古云衩袒登廁草履遊山

莫踐法堂同互著舊

二預覺存心

至當三彈指使內人知○不得迫促內人使出○已止復當三彈指默念大小便時當願衆生棄貪瞋癡斷除罪法○不得低頭視下○不得持草畫地○不得努氣作聲○不得隔壁共人說話○不當唾壁

三彈指者謂驚覺內人也然內人亦當作聲使知如內人不出自當避之或過餘處△不得迫促內人者謂不得在彼驚動逼迫內人出也△已上登廁也復當三彈指者恐傷廁中暗穢之鬼故當先驚覺也譬喻經云有一沙門不彈指來大小便穢滿廁中鬼面厲鬼大嗔欲殺沙門沙門持戒鬼不得便△默念大小便時當願衆生者謂菩薩以利生爲念凡舉一念卽願度生也棄貪瞋癡斷除罪法者爲此三毒穢汚身心如縛罪法不得自在故喻如穢言我今棄穢如除罪法清淨無垢亦願衆生清淨無垢也△不得低頭視下者謂不得視陰處也△不得持草畫地者西俗以葦爲廁草故愚

夫不知廁上畫字畫壁遂成大咎若于廁上板壁作字則爲造物所呵筆洩云明湖州潘道士道法高妙一日於廁上畫符天將忽至問所召何事無以應支曰門前樹爲我移種屋後將曰小事何輕意召我遂以火筆點頭而去士後頭上屢水不乾凡有患瘡癰者乞士屢水抹之無不効驗△不得努氣作聲者努用力也然除穢雖粗行若努力則喪氣也△不得隔壁共人說話者文殊經云大小便時身口狀如木石不得有聲護持清淨身口故古云廁上共人語最下賤相△不得唾壁者有其二過一行人打掃自己折礙二人見生疑令鬼驚畏列異傳云南陽宋經伯夜行逢鬼問云鬼悉何所忌答言惟不喜人唾耳

三事理無差

逢人不得作禮宜側身避之○不得沿路行繫衣帶○便畢當淨洗手未潔不得持物○洗手默念以水盥掌當願衆生得清淨手受持佛法庵主迦羅耶婆訶

訶呢三

褻衣作禮。反成失儀。側身避之。是爲正理。△不得沿路行。繫衣帶者。謂餘時脫衣。繫帶。尚不得沿路。沉入。則出身露體。耶。雖穢處。回不可久停。然亦必須繫就方走。若沿路行。繫則愴惶之狀。難觀矣。△便畢者。謂除穢事。竟也不言洗淨。而言澡手者。文略也。毗尼日用云。若但小便時。唯用水洗手一次。卽淨。若是大便者。去穢後洗手。或用灰泥。皂角。如法洗之。佛言。洗淨之法。有大利。益。凡以我爲師者。咸應洗淨。若不如法洗淨。不應過塔行道。不合禮。佛誦經。自不禮他。亦不受他禮。不應啗食。不坐僧床。不應入衆所持。呪法。皆無効驗。未澡不得持物者。謂手穢物亦穢也。△洗手默念。以水盥掌。當願衆生者。自利利他。也得清淨。手持佛法者。事理雙彰也。呪持七遍。清規云。按大藏瓔珞經等。若登廁洗手。不念此呪。假使十恒河水。洗至金剛地際。亦不能淨。廣如香乳記明。

二補儀

附 若小解亦要收起衣袖。又不可著褊衫小解。

解放也。其義出自禮記。謂手容恭敬。君子起居常自恭敬。不敢散手掉臂。惟至大小便時。不得不暫解也。然衣袖不能常洗。凡小解時。先須抄起。宜在桶邊解。不得向桶中直沖作聲。使臭氣薰人。亦不得共人語笑。褊衫原非佛制。乃此方所造。竺道祖云。魏時。請僧入內供養。官人見僧褊袒。右肩不以爲善。遂作褊衫。施綴于左邊。覆肩衣上。而覆右肩。因名褊衫。今隱覆肩衣。名通號兩袖者。曰褊衫也。

睡臥第十四凡七事 初正儀二

初身念如儀

臥須右脇名吉祥。睡不得仰臥。覆臥及左脇臥。右脇臥者。佛之遺式也。謂沙門臥法。應如獅子王臥。右脇著席。累足合口。頭枕右手。舒左手。順身不捨念。慈思惟三寶。則惡夢不起。心不顛倒。故名吉祥。睡也。仰臥者。尸寢也。覆臥者。偃臥也。寶梁經云。仰臥是修羅。臥覆臥是餓鬼。臥左脇是貪欲人。臥右脇是出家人。臥也。然臥須安枕。或曲肱而枕。頭不得著席。黃庭經云。上有黃庭下。有闕元。前有幽。

關後有命門。若仰臥。則命門與丹田之氣不伸。故有亂夢顛倒之境也。靈樞經云。天不滿西北。故右耳目不如左耳目聰明。地不滿東南。故左手足不如右手足強健。故吉祥睡者。處左以實。右也。

二尊卑須別

不得與師同室同榻。或得同室。不得同榻。○亦不得與同事沙彌共榻。○凡掛鞋履小衣等。不得過人頭面。

不得與師同室同榻者。謂遵佛制。故或同室者。謂防梵行難。故非難不得。△同事者。謂同沙彌所施行事。或同師受學者。如僧護比丘。見地獄中。二沙彌眠臥相抱。猛火燒身。苦不休息。比丘白佛。何罪所致。佛言。迦葉。佛時。是二沙彌共一被褥中相抱眠臥。以是因緣。入地獄中。火燒被褥。相抱受苦。至今不絕。△鞋履小衣。是下身衣物。過人頭面。損福招愆。故不得高掛也。

二補儀

附 不得脫裏衣臥。○不得睡床上笑語高聲。○不

得聖像及法堂前。擗溺。過

志于道者。則睡眠時。少經行時多。或勞倦至極。暫臥少頃也。所以古人圓木為枕。而自覺耳裏衣者。不論上下。但以近身所著為名也。若脫臥者。則放逸恣睡。故不得脫也。△笑語高聲。與前禪堂臥語。儀無別。惟異房中耳。睡時語聲。神鬼所聞。念佛持呪。神鬼贊祐。△聖像者。諸佛菩薩。羅漢。祖師等像。法堂者是。凡聖交參。說法之地。溺器。周禮。天官曰。太尉掌王燕服及養器。鄭司農曰。養。溺器也。名虎。子亦名伏虎。此言便利穢褻不淨之器。不得在師長前。擗過。況聖像者耶。

圍爐第十五。凡四事。初避嫌

不得交頭接耳說話。○不得彈垢膩火中。○不得烘

焙鞋襪

嚴冬向火。皆為禦寒。若交頭接耳。則失威儀。說話則廢正業。亦為是非之本。再彈垢膩火中。及烘焙鞋襪。令臭氣薰人。動他心念者。則損福不淺矣。故律云。向火不得以毛髮爪甲。洩唾皮血。餅果毒藥。

而著火中並皆得罪。清規云不得炙鞋焙履亦不得撥火飛灰塵令人眼。

二轍已

不得向火太久恐妨後人稍緩便宜歸位。

六和同住冷煖相同向火太久是不為衆故當知足也。箴規云淨髮圍爐禮宜謙讓律中佛言向火有五過失。一令人無顏色。二令人無氣力。三令人眼闇。四令多人闍集。五多說俗事有損無益也。

在房中第十六凡六事初教人

更相問訊須知大小。○欲持燈火入預告房內知云火入欲滅燈火預問同房人更用燈否。○滅燈火不得口吹念誦不得高聲。

更互也。問訊者發言問也。謂當先問生年成臘。若長于我者詢其與居安否。若少于我者詢其學業日進否。故云須知大小也。行誨云若有得失言語即須乞彼教。不得輕宿結其罪。累應互相讚美不得背相毀說。互相譏諍。△持燈預告者免彼失儀倉卒故燈滅預問者取同房人之便不敢

自便故△滅燈火不得口吹者有其二義。一燈上有微細蟲飛聚焰上以火為境界吾人肉眼不見。若以口吹則墮焰中而死失慈悲心。故二燈乃火神所司人之生也莫不仗此破暗開明成熟活命。若以口吹則有穢氣不恭敬故亦不得以手扇風。令滅當以燈筋却去殘炷徐隱水盂中須檢點火燭弗令失誤念誦不得高聲義如前悉。

二存念

若有病人當慈始終看之。○有人睡不得打物作響及高聲語笑。○不得無故入他房院。

病者謂四大不調氣息喘迫身為苦本誰能免之。出家五衆無所親倚故如來諄諄告曰若欲供養我者當供養病人復告諸比丘言看病須具五種德。一知病人可食不可食。二不惡賤病人便利洩唾。三有慈悲心不為名利。四能經理湯藥乃至癰或終五能為病者說法令生歡喜故有慈心者能看病也。始終者長遠道心也。善生經佛說傷言人當瞻疾。病問訊諸厄善惡有報應如種果獲實。

世尊則爲父經法則爲母同學者兄弟因是而得度△有人睡不得打物作響及高聲語笑者響物應聲也謂打物作響高聲語笑驚亂人寂失已細行古云彼方睡時當存愛敬凡有舉動心必沉靜笑語高聲擊物作響令彼不眠動彼瞋病疊障無明遠却真性△不得無故入他房院者謂無有過經請益問候師承看病因緣及常住之事不可入也古云無故入他房院不是講白話定是喫茶茶愚者近之智者遠之學佛道者決不行也

到尼寺第十七凡十事初正儀二分

初遠嫌

有異座方坐無異座不得坐○不得爲非時之說○若還不得說其好醜

尼者善見云女也不稱女而稱尼者以別世俗故又令世人信敬尊重故若還同世俗稱女者則人所輕薄不能生信敬也會正記云如來成道十四年後姨母大愛道與五百釋種女求度出家佛不聽許爲滅正法五百年故大愛道等步步足裂塵

士全身悲泣不去阿難爲陳三請如來悲感爲彼制八敬法若能行者當度出家阿難依教傳宣大愛道等三答能持故聽出家律云由尼等能行八敬如來正法遠得千年此比丘尼始也尼寺者亦是漢明帝焚經時佛法感應官女發心出家建三寺安尼爲始△有異座方坐者異特設也謂非尼常坐之座故無異座不得坐者以見男女有別也△不得爲非時之說者謂非宜說法之時則不應爲說也然說法之語不得非言日臨午後不得久住△若還不得說其好醜者謂不得論其是非好惡及彼形貌長短也

二除疑

不得書疏往來及假借裁割洗浣等○不得手爲淨髮○不得屏處共坐

不得書疏往來等者謂書以往來達意疏以彼此陳情假借也裁割是縫補洗浣即漿洗衣履等者未盡之辭斯皆恐生漸染招人譏謗雖戒律沐浴心境兩寂不若杜絕爲美也△不得手爲淨髮者

謂離塵脫俗。品格要高。出世法中。僧體須重。若親手爲尼剃髮。則尼坐僧立。敗壞法門。終成俗漢矣。成範云。亦不得把手教剃。式不得入廚房教作炊。食非師差。使縱過尼寺門。亦不得擅入。△不得屏處共坐者。有其二義。一漸生染心。二令他疑謗。

二補儀

附 無二人不得單進。○不得彼此送禮。○不得囑託尼僧入豪貴家化緣。及求念經懺等。○不得與尼僧結拜父母姊妹道友。

不得單進者。謂遠他猜議故。△不得彼此送禮者。謂絕情平等故。△不得囑託尼僧入豪貴家化緣等者。謂叢林興旺。雖賴檀門。但出入往來。要須尊重。不得鑽利謀求。退息施主。如果有道德高隆行業真實者。則不謀而自至也。如囑託豪強富貴之家化緣。則被他看破。若求念經懺。則失自己清高。自以爲榮。他則輕視。是可忍也。孰不可忍也。而智者耻之。達者未必信也。△不得與尼僧結拜父母姊妹道友者。有其二義。一則爲世俗嫌疑。二則重

●僧尼

僧生死之果大非出家者所爲也。古云。父母非親。雖更親。味却真心。拜婦人安得吹毛橫。宇宙鄭風。掃盡見天倫。寒山云。離親爲出家。出家反結拜。世上雖有緣。僧中却無賴。一頂如來衣。竟被他販賣。出此敗家兒。佛也無可奈。

至人家第十八二十一初正儀分

初觀機逗教

有異座當坐不宜雜坐。○人間經當知時。慎勿爲非時之說。

異座者。上座也不宜雜坐者。謂不得與俗人共相雜坐也。當自別座而坐。不得蹲坐。箕坐。交脛坐。搖身坐。搖足坐。及數起數坐等。△人間經當知時者。謂當觀前人根器。宜聞何法。或多或少。不得過說也。△慎勿爲非時之說者。若白衣不信三寶。不向禮足。不喜見僧。不願造福。是非其人。勿妄宣說。當重法也。儀則經云。說法不當。機他開心。不重命。終受大苦。大律云。有種種人問法。皆不應爲說。一試問。二無疑問。三不爲悔所犯故問。四不受語放問。

五詰難故問並不得答。若前人實有好心不具前五意爲欲生善滅惡者。乃隨機方便好心爲說。若自解未明。若于法有疑者。則不得爲說。恐令前人有錯傳之失。彼此得罪。大經云。若有受持讀誦書寫宣說。非時非國。不請而說。輕心輕他。自嘆隨處而說。反滅佛法。乃至令無量人死墮地獄。則是衆生惡知識也。然具信者說世間法。卽是佛法。不信者說佛法。卽成世間法也。

二 慎儀嚴制

不得多笑。○主人設食。雖非法會。亦勿失儀軌。○無犯夜行。○不得空室內。或屏處與女人共坐共語。○不得書疏往來等同前。

笑者。皆由散心放逸。故出家人到檀越處時。須護僧體。縱談佛法。到暢快處。發笑亦不得有聲。不得多笑。不得癡笑。狂笑及無緣笑。假事作樂等。宜自珍重。勿令他譏。如來熙怡微笑。必有發起因緣。凡人祇笑也。主人設食等句。者謂施主誠心供養。不論大小。皆是福田。若失儀軌。則損他信施也。然

道人至處。卽是法會。主人信心。卽是道場。所施既信。故受供宜誠也。行護云。若入俗家坐起。須具威儀。發言亦要慈善。不得譟穢。勿說世事。當說法時。增其善心。當攝六根。不令放逸。△無犯夜行者。謂出則不宜太早入。則不宜著夜。如日出而作。日入而息。則無患也。然道人家。青天白日。正大光明而行。猶遭人檢點。何況夜行耶。△不得空室內。或屏處等句者。謂非處非人。則不應語。何況坐耶。坐則犯過如尼。△不得書疏往來等同前。謂如前入尼寺之義。無別也。

三 具儀生信

若詣俗省親。當先入中堂禮佛。或家堂聖像。端莊問訊。次父母眷屬等。一一問訊。○不得向父母說佛法。嚴出家難寂寥。淡薄艱辛苦屈等事。宜爲說佛法。令生信增福。

詣俗省親者。佛言世間恩重。莫過父母。若人左肩擔父。右肩擔母。乃至肩上下大小便洩。睡盡於百年。猶不能報須臾之恩。汝等應當孝敬父母。故有

此儀也。當先入中堂禮佛者。謂白衣信心。中堂多有供養佛菩薩像。故問。既然省親。先禮佛者何義。答。辭親割愛。出家父母。即是檀越眷屬。即是施主。仗佛法而利親緣。故先禮也。家堂聖像。端莊問訊者。此謂香火神像。只宜合掌低頭。父母等當加訊問起居也。不得向父母說師法嚴等句者。謂省親之意。當安慰其親。以進道之言。勸誘父母。娛親于道。而忘于憂也。若說寂寥苦屈等事。即令父母生姑息之心。于三寶所不生敬仰之念。遂長淪苦海。非娛親也。若說佛法。則令彼生信重。心增長。福慧超越輪迴。是則度父母出于生死苦海也。故禮記云。為人子能引親至于道。孝之至也。故曰宜為說佛法。令生信增福。

四攝念無違

不得與親族小兒等久坐久立。雜話戲笑。亦不得問族中是非好惡。○若天晚作宿。當獨處一榻。多坐少臥。一心念佛。事訖即還。不得留連。親族小兒等句者。謂諸俗專為省親。母論親黨老

少至親。皆為檀越。俱當恭敬。若與久坐久立。雜話戲笑。則非出家道品。問族是非好惡。便非好心。古云。俗塵愛網。無有了期。已辭出家。不願再見。況復問事耶。△獨處一榻。防梵行難。故多坐少臥。令生信敬。故一心念佛。離妄想心。故事訖。即還。無留連。故若論沙彌戒力未深。道力未固。不應俗舍住宿。因為省親。不能一言而別。故當作宿也。然亦不得與僕婢同床。被席共宿等。

二補儀分初驅邪顯正

附。不得左右邪視。○不得雜語。○若與女人語。不得低聲密語。不得多語。○不得詐現威儀。假粧禪相。求彼恭敬。○不得誑說佛法。亂答他問。自賣多聞。求彼恭敬。

邪視者。心不正也。古云。欲知其人觀其眸子。凡眸子不正。其心不端也。△雜語。謂竊流俗之言。如亂絲之絆。荆棘絕無頭緒。若鴉鳥之叫荒丘。且多怪响。未有不厭聽者。也有違正教。故不許也不低聲密語者。言無有私。故不多語者。發言合則。故△不

得詐現威儀。假託禪相者。謂沙門威儀。本具禪相。而詐現假託。邀名求敬。故不許也。嵩山云。平常習慣。自然何用。粧模作勢。崇山云。威儀資本。分詐現。非真實。禪相本無。相無相。豈能得。縱使粧得。成癡迷。真鑑識。如猿學打坐。外像內心。忒微微。境風生。嬉戲偷果。貪瞻彼高僧。人澄定久深。默又如紅。爐真金無變色。△不得誑說佛法者。由不明故。失意亂答。言無宗緒。欲求恭敬。故自賣多聞。然宗緒既無。亂答他問。不但令人輕慢。尤恐果報難酬也。

二惡行遠離

不得送盒禮效白衣往還。○不得管人家務。○不得雜坐酒席。○不得結拜白衣人作父母姊妹。○不得說僧中過失。

不得送盒禮效白衣往還者。謂送往還乃俗家所作。交結世情。非釋子所爲。然在家應供養福田。而出家者。反去貢奉白衣。何顛倒之若是耶。況與者喜而不與者怨。遂生誹謗。故不宜也。其受罪果報。經從詳明。△不得管人家務者。謂天性至親。忍

心割愛。爲求道故。當屏除一切世緣。猛力參學。庶幾報恩有地。若身雖出家。與俗無異。今日到某老翁家。說事。明日到某相公家。攀緣。自己本分事。全不提起。一朝老病相纏。臥疾在床。老翁相公多替。你不得也。△不得雜坐酒席者。梵網經中止酒舍。倘且不得雜坐。尤其不宜。謂酒舍之中。多猖狂。雖不與之共飲。萬一爲彼輕薄。污辱法門。故不可也。△不得結拜白衣人作父母姊妹者。轉行云。捨所親。棄恩愛。居蘭若。修三昧。更結異姓爲兄弟。父母倒之甚也。皆由出家初念不真。而不自省。△不得說僧中過失者。謂與俗人談論。當以誠諦之語。發其信心。若說僧中過失者。如以利刀斷其信根也。然人非聖哲。孰能無過。迦葉起舞。堯舜病諸。自無慧目。豈察他非。僧德如海。佛猶親。讀若生誹謗。自招苦報。律云。往白衣家有五過。一數見女人。二漸相附近。三轉相親厚。四漸生欲意。五多犯重罪。冥祥記云。宋僧規爲京兆張瓊請在家供養。無病忽暴死。二日乃蘇。曰。被五人縛我去。至一城。監官執

筆親簿又一人朱衣玄冠來曰。簿上無此人名。監官曰。殺鬼何以謫將人來。乃鞭之。頃有使者。謂天帝。喚道人。卽至。帝曰。汝是沙門。何不勤業。而爲小鬼。橫捕耶。但命未盡。今當還生。宜勤精進。勿遊履白衣家。殺鬼取人。亦多枉謫。如汝比也。語畢。遂遣使送歸。還至瑯家。

乞食第十九凡十事 初正儀二分

初出入知禁

當與老成人俱。若無人俱。當知所可行處。○到入門戶。宜審舉措。不得失威儀。○家無男子。不可入門。乞食者。謂衆食有盡。乞則無窮也。佛弟子受此無窮之食。以修無盡之法也。又有四義。一。福利羣生。二。折伏我慢。三。知身有苦。四。除去執著。故佛制也。△當與老成人俱者。謂持戒可信人也。與此人行。則不生過失矣。所可行處者。聖教論云。乞食五處。不可往。一。唱令家。謂歌唱曲令。但取歡娛。能亂禪定。故二。姪女家。謂行止不潔。聲名不正。障道根本。故三。沽酒家。謂酒是起罪因緣。能壞善法。故四。王

宮。謂內庭殿禁之所。非可干冒。故五。屠殺家。謂殺心甚大。見者傷愁。無有信根。故若無老成人俱。當知離此五家是可行處也。△舉措者。勸助靜也。謂當觀植樹動靜。若有供養。當如法而受。若無往第二家。不得多立。或有或無。而舉置之儀。不可失也。△家無男子。不可入門者。一。則令他疑謗。二。恐防其失節。故不可入也。

二坐說須珍

若欲坐。先當瞻視座席。有刀兵。不宜坐。有寶物。不宜坐。有婦人衣被莊嚴等。不宜坐。○欲說經。當知所應說。時不應說。時。○不得說與我食。令爾得福。瞻視觀察也。上言無男子。不可入門。此言雖有男子。亦當觀察座處而坐也。刀兵。凶器也。坐則恐有所傷。或令彼生瞋怒。故寶物坐。一。則恐生貪著。二。防失落。招怨婦人衣被莊嚴等。并宜迴避。免生譏議。△所應說時者。或有信心男子。老人。能分別法義。及好惡等語。令增信敬。故應說也。不應說時者。謂無如。上。等人在傍。或戲笑。問答。不應說也。△說

與我食令爾得福者。自付何德何行。致他得福。自讚求食。故不可也。

二補儀

附 凡乞食不得哀求苦索。○不得廣談因果。望彼多施。○多得勿生貪著。少得勿生憂惱。○不得專向熱情施主家及熱情庵院處索食。

乞食乃佛祖行道之法式也。自古相傳。至尊至貴。若哀求則自失俗體。與丐者何殊。苦索則令他生厭。與冤家相似。所以化導不行。皆爲此也。△不得廣談因果。望彼多施者。諸佛帶在。爲彼說法。然後施者佛即不受。況有希望心。而可受耶。行護云。不得邪命教化。滋發俗人。令其惠施。佛制乞食。肅恭儀表。日限七家。次第行道。離磨三尺。空諸懷抱。隨分納些。毋論多少。端默容靜。說即顛倒。而況廣談。起諸貪惱。如彼江湖說書。取討辱我法門。得罪非小。乞士。雖勉母視。輕眇△多得勿生貪著。少得勿生憂惱者。謂一粥一飯。粒米文錢。雖曰現世福田。實由昔緣種植。多則不可著。此生貪少則不可要。

此爲憐隨緣而受。卽爲正命也。△熱情處索食者。謂不知厭足也。以不知厭故。數向熱情。自無慚恥。故每索他食。佛言。畜生尙畏人。乞何況人乎。古云。饑逢香飯固佳。我珍重應知。內自裁量。使相邀疎。禮節丈夫。斷不受嗟來。

入聚落第二十七事 初正儀分

初事儀無失

無切緣不得入。○不得馳行。○不得搖臂行。○不得數數傍視人物行。

聚落者。衆集曰聚。居處曰落。謂衆人所共居處名。聚落也。△切緣者。爲三寶常住。省親師長。父母法門。極大之事。非爲寡緣。及自己私務也。如無此切要等事。不得輕入。況聚落聲色雜緣。苟非道力堅固。能不爲之眩惑耶。故寒山云。後世出家子。論情入骨。癡本來求解脫。卻是受驅馳。終朝遊俗舍。禮念作威儀。博錢買酒。喫翻成客作。兒佛話經云。比丘在聚身口。稍違諸佛威儀。比丘在山。息事安臥。諸佛皆喜。△馳行。謂如馬奔走也。△搖臂。謂垂手。

掉臂放縱之態也。法苑云：五蓋覆心，禪門已閉。六塵在念，亂想常馳。類如狂象之無鈎，一似戲猿之在樹。未見快行，有好步也。故事足當不緩不急，不輕不重，安庠徐步，如白鶴之在芝田，青鸞之行石窟，雲入深林，逐幽鳥而不驚，舟行順水，偕游魚而無礙。有志之士，幸深思之。△數數傍視者，數數不問，貌旁視左右，觀看也。道人行處，直往直來，左顧右盼，使旁人驚訝行護云：當視地七尺，勿踏傷蟲蟻。

二正念不移

不得共沙彌小兒談笑行。○不得與女人前後互隨行。○不得與尼僧前後互隨行。○不得與醉人狂人前後互隨行。○不得故視女人，不得眼角旁看女人。若共沙彌小兒談笑行，一自已身心散亂，二令見者不生信敬。清規云：不得把手共行，說世諦是非。△不得與女人及尼僧前後互隨行者，謂女尼出行易動市露口業，若僧影並經不免疑議，故當遠避。△不得與醉人狂人前後互隨行者，謂恐有所

損。故若路遇者，即當遠避，或別道行，其車馬惡獸及狂犬等，亦宜迴避。△不得故視女人者，謂不得故看也。智度論佛說偈云：寧以赤銅宛轉眼中，不以散心邪視女色。△眼角旁看者，邪視也。經云：繫閉六情，心無念姪，口無言調，跡不相尋，無同船載，道逢無談，若持異物，無察視之。

三心誠謹正

或逢尊宿親識，俱立下傍，先意問訊。○或逢戲幻奇怪等，俱不宜看。○惟端身正道而行。○凡遇水坑水缺，不得跳越，有路當遠行，無路衆皆跳越，則得。○非病緣及急事，不得乘馬，乃至戲心鞭策馳驟。

尊宿親識者，謂出家知識者，舊在家尊長親情，若路遇者，皆當立道下傍，低頭合掌，問訊向往待彼前去，然後乃行，不得直道便過。△或逢戲幻奇怪等者，或逢言非故往，戲是調戲，謂唱令歌曲及一切戲弄之事，幻是幻術，謂種種變現奇怪，惑人心目等事。比如行雲流水，過而不停，若路逢者，不得住看。△惟端身正道而行者，占賢行不由徑，以見

勸必以正也。邪路險道豈可行乎？△凡遇坑缺，不得跳越者，以見釋子之威儀也。如無著比丘有一信心居士，謂齊并欲施一好衣，途中遇一水坑，著便躑度，士念爲躑度，故衣減其半，而比丘得他心，通知居士意，復見水坑，再三故躑，居士灰念減至無衣，但留一食，比丘前行見水坑，不躑，居士問故，著曰：我若再躑，恐失食，故居士驚駭，知道人請回供養得道之人，尙且如是，況凡夫耶？有路當避行者，理也。無路衆皆跳越，則得者雖許，跳越亦須自量可也。△乘馬馳驟者，驟音騶，走馬曰馳，疾速曰驟。大律聽老病者騎乘，但不得乘母畜及女乘。

二補儀

附 凡遇官府不論大小俱宜迴避。○遇鬪爭者亦遠避之，不得住看。○不得回寺誇張所見城中華美之事。

官府不論大小俱宜迴避者，謂遵如來之制也。若路逢時或避入人門首，或端立簷下，或拱立道傍，待過方行。△鬪爭者無非揮拳攘臂，往往帶累旁

觀看則失儀，或招非禍。大律云：若看象馬牛羊，乃至鷄鶩及人口諍者，得罪。△華美乃壞人心目之劫賊，流轉生死之苦。因古人目不接非禮之色，口不談市井巷里之言，出世之資不染俗塵，何足誇張。惟當思念苦空，無常，無我，始是釋子之所宜也。

市物第二十一

凡五事

初順直遠嫌

無爭賈賤。○無坐女肆。○若爲人所犯，方便避之，勿從求直。

起世經云：閻浮提人所有市物，或以錢寶，或以穀帛，或以衆寶，欲界諸天如四王天、三十三天皆有。市易遊觀，悅神，但其物不同。世人像法決疑經云：未來世中一切俗人輕賤三寶，正以比丘比丘尼不如法，故身披法服，經理塵緣，或逢市肆販賣自活，或復涉路商賈，求利忘失正業。古云：好漢勿列行市也。△無爭賈賤者，謂珠玉少而賈，瓦礫多而賤。故物之賈賤，市主自有定價，凡買者不可減與，虧損彼利，亦不宜過與，浪費常住信施，須順時價。若抑揚其價，勢必爭之，往往因小失大，故釋子不

自列市但遇市價而營辦也△無坐女肆者謂陳貨之店曰肆謂女人貿易之店不可坐也若坐者縱然玉潔無瑕亦難免市囂之口曉曉故不宜坐也古云防人之口甚于防川若爲人所犯者犯是侵犯亦即還義直是價直求是謀求謂物在店賤未分經人還價則有定數故云侵犯若前人買物未成我又去索價即是謀求爭價便有是非縱物主所招我亦不買當往餘處故曰方便避之勿從求直謂迴避前人及物主也

二具信慎行

已許甲物雖復更賤無捨彼取此令主有恨○慎無保任致憾負

事畢曰已甲初也天下以甲乙等編爲次第謂已還第一家物價第二家物雖賤不得捨前貴而買後賤者令先物主起瞋恨心也世說若捨彼取此如殺父母而出家道念安在耶△保任者謂見有與人借物不得從中作保也又任者自任謂他若不還我代還也愆者違背所期負者辜負沈沒自

招殃累凡與保任必多憾負怨謗寒山云世上一種人出性常多事終日傍街坊不離諸酒肆爲他作保見替他說道理一朝有乖張過咎全歸你

凡所施行不得自用第二十二分事

初正儀分初務不自專

出入行來當先白師○作新法衣當先白師著新法衣當先白師○剃頭當先白師○疾病服藥當先白師○作眾僧事當先白師○欲有私具紙筆之輩當先白師○若亂起經眼當先白師

凡所施行不得自用者謂此身歸命於師已不爲已有凡事皆聽師指揮不敢專主故尋常舉動皆當白師以盡孝行然自用下十一則皆略言之耳其間有可白不可白要在臨事斟酌南山事鈔云佛法增益廣大實由師資相攝互相教遇財法兩濟日益月深行久得固皆賴於此矣△出入白師者有二義一安慰義謂師知所出入故二請決義謂請命師可行不可行不至錯悞故若逞性自行萬一有悞而後白師悔之不及以是義故當先白

師也。△作新法衣著新法衣者。卽縷衣也。謂體色量製度應法故名。法衣。縱非法衣。但是新者。皆當白師。師當察其來處及衣造製度。如法不如法。方與著也。△剃頭。當先白師者。惟恐以此爲由。笑談雜話。妨廢正業。故△疾病服藥。當先白師者。謂藥不可亂投。須知病之發起。虛實之根。及藥冷暖之性。然後服也。若不白師。亂投藥石。反增病故。△作衆僧事。當先白師者。謂常住大衆之事。若不白師。恐有差悞。故△欲有私具。紙筆。當先白師者。謂恐有廢禪誦正務。故△誦起經唄。當先白師者。謂唄是梵音。沙彌本業未成。初起誦誦。故當先白師也。

二 慧借隨師

若人以物慧施。當先白師。已然後受。已物慧施人。當先白師。師聽然後與。○人從已假借。當先白師。師聽然後與。已欲從人借物。當先白師。師聽得去。○白師聽不聽。皆當作禮。不聽不得有恨意。若人以物慧施。當先白師者。謂當知可受不可受也。若可受而不受。則塞其施門。絕其善道。若不可

受而受者。或致禍患。所關非小。故當白師。以免譏議。後患之非也。已物慧施人。當先白師者。謂知可與不可。與而無私誼之非也。△人從已假借。當先白師者。謂常住之物。十方公用。不得擅與。當與不當。與白師無議也。已欲從人借物。皆當白師者。謂當請命。不可不也。△白師聽不聽。皆當作禮者。謂不可造次。也不聽不得有恨意者。以誠承順之命也。

二 補儀

附 乃至大事或遊方或聽講或入衆或守山或與緣事。皆當白師。不得自用。

大事者。非些小事也。遊方。謂參訪知識。要指實高明。聽講。謂聽說聖教。要解行相應。入衆。謂入大僧衆中。要知威儀禮節。守山。謂守護山林。竹木花果等。不可擅動也。與緣。謂與建寺院裝塑等。要知因果分明。如上所言。施行等事。不得自用。已情。故曰皆當白師也。然遊方。原非沙彌之事。沙彌只宜習學律儀。適或逢緣。故例於此。

參方第二十三凡五事 初二初正儀

遠行要假良朋○古人心地未通不遠千里求師

參方者謂參禮諸方善知識也欲爲人上之人必須向大鑪中千磨百煉淘汰一番方能出人頭地也古云欲向千人頭上過先從萬人足下行△良朋者善友也謂人品端正言行可法故稱爲良禮記云同類曰朋同志曰友願正論云善友者能爲衆行之本故爲山云遠行要假良朋數數清於耳目所謂生我者父母成我者朋友也以友輔仁品藻人物故良朋有互相切磋之功琢成法器之用如渡大海帆柁相須數緣經云賢友者是萬福之基現世免王之牢獄死則杜二途之門戶升天得道皆賢友之助也故捨緣銘云邪師惡友畏若狼虎善導良朋親如火母成範云擇友如雲嚴道悟雪峰巖頭等方爲真正良朋矣心地觀經云一切菩薩修聖道四種法要應當知親近善友爲第一聽聞正法爲第二如理思惟爲第三如法修證爲第四十方一切大聖主修是四法證菩提因果

經云朋友有三要法一見有失輒相曉諫二見好事深生隨喜三在苦厄不相棄捨以是義故遠行要假良朋也△古人者上古有德之人也謂古德心地未明訪尋知識不以千里爲遠祇要求其具正眼者即便往之如雪峰禪師三登投子九上洞山是也成範云夫爲法求師不無審別若未的見深識慎不可逐人風聲而輒擬重輕親疎也

二補儀分初爲法忘情

附 年幼戒淺未許遠行如行不得與不良之輩同行○須爲尋師訪道決擇生死不宜觀山玩水惟圖遊歷廣遠誇示於人

年幼謂血氣未定戒淺則恐無志力所以未許遠行然有不得不行之勢必擇良友爲伴也不良者不修戒行之輩卽惡友也惟恐漸染其氣故當斷絕也濟山云狎習惡者長惡知見曉夕造惡卽日交報沒後沉淪一失人身萬劫不復法苑云華氏國王有白象能滅怨敵若人犯罪令象踏殺時象厥火焚移象近寺聞僧誦法句經偈云爲善生天

爲惡入淵。心便柔和。起慈悲心。後付罪人。但以鼻
齕舌舐而去。王見斯已。召諸大臣。臣曰。此象近寺
聞法。故爾移近屠肆。則其殘害更增。後果其言。當
知一切衆生。志性無定。畜生尙爾。何況人乎。是故
智者宜應覺知。見惡須棄。春秋正義云。譬如薰是
香草。猶是臭草。薰香等分。使之相扣。雖積十年。尙
猶有臭氣。香氣盡而臭氣存。言善不能止惡。而惡
能消善也。△尋師訪道者。欲求無上菩提。非知議
莫能開導。故須尋師訪道也。生死長途。迷悟由已。
故自當決擇也。觀山玩水。何益身心。誇示廣遠。奚
增道味。若爲生死之人。又何暇於斯乎。

二入門方法

所到之處。歇放行李。不得徑入殿堂。一人看行李。一
人先進問訊。取常住進止方可安頓行李入內。
行李或作行理。通用或云裝包。卽行囊也。人若遠
行。必有之耳。以諸方所制不同。規矩各異。禮無一
定。事須見機。故云取其常住進止。方可以頓行李。
入內。古云未晚先投宿。入林聽暮鐘。到門須辨主。

問訊必從容。隨地可敷草。何天非轉蓬。屋梁今夜
月。聊以慰疎慵。

衣鉢名相第二十四凡九事 初衣名相分三 初五
衣二分 初相用

五條衣。梵語安陀會。此云中宿衣。亦云下衣。亦云雜
作衣。凡寺中執勞服役。路途出入。往還當著此衣。
衣者依也。謂依此以蔽寒暑也。衣。韋度云。佛見諸
比丘在路行。多擔衣物。作是念言。可爲諸比丘制
衣多少。不得過畜時。佛初夜在露地坐著一衣。至
中夜覺寒。卽著第二衣。至後夜復覺寒。卽著第三
衣。便安隱住。佛告諸比丘。聽諸弟子受持三衣。不
得過畜。智論釋云。白衣求樂。故畜種種衣。外道苦
行。故裸形無恥。是故佛弟子捨二邊處。中道少欲。
知足。但畜三衣也。五條者衣之相也。僧祇律云。佛
在王舍城。帝釋石窟前。經行見稻田。蛙畔分明語。
阿難曰。過去諸佛衣相如是。從今依此制作三衣。
過去諸佛弟子著如是衣。未來諸佛弟子亦著是
衣。如我今日以刀割裁成沙門衣。不爲怨賊所劫。

此是解脫服。福田之衣。四分律云。三世如來。並著此衣。若有衆生。起一惡心。向三世諸佛。辟支羅漢。及著染衣人。獲罪無量。所以者何。壞色之衣。是賢聖之標式。故若能發心。敬染衣人。獲福無量。△中宿者。謂近身住。故下衣者。謂在七衣之下。故難作衣者。謂凡作一切輕務。皆應著。故執勞服役者。謂執大衆之勞。放路途出入。當著者。以顯沙門之相。故

二偈呪

善哉解脫服。無上福田衣。我今頂戴受。世世不捨離。
庵悉陀耶婆婆訶。

善哉讚美之辭。謂讚衣之功德。不可思議也。解結去縛。故曰解脫。謂生死煩惱。由斯解脫也。無上者。薩婆多論云。此衣九十五種外道悉不知名。惟佛世尊示此。未曾有法。故曰無上也。福田者。謂檀越種福。佛弟子爲現田。文衣相。故曰福田。頂戴者。謂知衣有如上功德。故當頂之於首。戴之於肩。表尊重之至也。我由信心。敬戴之至。故得成佛。世世不

捨離者。謂非但今生如是尊敬。守持。願世世生生不捨離也。願既如是。以見衣鉢不可離也。然大小乘律如來。無不諄諄。呪誦三遍。此謂時常著用。偈呪如是。若捨故受新。當依律文。

二七衣分初相用

七條衣。梵語鬱多羅僧。此云上著衣。亦云入衆衣。凡禮佛。修懺。誦經。坐禪。起齋。聽講。布薩。自恣。當著此衣。上著衣者。謂在五衣之上。故入衆衣者。謂入衆時披著。故布薩。此云長淨。自恣。謂自身有過。恣任僧舉。如上等事。當著此衣也。

二偈呪

善哉解脫服。無上福田衣。我今頂戴受。世世常得披。
庵度波度婆婆訶。

常得披者。卽不捨離之意也。餘義如前。高僧傳云。唐貞觀五年。安養寺慧光法師。弟子其母貧。糞內無小衣。來入子房。取故袈裟作之。而著。與諸鄰婦同聚。言笑。忽覺脚熱。漸上至腰。須臾雷震。鄰婦百步之外。土泥兩耳。聞絕經日。方得甦醒。所用衣

者遂被震死。火燒焦。題背上曰。由用法衣不如法。故其子收殮。受再震。出乃露骸。林下方終消散。是知受持法服。慧及三歸之龍。信不虛矣。

三大衣分初相用

二十五條衣。梵語僧伽梨。此云合。亦云重。亦云雜。碎衣。凡入王宮。陞座說法。聚落乞食。當著此衣。又此衣九品。下品九條。十一條。十三條。中品十五條。十七條。十九條。上品二十一條。二十三條。二十五條。

大衣者。衣中之王也。在五七二衣之上。故稱為大。此云合。亦云重者。謂割截而後重合成也。羅碎衣者。謂剪碎縫成。條相多。故陞座著者。尊重於法。故乞食著者。令生敬仰。故九品者。大衣之相也。長多短少者。表聖增凡減也。戒壇經云。五條衣。斷食身業也。七條衣。斷瞋口業也。大衣。斷癡意業也。故華嚴經云。著袈裟者。捨離三毒。清淨三業也。

二偈呪

善哉解脫服。無上福田衣。我今頂戴受。廣度諸羣迷。
陀摩訶迦波。波吒悉帝。娑婆訶三。

前二偈是自利。此一偈乃是利他。也。諸佛已悟。故稱大覺。衆生尚迷。故曰羣迷。謂披著此衣。直下擔荷。如來慧命。而化利羣生也。故論云。有五義故。披著此衣。謂遮障寒暑。除無慚愧。聚落乞食。在道行。生善威儀。清淨。故此之三衣。原是比丘法。服今欲令沙彌預知名相。殊勝。故附於末。百一羯磨云。求寂之徒。緹條是服。今時末世。不諳律文。皆令沙彌披著五條七條。割截之衣。甚至在家男女。亦使披著。深為罪惡。神州之地。久屬斯風。違佛亂法。律有大呵。此是唐三藏義淨律師親遊西域。觀五天竺境。及諸部律文。並無沙彌披著比丘割截之衣。特此垂示。以發千古之迷。既云此成非法。為師者。不可不知。為弟子者。又不可不慎也。

二鉢名相分初標名

梵語鉢多羅。此云應量器。謂體色量三俱應。法故鉢者。是半梵語。略去多羅二字。十誦律云。鉢是恒沙諸佛之標幟。而非廊廟之器。用不得盛雜物。不得惡用及洗手。當敬之如目。此皆如來諄諄訓誡。

凡受持者應當珍惜保重五分云鉢是出家人器少欲知足非俗人所宜僧祇律云如來令諸比丘以鉢而受食者有異外道故外道雖棄爲器拱手而食非是僧相福田之狀故佛制之

二釋義

體用鐵瓦二物色以藥煙熏治量則分上中下

體用鐵瓦二物者四分律云佛在蘇摩國遊行見彼國中泥土細潤不惜兜羅絲手取泥自作鉢坏以爲後式授與陶師燒成此鉢實色光澤圓滿美好佛聽受持當知此鉢爲佛祖授受之法器至尊至貴也鐵鉢者律中因世尊按行諸比丘房舍見有比丘曲腦而臥愁憂不樂如來知而故問汝安樂否比丘答言世尊我老邁難行振手失鉢墮地破之故所不樂佛言從今聽老病比丘受持鐵鉢當知瓦鉢爲上鉢鐵鉢是閑緣但不得爲恣情放逸故意受持鐵鉢安心禪靜也善見律云三乘聖人皆執持瓦鉢乞食資生其餘雜寶銅鐵木石等鉢皆不聽用八藥煙熏治者以麻子杏仁搗碎塗

其內外以竹煙熏作鳩鵲頂色及孔雀色所熏者何謂盛飯不毀不染垢膩若論西土瓦鉢亦要熏之由其彼國羹飯皆一鉢而食恐其油膩不淨多引蟲蠱然此方惟盛其飯則瓦鉢不必熏也至於彩畫及琉璃等色是外道式皆不得用上中下者若准唐斗上鉢一斗中鉢七升半下鉢五升雖分三種佛令隨其分量故

三具名相分初標名

梵語尼師檀此云坐具亦云隨足衣

坐具者謂敷之而坐故隨足衣者謂敷之隨足故又云同毼席之形名爲敷具同衾被之形名爲臥具事鈔云佛言爲身爲衣爲臥具故制畜之爲身者恐坐地有所損故爲衣者恐無籍三衣易壞故爲臥具者恐身不淨汚僧床榻故長佛二磔手半廣佛二磔手僧祇律云如來一磔手二尺四寸此約小尺若准大尺可二尺許不得作三衣不得淨施及取薪草盛物雜用唯得敷坐若道行至坐處取坐之十誦律云新者二重故者四重不應受卑

者離宿突吉羅四分律云佛在僧伽藍偏行諸房見故坐具痕藉因教諸比丘當取故者縱廣一磔手貼新者上用壞色故五分云應貼四角今云四天王者訛也毗尼日用云根本律并寄歸傳中不聽禮拜用以敷展西域五天竺國罕其見聞此方禮拜展用不知傳起何時如遵聖制不用爲正若論爲衣展禮無妨詳明於斯學者隨便

二偈呪

臥具尼師壇長養心苗性展開登聖地奉持如來命
唵檀波檀波娑婆訶

臥具尼師壇者華梵雙彰也戒壇經云尼師壇如塔之基受戒之身表五分法身之塔也良由五分法身從戒長養正定智慧由戒滋生故曰長養心苗性也然正定智慧既能長養展此坐具而迷雲豁開直見本源地故曰展開登聖地既見本源地地亦當與一切衆生開心地道故曰奉持如來命也如養乳記應明以上威儀若故作者犯應懺突吉羅以故作故又犯非威儀突吉羅若不故作

但犯突吉羅罪然此條章雖云二十四門實則三千威儀八萬細行皆基於此能住持正法建立僧倫願我同志共相守護毗尼久住正法永昌也

沙彌律儀要略述義卷下終

跋

夫法不自弘必藉人而弘法人無自立要因法以立人故世出世間咸重於法然法未有不學而能弘者也余於甲辰年上華山求戒爲病不果迨丙午春方得圓具因思戒法難聞是以矢志操持專精律學實雖不敏心念無移淨夏祁寒未嘗有懈自甲子春住持昭慶以來每懷

先老和尚創立法門洪功碩德雖人人共知恐日久漸晦故於毗尼切要著香乳以記之菩薩楚綱疏解繁多學人泣岐故會初津以指之比丘羯磨布在律文臨事難討故敘儀式以佐之尼衆求具二部同授世所少聞故集軌範以傳之沙彌要略文簡義深初

心問諸故詳義以明之斯皆繼述

先老和尚未發之事也其言雖不支直顯事相然義理無違開明心性俚閱者見之因文會意嚴護威儀吾願足矣若云流益將來未敢望也

時

康熙四十七年冬分第一白半月布薩書玉閣筆識

事義

內懷師子之德 梵語僧伽彼此云師子大師子吼

小師子聞悉皆勇健百獸潛藏佛師子吼諸菩薩聞增長神力羣魔怖散為佛弟子學佛威儀故云

內懷師子之德

外現象王之威 梵語伽耶此云象象王迴顧舉身皆轉如來大人若有所觀身心俱迴所以人天敬仰羣魔驚惶故云外現象王之威

馬勝 梵名頽勝如來初度五人之一也

榮寂 梵名目健連姓也

白雲 諱守端衡陽葛氏子得法於楊岐方會禪師

南下十二世

雪竇 諱圓信得法於幻有傳禪師齊下三十世

百丈 百丈山名唐憲宗詔大智禪師諱懷海福州

長樂王氏子得法於馬祖道一禪師南下二世凡

作務身先於衆主事密藏作具師曰我無德業一

日不食

笑岳 金臺世族弱冠分家悟後隱京師柳巷翠接

見人

鄒波毬多 此云大護吒利國人姓首陀十七出家

二十證果化道證果最多每度一人以一簍置於

石室其室高二十餘尺廣三十餘尺四寸細簍充

滿其中踰跌而逝以室內簍用焚師軀

五部 一疊無德此云法密法名四分二薩婆多此

云一切有法名十誦三迦葉遺此云重空觀法名

解脫四彌沙塞此云不著有無觀法名五分五婆

羅富羅此云懷子律本不來共五部

備 音聖 伺 音通儼伺未成器之人也

顓音瞞

因循 無所作爲也

預 許千切音怒大面貌

波離 此云上首以其持律爲衆紀綱故名

永嘉 諱玄覺號眞覺大師六祖傍出著證道歌永

嘉集温州人

誌公 金陵東陽朱氏之婦上巳日聞兒啼驚寐中

梯樹得之舉以爲子七歲依鍾山僧儉禪師出家

羅什 具云鳩摩羅什發此云童壽祖印度人七歲

出家日誦千偈義旨亦通七佛以來譯經師也

常昭 梵名薩陀波耆爲求法故憂愁啼哭七日七

夜故號常啼

世尊捨身 昔菩薩入山修道時帝釋欲往試之化

爲夜叉口說半偈云諸行無常是生滅法求說後

之半偈夜叉曰我腹饑餓何暇爲說問欲得何食

答曰吾所食者人血肉耳曰願爲說之捨身供養

卽敷座請說夜叉曰生滅滅已寂滅爲樂菩薩以

偈遍書於山石之間登樹捨身夜叉以手接之作

禮而去

慈受 諱懷深壽春夏氏子得法於長蘆崇信禪師

背下十三世

仙陀婆 梵語也具鹽水馬器四義惟智臣乃能辨

識如王食時呼仙陀婆卽奉鹽洗時呼奉水作時

呼奉器出時呼奉馬弟子侍師亦如智臣故云卽

應之

月堂 諱道昌湖州寶溪吳氏子得法於妙湛思慧

禪師背下十四世

黃龍 諱慧南信州章氏子得法於石霜楚圓禪師

南下十一世

眞淨 諱克文陝州閿鄉鄭氏子得法於黃龍慧南

禪師南下十二世

雲門 諱文偃嘉興張氏子得法於雪峰義存禪師

背下六世始立雲門宗

香林 諱澄遠依雲門十八年爲侍者

仲尼 姓孔名丘父叔梁紇母顏氏佛滅後四百載

魯襄公二十二年庚戌十一月庚子生於魯昌平

鄉鄒邑哀公十六年壬戌四月己丑卒年七十三

談

大鵬 如香乳記明

鷦鷯 小鳥巢於葦君繁之以髮。鷹鵂不過數仞。翱翔蓬蒿之間。此亦飛之至也。以此小入無大志也。敬獨猴爲帝釋。過去世中有一衆人不識。獨猴入一大林。見獨猴羣聚一處。是人曾聞有忉利天。便謂是忉利諸天。即出樹林。還本聚落。多人中作如是言。汝等曾見忉利天不。衆人答言。未即時語。言吾先已見。汝欲見不。皆言欲見。即將大衆詣彼林中。指諸獨猴。汝等觀此忉利諸天。衆人皆言非忉利天。此是獨猴。汝癡故不識。獨猴而言忉利諸天。妄召我等以喻不識人也。

宗瓦礫爲明珠 涅槃經云。是諸人等。春陽之月。乘船游戲。失琉璃寶。即共入水。競捉瓦石。謂琉璃珠。都非眞寶。是珠故在水中。猶如仰觀虛空月形。超然獨遠。非衆人所執。此喻不識法也。深則屬淺。則揭。音契。義涉水也。由膝以下爲揭。由膝以上爲涉。由帶以上爲屬。

如玄沙雪峰之輩。雪峰義存禪師。泉州南安曾氏子。玄沙師備禪師。福州閩縣謝氏子。初兄事雪峰。既而師承之。入室。否決。問替晨昏。因問。楞嚴發明心地。由是應機敏捷。至與雪峰徵詰。亦當仁不讓。峰曰。備頭陀再來人也。

五分法身 謂戒定慧解脫解脫知見也。

序言

佛言乘戒俱急。卽祖言解行相應。禪與戒。佛祖未嘗畫爲二法也。去聖時遙。法門好評。習禪者。呵木叉爲毗嫌。而恣意弄蕩。縛律者。視參究如水火。而執相終身。大同法中。割裂殆盡。惟天山老人遊先佛遺教。示禪以培佛。命弘律以選人。根雙眼圓。明昭于日月矣。我石樹岳兄。博洽多聞。識法懷懼。匿影萬峯。較簪碧巖集。已經刊布。又慨律學荒蕪。漸成淺陋。先取沙彌要略。毗尼日用。蒐刮義類。參合箋釋。自琅函海藏。逮世間經史。內外典籍。無不搜羅。又每事逐句下穿貫。禪燈引據。公案不惟初學童蒙。開卷瞭然。知禪律同條。卽老於參學者。欲得深細行持。亦必向此中潛討。初祖言皮肉骨髓。一以貫之矣。昔雲棲蓮翁以彌陀經演爲疏鈔。或謂經本顯明。反成深晦。不知佛法本無淺深。粗言細語。皆第一義。正眼迷離。雖栗棘金圈。亦是門頭戶口。智照洞明。卽市語街談。皆成金章玉句。何要略日用不可神而明之也哉。願讀是集者。廓去樊籬。勿以大小精麤起見。庶乘戒俱急。行解相應。爲末法大光明幢矣。手是爲序。

靈隱晦山法弟戒顯題并書

自序

余時在黃山慈光寺。展開龍藏。至沙彌諸經。函函如日月麗天。不覺合掌讚歎。曰。此經乃佛佛祖祖之關鍵也。如法華十六王子。請佛轉法輪。同時爲沙彌言教。尚存五燈。趙州仰山。亦同時爲沙彌。公案現在。未聞古人。纔出母胎。便續燈傳也。既而較閱世本。惟雲棲沙彌要略。盛行疑者。謂佛經反不及要略。或謂佛經文句古奧難誦。賴我雲棲蓮翁。乃西方聖人再來降跡武林。玩遊庠序。而作沙門言音。與此方相契。學者便於讀誦。故觀其解十戒斷法。如春秋解威儀章。法如禮記。然讀春秋者。不精研四傳。無以知春秋之源流。讀禮記者。不窮究諸史。不能達禮記之根本。況讀沙彌諸經。不深入經藏。曷爲得宗旨哉。今要略彙通內外經史。宜乎盛行於世。但其間有不可解者。沙彌諸經。元無偈呪要略。以別經偈。編入威儀篇中。

此衆人不敢爲而獨爲之乃見其識鑑力量大有過人處當時要略初行吳門報國茂律師一見心服乃曰此末法中之光明幢也惜乎偈未備續刻毗尼日用補之至今諸方說戒皆宗尚此二本余自蒙聖恩老和尚付授之後兼命戒壇就範亦以此二本爲諸學者講論嘗曰天地之象奇偶而已吾人之身頂天立地亦奇偶而已如頂首爲一身之尊不可偶也偶則不可曰尊故奇之手足爲一身之用不可奇也奇則不能成事故偶之要略之於日用全體是波羅提木叉故當寶之如我身之頂首手足不可暫離也曷不哀成一集以便學者頂戴乎雖然余何人耶敢創斯論蓋承雲棲祖國志願未完重爲編次以極其備非別有所加也然恐學者不知雲棲斷章句法故卽於句下引證經史并彙箋之俾其卽知經史源委不至朦朧又恐學者觸途滯句不知格外之機復拈五燈諸家語錄消其文字習氣使其覲露胸襟不須借借由是合而參之同而不混參而合之類而不齊譬如目前萬法莫不於此大○相中合則萬法全

歸參則萬法全放參之合之神而明之不妨於此經中略拈一字可以驗盡諸方是凡是聖是正是邪是如來禪是祖師禪阿誰能越此一字之關余故曰此經乃佛佛祖祖之關鍵也合參者豈非展如來藏之樞機開祖師關之匙鑰得其法者不費纖芥之勞無須鎖子豁然自開不得其法雖有舉鼎拔山之力亦難啓固閉今則并匙鑰之法具在以待夫過關者當下驗取

康熙辛亥春王

靈岳石樹道人書于吳門舟次

凡例

一此合參惟沙彌菩薩上上根器者乃可參閱非爲小根小莖者說也故參禪者未得入頭不得先看語錄未受戒者不得先閱律藏所以起七參禪時一切經書置之高閣誦戒說戒時嚴查未受戒者必先遣出可見初入禪律之門古法尙在凡今愛樂合參須發心受戒然後批閱亦未爲晚如違得

罪尤罪自取殃禍

一合參大旨所貴。卽禪卽戒。卽禪禪戒。並行不相違背。故參禪。到觸背不得處。正見持犯不得處。持犯不得處。正見觸背不得處。觸背持犯。四路交加。如何回避。凡閱此者。須高著眼。

一經律事原直。截理固幽深。不啻該大藏之文。亦乃貫別傳之旨。故所註皆是聖賢經史引證。無非祖師機緣。自笑從先。團圓閉戶。無聞且。圖起後。英靈開卷有。登恍然見千古於目前。悟一時於言下。乃不顧歲時老邁。筆力衰微。專爲流通草草成勅。但恐句章差舛。點畫淆訛。寧不開罪先驅。抑將遺誤。後昆仰質高明。誨人不倦。鑑我苦心。不妨指示。是卽再世師恩。感佩無既。

一本公哀述十戒論。字字接閱律藏。乃成復引經律。注論下讀者。請不應以經律注論下。殊不知論注經律也。讀之者。寧不悚然警惕。從此微善去惡耶。因次第附於十戒篇後。

一本律云。不習學外書。子史治世典章。善戒經云。若

爲議論。破於邪見。若二分經一分外書。不犯由此觀之。當辨其書之邪正。可否。非漫言不習。此爲初地學者。無暇習之。若爲議論。破於邪見。則用治世正典。而爲開導。卽同如來所說正法。法華云。治世語言。實生業等。皆順正法。豈妄言哉。今合參不但慣用六經之言。至於詩文。謠諺。無不採摭。無非左羽佛法。俾諸後學。爽然自識。若夫荒唐非僻邪語。痛禁絕之。

一經書部帙雖同。事理前後各異。不復別標題目。以此◎別之。勿使紊亂。脈絡。逕謂自辨矣。

一凡注上無經書題及虛一字者。卽余管見大意。爲開發初機。非敢污尊宿耳目也。

一觀譯名義。五不顯中秘密。不顯古德云。陀羅尼藏皆不可解。余曰。諸佛祖師所說秘密之法。無不可解者。亦無不可解者。呪之爲用。絕諸涉獵。直下使人自解。自悟耳。嘗觀有目不識丁者。篤信持呪。不憚寒暑。精進忘疲。一旦豁然。顯密文字。洞徹無礙。豈非不解中自解也。是故下經諸呪。遵佛祖遺訓。

不顯不解惟在人自悟

一 本部經偈字句可以手紀而其意義無窮假使如
驚子之智慧文殊之辨才讚歎亦不能盡況余管
窺之見所能揄揚其萬一者耶倘得博聞廣見之
士於引證不到處不妨拈出指示即當附之卷尾
以供有志於合參者重爲補入法施功德寧有量
哉

沙彌律儀毗尼日用合參卷上

菩薩戒弟子雲棲寺沙門 祿宏 輯集

雲居山真如寺晦山沙門 戒顯 訂閱

寓黃山慈光寺石樹沙門 濟岳 彙箋

圖總論大文分三○初標明題目○次疏別十戒

○後一證次威儀○初標明題目分三○一敘剃

度緣起○二解五德十數○三辨沙彌名義

未曾有經佛敕阿難爲羅睺羅剃頭及五十諸公王

子悉令出家

圖梵語阿浮達磨華言未曾有亦云希有詳載十二

部經梵語阿難此云慶喜多聞第一羅睺羅秦言覆

障謂障日月也阿修羅蝕日時名羅睺羅其因往昔

曾塞鼠穴六日故感處胎六年佛所障故因以爲名

聲聞法中密行第一羅云生緣記菩薩出家之日諸

相師言若今夜不出家明日七寶自至爲轉輪王

四天下卽於其夜更增伎樂以悅其心於是菩薩欲

心內發羅睺羅卽時處胎耶輸陀摧其夜有身於是

淨居諸天相與悲歎菩薩爲欲所纏衆生可惡誰當

度者即時變諸妓女皆如死人甚可怖畏令菩薩心生厭離即勸出家車匿牽馬四天王接足踰城而出到菩提樹下思惟苦行六年初夜成佛時羅睺羅乃生生已還佛乳母乃言悉達出家六年汝今何從有身若六年懷妊世所未聞諸釋問之相共議言此甚不詳毀辱釋門必是私竊擬以法殺之耶輸曰願見大王爾乃就死王於是隔幔傳語詰其所由耶輸如實陳是太子之胤自太子出家我常愁憂廢臥冷地故此兒之貌與太子無異王乃泣曰實我孫也爾時佛欲證明化作梵志來入王宮乃兒問汝何名答曰名羅睺羅梵志贊言善哉善哉汝以業因緣故名稱其實羅云出家緣記爾時佛告目犍連言汝今往彼迦毗羅城省親我父閱頭檀王并我姨母波闍波提三叔父斛飯王等因復慰喻羅睺羅母耶輸陀羅令割恩愛放羅睺羅出家修習聖道目連受命次第陳白時耶輸陀羅聞佛遣使取羅睺羅憂悲苦惱約敕監官關閉閤道悉令監牢時大目連既到宮門不能得入即以神力飛上高樓耶輸見目連來即起禮拜

敷座請目連坐問訊世尊少病少惱教化衆生無疲勞耶今遣上人來何所爲目連曰太子羅睺羅年已九歲應令出家修學聖道一切恩愛不久變滅業報至時苦樂異處子母雖親各不相代若使學道當還度母乃至目連種種勸喻耶輸悲怨堅執不化目連辭退告王王命波闍波提再三勸喻猶固不從於時世尊即遣化人空中告言耶輸陀羅汝頗憶念往古時誓願事否我當爾時行菩薩道以五百金錢從汝買得五莖蓮花上定光佛時汝求我世所生共爲夫妻我不欲受即語汝言我爲菩薩累劫行願一切布施不逆人意汝能爾者聽爲我妻汝立誓言世世所生國城妻子及以我身隨君施與誓無悔心今何愛惜羅云不令出家學聖道也耶輸聞已豁然明了宿業因緣如昨所見愛子之情自然消歇乃請目連懺悔辭謝捉羅云手付囑目連於時母子離別涕泣悲咽羅云長跪白母莫愁定省世尊不久當還與母相見時淨飯王即召國中豪族而告之曰金輪王子今當往舍提婆國從佛出家卿等當各遣一子同爲

伴侶時諸大臣奉敕送五十王子隨從羅云往到佛所禮佛出家

敕舍利弗爲其和尚敕大目犍連作阿闍黎時舍利弗受教乃爲羅睺羅說三歸十戒度爲沙彌

圖說語舍利此云蓋子舍利母名弗子連母爲名也舍利弗母舅拘絺羅與姊舍利論議不如拘絺羅思惟念言非姊力也必懷智人寄言母口未生乃爾及生長大當如之何故出家作梵志入南天竺誓不剪爪鬚十八種經故解舍利智慧第一大目犍連此云大采菽氏神通第一至今說戒圖黎作法爲尊佛敕故徵佛能爲一切衆生說法獨不與羅睺羅說戒者何也訓佛敕舍利弗爲羅睺羅說戒有三義一爲易子而教故二爲斷羅睺羅愛戀情故三爲舍利弗與羅睺羅機緣相契故是時舍利弗承佛威光說此戒法世尊雖不動舌深爲說之矣

諸德福田經沙彌應知五德一者發心離俗懷佩道故

圖謂發身猛心解脫凡俗習佛菩提懷佩道妙

二者毀其形好應法服故

圖謂剃除鬚髮毀壞相好去世俗衣應著法服具佛威儀與道相應

三者永割親愛無適莫故

圖謂斷割情愛不相繫戀無有適心歸趣異姓和合同居無有莫心

四者委棄身命遵崇道故

圖謂能委棄身命無所顧惜惟務一心求證佛道

五者志求大乘爲度人故

圖謂長懷濟物之心專志勤求大乘之法度脫一切有情

是名五德

圖蓋出家人具此五淨德爲世福田也緇門警訓此之五德出家大要五業齊奉不惟小衆終身行之不惟初受

僧祇律應爲沙彌說十數一者一切衆生皆因飲食而存

圖楞嚴如是世界十二類生不能自全依四食住所

謂段食。觸食。思食。識食。是故佛言。一切衆生皆因食住。橋李釋曰。段食者。謂形段。以香味觸三塵爲體。入腹變壞資益諸根。故觸食者。謂觸對取六識中相應觸對前境而生喜樂。故思食者。謂意思取第六識相應思於可意境生希望。故識食者。識即第八執持之根。由前三食勢分所資。令此識增勝能執持諸根六種故。

二者二諦

國翻譯名義一真諦彰一性本實之理也。所謂實際理地不受一塵。是非雙泯。能所俱亡。指萬象爲真如。會三乘歸實際也。二俗諦顯一性緣起之事也。所謂佛事門中不捨一法。勸臣以忠。勸子以孝。引善示天堂之樂。懲惡顯地獄之苦。

三者三受

國雜阿含經受者領納也。謂六根之識領受六塵之境。一受謂於六塵違情之境而有逼迫之苦。二樂受謂於六塵順情之境而有適悅之樂。三不苦不樂受謂於六塵不違不順之境所受非苦非樂。

四者四諦

國法界次第諦以審實爲義。從聞生解。必須藉教證理。不虛故云審實。一苦諦。苦以煩惱爲義。一切有爲心行常爲無常。患累之所逼惱。故名爲惱。二集諦。集以招聚爲義。若心與結業相應。未來能定招聚生死之苦。故名爲集。三滅諦。滅以滅無爲義。結業既盡。則無生死之患累。故名爲滅。四道諦。道以能通爲義。道有二種。一正道。實觀三十七道品。三解脫門。緣理慧行。名爲正道。二助道者。得解觀中種種諸對治法。及諸禪定。皆是助道。此二相扶能通涅槃。故名爲道。

五者五陰

國大乘廣蘊論陰卽蓋覆亦名五蘊。蘊卽積聚。一色陰。色卽質礙。謂眼耳鼻舌身諸根。二受陰。受卽領納。謂六識與六塵相應而有六受。三想陰。想卽思想。謂意識與六塵相應而成六想。四行陰。行卽遷流造作。謂因意識思想諸塵造作善惡諸行。五識陰。識卽分別。謂以眼耳鼻舌身意六種之識於諸塵境上照了分別。此五者皆和合集聚。覆蓋本性。故名爲陰。

六者六入

國法界次第入趣入也。謂六根爲六識所依。能六塵故名六。

七者七覺分

國法界次第覺即覺了。謂覺了所修之法。是眞是僞也。分即支分。謂此七種法各有支派分齊。不相雜亂。故名七覺分。亦名七覺支。擇進喜三覺分。屬慧。除捨定三覺分。屬定。念覺分。屬定慧。故摩訶止觀修此七覺。即得入道是也。一擇法覺。分謂用智慧觀察諸法之時。善能簡別眞僞。而不謬取虛僞之法。二精進覺。分謂修諸道法之時。善能覺了。不行無益苦行。而於眞正法中。常能專心。於一無有間歇。三喜覺。分於心契眞法。得歡喜時。善能覺了。此喜不從顛倒法。生住眞法。四除覺。分謂斷除見諸煩惱之時。善能覺了。除去虛僞之法。增長眞正善根。五捨覺。分謂捨離所見念著之境。善能覺了。虛僞不實。永不追憶。六定覺。分謂發禪定之時。善能覺了。諸禪不生煩惱。妄想七念覺。分謂修諸道法之時。善能覺了。常思定慧。

均平若心昏沉之時。當念用擇法精進喜三覺觀察諸法。令不昏沉。若心浮動之時。當念用除覺分。除身口之過。非用捨覺分。捨於觀智。用定覺分。入正禪定。斷其散心。令不浮動。

八者八聖道

國法界次第即八正道。謂此八法不依偏邪而行。故名爲正。復能通止涅槃。故名爲道。一正見。謂修無漏道。見四諦分明。破外道有無等種種邪見也。二正思惟。謂見四諦時。正念思惟。觀察籌量。令觀增長也。三正語。謂以無漏智慧。常攝口業。遠離一切虛妄不實之語也。四正業。謂以無漏智慧。修攝其心。住於清淨正業。斷除一切邪妄之行也。五正命。謂離五種邪命利養。常以乞食。六正精進。謂勤修戒定慧之道。一念專精。無有間歇也。七正念。謂念戒定慧正道及五停心助道之法。堪能進至涅槃也。八正定。謂攝諸散亂身心寂靜。正住眞空之理。決定不移也。

九者九衆生居

國阿毗曇論謂欲界中四惡趣苦逼迫。故色界中五

淨居天。疾樂涅槃。故四禪中無生。福生廣果。二天其亦不定。或求無色。或求淨居。或求無想。故衆生皆不樂住也。惟於欲界。取天人善趣爲一。又色界初禪。二禪。三禪。四禪。中無想天。乃及無色界四天。皆衆生愛樂住者。其爲九衆生居。

十者十一切入

【圖】一名十偏處。定智度論八背捨爲初門。入聖處爲中行。偏一切處爲成就。謂三種觀具足。禪體始得成就。此定謂之偏。一切處從所觀境。偏滿得名也。一背偏一切處。定二黃三赤四白五地六水七火八風九空十識。偏一切處。定前四謂於定中還取八背捨入勝處中所見青色。使偏一切處。皆青。餘三定亦爾。後六謂於定中還取八背捨入勝處中所見地色。使一切處無不週遍。餘五定亦爾。八背捨者。一內有色相。外觀色。二內無色相。外觀色。三淨背捨。身作證。四虛空處背捨。五識處背捨。六無有處背捨。七非有想非無想處背捨。八滅受想背捨。入勝處者。一內有色相。外觀色。多二內無色相。外觀色。多三內無色相。外觀色。

色少。四內無色相。外觀色多。五青勝處。六黃勝處。七赤勝處。八白勝處也。出法界次第是名十數。

【圖】此之十數。出沙彌本律餘部所列。與此小異。梵語沙彌。

【圖】梵語者。自漢至隋。皆指西域爲胡國。唐彥琮法師曰。葱嶺已西。並屬梵種。鐵門之左。皆曰胡。鄉梵語卽梵音也。切初摩。然光音天神降爲人祖。宣流梵音。有四十七言沙彌之名。本云室利摩拏路迦天授十戒。已名室羅末尼。離沙彌二字。古略也。流傳既久。未易改正。諸律惟根本直云求寂。餘部皆言沙彌。今從衆復仍舊稱。又沙彌名有三。一驅烏。謂年少不能作務。使之驅烏。二應法。謂雖剃髮不爲出家。受十戒已。乃爲出家。能行沙彌之法。十四歲至十九皆名應法。三形同。謂師與剃髮已。名形同。形同卽名字。謂沙彌不受十戒者。皆名形同。此云息慈。

【圖】此云者。翻譯以東土之音而釋西天之語也。此下

明息慈義

謂息惡行慈息世染而慈濟衆生也

南山別行篇謂息世染之情以慈濟羣生上文由此來也初入佛法多存俗情故須息惡之性復慈悲之心也釋氏要覽息慈安息慈悲之地也微一切諸佛皆以慈濟爲本今言息慈不以慈而濟乎調言息則無一不息言慈則無一不慈當知息處即慈慈處即息上無諸佛可成下無衆生可度是名息慈亦云勸策

謂離四性六通之罪勸自策勵故又謂勸修衆善策進心行故策者權策也勉力策進工夫之謂如野牛之有鞭如良馬之有策如學者之有師永嘉云日夜精勤恐緣錯過工夫至此自然到家亦云求寂

寄歸傳寂即涅槃也言人出煩惱家求涅槃故然而求則不寂寂安用求謂初學道者必須求之求之不已而寂自至所寂既至而求亦忘求寂都忘是名真寂滿益錄今但約所翻三義釋之初息慈者息

見思惡修生緣慈藏教沙彌見思惡修法緣慈通教沙彌次第息三惡修三慈別教沙彌一心圓息三惡圓修三慈圓教沙彌次勸策者精勸策勵出分段生死藏通沙彌精勸策勵出變易生死別圓沙彌三求寂者求偏眞涅槃藏通沙彌求大般涅槃別圓沙彌又盧舍那翻淨滿惡無不息故淨慈無不行故滿是沙彌戒即盧舍那眞因也又涅槃以不放逸爲食勸策即不放逸義是沙彌戒即大涅槃法食也又寂即本覺之理求即始覺之智始本合一名究竟覺是沙彌戒即究竟覺之通衢也又惡本性空慈本性具心性本無憍廢本性空寂理即沙彌達理受戒名字沙彌圓伏五住觀行沙彌六根清淨相似沙彌惑破理顯分證沙彌盧舍那名淨滿大般涅槃永離放逸始覺本覺冥合不二究竟沙彌如大通佛時十六王子即是沙彌眞實標榜法華合論日月燈明佛未出家時有八王子隨父出家因妙光菩薩教化皆得成佛而其成佛有速有遲以示八識轉成四智若以知見力觀六七識則因中成佛之速者也若五八識則

必果中所轉成佛之遲者也。然義未盡。故今言大通智勝佛未出家時有十六王子。因父成道。隨往供養。尋復出家。諸母泣送。其祖及諸眷屬共詣親近。見其成道。蓋增所示八種識名。相爲十六種。以隨順親近之。而用無緣大慈。同體大悲。諸妙功德。長養成就。故十六王子之成佛。不言先後也。日月燈明佛之八王子成佛。但是妙光文殊。然燈彌勒。若但見報身轉依之義。未見器界轉依之意。故今以十六王子當成佛道。隨方得名。以示器界亦轉依隨方成佛也。阿育王經阿恕伽王見一七歲沙彌。將至屏處。而爲作禮。語沙彌言。莫向人道我禮汝時。沙彌前有一澡瓶。沙彌卽入其中。從澡瓶復還來出。而語王言。慎莫向人道沙彌入澡瓶中復還來出。王卽語沙彌言。我當現向人說。不復得隱。是以諸經云。沙彌雖小。亦不可輕。王子雖小。亦不可輕。龍子雖小。亦不可輕。沙彌雖小。能度人。王子雖小。能殺人。龍子雖小。能興雲致雨。雷電霹靂。感其所小。而不可輕也。五燈趙州爲沙彌時。參南泉。泉臥次。見師來。參便問。汝近離甚處來。師曰。瑞

像。泉曰。還見瑞像麼。師曰。不見。瑞像祇見臥來。泉便起身。問。汝是有主沙彌。無主沙彌。師曰。有主沙彌。泉曰。那個是你主。師近前曰。仲冬嚴寒。伏惟和尚起居萬福。泉器之許其入室。○仰山慧寂智參。過山溪。問。汝是有主沙彌。無主沙彌。師曰。有主。曰。主在甚處。師從西過東。立溪異之。師問。如何。是真佛住處。溪曰。以思無思之妙。反思靈識之無窮。思盡還源。性相常住。事理不二。眞佛如如。師於言下頓悟。自此執持前後盤桓十五載。○澄州高沙彌初參藥山。山問。甚處來。師曰。南嶽來。山云。何處去。師曰。江陵受戒去。山云。受戒圖甚麼。師云。圖免生死。山云。有一人不受戒。亦無生死。可免汝還知否。師云。恁麼則佛戒何用。山云。這沙彌猶挂唇齒。在師禮拜而退。道吾來侍立。山云。適來有個跛脚沙彌。却有些子氣息。吾云。未可全信。更須勘過。始得。至晚。山上堂召云。早來沙彌。在什麼處。師出。衆立。山問。吾聞長安甚闊。汝還知否。師云。我國晏然。山曰。汝從看經得從請益得。師云。不從看經得。不從請益得。山曰。大有人不看經。不請益。爲甚。

不得師曰不道他不得祇是他不肯承當山順道吾
 雲巖曰不信道◎石室善道作沙彌時長髮違令受
 戒謂之曰汝曰須到石頭和尚處禮拜師受戒後
 乃參石頭一日隨頭遊山次頭曰汝與我研却面前
 樹子免礙我師曰何不將刀來頭乃抽刀倒與師曰
 何不過那頭來頭曰你用那頭作甚麼師即大悟便
 歸長髮髻問汝到石頭否師曰到即到祇是不通號
 髻曰從誰受戒師曰不依他髻曰在彼即應麼來我
 這裏作麼生師曰不違背髻曰大切勿生師曰舌頭
 未曾點著在髻喝曰出去師便出髻曰爭得不遇於
 人

律儀者十戒律諸威儀也

國律有三品一毗尼華言善治又言調伏二尸羅華
 言止得止惡行善也又名戒戒以防止爲義三波羅
 提木叉華言解脫遠離惡業繫縛而得自在也○三
 聚淨戒一攝律儀戒無惡不斷起正道行是斷德因
 修成法身二攝善法戒無善不積起助道行是智德
 因修成報身三攝衆生戒無生不度起不住道是恩

德因修成化身然律儀一句體用全彰曰體曰用云
 何一句若體是一用即成二用若成二體亦二體二
 二非二體用俱非非之亦非一亦不立當斯時也仁
 風和暢慈月清涼性相未形罪福無位恰恰無持恰
 恰無犯恰恰是律儀真實處雖然一毛頭上大須著
 眼否則不爲律儀所縛則爲善惡流轉譬如這邊是
 火坑地獄那邊是青蓮華池若起一念漸染則與無
 脫法中相應

戒律門

國沙彌經有戒律威儀之文故雲棲亦分上下二
 門正顯戒律非威儀無以見戒律之體威儀非戒
 律無以成威儀之用門雖有二究竟歸一要而言
 之戒律以制心爲本威儀以嚴身爲重也

佛制出家者

國文載十誦佛制出家者猶聖王之制度謂在家
 塵勞汨汨如奔馬無羣縱有出塵進道之想安可
 得乎故制出家之法俾專精入道故華嚴賢首品
 偈家是貪愛繫縛所欲使衆生悉免離故示出家

得解脫於諸欲樂無所受功德。經若能放人出家受戒功德無邊。譬如四天下滿衆羅漢百千供養。不如有人爲涅槃故。於一日夜出家受戒五分律。若度人時應先問汝爲何等出家。若言爲飲食故。不應度。若言爲求善法厭生老病死憂悲苦惱者。此應度。根本雜事凡欲與他爲出家者。先當與辦所須六物。三衣敷具鉢及水羅優婆塞戒經。寧受惡戒一日中斷無量惡命。根終不畜養弊惡弟子。不能調伏。何以故。是惡律儀。殃齊自身。畜惡弟子。不能教誨。乃令無量衆生作惡。能謗無量善妙之法。壞和合僧。令多衆生罪業無間。是故劇於惡律儀。罪馬鳴大士偈彼師及弟子。當互審其器。若不先觀察。同得越法罪。燈錄崔超公問徑山弟子出家得否。師曰。出家乃大丈夫事。非將相之所能爲。公於是自省。宗鏡不了一體三寶。常住不聽出家者。若不解此戒。不具足若約觀心者。一剎那起名。一衆生。即起即滅。名爲一期念念之中。恒起三毒。即當切盡三災。三毒貪爲首。三災火爲端。以不

思議止觀觀此三毒一念貪心。無有起處。即是一睡切火而滅了念成智。即一吹世界而成。乃至一切不思議希有之事。但達一念無明心成。諸佛智無有不洞曉之者。若不解此。非唯不聽出家。一切萬善皆不成。就以不知佛法根本故。五夏以前專精戒律。五夏以後方乃聽教參禪。國五夏者。謂數始於一。終於十。而五居其中。如春之於夏也。夏乃生長萬物之時也。言持戒操履至五夏戒力堅固。不爲境風搖奪。亦猶樹木培植五夏根幹茂鬱。不爲秋霜所殺也。戒者萬行之首。如拈居之有地。繫船之有水。居無地。無以立。船無水。無以行。所以戒乃成佛作祖之實地。超生脫死之法船也。教者三藏十二部一切修多羅。謂之教。禪者教外別傳。謂之禪。天山老人曰。教乃禪之階梯。禪乃教之骨髓。然則禪之與教。是一是二分。亦不得不分。亦不得昔淨因一喝分五教。五教可分。而五宗獨不可分。耶古德問祖意教意。是同是別。答曰。雞寒上樹。鴨寒下水。絲此觀之。五宗之旨。可以

分可以不分畢竟分底是不分底是惟具眼者辯之燈錄雲門到江州陳尚書請齋纔見便問爾書中不問三乘十二分教自有座主作麼生是稱僧行脚事師曰曾問幾人來曰即今問上座師曰即今且置作麼生是教意曰黃卷赤軸師曰個是文字語言作麼生是教意曰口欲言而辭費心欲緣而慮忘師曰口欲言而辭費為對有言心欲緣而慮忘為對妄想作麼生是教意書無語師曰見說尚書看法華經是否曰是師曰經中道一切治生產業皆與實相不相違背且道非非想天有幾人退位書無語師曰尚書且莫草草三經五論師僧拋却入叢林十年二十年尚不奈何尚書又爭得書禮拜曰某甲罪過

是故沙彌剃落先受十戒

國寄歸傳西域出家具有聖制初受五戒名鄒波案迦此創入佛法之基七衆所攝也師次為辦緹條僧脚崎下裙襴羅鉢等授十戒名室羅末尼羅方成應法為五衆攝堪消施利不則妄資求寂之

名既不合消常住信施負債何疑當依教而為濟度消信士度人經欲出家者著本俗服辭拜君親偈曰流轉三界中恩愛不能脫棄俗入無為真實報恩者

次則登壇受具

國受具者比丘二百五十戒比丘尼三百四十八戒三師七證事事見前無不具足故曰受具

今名為沙彌而本所受戒愚者茫乎不知狂者忽而不學

國名為者如法華名字比丘也言既為沙彌當成應法之器若徒有其名而無實行非狂即愚矣愚者資性頑鈍不能學戒與法轉疎甘為下劣狂者雖有小智忽而不學愚迷猶甚或勉之學律則曰此不過為初學者說禪宗何必有此殊不知禪與律何物哉六祖悟後復受戒於智光今之狂禪豈有過於六祖者耶余嘗曰禪師家有一個禪字在胸中便礙塞殺人若無個禪字在胸中亦礙塞殺人祇此律儀可以辨驗狂愚末有不礙塞者也

便擬躍等

圖躍無好步也。學者當循序漸修。不可躍等而進。百句譬喻。經有富者子。愚癡耽沉香。精且貴。買者希。一日見市中。貨炭最賤。即燒香作炭。希得應速。衆見之共笑。曰。賣雖遲。獲直不少。今燒成炭。復何所得。

罔意高遠亦可慨矣

圖空腹高心。法華所謂我慢。自矜高。詔曲心不實者。是罔意者。謂聽其言之狂放。雖聖賢猶有所不及。察其行之卑污。如羣小不爲而敢爲之。此其所以感慨長嘆也。

因取十戒略解數語

圖即雲棲於本經中略其要而解也

使蒙學知所向方

圖易童蒙吉。謂先天之氣未鑿。不知有善有惡。而以先入之言爲是。故須仗明師開其蒙昧。發其道機也。向方即禪戒之要路也。此不獨爲蒙學者說。其老於叢林者。亦不可不知向方也。向方即向

上一路千聖不傳其在學者自悟也。楞嚴觀方知彼去。去亦不知方。正好參取。

好心出家者

圖好心者。無詔無曲。即正心誠意出家者也。若爲急難爲安閑。爲衣食財利。不爲生死而求出家者。皆非好心。故不與出家。

切意遵行慎勿違犯

圖切真切也。遵謂遵佛戒而行。慎密不敢違越也。然後近爲比丘戒之階梯。遠爲菩薩戒之根本。

圖進比丘菩薩大戒。必從彌十戒根本。始未有越

根本而竟登大戒也。譬如古木蔭森。枝葉茂鬱。必

因根而有本。因本而有枝。因枝而有華葉。又如登

山自卑至高。自近至遠。進戒階級亦復如是。

因戒生定因定發慧

圖木又戒源如花之有實也。花爲因實爲果。因果同時。事理一貫。故沙彌律爲發蓋初時。比丘戒爲開花中時。菩薩戒爲結菓後時。戒基既定。慧由之而生。此三學自性本有不因修而得。非惟諸佛

菩薩具足一切凡夫亦未曾久少當知自性無善惡無持亦無犯是自性戒自性無靜亂無取亦無捨是自性定自性本無知而無所不知但諸佛菩薩知有所得受用一切凡夫不知有故不得受用知有不知有似乎少異戒定慧未常少異也

庶幾成就聖道不負出家之志矣

經法界次第第八聖道亦名八正道謂正見正思惟正語正業正命正智進正念正定等此八聖道乃千聖共由之大道也言之似易行之實難學者毋視其難而却步亦毋視其易而忽諸譬夫登萬仞之山自一步始步步不問到頂可期故曰庶幾若徒言不行是猶說美饌而無從知味美輕裘而終不及身如斯操履寧不自負所以策發初地奮志直前則二地三地乃至十地彈指可證

若樂廣覽自當閱律藏全書

國世尊成道三十八年赴王舍城國王齋食訖令羅睺羅洗鉢因失手破爲五片是日諸比丘白佛佛言我滅後初五百年諸惡比丘分毗尼藏爲五

部也後優婆塞多有五弟子各執一見遂分如來一大律藏爲五部一曇無德部華言法密隱覆之義也又云法藏即四分律也大集經我涅槃後有諸弟子受持如來十二部經書寫讀誦顛倒宣說故隱覆法藏是爲曇無德部二薩婆多部華言一切有即十誦律也此部計三世實有之法大集經我涅槃後我諸弟子受持如來十二部經復讀誦外典善能論議凡所問難悉能答對是爲薩婆多部三迦葉遺部華言重空觀即解脫律也大集經我涅槃後我諸弟子受持如來十二部經無有我及以受者轉諸煩惱猶如死屍是爲迦葉遺部四彌沙塞部華言不著有無觀即五分律也大集經我涅槃後我諸弟子受持如來十二部經不作地水火風相虛空識相是爲彌沙塞部五婆蹉富羅部華言犢子因上古有仙染犢生子自後種種皆名犢子其部中計我非即五蘊亦不離五蘊而有實我律本不來此土大集經我涅槃後我諸弟子受持如來十二部經皆說有我我不說空相是爲

婆羅富羅部

一曰不殺生

國華嚴經菩薩住離垢地性自遠離一切殺生不畜刀杖不懷怨恨有愍仁恕具足於一切衆生有命者常生利益慈悲之心是菩薩尚不惡心惱諸衆生何況於他起衆生想故以重意而行殺害楞嚴阿羅又諸六道衆生其心不殺則不墮其生死相續汝修三昧本出塵勞殺心不除塵不可出縱有多智禪定現前如不斷殺必落神道上品之人爲大力鬼中品則爲飛行夜叉下品爲地行羅刹大涅槃衆生佛性住五陰中若壞五陰名曰殺生卽墮惡道○五陰之相卽是起作起作之想喻若石沙可穿可壞佛性者喻若不可沮壞以是義故壞五陰者名爲殺生梵網一切有命者不得故殺是菩薩應起常住慈悲心孝順心方便救護一切衆生而反自恣心快意殺生者是菩薩波羅夷罪賢愚經戲笑殺他命悲號入地獄具緣與洋銅灌注連相續奔刀赴火焰劈裂碎楚毒億載苦

萬端傷心不可錄習報殺生入四趣受苦三塗畢得生人道中短命多憂疾病嬰難苦壽短長沉沒若有智點人殺心寧放過人師經殺者心不仁強弱相傷殘殺生當過去結積累結怨受辜短命死驚惶遭暴惡我用畏是故慈心伏魔宮維摩人生長壽得不殺報筆論佛言一切衆生實本清淨因彼妄見妄習遂生因彼妄習生死相續生從順習死從變流純想卽飛生天上情想均等不飛不墜復生人中想明思聰情幽斯純情想流入橫生重爲毛羣輕爲羽類今爲異類未必不前生曾受人身今受人身未必不前生曾爲異類是以諸佛菩薩常切教人使知生死路頭昔密婆私詫阿羅漢往世曾作獼猴羅漢提提世曾受牛身宗鏡一不殺者害命名事殺不害命名事不殺法門解者析法名理殺體法名理不殺若作意防護如馬著勒如牧牛執杖者報在人道百二十年惟得肉眼若任運任成如河注海者報在六天極長者九百二十六億七千萬歲惟得天眼若加修定戒



中經錄

中經錄

無常苦空。無我等慧者。報在變易。壽七百阿僧祇。唯得慧眼。若加修常。無常等慧。報在蓮華藏海。受法性身分。得五眼。分得常壽。此佛智是諸根不具。壽命損減。若闕教人持事不殺戒。又持理不殺戒。不壞身。因常隨一。相不斷癡愛。起於明脫。體陰界。入無所傷毀。若子若果不生。不滅成就智慧。居寂光土。常壽湛然。五眼具足。得根自在。得命自在。修短自在。是則名為究竟持戒。諸根具足。命不損減。圓人何但持是之戒。唯殺惟慈。亦作事殺。亦作理殺。如預仙大王殺五百婆羅門。與其見佛之眼。與其十劫之壽。又作法門殺者。折斷塵累。淨諸煩惱。如樹神折樹。不受怨。如劫火燒木。灰炭雙亡。故楞伽云。殺無明。父害貪愛。母斷睡眠。怨懷陰和合。斷七識身。若有作者。現證法身。此逆即順。鸞輻云。我誓斷陰界。入不能持不殺戒。一切塵勞。是如來經斷此種盡。乃名為佛成就金剛微妙法身。湛然應一切隨形九道。隨其所宜。示長短命。任其所見。用缺具根。而化度之。若佛子。無慈孝。故肆意殺他。

物命充我肥甘。乃不知而殺而食之物。愛命同於我之愛命也。梵網云。即殺我父母。亦殺我故身。痛為勸戒。云何不信。若此生不戒殺。而肆殺業。如預置利刀。亦殺自己。未來法身。非但故身及父母也。君不見刀頭血滴。從法身中流出口。裏肉塊塊。向報體上割來。且道喫的是不喫的是。解曰。上至諸佛聖人。師僧父母。

圖此梵網七逆之罪。不通懺悔也。諸佛即十方諸佛聖人。即菩薩羅漢等。師僧乃法身父母。及生身父母。皆當終身奉事。孝順無違。且不得逆於聲色。豈忍加害。故不通懺悔。

下至蜎飛蠅動。微細昆蟲。但有命者。不得故殺。圖明飛空。類化生。蠕動濕類。化生昆蟲。諸蟲總名。言蠢動含靈。皆有佛性。故不可傷殺也。有曰昆蟲。豈也。江南有吐蚊之鳥。塞北有蚊母之草。南中有產蚊之木。一名白鳥。爾雅。類蚊母鳥也。或自殺。或教他殺。或見殺。隨喜。廣如律中文繁不錄。

圖自殺者。身心所造殺業也。教他者。自不行殺。使
他行殺。卽心口殺業也。讚嘆者。謂彼不行殺。由我
贊嘆成殺業也。隨喜者。謂見他行殺。卽從順以悅
其意。卽意地殺業也。戒疏殺心爲因。助成爲緣。造
作爲業。然其所殺有親有疎。治罪有輕有重。故犯
上則同七逆。千佛不通懺悔。犯下微細等。或通懺
悔。亦由世律爲主。爲從也。廣如律者。謂殺業微細
而戒相千條。所以雲棲尚未全錄。總之殺機起於
一念。尋常善自護持。發隱但有生氣。且不忍殺。如
結草護戒。折柳諫君。況有命者乎。諸經集要有富
長者。惟一子娶方七日。墮樹而死。長者問佛。佛言
昔有一兒。挾弓射雀。傍有三人。曰汝若中雀。乃世
間健兒。兒卽射中雀。墮樹。三人歡喜而去。此兒乃
射雀之人。今日父母妻乃前世喜助射雀之人也。
今世會集涕泣。以見殺助喜之報。
經載多月生風。取放竹筒中。煖以綿絮。養以膩物。
恐其饑凍而死也。
釋迦釋迦。青爲白。風提婆達多爲黑。蓋同處此

丘。釋中比丘感之。謂曰。吾入定時。勿瞞我血肉出
定時。隨意食之時。比丘入定。白風受教。黑風不聽。
復瞞之。比丘噴發。將火焚。黑風跳去。白風受殃。
佛曰。我不獨一生受提婆達多之害矣。四分律有
老病比丘。拾虱棄地。佛言。不爾。應以器盛。綿拾著
中。若虱走出。應作竹筒盛之。隨其寒暑。加以膩物。
而將養之。正鋒虱之瞞人。固不可忍。當於春暖之
時。送之草樹間。令彼謀活。然冬月寒凍。送之草間。
卽死。故佛置竹筒以安之。諸方講至此。不過虛說。
余謹遵佛制。作虱筒。式要使學者佩之。序曰。虱者。
本名俗呼半風。以美稱之。字曰丹鴻。有夫有婦。子
孫繁叢。春暖常遊相鬬。而經御覽。歲寒曾赴客。竊
以報恩。功未能學。查道藏垢而不棄。衣外亦將訪
江泌。要綿以置壁中。儒者尙然。釋門安可不置。斯
簡銘曰。古人捫虱而談天下。我獨無捫。談且不暇。
嗟爾微形。生長變化。啖人血肉。不捨晝夜。血肉所
生。父母遺愛。若專爾供。孝行不逮。爾家安甜。彼常
不寐。人瘦爾肥。情理何在。以慈毀身。失殺犯戒。彼

此無傷別尋界垢膩可食絮綿可佩蓬蘞天地
逍遙無礙鄭榮傳記無畏三戒飲酒食肉言行嚴
易律師不說常令宿於戶外律師中夜捫虱投床
下無畏即呼曰撲殺佛子律師異之酉陽雜俎取
病者虱子病人前可以卜病虱行向病者則生背
則死國老閑談查道性淳古少寓狼山寺躬辦薪
水以給僧衆澣衣不洗濯蟲後仕至龍圖閣待制
魏生禁殺錄薛晏性慈戒殺即微蟲亦不害之一
夕夢被上虱甚多漸變寸許虱謂晏曰受君之服
非一日今君有難正吾儕救命之秋遂列行被上
有絲血痕橫廣尺餘乃死虱也晏惜久之不知其
故蓋是夜有刺客來害晏其人有利劍見血立死
是夜其人劍下見血以為死報其主歎甚明日瞰
之無恙訪得風事始知其夢淮南子湯沐具而蟻
虱相弔大廈成而燕雀相賀憂樂別也韓昭侯搔
痒而亡一虱求之甚急左右因取其蚤虱殺之昭
侯以察左右不誠也

乃至灑水覆燈不畜貓狸等皆慈悲之道也

灑水者謂水中有微細蟲食水即食其肉故作
灑灑過方用即梵網十八種物之一也覆燈恐飛
蟲投火故作籠覆於燈外律波離吒護生草一
切衆生除煩惱凡燃燈時蓋拈一莖草默念七遍
一切飛蟲不投燈上筆泐雲棲與雪竇談次雲曰
昨夜鼠咬牀頭脚脚聲分明講演華嚴八十一卷
經囑曰忽遇貓來時如何雲曰走却法師留下經
案孟子有率獸而食人句畜貓狸猶率貓而捕鼠
也

微類尚然大者可知矣今人不能如是行慈復加
傷害可乎

國微類佛性如焦螟集於蚊睫自道士曠人稀相
逢者少乃不知蛤蜊觀音薄荷祖師一時落節誰
管淳于爲蠹莊周爲蝶嘆虛空釘楔微律云假使
百千劫所作業不忘因緣會遇時果報還自受昔
世尊成道商德終舒於鐵杵陀夷證聖羊祜卒洩
於兕銘水機云業報至時非空非海中非入山石
間無有地方所脫之不受報惟有懺悔力乃能得

除滅是以火頭索報於隱峰翻微濟拔野雉求償於法喜爲神所喝兩者同歟否歟訓譬加巨石梗塞陂池有大力者推墮此石令彼陂池與昔無異機力滅罪亦復如是若業力大機力微如令嬰兒推轉巨石終不得動若以殷重心微除罪業機力過於業力業自消滅無有遺餘故云了卽業障本來空末了應須償宿債微佛與尊者豈云不了而見酬償耶訓所云了者隨犯隨懺罪性既空冤對何有若現生未得懺滅怨結終存故雖成道證聖終不得免但重報輕受所謂將頭臨白刃一似斬春風斯則異於凡夫耳徵律言誤殺無害心者不犯據朝野金載梁武帝素敬信檀頭師時遣使召之帝方與人下碁欲殺一段燈曰殺却使遂斬師帝基罷喚師使言尙者陛下令臣殺却也帝問師臨終有何言使曰師云貧道前劫爲沙彌時以欲剗地誤斷一曲蟬今帝是也此報固宜由是觀之則誤殺仍以誤償何云不犯乎訓沙門掘土墾田私營口腹謂之邪命自活律所不許若實緣供衆

念佛持呪口不暫停憂傷物命悲弗內缺雖加害於物而物無怨心則誤殺無犯苟漠然無矜憫之心或小有觸忤而忿戾激起酬償實所不免益嫌嫉之來不緣事感凶咎所集匪由形求惟在心耳乃至行步掃除且不視地夏月燃燈酌加龍罩動搖竹樹失憶傾巢畜養雞鶩恣心啄噬牽拔木石念無防護瀉湯地上瀾滿蟻穴斫燒腐柴僦於揀視浣濯衣被忘拾蟻蠶水中有蟲遽棄弗具如此類者世人據跡而論咸云誤傷而報同故殺復何疑哉

故經云即沙彌經施恩濟乏使其得安

釋迦佛投匡伺虎割肉餵鷹

若見殺者當起慈心噫可不戒歟

國菩薩見殺一切衆生卽贖其命謂之施恩見貧乏者以財賑濟謂之濟乏或不能施識當起慈心默念呪護令脫苦惱往生善道使其得安維摩注施有三種一財施二心施三法施以財施人名布施慈心與樂名心施說法利人名法施見殺起慈

惻隱之心也。謂力雖不能救。當起慈心。憐念也。未曾有經。天帝問。野干曰。施食法。食有何功德。答曰。布施飲食。濟一日之命。施珍寶財物。濟一世之乏。增益繫縛。說法教化。名為法食。能令衆生出世間。道施食。獲五福報。一施命。謂七日不得食。則死。以食施之。即謂施命。其施命者。得世長壽。財富無量。報二施色。謂人不食。顏色憔悴。以食施之。即為施色。其施色者。得世世端正。人見歡喜。報三施力。謂人不食。身羸力弱。以食施之。即為施力。其施力者。得世世多力。終無耗減。報四施安。謂人不得食。心愁身危。不自安穩。以食施之。即謂施安。其施安者。世世安穩。不遇災患。報五施辯。謂人不得食。困不能言。以食施之。即為施辯。其施辯者。辯慧通達。聞者喜悅。報釋論持戒。為皮禪定。為血智慧。為骨髓。微妙善心。為髓。為他說戒。能遮罪修福。無相最上。非持非犯。尸波羅蜜者。是施已度也。說諸禪定。神通變化。不起滅定。是施已骨也。檀忍等。應是施已肉也。說甚深法。相諸佛行處。不一不二。言語道斷。

心行處滅。微妙中道者。是施已髓也。大丈夫論財。施人道中。有法施。大悲中有財施。除衆生身苦。法施除衆生心苦。淮南子。令人放燒。或採火益之。或接火益之。兩者皆未有功。而怨德相去遠矣。若見漁獵網捕。生靈力不能救。當起慈心。默念。實勝如來名號。生靈即得解脫。論。曉彼往哲。風規。俾曉。遇越。凡俗。難以計量。如駕山之患。不除。委身弗惜。醫高僧傳。彭城駕山多虎。患釋曇稱。告村人曰。虎若食我。災必當消。即夜坐草中。祝曰。我以身充汝饑渴。令汝從今息怒。害意常來。得無上法。食村人苦。諫不息。泣拜而去。至四更。聞虎嘯。稱村人。逐至南山。瞰身都盡。惟有頭存。因葬而起塔。後虎遂息。安厠之。倉未發。割肉是甘。國高僧傳。涼土饑道。進從王安周。乞賑。國書稱。竭進。即自割身。以餉餓者。舉國聞之。號叫奔赴。王乃奉之。還宮。發庫廩。以濟貧民。明晨。師乃絕。閉維七日。始盡。唯舌後灰。

良由憫惻情深。惟覺羣生可貴。乃若沙彌之名。既以息慈爲義。息則禁戒堅持。內嚴已行。慈則悲心普潤。外衛他生。豈謂矜全之情。纖嚴行之心微矣。安存之慮。深衛生之恩。薄矣。觀夫失珠忍苦。患切刲鷄。

國羅譬喻。經外國有沙門。行乞到買珠家。其家爲設食時。有大珠價值億數。主人持置沙門邊。時有鷄鷄便出吞之。主不見。珠問沙門。言我不取。復問有他人耶。曰無。主嘆曰。既無他人。珠今何在。便搗沙門血流於地。鷄鷄飲血與杖相遇。鷄鷄卽死。主復舉手門止之。曰。鷄鷄吞之主。乃破鷄得珠。謂沙門曰。何不早說。門曰。我持佛戒。不得殺生。我若說之。恐殺鷄鷄。卿搗我死。我終不說。鷄鷄既死。我今說之。主人聞已。刻責悔謝。

伏地待終。念傷斷草。

國大莊嚴論有諸比丘。曠野中行。爲賊劫掠。剝脫衣裳。懼比丘往告。聚落盡欲殺之內。一賊云。比丘之法。不得傷草。以草繫之。彼畏傷故。終不能往。卽

● 僧律

以草縛捨之而去。諸比丘爲日所炙。蚊蠅咬燒。不敢動。轉恐傷草。命唯當護戒。時有國王相獵。見而解縛。資穀歸命。

以及罷汲而全折翅之鴨。

國高僧傳。齊僧輩安於羅江縣之霍山。山在海中。有石孟徑數丈。清泉冽然。菴與孟隔小澗。獨木爲橋。由之汲水。後一鴨折翅。在橋。羣欲舉錫撿之。恐傷鴨命。還不汲水。絕飲而終。

絕粒而却近肉之餐。

國續高僧傳。太清末。侯景作亂。荒饑屢年。釋慧布常三日絕粒。有遺之食者。疑近肉味。竟不食。皆內嚴已行。外衛他生者也。誠見毀戒。戕生匪但。他傷而自隕之憂。更艱護生。守戒雖曰利物。而濟我之功。彌弘所愛者。堅固法身。捐四大等於興聚。沫所惜者。無量慧命。視一報同乎電光。其輕生者。身亦非彼所愛。命亦非彼所惜。但恐未知輪轉何。趣不能再生。人道則夙願皆虛。無緣修證。故與闍。劣者矜持。貪著了無有異。毀佛戒。欲見佛身。一忍。



渴而終寧不見佛不令毀戒時生者欣然而得謂死者爲愚以爲得見佛已百千億功德無不成就何慮毀戒及既見佛佛呵之曰癡人彼已見我汝不見我出諸經集蓋一行具足一切行具足一願圓滿一切願圓滿故忍渴而死者戒行獲全隨已見佛彼牢船既損萬寶皆沉法苑持戒篇總度大海號曰牢船德瓶一傾諸利盡喪

國智度論有人患貧供養諸天天感其志賜與一願告曰此名德海凡有所需皆自瓶出其人乍富人皆怪問遂出其瓶見種種物從瓶涌出其人驚逸登瓶舞蹈其瓶即破諸物皆失

故飲蟲而活者身雖對佛去佛轉遠此中從遠趨避當知所擇哉

二曰不盜

國華嚴性不偷盜菩薩與自資財常知足足於他慈恕不欲侵損若物屬他起他施想終不於此而生盜心乃至草葉不與不取何況其餘資生之具楞嚴汝修三昧本出塵勞偷心不除塵不可出經

有多智禪定現前如不斷偷必落邪道上品精靈中妖魅下邪人◎譬如有人水灌漏卮欲求其滿縱經塵劫終無平復維摩大富得不盜報觀佛三昧經盜常住物者過殺八萬四千父母之罪方等經華聚菩薩云忤逆重罪我亦能救惟盜僧物者不能救寶梁經寧自啖身肉不得盜三寶物地藏經若偷竊常住財物米穀飲食衣服乃至一切不與而取者當墮無間地獄十輪經盜三寶物者其罪甚重千佛出世不通懺悔若將非理用度私給俗家其罪尤重道世法師云若將常住財物與白衣受用者龍天嗔責罪及主事僧鐵山瓊云凡常住一茶一米一分一鹽皆是施主爲求福德故行布施宜供三寶何得私用正報頌劫盜供他用泥犁獨自陳獲烏金剛嘴啄腦壁其心灌口以銅汁碎身鐵棒砧怕懼周憚走避投刀劍林習報頌劫盜所獲報地獄被銷融罪畢生人道饑貧以自終共財被他制何殊下賤終寄言懷操者常須自固窮毛賴債唐德宗朝時淮西壽州安豐縣毛罕男

婦周氏生一子猪頭驢脚象耳魚腮父母欲淹死乃作人言我先世不信因果曾於廬州開元寺借常住錢五百貫麻布二疋負欠不還故遭此罰望父母收養待長送寺還報遂撫育至七歲送入寺中掃地以償宿債時時自鞭已身叫言還債故名毛賴唐御製頌堪嗟毛債異人流負欠僧錢業報酬兩片魚腮連象耳一雙驢脚戴猪頭前生造惡心無愧今日招殃苦未休爲報後賢君子道僧錢不可損貪求慈受深頌常住分文不可偷日增萬倍恐難酬猪頭驢脚明明現佛地今生掃未休空中和尚頌借路經過掌庫權但存公道絕私緣狼貪鼠竊片時事驢脚猪頭萬古傳千巖長頌知事須當好用心衆僧金穀莫相侵古人有語真堪信粒米元來重七勛洞山份頌常住須憑戒力扶莫將妄用恣貪圖掌他三寶門中物惜似雙親兩眼珠暗裏縱能機巧算冥中自有鬼神誅絲毫若也無私取免至來生作馬驢國清百錄智者同學照私用常住一撮鹽後入定現鹽數斛在前急買

鹽陪償其相乃絕高峰遺事仰山偉私折常住一莖笋後入定見笋現前陪還懺悔其相乃絕東山空答余才茂借脚夫書向辱枉顧荷愛之厚別後又承惠書益自感愧某本廢穴閒人與世漠然才茂似知之今雖作長老居方丈只是前日空上座常住有無一付主事出入支籍並不經眼不畜衣鉢不用常住不赴外請不求外援住緣而住初不作明日計才茂既以道舊見稱故當相忘於道今書中就覓數脚夫不知此脚出於常住耶空上座邪若出於空空亦何有若出常住是私用常住一涉私則爲盜豈有善知識而盜用常住乎公既入帝鄉求好事不宜於寺院營此等事公閱人所見所知皆閭之長老一住著院則常住盡盜爲已有或用結好貴人或用資給俗家或用接陪已知殊不念其爲十方常住招提僧物也今之戴角披毛償所負者多此等人先佛明言可不懼哉比年以來寺舍殘廢僧徒寥落皆此等各願公勿置我於此等輩中公果見信則他寺所許者皆謝而莫取

則公之前程未可量也。逆耳之言，不知以謂如何。時寒途中，保愛然竊盜罪報律藏，不勝廣載。今錄數則，可爲學者置之座右。時時警惕，不使盜因起於毛頭心地也。當知盜者，不啻不與而取及劫奪等而已。若尋常起一貪想，即是盜因。即是福事，如比丘於花池側迎香風而坐是也。何況盜名盜位盜法等宗鏡二不盜者，不與取名事盜與取名事不盜法門者，如佛言他物莫取名法門不盜菩提無與者而取菩提是名法門盜。若持戒作業求可意果者，無常速朽，悉是他物。息如糞果害如毒食。有智之人，所不應求。云何殷勤飲苦食毒而自傷毀。迴厭困苦，豈過有流三障障佛第一義天之所捨離。是盜非不盜也。又二乘以四諦智觀身受心法厭惡生死，欣求涅槃。涅槃心起，即取他物，即非時取證。卽不待所說因，焦種不生。見苦斷集修道造盡非求法也。謂有涅槃成涅槃見，若有著空諸佛不度身長三百由旬，而無兩翅，墮三無爲坑，饑餓羸瘦，體生瘡癬，豈非貧窮困苦耶。又不見佛不

聞法不入衆數，豈非第一義天遠離耶。此猶名盜，非不盜也。若別人從淺至深，捨一取一來已更復來去已復更去，悉是辱於去來相，亦是不與而取。取已而捨，亦是貧窮。捨已更取數數去取，卽是困苦。不與第一義天相應，卽是遠離。此猶名盜，非不盜也。圓人觀法實相，受亦不受，不受亦不受，亦受亦不受，亦不受非受，非不受亦不受，不取是菩提障。諸取故是法平等，無有高下，不高故不取不下，故不捨。如是觀者，觀如來藏具足無缺，是如意珠。隨意出寶，卽修羅琴任意出聲，卽是大富。大富故無取，卽第一義天。故不遠離，是名究竟持不盜戒。圓人亦有盜法門者，菩提無與者而取菩提，如海吞流，不隔萬派，如地荷擔，四重擔衆生悉度，煩惱悉斷，法門悉知，佛道悉成。

解曰金銀重物

○重物謂金寶等物，乃至五錢以上卽制罪也。以至一針一草，不得不與而取。

○戒疏蓋針草判盜五錢判重，離處成盜業未離

處。猶盜法也。故一念盜心。爲因所盜之物。爲緣。種種盜法成就。盜事爲業。若一針一草。卽制罪。天台不應五錢犯重罪。失沙彌戒。滅擯不通懺悔。四錢已下。犯中罪。許懺悔。若盜而未得。犯方便罪。五燈古德呵城隍神。過神伺隙。隨之將有不利。德因渴。故取田中麤。茹食之。置二錢於根。神不知。遂現形。言犯盜呵之。德曰。汝不見。瞬中錢耶。神拜服而去。微沙門犯可悔罪。如法懺悔。將止滅犯戒罪。抑並滅性罪。耶。訓沙彌犯戒。若不懺悔。並得惡作罪。墮地獄中。比四天王人間。爲九百千年。若如法懺悔。破戒罪滅。而性罪恐猶未滅。如盜取非財。須加利償。若不償者。後生轉重。如斷他命。終須償報。當爲彼禮懺持呪。代彼拔苦。彼苦既拔。則怨讎可釋矣。微沙彌犯重罪。如法懺悔。可得受具。否。訓沙彌十戒前四。若犯爲破根本。滅擯不通懺悔。不得受具。第九戒。若犯名破齋。並餘五戒。若犯向二師前發露。隨師教令。以殷重心。如法懺悔。可得受具。微佛本大悲。沙彌犯重不通懺悔。不得受具。豈不塞人

改過自新之路乎。訓若結壇禮佛。勤懇苦到。求見好相。得菩薩戒。不得受比丘戒。諸律皆無開。法惟觀虛空藏菩薩經。比丘犯根本戒。若能如法結壇。禮三十五佛。及虛空藏菩薩。菩薩以牟尼寶印印其背上。有除罪二字。罪卽得滅。滅仍得重受具。戒沙彌准此而行。當亦得滅罪受具。但恐因緣艱阻。未能如法。結壇牟尼印不來。除罪字不現。後悔難追。不若慎之於無念也。

若常住物

國常住物者。卽三寶物也。不可混亂用。如香花燈等佛物也。經卷及莊嚴幢幡等法物也。律中不得移爲他用。犯者重罪。

若信施物

國信施物者。謂其信心發願而施也。若不原施者之心。移爲別用。卽成盜業。慈雲懺主云。昔雷峰塔化主。將常住磚錢買瓦。五百年西湖作魚。何況私竊。若僧衆物。



國寶訓懶菴曰律中云僧物有四種一者常住常
住二者十方常住三者現前常住四者十方現前
常住且常住之物不可絲毫有犯其罪非輕先聖
後聖非不丁寧往往聞者未必能信信者未必能
行山僧或出或處未嘗不以此切切介意猶恐有
所未至因述偈以自警云十方僧物重如山萬劫
千生豈易還金口共譴曾未信他年爭免鐵城關
◎人身難得好思量頭角生時歲月長堪笑貪他
一粒米等閑失却半年糧

若官物民物一切物

官物者官家物也民物者民間物也一切物者
總上文而言也

或奪取或竊取或詐取

奪取恃力強暴而取也竊取伺人不見偷取也

以上奪竊詐取皆判盜法若物入手即成盜業

乃至偷稅冒渡等皆爲偷盜

賦稅國家大典不可僥倖苟免宜隨例充納若
官府優免則得渡者有官渡私渡或須錢買不與

◆五藏教

而渡者曰冒渡或無錢乞施渡則得

經載一沙彌盜常住果七枚

國難藏經目連至恒河邊一鬼白目連言我常住
有七枚熟凡入我口腹五臟焦爛出還復入何因
緣故受如此罪目連曰汝前世作沙彌時行果藏
到師所偏心多與七枚故受此罪此是花報果在
地獄◎有一比丘與外道同行止果樹下外道語
比丘言上樹取果比丘不聽又語何不上樹取果
又不聽外道乃上樹取果擲地與之比丘曰我戒
法中不得不授而食外道下樹取果授比丘外道
言於一果上有如此法況出世法乎遂生信佛法
一沙彌盜衆僧餅數番

國難藏經復有一鬼白目連言我一生來有二熟
鐵輪在兩腋下舉身焦爛何罪所至目連答言汝
前世時與衆作餅盜取二番挾兩腋下以是因緣
故獲斯罪此是花報果在地獄
一沙彌盜石蜜少分

石蜜一名糖精廣志甘蔗其錫按唐書番胡國

出石蜜中國貴之漢武內傳西王母謂帝曰太上之藥有中華紫蜜雲山朱蜜天竺國石蜜本草經崔蜜食之不饑明目延年仙經蜜爲口芝然律中過午不食開石蜜者以其煎湯無形爲藥石故雜藏經復有一鬼問目連言我一生來常吞熱鐵丸何罪所致目連答言汝爲人時作沙彌子取清淨水作石蜜漿石蜜堅大汝起盜心打取少許大衆未飲汝盜一口以是因緣故獲斯罪此是花報果在地獄

俱墮地獄故經云經也本寧就斷手不取非財隱可不戒歟

斷非財者非義之財也世律取非義之財受非常之禍藏經食無與之物感無間之殃寧就斷手不取者畏地獄之痛甚於斷手說之寒心故激切勸戒之也

論如來遠歷三祇堅修萬行備極艱苦直至菩提今諸釋子不織而衣不耕而食莫言我德能致豈緣已行所招凡身所披一縷一絲口所嘗一粒一

今目連問

滴皆本如來布施持戒禪定精進積累而得悉因如來國城妻子頭目髓腦博換而來苟漫不思惟則華嚴甘甜味堪堪肆志憍聊相酬答等吞銅服棘莫能少安縱糜骨焚身酬恩靡稱任剗心剖腹相愧難宣惟當晝不使停夜毋容息驅無不竭之力中無外馳之心極意勤劬少圖報塞何更不與而得妄獵非財挾詐而求恣羅彼物施原供衆回作已私妄說他因那爲此用如斯舛錯難可指陳將何恃而不恐乎觀粟粒偶嘗感多生之飼食

國難論以習氣故後得人身產出牛蹄飼食佛慙度出家得羅漢果無量壽經憍梵彼提過去世作比丘於他粟田邊摘一莖粟觀其生熟數粒墮地五百世作牛償之

荷香暫驟見誦謔於池神

國難阿含經有比丘患眼至鉢曇摩華池側迎香風而坐池神謂比丘爲盜香賊比丘言不壞不奪云何名賊神曰不求而取何言非賊時有士夫取彼藕根重負而去比丘曰何故不遮而謂我是賊

耶神曰。袈裟黑。衣墨污。不現彼兇惡人。何足與語。蠅脚汚。素黑點。珂貝雖小。悉現。唯明者。有小過。如毛髮。許他人見之。大如泰山。故當從彼常求其淨。比丘聞已。專精靜坐。斷諸煩惱。得羅漢果。

幅紙未酬。俄成正絹。

【國湖海記】聞有一禪師。將遷化。伽藍神告曰。師負欠常住絹一疋。索還了。去師曰。我自不用絹。云何負欠神曰。某時用紙一幅。今計息。應償絹一疋。師曰。今盜用常住者不少。都不聞取償。何獨見索。神言。彼輪迴六道中人。自來酬償。不煩往索。大師已出三界。今若不取。無從追覓。師以衣鉢付寺主而終。

僧堂小誤。頓荷火枷。

【國寶鑑】雲蓋山守願。因以齋僧錢。造僧堂。沒後。新住持智公。夜坐忽聞火焦之氣。見願頂帶火枷。具說前事。苦切乞資。僧堂設齋供。衆方可脫。苦智如言。設齋其夜見願來謝。

長七果。以偏師鐵丸焦腹。彌蓋七。饒白衣以僧。果上詳注

物肉樹悲號

【國寶鑑】經福增比丘。常爲年少比丘之所激切。目連觀見。以神通令其恐怖。因使隨行。見一肉樹。多有諸蟲。圍咬其身。無有空處。呻喚啼哭。如地獄聲。弟子問師。是何樹。目連言。是瀨利吒營事比丘。以自在故。費用僧物。華果飲食。送與白衣。以是因緣。受此華報。後墮地獄。咬樹諸蟲。卽爾時得物之人。言念及斯。能無破膽。世所欽企。莫不遠傳寶壽。

燈臺楊岐

【國楊岐方會】爲庫頭。常置二盞燈。若營已事。則滅。常住燈。用觀施買油。別燃燈照之。漢書有官滅燈看家書。

當毋徒口詠。遺風宜誓令行。齊芳軌斯。其最勝矣。或往誤知。悔六步恩酬。

國五百問經一比丘用佛法僧物而此比丘極聰
明說法能使人得四道果惟罪深重便欲償之即
詣沙佉國乞大得錢物還欲償之道路山中爲七
步蛇所盤此比丘知七步當死六步裏便遣弟子還
本國言汝償已還我住此待汝弟子償物訖還報
之即起七步便死墮阿鼻地獄初入溫暖未至大
熱謂是溫室便舉大聲經呪願獄中間經呪者
數千人得度獄卒大嘆便舉鐵棒打之即命終生
三十三天以此驗之佛法僧物不可不償雖復受
罪故得出矣

抑其次焉者哉不則爪土之升上難期地塵之沉
深可卜

國涅槃經爲善清淨同爪土爲惡沉滯喻等地
塵阿含經世尊以爪甲擊土告諸弟子我甲上土
多大地土多諸比丘言世尊甲土甚少大地土甚
多乃至算數不可爲比佛告諸比丘若諸衆生至
算數不可爲比佛告諸比丘若諸衆生得人道者
如甲上土墮非人者如大地土

重經相準福弗勝慈子母交傳願易能盡鐵牀銅
柱嗟楚毒之綿綿馬腹牛胎痛酸辛以冉冉
國莊椿錄盜常住一文錢一日一夜長三分一釐
第二日夜利上又長利來世作牛馬償之牛日還
八文馬日還七文
與其計無所出空思挽挽於重漏孰若時習可爲
早具綱繆於未雨

三曰不姪

國華嚴性不邪姪菩薩於自妻知足不求他妻於
他妻妾他所護女親族媒定及爲法所護尙不生
於貪染之心何況從事於非道◎被諸女色染醉
其心猶如嬰兒無見自性亦如素衣易受染色爲
欲所溺不能得出如糞中蟲樂著糞處如穢弊瘡
不淨嚴身傍嚴姪心不除塵不可出縱有多智禪
定現前如不斷姪必落邪道上品魔王中品魔民
下品魔女◎若不斷姪修禪定者如蒸沙石飲其
成飯經百千劫祇名熱砂何以故此非飯本砂石
成故梵網菩薩應生孝順心救度一切衆生淨法



與人而反更起一切人姪不擇畜生乃至母女姊妹六親行姪無慈悲心者是菩薩波羅夷罪四十二章經出家沙門斷欲去愛識自心源達佛深理悟無爲法內無所得外無所求心不繫道亦不結業無念無作非修非證不歷諸位而自崇最名之爲道正法經偈如火益乾薪增長火熾燃如是愛樂者愛火轉增長薪火雖熾燃人皆能舍離愛火燒世間綿綿不可捨禪秘要經長老目連得道本婦將從盛服莊嚴欲壞目連目連爾時爲說偈言汝身骨連立皮肉相纏髮不淨內充滿無一是好物輔囊盛屎尿九孔常流出如鬼無所宜何足以自貴汝身如行剝薄皮以自覆智者所棄遠如人捨廁去若人知汝身如我所惡厭一切皆遠離如人避屎坑汝身自莊嚴華香與瓔珞凡夫所貪愛智者所不惑汝身不淨聚集諸穢惡物如莊嚴廁舍愚人以爲好汝脇肋著脊如椽依梁棟五臟在腹內不淨如屎糞汝身如糞舍愚人所貪寶飾以珠瓔珞外好如齒瓶若人欲染空始終不可著汝

欲去燒我如蛾自投火一切諸欲盡我今已燒盡五欲以遠離魔網已履裂我心如虛空一切無所著正使天欲來不能染我心大乘妙林經如大猛火如四毒蛇不可親近◎釋迦爲太子時五欲厭離而求出家而說偈言世間不淨衆惡邪無過婦人之體性衣服瓔珞莊嚴故愚癡是邊生欲貪有人能作如是觀如幻如夢非真實速捨無明莫放逸必得解脫功德身八歲沙彌開解國王經阿育王初奉佛時人民疾疫請僧呪願聖衆遣妙顏沙彌年始八歲已得神通飛入王宮夫人彩女見之無不愛敬夫人舉手欲抱妙顏顏却之夫人曰卿年幼猶如吾子近之何妨顏曰事從微起猶一粟之火能燒萬里之野一滴之水能陷堅固之石以少致多以小成大是以智者遠嫌避疑以防未然時沙彌聲徹王殿王聞之來見曰卿尙幼如我子抱之何嫌顏曰古聖制儀豫其未萌亦戒終始女子七歲不戲父兄男八歲不踞母床果下無捫首瓜田無摸足遠嫌避疑杜漸銷萌也今雖等於母

子當爲將來不能者施時王與夫人及宮中五百人臣同得道跡。○天神獻玉女於佛欲壞佛身。佛言：「草叢衆穠爾來何爲去我不用天神意敬因問道意佛爲解說即得須陀洹果。儀則經若彼故行經如蛇如毒藥損壞於自身得大地獄。苦律人有患經不止欲自斷陰佛曰：「若斷陰不如斷心心如功曹功曹若止從者都息心邪不正縱斷何益佛說偈曰：「欲生於流意亦思想生心心各寂靜非色亦非行佛言此偈是迦葉佛說佛言欲愛之人猶如執炬逆風而行必有燒手之患大智度論如毛繩縛人斷膚絕骨高僧傳釋迦戒行嚴潔忽一女子寄宿自稱天女鬼一心無擾曰：「吾心若死灰無以草叢見試女乃夜雲而逝願曰：「海水可生須彌可傾彼上人者秉心堅貞燈錄長盧子遊方至一旅邸有娼女所逼不惑女告母母曰：「此真佛子也故叢林有平生字鐵脚道價喧宇宙。○達磨達聰辯顯慧憾師不授祖位憤然而去臨津見女子溺浣默念此經如是白誓耶祖忽現前曰：「是心

可入羅縹耶達悚然密自切實宗鏡三不姪者男女身會名事姪法門解者若心染法是姪若關禁七支如猿著鎖攀一油鉢過諸大衆割捨樂觸樂求於未來潔淨五欲如市易法如銅錢博金錢此乃增長欲事非不欲也若斷欲界纏繫之欲染著色無色界禪定之樂如冰魚蟄蟲墮長壽天是爲一難貪著禪味名大縛是染欲法非不欲也若惜生死愛涅槃棄之直去涉路不遇諸有色聲不能染屈如八風不動須彌若聞菩薩勝妙功德頻迦羅琴聲迦葉起舞不能自持毗嵐風至破如腐草是染欲非不染欲也若菩薩惡生死如糞穢惡惡樂如鴉鳥捨於二邊志存中道起順道法愛生名頂墮是菩薩旃陀羅既無方便此慧被縛不能勝怨已所修治爲無慧利是染欲法非不欲也圓人觀一心三諦即空何所染即假何所淨即中何所邊即空即假何所中即空故無我人十六知見依正等愛即假放無空無相無願等愛即中故無佛菩提轉法輪度衆生等愛三諦清淨名畢竟淨唯

佛一人具淨戒。餘人皆名汙戒者。國人又有染愛法門。如和須蜜。多女人見。人女天見。天女見者。卽得見佛三昧。執手者。得到佛三昧。鳴者。得極愛三昧。抱者。得冥如三昧。亦如魔界行。不汙菩薩變爲無量身。共無量天女。從事皆令發菩提心。又先以欲鉤牽。後令入佛智。斯乃非欲之欲。以欲止欲。如以楔出楔。將聲止聲。

解曰在家五戒

國天台金光明疏。五戒者。天地之大忌。上對五星。下配五獄。中成五藏。犯之者。陵天觸地。自伐其身也。

惟制邪淫

國在家二衆。食色爲性。未能全斷。故惟制邪淫。如關雎之詩。樂而不淫。所以正人倫之綱紀也。禮記諸侯不下漁色。君子遠色。以爲民紀。今士大夫妻妾琴瑟之外。而又漁色。皆爲邪淫。毛詩正義。人有皮鼠亦有皮鼠。恥也。人無禮儀。何異於鼠乎。漢武內傳。淫爲破家之斧。太乙經。彼世人不修。無上至

道。但能薄欲。不行邪道。不殺不淫。孝悌慈和。惜福減食。薄於味。染命終之後。生於持髮四天。感應注楊誠齋善書。常謂好色者。曰閨羅未曾相。喚子乃自求押到何也。

出家十戒。全斷淫欲。但于犯世間一切男女。悉名破戒。

國華嚴爲在家者說。故曰自妻知足。楞嚴爲出家者說。故曰全斷。出世法中。無正淫。亦無邪淫。謂淫非梵行。鄙惡不堪。爲輪迴生死之根本。故痛戒之言。今受此戒時。盡其形壽。永不再犯。如以智慧之劍。一斬一切。斷也。一切者。隨行非止一端。乃至畜生鬼神等。皆名犯戒。若人男男女女。若天龍鬼神。變化爲人。若畜生。或淫彼。或爲彼所淫。和合者。犯重罪。失沙彌戒。滅損不通懺悔。若欲淫未和合。卽止犯中罪。許懺悔。若起淫心痛。自呵責。或持呪作不淨等觀。或晝夜禮佛。令形困疲。則邪念自息。以欲心與女人身相觸。與女人屏處。坐與女人屏處。語及媒嫁。和合欲事。並犯中罪。

楞嚴經載六交報寶蓮香比丘尼私行姪欲自言
姪欲非殺非偷無有罪報遂感身出猛火生陷地
獄

寶蓮香邪解姪非偷殺殊不知私姪非偷手姪
事辦而慧命斬非殺乎猛火即欲火也生陷即生
身陷地獄也因姪欲故火燒其身因邪見故生陷
地獄

世人因欲殺身亡家

圖此言踰禮越禁荒姪無度者生不免殺身亡家
之禍死雖逃拘神陷獄之苦果報地獄經復有一
鬼白目連言我常以物蒙籠其頭畏人來殺心生
怖懼何罪所致目連答曰以前世時姪犯外色常
畏人見或畏夫主捉縛打殺心常恐怖故獲斯罪
此是華報果在地獄舊雜譬喻經有一國王五殺
熟成人民安寧無有疾病晝夜伎樂人無憂惱王
問羣臣我聞天下有禍何類答曰臣亦不見王使
臣隣國買之時天人化作一人於市賣之狀如猪
持鐵鎖繫賣之臣問此名何等答曰禍母臣曰賣

不答曰賣日幾錢日千萬日此何等日食針一升
臣既買之使合國覓針擾亂百姓臣曰王曰難得
禍母擾亂百姓男女失業殺之可否王曰善將殺
之刺不入所不傷割不死積薪燒之身亦如火便
走出過里燒里過市燒市入城燒城入國燒國由
厭樂買禍所致苦也此喻女色欲火所燒男女貪
毒至死不知苦也

出俗爲僧豈得更犯生死根本欲爲第一

圖經云生死爲因貪欲爲本故云第一有云萬惡
淫爲首百行孝爲先故姪即不孝孝即不姪也夫
出世爲僧當不爲生死流轉豈可復爲生死不淨
之行但沙彌執身不姪惟除塵跡而其意地欲根
最難除拔極易漸染若此中微塵許不盡便是生
死禍胎當知淫泆非刀劍能斬智慧命愛欲是毒
火自焚功德林直饒道得不怕念起祇怕覺遲究
竟念起用覺已遲八刻不若尋常以病死二字對
治庶幾可耳婆羅清語人常想病時則塵心漸滅
人常想死時則道念自生◎風流得意之事一過

輒生悲涼清真寂寞之境愈久轉有趣味此雖俗語其意可思

故經云淫佚而生不如貞潔而死噫可不戒歟
 國經洗汚穢行也貞潔清淨行也以其汚穢而生
 其如清淨而死譬如世間貞夫節婦玉潔冰清即
 現世肉身菩薩千載之下雖死猶生彼淫佚男女
 名節俱損德行全虧無言他報地獄之苦即現世
 四肢枯槁而五臟先壞以致求生不得求死不得
 卽生陷地獄之苦也若夫律身嚴潔之士其住世
 也四大堅固不畏寒暑所逼兼無病苦煩惱及其
 遷化則脫灑自如推門落臼闔維舍利入塔光明
 乃見持戒之驗也賢愚經一比丘少欲知足一長者終身供養日日送飯又一長者將一子來求出家比丘觀是子能持淨戒度爲沙彌其前長者舉家赴會親唯留一女守舍忘却送食比丘念曰已過午尚未送食乃遣沙彌取食唯見少女應門作諸媚態沙彌自念此女將無毀我淨行乃堅攝威儀女卽五體投地曰此舍珍寶充滿卿可爲主我

願充婢給使沙彌心念寧捨身命不毀淨戒遂以刀刎死其女欲心尋息悲憫悶絕其父適還女方甦醒具述所以時國王聞之贊嘆地積衆香闍維供養

論夫滿瓶貯穢本無可欣

國比丘分衛經佛言若觀女人富內觀身念皆惡露無可愛者外如滿瓶中滿不淨

而老象溺泥豈能自拔

國大莊嚴經此處難越不能自出譬如老象溺彼深泥

向刀舐蜜無辭截舌之傷

國四十二章經佛言財色之於人譬如小兒食刀刃之蜜甜不足一食之美然有截舌之患

把炬當風罔慮焚身之慘

國雜寶藏經淫欲之事樂少苦多猶如逆風而蒸熾炬愚見不放必見燒害之苦

至於身已在道寧容魔網高張見前經使福果由此而消善法因滋而盡類世空劫火無有遺餘

圖大莊嚴經滅諸善法無有遺餘猶如劫火焚燒一切

等斧創多羅永墮萌蘖

圖文殊儀規經女色壞人如截多羅樹頭芽永不生智種亦然女刀截故善牙不發

豈不痛哉是以乾草畏火遠避宜急

圖四十二章經人爲道故當捨情欲如彼乾草火來須避道人見故必當遠之

浮囊渡海屢許堪珍

圖永明錄覺禪師直保護浮囊万渡業海如大涅槃經海中羅刹等喻故知微細須持方全戒體若

乞微塵許終壞浮囊豈能全半

道琳以沒齒爲期誓母親面

圖唐高僧傳道琳以女人生染之本一生不親面

不爲說法不從受食不令入房

妙顯方童稚之日却止抱持詳見上文外杜嫌疑內嚴

防簡持身之要莫善於茲然心之難制勢同奔馬

故有不見可欲歟然而起不可輕取者要在道心

猛利妄念自然不生幾見喬松所覆茂蔭餘草若白刃見逼真回山向之心

圖阿難變現經阿難與兩比丘到阿育國化作阿育王往告山向比丘曰我今欲與議事從我者生不從者死山曰夫王欲議何事王曰我有貧女欲配汝山曰我奉佛戒豈貪王女恥辱佛道寧就死也王使人將山向赴市斬之山乃禮佛就死阿難復還本形謂山向曰汝道成矣我故試耳天女相挑難奪僧鬼之志

圖高僧傳晉慧遠戒行澄潔有天女來意欲局就鬼曰我心若死灰何勞以草囊見試女乃凌雲而上嘆曰海水可竭須彌可傾彼上人者其志堅貞嗟然豈徹比潔秋霜應思難陀時方剃髮而忉利天宮殿隨成纔欲罷道而泥犁獄沸饑已具

圖雜寶藏經佛爲難陀剃髮難陀便欲還家佛問汝念婦耶答言實爾佛將難陀至忉利天見一宮殿無有天子問諸天女女曰難陀以出家功德當爲天子復將至地獄見一沸饑無有罪人問諸獄

卒卒曰難陀。罷道。炊此以待難陀。恐怖。佛爲說法。一七日中。成阿羅漢。

以此自傷。毛髮骨寒。當令塵情應時頓盡。

四曰不妄語

嚴華嚴性不妄語。菩薩常作實語。眞語。時語。乃至夢中。亦不忍作覆藏之語。無心欲作。何況故犯。楞嚴如是。世界六道衆生。雖則身心無殺盜淫三行已圓。若大妄語。卽三摩地不得清淨。成愛見。魔失。如來種。所謂未得謂得。若不斷大妄語者。如刻人。羹爲樹。檀形。欲求香氣。無有是處。直心道場。於四威儀一切行中。尙無虛假。云何是稱得上人法。譬如窮人。妄號帝王。自取誅滅。維摩經註所言。誠諸不妄語也。妄語者。虛誑不實也。忍昧猶知之。天稱凡作惡。使初學。彷彿失守。迷亂不前。正謂欺凡罔聖。通惑人心。上干諸佛。下誤衆生。梵網菩薩常生正語。正見。亦生一切衆生。正語。正見。而反更起一切衆生邪語。邪見。邪業者。是菩薩波羅夷罪。智論偈實語第一。戒實語升天。實語小如大妄語。入

地獄。正報。妄語。誑人。巧地獄。受罪。拙。斷解。其形熱鐵耕。其舌灌之以洋銅。磨之以剛鐵。悲痛碎骨。隨呻吟常鳴咽。習報。妄語。入三塗。三塗罪已決。餘衆生。人道。被誘。常憂結。還爲他所誑。恨心如火。熱智者。勿尤人。驗果。因須滅。業報。差別。經偈。顯言。煩惱。好發。他陰私。剛強。難調。伏生。饑口。餓鬼。宗鏡。四不妄語者。法門有未得。謂得。凡夫。癡人。於下苦中。橫生。樂想。豎我。慢。打自大。鼓執有與無。靜執無與有。靜起六十二見。破。壞。不。見。於。眞。實。備口四過。三十三天。黃葉生。死。謂是。眞金。非。想。自他。謬。計。過。聚。此。非。妄。語。誰。是。妄。語。耶。二。乘。執。執。瓦礫。歡喜。持。出生。滅。度。想。生。實。未。盡。寧。得。滅。度。生。安樂。想。所作。未。辦。寧。得。安。隱。其。實。未。得。一。切。解。脫。未得。謂得。豈。非。妄。語。耶。佛。爲。別。教。人。四。門。說。實。相。執於一有。隔礙。二門。乃至。執。非。有。非。無。不。融。有。無。夫實相者。言語道斷。心行處滅。云何以字。字於無字。云何以數。數於無數。豈非妄語。耶。閻人如實。無觀。如實。而說。如實。觀者。非。內。觀。乃至。非。離。內。外。而。亦。

不以無觀得是智慧。如實說者一切實乃至觀實。非不實等。如是皆名諸法實經。云諸佛皆實語。即是以佛道聲令一切聞。圓人亦有妄語。法門無車說車。誘戲童子無樂說樂。止彼啼兒若有衆生因虛妄說得利益者。佛亦妄說。又言我是貪欲尸利等。我是天是人。實非天人。將虛以出虛。令得不虛耳。

解曰妄語有四。一者妄言。謂以是爲非。以非爲是。見言不見。不見言見。虛妄不實等。

國言乃心聲也。心正則言正。心邪則言邪。疏直出爲言。由已意發而爲言。宣述爲語。由述見聞而爲語也。故如來之語無非利益衆生。故有真語實語。正語衆生之語無非損害衆生。故有妄語綺語兩舌惡口之語。妄語有小大治罪有輕重。燈錄法昌遇云。靈山會上還曾見有無行業底佛麼。還有妄語底祖師麼。大似牛屎比。旃檀有甚交涉。

二者綺語。謂粧飾浮言靡語。

國綺語者華美無實。文過飾非之語也。維摩經言

必饒益不綺語。報言雖實非時而說亦綺語也。百丈曰說不應時亦名綺語。論語辭達而已矣。辭取達意不以富麗爲工。乃見孔子亦戒綺語。

樂曲情詞導欲增悲。蕩人心志等。

國古樂府之作聲韻正雅。無如漢魏後之效體。漸人變麗。至唐玄宗酷愛法曲。選妓三百人教於梨園。今謳曲者稱梨園本。此纂要齊歌曰。謳吳歌曰。欲楚歌曰。變淫歌曰。哇情詞聲韻宛轉以盡意之所思。詞與曲不無移商換徵。隨時小異。大約漢唐尙樂府末元尙歌曲。此皆騷人詞客所爲。非學者之可涉獵也。謂情變詞曲乃宜。迷入愛之結使導欲增悲之渠魁也。筆法李伯時善畫馬。秀鐵面呵曰。汝士大夫以畫名。矧又畫馬。期一人誇妙。妙入馬腹中亦足懼。伯遂罷筆。師勸畫觀音。讀過黃魯直工變辭。師亦譏之。黃笑曰。又當置吾馬腹中耶。師曰。變語動天下人淫心。不止馬腹。正恐生泥犁耳。黃悚然悔謝。遂勵精進。

三者惡口。謂譏罵罵人等。

惡惡罵詈者其聲甚於桑鳥故管人所不忍聞而豈忍出之口當知誠默自全護身之聲自己難摩常以軟言不惡口故珠林嘆是失諸善法之根本墮諸惡道之因緣法樂之怨家善心之大賊惡口斷斷福慧之刀斧◎凡夫毒熾悲火熾然達緣起障觸境生瞋所以發言一怒衝口燒心損害前人痛於刀割乖菩薩之善心遠如來之慈訓四者兩舌請向此說彼說此離間恩義挑破鬭爭等

惡離摩注眷屬不離善和爭訟不兩舌兩舌者傳宣彼此無實語故中間隔遠兩家師資恩喪朋友義絕乃至敗國亡家之害也

乃至前譽後毀面是背非

惡譽者揚善之權也毀者宣惡之機也楊子淵塞篇妄譽仁之賊也妄毀義之賊也賊仁近鄉原賊意近鄉訕意林玉孫子云搖唇鼓舌損生是非好面譽人者亦好背毀之也證入人罪發宣人短

惡聞人之過如聞父名但可聞之於耳不可出之於口

皆妄語之類也

惡律儀佛家之弟子言常說實不應爲盟自雪表他不信故設被誣謗亦不應作番修行道地經其口言柔軟而心懷毒害視人甚歡喜相隨如可親口言而柔軟其心內含毒如樹花色鮮其實苦若毒

若凡夫自言證聖

惡自言證聖者如楞嚴譬如平人妄號帝王自取誅滅阿離野番聖亦云出苦言證聖豈易稱哉昔商太宰問孔子曰夫子聖者與曰丘博聞強記非聖也曰三皇聖者與曰三皇善用智勇聖非丘所知曰五帝聖者與曰五帝善用仁義聖非丘所知太宰駭然曰然則孰爲聖乎孔子有問對答對曰西方有聖者焉不言而自信不治而不亂不化而自行勸懲乎人無能名焉如言已得須陀洹果

圖此翻預流。此位斷三界八十八使。見惑見真諦。故名爲見道。又名聖位。預入聖道法流。金剛云。入流。或翻逆流。逆生死流。不受三途業債。故斯陀含果。

圖此翻一來。此位斷欲界九品思惑。中斷前六品。盡後三品。猶在故。更一來。

阿那含果。

圖此翻不來。謂此位斷欲界後三品思惑。更不來欲界受生。故。

阿羅漢果。

圖此翻無學。謂此位斷色界無色界思惑。盡四智已。圖已出三界已。證涅槃。無法可學。故。

名大妄語。其罪極重。

圖未證四果。妄言已證。未得四禪。妄言已得。未悟道。妄言悟道。及妄言天來龍來鬼神來等。虛而不實。誑惑世人。名大妄語。若工夫稍得力。不知法相。謂正果等名。增上慢本無欺誑之心。故不失戒。然須請問明師。先達。正出決擇。是非。殷勤悔過。捨其

所有得心。精求真髮。方免沉墜。若本欲妄語。或說不了。了未領。或中止不說。並犯方便中可悔罪。餘妄語。爲救他急難。方便權巧。慈悲利濟者。不犯。圖昔有獵者。逐兔。兔走避佛座下。少頃。獵至佛所。問見兔否。佛曰。不見。獵乃去。後弟子問。兔見在佛座下。云何見言不見。佛曰。爲救兔。故世尊之言。曲中有直。故其言雖不直。而有濟物之功。論語其父攘羊。而子證之。孔子曰。父爲子隱。子爲父隱。直在其中矣。其子證父攘羊。其言雖直。而無禮。故得不孝之罪。

古人謂行己之要。自不妄語始。況學出世之道乎。圖劉忠定公問司馬溫公曰。盡心行己之要。終身行之者。可得聞乎。溫曰。其誠乎。又問。行之。以何爲始。溫曰。行己之要。自不妄語始。二公者。宋之鴻儒。詳載金湯佛法。彼紅塵之士。以道學爲已任。尙論言。行出世之學。豈得言行乖違耶。常聞先德有一生無不可行之言。亦無不可言之行。一日三復。患之事。不愧。計自今以先德誠言爲式。亦如嬰兒學

慈母之言以自警云。箴言者。載道器行者德之本。失言道即喪失行德。亦損厥言而踐行君子當思。付母爲鬼神。阿母爲天地。逢一句亘古今一事。成。劒刃言行未發時。慎之切須謹實。訓靈源曰。舉措不可不審。言行不可不稽。寡言者未必愚。利口者未必智。鄙樸者未必悖。承順者未必忠。

經載賢愚報恩沙彌輕笑一老比丘。讀經聲如狗吠。而老比丘者是阿羅漢。因教沙彌急懺。僞免地獄。墮狗身。惡言一句爲害至此。

報恩經。猶惡言一句。五百世墮狗身。最後身爲商人。狗因盜肉。咎棄悲號。無從舍利弗。神通往濟。命終生婆羅門家。七歲度爲沙彌。名均提。復聞法。要獲證無學。念報師恩。永爲給侍。輕笑一言。而墮狗身者。果不昧因也。如當時沙彌贊嘆老比丘。讀經如佛聲者。而此沙彌必定成佛。

故經云法句經。夫士處世。斧在口中。所以斬身。由其惡言。噫。可不戒歟。

說苑談叢口者。關也。舌者。機也。出言不當。驕馬。

難追。口者。關也。舌者。兵也。出言不當。反自傷也。法苑高僧傳。兵者。不祥之器。不獲已用之。言者。不逆之物。不獲已而陳之。

論持泰。雖堪適口。不因茲以棄連城之珍。帝位經。

可悅心。詎緣是以博斷喉之痛。乃虛詞以營利養。

利養。幾何而泥洹之望已絕。是無異持持泰與千金之璧。以永嬰兒。嬰兒取泰而捐璧也。呂氏春秋

飾說以顯名聞。或倖致而三途之獄已開。

是無異左手據天下之圖。而右手自剗其喉也。若

扇提羅。先世與五人互相稱說。以妄語。故歷諸惡趣。還充婢使。而鞭撻交加。

國未曾有。因緣經。佛言。過去無數劫。裴扇闍國。女

人名提章。供養五比丘。甚慇懃。而五比丘欲求覓錢。

財。更相易代。遊諸聚落。語人云。彼四比丘。證無漏。

業。諸人聞已。種種供養。後五比丘墮地獄。八千億

劫。受餓鬼形。八千劫。受六畜形。八千世。畜生罪畢。

雖獲人身。無男女根。八千世中。常以筋力報償提

章者。末利夫人是五比丘者。今扇提羅等四人。增

韋者。末利夫人是五比丘者。今扇提羅等四人。增

韋者。末利夫人是五比丘者。今扇提羅等四人。增

與一人宮中修治。則夫人曰。汝五人自今永解。隨意東西。五人涕淚不欲離去。佛言。扇提羅等。償債未畢。因緣繫縛。不能得去。償因緣畢。自當得脫。機梨奢。饒劫令弟子。廣言名。喻亦以妄語。故受諸苦。毒更。墮盲。而蟲蛇咬食。

圖大方等曰。藏經時。案中有盲。聲名。頗羅。機梨。奢。舉聲大哭曰。願救濟我。我今身中受大苦。惱日夜。常爲種種諸蟲。小蛇。蝦蟇。之所咬食。居熱水中。無暫時樂。佛言。汝過去世時。曾爲比丘。毀破禁戒。外現善相。廣貪眷屬。弟子衆多。彼諸弟子言。我和尙得阿羅漢。以是因多。得供養。已獨受用。見持戒人。反惡加說。彼人懷惱。如是念言。世世生中。願我所在。食汝身肉。惡業因緣。死墮龍中。得此盲報。住熱水中。又於過去無量劫中。在融赤銅地獄。當爲諸蟲之所食噉。

當其誑惑。愚俗。虛消糧。施豈不自意其禍。烈若此哉。律云。寧噉燒石。吞飲洋銅。不以虛妄。食人信施。出五聞者。莫不心誠。服膺明訓。乎是故不欺。遮道。

之虎。委身護戒。理固應爾。

圖昔一比丘。四戒皆毀。二十戒神。皆已離去。惟妄語戒。堅持無犯。此五戒神。獨不得去。化虎當道。以毀其戒。比丘語虎。我有期約。汝若啗我。我令我負。約我戒。便毀汝。放我去。尋當即還。委汝啗食。我無虛妄。必不欺汝。虎放令去。到即辭歸。來至虎所。解衣端坐。委身飼虎。虎忽不見。見五戒神。嘆言。善哉。具陳本意。誓不相離。比丘悔責。堅持五戒。二十戒神。還來守護。比丘精進修道。遂得果位。

至於澡髮之喻。羅云見呵。

圖譬喻經。羅云。未得道時。言少誠信。佛敕羅云。往賢提。精舍住。守口攝意。勤修經戒。後佛往視。令羅云。取水洗足。已佛語羅云。此水本潔。今受塵垢。不可復用。食飲澡漱。汝不念精進。攝心守口。三毒垢穢。充滿胸懷。亦如此水。不可復用。又澡髮雖空。不可盛用。食飲。汝雖爲沙門。口無誠信。曾受惡名。亦如澡髮。不中盛食。又此器賤。價汝戀。不惜汝不攝身口。謔言惡說。多所中傷。衆所不受。身死神去。輪。

轉之逾受苦無量諸佛賢聖所不愛惜亦如此。譬
汝所不惜佛告羅云昔國王使象出兵象唯藏鼻
護不用鬣所以者何象鼻軟脆中箭即死唯當護
口如象護鼻羅云感激自勵得羅漢果
大寧之護靈源被叱

國寶訓靈源侍晦堂於章江寺一日入城晚歸晦
堂問今日何往曰適往大寧來時死心在傍厲聲
訶曰參禪欲脫生死發言先要誠實清兄何得妄
語靈源面熱不敢對自爾不入城郭不發妄言
皆慙愧惶懼感動精勤盡東隅難逝桑榆可收不
遠而復反則終吉也今諸沙彌愛稱應法豈乏師
誨友規慎勿變如充耳

國詩經注褒多笑貌无耳塞耳也耳塞之人恒多
笑

却非分之施遠溢美之譽將避過山頽陷虞其迫
逃火井中還怖其難豈不人人咸成法器歟

五曰不飲酒

國梵網菩薩應生一切衆生明達之慧而反更生

一切衆生顛倒之心者是菩薩波羅夷罪薩婆尼
乾子經偈飲酒多放逸現世常愚癡忘失一切事
常被智者呵來世常闇鈍多失諸功德是故結慧
人離諸飲酒失◎酒爲放逸根不飲閉惡道寧捨
百千身不毀犯法教事使身乾枯終不飲此酒毀
使毀犯戒壽命滿百年不如護禁戒即時身磨滅
決能定使差我猶故不飲況今不定知爲差爲不
差作是決定心心生大歡喜即獲見眞諦所思即
消除宗鏡五不飲酒法門解者迷惑倒見名酒夫
酒爲不善諸惡根本飲酒招狂外道等是即世間
醉也大經云從昔已來常爲聲色所醉流轉生死
三界人天通有此醉二乘無明酒未吐如半醉人
大經引醉歸之世間無常樂而言我淨如來實我
淨而官無常樂如彼醉人見日月轉此二乘醉也
菩薩無明未盡不了見夜觀晝像譬如醉人臨
醒見道迦葉云自此已前我等悉名邪見人也此
是菩薩醉圓人行如來行具煩惱性能知如來祕
密之藏雖有肉眼名爲佛眼所可見者更不復見

是則五住正習一時無有餘酒法既除何所可醉
國人亦有飲酒法門。鸞鵠云持真空瓶盛實相酒
變化五道宣揚哮吼波斯匿醉轉更多恩。末利后
飲佛言持戒入於酒肆自立其志亦立他志夫得
其門者逆順俱常失其柄者操刀傷手是知能以
塵勞煩惱爲佛事者斯乃見一切法皆實相矣於
一心實相中不見有世間過患障礙之法則何所
捨亦不見有出世殊勝尊妙之法則何所取但爲
未入實相門中見有凡聖種種差別而生忻厭者
遂乃徇彼機宜隨其所作善巧方便而化導之皆
令入此一際平等無諍無失自證法門究竟常樂
如是開示不負前機若解肘後之方似探囊中之
寶實爲第一之說括盡初終開大施之門復誰前
後得自己法身之髓到一心智海之源初阿已攝
無邊過茶無字可說

解曰飲酒者謂飲一切能醉人酒

酒非一種故曰一切下文正解一切也謂酒能
昏神智明達之士以酒爲禍累故痛絕之今爲拔

生死邪見豈得飲此福泉哉

西域酒有多種甘蔗蒲萄及與百花皆可造酒

國神仙服食經採南燭草煮汁爲酒碧映五色之
神通扶桑記順通國有樹似安石榴取其花汁
貯盆內數日成美酒洞冥記瑤琨去玉門九萬里
有碧草割之釀酒飲一合三日不醒飲甘溪水則
醒南史拘樓國有水仙樹腹中有水謂之仙漿飲
者七日醉古今註烏孫國有青田核得水如酒味
醇飲盡更生名青田酒字異物志文華作酒味甚
美人以金買不以爲貴

此方止有米造俱不可飲

國上文西域多種下及此方米造總攝一俱字斷
之也珠林第五飲酒戒者佛告諸比丘若言我是
佛弟子者不得飲酒乃至小草頭一滴亦不得飲
酒有二種穀酒水酒穀酒者以諸五穀雜米作酒
者是木酒者或用根莖葉果用種種子果脾雜作
酒者是酒色酒香酒味飲能醉人者是名爲酒若
管咽者亦名爲飲若飲穀酒咽咽犯若飲酢酒若

飲甜酒若噉糖能醉人者若噉糟若飲酒澆若飲似酒色似酒香似酒味能令人醉者並隨咽咽犯若但作酒色無酒香無酒味不能醉人及餘飲者皆不犯若依四分律病比丘等餘藥治不差以酒爲藥者不犯顛狂心亂病憊不覺知者亦不犯除有重病非酒莫療者白衆方服無故一滴不可需屑

國堤岸傾決眇視涓滴故曰涓滴不除終爲江河此言始而略需一滴終而巨觴不止識遮法之嚴故七衆俱制而獨開重病者權宜也謂非酒莫療之病急須用酒即以酒爲藥是藥非酒也亦有非酒而能醉人者有二種一無明酒謂無明覆心其言如醉故二般若酒謂佛法知見蘊滯不化有佛法習氣亦如醉故珠林佛言酒有多失開放逸門飲如葶藶子犯罪已積若消病苦若先所斷毗尼母經尊者彌沙塞說曰沙提比丘自小因酒長養身命後出家已不得酒故四大不調諸比丘白佛佛言病者聽藥上嗅之若差不聽嗅不差者聽用

酒洗身若復不差聽用酒和麪作餅食之若復不差聽酒中自漬

乃至不得嗅酒不得止酒舍不得以酒飲人

國嗅酒止酒舍雖不飲有大患者二一人疑誘二薰習成性亦防微杜漸之法也梵網以酒飲人者五百世無手戒之甚嚴謂自破酒戒不過罪及一身與人飲爲害不止故

儀狄造酒禹飲痛絕

國人物考儀狄禹妃弟善造酒禹飲而甘之曰後世必有以酒亡其國者遂疎儀狄而絕旨酒晉中興書元帝性嗜酒王道深以爲誡左右進觴覆之晉書凡民不得私釀酒沽其有婚姻及疾者聽之餘犯者罰金八兩枚乘七發酒爲腐腸之藥自占聖君賢臣恐以累民故禁之

紂作酒池國以滅亡

國人物考紂名辛帝乙少子兄弟三人長曰微子啓次曰中衍皆庶出次曰辛嬀出卽紂也實辯捷疾力格猛獸智足以拒諫言足以飾非以肉爲林

以酒爲池使男女裸逐其間一鼓而牛飲者三千人漢書成帝張屏風坐畫綉爵闔姐已作長夜之樂班固諫曰沈湎於酒微子所以告去式號式呼大雅所以流連詩書荒淫之戒其源皆在於酒僧而飲酒可恥猶甚

國俗者德望威嚴言行端密爲後學之標幟法門之標棟若飲酒則言多不根過失無量爲態類狂象之無鈎似戲猿之在樹乃不知標幟折梁棟摧而法門自此危矣

昔有優婆塞因破酒戒遂併餘戒俱破

國報恩經昔有五戒優婆塞治田因渴誤飲酒至醉忽隣家有雞來即殺食之隣女往索又強與姪訟之於官復妄言不取因此一飲五戒俱喪

三十六失一飲備焉過非小矣

國四分廣律自不孝父母輕慢師友不敬三寶惡名流布至昇月熱亡寒天凍死矣

貪飲之人死墮沸屎地獄生生愚癡失智慧種迷魂狂藥烈於砒酖

國言砒酖之毒不過毀其所生之身不能毀其智慧道爾飲酒之毒不啻曰腐腸之藥而智慧道種滅盡無餘也晉書孫季舒常與石崇飲傲慢過度欲奏之裴楷曰飲人狂藥實人正禮不亦乖乎故經云本寧飲洋銅慎無犯酒應可不戒歟

國以上經論及諸史書種種言辭譬喻總之勸免離諸酒過也謂天下毒之猛烈無甚於砒酖洋銅而酒之毒烈又甚於此故澈切痛戒也雲居顯曰飲酒破戒世人共知近有煙酒相習成風竟有師僧隨流吞服者最爲可恥手執管筒口吐煙談既喪威儀亦增惡臭且親見顧介觸火燒爛形體者飲酒多失此爲更甚無論受戒與否皆不可服此大非法所當痛戒

論佛言酒有多失開放逸門飲如葶藶是名破戒故唐玄奘搭繫酒器敢嬰豪族之瞋

國高僧傳僧鑒數與造工匠繁多或送酒者輒曰我所造必令如法寧使罷工無容飲酒時清化寺修營佛殿州豪孫義致酒兩罇與鑒鑒即破酒器

流溢地上。義大怒。明將加懷。夜夢人以刀擬之。既悟。窮詣懺悔。

晉法遇寬。貸狂僧甘伏荊條之辱。

梁高僧傳。遇在江陵長沙寺。一僧飲酒。廢夕。燒香。遇但罰不遣。師道安以簡盛荊。寄遇。遇向簡致敬。伏地令維那行杖。垂淚自責。

蓋其表率後昆。駐延正法。不能不爾。佛又言。若消病苦。非先所斷。是則此戒已於危疾。聽許暫開。曷爲竹園比丘。病差懷慚。深陳過咎。

經舍利弗問經。迦蘭陀竹園精舍。一比丘疾篤。將死。優婆塞離問。汝須何藥。曰。須酒。實達毗尼。寧盡身命。無容犯酒。優婆塞言。若爲病。開如來所許。於是服酒。差病。比丘懷慙。猶謂犯律。往至佛所。慙悔過。佛爲說法。得羅漢道。

遠和尚於諸著宿。逆其誠懇。

高僧傳。晉廬山釋慧遠。因篇諸著宿。皆藉賴。請飲。敗酒弗許。又請飲米汁。弗許。再請以蜜和水爲飲。乃命律師披卷。尋文。飲飲卷未半。遽化。

白馬芬謂當垂盡。詎乖素心。

高僧傳。齊釋慧芬。初住穀熟縣常山寺。及魏滅佛法。南歸京師。止白馬病篤。人勸以酒服藥。芬曰。積年持戒。寧以將死。虧節耶。

咸乃增加嚴峻。反更踰於訓制。未常不疑其已甚。及觀沙伽羅漢。能令惡龍向化。忽喪伏惡之威。

優婆塞五戒。相經支提國。有惡龍名菴羅。提提陀。暴害人。禽破滅秋谷。沙伽陀羅漢。到其處樹下。敷座。龍發嗔。志身出烟火。雨雹霹靂。蜈蚣蛇蟻等。莎伽陀變作優鉢羅華。波頭摩華。惡龍所有勢力。盡現。皆不能勝。因受三歸。更不作惡。有一貧女。信敬莎伽陀。辦酥乳。糜似水色。酒持與莎伽陀。不看飲之。飲已。便去。時酒勢不覺倒地。佛語諸比丘。莎伽陀今能折伏蝦蟇。否。聖人飲酒。尚如是。失何況凡夫。今後凡我弟子。不得飲酒。乃至如草頭一滴。亦不得飲。

新寺維公爰從冥趣。棲遯竟阻還升之慶。

冥祥記。宋蔣小德。病死復蘇。云至冥司。放還路。

由一處有弊陋小屋於屋前逢新寺建公云自出家來未嘗飲酒且就爾公爾公苦勸逼飲升許被王召用若不坐此當得生天
邇所由來悚然戰慄安可曠懷疎節自貽不追之悔乎

六曰不著香華髮不香塗身

國頌如來威德無不備依正莊嚴世所企一切不求無乏少凡所需者隨時至華髮珠璣及塗香空中天樂如雲施如來慈受乃從權若作受想貪愛使未到雪山愛見除萬乘妻子多捐棄夜半明星獨暗時奇哉從此忘尊貴 是人皆知如來依正莊嚴世無能比不知如來依正從曠劫苦行得來亦從斷如貪愛所感今人苦行不修貪愛不斷而欲彷彿如來依正譬如貧人服帝王服其禍速至解曰華髮者西域人貢華作髮以嚴其首此土則繒絨金寶製飾巾冠之類是也

國髮者髮髻之上以珠華雜寶而嚴飾故曰華髮不但西域有之此土男人嚴飾巾冠女人嚴飾髻

說以分人品貴賤也

香塗身者西域貴人用名香爲末令青衣摩身

國異香惟西域多種故貴人以香浴身及摩身即此土以香肥皂浴之也西域侍兒皆著青衣因名焉如玄真子命樵青竹裏煎茶是也

此土則佩香熏香脂粉之類是也

國佩香或囊或餅也熏香以筒以爐也二儀錄脂起自紉以紅藍花汁作脂爲桃花妝燕國所出也銀粉古今注三代錯爲粉

出家之人豈宜用此

國道人當以智慧火薰戒定香莊嚴無相之身直見無相之頂獨露本光豈宜外飾以上種種皆王臣所爲道人非用若以異香轉供諸佛即成顧智佛制三衣三衣謂五條七條二十五條也俱用麤疎麻布猷毛毳口害物傷慈非所應也

國此南山聖師之文謂慈悲之服安用殺生皮毛爲衣又曰縱得已成斬壞塗墍塗堵聖牆也謂猷毛毳口不及麻布安穩也楞嚴若謂比丘不服東



方絲綿絹帛及此土靴履裘毳如是比丘於世眞脫離還宿債不游三界何以故服其身分皆爲彼緣如人食其地中百穀足不離地馬鳴大士記馬鳴往世爲毗舍離王其國有一類人馬形無衣王運神力分身爲羣乃得衣故羣成馬死馬死成羣同一類也後王復生中印度其馬人當時感戀悲鳴不已故號馬鳴佛說服絲帛尙當還債不若戒之尙後無悔

除年及七十衰頹之甚非綿不煖者或可爲之餘俱不可

人生七十血氣衰頹力不勝重布衣故非綿不煖則知孟子七十已前亦戒衣帛或可爲者專爲之病開方便也

夏禹惡衣

醫通鑑伯禹夏后氏名文命字高密祖顓頊父鯀孕歲有二月堯戊戌五十八載六月六日生於契道之石紐鄉長於西羌以土德王正建寅百有六歲崩於會稽一惡衣者頌禹王之德也禹王喜布

素而不尙縞纈其愛民惜福如此卽此之心宜乎天下大治

公孫布被王臣之貴宜爲不爲

醫通鑑商周之際尙無被名弘爲人恢奇多聞常稱以爲人主病不廣大人臣病不節儉常曰公孫丞相布被入曰詐司馬丞相亦布被入曰儉布被可能也使人曰儉不曰詐不可能也後漢書王良爲大司徒在位恭儉妻子不入官舍布被瓦器時司徒更鮑恢過其家夫人布衣曳柴從田中歸更嘆服感應注漢文帝所幸夫人衣不曳地唐文宗嘗出袖示羣臣曰此衣已三浣晉文公衣不重帛子夏衣若懸鵝晏嬰妾不衣帛董威結殘繩爲衣號曰百結祭彤衣無疊衣皆惜福如此燈錄南禪師常云我與翠巖悅在福昌時適病寒服藥出汗悅從禪侶徧借被不可得有紙衾者皆可數悅太息曰善公本色作家也

矣

豈得道人反貪華飾壞色爲服糞草蔽形固其宜

國壞色青黑木蘭色以別縞素表無常之意警惕後學也。糞掃者上世死者之衣及產子之衣皆棄曠野糞壤間比丘取其所棄於溪澗浣濯七次垢盡編而爲袴以禦寒頭陀行也。近世死者及產者衣不棄所以當世之學頭陀者較上世尤苦乞絲頭疏余七歲出家父母愛之衣以輕煖余性甘淡薄願縹服不忍著常念一絲一縷出自蠶口自尺至丈生命不可計算喜蠶布爲衣奈余力不勝乃以人之所棄破袖編而爲袴看山看水日久月深不覺損弊欲向曠野糞壤間拾殘衣不可得也戊子春過廣陵見諸公製衣華麗其縷羅絲頭皆棄之余爲乞之向袴破處密密縫綴渾成一片雨打不濕風吹不入坐則爲禪行則爲戒住則爲韓臥則爲被亂則爲忍鎧靜則爲飲羽施則爲吹毛快哉一絲頭上有如是之用乎不但爲余減多生之貪想且爲諸公惜無窮之福云

古有高僧三十年著一縷鞋

臨惠林布鞋百補千綴遇軟地則赤脚行忍損信

施縷鞋雙履也五燈慧通禪師入太白山不賣糧饑食草果渴食澗泉依樹而息經五年有證晚歲一裙一被所著麻鞋三十載布袴重縫冬夏不易◎玄泰上座抵著布端鹿木先不設臥具不易縷絲卵齋終日

況凡輩乎噫可不戒歟

論律攝謂三種心當捨其一則喜好玩飾心也夫出家者割截爲服糞掃蔽形豈復染情華美溺志芬芳將無意其服瓊珍異光儀動衆衢路所接昨舌稱奇不知棄道之流惟覺其體汚形穢有識之士且視同溷鼠廁蟲矣若優多羅比丘度母拔厄優多羅母經優多羅尊佛樂法酒不歷口過午不食香花脂粉未嘗附身母爲餓鬼優多羅以瓶盛水楊枝著中法服覆上飯比丘僧舉名呪願母免重咎

南天竺男子聞法證聖

阿育王經南天竺有一男子於佛法中出家少欲知足不樂榮顯不以酥油摩身不以湯水洗浴

不食酥油不願華飾常畏生死諸摩倫羅國禮敬
優波笈多一聞說法精進思惟得羅漢果

較其所得與華嚴香油孰多又如此士先德或多
夏一禱

國唐玄則破衲重縫冬夏不易
或用紙糊衣

國唐靜琳平生衣破以紙補之
更安有於華嚴或衣滓弗浼

國梁慧開衣服塵滓未嘗舉意浣濯
或不想澡濯

國元高峰所住石洞上溜下淖不澡身不難髮
復奚暇於摩身詎不華鬘羅於千禪芳德襲於八
絃手至於世尊遙繩往制慎納珠函

國珠林佛初踰城樹神以迦葉佛所遺絹僧伽梨
轉付佛言絹僧伽梨非我所用我聞諸佛出世不
著蠶衣及鬘珠函見迦葉佛書言此僧伽梨經出
大梵天王緯出堅牢地神絲是化生非由緣蠶佛
乃受之

全付杜漸將來堅辭賜紫

國宋高僧傳五代晉釋全付住清化禪院錢忠憲
王遣使賜紫袈裟付上章力辭使再往又辭曰吾
非節讓恐後人效吾而逞欲也

傷慈之慮豈獨單於能仁逞欲之防反盡寬於末
季況茲四大別在剎那付彼一坏旋成朽壤行將
走歸枉用莊嚴蟻食鳥疊空勞珍重乃罔念爭雄
超舉恥弗逮於時修徒思角勝沉淪共相矜於炫
俗以馬齒鳥跡爲非分咄哉疎麻以獸毛蠶口爲
當然爛焉文綺憶昔之辭親割愛本圖修出世良
因似今之闢靡誇妍將擬向何途駐足耶悲夫
七曰不歌舞倡伎不往觀聽

國佛在世時大權菩薩現天人身常以梵唄讚
於佛或演無常苦空無我之音令諸衆生感悟能
使水鳥樹林咸宣妙法非同世間歌舞譁舞也嘗
論耳目之於聲色極易悟人神智亦能發人悟機
故仙人緣之而神足頓失棲子因之而心地豁開
究其悟智之源被聲色流轉也故謂之順流亦曰

下流究其發悟之源不被聲色流轉故謂之逆流亦曰上流今之博地凡夫孰不爲聲色流轉故與道日遠是故初機者當避聲色如刀劍其與道自近矣

解曰歌者口出歌曲舞者身爲戲舞

國歌舞者歌有所不足則舞以盡之舞有所不足則歌以盡之歌之舞之盡善盡美矣
倡伎者謂琴瑟簫管之類是也

國倡伎總名也白虎通琴禁也所以禁止邪淫正人心志也瑟也閑也所以懲忿望欲正人之德也呂氏春秋朱襄氏之世天下多風陽氣不積果實不成故城王建五絃之瑟聲聞作十五絃舜益八絃爲二十三絃漢武帝謂兒作二十五絃及後漢瑟古有掌樂之官樂記所自出也世說戴安道少有高名武陵王聞其善琴使人召之安就使前破琴曰戴安道不能爲王侯伶人風俗通丘仲作笛笛簫也所以蕩滌邪穢納之雅正也樂書剪雲夢之霜筠法能吟之異韻通義繁伏義作簫十六

管或云女媧氏作爾雅大笛曰管小笛曰簫釋名簫肅也其辭肅肅而清也

不得自作亦不得他人作時故往觀聽

國供佛宜使人作樂不宜自作徵梵網十重不得教他作今不自作而使人作不與梵網相違乎調梵網不教他作殺盜也殺盜爲害非小使人作樂供佛有無量功德不同十重也但爲初地工夫無暇作樂故使人作耳

古有仙人因聽女歌音聲微妙遽失神足觀聽之害如是況自作乎

國毗曇毗婆沙優陀延王詣鬱毒波陀山林禁入男子純與女人五欲自娛其音清妙燒衆名香時諸宮女裸形起舞適五百仙人經過染色聲香便失神足墮彼林中王問汝等是誰曰我是仙人王曰汝得非想非非想處定耶曰不得曰汝得初禪耶曰曾得今已失也王嘆曰有欲之人視我宮女殊非所以便捷利劍斷五百仙人手足所謂瞋生一念欲便失五神通

今世愚人因法華有琵琶錢銀之句。恣學音樂。然法華乃供養諸佛。非自娛也。

歐徵如來說法。無二種語。今法華之與律儀。雖經律不同。然皆佛說。云何法華以音樂爲功德。律儀以倡伎爲罪障。耶。訓所以爲罪福者。謂供養自娛之別耳。若律儀中人以倡伎爲功德。即律儀轉爲法華。若法華中人以音樂自娛。即法華轉爲律儀。雖然須彌納芥子。則易芥子。納須彌則難。其有不可以難易爲礙者。庶幾可以酬酢及此。

應院作人間法事道場。猶可爲之。

歐言猶可者。非急切之詞。當如法禮懺誦經爲要務。雜陳音樂又其次。

今爲生死捨俗出家。豈宜不修正務。

歐人人盡道爲生死出家。及乎尋常看他何曾以生死當事。且道生死在什麼處。輕輕問著十個到來。却有五雙打寬限。所以不覺不知流入二死海中。滔滔皆是。今日前海口。子不知沒溺殺多少英雄。汝等快做手脚。專致正務。果然手脚穩當。方不

負出家做個真正道人。所謂正務者。修證不無染污。不得除却目前句子。皆非正務。你將問來底。不是正務。我將言答底。不是正務。畢竟如何。是正務。臘月三十日到。不是別人代得。底四十二章經。佛問沙門人命在幾間。對曰數日間。佛言子未聞道。復問一沙門人命在幾間。對曰飯食間。佛言子未聞道。復問一沙門人命在幾間。對曰呼吸間。佛言善哉子知道矣。

而求工伎樂。乃至圍棋陸博。散擲樗蒲等事。

歐博物志。堯造圍棋。以教丹朱。方言自關以東。謂之奕。漢書注。陸博行棋也。鮑宏博經。二棋分黑白各半。擲之。珊瑚鈎詩。話樗蒲。老子入胡作今謂之呼盧。取純色而勝。五燈法遠住浮山。歐陽文忠公聞遠奇。遷造其室。未有以異也。與客棋。遠坐其傍。公遽敗局。請因棋說法。遠令擲鼓。陸塵曰。若論此事。如兩家著棋。相似何謂也。敵手知音。當機不讓。若是接五饒三。又通一路。始得有一般底。祇解閉門作活。不能奪角。衝關硬節。與虎口齊。張局破後。

徒勞遑幹。所以肥邊易得。瘦腹難求。思行則往往

失粘。心粗則時時頭攪。休誇國手。謾說神仙。贏局

輸籌。卽不問且道黑白未分時。一著落在甚麼處。

良久曰。從來十九路迷悟幾多。人文忠嘉嘆久之。

浮山因棋說法。意在言外。乃見臨時應機。便利

若此。後世愚昧大事。未明深恩。未報終日著棋。廢

時失事。爾乃比支道林之手。譚王文郎之坐。隱大

謬一生悲夫。

皆亂道心。增長過惡。噫可不戒歟。

圖善惡對代。箭鋒相拄。究竟爲惡則易。爲善則難。

爲惡如放無轡之馬。爲善如撐逆水之船。此爲爲

善者策發云。

論利利一國之貴。而膺其爵命者。莫不顯榮如來。

三界之尊。而蔽其法服者。豈偏菲薄。愚昧白衣。不

知釋子。惟唾棄甘醴。厭離華屋。所以支形鉢食。棲

宿塚間。正欲刊落驕慢。斷割紛紜。實自隆崇。匪云

賤辱。白衣反心。輕之已爲紕繆。而身爲釋子。不知

自重。吹螺擊鼓。降爲優伶。爲法門之玷。抑何其甚。

夫微公扳松而嘯。見阻於東林。何況於歌。

圖高僧傳。宋僧徽。常至南山扳松而嘯。於是清風

遠集。衆鳥和鳴。超然有勝氣。退咨東林。律禁管絃。

戒絕歌舞。吟嘯可得爲乎。林曰。論及散亂。皆爲違

法。由是乃止。

無著躡水而渡。獲譏於近住。何況於舞。

圖五百問經。有賢者優婆塞。請一比丘。欲施一好

衣。比丘同行中道。值水坑。便躡度。賢者自念。我欲

施一好衣。爲躡度。故當減其半。而比丘得他心。通

知賢者意。前行復見水坑。數四故躡。賢者灰念減

至無衣。但留一食。比丘前行見水坑。不躡。賢者問

何不躡。曰。我若更躡。恐失食。故賢者驚駭。知是道

人。悔過請歸供養。

乃至擣蒲博奕。外書稱爲牧豬奴戲。

圖晉中興書。陶侃爲荊州。見吏博奕。戲具曰。圖棋

堯舜以教愚子。博殷紂所造。諸君並國器。何以此

爲。聖人惜寸陰。眾人惜分陰。諸參佐。每以戲廢

事。乃取擣蒲投之於江。曰。擣蒲者。牧豬奴戲耳。

觀象卜算論中謂之邪命自活

國智度論舍利弗云。出家人合藥種穀植樹不淨活。命名下口食。觀視星宿日月風雨雷電霹靂不淨活。命名仰口食。曲媚豪勢。通使四方。巧言多求。不淨活。命名方口食。學種種術。卜算吉凶。不淨活。命名雜口食。

在道之人。苟少犯之。雖彈指頃。皆足以污其清德。觀笑法師。童齡遇諸掉戲者。詞其徒喪百年。

國高僧傳唐玄奘法師年十一出家。觀諸沙彌劇談掉戲。謂曰。夫出家者。爲無爲法。豈復更爲兒戲。可謂徒喪百年。

而楞嚴博奕抑又甚矣。安禪師定中見談資養者。惡鬼掃其腳跡。

國宋光孝安住清泰寺。定中見二僧倚檻私語。初有天神擁衛。傾聽久之。散去。俄而惡鬼睡。罵仍掃脚跡。頃詢其故。乃二僧初論佛法。次敘閑闕。末談資養。自是終身未嘗言及世事。

而觀相占卜。願可爲歟。當知身既抽管。自合心同。

統玉觀母以至尊至貴之體。而輕自縻繫也。八曰不坐高廣大牀。

國華嚴佛身充滿於法界。普現一切羣生前。隨緣赴感。顯不周而恒處此。菩提座。勝嚴殿。我以妙明不滅。不生合如來藏。而如來藏唯妙覺明。圓照法界。是故於中。一爲無量無量爲一小。中現大大中現小。不動道場。徧十方界。身含十方無盡虛空。於一毛端現寶王刹。坐微塵裏。轉大法輪。

解曰。佛制繩牀。高不過如來八指。過此則犯。

國梵網有繩牀。木床繩床。以繩結爲床。爲行脚者設。木床爲坐禪者設。毗婆沙論。佛八指約高一尺六寸。中人一肘坐時。脚不掛空。過此量者。曰高。但可容身轉側。過此量者。曰廣。既高且廣。名大。雲棲爲對初地學者。不得放逸。身心增長。過惡說也。若言如來報身之量。已非八指限量。況法身之量。哉。故以二嚴經文。標顯其前。

乃至添彩雕刻及紗絹帳褥之類。亦不宜用。

國困學紀聞。舜作食器。流漆墨其上。國之不服者。

十三人禹作祭器墨漆其外朱畫其內國之不服者三十三人舜禹聖君也用漆爲器不爲過分而有賢臣諫諍恐百官庶民靡費不實後世但知舜禹之聖而不知賢臣輔之爲聖也今出家者華其私室精其器皿制度失佛祖之箴受用等王侯之供忠言逆耳直諫者乃老蒼肩諂笑曲奉者是趨此其所以叢林日弊初學記蒿宮布柱實襲國之清猷玉席珠衣乃危邦之弊化古人用草爲座

國世尊雪山修道以草爲座後浴於泥連河天人岸畔采新綠草敷爲座義皇之時巢居穴處皆以草爲座詩嫩草承敷坐長松响梵聲僧因習定曾敷草天爲聞經再雨華蓋上古草座風味可想見也

宿於樹下

國頭陀頌古樹撐天外依稀似劫初何勞更結瓦且喜暫爲麀鹿過苔分翠鳥啣花落徬翻思黃面老龍不歎喃喃

今有牀榻亦既勝矣何更高廣經念幻軀

國物原神農始作床席神農以前無床坐之具今有床榻已勝神農之世何必高廣既高廣矣又尙雕刻乃不知此身匪金石之質終不久住徒勞靡費何如竹床木榻稻草蘆花冬暖夏涼隨時添減爲福也五燈趙州諺始住觀音院律身枯槁僧堂無後架繩床角折繩緊殘薪支之屢有爲師新之者終不允住持四十五年未嘗以一書告檀越脇尊者一生脇不著席

國西域記脇尊者八十出家少年諺曰出家之業一則習禪二則誦經今衰老何所取進尊者聞之誓曰我若不通三藏不斷五欲得六神通具八解脫終不以脇至席晝則研習教理夜則靜慮凝神三年悉證所誓時人敬仰號脇尊者五燈譬峰金參晉雲海示以萬法歸一疑之三年偶摘蔬次忽凝然久之海問子定耶對曰定動不關海曰定動不關是甚麼金以篋示之海不肯金撲篋於地亦不肯爾後工夫益切脇不至席一坐七日聞伐木

聲大悟

高峰妙禪師三年六願不沾牀褥

圖師諱原妙吳江徐氏子母夢僧乘舟來乃孕至離襁褓喜跌坐遇僧入門輒欲從之十五出家投本法住師十六薙髮十七習天台教二十更衣入淨慈立三年死限脇不沾席口體俱忘於天目師子巖西石洞營小室如舟榜曰死關絕給侍洞非梯莫登撤梯斷緣雖弟子罕得瞻視示寂偈云來不入死關去不出死關錢蛇鑽入海撞倒須彌山

悟達受沉香之座尙損福而招報噫可不戒歟

圖水懺序知玄法師邂逅一僧思迦摩羅疾視無倖將別僧曰子後有難當往西蜀彭執茶隴山雙松爲誌玄後居安國寺懿宗禮之賜沉香座忽生人面瘡醫皆拱手因憶僧言入山尋訪二松之間僧出迺立具陳劇苦僧白無傷焉下有泉灌之即愈及明引之泉方掬水瘡作語曰公曾讀西漢書否公卽益我卽錯也累世求報公十世爲高僧戒

行精嚴報不得便今受賜沉香寶座名利心起故能害之幸迦諾尊者以三昧水解之今不改爲患矣掬水痛絕甦後即愈雙松古寺悉隱不見

論沙門坐次自當休息萬事放捨諸緣身心一如動靜無間蓋神通勝業非定不生無漏慧根非靜不發惟是水冷波澄而珠光乃現

圖坐禪儀探珠宜湛靜動水取應難定水澄清心珠自現

鏤緣柱繫而猿蹯斯休

圖禪法要解譬如猿族被繫在柱終日馳走鏤常攝還極乃休息所緣在柱念則如鏤心喻猿族行者親心亦復如是

龜畏陷而謹藏水狗終莫得其便

圖維阿含經一道人在河邊樹下學道十二年貪想不除身靜意遊曾無寧息不能得道佛化作沙門至其所有龜從河中出來至樹下復有水狗饑行求食便欲陷龜龜縮其頭尾四足藏於甲中不能得陷佛曰吾念世人不如此龜放恣六情外魔



得便形壞神去生死無竭輪轉五道苦惱百千即說偈言藏六如龜防意如城慧與魔戰勝則無患馬慙鈍而先發神駿反遠遜其能

圖毗婆沙論如二人俱至一方一乘疾馬一乘鈍馬雖乘鈍馬以前發故而先至信解脫者勸行精進先至涅槃

何有離逐外緣宴安床座佛制沙彌從大僧次第而與

圖四分舍利弗白佛言云何與沙彌房舍臥具佛言從大比丘下次第與

譬令廣座週旋且未容登臥自如

圖四分時小沙彌等大小便吐污泥糞繩床坐臥具諸比丘白佛佛言自今不得令沙彌坐臥繩繩床上若能愛護不污繩坐

安可高床偃仰夫已殃違十世突尋悟達之錄見前備非命盡七朝莫改善容之惑

圖求離牢獄經阿育王弟名善容遊獵見諸梵志裸形苦行問曰有何患累而無成辦梵曰坐有羣

鹿數共合會我見心動不能自制王弟念此等梵志猶有淫欲釋子沙門飲食甘美在好床坐豈得無欲王聞弟生邪見恐永迷沒救諸妓女嚴粧至善容所共相娛樂未經時王躬往語弟汝何將吾

諸妾恣意自娛耶名諸大臣詣市殺之諸臣諫曰王極此弟願聽七日王聽內官作唱妓樂至七日

王問七日之中樂否弟曰不見不聞何樂之有王曰衆妓自娛何以面欺言不樂耶弟曰應死之人

又何情於五欲王曰汝今憂念一身斷滅在欲不樂豈況沙門憂念一身死壞復受一身億百千世

身身受苦念此心酸故出家爲道求於無爲度世之要設不精勤受歷劫苦時弟聞王教乃得醒悟

宜思頭陀十二住止塚間

圖頌第九塚間住荒塚何蕭索所聞皆凄其故壘添新土易見無常儀幽然起九想愛欲皆遠離

從地而起倒因屍悟所思

慈舊四依宿樵樹下

圖隨機羯磨比丘受四依法一糞掃衣二乞食三

樹下坐四腐爛藥

脅不著席難生精進忘疲

醫燈錄十祖脅尊者中印度人名難生九祖伏臥
密多與落髮授戒執侍左右未嘗睡眠謂其脅不
至席遂號脅尊者

坐榻塵交慧照嚴剋自勵薄拘羅八旬壁樹弗倚
國中阿舍經有一異學是尊者薄拘羅未出家時
親朋友往詣薄拘羅所請問其義薄拘羅爲說我
於此正法律中學道以來結跏趺坐八十年未曾
倚壁倚樹

妙禪師三年床櫬不沾矧茲初發淨心志趨聖道
應諸禱求寂之義深維勳策之名縱繼足而致底
沙之德無能希九劫之功詳載下乃繫念而獲長
老之稱寧不拘八齡之愧

國增一阿舍經爾時世尊與衆說法有一老比丘
向佛舒脚而睡有修摩那沙彌年八歲去佛不遠
結跏趺坐繫念在前佛說偈曰所謂長老者如未
剃髮髮雖復年齒長不免於惡行而有年幼者諸

根無漏缺此謂名長老分別正法行

佛云出家以自在爲苦以不自在爲樂

國中阿舍經生聞梵志問佛出家以何爲苦佛言
出家以自在爲苦謂隨順貪欲瞋恚愚癡不守禁
戒因此憂惑故以自在爲苦也又問以何爲樂佛
曰出家以不自在爲樂謂學道不隨貪欲瞋癡隨
戒自制無關諍怨憎憂若有義利故以不自在爲
樂也

時當三復斯言勿使剎那空過爾乃莫不驅羣愚
懷放傾憐情致使善根種子不復開敷道樹枝條
彌加枯悴一旦奄歸長夜願羅責種輪勘冥司將
何酬答然後詢遲悞追思作鴛鴦之鳴嗟其晚矣
國白喻經外國節度之日一切婦女持饅鉢羅華
以爲裝飾有一貧人婦語其夫曰汝能得此華與
我是爾妻否則則去其夫雖貧善作鴛鴦鳴即入
王池偷饅鉢羅華時守池人問池中何响貧人失志
志曰我是鴛鴦即被捉將詣王所中道復作鴛鴦
鳴守池人曰爾先不鳴今鳴何益世間愚人亦復

如是終身殘害作衆惡業不習心行使令調善。臨命終時方欲修善。獻卒將去付閻羅。所雖欲修善。亦何能及。

九曰不非時食

鬪時者。明相出乃至日中。非時者。從日稍側乃至次日明相未出。非時而食。名爲破戒。犯者急須懺悔。除病者。若饑取一切穀豆麥煮不破皮。薑汁非時得飲。若梨棗諸果汁。蔗汁藕根汁。澄知水。色以水滌淨。有渴病。若作務。若遠行。若不得飲。蜜石蜜沙糖漿。以水淨。有熱病。若遠行。若不得食。若食少。若施水處。和水。非時得飲。若器底殘水。被雨澗。亦名爲淨酥油。生酥並同。但此方牛乳。雖不可食。如意仁等。不得觸食。若和他藥。其味已變。得服。若不任爲食者。和時食。謂飯餅羹等。不得食。解曰。非時者。過日午。非僧食之時分也。諸天早食。佛午食。畜生午後食。鬼夜食。

圖出三昧。經午後日過一髮一瞬。卽非時也。非時不食。得五種利益。一離諸貪欲。二神氣清爽。三能

却睡魔。四道業易辦。五增長福壽。處處經佛言。中後不食。有五福。一少淫。二少睡。三得一心。四無有下風。五身得安穩。亦不作病。判定記。一日夜十二時。總成四分。一初分。卽寅辰諸天食時。二中分。卽巳午人佛食時。三晡分。卽申酉戌畜生食時。四夜分。卽亥子丑鬼神食時。宋文帝敕僧同衆於地。筵班食。遲衆疑將不食。帝曰。始可中矣。生公曰。白日麗天。天言始中。何得非中。遂取鉢食。衆從之。帝大悅。徵齊供之儀。禮應先佛。而後天。今諸天早食。則先天。而後佛也。訓若以此土曆日子午推之。先天而後佛。若以西方蓮花觀之。天亦不先佛。亦不後佛。則謂西方以蓮花開合。而分爲晝夜。晝觀十法界。循業發願之境。而與大蓮花之光交映。日時毫髮不謬也。諸天早食者。謂其因中精進五戒。十善。得生天上。故報在蓮花將開之時。將見蓮花之光。以珍饈美饌而爲食也。佛午食者。謂其因中萬德圓滿。諸行具足。依正莊嚴。一切無比。故在蓮花正開時。華光與日光相照。以禪悅法喜爲食也。

畜生午後食者謂其因中迷失本性傷殺物命不知廉恥造不善業故報在蓮花將合之時將離華光以水草爲食也。餓鬼夜食者謂其因中誹謗三寶五逆十惡故報在蓮花合時不見花光以銅汁鐵丸爲食也。

僧宜學佛不過午食

國僧從佛口生如子繼述父志也。續法喜李彪字道固魏孝文朝累官御史中尉領著作管人中興寺訪釋僧鐘時日影小曉鐘不食固曰何聲聞耶鐘曰應以聲聞得度者故現聲聞。

餓鬼聞碗鉢聲則咽中火起故午食尙宜寂靜況過午乎

國餓鬼因中侵奪衆食以自活命令衆饑餓在碗鉢上造業卽於碗鉢上受報所以食時不得碗鉢作聲以慈悲故

昔有高僧開隣房僧午後舉餐不覺涕泣悲佛法之衰殘也

國高僧以佛法爲已任故聞午後舉餐知法運垂

秋故涕泣而悲嘆也

今人體弱多病欲數數食者或不能持此戒故古人稱晚食爲藥石取療病之意也必也知違佛制生大慙愧念餓鬼苦常行悲濟不多食不美食不安意食庶幾可耳如或不然得罪彌重噫可不戒歟

國雲棲爲感病者老者之苦乃體仰佛慈故開此篇當時先輩論議不一謂律中過午且不容藥石況以晚食爲藥食也然藥食古人仍語與雲棲何有四分別衆食除餘時波逸提餘時者病時作衣時施食時道行時乘船時大衆集時沙門施食時此是時茲律文昭著佛意宛然則知雲棲不肯誤人亦不自誤大約律法處處不得不嚴肅而開時不得不方便後人勿以方便爲緣乃以無病爲病未老先老恣意食噉而違佛制也

論初聖人以一日不食爲齋世尊制日中一食佛斷六經因令同三世佛故制日午爲法食正時也及難陀母奉粥上佛佛應許比丘食粥

事見粥有十利

以白色明相爲食粥正時

【婆沙論】明相有三。初日照剎部樹身天作黑色。二日照樹葉天作青色。三日照樹天作白色。三色中取白色爲正。須舒手見掌文分明始得食粥。蓋身爲如來弟子。志求涅槃。豈得下同惡趣。旦時天食。聊可同之。

【毗尼】三昧經。佛爲惠法菩薩云。食有四種。早天食。時午法食。時暮畜生食。時夜鬼神食。時佛斷六趣。因令同三世佛。故曰午時是法食時也。過此以後。同於下趣。非上食時。故曰非時。

是以輪傾一瞬。暑瞬一變。威制所斷。

【毗尼】動也。二瞬名一彈指。摩訶僧祇律。若日過午。一瞬則不當食。日晷過午。一髮許則不當食。大羣釐酒。醴列在戒條。非時不食。斯名齋法。今之方袍。四頂未嘗一日持齋。薄暮餐中。宵大嚼。藥粒狼籍。七箸縱橫。使彼按律自繩。亦難寬貸。佛言。諸婆羅門。不非時食。況我弟子。知法行法。而當爾。

耶。凡如此者。非我弟子。

【舍利弗問經】舍利弗言。有諸檀越。造僧伽藍。厚置資給。供出家人。非時就食。與食者。索食與者。食者得何等罪。檀越得何等福。佛言。非時食者。是破戒人。是犯盜人。非時與者。亦破戒人。亦犯盜人。盜檀越物。非施主。意施主。無福如失物。故但有發心。置立之。善舍利弗。言持受時。食不盡者。非時復食。或有時受至非時。食復得福。否。佛言。時食淨者。是即福田。是即出家。是即僧伽。是即天人良友。是即天人導師。其不淨者。猶爲破戒。劫盜。餓鬼之罪。竄非時索者。非時輒與者。是名退道。惡魔名。惡道。破器。癡病人。壞善果。故諸婆羅門。不非時食。外道梵志。亦不邪食。況我弟子。當知法行法。若盜與盜受。一團一撮片鹽片酢。皆死墮焦腸地獄。明訓昭然。莫之或省。是誠河心似此。卑坏當。破多固少。搏霜作器。毀易持難。不思信施。難消亦任。福田彌薄。觀律中載。一比丘患病。佛教以種種治法。猶不及於食噉。

五分律有比丘服吐下藥不及時食腹中空悶諸比丘以是白佛佛言以酥塗身猶故不差佛言酥和麩塗身猶故不差佛言以暖湯澡濯猶故不差佛言以暖湯飲能延至曉一切不得過時食則病且不開何況無病又外書載僧智燈死已復活傳午後服藥後人增加非佛本意

西陽雜俎貞元中荊州天崇寺僧智燈常持金剛經遇疾死弟子啓手足猶熱未敢殮經七日却活云初見冥王合掌下階訊曰因公持經功德更延壽十年勉脫生死又問人間衆生中曉以藥爲食食意攻仁大違本教燈曰律有開遮故王曰此後人加之非佛意也今荊州僧衆中後無飲藥者則藥且弗聽何況非藥乃縱情非法漫不加意詢及持犯云何惘然若夢而闍羅老子死心佛律政爾精熟安可構愆向盡斂罪待終是猶抱薪而馳烈鐵負石而躍春冰希心倖脫其可得乎若後闍齋時小過杌然竟日

高僧傳齊釋僧侯自蜀還都於後闍創立石室

爲安禪之所自息慈以來至於捨念每日影小庭輒空齋而過

順公疾危誤食吐粒而終

高僧傳梁山陰雲門寺釋智順疾甚不食多日一食中竟弟子疊和以順絕谷日久密以半合米雜羹以進順咽而還吐索水洗澡語和云汝永出雲門不得還住

斯真能剋躬嚴意寧復慮冥司相抗難哉

十曰不捉持生像金銀寶物

國涅槃如恩立法隨法得名處聖稱眞居凡號俗似金作器隨器得名在指曰銀飾臂名釧則一心不動執別號而萬法成差眞金匪移認異名而千器不等若知法法全心作器盡金成名相不能于是非焉能惑又如圓器與方器名字不同若生金與熟金言說有異推原究體萬法皆空但有意言名義差別動卽入識礙爲一心得旨忘緣觸途無寄

解曰生卽金也像似也似金者銀也謂金色生本

自黃銀可染黃似金也

釋譯梵語生像此云金銀卽曇金之類律生者金銀寶不由人工工作所成像者金銀寶物由人工成其器也。云居顯注雲棲解固是凡以金銀造成形像諸器物首飾等皆名生像亦不可捉持寶七寶之類是也

釋譯七寶諸經所載不同舊本二種其間名同而華梵不一今依翻譯名義一例二種皆以梵語爲名華言各釋其下一蘇代羅華言金大智度論金出山石沙赤銅中而有四義一色無變二體無染三轉出無礙四令人富以是義故名爲寶二阿路巴華言銀銀出燒石中世名白金亦有四義與前金同故名爲寶三琉璃華言青色寶觀經疏吠琉璃耶華言不遠謂西域有山去波羅奈城不遠山出此寶故以名之此寶青色一切衆寶皆不能壞色體堅瑩世所希有故名爲寶四波黎或云塞頗抵迦華言水玉卽蒼玉也或云水精體色瑩潤世所希有故名爲寶五半婆洛揭拉婆華言青白

色寶卽琉璃也其狀如車之渠渠車之牙輞也因以爲名以其體堅色明世所希有故名爲寶六摩羅伽華言瑪瑙其色赤白如馬之腦因以名焉以其可琢成器世所希有故名爲寶七鉢摩羅伽華言赤真珠佛地論赤蟲所出大智度論此寶出魚腹蛇腦中其色明瑩最爲殊勝故名爲寶皆長貪心妨廢道業

釋皆字發明生像等極易悟人神智譬如古鏡本來明淨著一點塵埃不得若著一點光明卽爲障蔽天道也者亦著一點貪心不得若著一點至道卽爲乖戾晦堂曰一塵飛而翳天一芥墮而覆地祇者一貪無量法門卽時掩閉從此錯過豈止一日兩日一生兩生欲求與道相遇不是容易大莊論若物能令起惱則不應畜縱令寶玩要必有離如蜂作蜜他得自不得財寶亦却是

故佛在世時僧皆乞食不立煙爨衣服房屋悉任外緣置金銀於無用之地捉持尙禁消可知矣釋佛在世時分衛乞食者皆是菩薩聖僧四事供

●土庫上

養者悉是大權天衆故不惟置金銀於無用之地。卽此條律亦未曾有。蓋爲後人因事而制誦至此。不覺想入佛境界矣。

勸金不願世儒尙然

國世說管幼安諱寧與華歆園中勸菜見地土有片金管揮鋤與瓦石無異歆捉而擲去時人以此定管華之優劣。樂羊嘗行路得道金一餅還與妻妻曰妾聞志士不飲盜泉之水廉者不受嗟來之食況拾金求利以汚其行乎羊大慚乃捐金於野高士傳披裘公者吳人延陵季子出遊見道中遺金時當五月見披裘負薪顧令彼取金公投鐵罽目拂手而言曰何子居之高視人之卑耶五月披裘而負薪豈取遺金哉季子大驚而問其姓曰吾子皮相之士何足語姓名哉。士大夫若愛一文不值一文千古之名言也。

釋子解貧蓄財奚用

國根本部迦葉尊者偈所食無過一升飯眠臥惟須一小牀兩張。布足遮身此外並是愚癡物五

燈瑞鹿本先禪師居瑞鹿一生手不度財物。○慧滿禪師奉頭陀行惟畜二鍼冬則乞補夏則捨之心無怖畏睡無夢行乞食所至伽藍則破薪制履住無再宿後無疾坐陶治中自化燈錢汴州法一與大慈初剃染時同舟下汴慧數顧其笠一怪之伺起取笠視之一金釵在焉重投諸水慧還復顧覓一吒曰吾期汝乃爲金釵動耶已擲之水矣慧禮曰兄眞我師也。○香嚴禪師友除艸木偶拋瓦礫擊竹作聲省悟遽歸沐浴焚香遙禮溪山讚曰和尙大慈恩踰父母當時若爲我說破何有今日之事乃有頌曰一擊忘所知更不假修持動容揚古路不墮悄然機處處無蹤跡聲色外威儀諸方達道者咸言上上機溪山聞得謂仰山曰此子徹也仰曰此是心機意識著述得成待某甲親自勘過仰後見師曰和尙讚歎師弟發明大事你試說看師舉前頌仰曰此是夙習記持而成若有正悟別更說看師又成頌曰去年貧未是貧今年貧始是貧去年貧猶有卓錫之地今年貧錫也無仰曰

如來禪許師弟會祖師禪未夢見在師復有頌曰
我有一機瞬目視伊若人不曾別喚沙彌仰乃報
偈山曰且喜閑師弟會祖師禪也○香嚴於擊竹
聲中悟入成頌自謂千了百當不料被他仰山師
兄一拶換却眼睛直得貧到錐也無處更加一拶
猶道未至第三頌方許他會祖師禪若當時不
是仰山這兩拶幾合有頭無尾何故偈山輕輕放
過放過且止且道他父子心行還有異同也無速
道

今人不能俱行乞食或入叢林或入菴院或出遠
方亦未免有金銀之費

國不能乞食句預見法運衰微能毋感慨此下至
不無金銀之費雲棲未免入水救人以慈悲故有
云律中無暫開之文以雲棲爲杜撰乃不知佛住
世時金銀何用故不提持富斯係法住世非錢不
行恐塞參學之路乃體會佛心因時而著此篇故
下文隨開隨遮不使後學積聚以長貪心也
不營求不畜積不販賣不以七寶裝飾衣器等物

庶幾可耳如或不然得罪彌重慮可不戒歟

國雖登初地專致學道恐其恣長貪心金銀不經
其手而況積蓄徵今叢林執掌錢穀者漫不爲事
於貧能不累乎訓常住司執錢穀無非佛物法物
僧物於已何有若此中沾染毫釐即是饅湯爐炭
若此中逕渭分明即是青蓮華藏寶訓死心曰求
利者不可與道求道者不可與利古人非不能兼
之蓋其勢不可也使利與道兼行則商賈屠沽閭
閻負販之徒皆能求之矣何必古人棄富貴忘功
名灰心泯志於空山大澤之中澗飲木食而終其
身哉必爲利與道行之不相違礙譬如捧漏卮而
灌焦釜則莫能滴矣

論十惡以意業爲上三毒以貪心居首財利於人
爲禍最烈而沙門殆有甚焉律言沙彌四患而手
捉金銀乃與飲酒淫欲邪命自活並列

國四分律沙門釋子不得捉持金銀若錢沙門釋
子捨離珍寶珠璣不著飾好若應捉金銀若錢不
離珠璣珍寶則應受五欲若受五欲非沙門釋子

法日月有四患云何爲四阿修羅烟雲塵霧是日月大患若遇此患不明不淨不能有所照亦無威神沙門亦有四患云何爲四若沙門不捨飲酒不捨婬欲不捨手持金銀不捨邪命自活是謂沙門四大患能令沙門不明不淨不能有所照亦無威神

誠以手捉持則私畜藏私畜藏則生貪著於於損失法財敗殘慧命惡名流布世所賤耻故錢繫衣領非人坐土其上

僧祇律有比丘將一沙彌歸看親里路經曠野有非人化作龍右邊沙彌以華散上讚言善哉大得善利捨家出家不捉金銀及錢比丘到親里家問訊已欲還時親里婦語沙彌言汝今還可持錢去市場所須沙彌受取繫著衣領中道非人見沙彌持錢在比丘後行復化作龍左邊沙彌以土塗上乃言汝失善利出家修道而捉錢行沙彌便暗比丘順問沙彌彌泣言我不意有過無故得惱師問汝有所捉耶答曰持是錢來師言捨棄棄已非

●本圖本

人復如前供養

金沙著灌頭難以飛空

僧祇律目連尊者共專頭沙彌食後到闍浮提阿耨池上坐禪專頭沙彌見池邊金沙心生貪著取沙著尊者澡灌中目連從禪定起即以神足乘虛而還時沙彌爲非人所持不能飛空目連喚彌同往彌曰我不能得往連曰汝有所持耶彌曰持是金沙連曰汝應捨棄捨已即乘空而去

捉持之害如此驗歟故知唐智則匙鉢之外略無兼物衆號爲狂則曰道我狂者乃是狂耳

高僧傳唐智則瓦鉢本匙外無餘物居一室門不掩閉衆號爲狂出家離俗心存衣食行住遮障隔戶鍼筍廢時亂業役役不安而此非狂更無狂者

至哉言乎世間從未聞有學道沙門而餓死者不見有持戒釋子而凍殺者惟當恒堅厥行永勵初心任運而行直意而往自然不至乏絕苟憂其匱則檀施斯阻虞其竭則分衛始艱所以者何憂匱

之心去道斯遠。虞竭之慮與法彌乖。故雖是如來弟子。則龍天不相擁衛。善神不加護持。以至因緣中斷。凍餓交迫。無足訝矣。乃不自究而謂佛法無靈。多藏得算。五邪求利。

國智度論五種邪命。一詐現異相。二自說功能。三占相吉凶。四高聲現威。五說所得利。以動人心。入穢資生。

國華嚴疏演義鈔八不淨物。一置買田宅。二種植根栽。三貯聚穀粟。四畜養奴婢。五畜養羣畜。六藏積金銀錢寶。七藏積象牙刻鏤等物。八藏積銅鐵釜鏝。以自養饜。

槃地之嚴。誠願遠隨。監預命。

國出曜經佛告諸比丘。汝等勿貪調達供養。調達自陷。亦陷他人。昔有羣鷲各各字乳。鷲告其鷲曰。汝若學飛。懸在虛空。見地如槃。俱勿上過。有隨風。傷害於汝頭腦。肢節各在異處。時鷲不隨父母。教飛越過量。為風所吹。喪命異處。鷲涼之恒分。忽越酥麥焚身。

●吉慶告

國出曜經大月支國俗。常以酥煎麥飼猪。時官馬駒謂母曰。我等與王致力。不計遠近。皆赴其命。然飼以草藹。飲以潦水。母曰。汝等慎勿與此意。羨彼酥煎麥也。不久自當現驗。時逼節會。新歲垂至。家家縛猪。投於鑊湯。舉聲呼喚。馬母吉子。汝等頗憶酥煎麥否。欲知證驗。可往觀之。諸馬駒等審然。方知前德。情分食草。時復遇麥。終不敢食。

古德云。不愁戈戟從空下。竊孔單絲絆殺人。斯求寂所當深念者歟。

國華嚴佛子。譬如三十三天。共阿脩羅鬪戰之時。諸天得勝。脩羅退。阿脩羅王其身長大。七百由旬。四兵圍繞。無數千萬。以幻術力。將諸軍衆。同時走入藕絲孔中。菩薩摩訶薩亦復如是。已善成就。諸幻法智地。幻智即是菩薩。菩薩即是幻智。能於無差別法中。入定差別法中。起差別法中。入定無差別法中。起法昌。錄師與衆僧。喫藕次。乃云。昔阿修羅。曾與帝釋交戰。修羅戰敗。退入藕絲孔中。汝等諸人。各各喫藕。還曾咬著得幾個修羅麼。時有

一僧作囉勢師云。大眾喫藕。偏汝作麼。勞僧云。若不恁麼。恐遭人怪。笑師曰。直饒恁麼。也遭人怪。笑僧曰。和尚又作麼。生師曰。但喫藕去。無作麼。生藕絲詩。西方美人洗藕蓮。庄北手把金刀如切玉。玉中誰識藏冰絲。刀刀玉斷絲還續。因之有感偶而謔。句裏宮商費琢磨。齒頰冰聲忘六月。咿哦滿口含霜雪。戰戰兢兢。轉多纖女。雖巧愁秋波。賴我舌本通泉谷。香波迂遠蓮華腹。地緯天經神鬼呵。絲絲燐燐。照山河。莫教根蒂驚食盡。留取一絲兩絲藏脩羅。

沙彌律儀毗尼日用合參卷上

沙彌律儀毗尼日用合參卷中

威儀門

菩薩戒弟子雲棲寺沙門 秋宏 輯集
靈居山真如寺晦山沙門 戒顯 訂閱
寓黃山慈光寺石樹沙門 濟岳 彙箋

威儀門者。正顯上篇戒律門之文也。威者。威以德見。非匹夫匹婦。幽莽之威。及作威做勢之威也。儀者。儀以行見。非消沮閉藏之儀。及脇肩詔笑之儀也。門者。自藏中沙彌十戒并威儀一卷內。載四十二事之門。今雲棲列二十四條。不啻威儀三十禮儀八百約而言之。惟一心行何則。心爲功曹。諸體皆從使功曹若正。從使亦正是。故心不妄想。心威儀也。身不妄動。身威儀也。口不妄言。口威儀也。其餘諸根不妄。而威儀亦復如是。當知六根門頭。一動一靜。何處不是威儀。如香嚴聲色外威儀是也。菩薩戒經四威儀。謂修道之人心不放逸。若行若住。調攝其心。成就道業。雖久於行坐。亦當忍其勞苦。非時不坐。非時不臥。設或住臥之時。常存

佛法正念如理而住於此四法。動合規矩不失律儀。是謂四威儀。一行謂舉趾動步心不外馳。無有輕躁。常存正念。以成三昧。如法而行。二住謂非時不住。若或住時。隨所住處。常念供養三寶。讚嘆經法。廣爲人說。思惟經義。如法而住。三坐謂跏趺。宴坐。諦觀實相。永絕緣慮。澄湛虛寂。端肅威儀。如法而坐。四臥謂非時不臥。調攝身心。或時暫臥。則右脅宴安。不忘正念。心無昏亂。如法而臥。波羅蜜多。經如來行步。進止儀。雅其猶。驚王如來行步威容。齊肅如獅子。王冕文元公七番第一一切妄念能消否。第二一切外緣稍簡否。第三一切觸境能不動否。第四一切語言能慎密否。第五一切黑白滅分別否。第六夢想之間不顛倒否。第七方寸之間得恬愉否。常著座右四威儀中時。自考核以警惰。懶以代。曾子三省之儀。道力淺深。以自審知。佛制沙彌年滿二十。欲受具足戒時。若問不能具對沙彌事者。不應與具足戒。當云卿作沙彌。乃不知沙彌所施行沙門事大難作。詳前沙門大沙門卿且去熟

學當悉聞知。乃應受具足戒。今授卿具足戒。人謂佛法易行。沙門易作。故當先問。

問世間男子年滿二十。在成人之列。孝弟在。躬出世間男子年滿二十。偉然僧相。當爲大比丘事。若沙彌年滿二十。不發心進具戒者。和尙團聚。應開導發心。若三勸不發進戒之心。不應與共住。與共住者。非和尙。非團聚。若沙彌要求進戒者。應審是沙彌戒相。及所施行事。若沙彌不知不識。且令熟學。然後許可。徵沙彌將受比丘大戒。當學比丘大事。何必瑣瑣問沙彌中事。謂上篇不云乎。律儀爲比丘戒之階梯。乃菩薩戒之根本。若根本培之不深。枝葉花葉安得茂盛。其猶掘乾土而思甘泉。無有是處。故沙彌律儀不可不深究也。

以下條則於沙彌威儀諸經

毘藏中有沙彌十戒。經沙彌十戒并威儀沙彌儀

軌。頌沙彌尼戒。經沙彌尼離戒文

及古清規。百丈禪師著也

今沙彌成範中節出。笑巖月心老人著也

又宣律師行護律儀。宣律師所著也

雖誠新學比丘

有可通用者。亦節出。良以末法人情多諸懈怠。聞繁則厭。緣是刪繁。取要。仍分類。以便讀學。間有未備。從義補入。一二其有樂廣覽者。自當閱律藏全書。

【指月樓賢。性高簡。律身動不違法。暮年三終藏經。以坐閱不恭。則立誦行。披南公少年從之。故取法。譬曰。棲賢和尚。定人天中來。藏經乃佛祖命脉。閱藏經。即能通佛祖命脉。即是佛祖應身。今之爲僧。不聞藏經名字。而終身無憾者。不知何以自處。

敬大沙門第一

【國梵語沙門。具云沙迦。迦。華言勸息。亦云桑門。涅槃云。善覺謂勤修戒定慧。息滅貪瞋癡。識心達本源。故號爲沙門。即弘宗演教。德行兼美。諸善知識也。大方廣寶篋經。離諸經聚。故名沙門。沙門有四。一勝道沙門。稟佛出家。能滅貪瞋癡等煩惱。得證勝道。故二說道沙門。已調伏貪瞋癡等煩惱。而能宣說正法。爲令衆生入佛道。故三壞道沙門。謂

破諸禁戒。行諸惡法。非是梵行。妄稱梵行。故四活道沙門。能調伏貪瞋癡等。勤修正行。所有善法。堪能生長智慧。命根。故第一者。梵網十重。以殺戒爲第一。此律儀。亦以殺戒爲第一。梵網四十八輕。以不敬師友爲第一。此威儀。亦以敬大沙門爲第一。故律儀日用。爲菩薩戒之根本。不言自信矣。此下引證諸經。爲發明數字也。方廣大莊嚴經。佛法如海。容納百川。四流歸之。皆同一味。據戒前後。不在貴賤。四大合。故假名爲身。於中空寂。本無吾我。當思聖法。勿生憍慢。普羅經。難陀出家。禮家僕優波離。大地爲之震動。梵網若佛子。初始出家。未有所解。而自恃聰明。有智。或恃高貴。年宿。或恃大姓高門。大解大福。大富饒。財七寶。以此憍慢。而不諮受。先學法師經律。其法師者。或小姓年少。卑門貧窮。下賤。諸根不具。而實有德。一切經律盡解。而新學菩薩。不得觀法師種姓。而不來諮受。法師第一義。諸者。犯輕垢罪。○既得戒。已生孝順心。恭敬心。見上座和尚。阿闍黎。大德同學。同見同行者。應起承

迎禮拜問訊而菩薩反生憍心慢心癡心瞋心不起承迎禮拜犯輕垢罪四分沙彌不應以生年爲次第若生年等者應以出家爲次第註四姓捨家入道同爲釋子不得復論種姓比丘體是僧寶專尊戒臘登應更計生年故雖百歲沙彌亦當敬初受戒比丘如法華父少而子老義同指月雲門問曹山如何是沙門山曰喫常住苗稼者是曰便恁麼去時如何山曰你還畜得麼曰畜得山曰你作麼生畜曰著衣喫飯有甚麼難山曰何不道披毛戴角門便拜

敬大沙門偈

若見沙門此句重在見字當願衆生當作敬字觀

調柔寂靜畢竟第一

國華嚴淨行品因智首菩薩所問一百十問文殊答一百四十一偈之一也其日用所行何事卽隨事以發行願也華嚴大義要於事上見理理事雙通方得入事事無礙畢竟止息唯大涅槃調柔寂靜者法華靜然安不動其心常淡薄是也畢竟第一者威儀寂靜爲世出世間之導師故曰第一

不得喚大沙門字

國古人不取稱大沙門名字以所住山頭尊稱之如南嶽百丈等是也今之後生開口撒呼尊宿名字損福良多不可不知

不得盜聽大沙門說戒

國佛制黑白月誦戒羯磨或作如法僧事一切不得盜聽盜聽者與五逆同科永不許受比丘戒徵衆生墮惡道一聞佛法便得拔苦云何聽戒不言生福而曰盜者何也訓未受戒者如蒙童未定之天宜深畜之故不使與作如法僧事如法者有不如法者向如法僧前宣罪悔過還得清淨若未受戒聽之如以利刀斬其信根卽斷將來佛命故曰與五逆同科蓋不止判盜而已

不得轉行說大沙門過

國沙門有過自有沙門舉沙彌不應說成範設有說者當善遮護永嘉云或是或非人不識逆行順行天莫測固不可以小智窺其大用也師法頌常慕於師德不應窺小過善恭敬經師實有過尙不得說況當

無也。若有比丘於其師邊不恭敬者。我說別有一小地獄。名為椎撲。當墮是中。墮彼處已。一身四頭身體俱然。皆歸往昔。罵辱於師。舌根過故。恒食屎尿。捨身已。常生邊地。具足惡法。毀謗沙門者。請看是經。不得坐見大沙門過不起。

尋常見尊長過。必先起作禮。謙下問訊。況見大沙門到。肆坐不起也。大沙門者。佛祖後裔。輕慢沙門。即輕慢佛祖也。

除讀經時。病時剃髮時。飯時作衆事時。

讀經時。如對佛語坐時。如寶塔相似。故不須起。病時。應以調攝爲事。不起立。爲禮剃髮時。受持偈呪。衆之利刀在手。故不須起。飯時三匙五觀。正命受食。若起立不成齋法。故不須起。作衆事時。若起立妨常住事。故不須起。

行護云。五夏以上。即闍黎位。

五夏。即五年也。阿遮利耶略云。闍黎。唐言軌範。善提資糧。論阿遮利夜。隨言正行。南山鈔。能糾正弟子。故四分律。五種阿闍黎。一出家阿闍黎。即剃度之師。

也。謂出家必依師剃度。所以得出家是也。二受戒阿闍黎。謂既得出家。必依師求受戒法。於受戒時。得作羯磨是也。三教授阿闍黎。謂既得戒法。必得師教授威儀。從教授得威儀是也。四授經阿闍黎。謂出家必須依師受習經文。解說義理。從所授經得讀修妬路。若說義乃至一四句偈等是也。五依止阿闍黎。謂比丘度夏。當依師住。或依止作宿。乃依止住一宿者是也。

十夏以上。即和尚位。

十滿數。言得戒已經寒暑十易。而此戒無損。如美玉無瑕。正堪接物。利生。即和尚之位。和尚。或云和尚。翻疏。翻譯多難。番胡二傳。天語不得聲實。故訛傳梵本。正名烏波遮迦。傳至于闍黎。爲和尚。傳至此土。什師翻。爲力生。後漢言。知有罪。知無罪。律滿足十夏。方住師位。復須成就五法。一知有犯。二知無犯。三知輕四知重。五於別解脫經。廣能開解。於諸學處。創結隨開。若遇隨緣。善知通塞。常誦戒本。能決他疑。益見多聞。自他俱利。威儀行法。無有虧犯。具足是德名。

親教師。緣其親能教出離法。故雖近園於諸學處。不議輕重。設六十夏。仍須仗託明德。依止而住。雖比丘事沙彌。當預知之。

圖比丘事云。何沙彌當預知也。謂將來不久登壇爲比丘。故當預知比丘事。所以滋培初志。使其精進不退。捨小見大也。徵前云。不得聽大沙門說戒。聽則判五逆同科。此云當預知之。二說若有所阻也。調誦戒羯磨發露罪相。放下座不得聽上座羯磨。當預知者。正所以策進向上。入大乘戒法。毋住跡沙彌。得少爲足也。

事師第二

圖舍利弗問經文。殊師利白佛言。云何說父母之恩。不可不報。師僧之恩。不可稱量。二者恩大其孰爲最。佛言。夫出家者。捨其父母。生死之家。入法門中。受微妙法師之力也。生長法身。開發智見。出功德財。養智慧命。功莫大焉。追其所生。乃次耳。根本雜事。若人依托修行。於佛法中。剃除鬚髮。而被法服。以淨信心。出家修行。彼人於師。乃至盡壽四事。

供養未能報恩。華嚴凡夫無智。執著於我。并執我見。憍慢貢高。不愧無智。妄自尊大。見善不從。罔受教誨。於賢不親。去道甚遠。夫求戒法。當折我心。思惟聖道。屈節卑體。敬事師長。所謂尊師重道。見賢思齊也。弘明集師之爲功。在於發悟。譬猶荆璞而瑩拂之耳。若質非美玉。瑩拂何益。五燈香林。遠依雲門十八年。爲侍者。門凡接師。則呼曰遠侍者。師應諾。門曰。是甚麼如此者。十八年一日。方悟。門曰。我今更不呼汝矣。師一日辭門。門曰。光合萬象。一句作麼生。道師擬議。門令更住十年。梁僧佛言。天下善知識者。莫過師長。既能自度。亦復度人。師長令我遠離惡趣。太平御覽。道部。師者發蒙之基。學者有師。亦如樹之有根也。大智。既成。復能成就。小智猶樹根。生子子復能生。根展轉相生。種類不絕。文中子。天地生我。而不能鞠我。父母鞠我。而不能成我。成我者。夫子也。道不啻天地。父母通於夫子。受罔極之恩。華山注。師以開導友以切磋。世出世間法器。全賴師友。所當敬重。尙存憍慢。一生福。



慧消滅放戒之如常隔買心肝而學般若世尊因地爲半偈捨全身然千燈爲法忘身也

當早起

闍凡事早起事事次第不至卒暴諺曰一日之計在於寅

欲入戶當先三彈指

闍欲入戶便師所需也三彈指聽師進止也僧伽律晨起須右腳入師戶

若有過和尚闍黎教誡之不得違逆語

闍失於中道謂之過師長教誡違逆語過而又過不可教也凡聞師教誡靜默聽受記取不忘若有問難當調柔進語若不調柔發言顯惡同於逆論事師法頌若師所教誨歡喜當聽受自己或不能則善言啓白緣依止師故所作皆成就殊林受說無違則理超情俯如說聽乖宗則難通會是以一衆既虧六反斯謬一言有失則累劫受殃故知傳法不易受聽極難良由去聖日久微言漸昧而一說一受固亦難行恐名利關心垢情難淨也

視和尚闍黎當如視佛

闍諸佛已過去未來尚未現在說法者惟和尚闍黎代佛宣化故曰當如視佛正錄錄今之軒軒聲譽於當世者不知有闍黎師法而返誣誣幾死者又何怪乎後生小子習以成風而不喪心病狂者哉嗟嗟今日之闍黎可以誣詬而他日又可以爲人說戒作師範手梁儀謗師毀師憎師嫉師法中大魔地獄種子

若使出不淨器不得睡不得怒恚

闍穢氣人皆畏避然事師孝行義無畏避之理既除糞器唾及怒恚猶不除也故除糞器不待師見默慰師意若於師前作怒畏狀義同逆論曲禮凡爲長者除糞之禮必加帶於箕上以袂拘而退其塵不及長者以箕自擲而扱之事師法頌勿令阿闍黎少分生煩惱無智相違背定受阿鼻獄

若禮拜師坐禪不應作禮師經行不應作禮師食師說經師梳齒師澡浴師眠息等俱不應作禮

闍觀七十二威儀敬禮師法候在晨晡以表一日始

終之誠出晨晡非禮也。若問佛法及遠歸不拘亦須候師無事然後作禮。師若有事俱不應作禮。師閉戶不應戶外作禮。欲入戶作禮應彈指三遍。師不應應去。

○指月趙州問沙彌。請參向侍者。曰。教伊去者。乃教去。沙彌便珍重。師曰。沙彌得入門。侍者在門外持師飲食。皆當兩手捧。食畢。斂器當徐徐。

○兩手捧恭敬之致也。若奉師飲食。當過眉。恐粗氣觸食也。始於奉食。終於斂器。無粗行之狀。故曰徐徐。侍師不得對面立。不得高處立。不得太遠立。當令小語得聞。不費尊力。

○善見論立處高遠。意不相接。語不投機。事師法頌。若足踏師影。獲罪如破塔。論不宜太遠。頌不宜太近。至若不遠。左右逢源。應時及節。不費師言。事周到心。心法門。而事師之道備矣。

若請問佛法。因緣當整衣禮拜。合掌胡跪。師有語。澄心諦聽。思惟深入。

○善恭敬。經若有所疑。先應諮白。若見師許。然後請。

決。弟子諮決於師。未有坐而問者。如須菩提。舍利弗等。啓問世尊。必從座而起。願回曾子。請問夫子。必避席而問。雖門庭各別。其理一致。下二句乃見聽受誠切之至。

若問家常事。不須拜跪。但端立。師側據實申白。

○影家無常。禮有至禮。存焉非無禮也。謂禮有時。師若身心倦。教去。應去。不得。心情不喜。見於顏色。讀書以變化氣質。爲先。學道以承順師意爲始。孔子曰。色難。工夫與法華柔和善順。而不卒暴。合看不可異同也。

凡有犯戒等事。不得覆藏。速詣師前。哀乞懺悔。師許則盡情發露。精誠悔改。還得清淨。

○懺悔。即悔過。華梵兼舉也。水機包藏瑕玼。佛不許可。說悔宜罪。淨名所尙。故有罪當盡情發露。如雲開月現。日照霜消。若有一絲覆藏。卽爲欺師。亦爲自欺。不得清淨。大慧錄。古人見善則遷。有過則改。率德循行。思免無咎。所思莫甚於不知其惡。所美莫善於好聞其過。然豈古人之才智不足。誠見不明。而若是耶。

誠欲使後世自廣而狹於人者爲戒也。毛詩正義嘉道之門。幽閑由希視人行之跡。故有此轉。此轉既生。必得答。乃可以開析而去之。以冀陳我之心。不明由希視。良師之教。故有此惡。此惡既成。必得徒飾其辭而已。誠發乎中心。形乎容貌。其愛之也深。其更之也速。如追免惟恐不逮。故有進業無退功。

師語未了不得語

與人語必待彼語畢。方進若師語未了。而夾雜進語。若拂師意。故言有終始。語有次第。不可不知。

不得戲坐師座

師座千古聖賢所尊之位。若涉於戲。則得罪彌重。若分座說法。僧差誦戒。坐者無犯。燈錄黃檗一日捧鉢至南泉位上。坐泉入堂。見便問。長老甚年行道。泉曰。威音王已前。泉曰。猶是王老師兒孫。下去。檗便向第二位坐。泉休去。滿山云。欺敵者亡。仰山云。不然。須知黃檗有陷虎之機。滿山云。子見處。得與麼。雪竇云。可惜。王老師只見錐頭利。吾當時若作南泉待伊道。威音王已前。即便向第二位坐。令黃檗一生起不得。

雖然如此也。須教取南泉妙喜曰。何待問他甚年行道。纔入堂。見他在主位。便捧鉢向第二位坐。直饒黃檗有陷虎之機。擬向甚處施設。黃檗欲占先機。翻成退後。南泉但能向上。不能向下。以至主賓失次。遺笑作者。雖然且道。那裏是主賓失次。處頭最尊一位。許誰知。纔擬生心。受者擬莫向威音敘戒。願諸看古佛親來時。

及臥師牀著師衣帽等

師與不犯師。不與輒著者犯

爲師曉達書信。不得私自拆看。亦不得與人看

書所以表信也。故離書於千里之外。恍如面諒。夫道人書中。無不可與人看者。然亦有爲人方便處。若途中拆看。與人看。而有浮沉等事。小則損師名節。大。有意外之禍。有累法門。故當慎密。

到彼有問。應答則實對。不應答則善辭却之。彼留不得。便住。當一心思師望歸。

凡爲專使。應答不應答。要在臨時轉變。若不應答。答之則與書相違。徒勞往返。燈錄青原思令希遷持

書與南嶽議曰汝達書了速回吾有個鋤斧子與你住山遷至彼未呈書便問不慕諸聖不重已靈時如何嶽曰子問大高生何不向下問遷曰事可承劫受沉淪不從諸聖求解脫便休遷便回青問子返何速書信達否遷曰書亦不通信亦不達去日蒙和尚許個鋤斧子抵今便請青垂一足遷便禮拜○馬祖令人送書到徑山欽書中作一○相師發誠於○相中著一點封回忠國師云欽師猶被馬師惑徑山泉云馬師仲冬嚴寒欽師孟夏漸熱雖然寒熱不同彼此不失時節忠國師因甚却道欽師猶被馬師惑遷委悉麼無風荷葉動決定有魚行○潭州大潯佛性泰禪師問悟住蔣山時師爲座元有僧仲安來謁悟因叩師領旨及師住德山遷安至蔣山通嗣法書於悟時悟坐丈室安捧書趨前悟曰千里馳遠不歸宗風公案現成如何通信安曰觀面相呈更無回互悟曰此是德山底那個是專使底安曰豈有第二人悟曰背後底麼安便度書悟曰作家禪客天然猶在安曰分付與蔣山乃下通首座大衆書於僧堂前首座

問曰玄沙白紙此自何來安呈起書曰見鑿座遂引手接安復執却曰久默斯要不務速說今日拜呈幸希一鑑座便喝安曰作家首座座又喝安打一書座擬議安曰未明三八九不免自沉吟又以書打一下曰接悟與佛眼立於法堂盼其作略悟厲聲曰打我首座死也佛眼曰官馬斯踏有甚憑據安曰說甚官馬斯踏正是龍象蹴踏悟曰喚來安復至法堂上悟曰我五百衆中首座你爲甚麼打他安曰和尚也吃一頓始得悟顧佛眼吐舌眼曰未在乃顧安問曰只如空手把鋤頭步行騎水牛人從橋上過橋流水不流意作麼生安低躬曰所供竝語是實悟笑曰元來是家裏人遂至五祖自自曰書裏說甚麼安曰文彩已彰自曰畢竟說甚麼安曰當陽揮寶劍自曰近前來這裏不識數字安曰莫詐欺自顧侍者曰這是那裏僧安曰多少人疑著侍者曰曾在和尚會下去自曰怪得恁麼滑頭安曰曾被和尚鈍置來自遂將書於爐上寫曰南無三滿哆沒咤喃安近前彈指而已安載至蔣山坐夏悟便分應接納秋辭歸悟曰子何

所需安曰。短語須要十數丈。長句只消三兩言。悟以頌嘉賓之安後。出世鼎州靈巖。

師對賓或立常處。或於師側。或於師後。必使耳目相接。候師所需。

國尋常侍師。當盡孝。盡敬。賓客在座。猶宜謹慎。候師所需。勿失其時。如仙陀婆。始稱伶俐。若師於尊客前。高聲呼喚。大費神氣。有失事師之道。

師疾病。一一用心調治。房室被褥藥餌粥食等。

國師者。法身之父母。亦猶世間稚子。不可一日無父母。而釋子不可一日無師法也。故敬順師法。如事父母。若師有疾。當用心調治。或師病中。嘔罵亦當恬忍。始終奉事。勿生厭倦也。北山紀聞。月堂曰。黃龍居積翠。因病三月不出。真淨宵夜憑牀。以至燃頂。煉臂。仰祈陰相。黃聞之。責曰。生死固吾分也。爾參禪不達理。若是真淨。從容對曰。叢林可無克文。不可無和尚。識者謂真淨敬師重法。其誠至此。他日必成大器。

持衣受履。洗浣烘晒等具。於律中。茲不煩錄。

國律中事。師名相既廣。約言惟誠。惟孝事師時。時以

誠孝存心。則一切奉事自然不苟。師資之間。水乳相合。而道在其中。

凡侍師不命之坐。不敢坐。

國弟子侍立師前。逢源左右。固其分也。而師或怒其久立。勤苦乃命之坐。慈也。弟子敬順師命。卽坐。理也不命之坐。而坐慢也。

不問不敢對。除自有事欲問。

國師資問答。不知語脉。則言無根。言無根如亂麻。無緒。古人悟後問答。如電影穿針。絲來線去。又如水面回紋。飛花點綴。故雖家常話。須知泥裏有刺。

凡侍立不得倚壁靠桌。宜端身齊足側立。

國曲禮立必正方。立毋跛。跛偏任也。凡立師前。鞠躬如也。勿現疲勞怠惰之容。及作屈指之聲。論語恭而無禮則勞。

欲禮拜若師止之。宜順師命。勿拜。

國逆師命。強拜。雖拜無禮。反得罪。若順師命。不拜。勝於拜也。

凡師與客談論。涉道話有益身心者。皆當記取。

國欲知佛法深妙。當觀日用尋常。凡師與客談論。無非佛法機緣。故當記取燈錄雲門偈說法如雲如雨。不許記錄見錄之者。必罵逐曰。汝口不用反記吾語。他時必裨販吾去。今室中諸皆香林以紙爲衣。隨所聞書之。

師有所使令。宜及時作辦。不得違慢。

國師所命事。當乘時作爲。惟恐更有聞命若少懈得。違慢罪論語。子路有聞未之能行。惟恐有聞成範。凡聞師喚。當隨應而至。若有所需。卽依法授之。聖賢帝王非教不知故事。師之道無犯無隱。若加恚怒爲罪。滋大太微。仙君功過格見明師。不參授典教爲二過。不依師教旨爲十過。反叛師爲五十過。違師教令爲三十過。尊長父母同此。

凡睡眠不得先師。

國後師而臥者。候師所需也。或有言論教誡。故不敢先臥失事師之禮也。

凡人問師。諱當云上某下某。

國諱避忌也。隱也。生日名死曰諱。今俗問人諱大謬。

矣。東方朔七諫。願承間而效志。兮。恐犯忌而干諱。不敢直呼師名。故加上下二字。若問師號。不須上下二字。當答某某大師號者。如國之號。令天下稱之。若加上下二字。世無是事故錄。楊岐之稱師號表而出之。燈錄楊岐提刑山下過楊岐會出接提刑刑問和尚。法圖何人曰。慈明大師曰。見個甚麼道理。便嗣他曰。共鉢盂喫飯。曰。與麼則不見也。師捺膝曰。甚麼處是不見楊大笑。師曰。須是提刑始得。鶴林玉露古人稱字最不輕。孔門諸子稱夫子爲仲尼。今世平交稱字稍尊貴者。便不敢稱字。與古異也。珠林諸佛名號稱揚敬禮而獲福。其出於尊敬之口。則爲福。出於輕薄之口。則爲禍。

凡弟子當擇明師。久久親近。不得離師太早。

國師資之緣分定。固不可強。上下決擇宜慎於始。當尊制三年。然後薙髮。以盡煅煉。中間永無離師之道。況曰早離。近來出家者。不慎於始。卽爲薙髮。不兼月往矣。古人未嘗不急急於得人以繼其志。必先辯其語句。觀其作用。察其所以。以定師資之緣。略舉一則。



以見古人厚道。今人所能及也。如臨濟遭黃檗三頓棒。自謂緣不在此。乃辭檗曰。汝不須他往。但到高安參大愚去。及至大愚。有肋下還拳之機。愚曰。汝師黃檗非干吾事。黃檗大愚可爲善爲實主。互換者也。較之今日。在還拳處早已敗下一員。戰將誰肯道汝師黃檗哉。○烏窠禪師見秦望山長松盤屈。遂棲止其上。侍者會通一日辭去。師問曰。汝今何往。曰。會通爲法出家。和尚不垂慈。今往諸方學佛法去。師曰。若是佛法。此間亦有。少許曰。如何是和尙佛法。師於身上拈起布毛吹之。通遂領悟玄旨。○葉縣省嚴冬冷淡。衲子畏敬之。浮山遠天衣初參時。值雪寒。省呵罵。遂至水浸不去。既領執。不合用。常住物慙。衆作油麪羹。遂估衣鉢償所值。復逐之。卽住院房。復追租。遠無難色。乞諸市還。聽法。仍不倦。省謂衆曰。遠其稍僧也。迎歸之。○浮山遠曰。古人親師。擇友。曉夕不敢自怠。至於執爨負薪。陸沉賤役。未嘗憚勞。予在葉縣。備嘗試之。然一有顧利害較得失之心。則依違姑息。無所不至。且身既不正。又安能學道乎。筆冷元印簡。

●丘隱兵

山西寧遠人。幼禮中觀。召爲師。十八元丘下寧遠。四衆逃離。簡侍中觀。如故。觀曰。吾追桑榆。汝方盛年。宜自逃遁。簡泣曰。死生有命。安可離師。苟免乎。明日城降。元帥史天澤問曰。汝何人。曰。沙門曰。食肉否。曰。何肉。曰。人肉。曰。豹。尙不相食。況人乎。史喜而釋之。梵網孝名爲戒。經義戒卽孝也。離戒非孝。余謂戒卽師也。離師非孝。然亦有不離師而人不名其孝。何也。謂其雖近師。前言不遜。順行多違。逆離心離德。故也。亦有言遜而行順。而人不名其孝。何也。謂其內則詐僞。不實。外則脇肩詔笑。傾節小節。悅一時之耳目。乃不顧壞千占之大綱。以是不名孝也。如簡公事師。臨難不肯苟免。至死不改其節。可謂孝之聖者矣。筆冷唐清江禮曇。一律師受業。經典爛目。而通讀者曰。此繩門千里駒也。嘗與師稍忤。捨而遊方。遍歷法筵。自責曰。天下行半。如我本師者。鮮矣。乃還師所。僧集時。負荊唱言。某再投和尚。惟願攝受。時一公詬罵。江雨淚。懺謝曰。前念無知。後心有悟。望和尚大慈。施與歡喜。求哀再四。一公憫之。遂爲師。資如初。一公後謁忠。

國師密傳心要 凡師於弟子未有不爲得微困而用毒辣手脚煅煉然須是個人始得若施之不當釀成鈍置師資之間均失大利如江雨離師之緣如食極初時上口苦澁不禁直至中途殊覺甘味因懷感師恩乃歸負薪悔過若非末後殷勤幾合不起懷疑

如師實不明當別求良導

國出家第一要決擇生死以大悟爲期其次要明如來五時四教經義又其次要明律儀開遮持犯戒相此三者全仗明師開示次第參學若此三者一不知則與世諦流布返不如俗漢惡在其爲師法哉故曰常則求良導良導者謂良師良友相依以明前三要也徵有欲以計則刪去何也刪刪去之意正恐弟子欲棄其師乃以此藉口若真爲生死別求依止亦必明告其師乃可他投今之輕棄本師者多以其師因緣淡薄心懷輕藐因而趨慕多聞獵取聲譽較之眞爲生死大相逕庭昔均提感念師恩願終身爲沙彌給侍此心何心凡爲弟子者宜錄此一則懸諸座右

右時省觀爲智度論譬如嬰兒不應離母又如行道不離糧食如大熱時不離涼瓜冷水如大寒時不欲離火如深水不應離船病人不應離良醫

設離師當憶師誨不得縱情自用隨世俗流行不正事

國憶師誨者不忘師平日所誨恍如耳提面命終身不違若恣逞已意便同流俗

亦不得住市井鬧處

國市井喧囂雜沓非大力量者不能和光同塵入塵垂手故頭陀經先擇阿蘭若處爲第一義故燈錄宋武寧慧禪師與圓通秀鐵面同參天衣安居武寧荒村破院單丁三十年而圓通應詔居法雲威光烜然後以書致安安不拆而棄之侍者問何故安曰吾始以秀有精彩今知其癡也出家兒塚間樹下辦那事如救頭然無故於人達衢頭架人屋養數百閑漢此眞開眼尿牀何復對哉 圓通秀者當時之烜赫者也尙遭武寧貶削若此遐想當時眞實爲此事者可以屈指指外皆是閑漢余嘗曉曉諸方之烜赫者大半

虛張聲勢。究竟真實爲此。者。幾人。謂武寧之言。殊覺。胸臆。清。香。毛。骨。疎。爽。筆。論。寄。魁。書。記。倡。云。僧。仆。城。隍。佛。祖。洞。先。賢。多。是。隱。叢。阿。山。泉。流。出。人。間。去。清。水。自然成濁波。

不得住神廟

國不住神廟者。謂神以酒肉爲禮。祀住則僧儀。僣蹇。人所輕忽。夜出家者。佛在世時。依佛而住。時當像法。則依佛像而住。是故持戒者。不禮鬼神。且爲鬼神欽敬。若住神廟。則爲鬼神所呵。筆論。瑞少。墨。國。人。剛。介。自持至順。間毅然棄去。金陵訪龍翔。訴公。於是延第一座。適移忠。虎。席。公力薦之。師辭曰。公未思移忠乃宋奸臣。奈槍香火。槍挾私。勢。偏。管。大。慧。於。梅。衡。我。雖。不肖。忝承其裔。何忍嗣其香火。時鴻儒宿德。無不稱譽。從來道德與忠孝相繼。未有離於忠孝而別有道德。墨祖之論。千古不磨。實爲可法。◎黃龍死心住翠巖。時翠巖有淫祠。鄉人槍讓酒肉。無虛日。師誠知事令毀之。知事辭以不敢。擬禱師曰。使能作禱。吾自當之。乃躬自拆毀。俄有巨蟒盤臥內。引首作吞噬之狀。

後歸通安。寢無他。雪堂行拾遺錄。齊安王嗣李主景遠也。復云。師一夜夢神人。義冠告曰。弟子爲師所折。不遑安處。欲至廣南。假莊夫六十人。師夢中諾之。未幾莊夫疫死者滿其數。師後問學者。且道固有鬼神否。若道有。又不打殺死心。若道無。莊夫爲什麼却死。答者皆不契。適真淨會中元首座。至師如前問。元云。甜瓜連蒂甜。苦瓜連蒂苦。師大喜。元乃辨才高弟也。不得住民房。

國民房多近市。聲。惡。累。道。故。第一阿蘭若。頌。欲精進。一乘先當擇其處。閨。閣。不。遠。離。煩。惱。如。刀。鋸。未。到。無學門。於學有所慮。林下及水邊。自然絕滓。遽依結茅三間。蒲團敷一具。呆。呆。著。眼。看。觸。景。皆。道。助。不得住近尼寺處。

國四分近尼寺。謂妨處難處。故學者不得近。微布袋和尚在十字街頭等個人來。便曰。乞我一文錢。團圓不爲害也。棲賢住民房。同俗不爲害也。覓子臥紙錢灰中。神廟不爲害也。月明之度。柳絮近尼寺。不爲害也。訓布袋。彌勒化身入塵。垂手者也。棲賢住民房。權。

宜也。覲子神前酒臺盤一句燦破今古果位上人也。月明雖是玉通弟子。柳翠爲玉通後身。已隔世二十餘年。而月明髮白齒落。可想見矣。當時玉通之緣元非本意。故能於月明言下。猛省棄却胭脂願。爲執爨。而月明用毒手。以滾油毀其美容。終於苦參至今。柳菴尙存以上機權作用。非今人所能履踐者也。若一履踐如無鹽之效。羣轉見醜態。沙彌初地豈可效歟。

不得與師各住而行世法中一切惡事

圖師資之緣聚散理之常情。當遵實訓。不可世諦流布。取笑譏者。故曰不行世法中惡事。惡事者。各肩詔笑。邀譽紳衿。及近尼寺住神廟等是也。實訓雪堂曰。死心住雲巖室中。好怒罵衲子。皆望崖而退。方侍者曰。未爲善知識。行佛祖之道。號令入天。當視學者如赤子。今不能施慘怛之愛。垂撫循之恩。用中和之教。奈何如仇讎。見則詆罵。豈善知識用心乎。死心拄杖趨之曰。爾見解如此。他日詔奉世位。苟媚權豪。賤賣佛法。欺罔羣俗。定矣。予不忍。故以重言激之。安有他

哉。欲其知恥改過。懷慕不忘。異日做好人耳。

隨師出行第三

圖馬鳴菩薩事師頌。若是踏師影。獲罪如破塔。於牀坐資具。騎驚罪過是。若師經行處。不應隨舉步。端謹侍於傍。無棄於洩唾。亦勿於師前私竊而言笑。若於險路中。自己作前導。又不應於前身現疲勞。相或洗衣濯足及澡浴等事。先白師令知所作。無令見。

不得過歷人家

圖過歷者。停止一家復停止一家。殊失相隨之道也。不得止住道邊共人語。

圖曲禮從於先生。不越路而與人言。若中途與人私語。則置師於何地耶。

不得左右顧視當低頭隨師後

圖尋常出入。當正心正眼。一往直前。隨師後威儀更當謹慎。聽師行止。若東看西視。爲俗所呵。不免言累。及師失之教誨。弟子不能以孝行慰師。反以俗議累師於心安爲。

到檀越家當住一面師教坐應坐

圖名義檀施也謂其人行施越貧窮海故亦名檀那具云陀那鉢底此言施主思大乘論能破慳吝嫉妬及貧窮下賤苦故後得大福能引福德資糧故住一面者不離左右候師所指也師賜坐即尊師命而坐不教坐而坐得慢事師法壞或事緣令坐勿舒於雙足常具諸威儀師起速當起禮記長者賜坐應告坐而坐

到他寺院師禮佛或自禮不得擅自鳴磬

圖鐘磬人天之眼目叢林之號令權極各有司命故不得擅鳴而失賓主之序成範師遶塔當侍一偶視師儀則師禮畢方自遶師教同遶則隨後而遶若山行當持坐具隨之若遠行不得相離太遠

圖山步艱難師或行倦欲暫歇息敷具而坐故宜持具隨之遠行非同在近一失所在兩不相照凡所作爲必須顧盼不致兩處懸念

若過渡常持杖徐試淺深

圖事師法須若於險路中自己作前導若過溪澗中

以杖試淺深論謂深則厲淺則揭燈錄洞山與雲居過水洞問水深多少居曰不濕洞曰粗人居却問水深多少洞曰不乾五祖演云二人怎麼說話還有優劣也無山僧今日因行掉臂爲你衆人說破過水一句不濕庫內珍珠堆積過水一句不乾無難說甚貧寒乾濕二途俱不涉任他緣水與青山○麻谷寶微侍馬祖行次問如何是大涅槃祖曰急師曰急個甚麼祖曰看水○師同南泉歸宗謁徑山路逢一婆乃問徑山路向甚處去婆曰齋直去師曰前頭水深過得否婆曰不濕脚

持瓶攜錫等具如律中文繁不錄

若偶分行約於某處會不得後時

圖隔緣事而暫往也約期也後時失時也

師受齋當侍立出生齋畢復侍立收贖

圖收贖皆侍者事然今之侍者非昔之侍者也有以師之暇誤用者不重已靈以幾文錢壞一生人品良可惜矣七十二威儀到檀越家索淨水洗鉢師坐捉手巾鉢授與師乃應還自坐本律連坐飯時不得先

師食飯師飯已當起取鉢白近別坐飯時立住師邊師教食去方當坐受食別坐飯時有四事一當立住師邊二教食去乃當去三頭面著地作禮四食飯不得偈坐上戲五飯已當至師邊住師教還坐乃應坐是爲別飯時法也

入衆第四

【圖】智度論佛聖弟子住和合故有二種法一賢聖語二賢聖默依止陶鑄固須給侍饘餼煅煉宜先入衆同塵之用一如濟物之功自普四分律凡欲入衆當具五法一應以慈心二應自卑下如拭塵巾南山鈔推直於他引曲向己長省已過不訟彼短記云巾能掩穢歸己令物潔淨故三應知起坐法若見上座不應安坐若見下座不應起立此爲比丘說也若沙彌見一切已受具者盡當起立四彼至俗中不爲難說談世俗事若自說若請他說五若見僧中不可事心不安忍應默然住寶訓雪堂曰高僧臨衆必曰衆中須知有識者予因問其故菴曰不見瀉山道舉措若他上流莫慢隨於庸

鄙平生在不沈於下愚者皆出此諸稠人廣衆中鄙者多識者少鄙者易習識者難親果能自奮志於其間如一人與萬人敵庸鄙之習力盡真挺特沒量漢也予終身踐其言始得不負出家之志入衆偈 若見衆會當願衆生說甚深法一切和合【圖】華嚴疏二觀事境願初觀衆會謂衆聚多談無義故願說深法衆心易乖故令和合 甚深之法非世間文字所能詮也若世間文字可詮無以見斯法之深處惟文字不可到處乃見斯法之深矣然則甚深之法世間文字尙不能詮而口吻當云何說所以說者無說而聞者無聞無說無聞則一切和合一切和合是名甚深之法也 不得爭坐處

【圖】不遜而坐者因得慢爭而坐者無容人之量亦失大人之體然叢林坐位自有百丈清規惡待爭而坐也噫我未見爭道德仁義者也道德仁義以無爭而得坐位以無爭而坐昔顏魯公有爭坐位帖余因有禪門爭坐位帖所以斥憎賢嫉能之小人尙謙恭

遜順之學者也

不得於坐上遙相呼語笑

遜相呼語笑者與人遜通隔坐狂呼呌笑傍若無人之聲見之如探湯不可近也燈錄宏智禪師爲淳禪師侍者寮中與僧徵詰智不覺大笑淳適過聞之至夜詢之智曰偶與僧詰話而趣不禁發笑淳曰固是汝這一笑失却多少好事不見道暫時不在如同死人智拜服後雖暗室未常敢忽

衆中有失威儀當隱惡揚善

失儀者卽如上遙相呼語笑之事宜隱人之惡成人之善也寶訓演祖曰古人樂聞已過喜於爲善長於包荒厚於隱惡謙以交友動以濟衆不以得喪二其心所以光明碩大照映今昔矣○靈源聞覺範貶竄嶺南歎曰蘭植中塗必無經時之翠桂生幽壑終抱彌年之丹古今才智喪身譏謗羅禍者多求其與世浮沉能深其身者少故聖人言當世聰明深察而近於死者好議人者也博辨宏大而危其身者好發人之惡也在覺範有之矣

不得伐勞顯已之功

伐勞也謂誇張自己之能也然縱有大功何伐之有惟其不伐而功愈顯燈錄中峰本住大覺獅子二刹由師完成及奉敕撰碑文尺寸之功不肯自居卽與一名亦不許成範與諸同事善相仁和有益相通有緣相代道德經自是者不彰自伐者無功自矜者不長易謙謙君子有終吉彖曰謙尊而卑先論語顏回曰願無伐善無施勞○謝子與伊川別一年忽相見伊曰相別一年做得甚工夫謝曰祇去得一個矜字曰何故曰仔細點檢得來病痛盡在這裏若安排得這個罪過方有進向處伊點頭曰前輩於矜誇無不切戒非獨公也

凡在處睡不在人前起不在人後

學道精勤睡魔自去惺寂相照則事事常行人前著著不落人後何患道之不成清規五更鐘將鳴輕輕先起端坐不得扇風令人動念聞鐘偈

通觀傳拘留孫佛於乾陀修多羅院造青石鐘於

日出時有諸化佛與日俱出密說顯演十二部經聞法證聖不可勝數周禮考記晁氏爲鐘五經通義鐘者秋分之音萬物至秋而成至冬而藏故金爲鐘相續不絕也西京記發鯨魚鑿華鐘薛宗註海中大魚名鯨海島有獸名蒲牢畏鯨鯨一擊蒲牢輒大吼凡鐘欲令聲洪故作蒲牢以擊之者爲鯨音魚有篆文 凡聞鐘聲當默念此偈默念者心聲也心有聲耶心無聲耶無聲之聲祇可自聞不堪人聽楞嚴反聞聞自性何不自聞聞其心聲之謂乎

聞鐘聲煩惱輕

國煩惱即根隨煩惱也止觀煩惱之法惱亂心神與心作煩惱令心作惱若一聞鐘聲縱有極重煩惱化爲輕清之聲矣

智慧長菩提生

國智慧菩提云智分別云慧即根後二智也菩提智果也若一聞鐘聲智慧之心花頓發菩提之道果速成也

離地獄出火坑

國四教儀地獄梵語捺洛迦又云泥黎此翻苦具亦云苦器言地獄者在地之下也謂八寒八熱等八獄各有眷屬其類無數其中受苦者隨其作業各有輕重經劫數等其最重處一日之中八萬四千生死經劫無量作上品五逆十惡者感此道生婆沙贈部洲下過五百踰繕那乃有其獄然此獄有大有小大者八小者十六火坑諸地獄中之一名也

願成佛度衆生 唵伽羅帝耶莎訶

國願成佛者未有不發願度生者也從來亦未有不度生底佛若衆生不自度而先願度生者此心卽是佛心當知此心此願皆從聞鐘聲處發起一時無邊煩惱從此截斷無間地獄從此而破無盡法門從此證入無上佛道從此而成願鯨魚擊蒲牢吼暮暮朝朝三三九普門特地雙耳彈眼裏獅子大張口大張口波旬背却須彌走毗增一阿含經若打鐘時願一切惡道諸苦並皆停止若聞鐘聲衆說偈贊得除五百億劫生死重罪◎降伏魔鬼怨除結盡無餘露地擊捷椎比丘聞當集諸欲聞法人度流生死海聞此

妙響音響當來集此依別經偈聞鐘臥不起護揚善
神嘆現在緣果薄來報受蛇身在處聞鐘聲臥者必
須起合掌發善心賢聖皆歡喜◎洪鐘震響覺羣迷
聲備十方無量土含識羣生普聞知拔除衆生長夜
苦六識常昏終夜苦無明彼覆識迷情靜夜聞鐘開
覺悟怡神淨利得神通付法藏經國王以殺害故死
入千頭魚中劍輪繞身而轉隨所隨生羅漢爲僧維
那依時打鐘若聞鐘聲劍輪在空以是因緣遣信白
令長打使我息苦過七日已受苦即息佛祖統載上
元縣有民暴死人冥見五木纏械者告曰吾南唐先
主也爲宋齊兵所悞殺和州降卒千餘人冤訴因此
仗汝歸語嗣君凡寺觀鳴鐘可延其聲吾受苦唯聞
鐘聲則暫休或造一鐘尤善復曰吾在位日子闍國
遣我玉天王像藏於瓦棺寺佛左膝人無知者汝以
此爲驗乃甦隨奏唐主果如其言主感泣造一鐘於
清涼寺鐫其上曰厲烈祖考高皇帝脫幽出厄以玉
像建塔葬蔣山
以水洗面當願衆生得淨法門永無垢染 唵嘛莎

詞

國榜嚴自未得度先度他人菩薩發心也故行者洗
面卽先發是願也淨法門者卽八萬四千塵勞之門
轉爲八萬四千清淨法門也永無垢染者自得之後
直至成佛畢竟無垢故曰永無古人洗面摸著鼻孔
又道無位真人面門出入諸人朝朝洗面還曾摸著
鼻孔夢見真人麼且這是甚麼鼻孔是甚麼真人速
道

凡洗面不得多使水

國諺在山不可多燒柴近河不可多使水爲惜福故
雖是俚言當審之神燈錄湛堂準和尚平生律身以
約雖領衆弘法不異在衆時晨興後架衽取小杓湯
洗面復濯足後受水灌漑蔬菓當不虛廢余嘗用小
盆洗面蓋本此也

擦牙吐水須低頭引水下不得噴水濺人

國噴水濺人令彼生嗔縱使牙齒漱淨不能滌彼口
業故宜細行

不得高聲鼻涕嘔吐不得於殿塔及淨室淨地淨水

中涕吐當於僻處

圖嘔吐不得已也。然不可高聲。殿塔供佛像舍利之所。淨水等供佛供衆之用。涕唾污穢。爲罪不小。故應擇僻處。昔有僧夜坐佛殿。偶爾涕吐。燈下見護法神舒金手承接。其僧悚懼終身。歛戢。

喫茶湯時不得隻手揖人

圖說文手著胸曰揖。又進也。讓也。實入切音混。會集也。隻手揖人有二義。一因隻手喫茶湯時。隨以隻手進飲。與人二因隻手喫茶湯時。隨以隻手與人作揖。禮以兩手爲恭。隻手則得罪也。

不得向塔洗齒及向和尚阿闍黎等

圖口齒之間有穢氣。且不可對常人。況對佛塔及和尚阿闍黎洗齒寄歸。傳漱口極嚴。不可不慎。三千威儀。不得向佛亦莫背。不得向和尚阿闍黎諸師亦莫背。

不得多笑。若大笑及呵欠。當以衣掩袖口。

圖多笑大笑。非癡則狂矣。呵欠者神氣散漫。謂之沒意。致掩口者。收攝精神。不至放縱。端莊自重也。五燈。

法雲平居作止。直視不瞬。臨案三十年。未嘗輕發一笑。凡所住見。玄聖像即不坐。○圓通訥簡嚴不妄言。笑常習定。初又手中夜漸升至。臂侍者每視以候。鷄鳴。

不得急行

圖急行無好步。威儀全不顧。識者在傍。觀爲之生恐怖。萬一失跌。毀體裂膚。抱終身恨。所關甚大。故當徐行。

不得聞呼不應。凡呼俱宜以念佛應之。

圖聞呼不應。其人嫉妬。曠志覆障。心故道人心量。同於空谷。有叩即應。豈宜蘊嫉妬於胸中。耶念佛應者。雲棲單闡念佛法門。故若是個英靈。纔聞呼自己名字。頓見卽心。卽佛。非心非佛。乃至千百則公案。一時悟入也。略舉古德機緣。幾則以示後學。向聞呼處。悟入云。燈錄黃檗散衆在洪州開元寺。裴相國一日入寺。見壁間高問寺主。這是甚麼主。曰高僧真儀公。曰真儀可觀。高僧何在。主無語。公曰。此間有禪人否。主曰。近有一僧投寺執役。頗似禪者。公遂請相見。曰。適

有一問諸德客辭請上人代酬一語。裴曰：請相公垂問。公舉前話。裴朗聲云：裴休公應諾。裴曰：在其麼處。公當下知旨。如獲寶珠。延入府署。執弟子禮。○裴休一日托一尊佛於黃檗。前跪曰：請師安名。裴召曰：裴休。休照暗。裴曰：與汝安名。竟裴禮拜。○陸貢大夫問南泉曰：弟子家中有一瓶。瓶中養得一鷲兒。今來長大。欲出此鷲。不得損却。鷲未審有何方便。泉召云：大夫。陸應諾。泉云：出也。高峰云：南泉潦倒。手眼不親。縱饒出得。也是死貨。高峰只向他道：大夫還曾示人麼。纔擬抵對。便與亂棒打出。非特爲遮漢。脫却鴟臭布衫。要使天下衲僧。個個解粘去縛。慶快平生。筆浪國師三喚侍者。侍者三應。甚麼處是辜負國師處。頻呼小玉。元無事。祇要檀郎認得聲。提刑認得聲。圓悟認得聲。雞飛上闌干。鼓翅而鳴。又作麼生。好個入處。你看從上尊宿。慣用這般藥頭。不知死却多少活人。活却多少死漢。至今遺下茶毒。聞者無不靈驗。苦不靈驗。老僧另有方便。乃高聲云：快喚沙彌來。與老僧洗脚。他沙彌速速。道個阿彌陀佛。却也怪他不得。

凡拾遺物。卽當白主事僧。

國拾遺物者。卽以物送知事。標於牌上。以待失物者歸之。餘人不得冒取。取者犯盜。寶訓山堂有古人風。住黃龍曰：知事公幹。必具威儀。詣方丈受曲。折然後備茶湯禮。始終不易。有智恩上座。爲母修冥福。遺下金二錢。兩日不尋。聖僧才侍者曰：掃地得之。掛拾遺牌一衆。方知蓋主法者清規。所以上行下效。初學其勉之。

不得將佛燈私就已用。若燃燈當好以罩密覆。勿令飛蟲投入。

國佛前燈。卽第二戒中佛物也。既是佛物。不得私用。若離佛前。卽成盜業也。若燈下。卽第一戒中護生之法。以繼慈悲之燈也。徵經佛說也。以佛燈而學佛經。未審可否。訓佛物法。物尙須甄別。佛燈原爲供佛。不爲讀經。且一大藏教。以戒殺盜爲本。不遵佛戒。盜佛前燈。讀經雖是好心。已成盜業。智度盜佛前燈油者。當墮黑暗地獄。後爲人盲。○昔阿泥盧迦入寺盜佛前供器。因燈昏暗。旋剔光耀。觀佛威嚴相。好偷心卽

歇懺謝而去。以此顯燈功德。感報天眼第一。
供花取開。開者不得先嗅。除萎者。方供新者。不得棄地踐踏。宜置屏處。

國開者。花正開時。也不先嗅者。表誠敬之至也。除萎供新者。如法華香風吹萎花。更雨新好者。以表道心。日新花當及時採供。若未開者。花雖不舒。顏色尙淺。造化之工。未全採摘之候。非時若已開者。香氣稍減。色力澆薄。葉將飄零。時不我逮。所以未開已開。皆非正見。須候花光灼灼。花色鮮鮮。香風馥馥。花影田田。斯時帶露摘來。至誠奉獻。開之心也。凡有佛出世說法。不獨此方諸天爲之散花供養。而他方國土諸佛。悉來散花供養。以見佛佛贊襄之法也。故華嚴法華大悲諸經。皆以散花而爲佛事。乃佛佛所行之法式也。諸經集要。散花供佛之花。不踐踏者。佛告文殊此花者。若四眾能信修行。應當早起清淨澡漱。口齒念佛功德。恭敬此花。不以足踏及踏花上。如法執取。安置淨器。百種種病。懺壇用掃花行者。本此珠林南齊晉安王。王子懺始年七歲。因母病篤。請僧行道。

獻花供佛。眾僧以梵鬘盛水。浸花莖。欲令不萎。懺禮佛泣曰。若使母獲勝利。此花竟齋不萎。七日齋畢。花更鮮紅。視鬘中稍有根。鬘母病尋瘳。當代稱其孝感。經律異相王遣使。每日採花。一日使者見佛相好。自念一命難保。佛法難聞。遂以所採之花。供佛佛卽授記。號寶華佛。後王取花。竟無以應。心已辦死。王聞以花供佛大喜。略不加罪。宗鏡釋迦文佛說過去無量劫來承事供養無數恒沙等諸佛。皆不得記。何以故。以依所行有所得故。至然燈佛時。因獻五莖蓮華。乃得授記。釋迦之號。方達五陰性空。心無所著。始見天真之佛。頓入無得之門。故將蓮華獻佛。用表證明。附不得將佛前香焚於私室及薰衣被等。

國淨名疏。香是離穢之名。而有宣芬散馥騰馨之用。咸通傳天人費氏云。人中臭氣上薰於空四十萬里。諸天清淨無不厭之。但受佛付囑。令護於法。佛向與人同止。諸天不敢不來。故佛法中香爲佛事。大論天竺國熟又以身臭故。以香塗身。供養諸佛。及僧華嚴善法天中有香名淨莊嚴。若燒一丸而以薰之。普使

卷之三

諸天心念於佛。昔人有香名大象。因龍歸生。若燒一丸。與大光明細雲覆上。味如甘露。七日七夜降香水雨。若著身。身則金色。若著衣服。宮殿闕亦悉金色。若有衆生。得聞此七日七夜歡喜悅樂。滅一切病。無有橫狂遠離恐怖。危害之心。專向大慈。普念衆生。我知彼已。而爲說法。令無量衆生得不退轉戒德。香經阿難白。佛世有四種香。一曰根香。二曰枝香。三曰花香。此三品香。唯能隨風。不能逆風。故今所例。並此香也。成實論波利質多羅樹。其香則逆風而聞。樹即帝釋殿十員生樹。智度盜佛香者。墮泥犁後。爲人臭穢。禮節當淨拭香。爐炭火多少。執香爐。無以自重要。用最經鼻嗅香者。由滅香氣。無其福德。正報墮波頭摩地獄。未來世鼻根無香味。日雲經香烟不盡放地。得越罪。盡五歲墮糞屎地獄。何以故。放恣心。故感應。諸注天師門下科。令罷下灰火。謂之伏罷尿。不可燒香。

附 不得將佛前幢幡莊嚴法器等爲他用
智度盜幡爲衣者。主惡瘡膿血之報。正錄錄布施。

幢幡莊嚴法物。經律贊嘆功德甚多。若竊毀幢幡而受罪。及重如佛名。經有無量。幢幡無量。幡佛以惠而彰名也。以其因中施幢幡莊嚴法。故而證果也。禿人不信因果。竊所施之幡。爲被爲衣。爲帶。爲擔。絡爲展。桌爲風帆。其污穢褻瀆。猶不忍言。甚至以菩薩聖號顛倒張掛。嗚呼褻穢。以至於此乎。叢林執事。略不以此痛心。知識亦不以此鑑戒。殊可慨矣。切思所施之心。何心竊毀之。念何念。昔皓布視書佛字於布視上有效之者。皓曰。汝必吐血。死後果如其言。今之褻穢聖號。恐不止吐血死也。五百問。先上佛幡。得取用作佛事。否。答佛事得用。檀越不聽。不得珠林宋尼智通。京師簡靜尼也。年少信。道不篤。元嘉九年。師死。罷道。嫁魏郡梁羣甫生一男。年大七歲。家貧。無以爲衣。通爲尼時。有數卷素無量壽法華等經。悉練擣之以衣。其兒居一年。恍惚驚悸。竟體剝爛。狀若火瘡。有細白蟲。日去升餘。燥痛煩煩。晝夜號叫。常聞空中語云。壞經爲衣。得此劇報。旬餘而死。不得與年少沙彌結友。

國戒品纔登初地禪道所以立身切莫狎近惡少戲論三五成羣流蕩放逸無反向後不要做人從上英賢知識皆依尊宿諮詢機緣啐啄相契禪律一句主賓十方菩薩伴千古聖賢爲親四恩以此總報不負出家之因

不得三衣荷簞

國三衣者三聚戒之標幟卽吾人之頭目身體手足人缺一不名全人戒缺一不名全戒故律云若借若無並名非法亦猶吾人之頭目等不可假借於人也此三衣均名解脫福田而品制階級宛爾不同其原出常變篇善見論偈善哉解脫服無相福田衣奉披如戒行廣度諸衆生不得多作衣服

國寶訓佛鑒曰先師節儉一鉢囊鞋袋百襪千補猶不忍棄置常曰此二物相從出關五十年矣詎肯中道棄置有南泉悟上座送褐布襪自言得之海外冬服則溫夏服則涼先師曰老僧寒則有柴炭紙衾熱則有松風竹陰審此奚爲終却之宗門武庫富鄭公

得旨於華嚴順公罷相居洛中請願住招提願臨境鄭遇之途遇司馬溫公詢何往鄭公實對遂聯轡而出候於鄭亭見數十擔過溫逆問之荷擔者應曰新招提和尚行李溫公欲歸鄭曰華嚴卽至奚歸之溫曰某見之矣竟先馳歸燈錄眞淨在建康保寧舒王齊顯素緣因問侍僧此何物曰紡絲羅淨曰何用曰堪做袈裟淨指所衣伽黎曰我尋常披此見者亦不嫌惡卽令送庫司估賣供衆其不事服飾如此若有餘當捨

國有餘當捨者謂去我之貪癡念人之寒苦也故道人小事華嚴破納是甘其視置盛服盈箱者如癡奴耳世說損有餘補不足天之道愚夫好華麗畜衣不知止外道爲苦行裸形竟無耻應舍斯二邊三衣尊佛氏

不得辦精緻絲拂玩器等粧點江湖取笑識者國緣者本華嚴束帶之偈大悲把索之手尊宿傲之爲緣大義束縛身心不使放逸今時色絲爭妍麗麗殊失先聖之意也拂者自馬祖蕭視繩床百丈末後



三日耳。聖大非輕易粧點江湖者。卽四衢道中粧相。覓錢者也。凡人一經粧點。真氣卽喪。此輩無知。不必及齒。而有身荷法門。不重道德。不擇人品。惟勢利是圖。蓋相付授。以至玷辱法門。無恐不作。罪將誰歸。積燈雲隱。千瀨和尚。有扶宗顯正。論其剖析邪正。訂定是非。極有可觀。但其中以宗師拈椎豎拂爲談柄。引晉王衍握玉麈尾。與手同色。事爲證。夫宗師拈椎豎拂。乃激揚向上一著。豈細事耶。千瀨以爲談柄。非惟失自家正眼。亦抑疑誤後人。

不得著色服及類俗人衣飾等

圖黃紅綠紫艷色也。釋子宜壞色。以別縹素境色。青黑木蘭色也。

不得不淨手搭衣

圖三衣乃千佛列祖相傳之法服。若不淨手搭衣。卽慢千佛列祖之法道也。故制

凡上殿須束縛禪襪。不得放意自便

圖大股乃諸聖雲集之所。當嚴潔而登束縛者。恐下身垢物遺於佛地。故西域有裙無禪裙。譯爲內衣。此

條不開佛制。雲棲爲避土俗。故從之。燈錄雲。居膺令侍者。送禪與住菴道者。者曰。自有孺生。禪在不受。師再令侍者。問孺未生時。著個甚麼者。無語。後遷化。有舍利師曰。直饒得八斛四斗。不如當時下得一轉語好。

不得閑走

圖聖賢學問。做不盡底。無有閑底。時節直饒造到大智閑。閑猶有智在。易曰。閑邪存其誠。非徒閑也。猶有誠在。吾人方處於學地。一生須將個閑字。閑却孜孜。以禪律爲心。庶不負父母師長恩也。古德云。閑時不至落空。忙時不至逐物。不落空。不逐物。且道是什麼人境界。

不得多言

圖寶訓雪堂曰。學者不知道之所向。則尋師友以參之。雪堂仁慈忠恕。尊賢敬能。戲笑俚言。罕出於口。道德經多言數窮。不如守中。易吉人之辭。寡躁人之辭多。

不得坐視大眾勞務。避懶偷安

國所食既均所務亦均庶不愧百丈一日不作一日不食也。五燈楊岐曰：上下偷安爲法門大患。○圓照本天資粹美，無緣飾依天衣懷弊衣身操井臼與農。晝則驅雞，夜則坐禪，精勤苦刻，略不少怠。或曰：頭陀荷衆良勞，本曰若捨一法，不名滿足。菩提欲此身證，敢言勞乎？

不得私取招提竹木花果蔬菜一切飲食及一切器物等。

國招提四方物卽常住物也。一切非一種也。言一竹一木一花一菓皆是大衆之物，私取卽盜也。

不得談說朝廷公府政事得失及白衣家長短好惡。國藏規山行水次戒護開談，張口如弓，發言如箭。雖黃世事品藻他人，訝食說錢呵風罵雨，牆壁有耳，法令無親。忽然虎口遭傷，始見鋒頭太露。竊議朝廷政事，私平公府客寮，講國士之凶豐，論風俗之美惡，以至工商細務，市井閑談，邊鄙兵戈，中原寇賊文章，伎藝衣食貨財，既乖福業，無益道心。如此游言，並傷實德，坐消信施，仰愧龍天。

凡自稱當舉二字法名，不得云我及小僧。

國凡應對云我無乃太慢，應小僧無乃太卑。稱二字法名，庶幾謙恭有禮。凡有出家者，本師當觀其根氣優劣，然後立名。一名一字乃最初開導之法，語令其一生顧名思義，今之取名者不知說法之式，受名字者亦不知得法之用，所以去古遠矣。燈錄象耳山圓覺郡守填牒，誤作袁以師俗姓袁，戲謂曰：一字名可師，曰一字已多，守異之。雲居顯注：凡自稱皆當用法名。書本中有刻某甲者，乃因不知前人何名，虛懸二字。今現有法名見人，輒自稱某甲大爲非禮。正鋒錄時有行者相從，幾年尚不與安名，凡有所使，令則以眉目視之，行者卽如其事爲之。僧問師行者何名，師曰：我不敢塗污他，你道是何名？僧無語。不得因小事爭執，若大事難忍，亦須心平氣和，以理論辯，不可則辭而去，動氣發難，卽非好僧也。國處衆日久，言語酬酢，豈無悞處？彼或非言橫，加只消一個忍字，恬然自怡。然忍之一字，說便容易，行之實難，須有大力量方能降伏其心。若力量稍弱，不覺



被業風飄墮羅刹鬼國去也。實訓雪堂曰：學者氣勝志，則爲小人；志勝氣，則爲端人。氣與志齊，爲得道賢聖。有人剛狠，不受規諫，氣使然也；端正之士，雖使爲不善，寧死不二，志使然也。◎靈源謂長靈卓和尚曰：道之行，固自有時，昔慈明放意於荆楚，間含恥忍詬，見者忽之，慈明笑而已。有問其故，慈曰：連城與瓦礫相觸，予固知不勝矣。逮見神鼎後，聲播叢林，起臨濟之道，嗟乎！道與時也，苟可強手金剛，我得無爭三昧人中，最爲第一。◎六度萬行，忍爲第一。道德經上善若水，水善利萬物而不爭。◎天之道，不爭而善，勝筆。汝有與人相爭者，怒甚，奔訴王陽明先生。王曰：且去，待汝心平氣和，有好話與汝說。其人即去，涵養數日，復叩曰：吾心平氣和，願聞好話。王曰：心平氣和，便是好話也。其人謝去。

入禪堂隨衆第五

此篇原在第十卷

天如則禪師普說生不知來處，謂之生大，死不知去處，謂之死大。臘月三十日到來，只落得手忙脚亂，何況前路茫茫，隨業隨報，正是要緊事在這。

個是生死報境，若論生死業根，卽今一念隨聲逐色，使得七顛八倒者，是由是佛祖運大慈悲，或教你參禪，或教你念佛，令汝掃除妄念，認取本來面目，做個灑灑落落，大解脫漢。而今不獲靈驗者，有三種病：第一，不過眞善知識指示；第二，不能痛將生死大事爲念，悠悠漾漾，不覺打在無事甲裏；第三，於世間虛名浮利，照不破，放不下，妄緣惡習，止坐不斷，擾不脫境，風扇動處，不覺和身輾入業海中。東飄西泊，去眞正道流豈宜？怎麼當信祖師道，雜念紛飛，如何下手？一個話頭，如鐵掃帚，轉轉多轉多轉，掃忽然掃破太虛空，萬別千差，一路通諸禪德，努力今生須了却，莫教永劫受餘殃。

早覺偈

凡睡醒

當默念

睡眠始，寤當願衆生一切智覺。

周顯十方

唵囉臨

疏引一切智覺者，非唯三世齊明，抑亦十方洞曉。一日始終，既爾餘類皆然。夫人晝之所思，夜則因想成夢，方其將醒未醒，未受色惑，不落意識，分別正眼，瞇瞇之時，謂之始寤。忽然夢破，開眼受色，依舊落。

意識分別時謂之開眼作夢。惟如來清淨智覺於日月不到處而光明普照於夢想不到處而寤寐一如故不妨睡有大小而寤亦有大小乃至歲月日時亦有延促也。世傳陳搏一睡三千年爲一晝夜小睡也如來一睡阿僧祇劫爲一晝夜大睡也。世人睡不成睡寤不成寤乃不知睡寤之所以也。寤者如日之初昇睡者如月之初來人之靈根生於天地間稟於天道故天眠睡而人眼亦睡天眠開而人眼亦開一晝一夜一動一靜皆隨天道運行若背逆天道雖在青天白日黑於長夜故不成睡寤也。惟我大覺世尊而恒於此。或睡或寤而作佛事也。故吾人正寤之時當作是觀當發是願也。智覺者慧衆生住於無明而爲黑暗之所覆蔽故以大智慧日而覺照之周顧者其源自指天指地處來謂二乘人祇見一隅未見全象惟菩薩開智覺正眼而能周顧非獨覺照自己一隅而能覺照不可說衆生不可說世界豁然雲開日現洞見此。大圓之光也如世尊纔出母胎指天指地處此是世尊小寤之境界也何則祇爲道惟我獨

尊故如世尊在雪山修道歲二月七日之夕入正定三昧至八日明星出時廓然大悟嘆曰奇哉一切衆生具有如來智慧德相但以妄想執著不能證得此是世尊大寤之境界也何則祇爲道一切衆生具有故雖然世尊則止即今諸人分中且道是夢耶是覺耶速道

單上得抖衣被作聲風使鄰單動念

著衣偈 若著上衣當願衆生獲勝善根至法彼岸
國太古衣皮黃帝始製衣俗說上衣長衣也曰直褻曰海青太白詩翩翩舞廣袖似烏海東來一名道服太極真人曰當潔淨衣備巾褐制度名道法服 上衣者一身最勝之衣言著最勝之衣當發最勝之心及發最勝之願此心此願即勝善根也蓋爲一切衆生失此善根沉溺生死故發是願令具善根不使沉溺而至彼岸究竟之地如二乘三乘皆不名究竟唯佛一乘乃名究竟彼岸也又上衣向上衣亦曰恭敬衣言著此衣當知有向上事或不能頓悟亦當漸修威儀而獲最善法則步步行勝善之事而登法岸至

善之地也

著下裙時當願衆生服諸善根具足慍愧

西域記泥縛些那唐言裙裙者羣也連接幅也

日涅盤僧訛也諸善根者乃清淨根本之體亦清淨

法身之用言服裙之時善法現前所思毋邪則具足

慍愧處即清淨本源處人之所以迷於五欲不能清

淨者祇因不知慍愧若慍愧具足而清淨善法何曾

欠少五燈僧問黃龍龍誨機急切相投請師通信龍

曰火燒裙帶香

整衣束帶當願衆生檢束善根不令散失

束帶以條縶則諸部各異色乃黃赤不同整嚴飾

也束收攝也謂當檢束諸根則外嚴肅其身而內收

攝其心乃見道用也

下單偈從朝寅旦直至暮一切衆生自迴護若於

足下喪身形願汝即時生淨土

普曜經如來過去心淨離著不惱衆生故所行之

處脚不污蟲蟻不損佛制誤傷以其無心故不治

罪與世律同然亦有誤傷而還誤傷之報見第一殺

戒論注朝野金頸五更鐘罷人初寤地上蟲靈將出
穴日將曉時人欲眠地上蟲靈亦歸穴莫將蟲命誤
傷殘人性蟲性何分別

行步不傷蟲傷若舉於足當願衆生出生死海具

衆善法唵地利日利沙訶

善法者即菩薩行願也如來三十二相足爲第一

德相謂先以行滿所願於是菩薩凡舉足時即願一

切衆生出生死海故若衆生同於菩薩行願何處見

有生死祇爲行願不同妄執塵勞造諸不善飄蕩苦

海若能一念回頭具諸善法則彼岸在即苦海斷流

衆生名盡佛亦不爲是名至善

不得大語高聲

禪堂乃陶鑄聖凡辨驗龍蛇之所亦名選佛道場

凡入此堂當規矩嚴肅屏絕外緣不容雜語若一人

大語高聲又從而和之不勝喧闐妨彼眞參爲害莫

大

輕手揭簾須垂後手

藏清規天子外屏諸侯內屏大夫以簾釋名簾廉

也。自障蔽爲廉恥也。宋魏陳楚間爲箔或謂之總。自周而西謂之箔。南楚謂之蓬箔。莊子高門懸箔。揭簾垂後手者謂直下頓。促簾必損壞。兼有蠶濁之聲。動衆故當以手襯之。乃見威儀雅度。五燈長慶坐破七個蒲團。一日捲簾忽悟曰。也大差也大差。捲起簾來見天下有人問我是何宗。拈起拂子劈口打。拈據法昌判斷直饒長慶怎麼見得也。祇見簾外底天下尙未見簾內底天下要見簾內底天下麼。法昌有個方便也。下消坐破七個蒲團。管教簾內簾外一時見了。且道法昌與長慶還有優劣也。無若向這裏道得一任捲舒自在去。◎真淨文在黃龍一日龍通令待者捲簾問捲起簾時如何者。曰。照天照地放下簾時如何者。曰。水泄不通不捲不放時如何者。無語。汝作麼生。真曰。和尚侍侍者下涅槃堂始得。龍喝曰。關西人果無頭腦。乃顧傍僧真淨指之曰。只這僧也未夢見在龍大笑。◎清涼院文益禪師因僧來參次師以手指簾尋有二僧齊去捲簾師云。一得一失。◎玄沙與泉守在室中說話有一沙彌揭簾入見却退步

而出師曰。那沙彌好與二十拄杖守曰。怎麼即某罪過同安顯別云。禪師來也。師曰。佛不是怎麼不得拖鞋作聲。國堂中行當威儀勿急急緩如白鶴之在芝田。青獅之行石窟。二六時中忽然踏著自己影子不妨觀破。曹山眼睛管取參學事畢有輩在禪堂禪不參教不看尋常拖一桶鞋東宕西宕脚底作檀板聲在衆取厭虛喪光陰逢人也道我在某知衆位下住過良可慨也。雪菴錄山頭和尚嘗稱聖恩和尚在衆時勤苦自勵參究至後夜未就寢恐腹聲妨人睡則去鞋履跳足經行冬寒則但去鞋每如此真千古榜樣也。不得大咳嗽作聲。不得鄰單交頭接耳。講說世事。國禪堂鍛煉天下納子之大爐。舊也今之風氣日下禪者挂搭不知所爲何事乃不顧本分以禪堂爲雜談世事之所深可慨也。古德云。大事未明如喪考妣。大事已明如喪考妣。豈可虛喪光陰閑消白晝不唯自誤亦且有礙做工夫人故制雪巖欽普說是時漳泉二州有七個兄弟與我結甲坐禪兩年在淨慈不



展被脇不沾席。外有個修上座。也是漳州人。不在此數。只是獨行獨坐。他每日在蒲團上。如個鐵橛子。相似。朝朝如是。日日如是。我每日要親近他。與他說話些子。纔見我東邊來。他便西邊去。纔見我西邊來。他便東邊去。如是二年。間要親近不可得。或有道伴。親情相看。堂中不得久話。相邀林下水邊。乃可傾心談論。

國天性至厚。無有過於父母者。今既辭親。當以道爲親也。傾心談論者。須是個人。始可盡平生工夫。與之較量。若論世諦。不啻汚穢唇吻。亦恐汚穢林泉筆硯。宏智陽州人。座下同鄉。哲魁者。潛跡十餘載。不明生緣。智知而訪之。曰。父母之邦。何太絕物乎。欲招入方丈。魁謝曰。已事未辦。豈假講鄉里也。曳杖而去。莫能曉之。

二板鳴即宜早進堂

國鐘板自百丈建立。營負之塗中。行持規矩。不怠。叢林至今遵之。二板者。謂停一不停二。若二板既鳴。不過一茶之頃。三板止靜。靜堂掩門。內不放出。外不放。

入故二板鳴。即須抽解進堂。少遲便是門外漢也。燈錄道場明辨室中。垂問板鳴。因甚。犬吠雲峰。潛頌黃河。遠上白雲間。一片孤城萬仞山。羌笛何須怨楊柳。春風不度玉門關。

若看經須端身澄心。默玩不得出聲。

國衆中止靜看經。皆默識之。若形之於聲。不勝雜亂。經義無從思之。故澄靜默會。經義從此曉了。智慧從此發生。至若參禪時。把一切經書置之高閣。一一須從自己胸中流出。蓋天蓋地始得。

正身端坐。當願衆生。坐善提座。心無所著。

國四教儀。光明記。端坐者。身儀也。禪波羅蜜。具出坐法。須者宜檢內以國觀。更加讀誦。如膏助火。善提華言道。善提座者。卽自悟本有空王之座也。此座人本具。故曰當願。如蓮花不染。故曰無著。華嚴云。善提心者。猶如種子。能生一切諸佛法。故其下有一百十八種喻。無出此一偈也。智論見。蓋跏趺坐。魔王尚驚怖。何況入道人。端身不傾動。又爲正觀五種因緣。故結跏趺坐。一由此安坐。身心攝斂。速發輕安。最爲

勝放二由此晏坐能住時久不令身心速疲極故三由此晏坐是不共法他道他論皆無有故四由此宴坐形相嚴淨令他見已極敬信故五由此晏坐佛弟子共所聞喜一切賢聖所稱讚故五燈禪山問雲嚴菩提以何爲座嚴曰以無爲爲座嚴却問濟濟曰以諸法空爲座又問道吾作麼生吾曰坐也聽伊坐臥也聽伊臥有一人不坐不臥速道速道乃休去出坐偈從舍出時當願衆生深入佛智永出三界

圖孔曰三界者一欲界欲有四種謂情欲色欲食欲淫欲也下極阿鼻地獄上至第六他化天男女相參多諸染欲故名欲界二色界色即色質已離欲界穢惡之色猶有清淨色在始從初禪梵天終至阿迦膩吒天凡有十八天並無女形亦無欲染皆是化生尙有色質故名色界三無色界但有心識而無色質始從空處終至非非想處凡有四天但有受想行識四心而無形質故名無色界此偈如見華嚴法界玄奧之大幅兼貫法華譬喻之全章然毗盧圓鏡豈有去來火宅窄門能無出入故知無火而火熾然三界

者大火宅也其有小智聲聞已出此舍暫得遊戲者小火宅也不知舍外之火速有甚焉若非深入佛智曷使遠離火宅頓入清涼哉

附 不得穿堂直過 上單下單俱當細行勿令鄰單動念

圖單者前入衆篇詳明茲不復贅凡參學人乍入叢林堂頭驗其學行方入僧次卽以單帖書其名與知客送入禪堂安貼其處所謂三條椽下七尺單前是也華嚴疏得斯意者畢足下足盡文殊心見聞覺知皆普賢行 頌上單下單意無兩般伸脚縮脚有什麼難不嘆拾得不贊豈忘人忘我沒遮沒欄枕邊夜夜放紅日無字函經滿腹攤

不得單上寫文字除衆看經教時不得單上相聚擺茶夜坐雜話 不得單上縫補衣被

圖禪單爲參學勤苦故設以待中夜暫息古人腦不著席奮力參究那討工夫爲此不急之務慈受箴規古聖補破遮寒縫了便休豈可朝昏事針線不得眠臥共鄰單說話動衆

●口誦法

圖天地晝動夜靜男女日作夜息人情合乎天理也。論語寢不言蓋本此意。若夫真實爲道豈可嘔唾齋。蓋祇圖一臥差如小死。耶當知存默至道。栩栩焉適。適焉有不可語人者。如高峰參無夢無想時。半枕子震地一聲。忽然大悟。此千古睡眠底樣子。若眠息與鄰單說話。則爲衆憎。怨鬼神所訶也。

隨衆食第六

圖古德云。隨衆得解脫。斯言不隨衆則不解脫。可知也。今略言隨衆有八種解脫。一。聲板即赴不懈怠。故二供養現成。得省力。故三作平等觀。無人我。故四息諸戲論。存正念。故五如法觀想。深入理故。六不偏衆食。絕疑謗。故七甘苦同受。無揀擇。故八起止威儀不放逸。故。

聞權椎聲當整衣持鉢

圖權椎者。不假言語。而令自宣。故衲子纔聞。即知息。務整衣持鉢等事。獨磨疏以椎字作地後人。誤也。至於鈔文。一宗祖教。凡權椎字。並改爲椎。直呼爲地。詣尋古本。及大藏經律考之。方知其謬。增益阿含阿難。

諸講堂擊權椎者。此是如來之信鼓也。五分隨有瓦木銅鐵鳴者。皆名權椎。清規聞權椎。想念佛生迦毗羅成道摩竭陀說法波羅奈入滅拘絺羅闍三下鐘。即須息。務先宜出入燈鉢藥山。齊時自打鼓。高沙彌捧鉢作舞入堂。山便擲下鼓。鼗曰。是第幾和高。曰。是第二和。曰。如何。是第一和。師桶各一杓飯便出。◎石梯和尚侍者。拓鉢赴堂。乃喚侍者。者應諾。師曰。甚處去者。曰。上堂齋去。師曰。我豈不知汝赴齋去者。曰。除此外別道個甚麼。師曰。我祇問本分事者。曰。和尚若問本分事。某甲實是上堂赴齋去。師曰。汝不謬爲吾侍者。

持鉢偈 執持應器當願衆生成就法界受天人供
庵板哩板哩囉日囉吽愛吒

圖梵語鉢。此云應量器。即體是法本來成就。成就法器一句。而先假中備焉。乃至制度之法。三匙五觀之旨。皆出於應量。則諸法無不具足。故能受天人供。若不知應量之法。滴水難消。況天人供五燈世尊一日。教阿難食時。將至汝當入城持鉢。阿難應諾。世尊曰。

汝既持鉢須依過去七佛儀式世尊召阿難阿難應諾世尊云持鉢去密菴云大小世尊被阿難輕聲善末免喚鐘作響。迦菴演頌從來七佛儀式慶喜何曾欠少堪笑黃面瞿曇無端打個之遠張無盡鐘鼓聲沉托鉢回巖頭一拶語如雷果然只得三年活莫是遭他授記來天山老人頌父子子同鍋各爨一齊越出山門惟有三峯老漢法昌錄德山巖頭父子不解之禍皆起於雪峰把定提樵至使老漢一肚皮不合時宜直向鐘鼓聲前托出個鉢來太煞眼底無人不料飯巾影裏突出一問只得飲氣吞聲縮歸方丈頗奈雪峰東語西話鼓動巖頭簡點道大小德山未曾末後句在據法昌批判老漢尚不會最初句說甚末後句當時問恁麼話只合穩踞方丈巖頭雖有百千伎倆也沒奈何何抵爲召問巖頭主有密啓其意巖頭何不問言以征討之亦非好手至明日老漢陞座後撫掌曰且喜老漢已會末後句又道只得三年活德山一生氣字如玉運籌帷幄何等鋒利云何却被巖頭料定三年果然自救不了諸方浩浩商

量還有爲他父子雪不解之禍麼須鐘鼓聲前托鉢老漢住持不正大小暗使機謀罪犯彌天條令說甚死活三年且喜鉢盂無病最初末後全提我奉太上勅命

展鉢偈 如來應量器我今得敷展願供一切衆等

三輪空寂 喀斯麻摩尼莎訶

釋論佛名如來者如定光佛等行六波羅蜜得成佛道釋迦文佛亦是來故名如來如定光佛等智知諸法相從如中來故名如來釋迦文佛亦是來故名如來金剛無所從來亦無所去故名如來應量器者千佛授受之法器九十六種外道悉不知名我今所以得敷展者爲已受佛戒故得敷展然敷展大義非徒自利口體先當發願爲衆三輪空寂若能斷金剛經論謂布施時體達施者受者及所施之物皆悉本空則能摧碾執著之相是名三輪體空一施空謂能施之人體達我身本空豈有我爲能施既知無我則無希望福報之心是名施空二受空謂既體達本無我爲能施之人亦無他人爲受施之者是名



受空三施物。空物即財珍寶等。謂能體一切皆空。豈有此物而爲所施。是名施物空。

空鉢偈 若見空鉢。當願衆生。其心清淨。空無煩惱。唵部林

國若見此鉢。直見法界之量。及自己之量。等於真空。且不容些子。況有清淨煩惱之跡。手華嚴若有欲識佛境界。當盡其意。如虚空。故云。其心清淨。從來不與染法相應。故云。空無煩惱。

滿鉢偈 若見滿鉢。當願衆生。具足成滿。一切善法。唵

國鉢飯既充滿。目前不可徒生貪饕之想。不修梵行。當觀飯之來處。粒粒從信施得來。一切善法。悉從此種智發生。故受施者。當梵行具足。所施者。福果成滿。猶如種子。發花花復。爲果。滿足菩薩之梵行也。西域傳佛鉢在乾陀國青玉色。受三斗。諸國寶之供養。終日華香不滿。則如言滿之。

擎鉢偈 擎持鉢飯。當願衆生。志在大道。爲法供養。國大道者。資養幻願。本爲修行出世之道。故云。志在

大道行願品諸供養中。法供養最所謂如法供養也。

華嚴設於念念中。供養無量佛。未知真實法。不名爲供養。智論食爲行道。不爲益身。若得食時。先獻三寶。後施四生。勝思惟經不起罪業。不起福業。不起無動業。者是名供養佛。華手經若以花香衣食湯藥等供養諸佛。不名爲真供養。如來坐道場。所說微妙法。若能修學。者是名真供養。思益經問云。誰能供養佛。佛言能通達無生際者。文殊般若經佛問文殊汝云何供養佛。文殊答言。若幻人心數滅。我則供養佛。台教供養佛者。只是隨順佛語。今順佛教修三觀心。卽爲供佛。爲破五住得解脫故。卽供養法。三諦理和卽供養僧。

供養 清淨法身毗盧遮那佛

國佛身無爲故。曰清淨法名。可軌諸師成之。而得成佛。以法爲身。故名法身。梵語毗盧遮那華言徧一切處。以真如平等性相。然身上無礙故。梵語佛此云覺者。起信所言覺義者。謂心體離念。離念相者。等虚空界。卽是如來平等法身。則以無念名之爲佛。

圓滿報身盧舍那佛

國修因感報名之爲報。然有自報他報之別。自報則理智如他報。則相好無盡。是名報身。華嚴疏覺有之義。一曰覺覺。知自心本無生滅。二覺他覺。一切法無不如是。三覺滿。二覺理圓。稱之爲滿。盧舍那此云淨滿。諸惑淨盡。衆德悉圓。又云光明。徧照謂內以智光照真法界。即自報身也。外以身光照應大機。即他報身也。

千百億化身釋迦牟尼佛

國智與體真能起大用。隨機普現說法利生。故名化身。宗鏡釋迦。此云能仁。牟尼此云寂默。能仁者即心性無邊含容一切寂默者。即心性本寂。動靜不干。故號釋迦牟尼。

當來下生彌勒尊佛

國彌勒漢云慈氏。當來龍華教主也。布袋和尚頌彌勒眞彌勒。化身千百億時。時在世間。世間人不識。極樂世界阿彌陀佛。

國彌陀經爾時佛告舍利弗。從是西方過十萬億佛。

土有世界名曰極樂。其土有佛號阿彌陀。今現在說法。舍利弗。彼土何故名爲極樂。其國衆生。無有衆苦。但受諸樂。故名極樂。梵語阿彌陀。此云無量壽。亦名無量光。

十方三世一切諸佛

國四方四維上下曰十方。過現未來曰三世。若論往古劫海之現在。諸佛即今。稱爲過去。即今現在。乃過去之未來。亦爲未來之過去。所以出息入息。一刹那間。而成三世。諸佛者。謂盡東方。遍不可說不可說世界。不可說諸佛。悉皆現前。受我供養。餘方亦然。

大智文殊師利菩薩

國文殊六名。一妙德。大經了了見佛性。猶如妙德等。二妙首。無行經。滿殊師利。此云妙首。三名普首。觀察三昧。大淨法門經。四潘首。出阿目佉并普超經。五經首。出無量門微密經。六妙吉祥。梵語曼殊室利。大行普賢菩薩。

國行無不遍曰普。佑上利下曰賢。以周遍佑利故名普賢。

大悲觀世音菩薩

觀能所因融有無兼暢照窮正性察其本末故稱觀世音者是所觀之境萬象流動隔別不同類音殊唱俱蒙離苦菩薩大悲一時普救皆令解脫故曰觀世音

諸尊菩薩摩訶薩摩訶般若波羅蜜

觀菩薩具云菩提薩埵華言覺有情謂覺悟一切衆生也以六度爲乘運諸衆生出三界而到涅槃彼岸也梵語摩訶此云大梵語般若此云智慧梵語波羅蜜此云彼岸到謂總歸贊嘆諸聖功德爲供養之結詞也

粥有十利饒益行人果報無邊究竟常樂

摩訶僧祇律佛住舍衛城時難陀母作食先飯比丘後自食復作釜飯逼上飯汁自飲覺身內風除宿食頓消由是多水少米合煎復用胡椒薑芡調和奉佛由是佛聽比丘食粥有十種利佛說偈曰持戒清淨人所奉恭敬隨時以粥施十利饒益於行者色力壽樂辭請宿食風除饑渴消足名爲藥佛所說欲

生人天常受樂應當以粥施衆僧十利者一資益身

軀顏容豐盛二補益疴癘增長氣力三補養元氣壽算增益四清淨柔軟食則安樂五滋潤喉吻論議無礙六調和通利風氣消除七溫暖脾胃宿食消化八氣無凝滯鮮潔清揚九適无口腹饑餒除十喉吻雲潤渴想隨消周書黃帝始烹谷爲粥魏武帝苦寒行曰行行日已遠人馬同時饑擔囊行取薪釜水持作糜燈錄南泉一日爲衆僧行粥次馬祖問桶裏是甚麼師曰這老漢合取口作恁麼語話祖便休自餘同參無敢詰問◎趙州喫粥了也未見洗鉢偈

三德六味供佛及僧法界有情普同供養

三德者一清淨謂供佛僧之食當使清潔無軍穢之氣二柔軟謂供佛僧之食當須柔軟甘和而無麤澀之味三如法謂供佛僧之食當隨時措辦製造得宜六味者苦酸甘辛鹹淡也涅槃經諸優婆塞爲供佛及僧辦諸食具種種備足皆是旃檀沉水香薪入功德水之所成熟其食甘美有美德焉供佛謂供三世諸佛也僧有二種一者菩薩僧二者現在大衆僧

供佛未有不供僧也。故曰及普同者。上至諸佛菩薩。聖賢天龍護法。下至一切含靈。無不遍及。故曰普同。若飯食時。當願衆生。禪悅爲食。法喜充滿。

國華嚴疏。世間之食。但能資益生死之身。修行之人。於世美味。心不貪嗜。常持正念。以禪悅法喜爲食。則能長養善根。出離生死。成就善故。有出世五種食也。一念食修聖道者。常持正念。故二法喜食。愛樂大法。資長道種。心生歡喜。故三禪悅食。由得定力。資長慧命。道品圓明。心常喜樂。故四願食。不捨梵行。長養一切善根。如世之食。資益身根。故五解脫食。離諸業縛。於法自在。長養菩提。故六不由胎藏。不假段食。惟禪悅法喜食也。

出生飯不過七粒。麪不過一寸。饅頭不過指甲許多。則爲食。

國雲居願注。食謂食功德也。太多亦非法。故制少。則爲慳。其餘蔬菜豆腐。不出。

國食堂前立石。狀如蓮花。仰天覆地者。名施生臺。臺之週。遵兼七佛名。令一切見者。滅罪生福。故其蓮花。

仰天平如鏡。圓如曼陀羅。中鐫梵書。八字。種行者。出生於字上。令諸鬼神。結斯法味。得解脫。故今人不知。瞻禮而反忽略。因便囑物。甚至以鞋襪。襪等。加於佛法之頂。不覺不知。負大逆罪。見者能不傷感。因標示之。幸毋再犯。微疏腐。不出生。得不惜乎。訓七粒。具足諸味。而能充塞大千者。法也。故榮蔬不必出生。凡出生。安左掌中。想念。

國行者。先於左手。拇指。招無名指。小指。仰伸。指中指。無名指。盛生飯。次以右手。結印。如左。交相運。想。去。貴字。種流出。無盡法食。普濟鬼神。

法力不思議。慈悲無障礙。七粒。遍十方。普施周沙界。庵度利益。莎訶。

國障礙者。謂餓鬼有三障。一外障。謂餓鬼常受饑渴。皮肉血脉。皆悉枯槁。頭髮蓬亂。其面黯黑。唇口乾焦。常以其舌。自舐口。面障惶。馳走處處求食。所到泉池。便見其水。變成膿血。自不欲飲。如是等鬼。由外障礙。飲食是名外障。二內障。謂餓鬼咽。或如針口。或如炬。其腹寬大。由是因緣。縱得飲食。不能啖飲。如是等鬼。

由內障礙飲食是名內障。三障謂有饑鬼名猛餓。饑雖有飲食無有障礙。然隨所飲啖之物皆被燒然。變成火炭。由此因緣饑渴大苦。是名無障。法力者。偈呪觀行力。也不思議者。不可以心思。不可以言論。而能成就不思議之慈悲。以慈悲故得無量。礙以無量礙故。而能以七粒周遍沙界。俾諸鬼神消諸障礙。得沾法味。而得解脫。知上二偈。本於涅槃天傳二典。故句異而義同也。當時世尊爲鬼子母等。惱害人民。咒惡無比。故先以威折。後以慈攝。授以法食。易其口腹。不使生命入其死門。故曰出生。然惡法化不恒。咒惡之輩。仍害生命。乃教諸弟子。凡修行處。食時先施法食。令滿法喜。故徵觀叢林出生之法。有者堂頭與諸大眾同時出生。有者食時先置飯一器於阿利帝母前。臨呪願時。惟堂頭一人出生。究竟一人出生。與多人出生。有以異乎。謂言理則一多無礙。言事則一畢竟一多畢竟多何。則楞嚴云。譬如一人喫飯。多人飽否。今一人出生。乃一人之慈悲。與多人慈悲。何與焉。是故一人爲善。而使多人不爲善。則一人爲善。其

功小使多人不爲善。其過大涅槃云。不施食者。非我弟子。乃知多人出生。各各遍佛遺教。名各誠已分。段之粒如法而施。一時千指分。光慈悲利濟。豈不廣大也哉。徵七粒之數。不用六及八何也。謂七粒者。言千塵之充。從無一而始。無一而生。兩了曰。三一而三母也。三而一子也。子三母三。及無一之祖。以成來復之象。變化不測。而六八在數不在數可知矣。故七粒之量。雖可數。而佛法之量。不可數。昔樂巴之酒。小術能化爲甘雨。如來願力。七粒充遍大千。理固然也。豈大願翻不及小術耶。

大鵬金翅鳥

圖起世經。龍與金翅鳥王。皆具卵胎濕化四種。生經云。大海之北。有一大樹。名曰居吒奢摩離。其高一百由旬。枝葉徧覆五十由旬。此鳥王與龍等。皆依此樹四面而住。其四面各有宮殿。縱廣六百由旬。七重垣牆。七寶莊嚴。一卵生金翅鳥王。居樹東面。欲啖龍時。飛往東枝之上。覲大海水。乃即飛下。翅扇海水。令水自開二百由旬。取龍食之。此鳥王惟能取卵生。龍不

能取胎濕化二生龍也。二胎生金翅鳥王居樹南面。欲取龍時。飛往樹南。令水自開四百由旬。取龍食之。此鳥王惟能取卵胎生。龍不能取濕化二生龍也。三濕生金翅鳥王居樹西面。欲取龍時。即向樹西海取之。水開八百由旬。此鳥王能取卵胎濕之龍。不能取化生龍也。四化生金翅鳥王居樹北面。欲取龍時。向樹北海取之。水開一千六百由旬。彼諸龍等皆爲此鳥王之所啖。食樓炭經四生金翅鳥還食四生龍是也。

噉野鬼神衆羅刹鬼子母甘露悉充滿 噉穆帝沙訶

圖大涅槃經。佛遊聚落樹下。有一鬼名噉野。純食血肉。日食一人。我爲說法。然彼愚癡。不受教道。我卽化身爲大力鬼。動其宮殿。令不安。所使彼迷悶。我以慈悲。千摩其身。卽還坐起。生善信心。我復本相。爲說法。要受不殺戒。戒鬼自言。我及眷屬。唯仰血肉存活。今以戒故。當云何活。佛云。今敕弟子。隨有修行處。食時當先出生。若不出生。非我弟子。鬼子母羅刹中之

巨魄也。生于子最小名愛奴。極所憐惜。常食人子。佛爲化導。將愛奴藏之鉢下。其母於天上人間覓之。不得。既歸。伏於佛。遂揭鉢。還之。其千子皆爲鬼王。統數萬鬼衆。五百在天上。常饒亂諸天。五百在世間。常饒國界人民。佛爲授五戒。歸正法。得須陀洹住。佛精舍無子息者。求子得子。有疾病者。禱之則安。故爲鬼王。母由受佛戒。亦呼千子。同依佛。所不惱天人也。已上言金翅鬼子暴橫如此。乃見佛之威德。神力不動聲色。而能降伏。然其暴惡。習氣未盡。故先以甘露。添其心胸。而調伏之。後以法味而充滿之。

汝等鬼神衆。我今施汝供此食。徧十方一切鬼神共。噉穆力陵沙訶

圖言汝等者。謂承佛呪力。直召其名。而施法食也。此食徧十方者。諸鬼神等各散十方。而此呪食。能徧十方。以表佛心平等。一切鬼神皆得平等法味也。隨食呪願。皆當恭敬。

圖有比丘受他請食。默然入。默然去。諸居士呵責云。我等不知食好。不好。諸比丘白佛。佛言。從今食時。應

表宣施者之意

正食時偈

【律】三鉢羅法多此翻正。正將食時默念三遍能除食毒故名。義即等供之唱法。舊云僧跋訛也。佛制比丘。

【十誦】尸利仇常疑佛有一切智。乃計毒食舍內作大火坑。令無烟焰。以沙覆上。敷不織床。自言若佛有智。當不赴請。佛以應度。默允。乃語阿難。今諸比丘莫先行。於是領諸比丘入於彼舍。火坑化作蓮花。佛與比丘皆行花上。其不織床皆成定床。尸利感化。白佛。此食難不堪佛。但施食之無病。佛告阿難。宣令未唱呪願不得先食。唱已食皆甘美。佛還作法。從今未唱呪願不得食。食存五觀。

【詳著下文】

散心雜話。施信難消。大眾聞聲。各正念。

【此即佛告阿難。宣令之偈。以警比丘。當修正觀。乃可受食。若不修觀。散心雜話。而食者。恐信施難消也。

占云。施主一粒米重如須彌山。若還不了。道披毛帶角。還難消二字。甚於尸利仇之毒藥也。是故叢林至今。遵佛遺勅。而於將食時。擊磬宣偈。令諸比丘於此聲中。各存正念。正念者。如理而念。名為正念。念即念慧。謂沈掉有無等不動。謂不動正念。梵網寧以此口吞熱鐵丸。及大流猛火。經百千劫。終不以此破戒之口。食於信心。檀越百味。飲食五燈。提婆尊者得法後。至迦毗羅國。有長者曰梵摩淨德。一日園樹生耳如菌。味甚美。唯長者與第二子羅睺羅多取食。取已隨長。餘親屬皆不能見。祖知其宿因。遂至其家。長者問其故。祖曰。汝曾供一比丘。然此比丘道眼未明。虛沾信施。故報為木菌。惟汝與子精勤供養。故得享之。又問長者年多少。曰七十九。祖說偈曰。入道不通理。復身還信施。汝年八十一。此樹不生耳。後如其言。果佛授記。

三匙觀法

【大智度論】食為行道之人正受食時。須作三願。一願斷一切惡。

圖初下匙時當願此生所有身口意一切惡悉令斷盡

二願修一切善

圖次下匙時當願此生所有善法悉令滿足

三誓度一切衆生

圖後下匙時當願此生所修善根迴施衆生共成佛道

食存五觀法 一計功多少量彼來處

圖智度論此食舉植收穫春磨淘汰炊爨及成功用甚多量彼來處者僧祇律施主減其妻子之分來求福故施凡食時當作此觀古詩鋤禾日當午汗滴禾下土誰知盤中餐粒粒皆辛苦論衡穀之始熟曰粟春之於白箴其糝糠炊之於甑爨之以火成熟爲飯乃甘可食而食之味生肌腴成也粟未米米未成飯氣腥未熟食之傷人

二付已德行全缺應供

圖毗尼母律若不坐禪誦經書三寶事及不持戒受人信施爲施所墮則不宜受食德行若全則可應供

受食凡受食時當作此觀

三防心離過貪等爲宗

圖明了論疏出家先須防心三過謂於上味食起貪下味食起瞋中味食起癡以此不知慙愧墮三惡道凡受食時當作此觀

四正事良藥爲療形枯

圖饑渴爲主病四百四病爲客病須以食爲醫藥用資其身凡受食時當作此觀四百四病者人身假地水火風四大所成一大不調則生百一種病四大共成四百四病

五爲成道故應受此食

圖不食則饑渴病生道業何成增一阿含經多食致苦患少食氣力衰處中而食者如秤無高下凡受食時當作此觀筆演黃山谷曰禮所教飲食之序教之末也食而作觀教之本也今士大夫誦先王之法言則一人也起居飲食則一人也故設教不得不如是君子有思終身之思也食時作五觀終食之思也日一日如是行之念念仁智則夫二人者今而爲一矣

五燈黃龍南化主歸上堂世間有五種不易一化者不易二施者不易三變生爲熟不易四端坐喫者不易更有一種不易是甚麼人良久云淨便下座時翠巖眞爲首座藏主問適來和尚道第五種不易是甚麼人眞曰腦後見腮莫與往來

無呵食好惡

古人粗衣遮寒糲食充饑爲學道故若當大衆齋法之時呵食美惡損福良多或遇病緣不能食粗糲者亦當存默

不得以食私所與

私與成盜棄故

若摘與狗

一大檀誠敬以美饌供佛僧時有大楊腹搖尾作乞憐之狀一比丘惑之分食餒犬檀信不悅白佛故制

來登食不得言不用若已飽當以手讓却之

佛制持鉢而食至飽而後放鉢若行者來登食欲食卽以鉢托出既飽乃置鉢几上或行者更來登則

以手讓却者以下代語止之燈錄巖頭曰逐物爲下却物爲上且道與此却之何如 常州芙蓉太毓禪師因行食到巖居士前士擬接師乃縮手曰生心受施淨名早訶去此一機居士還甘否士曰當時善現豈不作家師曰非關他事士曰食到口邊被他奪却師乃下食士曰不消一句昭覺勸云善現作家美容奇特盡被巖居士一時領過了也只如居士道不消一句且道是那一句端坐受供養施主蒙安樂

不得爪頭使風屑落鉢中

風屑落鉢中使隣坐生嫌棄失威儀故

不得含食語

五燈神照證常與數耆宿至襄沔間一僧舉論宗乘頗敏捷會野飯店中供辦而僧論說不已師曰三界惟心萬法惟識惟識惟心眼耳鼻舌是甚麼語僧曰法眼語師曰其義如何曰惟心故根境不相到惟識故聲色槩然師曰古味是根境否曰是師飭茶菜入口中含胡而語曰何謂相入耶坐者駭然僧不能答師曰途路之樂終未到家見解入微不名見道

參須實參。悟須實悟。闍羅王不怕多語。僧拱而退。

食時語。非惟禪律並遮孔門。亦常戒慎。除爲佛法機緣。急救世間等事。不犯如神。鼎鑪會野。飯於山店也。蓋有狂禪含食語。以神鼎自況。大似薰齋。比栴檀耳。不得笑談雜話。

闍山警策。不解付思來處。謂言法爾。如然喫了。聚頭喧喧。但說人間雜話。

不得嚼食有聲。

闍行護食時。不得大攪及啜飲。作聲。衆中食訖。不得嗽口作食禮。不絮美。不啜齏。不固獲。不返食。

如欲挑牙。以衣袖掩口。

挑剔也。隨衆食時。不可剔牙。宜食畢。至僻處。即欲剔者。宜以袖掩口。若露齒失威儀故。

食中或有蟲蠅。宜密掩藏之。莫令隣單見。生疑心。

闍行人非不欲以精潔飲食。供奉間。或蟲蠅誤入。飲食之內。見者。當密藏。勿令人疑心。不能食。昔有僧見桶中熟蔬。浮水雞忙。取食之。含胡語曰。好個熟菜頭。其僧事跡雖粗。乃見一時權宜。以安衆心。其僧却有

汾陽力量

當一坐食。不得食訖離座更坐食。

闍佛說一坐食。比丘嘆譽。領受。更不復食。形體枯瘦。佛即開許。一食後。更食麪餅等。令飽足。飽足者。滿足其意。不異其時也。若異時。即非時食也。一日鉢孟兩度。濕應鐘版之時。食也。一坐而不再坐者。恐非時故。不得食訖。以手指刮鉢鉢食。

闍鉢中心粒。應施生靈。若以手指刮食。大失威儀。兼失利生功德。故行護。若有食遺落食巾上。不得取食。當押聚安一處。付與淨人鉢中。

凡食不得太速。不得太遲。

闍太速則粗氣逼人。太遲則延慢失候。故須不急不緩。次第食之行。護把鉢。不得太高。不得太低。則當胸前。碗鉢常須離膝。巾不得安手。致膝上清規。不得將口就食。不得將食就口。禮節不得鉢中央挑飯。不得大撓刮鉢中。

行食未至。不得生煩惱。

闍時惟法喜。禪悅。無煩惱。故若一人煩惱。則四座

爲之不安遂成煩惱。法事不得罪。

或有所需。默然指授。不得高聲大喚。指授也不得碗鉢作聲。

食時威儀。碗鉢自然無聲。碗鉢作聲。因顯慳故。一人顯慳。不堪動聽。多人復然。而食堂規矩散漫。法

不恭其過。誰歸。

不得食畢先起。

齋法自始至終。皆當恭敬。食畢先去。則有始無終。

欺慢大眾。除常住公事及遠行者。須白知事。則不犯。

若違僧制。

僧制者。卽律中所說之文。皆僧制也。有違者。則先

以椎白聚眾。而後斷事。聽罰。慳度不應。匡脚。食妨礙

比座。所食可棄之物。應取著脚邊。去時持去。清規不

得將口就鉢。將鉢就口。禮節不得。鉢中央挑食。過山

警策。碗鉢作聲。食畢先起。去就乖角。僧體全無。起坐

必贊動他。心念戒學。先知。苾芻。惟著下裙。上無衣者。

不應受食。若病老者。當屏處而食。

聞白椎不得抗拒不服。

聞白椎者。法王之正令。文殊之大用也。今叢林凡事

亦用椎白。不待言而衆集。且道椎作麼生。白有血氣

漢一聞白。椎當下省悟。若是沒意。致底不識。好惡五

燈。世尊陞座。大眾集定。迦葉白椎云。世尊說法。竟世

尊便下座。刹說。應說無間。歇世尊陞座。已落第二

三科矣。無端金色頭陀。却將一大部。不斷頭。經強生

著破。至今天下。稍僧句讀。不徹。頭棒頭吐。舌露。拄揚

聲。日上下。正令齊行。雙泉師寬。初住雲門。一日

聞白椎。曰。請師寬。充典座。師翻勛斗出衆。曰。雲門。禪

屬我矣。

飯中有穀。去皮食之。

齋戒下注。無量壽經。律或聚一處。出時。將施食鳥

五燈石霜。慶爲過山。米頭。備米次。過曰。施主米。莫拋

散。慶曰。不瀉於地上。拾一粒曰。個是甚麼。慶無對。過

曰。莫輕這一粒。百千粒。從此一粒生。慶曰。未審這一

粒。從甚麼處生。過呵呵大笑。至晚上。堂曰。大眾。米裏有

蟲。諸人好看。正風鉢。拾得爲國。清龜下頭陀。齋後。取

殘汁。帝飯。置竹筒中。伺寒山。山見之。怡然負於腰下。

快飽而已。雲門證爲雲棲。頭除糞後。以廁底穀粒。汰淨食之。皆潛行密用也。今人固不能如寒山雲門所爲。而所剩汁及洗碗遺粒。或餒犬豕。或濟魚蝦。以成濟生之德。亦是惜福之道。乃作珍粒。箭筒諸同人云。我親無數米。種從一粒始。天公雨露恩。農夫血汗脂。意在活蒼生。恩大勤不止。莫將一粒輕。大以須彌比。如何高上人。不省米來理。狼藉噴滿堂。鞋沾入園裏。宿飯棄厨舍。路傍有餓死。天眼有雷霆。暴物何堪此。三年兩度荒。不記食糠粃。我著珍粒篇。遙簡天下士。足邊有遺粒。見者卽拈起。鑊底飯。甲香食之最甘。美餉餘殘汁。盤洗碗并油。滓自己不能食。亦當餒犬豕。或傾長流中。而濟魴與鯉。所施雖微芒。功德日積累。不惟長福源。亦爲入道址。僧要長沙翼。遊蜀刺史毛。臻爲設中食。翼見飯中得一粒。穀卽先食之。毛密敬異。後餉米千斛。翼卽受分施。

附 不得見美味。生貪心。恣口食。

國大論思。惟此食。棄植耘除。收穫蹂治。磨春淘汰。炊羹乃成。計一鉢之飯。作夫汗流集合量之食。少汗多。

功力艱辛。營調香味。纖供三寸。卽成不淨。云何恣食無度。不念道德輕微。以何消受。將來恐墮異類。酬償之苦。切生慙愧之想。薩遮尼乾子經。噉食太過。人身重多。懈怠。現在未來。世於身失大利。睡眠自受苦。亦惱於他人。迷悶難覺。悟應時籌量食。

不得偏衆食。

國偏衆食者。不共衆食也。不共有三一。私造飲食。不與衆食。而獨食者。其過大二。不私造飲食。有事異坐。食者不犯三老病。不能隨衆。雖私造食。無犯實訓。拙菴曰。佛鑑住太平高菴。充維那時。年少氣豪。下視諸方。少有可其意者。一日齋時。鳴磬見行者。別器置食於鑑前。菴出堂厲聲曰。五百僧善知識。作這般去就。何以範模。後學鑑如不聞見。逮下堂詢。乃水齋菜。蓋鑑素有脾疾。不食油。故菴有愧。詣方丈告退。鑑曰。維那所言甚當。緣惡慙病。乃爾常聞聖人言。以理通諸礙。所食既不優於衆。遂不疑也。維那志氣明遠。他日常柱石宗門。幸勿以此芥蒂。逮鑑遷智海菴。過龍門後。爲佛眼嗣。

結齋法式

南無薩哆喃三藐三佛陀俱胝南恒姪他囉折隸主
結律提婆婆訶

所謂布施者必獲其利義若為樂故施後必得安樂
所謂法施財施皆從歡喜布施故後所得報亦快樂故

飯食已訖當願眾生所作皆辦具諸佛法

圖一時齋法已竟若不發志願則前三起五觀等皆
為刺語有始無終是故當願一切眾生究竟一切事
也所作皆辦豈易哉略言端坐受供觀行已周厨
務行堂已畢至於入理深談二乘砥斷見思惑菩薩
將盡無明尚未名皆辦惟佛五住究竟二死永忘可
稱皆辦

受臘偈

圖上古檀越飯僧先以布氈觀其座齊已還觀作衣
故親從衣後以銀錢代布故親從目稽古略練塘居
士洪度善持江東節度使夜宿池州梅山愚宗師迎
之相與夜談洪問飯僧見於何經宗曰四十二章經

云凡飯人百不如飯一善人乃至飯百億三世諸佛
不如飯一無住無作無證之者謂無修無證則是正
念獨脫則功德超諸佛也洪曰前輩知此者多矣其
為誰乎宗曰近如秦少游蘇州貶所自作挽章有誰
為飯黃縉之句東坡既聞秦計以書送銀五兩囑范
元長為秦飯僧及東坡北歸至毗陵以疾不起太學
生真錢於東京慧林飯僧蘇黃門撰東坡墓誌首載
之洪曰臘金有據乎宗曰豈不見毛詩小雅鹿鳴燕
羣臣嘉賓也既飲食之又實幣帛筐篚以將其厚意
蓋飯食不足以盡敬而加贈遺之以致感動於時為
誦丁晉公齋疏不錄

祝願達願當願眾生悉令通佛十二部經

圖出菩薩本業經又偈云財法二施等無差別檀波
羅蜜具足圓滿 凡有願施者必有願求受施者當
於三寶前宣達其願尊者菩薩須蜜論作檀願此云財
施解言報施之法曰達願導引福地亦曰達願字或
從手西域記正達願擊者右也或云駄器尼以右手
受人所施為其生福故肇云夫以方會人不可以一

息期以財濟物不可以一時周是以會通無隔者彌綸而不漏法澤冥被者不易而普覆十二部者大智度論十二分經也一修多羅華言契經上契諸佛之理下契衆生之機經者法也常也十界同遵曰法三世不易曰常此聖教之總名也二祇夜華言應頌又云重頌謂應前長行之文重宣其義或六句四句三句二句皆名頌也三伽陀華言諷誦謂不誦長行直說偈句如金光明經空品等是也四尼陀羅華言因緣如經中有人問故爲說是事如律中有人犯是事故制是戒即來所說一切根本緣起之事皆名因緣如法華化城喻品說宿世因緣等是也五伊常目多華言本事謂說諸菩薩弟子因地所行之事如法華本事品云藥王菩薩於日月淨明德佛所得法歡喜即然身臂以爲供養修諸苦行求菩提道等是也六闍多伽華言本生謂說佛菩薩本地受生之事如涅槃云比丘當知吾於過去作鹿羅騷兔龍及作金翅鳥聚散王轉輪聖王之類是也七阿浮達磨華言未曾有亦云希有謂如佛初生時即行七步足跡之處

皆有蓮花放大光時徧照十方世界而發是言我是度一切衆生老病死者地大震動天雨衆花樹出音聲作天技樂如是無量希有之事是也八婆陀具云阿波陀那華言譬喻謂如來說法爲鈍根者譬喻以曉示之令其開解如法華火宅藥草喻品是也九優婆提舍華言論議謂諸經問答辯論諸法之事如法華提婆達多品智積菩薩與文殊師利論說妙法是也十優陀那華言自說謂無有人問如來以他心智觀衆生機而自宣說如楞嚴說五十種魔事不待阿難請問又如彌陀經無有緣起自告舍利弗是也十一毗佛略華言方廣方者法也廣者大也正理曰方包富曰廣謂大乘方等經典其義廣大猶如虛空也十二和伽羅華言授記謂如來爲諸菩薩辟支聲聞授記如法華云汝阿逸多於當來世而成佛道號曰彌勒等是也微施主一顯云何能通十二部經訓如來一大藏經經不離六度梵行而六度梵行皆以檀波羅蜜爲先由此觀之豈止通十二部而已我天山老人嘗以一文錢開示四句法及分別十法界

之相乃至祖意教意直下令人悟去則顯施之功利莫大焉。燈錄甘贊行者一日到南泉。設齋黃栗爲首座行者請施財座曰財法二施等無差別。甘曰。慳麼爭消得某願便將出去須臾復入曰請施財座曰財法二施等無差別。甘乃行願。○有施主婦入院行衆僧隨年錢僧云聖僧前著一分婦曰聖僧年多少僧無對法眼代云心期滿處即知。

洗鉢偈 以此洗鉢水如天甘露味施與諸鬼神悉令皆飽滿 唵摩休囉悉沙訶

○餓口蘇嚕巴水也世人但知施食之利不知施水之功。謂餓鬼咽喉熾然見水不能飲。惟呪飲之清涼。是故洗鉢時加持偈。願力水飯兼施如天甘露。能令鬼神不饑渴。故經律有阿羅漢常入龍宮食食。還以鉢授沙彌。洗鉢中有殘飯數粒。沙彌嗅之大香。食之甚美。便作方丈師。繩床下兩手捉脚。其師至時繩床俱入龍宮。龍言此未得道。何以將來沙彌食鉢粒。故五燈趙州因僧問學人乍入叢林。乞師指示。師云喫粥了也未。僧曰喫粥了也。師云洗鉢盂去。其僧忽

然省悟。○五雲志逢一日入普賢殿中宴坐。候有神跪於前。師問誰曰護戒神。師曰吾有何愆耶。曰洗鉢水師每傾棄。非所宜也。師此後盡飲之。即成脾疾。十載方愈。○雲巖處席郡牧欲死心畢住持。心曰準山主住得某未嘗譏。渠見有洗鉢頌甚好。頌曰之乎者也。稱僧鼻孔大頭向下。若也不會問取東村王大姐牧奇之。請住雲巖。

執楊枝偈

○白玉蟾記太微空中箕宿之精。化爲柳垂垂。曼曼於滄雲疎雨之間。古之所隱於柳者。蓋欲彰其溫柔謙遜之志也。

手執楊枝當願衆生皆得妙法究竟清淨 唵薩巴

嚩述答薩哩吧答哩薩哩吧嚩述恒嚩囉

○菩薩尋常百無所思。一切天人覓其起處。不得忽然。機境相逢。乃見入事入理之無窮。是故菩薩纔舉楊枝。便願一切衆生皆得悟入妙法。究竟妙法。無他直願一切衆生清淨而已。蓋楊枝質性溫柔。滋味清涼。故取其義爲喻也。

嚼楊枝偈

嚼珠林垂楊細柳絲幹新條去熱則口發齒齧淨齒則氣含優鉢

嚼楊枝時當願衆生其心調淨噉諸煩惱 唵阿穆伽彌摩隸爾嚩嚩僧輸跋爾鉢頭摩俱摩囉嚩嚩僧輸跋耶陀嚩陀嚩素彌摩喇莎嚩訶

嚼楊枝味苦澁飲之則有益身心菩薩爲願一切衆生調伏煩惱更無別法惟示堅忍之法除其煩惱亦如飲楊枝苦味而消煩熱也淨行疏鈔載西域皆朝中嚼齒木鹽漱清淨方行禮敬淨穢不相雜也鈔楊枝有五利一明目二除痰三除口氣四辨味五消食發隱草木都爲鬼神所棲上有宮宇人自不見故木不可輕伐

漱口偈 漱口口齒當願衆生向淨法門究竟解脫國食時菜甲遺齒腴間久之作氣故食後須漱口言此當願不但漱口自巳口齒清淨而已當願與一切衆口齒無量法門同時清淨究竟解脫也寄歸傳凡受食及餘飲食俱入其口身即成觸要將淨水漱

口之後方得觸餘人若未澡漱被觸人並成不淨

禮拜第七

願大方廣寶篋經智燈聲聞問文殊言云何禮佛文殊言若見法淨名見佛淨若身若心不低不昂正直而住不動不搖其心寂靜行寂靜行是名禮佛華嚴孔目三種禮佛一成過禮謂禮佛時身儀不正與輕慢相應如磬上下佛制有過二相似禮謂禮佛時身儀雖似端正與雜覺相應故三願實禮謂禮佛時身義端正與正智相應隨願實禮故華嚴隨疏演義凡禮敬三寶必須五體投地所以折伏憍慢用拜虔誠故一右膝二左膝三右手四左手五首頂一願我右膝著地時令諸衆生得正覺道二左膝願我左膝著地時令諸衆生於外道法不起邪見悉得安立正覺道中三右手願我古手著地時猶如世尊坐金剛座地震現瑞證大善提四左手願我左手著地時令諸衆生遠離外道難調伏者以四攝法而攝取之令入正道五首頂願我首頂著地時令諸衆生離憍慢心悉得成就

無上善提增一阿含經禮佛五種功德一端正。因見佛相好發歡喜心而生渴仰。來世即得相貌端正。二好聲。因見佛相。稱南無佛名。來世得好聲音。三多饒財寶。於諸佛所而作大施。散花燃燈。來世獲大財寶。心無貪著。四生長者家。若見如來相好長跪叉手。至心頂禮。來世生長者家。五身壞命終生善處。天上由敬禮佛所獲功德。來世得生善處。及於天上也。珠林既知聖教。禮佛功德不可思議。是故行者常預作意。不得自惰。恐無常忽。至瞻禮無處。譬鼠入角路窮。何遜佛說偈云。命如風中燈。不知滅時節。今日復明日。不免死輪。至冥冥從業。緣不知生何道。○今此所敘威容相狀中。邊時俗各有異儀。故中天度敬震日不同。彼則拜少而繞多。此則拜多而繞少。彼則肉袒露足而為恭。此則申履備整而為敬。翻譯變那。亦名出聲論。或名槃談訛云。和南皆翻我禮禮者。履也。體不備君子謂之不成人。南山云。四儀若無法潤。乃名枯槁。衆生故天台明四種三昧之法。是知四儀法則名禮。

身業恭敬名拜也。○經律禮佛無侍者。敷具之又此蓋憍慢。非至敬禮也。侍者敷具。為山行及隨處等然。禮佛必須自敷具。或為老病侍者代敷可也。今之色力強健者。亦必侍者敷具。習為故態。非憍慢。而何大論禮有三。一口禮。二膝禮。頭不至地。三頭至地。是為上禮。口禮者。合掌問訊也。僧祇禮拜不得如羶羊。當相問訊。善見論當安慰。舒顏先語。平視和色。正念在前。問訊比丘到佛所。問訊云。少病少惱安樂否。二屈膝者。即互跪也。今訛云。胡跪蓋梵世遺種。屈坐。問惹嶺之北。諸戎羌胡。今經律多翻互跪。以三處翻。故名互跪。即右膝著地也。涅槃疏明三義。一右膝有力。跪能安久。二右膝有力。起止便易。三右膝躁動。著地令安。若兩膝著地。則名長跪。輔行。準地持阿含。皆以雙膝雙肘及頂至地。名五體投地。亦名五輪。五處圓故。西域記致敬之式。其義九等。一發言慰問。二俯首示敬。三舉手高揖。四合掌平拱。五屈膝六長跪。七跪膝地。八五輪俱屈。九五體投地。凡斯九等。極一拜跪而贊。

德謂之盡敬。五燈和安通自幼寡言。時人謂之不

語。通因禮佛。次有禪者問禮甚麼。師曰。是佛者乃

指像曰。這個是何物。師無對。至夜具威儀禮。問今

日所問某甲。未知意旨何如。者曰。座主幾夏。師曰。

十夏者曰。還曾出家也。未師轉茫然者曰。若也不

會百夏。奚爲乃伺命參馬祖。及至江西。祖已圓寂。

退謁百丈。頓釋疑情。有人問師。是禪師否。師曰。貧

道不曾學禪。師良久召其人。人應諾。師指櫻欄樹

子。人無對。◎黃檗在鹽官殿上。禮佛次。時唐宣宗

爲沙彌。問曰。不著佛求。不著法求。不著僧求。禮拜

當何所求。師曰。不著佛求。不著法求。不著僧求。常

禮如是事。彌曰。用禮何爲。師便掌。彌曰。大德。生師

曰。這裏是甚麼。所在說。彌說細。隨後又掌。

禮拜不得占殿中央。是住持位。

中央是主法之位。雖前戒不敢占。此位況後戒

者。

有人禮佛。不得向彼人頭前經過。

其義有二。一恐妨禮佛正觀。二恐足起塵。觸彼

頭面。令彼煩惱。故

凡合掌。不得十指參差。不得中虛。不得將指插鼻中。

須平胸高低得所。

禮懺慢禮者。謂指合而掌不合。有掌合而指不合。由

心散慢。故合掌下三句。正形寫。不存觀法。懶惰懈怠。

之狀。若禮佛。不存觀法。徒禮何益。論語手與心齊。高

不過揖。與合掌義同。觀音義疏。此方以拱手爲恭。外

國以合掌爲敬。手本二邊合而爲一。表專至一心也。

脫有個漢。向纔合掌處。頓悟臨濟三玄要旨。也不

爲分外。

不得非時禮拜。如欲非時禮。須待人靜時。

朝暮大眾同時禮佛之時。除此二時。私自禮佛。雖

是好。事未免招搖動衆。若人靜時及閉居獨處。無礙

時。時禮佛。

師禮佛。不得與師並禮。當隨後還拜。

尊卑上下。不可紊亂。故不得與師並肩禮佛。隨後

還拜。以別別上下之分。

師拜人不得與師同拜。

凡師與人作禮。非前輩耆宿。卽師友道若渾然同拜。不別尊卑故。

在師前不得與同類相禮。在師前不得受人禮。

同類同學也。古德云。佛前受人禮拜。大不祥。況沙彌年少。正在學地。當禮拜於人。勿受人禮拜也。

已手持經像。不得爲人作禮。

國手持經像。卽佛在手。凡遇耆宿。尊客。俱不應作禮。

但云經像在手。不敢作禮。或不免作禮者。須安置經像。然後作禮。

像然後作禮。

像然後作禮。

凡禮佛須精誠。作觀教列七種禮。不可不知。

國珠林。天竺。勒那三藏。觀此方不習禮之儀。傳此七種之法。雖通云禮佛。而有是非淺深不同。蓋欲人知。

我慢求名二種之非。而歸身心等五種之正也。從淺至深。修行獲益。故一我慢禮。謂身雖設拜。無有歡心。

外觀似恭。內懷我慢也。二求名禮。亦名唱和禮。謂但

要名譽。詐現威儀。常行禮拜。實無慇懃心也。唱和禮

者。口雖稱唱。佛名心實馳求外境也。三身心恭敬禮。

謂口稱佛心。心存相好。身業翹勤。恭敬供養。無異念。

謂口稱佛心。心存相好。身業翹勤。恭敬供養。無異念。

謂口稱佛心。心存相好。身業翹勤。恭敬供養。無異念。

也。四愛志清淨。禮謂惡心明了。遠佛境界。內外清淨。

虛通無礙。禮一佛時。卽禮一切諸佛。禮一切諸佛。卽

禮一佛。以諸佛法身。體本融通。故禮法禮僧。亦復如

是。五遍入法界。禮謂想自己身心等法。從本以來。不

離法界。諸佛不離我心。我心不離諸佛。性相平等。本

無增減。今禮一佛。卽遍通諸佛。如一室中懸百千鏡。

鏡鏡皆現。鏡無不照。影無不現。如是正觀。則功歸法

界。德用無邊。是名遍入法界禮。六正觀修誠。禮謂攝

心正念。雖對佛身。卽禮自己佛身。蓋由一切衆生。本

有覺性。與佛平等。爲隨染緣。迷於已性。忘認爲惡。無

始以來。未曾將一燈一香。一禮供養。已身佛性。若能

返照本覺。則解脫有期。故維摩經。親身實相。觀佛亦

然是名正觀修誠禮。七實相平等禮。謂前正觀中。猶

存有體有。親自他兩異。今此一禮。無自無他。凡聖體

用不二。若見佛可尊。可敬。見凡可卑。可慢。此心卽成

邪執。故金剛經是法平等。無有高下。能禮所禮。其性

空寂。是名實相平等禮。

登殿堂道場。若得見佛。當願衆生。得無礙眼。見一

切佛

圖若得見者言不易見之辭也。既得見佛。當生自慶。然佛性人人本具。何不易見。惟其本具。故不易見。所謂不見廬山真面目。只因身在此山中。言衆生不易見佛者。祇爲妄想執著爲礙耳。若妄執消盡。本覺始覺。同一圓明。同一清淨。況有生佛之名。能所之相。分別。豈所以得無礙眼。卽得見佛。得見佛者。卽是佛見。見佛見者。卽無礙眼。華嚴疏十種見佛。菩薩修殊勝行。離諸障礙。稱佛所行。得見十佛。了了分明。如是見者。乃名真見。故云十種見佛。一安住世間。成正覺佛。無著見。二願佛出生。見三業報佛。深心見。四住持佛。隨順見。五涅槃佛。深入見。六法界佛。普至見。七心佛。安住見。八三昧佛。無量無依見。九本性佛。明了見。十隨樂佛。普授見。燈錄初祖云。若一切作處。卽無作處。無作法。卽見佛。鑒註行合解道。卽見佛。

觀佛偈 諦觀佛時。當願衆生。皆如普賢。端正嚴好。國諦觀。誠實觀也。莫將父母所生之眼。而觀須將父母未生前清淨正眼觀之也。端正嚴好者。謂普賢因

中行願齊修。故其報身。福慧莊嚴。世間無比。故當修普賢行願。而成嚴好之相也。

贊佛偈 贊佛相好。當願衆生。成就佛身。證無相法。圖法界次第。如來三十二相。以表法身。衆德圓極。入天中尊。衆聖之王也。華嚴疏演義鈔有八十隨形好。又經云。八萬四千相。八萬四千隨形好。如來德相。嚴好。贊不可盡。假使以虛空爲口。須彌爲筆。香海爲墨。盡大地爲紙。略舉如來一相。一好。贊之經劫。所不能盡。況以父母所生。口彙以三寸筆。乃欲全舉如來萬德相好。而以是句。非句。所能贊之。哉。故發是願。願與當來大心衆生。不離衆生之口。而成佛口。不離衆生之身。而成佛身。何以故。以贊佛故。而成佛口。成佛口。故卽成佛身。成佛身。故證無相法。證無相法。是真贊佛。微菩薩廣劫修行。乃得成云。何不離衆生之身。而成佛身。耶。訓永嘉云。無明實性。卽佛性。幻化空身。卽法身。未嘗離衆生身。別有佛身也。微既成佛身。云何又曰。證無相法。若實有身。不應曰。無相。既曰。無相。何身成佛。訓此正顯佛身相好。贊不及處。句句回

互絕諸滲漏亦見生佛名異而體同若衆生名盡佛亦何有故成佛句爲盡衆生之名無相句爲盡諸佛之跡名跡俱空也宗鏡錄心無形相故號無相法門亦名無相道場若於一切相見無相之理卽惟心如來是無生卽見無相諸相既無惟是覺體名見如來由是則知佛身無相實謂懷菴曰涅槃經云若人聞說大涅槃一句一字不作字相不作句相不作聞相不作佛相不作說相如是義者名無相相達磨大師航海而來不立文字者蓋明無相之旨非達磨自出新意別立門戶近世學者不悟斯旨意謂禪宗別是一種法門以禪爲宗者非其教以教爲宗者非其禪遂成兩家之說互相誣訛說不已噫所聞淺陋一至於此非愚卽狂甚可歎息

釋迦佛因中贊弗沙佛偈

圖四教儀觀音玄記底沙佛有二弟子一釋迦樂修利他行所化機先熟二慈氏樂修自利行所化機在後熟彼佛念曰多人就一人則難一人就多人則易欲今釋迦先成道故乃捨二弟子入山時釋迦菩薩

隨後入山尋師不見踪跡正行次忽見彼佛在寶龜中入火界定威光赫奕特異於常行次忘下一足經於七日說於一偈因此精進超於九劫在彌勒前成佛菩薩本行經佛告阿難往昔有如來出現於世號弗沙佛時彼佛在維寶窟內我見彼佛心歡喜合掌翻一足七日七夜以此偈贊嘆阿難我以此偈贊彼佛已發如是願乃至彼佛語侍者言是人過於九十劫當得成佛號釋迦牟尼我於彼時得授記不會精進增長功德無量世中作梵釋天轉輪聖王以是善業因緣力我得四種辯才無有一人能與我論降伏我者我得成阿耨菩提轉於無上法輪

見一切無有如佛者

圖此偈與世尊降生機緣合參乃見世尊舊習未忘奇哉九十四劫而不忘七日舊習非宿命通安得若此今人熟讀章句隔一日夜盡情忘却何能至劫也其聖凡之隔如此今人若能發願亦如釋迦之贊弗沙亦以此偈七日七夜翻一足而贊釋迦其人必親

見釋迦而爲授記復見千百億釋迦亦不出自心也
釋迦示誕成道詳早覺偈下

禮佛作觀偈

觀毗尼日用報國茂律師所集謂此偈是文殊菩薩
說藕益法師謂此偈乃唐國清湛然卽荆溪尊者依
法華補助儀第七寶相禮作也若然則日用爲文殊
說誤矣余復閱補助儀第六正觀禮注此偈則知藕
益亦誤矣余疑荆溪引證文殊之偈發明正觀亦未
可知不然則集毗尼日用并較諸宿何謬至此耶姑
闕疑質之大方大聖文殊師利菩薩贊佛法身四十
一頌出大乘一切境界智光明莊嚴經在竟園若依
此頌贊禮於佛得大辨才

能禮所禮性空寂感應道交難思議

觀能禮者人所禮者佛若能所之性未忘而佛我之
心猶礙若能所都忘佛我均化是名空寂此空此寂
非頑空之空枯寂之寂乃真空之空眞寂之寂也眞
空眞寂名之不得狀之不得何以故謂空不言空
寂不自言寂言空言寂卽非空寂也神而明之如中

天之朗月如大海之澄波月非因水而開朗水豈緣
月而澄清水本無心月亦何性上下交光水天一色
而至道交感豈心思口吻之可及哉

我此道場如帝珠十方諸佛若隱若顯影現中我
身影現諸佛前

觀此三句不悟十字中字之象如楞嚴東觀則西南
觀成北諸位不成數從何始所言象者太極變化之象
也此象可大可小可橫可豎可長可短可○可○
是故悟此可以圓融行布我此道場供養瞻禮也我
此道場者人人有一片潔白之地不假於人故云我
卽此身心頂禮諸佛入佛知見作佛觀行故云道場
然此道場不假思惟而佛我通感故以帝珠爲喻
嚴帝珠者天帝釋善法堂前以摩尼珠爲網凡一珠
中映現百千珠而百千珠俱現一珠中交映重重主
伴無盡此明事事無礙境界也昔賢首國師立鏡燈
爲喻列十鏡中設一燈若看東鏡則九鏡鏡燈歷然
齊現若看餘方則鏡鏡亦然觀此可以悟禮佛作觀
之法如明鏡之在掌握間也行者禮佛不可不知凡

禮佛時當屏絕外緣。澄定身心。默念一心。頂禮盡東方佛刹微塵數世界微塵數諸佛。我悉遍禮。一一佛影影於我身。我身之影亦復影於佛身。無有遺一。餘方觀同上。微諸佛身影。威德廣大。故能遍佛刹微塵世界影於我身。生身中衆生身影。不過咫尺。云何能遍佛刹微塵數世界影於佛身之前乎。訓昔無邊身菩薩。思惟以丈尺量世尊丈六金身量。已丈六而又丈六。終不見世尊頂相。不見頂相者。法身也。丈而見頂者。報身也。報身屬功用。故可量。法身無功用。故不可量。若夫大心凡夫。一念發智頂禮時。其影已遍。不可說世界已入。不可說諸佛之身復何疑。嘗論不但一切佛身之有此影。一切有情無情亦具此影也。起世經月宮殿中有諸影。現此大州中有南閼浮樹。因此樹故名閼浮州。其樹高大。影現月輪。淮南子月中有物婆娑者。乃山海影其空。處海水影也。花木錄瀛州有影木。日中視之一葉百影。

頭面接足歸命禮

有曰頭面爲一身之最尊。足爲一身之最卑也。言

以我之最尊頭面接佛之最卑之足。以表至誠余獨不然。曰足雖卑。然無足不成五體。況如來三十二相第一足安平相。第二千輻輪相。輻即車輪中之輻。謂足下嚴網輪紋。衆相圓滿。猶如千輻也。故如來足相最尊。當憶念如來慈悲摩頂耳提面命。而我以五體投地志誠諦信。接續佛之安平千輻輪之光明也。微三十二相。先以足相標其前者何也。訓謂如來萬德唯行所先。若行不先。則萬德不成。故先標足也。歸命禮者。盡其形命歸敬作禮也。華嚴善財參五十三員善知識。最後到彌勒閣前。見樓閣門閉。瞻仰贊嘆。見彌勒從別處來。善財作禮。願樓閣門開。令我得入。彌勒至善財前。彈指一聲。樓閣門開。善財入已。樓閣即開。見百千萬億樓閣。一一閣內有彌勒。領諸眷屬。并一善財而立其前。

禮法偈 眞空法性如虚空。常住法寶難思議。我身影現法寶前。一心如法歸命禮。

眞空者。非頑空之空。法性者。目前萬法之性也。既曰萬法而空。亦萬法中之一。惟眞空不言空與不空。

法性亦不言有性無性。故真空而法性不得法性。而真空不得是名真空。法性如虛空者。謂真空法性皆依虛空立。用真空之體不動也。真空之與虛空。猶先天之與後天也。常住法寶者。亘古亘今無始無終。無斷無滅之大法寶也。非世間金銀之寶也。世間金銀價值終有分際。惟法寶價值無分際。故永嘉云。摩尼珠人不識。如來藏裏親收得。如來藏者。謂不止經律論文字及黃卷赤軸之藏。乃如來四十九年說不到底五時八教判不到底。故曰難思正難思時不覺踏著自己影子。身光與摩尼寶珠炳然交映。珠光身影不可甄辨。始知心外無法。法外無心。一瞻一體。一利一塵。風動水流鳥啼花笑。常演摩訶直得口誦之而不徹耳聽之而無聲。人法雙泯。是名眞法。是名如法。皈命。

聽法第八

●涅槃若離於四法。得涅槃者。無有是處。何等爲四。一親近善友。二專心聽法。三繫念思惟。四如法修行。以是義故。聽法因緣。則爲近於大般涅槃。何

以故。開法眼。故付法藏經佛言。一切衆生欲出三界生死大海。必假法船。方得度脫。法爲清涼除煩惱熱。法是妙藥。能愈結病。法是衆生眞善知識。作大利益。濟諸苦惱。所以然者。一切衆生志性無定。隨所染習。近善則善。近惡則惡。若近惡友。便遭惡業。流轉生死。無有邊際。若近善友。起諸歡心。聽受妙法。必能令離三途苦惱。由此功德。受最勝樂。梵網若佛子。一切處有講法毗尼經律大宅舍中講法處。是新學菩薩。應持經律卷至法師所。聽受諸問。若山林樹下。僧地房中。一切說法處。悉至聽受。若不至彼聽受者。犯輕垢罪。智論聽者。端視如渴飲。一心入於語義中。踴躍聞法。心悲喜如是之人。可爲說成範。凡沙彌學心。當如旱地涸池。不厭多聞。不棄寸陰。若遇法師上座。講說經論了義之法。當虛心諦聽。於說法如父母本師。想於所聞法如饑受食。渴飲漿。想瑜伽師地論菩薩欲從善友聽問法時。於說法師有五種處不應作異意。當以純淨心。屬耳而聽也。一壞戒不作異意。謂若聽法時。

須一心信受不可起念。此說法師破戒不住律儀。我今不應從彼聽法。二於壞族不作異意。謂若聽法時須一心信受不可起念。此說法師微賤種姓。我今不應從彼聽法。三於壞色不作異意。謂若聽法時須一心信受不可起念。此說法師容貌醜陋。我今不應從彼聽法。四於壞文不作異意。謂若聽法時須一心信受不可起念。此說法師言辭不文。我今不應從彼聽法。五於壞美不作異意。謂若聽法時須一心信受不可起念。此說法師多懷忿恚。不以美言宣說諸法。我今不應從彼聽法。華山梵網注始竊懈怠不聽終則無惡不造。故凡有講法處。宜應往彼聽受。如不往聽即是慢法。以慢法故。福慧消滅。罪惡增長。所謂若非法味滋。神終無解脫。故戒之。

凡遇掛上堂牌宜早上堂勿待法鼓大播

上堂說法法門最尊之事。聽法亦亦人生極大之事。凡見掛上堂牌當發歡喜難遭之想。毋使法鼓大播。倉皇皇奔走法堂。大眾觀之。不雅自覺威儀不

重故宜早進

整理衣服

聽法時衣帽當揀勝於尋常者服之。若無勝服。雖破納必須嚴整。為重法故。

平視直進

平視不左顧右盼。直進不左之右繞。乃見端恭聽法之至。

坐必端嚴

毗尼序聽法時上座來不應起。上座亦不應驅下座。起謂此時為聽法者。衆不及序上下之分。聽法後而上下之分有在。故言不應也。

不得亂語

法堂之上人天交接之時。各各靜默。為聞法要。若

一人亂語動衆。亂其聞思。如破和合。獲罪非輕。

不得大咳嗽

咳嗽咽喉不清。非胃中多火。則肺家有痰。不能抑

之。此帶病聽法者。然不可縱恣。須奈煩少時。

附 凡聽法須聞而思思而修

國聞謂所聞之法。思謂思所聞之法。必至明達所思。當依而修也。若聞而不思。猶不聞也。思而不深。猶不思也。思深而不行。雖行而不至究竟者。其猶志於天下而却步不前也。故聞思修者。如楞嚴古觀音教授。今之觀音師。相承入流忘所之妙法也。不得專記名言以資談柄。

國名言非至道真實也。言愈浮道愈喪。故學道者不可專記名相而失至真之道。昔戒山法師講辨無礙一居士。專以名相數致問。山以其繁數逆而問之曰。居士眉毛有幾莖。士無語。後不復問。談柄者。即麁尾也。麁鹿中之王。與虎鬪。羣鹿隨麁而走。麁尾東向。則羣鹿皆東。麁尾西向。則羣鹿皆西。所以護羣鹿之命也。上古大儒與諸弟子講論道學。蓋取其意。使諸弟子聽其麁揮也。

不得未曾稱會入耳出口

國佛法機緣圓轉。妙非誠心窮究不能深入。今之學者。不顧本分。這邊聽得一篇。那邊聽得兩句。不知好惡。但裝在肚皮裏。即成惡口。小家便道我會說佛

法。究竟沒交涉。古德云。從門入者。不是家珍。須是自巳胸中流出。蓋天蓋地。始得若道聽塗說。入耳出口。不過口耳之學。豈能生死哉。

年少沙彌戒力未固。宜更學律。不得早赴講筵。

國微梵網第七。憊怠不聽法戒。即犯輕垢之罪。何故沙彌不得早付講筵。調梵網不聽法為新學菩薩說也。年少沙彌。尚不知沙彌中事。安可事同菩薩。且學律乃聽法之基。譬夫樹九仞之樓。先當平實基。地基不平。其樓終不能樹也。故制滿夏聽講。設滿五夏戒相。未明戒德。未備亦不許離師。猶須盡壽學戒。故律有智者。謂許離師。無智者。猶須盡壽。

習學經典第九

國敬福經善男子。經典之法。不得顛倒一字重點。五百世墮迷道中。不聞正法。大集經若有衆生。於過去世作諸惡業。或毀於法。或謗聖人於說法者。為作障礙。或抄寫經法。洗脫文字。或損壞他法。或闇藏他經。由此業緣。今得盲報善戒。經若為議論。破於邪見。若二分經一分外書。不犯賢愚經一比。

丘課一沙彌經日有恒限不如限實之沙彌讀經於乞食之暇得食早則誦足遲則否也沙彌慮食遲愆限受責乃泣行乞有長者聞而知之告曰今後可無乞但食子家業可專矣沙彌乃得專誦無違比丘後爲定光佛一號燃燈佛沙彌後爲釋迦佛長者後爲阿難結集四十九年不遺一字供養讀經報也智論學書外典如以刀割泥泥無所成而刀自損無著論若讀若誦者此說受持固故爲欲受故讀爲欲持故誦又復讀者誦誦故持者總覽義故四分開學誦文書及學世論爲伏道百丈錄夫讀經看教語言皆須宛轉歸就自己但是切言教祇明如今鑑覺自性但不被一切有無諸境轉是汝導師能照破一切有無諸境是金剛慧即有自由獨立分若不能怎麼會得縱然誦得十二韋陀典祇成增上慢却是謗佛不是修行但離一切聲色亦不住於離亦不住於知解是修行讀經看教若准世間是好事若問明理人邊數此是癡人十地之人脫不去流入生死河但是三

乘教皆治貪嗔等病祇如今念念若有貪嗔等病先須治之不用求覓義句知解知解屬貪食變成病祇如今但離一切有無諸法亦離於離透過三句外自然與佛無差既自是佛何慮佛不解語祇恐不是佛被有無諸法縛不得自由以理未立先有願智被願智去如賤使貴不如先立理後有願智若要願智臨時作撮土成金撮金爲上變海水爲酥酪破須彌爲微塵攝四海水入一毛孔於一義作無量義於無量義作一義伏惟珍重五燈有僧與童子上經了令持經著函內童曰某甲念底置向那裏僧無語法燈代云汝念甚麼經石樹代云那裏念起原置那裏須童子一函經問置於何處有口不能宣我聞如是住○南安嚴自嚴尊者有沙彌無多聞性而事師謹愿師憐之作偈使誦之偈曰大智發於心於心何處尋成就一切義無古亦無今於是世間章句唔伊上口主峰疏論纂要序中斯教理皆密行果俱致使口誦牛毛心通鱗角大慧錄博覽羣書本以資益性識而反以記

持古人言語。盡在胷中。作事業。資譚柄。殊不知聖人說教之意。所謂終日數他寶。自無半錢分。看讀佛教亦然。當須見月忘指。不可依語生解。古德云。佛說一切法。爲度一切心。我無一切心。何用一切法。讀書看教。能如是。方體聖人之意。少分。○凡看經教及古德入道。因緣心未明了。覺得迷悶。沒滋味。如鐵櫪相似。時正好著力。第一不得放捨。乃是意識不行。思量不到。絕分別。滅理路。處尋常。可以說得道理。分別得行處。盡是情識邊事。往往多認賊爲子。不可不知。○湛堂每獲前賢書帖。必焚香開讀。或刊之石。曰先聖盛德佳名。詎忍棄置。其雅尙如此。故其亡。無千金之聚。惟唐末諸賢墨蹟。僅存兩竹。龍褚子競相價唱。得錢八十餘千。助茶毗。禮保寧。勇錄夫看經之法。後學須知。當淨三業。若三業無虧。則百福俱集。三業者。身口意也。端身正坐。如對聖容。則身業淨也。口無雜言。斷諸嬉笑。則口業淨也。意不散亂。屏息萬緣。則意業淨也。內心既寂。外境俱捐。方契悟於真源。庶研窮於法理。

可謂水澄珠露。雲散月明。義海湧於胸襟。智岳凝於耳目。輒莫容易。實非小緣。心法雙忘。自他俱利。若能如是。真報佛恩。僧要闍羅王曰。沙門之體。必須攝心守道。志在禪誦。不干世事。不作有爲。雖造作經像。正欲得他人財物。既得他物。貪心即起。便是三毒不除。具足煩惱。筆餐呂獻曰。讀書不須多讀。讀得一字。行取一字。讀得一句。行取一句。伊川曰。讀得一尺。不如行取一寸。○溫公謂其子曰。賈豎藏貨。吾備唯此耳。自知錄誦經。差一字。爲一過。漏一字。爲一過。心中雜想。爲五過。想惡事。爲十過。外語雜事。爲五過。語善事。爲一過。起身迎待賓客。爲二過。王臣來者。非犯不依式。苟且誦爲五過。誦時發嘆。爲十過。罵人。爲二十過。打人。爲三十過。寫疏差漏者。同論。諸經集要。凝寒靜夜。朗月長宵。獨處空閒。吟誦經典。吐納宮商。文字分明。言味流美。詞韻相屬。適衆人心。利物生善。足使幽靈欣躍。精神悅豫。久習淳熟。文義洞曉。敬心殷誦。至誠冥感。信知受持一偈。福利弘深。書字一言。功超累劫。是

以迦葉頂受摩格剎皮薩陀心樂無辭灑血此是甘露之初門入道之終德也

諷誦經時當願衆生順佛所說總持不忘

諷初讀曰諷讀熟曰誦由淺入深也坡仙云讀書百遍其義自見與法華無師智一貫夫人之讀性有記分而無天分有天分而無記分若二分兼者仙才也二分兼無勿論矣常試有過目成誦者不數日忘却臨事動筆竟不濟事其誦百遍者終身不忘臨事落筆若有神助故知二分之性相近所造天壤故誦習之時雖拙於二分惟誠惟勤亦可從淺入深也順佛所說者不違佛旨踐佛所行也古德云依文解義三世佛冤離經一字即同魔說金剛供養功德其福最勝維摩其施汝者不名福田供養汝者墮三惡道五燈世尊因外道問昨日說何法佛曰說定法道曰今日說何法佛曰不定法道曰昨日說定法今日何說不定法佛曰昨日定今日不定如上皆是佛之所說當云何隨順佛義若不隨順佛義不名佛子若向這裏著得眼則知如來一大藏教一串穿却恰恰道個

總持不忘梵語陀羅尼此云總持即佛之心印若悟總持之法則橫說豎說無不隨順佛之大義也◎應濟再參黃檗看經次濟曰我將謂是個元來是奄黑豆老和尚乃辭去檗曰汝破夏來何不終夏去濟曰某暫來禮拜和尚檗便打起出濟行數里自疑此事却回終夏後又辭檗檗曰甚處去濟曰不是河南便是河北檗便打濟約住與一掌檗大笑乃喚侍者將禪板來濟曰侍者將火來檗曰不然子但將去他日坐斷天下人舌頭在石樹頭莫怪老黃奄黑豆臨行數里忽思惟夏來夏去全無主河北河南始越歸棒下酬恩渾舊習言前覓火見新威英雄甘死英雄手不是英雄不逗機

宜先學律後學修多羅不得違越

國上篇專精已詳言之恐人忽略故復詳諄勸勉

凡學一經須先白師經完更白別學某經

國學有次第如經之有緯機義條貫絲絲相接織成片段未有先緯而後經也若先緯後經不勝紊亂矣織司法製尚然況學出世經典豈無次第故設法有

五時也。先白者。謂惟師能知教之淺深次第。故華嚴譬如學射。先安其足。後習其法。否則懸覆是懼。何暇習其法哉。

不得口吹經上塵

經典所在。卽如佛在成範口吹經上塵。及像上塵。以口氣。塵惡。當以淨巾輕拂去之。文殊問經莊嚴供養。以口氣吹。灰墮優鉢地獄。傍作風神王。不得經案上包藏茶末雜物。

經處先拂去。凡上塵。然後置經。輕手細行。展開深義。世間文字。不得加於經上。況加雜物。市女以經夾花樣。鄉人以書包雜物等。見者卽當勸化。或贖歸之。梓潼帝君曰。世間文字。藏經同文字。尙不可輕況藏經。手繫栢垂。誠內典之於外。書滿字之於半。字凡百安置。必有倫次。以不知故。每犯顛錯。及閱大藏。始大愧悔。永不敢以外書加於內典之上。半字閱於滿字之先。經云。不辯半滿。忽略內外。凡所生處。於般若種。永不清楚。及遺面貌。不端嚴。報夫苟欲拔苦。非般若爲迅航。迷津。曷渡。非智慧爲燈燭。重昏寧曉。故有

志求無上菩提者。脫般若種子不清。如蒸砂爲飯。徒經塵劫耳。

人閱經不得近彼案前經行

凡看經。必澄靜思惟。若人行繞其前。則分其心路。動其所思。卽成過咎。

凡經籍損壞宜速修補

經籍乃聖賢之血脉。亦吾人之慧命。若愛情經籍。如全聖賢身命也。水蠟。關閉箱篋。蟲蠹朽爛。首軸脫落。部帙失次。挽脫漏誤。紙墨破裂。自不修理。不肯流傳。皆得罪也。

沙彌本業未成

本業者。卽吾人本分之事。猶秀才之習五經。必先通本經。餘經次第習之。如拈掇之有基汲水之有源也。若本經不通。諸經皆成礙塞。沙彌本業亦復如是。不得習學外書。子史治世典章。

慈受箴。規自己。案前常令潔淨。祇安禪策經文。不得安世俗文字。佛藏經。佛言當來比丘。好讀外經。說法莊校之辭。令衆歡喜。是諸人等爲魔所覆。覆障慧

眼深貪利養猶如羣盲謂誰所欺。外書者六經二十一史及諸家文集等內典者三藏五燈諸書也。內典爲出世之學外書爲治世之學。出世治世理雖相通事不兩專故甄內外也。徑山禮曰參禪不用看書後生家到這裏住下三四年開口說話却是讀書一般如天童悟祖爲樵夫雲門澄爲步兵瑞光徹爲染匠皆一字不識傑起齊詞二宗發言蓋天蓋地皆參禪之驗也。

不得揀應赴道場經習學

國梵語瑜伽此云相應以其超過禪乘透盡法要方堪應赴來機。密迷入悟者也。其次略知經義把本修行人所恭敬。延之禮誦亦堪應赴者也。蓋有不知經義憤爲念經。覓錢屠肉沽酒行不法事妄譖瑜伽之名而無相應之實。良可慨矣。徵應赴道場經懺皆是佛說云何不得先學訓深棲曰應赴道場經懺固是佛說豈可不學。若先學病在揀字以其志氣下劣爲利不爲道。故寒山詩後來出家子論情入骨癡本來求解脫却見受驅馳。終朝遊俗舍禮念作威儀。博錢

沽酒聖翻成客作兒

不得習學僞造經典

國僞造者以荒唐之言謬爲佛說以誑愚夫也。譬夫奸雄挾天子令而霸諸侯者僞臣也。國法之治僞臣必從重而況以謬亂假聖哲之言以誤蒼生乎。太乙經當來世中多有惡鬼受生人間常懷惡心時起諍論各各求於名譽利養僞造經書及諸符呪自贊毀他令修學人不知所向。盲於正眼失諸正見。爾於是時可起慈心降化人間執於金針挑其見刺。拈於金錐刮彼清盲勿使墮於深坑險壑。辨正論夫眞僞相形猶莠禾之相類善惡若存禾而去莠求道者亦依眞而捨僞。筆墨夫人之學其猶食也不食則餓不學則廢其學之淺深食之精粗有不同焉。謂食之味有甘有苦得其宜皆可食。獨腐敗之食不可食。食之則爲腐敗之身矣。學之門有大有小得其宜皆可學。獨邪僞之學不可學。學之則爲邪僞之人矣。夫食之概亦可充饑於身無損或雜以荼毒之藥食之必死。學之小者亦可入門於性有益或雜以浮蕩之言學之

必是故學之與食不可不辨。楊子孝至。篇或曰。何以處。僞曰。有人則作之。無人則輟之。之謂僞。觀人者。審其輟而已矣。

不得習學命書

吾人本具如來慧命。若能培植慧命。則無不利。然此慧命。非子平五星所能推也。孔子所以罕言。衰了凡所以勘命。故知心正命。雖惡而化爲至善。心不正命。雖善而化爲不善。然則正心爲立命之本。歟。崔林玉露有星士謁黃直卿云。善算星類。知人禍福。卿曰。吾亦有個大算數書。曰。惠施。吉從逆凶。作善降之百祥。作不善降之百殃。大學曰。言悖而出者。亦悖而入。貨悖而入者。亦悖而出。此個數。亘古今而不差。豈不優於子之算數乎。

相書

山麓雜錄。徑山古鼎和尚生。與僞僞。唇裏縮齒。露齦。聲嘶。燥膚。賸數。腊相者曰。以爾之相。率乎僞。僞平生不言。可知師因自誓。構觀音大士。日持聖號。無算夜禮聖像。千計如是。十年忽舒舒緩。而齒隱聲聞。

潤而膚。腰光膩。後遇相士賀曰。師今之相。非昔之相。當居顯位。大振宗風。其年出世。隆教自隆。教遷寶陀。隆中竺居。徑山十二年。壽七十九。師修禱感驗。非獨能增福壽。又能變其形軀。如以物寄人庫藏。而就之之易。亦可爲吾人自怠者勉焉。曹植相論。堯眉八彩。舜目重瞳。禹耳三漏。文王四乳。孔子面如蒙。俱周公形如斷。當僧要梁鍾山開善寺智藏有相士謂藏曰。君命三十止矣。時二十九。聞斯促報。竭誠修行。願誦金剛經。畢生受持。至所厄暮年。沐浴待死。空中告曰。汝往年三十一報至之期。由般若力得延。倍壽後遇相士大異之。雜寶藏經有一鬼常患熱渴。聞恒河水清涼。趣之沸熱。試飲一口。五臟焦爛。以何因緣受此罪報。日連曰。汝先世作相師。相人吉凶。少實多虛。或毀或譽。自稱審諦。以動人心。詐惑欺誑。以其財利。迷惑衆生。失如是事。世間善相者。惟不能相無相之相。相既無相。云何知其吉凶。定其禍福哉。太上曰。禍福無門。惟人自召。此二句。萬劫惺人之眼目也。直要使人自悟。不爲禍福所轉。不爲禍福所轉。其無相之

謂乎

醫書

醫根本尼陀那不應賣藥若善方應慈心應病與藥不得受他價值梵網八福田中看病是第一福田以慈悲爲藥石也且佛爲無上醫王四十九年所說一大藏教及諸祖論乃至諸家語錄皆醫治諸病之醫案也其間大小之方所貴要者先之古德云慈悲一味神藥可以換心世間醫書又其次也柳宗元曰上醫當療於未萌之兆服藥當服於無病之前

兵書

醫孫武子十三篇劉誠意百戰百勝等皆兵書梵網佛子不得軍中往來況故作國賊法昌錄有居士問某好看兵書可否余曰若有心護持衆生則不妨看然兵刃既接之時兵書無用此時若以兵書藏於胸中其不覆敗者幾希士乃服鶴林玉露或曰用兵之法殺人如殺草使錢如使水余曰軍無資士不往軍無財士不來使錢如使水可也若殺人如殺草則非也夫軍士固以嚴濟然禮樂慈愛戰所蓄也所以不

得已而誅不用命者蓋一有逗撓亂行則三軍暴骨矣誅一人所以全千萬人豈以嗜殺爲貴哉若如所言則趙充國王忠嗣曹彬反不如白起輩矣

卜筮書

國物原伏羲龜卜神農以筮漢張良基卜京房錢卜春秋元命苞古司怪主卜世本殷巫咸作筮鶴林玉露太易性命之書兼乎卜筮蓋以理之順逆爲事之吉凶悔吝此聖人之所以開物成務而非挾數用術者也昔嚴君平司馬季主管公明之卜推本忠孝人倫猶不失大易之旨至京房專談讖緯小術穿鑿附會故其師焦贛曰得我道以殺其身者京生也夫京生能以易談禍福毫髮不爽而不能自卜殺身之禍管輅曰善易者不言易其旨遠矣蓋君子心存正理身行正事吉凶禍福一聽其自來何以卜爲順理則雖凶亦吉逆理則雖吉亦凶吾卜諸吾心巧技何爲哉意林子路問孔子曰猪肩牛膊可以得兆何必蓍龜孔子曰善者者也龜者舊也狐疑之事當問者舊

天文書

觀天之象。預知時之吉凶。變化之書也。謂僧家父母未生前。個話窮年。卒歲。尚不曉。何暇天文哉。果能於父母未生前。看破。始見先天之文。不由人得。地理書

郭璞葬經。楊筠松地理大全。黃石公八宅周書等。皆堪輿書也。永明錄。永明聽法。衆師就使地。爲九閭。犯金神七煞。衆諫勿聽。有數人晨起。見七人擊首。沐髮。湖濱追問之。曰。我七煞也。壽師營間。吾頂既不敢移。別宮違歲君之令。而又不敵。殃古佛之徒。日受大小。搜沐去穢耳。師聞。竟不除。蓋定業云。鶴林玉露。古人建都邑。立室家。未有不擇地者。余觀天下都府。山水翕聚。至於百家之邑。十室之市。亦必倚山帶溪。氣象回合。若風氣虧疏。山水飛走。則必無人烟氣聚。此誠不可不信。不擇也。夫葬者。藏也。古人卜其宅兆者。乃孝子慈孫重親遺體。使不爲城邑道路溝渠。借曰。糟擇。欲其山水回合。草木茂盛。使親之遺體得安耳。豈藉此以求子孫之富貴乎。世人惑環之說。有貪

求吉地。未能愜意。至數十年。不葬其親者。有既葬以爲不吉。一掘未已。至三四掘者。有因買地。致訟棺木入土。而家已蕭條者。有兄弟數人。惑於各房風水之說。至於骨肉仇讎者。此皆環之書爲禍。且人之生也。貧富貴賤。天壽賢愚。秉性賦命。各有定分。天命不可改也。若如環之說。上帝之命。制於一環之土矣。楊誠齋素不信風水。常言。郭璞精於風水。宜妙選吉地。福其身家。利其子孫。然環終不免於刑戮。子孫卒以衰微。其說已不驗其身也。而後世猶尊信。誦其遺書。不亦惑乎。京丞相仲遠。豫章人。崛起寒微。祖父皆火葬。無坟墓。每寒食。則野祭而已。是豈因風水而貴哉。地理與天理並行。而人理備焉。故老於堪輿者。曰。未看山頭土。先看屋下人。此其訣也。若論叫不响山谷。一座無陰陽地。一片雖老於堪輿者。如何下手點穴。他纔下手點。便不是了。記室問和尚。點得也未。曰。我不是堪輿教。我點甚麼。進云。前言猶在。曰。多少人向堪輿上著。倒客憲隨筆。堪輿人敬服如神。其子謂父曰。專與人看。何不自已看。一塊却受貧也。父笑曰。我

已得地一塊。汝試宿其上。看有何吉凶。即富圖之子。乃往宿其上。夜半忽聞空中言。是何人敢占此地。鬼卒數個拉起子。駭歸告其父。父曰。如何汝輩命薄。就有福地。亦難消受。

圖識書

圖預識國家興亡之書。如鐵冠道人推辨圖之類。關係甚大。故非僧家所宜觀覽。

乃至爐火黃白

圖鍊士之術。點鉛銅作金銀之類。昔漢鍾離傳丹於呂洞賓。丹成指石爲金。可以傳世。呂問曰。此丹成後。畢竟如何。鍾曰。五百年後。原還爲石。呂曰。若使原還爲石。終當害世。非真丹也。乃廢鼎。洞賓廢鼎。眞丹成矣。

神祇鬼怪符水等書

圖謂書符遣將。請仙捉鬼。爪鏡之書也。沙彌孜孜宜學佛法。不可作此怪事。燈錄明州大梅山法常禪師。山旁有石庫。中有聖書。受之者爲地下主。不然亦爲帝王師。法於夢中答曰。昔僧稠不顧仙經。其卷自亡。

吾以涅槃爲樂。厥壽何啻與天偕老。神曰。此地靈符。俗人居此。立致變怪。師曰。吾寓跡梅尉之鄉耳。僧要妻約靜居丈室。有野嫗。數卷置經案。無言出復持。異樹兼綠花紅。植於庭。云青庭樹。約曰。此書善。無預吾事。如妄。不必開經七日自退。

不得習學宜卷打偈

圖雲居注。卽外道羅祖教門。傳有五部六冊。聚衆打偈。愚夫愚婦多墮此中。

不得習學外道書

圖菩薩戒經。菩薩不讀誦如來正經。讀誦世典。文頌書疏者。得罪。書數下術。俗典。文頌俱是世法。非出家業。或志在護持。助通佛化。降伏外道。欲知淺深。以是因緣。時復開之。

除智力有餘。爲欲知內外教淺深者。可以涉獵。然勿生習學想。

圖智力有餘者。宗圖兼美。道德雙彰。入佛入魔。無不自在。故曰。有餘於中。若有一絲頭不了。不名有餘。論語行有餘力。則以學文。故禪力有餘。不妨涉獵外書。

涉獵者。賈山涉獵書記。若涉水獵獸。不專精也。稽子志在正法。助通佛化。或爲議論。破於邪見。故曰涉獵不得習學詩辭。

國詩。關世風化。非徒嘲風吟月而作。非十年二十年不能精。研釋子參學。未穩。貶眼已過四五十年。衰相忽至。何暇及此。若向話頭上省發信口道著。句子已勝學詩十倍。何故。參禪人從一切文字之母前打出。故其發言與常人不同。智證傳。昔子至臨川。與朱顯謨。世英游。相好也。俄南昌上藍長老。至上藍。雅自標致。謂世英曰。覺範聞工詩耳。禪則其師。猶錯。矧弟子耶。世英笑曰。師能勘驗之乎。上藍曰。諸居一日同游。疎山飯於逆旅。上藍謂余曰。經軸之上。必題此八字。是底義。予以指畫。面相橫貫一畫曰。是此義也。上藍愕然。余乃爲詩偈曰。以是不成人。不是法身睡著無遮閉。諸僧對面不知名。百衆人前呼不起。於是上藍不擇歸。舉似世英。世英爲拈手曰。執謂詩僧亦識字義乎。今兩人皆成千古矣。追憶之。可謂慨然。余聞汾陽嘗作黃犢偈曰。行頭無角實堪嗟。百劫難逃這作

家。凡聖不能明得。盡現前相貌有些些。予以謂此偈又余字義之調話也。九原可作世英。當有捧腹也。不得著心學字求工。但書寫端楷足矣。

國端楷二字不易到手。關係人品。邪正壽命。延促故。姜白石論字有云。如端士如美女。如武夫如狂客。此因字之美惡。評品人物也。今學者所貴記錄佛法。不必求工。草聖有妨參學。若夫英靈。禪子向未拈筆。已前薦得堪與佛祖爲師。若向點畫分明處。薦得堪與人天爲師。若向放下筆時。薦得自救不了。普羅現書品。太子年七歲入書堂。其師選友見太子神光不能任。卽躡地時。菩薩手執金筆。旃檀書。衆寶明珠成。其書牀侍者。送之問師。還友今以何書相教。耶師曰。以梵法留無他異。書菩薩曰。異書有六十四何止二種。師問六十四皆何名。太子曰。梵書法留大。秦書半書。天書觀空書。等時一萬童子與菩薩俱在師所。學見菩薩威德。建大聖。懸分別書字而宣之。其言無者。宣於無常。苦空非我之音。其言欲者。出經怒痴諸貪求音。其言究者。出悉本末真淨之音。繇門警訓不工。

書無以傳書者如也。敘事知人之意。防現生之忘失。須繕寫而編錄。欲後代以流傳。宜窮書以成集。則使教風不墜。道久彌芳。故釋氏經律結集。貝多孔子刪詩。但益時。嚴自非章。安秉筆之力。豈留今日。故爾寶高。德盤頭遠。多從口至。手寫千偈。從中至。暮口誦千偈。但當遵佛。能寫名字。慎勿傲世。精草隸焉。不得汚手執持經。

國溪堂雜錄。元祐中。蜀僧智超。常諷華嚴三十年。一童子手貌清爽。舉手高揖。超曰。何來。曰。五臺。曰。何遠。至此。曰。少事相。聞吾師誦經。固嘉。但失在登廁。洗淨。觸水淋手。背未嘗用灰泥洗之。灰泥律制。七度。今但三度。觸尚現。存禮佛誦經。悉皆得罪。言訖。不見。超慚愧。改過。識者曰。此乃文殊化現。有警超也。故知洗手。必須依法。因果經。觸手請經。當獲廁中蟲。對經典如對佛。不得戲笑。

國涅槃經法。是佛母。佛從法生。三世如來。皆供養法。故水懺眠地。聽經。仰臥。讀誦。高聲語笑。亂他聽法。皆得罪也。清規不得背靠板頭看經。不得常展經。不得

手托經。寮中行。不得案上。展籍卷帙。

國濟陽江錄。讀詩書。未竟。雖有急速。必待卷束。整齊。然後起。故無損壞。人不厭其求。假有狼籍。几案分散。部帙多爲重。婢玷汚。風雨蟲鼠。毀傷。實爲累德。我每讀聖人書。尙肅敬對之。故紙中有五經詞義。及聖賢姓字。不敢他用。不得高聲動衆。

國讀經宜澄靜思惟。深入其義。況在衆中。更宜默識。若高聲。則取衆怨。

不得借人經。看不還。及不加愛重。以致損壞。

國李濟翁曰。借書有四。一借書。二與書。三索書。四還書。○聖賢經史。專爲流通。令人徵善去惡者也。若濟翁論。則斯文永絕。因別書四。則庶幾斯文。斯在一。是讀書人。借書不與者。疑二。不讀書人。借書與者。疑三。但愛惜書。不讀。亦不借者。疑四。借書不加愛重。及不還者。疑四分。律時有人盜他經。卷佛言佛語。無償計紙墨犯重罪。十誦。借他經。拒逆不還。令主生疑者。

犯方便罪由心未決若絕犯重正法念經若盜他方者犯重罪唯識並決論問取他經論讀乃至一句皆犯盜竊文句罪趙松雪序讀書藏書良非易事善觀書澄神端慮淨几焚香勿捲腦勿折角勿以唾揭書勿以爪侵字勿以作枕勿以挾刺隨損隨修隨開隨掩後之得吾之書并奉贈此法

入寺院第十

國寺本司名西僧初來權止鴻臚寺後移別居不忘止本還標寺號鴻臚本禮四夷遠國之邸舍也涅槃經夫入寺者棄捨刀杖雜物然後入寺捨刀杖者去煩惱三寶心也捨雜物者去從三寶乞求心也凡入寺無論知識及學者先禮佛必次第尋察猶存西國寺圖之法所以尊重主道即自重也

凡入寺門不得行中央須緣左右邊行緣左先左足緣右先右足

國南海寄歸傳向右边爲右繞向左邊爲左繞斯爲正論勿致疑惑禮佛篇不占中央義同頌未入寺

門賓主歷然左繞右繞脚後脚前曹洞五位臨濟三立東西十萬南北八千

入寺偈 入僧伽藍當願衆生演說種種無乖諍法國疏僧伽藍此云衆園衆有六和法則事理一味故無諍也僧衆既衆其性不一故說法亦不一如應聲聞人即說聲聞法應菩薩人即說菩薩法應佛乘者即說佛乘法乃至應以一切法人即說一切法故曰種種然說法雖有種種畢竟無二無二之旨永絕乖諍純一和合此乃入僧伽藍第一法要也燈錄法華全舉謁公安遠云作麼生是伽藍師曰深山藏獨虎淺草露羣蛇曰作麼生是伽藍中人師云青松蓋不弔黃葉豈能遮曰道甚麼師云少年玩盡天邊月老倒扶桑沒日頭曰一句兩句雲開月露作麼生師云照破祖師關筆冷釋慧淨嘗與道士蔡晃談義晃屢被折國子祭酒孔穎達心存道黨謂淨曰佛家無諍法師何以屢搆斯難淨曰佛破外道不通通反謂佛曰汝常自言平等今既以難破我即是不平等何謂平等佛爲通曰以我不平破汝不平汝若得平即我

平矣。願今亦爾。以淨之。靜破彼之靜。彼得無靜。即靜無靜也。

附 諸經造塔緣起

國僧祇律作塔不得在南。不得在西。應在東。應在北。不侵佛地。增地增一西梵。正音爲寧。增波此翻滅惡生善處。亦曰靈。時曰支提。曰方墳。○安塔有三義。一表人勝。二令他信。三報恩。筆演謝康樂云。封殖法身。謂之塔。樹象虛堂。謂之廟。譬喻經祇陀太子於毗婆佛時。施一奴一婢。給掃寺廟。世世常得七寶官宅。種種如意。無垢淨光。陀羅尼經有大婆羅門名劫比羅。戰茶外道。不信佛法。有相師謂彼曰。汝七日當命終。時婆羅門念佛。稱一切智。即往白佛。佛言。迦毗羅城三岐道處。有古佛塔。現有舍利。其塔崩壞。應往修理。及造相輪。模寫陀羅尼經於其上。與大供養。命還復。增又云。四眾人等多病短命。應修故塔。或造小塔。依法書呪作壇。由此福故。更增壽命。凡有塔處。當廣刻此經流通。供養滅罪生福。法苑珠林四處起塔。一生處塔。當佛降生處。即應起塔。如今釋迦牟尼佛在毗

藍園內無憂樹下降生。即於其處立塔也。二得道塔。如來得道在摩竭提國菩提樹下。即於其處立塔。三如來轉法輪塔。或在寂場鹿苑天上。等即於其處立塔。四涅槃塔。華言滅度。如來在俱尸那城娑羅雙樹間入滅。即於其處立塔也。佛成道記本行集云。天上有四塔。一箭塔。太子年方十五。與諸釋種角藝。太子一箭穿過七金鼓。又一箭徹過七鐵猪。騰入土泉。迸透名箭井。時帝釋遂取其箭。於忉利天建塔供養。二髮塔。太子初出家時。自持寶刀而發願言。我今截落此髮。誓與衆人斷除煩惱。習障。尋以髮擲空中。時帝釋接向天上。建塔供養。三盂塔。菩薩將詣道樹。成等正覺時。有天人告善生村主。二語難陀婆羅曰。汝可最初施食。於是二女以乳烹糜。用盂盛獻菩薩。食已。盂墮尼連河中。時帝釋收歸天上。建塔供養。四佛牙塔。佛闍維時。天帝釋持七寶瓶來請佛牙。上建塔供養。翻譯名義八種人起塔。一如來塔。如來有三義。若云無所從來。亦無所去。此法身義也。第一義諦名。如正覺名。來此報恩義也。乘如實道來成。正覺此應身。

義也。謂如來萬德悉備三覺俱圓。天上人間所共尊。仰是故滅後。應當起塔供養。二菩薩塔具云。菩提薩埵。華言覺眾生。謂菩薩上求佛道。下化衆生。憫物情重。隨類現身。度脫無量。是故滅後。應當起塔供養。三緣覺塔。謂十二因緣覺。真諦理。故名緣覺。以其三界生死已盡。能爲人天而作福田。應當起塔供養。四阿羅漢塔。華言無生。又曰無學。亦云應供。三界生死已斷。故名無生煩惱已盡。無法可學。故名無學。應受人天供養。爲世福田。是故當起塔供養。五阿那含塔。華言不來。謂斷欲界惑。不來欲界受生。故名不來。應受人天供養。爲世福田。是故滅後。應當起塔供養。六斯陀含塔。華言一來。謂欲界九品思惑。前六已斷。後三品尚在。更須欲一落受生。故名一來。應受人天供養。爲世福田。故滅後。當起塔供養。七須陀洹塔。華言須流。斷三界見惑。預入聖流。故名須流。應受人天供養。爲世福田。故當起塔供養。八轉輪王塔。輪王雖未斷惑。未出三界。然以福德之力。治四天下。以上善化育羣生。爲世所尊。故當起塔供養。佛祖統載會稽育王

塔。緣起劉薩訶病死。入冥見梵僧。指往會稽育王塔。處懷悔。免甦出家。名惠達。及至會稽。徧求不見。偶一夜聞地下鐘聲。倍加誠懇。經三日忽從地涌出。寶塔高一尺四寸。廣七寸。佛像悉具。達既見塔。精勤禮懺。瑞應甚多。明州塔此其始也。北寺寶塔。功成暨合。郡護法善信耆宿等。恭請聖恩。老和尚陞座。師揮拂子云。昔釋迦世尊下兜率降皇宮。處胎誕生。出家苦行。降伏衆魔。成無上覺。轉妙法輪。最後入般涅槃。闍維舍利不可勝數。一分帝釋天王請歸供養。一分諸大龍王請歸供養。一分八國王請歸供養。惟阿育王有大威力。得八萬四千舍利。以七寶末造八萬四千塔。此是西域國王造塔之因緣也。至此方漢帝時有摩騰竺法蘭持貝多佛像。釋迦舍利來至中國。漢帝敬信。館於鴻臚。建立塔寺。始有三寶之名。此是東土國王造立塔寺之因緣也。至三國赤烏年。有康僧會入吳時。大帝召會問曰。汝有何能。會曰。我能求佛舍利。帝曰。限汝三七日。若有舍利。當爲造塔。會精誠祈禱。三七日後。果有舍利三顆。現於金瓶。鑿然作聲。光

明晃瑤帝驚異曰此希有之瑞也又問舍利有何功能會曰鐵鎚擊之不傷猛火鍛之不壞帝使力士擊之鍛之毫無所損其光愈盛帝遂敬信即以舍利起塔廟額曰建初名其地曰佛陀里即今之金陵報恩寺也復以一顆於吳郡瑞光建塔一顆於北寺建塔爲報母陳氏恩故亦名報恩塔此是江南吳大帝建立塔寺之因緣也世人但知磚石寶塔而不知無縫寶塔山僧今日令在會諸賢於磚石塔處悟無縫塔因緣於諸相上見無相佛境界即事即理即性即相性相圓融事理無礙是爲天人中第一福田之寶塔也豈拂子曰會麼祇這寶塔非相非形或隱或顯常放光明卓立空界耀古騰今撐天拄地堂堂顯現應物隨情諦觀者悟文殊之三昧稱贊者入普賢之願門風響鈴鳴盡是觀音境界然燈點燭無非定光降生旋繞經行象王迴顧散花梵唄獅子頻申或見舍利於東北西南露盤輪際或見光明於四週簷角上下九層或現觀音於塔頂之上若坐若立或現彌陀於欄楯之間全身半身是諸瑞應似優曇華現難見

難聞此皆宰官長者護持之力諸檀善信樂施之誠惟冀人人返源達本個個見性明心頓證體中萬行自然佛果圓成即今寶塔功圓作麼生道八方寧靜歸皇化四海謳歌樂太平五燈肅宗皇帝問忠國師百年後所須何物師云與老僧作無縫塔帝曰請師塔樣師良久云會麼帝曰不會師云吾有付法弟子就源却請此事請召問之師遷化後帝召就源問此意如何源頌曰湘之南潭之北中有黃金充一國無影樹下合同船琉璃殿上無知識雪寶顯頌無縫塔見還難澄潭不許蒼龍蟠層層落落影團圓千古萬古與人看石樹枯頌現成無縫塔用造作麼肅宗便請塔樣也好一撈不是國師大難酬對既然與他樣子便了說甚就源却請此事以至後來穿鑿得八面玲瓏有眼者又道不見看看浮圖高出梵王天頂上明珠光燦然萬古聖賢同坐臥至今未見塔門前○立沙待雪峰遊山次峰指面前地曰這一片地好造個無縫塔沙曰高多少峰乃顧視上下沙曰人天福報即不無和尚若是靈山授記未夢見在峰曰你又作

摩生沙曰七尺八尺雪峰曰世界濁一尺古鏡濁一尺小未曾有經佛般涅槃後若有以如芥子舍利起塔大如菴摩勒果其利如針上施盤蓋如酸菓葉若佛形像如蠶夢大勝前功德滿足百倍

不得無故登大殿遊行○不得無故登塔○不得殿塔涕唾

登殿塔惟燒香散花禮佛法餘皆不可若塔殿中遊行雜語戲笑作不法事乃至涕唾污穢佛地得罪彌重燈錄有行者隨法師入佛殿行者向佛而唾師曰行者少去就以唾佛者云將無佛處來與某甲唾師無語焉山云仁者却不仁者不仁者却仁者仰山代法師云俱唾行者又云行者若有語即向伊道還我無行者來

見塔偈 見佛塔時當願衆生尊重如塔受天人供
佛塔者一切諸佛舍利之塔也凡見諸佛舍利之塔固當尊重不知一切衆生亦具有舍利同於諸佛亦宜尊重云何衆生不自見者祇爲不重已靈被諸煩惱障蔽若能尊重佛塔即是尊重已靈即是不被

煩惱障蔽處即是自己舍利放光處即是同於諸佛舍利無所增減處故曰受人天供此句但在如字上看則受供非分外也徵諸佛萬德莊嚴衆生德薄垢重云何衆生同於諸佛耶訓言事則有生有佛言理則無佛無生佛之跡雙泯全體是一大塔

敬塔偈 敬心觀塔當願衆生諸天及人所共瞻仰
寶塔之所在即諸佛法身之所在故瞻觀之時應起敬心念諸佛德高出霄漢無有過於塔者所以諸天及人無不瞻仰也

禮塔偈 頂禮於塔當願衆生一切天人無能見頂
塔名高圖亦名高顯謂顯揚如來功德之標幟也徵寶塔固是如來之標幟其始建也出於匠手高下寬廣可以手紀云何無有能見頂者訓若以匠者丈尺欲見佛塔之頂其猶蚊蚋住須彌之隈拔一莖眉而欲量虛空高下縱經屢劫無有是處殊不知佛之塔非高非下非廣非狹不墮諸數匠手又烏乎知之然則如何得見塔之頂耶請高者眼入殿塔當右邊不得左轉

右邊塔場 右邊於塔當願衆生所行無逆成一切智

圖疏右者順義普羅經菩薩降神趣右脇者所存無逆故無逆者無左邊也。偈祇律禮佛塔應當右邊如日月星遠須彌山不得左轉燈錄世尊降生周行七步自南西北而東入殿塔當自南而西而北而東不得左轉華嚴合論遠佛三匝者順佛正教故遠佛皆是右邊自南而東向北向西至南如是三匝以爲右邊成法今人反左行 右邊者誠順之至也。凡事誠順則一切智無不成是故當於右邊處而發是願令一切智自悟自悟無他惟行無逆無逆之冒佛佛承順理故經律遠佛塔皆自南而西而北而東爲右邊獨窠柏以自南向東向北向西爲右邊二論相柱造化若無其柄然太極既分東西左右已判窠柏豈不解日月星之遠須彌爲右邊也。乃欲別出手眼故後人不知不能無疑余敢向窠柏肚裏走過一遍爲之參曰夫人之一身小天地也身外大天地也此身無逆天理亦順如右手向內曲則順向外曲則逆故從

右手向內旋爲順義若從右手向外旋爲不順義則知右手刻刻奉侍左手之權衡猶坤儀時時承順乾道之命令也總之經律右繞法乎天象窠柏右邊本於人身究竟皆遵右繞無左繞也

遠塔或三匝七匝乃至十百須知偏數

圖禪觀經多貪衆生不淨觀多嘆衆生數息觀知遍數者與數息相類謂旋塔時當憶佛念佛不落無記妄想二邊即得一心不亂之旨

遠塔三匝當願衆生勤求佛道心無懈歇

圖瞻仰佛德贊嘆不盡而懷慕不已故又從而還之也梵語三華云正亦云數佛道者如來歷劫所行之道皆當履踐故曰勤求無歇也。微遠塔既止於三勤求之心歇即若提若心無歇云何止三調如來五時說法皆以三爲喻不獨文殊也然文殊之三又異乎諸經之三者以其隻字兼解華梵之音一音包括圓頓之義然非下文無以見三之妙用若非此徵亦無以見格外之玄論若作正句看即奢摩它句即三摩鉢提句即禪那句即佛句即心句若離之即

正句非句何況餘句若作數句看卽一句卽不可說句卽優波尼沙它分句若離之卽數句非句何況餘句故有時卽三求之亦可離三求之亦可有時離卽俱非雙非並遺忽見盡十方世界一切寶塔縱然現前不知此心在於塔之內及塔之外又安知此身在三匝內及三匝外如是勤求日三夜三乃至年劫有盡我此旋遶之心永不疲倦故曰心無懈歇

不得以笠杖等倚殿壁

國寶梁經五百問經有一比丘具大福相入殿禮佛出福相顧改審其故乃壁端有畫佛像比丘以杖頭倚觸佛面故也五燈閣夜多主羅閱城敷揚頓教彼有學衆惟尙辯論首者徧行一日不臥六時禮佛清淨無欲祖謂彼學者曰汝師與道遠矣設苦行歷於塵劫皆虛妄之本也學者曰尊者蘊何德行讓教師耶祖曰我不求道亦不顛倒我不禮佛亦不輕慢我不常坐亦不懈怠我不一食亦不雜食我不知足亦不貪慾心無所希名之曰道時徧行聞已發無漏智祖復告徧行曰吾適對衆挫抑仁者得無惱乎行曰

我憶念七劫前生常安樂因師於智者月淨記我非久當證斯陀含果時有大光明菩薩出世我以老故策杖禮謁師託我曰重子輕父一何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失二果我資躬悔過以來聞諸惡言如風如響況今獲聞無上甘露而反生熱惱耶惟願大慈以妙道垂誨祖曰汝久植衆德當繼吾宗偈曰言下合無生同於法界性若能如是解通達事理竟◎殿壁無情之物本無罪福於人然一經畫佛殿壁卽無佛在所以禮之爲福觸之爲罪韓昌黎題木偶詩云偶然題作木居士便有無窮求福人昌黎所見雖小而木偶之與佛壁均等究竟木偶佛壁何罪福之有人自爲罪福耳至若無情說法木偶未出世佛壁未現前觸之不得背之不得古德云心如牆壁可以入道言此心堅於牆壁方可入道非同牆壁無知而已須知牆壁煖然說法始得且道牆壁煖然說甚麼法若知牆壁煖然說者不妨拈起拄杖子踈跳上三十三天觸着帝釋鼻孔放下拄杖子風調雨順

國泰民安其或不然拈起也不是放下也不是未免
傷鋒犯手如賢者傾亡帝王之尊闕夜頓失二果之
位此二則可謂牆壁熾然說者下個註脚

沙彌律儀毗尼日用合參卷中